


續修四庫全書

《續修四庫全書》編纂委員會編

# 續修四庫全書



上海古籍出版社

五七八・史部・傳記類

出使美日秘國日記十六卷〔清〕崔國因撰……………一

出使英法義比四國日記六卷〔清〕薛福成撰……………三八七

出使日記續刻十卷（卷一至卷三）〔清〕薛福成撰……………五六三

2655/000

出使美日  
秘國日記

甲午小春 芝汀蔡榆



光緒甲午  
仲春付印

出使美日秘國日記 序

序

日記者記逐日所行之事鉅細不遺以紀實也出使日記與尋常日記不同必取其有關交涉裨法戒此外皆所略焉上下五千年五帝三王不相沿襲陳言均無取矣縱橫九萬里蓋地之圓山海之經荒遠可無稽矣然則日記云者記今日可記之事耳唐風曰職思其居孔子曰言思可道此之謂也外國各學均有專門名家童而習之至老不渝其講交涉者匪僅公法之熟亦恃平日於各國交涉之事所聞見者多而取精用宏也我國風氣之開僅數十年宏儒名宿或鄙夷而不屑道其閒深於閱歷得諸親嘗而固器數者既知之而不能言備清議者又言之而不敢盡將何以拓心胸開風氣哉因業醫四十年猶憶少時之學醫也取古人所論藥性病證讀而記之然後玩漢唐以來諸名家辨證立方用意之所存揣摩就熟乃以問世凡藥之偏勝者皆足以療偏勝之疾以適於中不僅驅使平易近人之草木也處方雖簡而儲藥必備牛溲馬勃不以爲世所賤而棄之苟濟於用其活人延年與青芝赤箭同是編用意相似有苦心焉願知我罪我者諒之是爲序

光緒十九年八月二十六日自序於太平洋槎那舟中

日記 卷一 序

出使美日秘崔日記

光緒十五年九月初一日晴戊刻到華盛頓小雨

中華書局影印

查金山至華盛頓計程一萬一千里五日而到途中每日尙停車十餘次以備搭客上下爲時甚久大約每半時辰可行一百八十里至二百里如途中不停兩日可到可謂速矣途中初歷崇山中松木盤鬱直挺可作棟梁次日所見皆平衍沃壤數十百里必有大鄉鎮中間荒土甚多五百年內不憂人滿聞五十年前尙覺蕭條今則蕃衍富庶甲於諸國非火車之力不能如是之速也到時出使大臣張蔭 已偕隨員問訊同車至棧恭請皇上聖安然後彼此行禮談至子刻而散寓客棧

日記 卷一

初二日晴

在客棧不能洋餐由出使大臣張蔭 送飯一饋菜三品得以飽食未後因先移入使館只空房二間隨員尙不能移 美屬阿拉斯喀在北墨洲之西北隅同治六年以銀七百二十萬圓購入美國版圖計五十八萬英方里居民甚稀今聞該地已有金礦擬由議院議撥經費選派人員查考土宜以便開闢云 因謹按美國以銀購地地實產金露地者不知地之所產較所需者實萬萬倍也古人所謂一寸山河一寸金者於此益信

初三日晴申刻雨

律師科司達來會言近數十年來槍礮之製與日俱新美國機器

廠以云者斯德廠爲著名中國近年多購此種因答曰自來復槍之製出各廠所造皆不能離此法取其指準而所透深也英廠黎斯皮代繼之那頓非爾又繼之麥新駁又繼之然不久而即有停歇者新式槍礮幾於汗牛充棟要在川之得其人耳苟非其人雖有利器不足制勝也

初四日晴

已刻接印謝

恩行三跪九叩禮拜印亦行三跪九叩禮拜發奏報接印日期摺是日札委楊恭澂爲駐日斯巴尼亞國參贊與心洪爲學生彭光譽署二等參贊汪洪震爲三等參贊李春官饒鳳起杜延祐爲隨員拜發接印摺並咨呈譯署又請撥經費文 閱前任案光緒二年九月總理衙門咨到出使經費酌定數目及川資行裝歸裝各員薪俸關防滙銀各事案然大備又已領行裝不能出洋者飭令繳回等因又咨到本衙門大臣崇奏云奏爲出使隨員亟宜慎選以杜冒濫責成出使大臣隨時考查其不能得力者破除情面即行撤回勿得徇隱奉

日記 卷一

初五日晴

旨依議讀之悚然應如何勤慎將事方能稱職 陳任案

撥付駐日參贊楊恭澂川資銀一千八百六十二兩卽於明日啟

行赴日 舊案載使館房租每月美銀五百圓每年六千圓 因

律師科司達來會言近數十年來槍礮之製與日俱新美國機器

按外洋費用之巨於此可見一斑現居使館爲鄭任所手賃價亦如前並不宏敞其宏敞者價且倍之館後外部布連業主一楹每年一萬餘圓泥沙金銀至斯而極陳任案

初六日晴小雨

是日前出使大臣張蔭 午刻見總統辭行 光緒三年正月二十四日出洋肄業局稟幼童一百二十名經費銀一百二十萬兩漸不敷用請添增銀四十九萬二千兩云云北洋大臣李批查容道本係原議章程之員美國又爲熟遊之地南北花旗戰爭亦非在定議出洋之後當議章之始凡書院之大小束脩膏火之多寡物價之貴賤該道應已一一通籌不然何以原議稟內有通計二

日記 卷一

十年經費百二十萬自無缺乏之語雖現在用費較多有原議所不及料之處然所短亦不至太巨今遠請增至四十九萬二千兩實覺相去懸甚爲數過鉅云云 陳任案

初七日晴

美國數大名城中人數若紐約若費拉得爾費若希卡果若駒樂克零若保司登人數皆有百餘萬或數十萬紐約一城以城外附近各處人民計之幾有二百八十萬希卡果人數亦視費城爲多故美國城之大以紐約爲首而希卡果次之 光緒五年正月寓小呂宋華商陳最良具呈以小呂宋官員苛稅虐政請援六年七月駐日黎參贊照日外部請設領事九月又照催之外部覆以須由藩部主政始終推諉

初八日晴小雨

明日遞

國書因率參贊繙譯等於使館先演禮 光緒三年十一月總理衙門咨稱本衙門附奏請飭出使各國大臣隨時咨送日記等因查出洋差使本以聯絡邦交採訪風俗隨所見聞參互記之交涉竅要卽在其中富強之模亦有補焉 陳任案

初九日晴

拜發呈遞

國書摺 見總統遞

國書已刻帶參贊一人隨員二人繙譯二人坐馬車至外部門首

日記 卷一

有人接入路寬不過一丈約行十丈至一小房坐房中有機器升至樓上然後出房至一處見總辦副外部卽偕行至公使客廳先有二人在焉因等亦坐定副外部以腋夾因一手借至外部大臣布連處布連立談作寒暄語遂同車至總統宮布連亦以左手夾因一手引入總統之客廳布連入內少頃總統至立堂下之中布連立總統之右因與總統對面立參贊等分兩邊立因鞠躬者三立近數步出懷中紙誦頌詞畢恭遞

國書交總統總統敬接受交布連乃出懷中頌辭誦之誦畢近前握手爲禮作寒暄語禮畢總統退因與布連亦退總統外部大臣均科頭不冠常服因與隨員皆行裝禮甚簡山外部衙門回遂謁

各國公使

初十日晴

美國米西西比河與中國黃河相似因以中國黃河屢決民人蕩析國帑多糜查詢美員據云米西西比河前此曾費銀三千餘萬得以無事然亦難恃仍恃時時防之又云美國治河以收束河身束水入海使泥淤不留此法固善但治河之法亦非一端地球各國講求水利以和闢為第一緣和國四面皆海其地勢甚低窪故於防水最切該國防水既設直隄直隄之外又設橫隄蓋直隄依水為之以防水之外溢橫隄又設於直隄之外遙隄之內即使直隄潰破有遙隄阻之又有橫隄格之水勢潰過直隄又至橫隄其力已減可以自止不至遠流修治亦易也因聽其言歸援筆而記之 謁美各部堂官三日而畢

日

記

卷一

五

十一日晴

航海會委員陳恩燾買凝禮到 謁外部各部見戶部大臣談及美國出口貨物據云美國出口棉花計值銀二百五十兆圓糧食計銀一百五十兆圓油肉兩項計銀一百三十五兆圓牛羊豬三項計銀三十二兆圓共數少者未能全記已五百七十二兆圓合中國銀五萬萬兩零矣

十二日晴

謁議院紳 美軍器廠創造氣礮久已著名光緒十年法爭越南

時中國大吏李鴻 張之 向購以不能試驗未成近聞德國有

人名葛魯生者已能仿造未知確否 光緒四年二月總理衙門咨稱自天津條約議定以來中外交涉事件無不照章辦理而各國猶有辭因以貨物出入內地釐捐不歸管轄一體均需四端反覆辨論令告美外部可謂詳盡 因按外國與他國交涉無不好佔便宜中國於外洋入口之稅所訂至輕查內地江河泰西各國向不准他國之船行駛今准其運入內地乃欲并釐捐而除之是將求其貨物成本愈輕以奪我出產之利也滬上租界章程其初議本未當乃欲推及他處干預我之內政此必不可行者一體均需即泰西報施之約平等交涉豈有有施而無報者豈有不施而

日

記

卷一

六

索報者彼族習於我

國之寬大隨處覬覦誠宜有以限制之也 陳在案

十三日晴

答拜陳恩燾買凝禮該員以客棧食用太費請借使館暫寓允之 查美國大書院有三百六十所分布各省讀書其中者六萬九千餘人小書院不可勝數民間子女幼時無不讀書即黑人亦無不識字可謂教養兼備矣

十四日晴

陳買二員移入本署 謁律師科司達 美國鑄銀錢之局每鑄銀一兩可獲利二錢五分鑄銅錢之局每鑄一千斤可獲利銀九

百兩 因謹接外洋官商通用無所謂計兩之銀也各國皆以本國所鑄之錢交易亦不用他國之錢也其不計兩者防奸人之減平減色所以便民其不用他國之錢者防本國之利為他國所侵所以裕國中國戶部寶泉局歲鑄大錢大抵以十萬之本鑄五萬之錢是於國無利矣然猶曰欲以便民也乃制錢一出而奸人輒銷燬以售銅或以改鑄偶有破案置之太辟是不能便民而且以病民矣其弊由於錢質重故銷者有利鑄法不精工故私鑄易仿為也因警奏陳其弊矣

十五日晴

美國各埠前用火車馬車者今開改為電氣行車華盛頓已有之

日記 卷一

七

較之馬車為速而聲不嘈雜且無煙氣聞英法各國均有之 光緒四年十一月出使大臣郭咨稱華商稟言英屬域多利征華人身稅按名四十圓請告英政府刪除當即咨照英外部外部覆稱已咨藩部核辦等因 因查華民所寓英國屬地如新加坡新金山卡拏大均有身稅法於越南日斯巴尼亞於小呂宋古巴荷蘭於三寶瓏均征華人身稅泰西嗜利無厭其情然也域多利地方近日仍收華人身稅則此例藩部實未除矣 陳任案

十六日晴

律師科司達偕其夫人來拜 再謁各國公使英公使俄公使西班牙公使均見 中墨洲哥斯答立愛國版圖甚小約抵中國兩

府人數計二十餘萬而善於經營五十年前國家進款不上二萬回近年竟增至四百萬圓其出口之貨以茄非為盛云 光緒五年二月奏派山域治埃爾商董等因 因查地球圖太平洋島國俗稱為檀香山者又名夏威夷泰西實稱為三德梳崙其都城名霍納奴奴附此以備參考 陳任案

十七日晴

送律師荆緞一疋熟羅一疋虎皮一張五層磁盒一對 因聞美國郵政局近歲入款至五千萬圓可謂鉅矣泰西各國皆以此為入款之一至派大臣以經理之如美國之有郵政大臣是也中國以驛站遞公文以信局遞書信分而為二以視泰西之合而為一者殊矣驛站之費每年約費國幣三百萬兩以視泰西之作為進款者又殊矣驛站便官而不便民以視泰西之官民均便者又殊矣古之聖人見蝌蚪而造字見蜘蛛而造網見轉蓬而為車見竅木而造舟固取法於昆蟲草木矣又何必以外國而鄙棄之哉

日記 卷一

八

十八日晴 是日甚暖可著單衣

美國鍊鐵廠每年所出鋼鐵一千三百萬噸其鍊鐵廠內鑄鐵之爐五百餘座壓鐵機器四百餘件壓鐵之爐六千餘具化鋼之爐不可勝計其法亦多造鋼之廠計一百三十餘所三十年前每鋼一噸值銀一百四十兩自新法出而造成較易近日每鋼一噸只值銀二三十兩計每年所用鋼四百兆噸所省銀三四百萬兩然



則新法之益大矣

十九日陰 申刻以後雨

英公使俄公使來會 美國農民種地及果木每年納地租銀五萬五千圓 光緒五年五月北洋咨稱美國賠款盈餘銀兩酌商

交還濟用等因 因查此項本銀二十萬圓歷十四年息已逾三十萬本息共五十餘萬圓足見外國善於理財嗣於鄭任一律收

回矣

二十日雨

米建威來謁自言曾至中國見李傅相盛宣 馬建忠 美外部

布連派黑人德禮時為駐奚公使欲該島歸美保護並三德明哥

島亦歸美國保護 光緒六年五月駐日參贊寄到安南與日國

和約計十二款蓋光緒三年所訂也其第六款如日國人民在安

南犯案應由日國領事查辦照日國例定罪如安南人民在日國

犯案亦按照日國例定罪顯有軒輊此歐洲與亞洲立約習氣也

陳任案

二十一日晴

各國產金以美國為最多按年計之聞美國歲出六百八十七萬

磅新金山五百六十九萬磅俄國四百一十八萬磅中國七十萬

磅印度六十七萬磅德國三十一萬磅日本七萬磅義大利二萬

磅 光緒五年十二月南北洋大臣咨到

上諭福建船政局近來專徇情面濫竽充數提調監工不諳洋務

所造輪船難以適用虛糜薪水出洋學生近來多入耶穌教等因

因按從前沈文肅嘗言船政局講求造船大臣不如監督監督

不如工頭其信然歟出洋學生入教由於提調失人近且有肄業

學生失業之事廢弛真不可問矣尋於光緒十一年撤回陳任案

二十二日晴

借畢士璧陳恩賈凝禧三人往外部赴航海會并見總統 總

領事左庚赴金山 光緒五年十二月洋員副領事傅理祕來函

云美國上等人因中國派為副領事均以禮相待惟埃利士工黨

聲言將其刺死然不足畏蓋深悉工黨之情形云 因按工黨之

妒華人已非一日惟彼時美國官紳尚未顯附工黨今非昔比矣

陳任案

二十三日晴

赴航海會此會應推一人為主議英水師提督推美國水師提督

為主議眾允之水師以英為最強故創言由英而眾不敢抗孫武

子所謂勇怯勢也強弱形也 因謹按美國創航海會其實美國

兵船殊不足稱而商船則差勝查兵船之數英國五百十六艘法

國三百四十二艘德國二百五十二艘義國二百二十二艘俄國

二百二十艘中國九十六艘日本國八十六艘查商船之數英國

四千八百八十五艘德國六百四十艘法國四百九十艘美國四

百二十五艘俄國二百二十艘日本國一百七十二艘中國四十  
二艘 因謹按以上各國俄英之土地稍廣於中國而一則荒寒  
磽瘠不如中國之膏腴一則散碎奇零不如中國之生聚至論其  
民則惟英俄得中國之大半其他德法各國皆不過十之一耳然  
其進款皆四倍於中國則以商務之盛也中國自開關以來均以  
貴粟重農爲本以商爲末自是王道然弧矢之威一變而爲槍礮  
天塹之險一變而爲坦途議守讓戰其費百倍於前人商務不興  
費必不給物窮則變聖訓有明徵矣

二十四日晴

聞東洋益奇謹地方大遭水災漂沒人數八千 自有遠鏡以來

日記 卷一

以美國之鏡爲最大所見亦最遠其第一大者在金山山顛其鏡  
寬三尺六寸係美國大富戶里克創成故名里克千里鏡里克因  
創此鏡先修房屋費一百萬餘圓山此鏡窺天水星已可明白其  
中有地有河有海有島有冰雪有雲一一可辨第二鏡在華盛頓  
因往觀之其房爲圓形有機器可旋轉如意鏡面寬三尺餘長約  
二丈餘以機器運動南北東西均可準對以窺天則無星處多有  
星且有紅色藍色者以窺月則月中只見水溶溶然其光射目不  
可久視及目離鏡則目光晃耀不能見物閉目久之方可復元與  
視日彷彿矣察天文之總辦爲因言天行至遠遠鏡之架以電氣  
運之其運之之遲速一準於天之行然後可以久視而見之否則

天行而遠鏡不行不過刻許而星已離鏡矣

二十五日晴

美國地利向謂北多礦產南宜植物近日查考則南境亦有礦且  
有一礦而煤鐵分列左右於製造最爲便利者南礦之開又漸多  
矣 因謹按美國之礦甲於地球而習礦學者多開礦者亦多殆  
所謂有土有人有人有財乎中國之礦泰西各國均以爲極廣而  
鄙言洋務者乃創言爲天地留不盡之藏置目前之急務而不與  
是說也 因竊疑之

二十六日晴 夜雨

美國內部大臣新建苛制華人假道三事電達各口岸稅司遵行

日記 卷一

卽商之律師議與駁詰 美國各部公事皆用女人謄寫列肆亦  
用女子郵政局寫字亦用女人每月工資銀五六十圓至八十圓  
不等聞英國亦然 檀香山爲大東洋之島國地廣人稀華人趨  
之者衆土人忌之光緒六年派主事朱和鈞往查於次年奏設領  
事矣而檀國以兩國無約於公法不合遂改領事爲商董焉 因  
按墨洲開關僅二百餘年土人皆黑種而甚少各島尤稀故華人  
相率而往保護無人故土人嫉之公法設領事必由主國給准照  
檀島以無約不給准照則無保護之權故改爲商董亦權宜補苴  
之計耳 陳任案

二十七日晴

日本附輪赴檀香山之民是次計一千八百名 美國紳士言煤油之利實創始於美國創始之時初開一井第一年出油五千桶每桶三百斤以後開井日多次年即出五十萬桶第三年出二百萬桶至一千八百七十年出六百萬桶一千八百七十四年出一千一百萬桶一千八百八十年出二千六百萬桶一千八百八十二年出三千一百萬桶本國不可勝用始出售於五洲各國俄國所出亦多自一千八百六十三年巴庫地方出煤油五千餘噸以後漸多至一千八百八十九年遂出三百三十萬噸始以美國為最多者今俄國又出於其上且用以代薪地不愛寶任有力者取而用之耳 因謹按土為萬物之母天下之物未有不生於土者

日記 卷一

十三

也開礦之事或以為洩地之氣或以為盡地之藏不知地之厚三萬里地球開礦其至深者至七十丈止矣尙未及數萬分之下而何能洩其氣又何足盡其藏乎惟不得其人不得其法則雖言與利而無利可與不免皆謬耳

二十八日晴 中夜大風送雨

德國開議院以修武備整頓水陸軍立銀行究辦會黨設理藩院專理本國屬土事宜為要務德皇即擬親遊各國會晤各國君主以修睦誼固邦交 光緒六年二月古巴領事以古巴約成照會古巴總督山日國備船送回被拐之生員洗佐邦李貞元守備廖楚安楊大志老年陳羅等七名又釋放監禁之華工若干名給以

執照等因 因於光緒十五年三月奉

使美日祕會至總理衙門考究前案知古巴之虐待華人始由美領事英國禁奴會發之各國皆不以日國為然日使初猶囁強繼派員查明屬實乃始就範立約而華人出水火矣 陳任案

二十九日大雨 天氣轉寒午正下爛雪至地而化

南亞美利加厄瓜多國惡愛基埠地方以華人入境日多議禁華人入境 光緒六年美國約各國議防黃疫名為防疫會議者十八國中國公使與焉考其所議以所居潔淨為本防生疫也以查驗入口之客民為事并令領平安之照為憑防染疫也議多委瑣繁重必不可行卒以罷議 因於此見美國之用心為各國客民

日記 卷一

十四

之來美者年多一年美之民數驟增蓋有人滿之慮矣藉此限制客民之來亦一策也 陳任案

十月初一日晴

昨訪事人問於下院議紳布郎曰將來會議時禁止華人一事何以處之布郎答曰此事我與諸紳意見不符以為有背和約會駁禁絕華工之例華人在此受美人凌辱美廷不為補救殊屬不公華人素性勤慎天資靈敏謹遵國法絕無滋擾作亂營鑽於官場等事惟只好吸洋煙然與美人飲飛時記酒無差焉華人既受美人欺侮我固謂其不必來美我亦不敢謂華人之可盡行逐回也 初二日小雨晴

請英俄日祕檀香山各公使美按察司律司科士達薩祕使未到  
聞英公使言前曾為香港總督又云印度電綫共有三萬三千  
餘英里所發電報計二百九十餘萬次計收報費銀十二萬餘兩  
除費用外餘銀四萬餘兩因又詢英公使使館章程英公使云自  
公使以下辰正入公事房各辦所司之事申正則息至使館所用  
鋪陳器具除客廳公事房大餐房歸公費購置外公使及參贊隨  
員各房所有鋪陳器具均由本人自行購置卸任時估價售與後  
任仍不相強

初三日雨

前紐約領事易學瀨來見仍返紐約 光緒六年四月直隸督閣

日記 卷一

十五

督部堂李咨准總理衙門咨稱小呂宋華民五六萬以該處苛例  
日增應設領事保護等因 因查此舉至今十餘年未能議妥情  
不於古巴立約時趁日國外畏人言一齊訂定近恐不易成矣  
任案

初四日 東南風大雨未以後晴露見日

聞俄皇赴德會德皇德相畢思麻與言時事謂宜保全和局俄皇  
曰如德不先啟費俄決不為戎首請勿疑也畢思麻又言德奧義  
之盟非欲與俄為敵德英之好亦無妨於德俄之好也 光緒六  
年八月直隸督閣督部堂李咨山天津至上海設立早綫電報以  
通軍報而重防務等因 因查電報之速頃刻萬里呼應靈捷最

宜於行軍方兩國齟齬之日戰局和局須臾而變即戰局已開為  
戰為和亦須臾而變如無電報則此處已決裂而彼處猶不知敵  
國來攻以備應戰是束手就斃矣方罷戰議和之時和事已定訂  
明息戰而他處猶挑戰是又違公法矣有電綫則無慮是 陳任案  
初五日晴

中國楊柳交秋即落葉望冬禿矣此地楊柳浚冬不凋可知天下  
之理甚大未可以所見所聞概之者此其一也 光緒六年九月

總理衙門咨稱七月十八日美國修約使臣來京續修條約等因

因按此即中美續約所由成也約首言華工日往日多彼此商  
酌變通而第一款即定年數人數之限且言限制進口蓋此時已

日記 卷一

十六

露禁工之端倪矣 陳任案

初六日晴

美國戶部章程凡本國大小貿易概不收稅惟外國貨物入美國  
銷售者則重其稅至有值銀千兩而收稅五百兩者蓋欲使本國  
之人購本國之物庶金銀不漏於外也查美國立國之初有數省  
不隸美籍者美廷特重其稅使知屬於美者稅可免不屬於美者  
稅必重卒至望風嚮慕隸入版圖近年以來墨洲之地凡屬他國  
者如英之卡拿大日之古巴自主之國檀香山皆因美國收入口  
之稅太重而商民欲隸美籍也見於報者屢矣將來或有變更乎  
初七日雨

聞美國水軍提督某於初九日西十一月十一號由紐約將所統兵船駛赴歐洲葡國日國及各國俾精駕駛用輪而外兼用帆行至歐洲後並往他洲以誇耀本國人才之盛戰艦之堅俾各國不蔑視光緒六年九月金山領事報到美國嘉省新議凡不准在本省隸籍不與投籌公舉省員之別國人等不得請領牌照不准華人設舖不准僱用華人徒華人於境外不准捕魚工黨揭竿以逐華人云云 因按此時太平洋一帶已嫉華民而顯言不與投籌公舉其用意可知矣 陳任案

初八日晴

光緒六年十一月金山六會館稟華人自相戕殺尋讎不已云云

日記 卷一

十七

因查美國此時上下已惡華人行爲如此宜美國輒以有礙昇平爲辭查商家多係正人其不安分者大抵游手之徒不爲鄉里所容遁逃至此耳外洋刑罰甚輕非有互交逃犯之約公使領事均無權嚴懲之也 陳任案

初九日晴 大霧

天津來信云鐵路已停不辦 光緒六年十二月金山領事稟稱

兇惡強徒互相朋比各持槍刀白日截殺云云華民行爲如此宜

美國之不相容也可慨也夫 陳任案

初十日晴 是夜天氣轉暖得雨

五更起盥洗黎明率使館各員恭祝

皇太后萬壽是日已刻設筵席中刻設酒席應諸員航海委員陳恩靈買凝融亦與醮 光緒七年七月高祕魯華民稟稱被拐來祕之數萬人今遭智利攻破祕國土豪串同智利兵官強據販賣已數千人請速援救云云 因查祕魯強預智利與玻利斐亞戰事左袒玻國戰敗智兵入共都城中國高祕之民尙未設官保護而粵人亦有助紂爲虐於中取利者故惟此孽也 陳任案 十一日大雨 東風未後晴

洋員柏立病重久不到館蓋半年矣富與律師商酌設法裁之

光緒七年閏七月二十九日爲咨解事案照本大臣奉使美日祕

三國所有頭年出洋經費等銀經江海關道解到庫平銀二十萬

日記 卷一

十八

兩現經費道台面商劃出庫平銀八萬兩交與貴招商總局其銀隨用隨提乞將收到日期見覆須至咨者右咨督辦輪船招商總局卽選道唐徐鄭任案

十二日晴 轉涼

光緒七年八月委辦輪船招商局爲中覆事八月初二日奉此查前項庫平銀八萬兩當於本月初一日如數兌收聽候隨用隨提不誤 因查此款於光緒十一年八月結案鄭任案

十三日晴

查各國疆域以英里計英國連屬地八百六十餘萬里俄八百五十餘萬里中四百四十餘萬里美三百五十餘萬里巴西三百二

十餘萬里土耳其一百八十餘萬里法一百餘萬里和六十餘萬里德三十餘萬里奧二十餘萬里日本十四萬餘里比國一萬餘里 因謹按日本版圖抵中國三十分之一耳而嘯強之勢不可嚮邇自夷琉球後而法人生心於越南英人蠶食於緬甸皆日本啟之也中國之形勢何至不如日本而日本乃敢於侮中國哉

十四日晴

十月吳編修嘉善移容副使文照得出洋駐美肄業局各學生業已奉文收局惟局屋係貴大臣與前在事諸人議建現惟有仍由貴大臣暫行派人看管或留或變價歸公亦應統由貴大臣酌定辦理其局中器用各件亦一併列簿照交希即查收又貴大臣原

日記

卷一

十九

交洋字帳單七箱帶回無人認識應仍檢出移交以便查校又交來單據工匠估開約須修理銀一千貳百圓繙譯核開洋明年通年地稅銀二百七十二圓又明年通年保險一百五十圓看管工人二名至明年洋六月底止薪工銀共四百六十圓煤炭水火一百四十圓俱明年洋六月底止如數備具銀兩同局屋一所局中器用帳簿一本原來洋帳七箱統移貴大臣查收并希即賜收到公文見覆施行 鄭任案 因按此移文可謂光明正大一相形開而賢否見焉

十五日晴

古巴領事譚乾初曹廉來 十二月覆古巴總領事書云以該島

當日之事勢而能有今日辦理之情形始始願所不及者官工所既經撤去華民滿工者均得為自主之人雖其行街紙章程朝令暮更華民不免受累然較之從前之被虐相去懸絕况各國俱已照辦我國自應從眾開下於各埠分派代理每照許給銀紙一圓經費無須另籌而能使權自我操洵為善法 鄭任案

十六日雨

譚乾初曹廉赴古巴任 十二月總理衙門咨到陳大臣第三次報銷奏准案內抄原奏滙水折耗一欸據該大臣冊開奉撥經費由上海滙至倫敦再由倫敦分滙巴黎馬得力華盛頓等處轉折愈多折耗愈鉅惟各國公使經費均由上海滙至倫敦又由倫敦

日記

卷一

二十

分滙各出使大臣均未開報滙水折耗名目此次擬照案准銷仍知照接辦大臣鄭藻 令共向會紀 等將收支經費章程詳加考訂嗣後冊報應歸一律以免紛歧等因又冊開滙水折耗用銀二萬一千三百四十三兩零三分五釐 因查本年共用銀十五萬九千三百零七兩七錢七分而折耗如此蓋八五折矣 鄭任案

十七日陰晴

查各國民數中四百兆英二百五十六兆俄一百二兆美六十四兆法六十一兆德四十五兆奧三十九兆日本三十六兆土耳其三十二兆和二十二兆巴西十二兆比五兆 光緒八年三月函復古巴總領事云歐美兩洲風俗飲食男女最為切要若欲撥絕

酬應專務辦公於事斷難有濟然亦必須胸中具經緯者方能於酒食徵逐之間善榮辱樞機之用不然或輕佻浮蕩為彼所輕或恒舞酣歌忘民之事亦未見其能有益也 鄭任案

十八日晴

前美國總統格蘭脫之子來見談次知為格總統之第三子也

三月美國戶部抄到光緒七年中美條約第二款彼此不得私運洋藥入境 鄭任案 因查美國稅關仍准洋藥入境不過收稅極

重近議每洋藥一磅<sup>計十兩</sup>收稅美銀十二圓又查泰西各國之於煙酒收稅至重以其非民生日用所需也若夫美之於洋藥且之於呂宋票祕魯之於賭局戲園皆征重稅蓋以為禁之而終不能

日記 卷一

二十一

絕不如征稅以困之則不禁而禁之意亦於虞書之贖刑漢書之輸邊有合也

十九日雨

美國新聞載俄國撤馬兒罕鐵路已造竣裏海以東火車來往便利此地至中國塔什干只五百八十里亦已興工添造 四月兩廣總督張咨稱小呂宋島華商公稟請設領事所有經費該商等情願籌備等因十一月北洋大臣李咨情節相同并抄到華商稟呈小呂宋苛政十六款華人入境有費驗病有費註冊有費身稅按年六圓女三圓修路醫館買賣貨物牌照出境節節有費匿者重罰華人與土人爭無論曲直罰充苦工土人戕殺華人不過

監禁種種虐政不可勝數九年四月其稟恭親王派員往查實在情形並擬設官章程七條及經費每年四千兩究未辦成 鄭任案 二十日雨

比利時為歐洲之小國向與荷蘭同壤後分為二國地少而人多所出之糧不能供食專恃製造通商以為國用計通國製造之廠有二萬六千六百餘所需用之人約五十萬各廠進項每年有二千一百七十七兆法蘭克合中國銀三萬萬餘兩耕種之人每年每人可得銀一百九十餘兩工作之人則五倍之其他如紡織如屠宰如酒如煤如煤礦如絨如鐵廠如機器廠所入之款甚鉅 二十一日雨

日記 卷一

二十二

英國裴達直銀行用司事者九百人薪水每人四百兩至一千八百兩不等每年薪水約八十四萬兩行中所存現金銀自六千萬至八千萬不等所出之票約八千萬兩每年進款約八十萬兩國債約三千萬兩每年繳英國國家滙票稅銀約二十八萬兩可謂大矣

二十二日晴

英員由印度遊中國者見中國之東三省謂須加意經營否則將為俄人所攫俄人經營西比里亞等處鐵路必通至黑龍江琿春地方鐵路既成則中國無從措手而英之印度亦可危矣印度一區英與法苦戰幾三百年方能據而有之俄得印度則東方商務

必敗而新金山亦危矣

二十三日晴

六月總理衙門咨到奏釐定寶星章程單開頭等第一專贈各國之君頭等第二給各國世子親王宗親國戚等頭等第三給各國世爵大臣總理各部務大臣頭等公使等二等第一給各國二等公使等二等第二給各國三等公使署理公使總稅務司等二等第三給各國頭等參贊武職大員總領事官總教習等三等第一給各國二等參贊領事官正使隨員水師頭等管駕官陸路副將教習等三等第二給各國副領事官水師二等管駕官陸路參將等三等第三給各國繙譯官遊擊都司等四等給各國兵弁等五等給各國工商人等

日記

卷一

二十三

二十四日晴

六月總理衙門咨到巴西國條約十七款於光緒七年八月十七日訂定該國志在招工而全約并未言及者蓋為李傅相所制也嗣巴西相臣錫呢布求賞寶星據情代請當經總理衙門奏明賞給頭等第三寶星鄭任案

二十五日小雨

六月咨復浙江巡撫請購造槍彈機器云准貴部院咨開據軍需善後總局司道詳稱浙省前購各式後膛洋槍現存無多各式槍子為數有限時時購自外洋不能自行製造甚非長久之策浙省

日記

卷一

二十四

昔年所購之車床鑽床刨床汽機馬力等項俱尚可用若再添購槍子機器小副及軋銅皮等機器自可自行試造等情據此相應咨請飭員代購新式簡便中針槍子機器一副林明敦馬的尼子模各一副軋銅皮磨棍一副英尺二十餘寸大車床一副并各機器應配輪軸各件及零星各件均祈酌度配辦其新式哈乞克司及云啫士得槍二者孰為輕利便捷價值若干并刀頭矛頭槍子各價亦請咨督函復等因到本大臣准此查製造槍子係屬專門機器浙省前購之件想皆製器之器未必可通於製造槍子此時既議添購造子機器則其器之力量大小與須添購某式若干均非可以懸揣而得倘有外誤恐難適用徒費鉅貲擬請派員攜同明白工匠先將浙省原有機器逐一查明或令再赴上海製造局將製造槍子各器亦行遍查酌量應添某器若干即就近在於上海洋行面訂包運庶無短損及參差不合之慮云云 因督聞之吳春帆京卿言製彈之銅與他銅迥殊自捲片以至春殼提不淨者則春必裂且春坎之力亦不同錠之於膛如溢一絲則不能入膛縮一絲則氣泄而彈不遠其中精微奧妙非考究有年不知也志之以為購外洋機器者告鄭任案

二十六日大雨

美國太平洋將軍米利司招集該處議院紳士會商太平洋灣一帶地方之善策紳士麻勞云宜建造砲臺台請撥款一百兆圓以



為建築鑄鐵之需內二千七百萬圓以為三藩昔士哥即命海防經費

二十七日兩

八月北洋咨稱美國棉花籽種八百磅發交趙州知州楊蔚散給民間布種華洋土性不無異宜咨請將美國種植之法譯寄等因

因嘗詢訪種棉之法咸稱王瓜能生之地棉亦能生其土宜燥則北方天時地氣似亦相宜惟人工甚勤尚須時時芸草去蟲若惰農自安則花漸瘦絲亦漸短矣鄭任案

二十八日兩陰

十一月總理衙門咨到內開准貴大臣咨稱滙水折耗情形查美

日記 卷一

二十五

日各署俸薪除日都使署距倫敦稍近滙寄無甚折耗可不計外所有美都金山古巴三處每年約支俸薪七萬餘兩共需滙水銀二千餘兩作正開銷將來祕魯開辦亦照此核給等因 因查以後鄭任所報較陳任原數約十之一鄭任案

二十九日兩

是夜美國華千拿省沿海起風漂覆船艦甚多 十一月奏請設立紐約領事咨呈總理衙門大意謂美國西邊為太平洋為金山埠東邊為大西洋為紐約埠近紐約華人亦漸多且其地與古巴相近華人由華往返必由之徑酌設領事以資保護云云鄭任案

三十日晴

接江海關道龔照 電云經費已撥 十二月總理衙門咨為美

國會商頭黃經度事十年八月始開議英國日本專派人員餘多

以公使代集美外部衙門派定精通格致人員畢遂請決議一綫

界眾國奉為中經綫美國赴會博士魯他科乃言於眾請以英京

格連濱除綫為首綫法員不從英員爭之一時互相辯論頗為喧

沸美國管理航海事務人員聲言於眾曰茲有請者貴員等若能

以格連濱除為中經綫請即定之不然勿議可也緣英美兩國刊

刻輿圖向以該綫為首今若更易中綫則前圖盡廢在英則須一

兆磅之銀方能補改刻之費在美則須一兆圓之數也實屬萬難

遵行遂定鄭任案 因少時讀爾雅四極嘗疑之其文曰距齊州

日記 卷一

二十六

以南戴日為丹穴北戴斗極為崆峒東至日所出為大平西至日所入為大蒙者周天之度赤道溫帶皆戴日也且戴日之南為冰洋則地尚有在日之南者矣不止於丹穴也黃帝氏訪道於崆峒山則崆峒非極北近年由那威國探得戴斗極者為北冰海其地實未見山焉測天者經綫有盡處而緯綫無盡處經綫盡於南北極如輪之軸有兩端以一端為南一端為北是也緯綫如輪之匡循之無端如中國所謂大東洋美國以為大西洋也美國所謂大東洋歐洲以為大西洋也中國赴美由大東洋指東可到由地中海指西亦可至也中國之午刻即美國之子刻中與美互為晝夜則中國之日出即美國之日入合地球而論之無處非日出日入

之地日出之地即日入之地日入之地即日出之地蓋以地球每日旋轉一周其初向日之地即爲日出其初背日之地即爲日入日本不動安有所謂出入者哉頭黃經度美願以英爲中綫而法爭之亦以經綫有南北而無東西隨處皆可以爲中綫故可以爭美之格致家但能以刊圖經費藉口而終不能以是非爭者此也十一月初一日晴

光緒九年四月請設紐約領事一摺奉

旨依議當即開辦 因查紐約華民約五千人工黨亦惡之而官紳尙有權故尙無驅逐焚殺之禍鄭任案

初二日晴

日記 卷一

二十七

六月總理衙門寄到一案內載光緒四年五月初六日閩浙總督何文稱美國佛叻士別喇帆船在恒春縣紅頭嶼地方觸礁擱淺經琛航輪船并地方文武盡力保護旋報帆船自焚據臺灣道夏獻綸稟報前來於本年三月初六日咨呈貴衙門登照在案嗣據夏道稟稱二月初二日夜諾挨士目視該帆船被焚殆盡乘另僱之安灣小船鼓櫂盡去恭赴香港領事魯陵處呈控魯領事據諾挨士一面之詞判斷華民焚搶屬實山恒領事函知夏道訂期赴臺會查等語當經飭令夏道將帆船起火情形詳查迅復會商妥辦具報旋據夏道稟稱恒領事於三月初八日抵臺該道即往與會晤詢知前此駐泊帆船旁邊之美國兵船船名噠噠當提集琛

船管駕林高輝等及英國領事費德里等到案會同逐細研問據李辭等僉稱二月初二日諾挨士偕兵船官尋覓礁跡是夜十一點鐘帆船火起該兵船放礮懸燈示將往救帆船上海人不挂回號至初三日天明六點鐘諾挨士由噠噠兵船回入安灣小船即催喝何以尙不開船不問帆船如何被焚旋即開行等語美國兵船各兵官皆目視其事船主諾挨士稟云該船於西曆三月初五夜在龜仔角被土人放火燒燬該船并船內貨物價值若干現欲向中國索賠等語嗣英領事不以爲然美兵船亦駁之遂結鄭任案

初三日雨

日記 卷一

二十八

近有美國人股尼奴文自越南歸述越南近事云法得越南後設總督以治民派將軍以守境文武不能和衷武員專事殺戮越南苦之商稅又重商人裹足華人出港入港均收人稅時有英商小輪船名烏利鴉在英只收船鈔二十元日本長崎收七十元橫濱收五十元香港收四元出入海防則須三百零二元二角可謂重矣

初四日雨

七月北洋大臣咨內開李攀桂撤回學生撥入水師學堂肄業乃因父病潛赴美國迅速勒令回津等因 因查李攀桂已與梁姓在紐約開設店鋪名爲梁李公司鄭任案

初五日 雨晚大霧

九月美外部照會云此會名曰賽天下技藝及棉花百年大會乃美國朝廷及種棉會館並紐瑪連城官民協力辦理美國棉花初次運赴外國通商之事迄今已及百年故專賽各種棉花棉貨兼賽各國技藝製造土產礦產等件以見百年之間諸務振興教化日進本國總統深願  
貴國朝廷屆期派員赴會云云 因查美國之於棉花如此其重宜其棉花通行地球獲利無算也 鄭任案

初六日 侵晨見日又陰

九月夏威仁國送到普魯書譯其畧曰我國朝廷聞某國君主借

日記 卷一

二十九

某屬地有謀吞波利彌施亞羣島中之數島暨亞記祕理高島之事我國見得此舉是以特作此書力拒其謀敬告於各大國願各大國同認波利彌施亞各島皆有不能讓人之利皆得自享求進之益皆可操其自治之權並請保護各島得與敵國共享此等平康之機會俾同附於萬國之中也 鄭任案 因按此藉各國之牽制以圖存亦無可奈何之策也然而歐洲諸小國之不止者多山是矣

初七日晴

英屬卡挈大地方官已奉英廷之諭飭將哥林卑亞全境所立徵收華民之稅例脩改俾薄稅斂減取人稅以免妨礙中英和好云

云 十一月出使德國大臣咨為和國街奇會官貨酌留使館照原價歸款云云當經酌留棹椅屏彩各件 因查其時銀價每規銀三兩九錢可得英金磅一較之今日大懸殊矣 鄭任案

初八日雨

十一月片奏開辦祕魯使事十年閏五月奏啟行前赴祕魯六月二十九日到祕魯都城查得祕魯田寮虐待華人督工者鞭撻晚則鎖腳置於黑監工期已滿仍復指留擅造合同強擄入寮工作日夜不息私刑拷打合同已滿又復轉批數年祕魯之戰殺戮尤多到祕後與祕外部仗義執言一一請除當已次第辦妥矣 鄭任案

初九日晴

日記 卷一

三十

俄皇至土耳其國見其君主開宴盡歡土君因請俄皇保全和局前此智祕之戰祕都為智兵攻破華民被殺者一千餘人近鄭大臣託美國駐祕公使勞觀代請賠卹勞觀往謁智國外部大臣坐談良久外部曰邇者智國帑藏日竭外耗日多不得不極力防維以保國家利益近來各國咸向討債幾成援例之事竟有無數祕民不能度日者設局假冒破失財產藉端求債以為餬口計及請公正人細查其中妄報不實之欸不下數百起戶部因為所困至於華民一節其中習業體面者固甚稀少此乃公衆所共知無論性命財產遭沒於智人之手為數亦屬有限況智人於華民財命兩端均曾竭力保護此又不辨自明者也無所賠償 鄭任案

初十日時

美國開議院謁上議院首紳 德皇與后坐兵輪偕至義大利國

又至土耳其國 查美國議院章程上議院紳共八十八人下議

院紳共三百三十二人上議院紳六年一任下議院紳兩年一任

院紳每省舉兩人上議院紳每年俸五千元下議院紳每年俸五千元上議

院長即副總統每年俸八千元下議院長每年俸八千元 美國

共四十四省茲將各省之名與各省舉下議紳若干人并各省總

督年俸列左 阿把巴麻省准舉下議紳八人總督每年俸三千

元兩年一任阿甘色省准舉下議紳五人總督每年俸三千五百元兩年一任

加利寬尼亞省准舉下議紳六人總督每年俸六千元四年一任科

日記 卷一

三十一

羅拉都省准舉下議紳一人總督每年俸五千元兩年一任干捏底吉

省准舉下議紳四人總督每年俸四千元兩年一任特爾拉華省准舉

下議紳一人總督每年俸二千元四年一任佛勒爾勒釐省准舉下議

紳二人總督每年俸三千五百元四年一任若耳治省准舉下議紳十

人總督每年俸三千元兩年一任埃大昂省准舉下議紳一人總督年

俸任期末詳奕倫諾爾省准舉下議紳二十人總督每年俸六千

元四年一任英釐安納省准舉下議紳十三人總督每年俸五千元四年一任

埃阿瓦省准舉下議紳十一人總督每年俸三千元兩年一任甘沙

司省准舉下議紳七人總督每年俸三千元兩年一任干德紀省准舉

下議紳十一人總督每年俸五千元四年一任魯西安約省准舉下議

紳六人總督每年俸四千元四年一任緬省准舉下議紳四人總督每

年俸二千元兩年一任馬理蘭省准舉下議紳六人總督每年俸四千

五百元四年一任麻沙朱色士省准舉下議紳十二人總督每年俸五

千元一年一任米氏根省准舉下議紳十一人總督每年俸一千元兩年一任

閩尼所達省准舉下議紳五人總督每年俸五千元兩年一任密士

尖必省准舉下議紳七人總督每年俸四千元四年一任密蘇爾釐省

准舉下議紳十四人總督每年俸五千元四年一任曼他擊省准舉下

議紳一人總督年俸任期末詳臬布拉司加省准舉下議紳三人

總督年俸二千五百元兩年一任泉華大省准舉下議紳一人總督每

年俸五千元四年一任紐罕什爾省准舉下議紳二人總督每年俸二

日記 卷一

三十二

千元兩年一任紐折爾西省准舉下議紳七人總督每年俸五千元三年一任

紐約省准舉下議紳三十四人總督每年俸一萬元三年一任北略

爾勒那省准舉下議紳九人總督每年俸三千元四年一任北打科大

省准舉下議紳一人總督年俸任期末詳倭海阿省准舉下議紳

二十一人總督每年俸八千元兩年一任阿理干省准舉下議紳一人

總督每年俸一千五百元四年一任賓夕爾勒尼安省准舉下議紳二

十八人總督每年俸一萬元四年一任洛哀倫省准舉下議紳二人總

督每年俸一千元一年一任南喀爾勒那省准舉下議紳七人總督每

年俸三千五百元兩年一任南打科大省准舉下議紳二人總督年俸

任期末詳田納西省准舉下議紳十人總督每年俸四千元兩年一任

德克沙司省准舉下議紳十一人總督每年俸四千元一兩任津浦

的省准舉下議紳二人總督每年俸一千五百元一兩任勿爾吉尼

阿省准舉下議紳十人總督每年俸五千元一兩任華盛頓省准舉

下議紳一人總督年俸任未詳西勿爾吉尼阿省准舉下議紳

四人總督每年俸二千七百元一兩任為士干順省准舉下議紳九

人總督每年俸五千元一兩任歪阿明省准舉下議紳一人總督年

俸任未詳各省共舉下議紳三百三十二人按省中居民計每

十五萬一千九百十二人則舉下議紳一人惟省不及此額者亦

舉下議紳一人

總統每年俸五萬元 各部大臣每年俸八千元

日記 卷一

三十三

十一日晴戌刻見兩點

科司達來見 謁議院紳據云華盛頓華人近日開洋煙館者日

熾實為地方之害理宜嚴禁但本省律政未有載禁洋煙一節雖

知其弊而無法可絕之昨晚巡捕房訪得三街華人祥利洗衣店

外以正業鋪張內則開煙燈取利巡捕前往擒獲店主祥利並美

國人吸煙者三人隨即監禁

十二日陰

謁議院紳 美國西省提督報於兵部曰西省為孔道藏國庫三

千萬極應固守惟照目前而計槍礮不敷倘一小國來侵我邊疆

劫我國庫將何以禦之乎應請飭令酌築礮局以鑄鋼礮五百七

十三尊買地建立礮臺以守要扼一切整頓以壯國威須費國帑

三千萬圓方妥

十三日晴 謁議院紳議院中如布郎有司梯司宣門等不來奔好德均不惡

華人者 十二月美外部來函言東京輪船抵埠又搜出三千餘封奧

衣箱內搜出書信七八千封北京輪船抵埠又搜出三千餘封奧

順匿輪船抵埠又搜出八千餘封查照天下郵政章程應行議罰

云云鄭大臣復云中國未設郵政局書信均係託人代寄不知泰

西章程以後應將來函所言刊於中國日報以後照此辦理可也

因按中國未與地球郵政之會故書信無圖印不能行於各邦

日記 卷一

三十四

於外國郵遞不便也鄭任案

十四日晴

俄皇素欲并吞土耳其茲聞土與德皇結好更滋不悅於是密令

駐土俄使風示土君言俄皇將來土國相見土君知機欣然應諾

遂訂期來春 航海委員畢士祕為其妻所控於美官 十二月

總理衙門來函屬查美西斯比河治法美西斯比河長約二千英

里原係清水迨滙美蘇黎河後水始混濁向來時淤時決迄無修

治善策近四年間有益參將者創為收束河身之法該河向寬約

一英里即就河之兩岸修築堅隄束水不使旁溢遇有河形寬散

之處僅留中流寬廣亦約以一英里為率其餘攔以木椿使河水

咸歸中泓而所挾浮泥聽其分注於兩旁寬散之處久之亦自成隄河身既不散漫河面又復一律寬廣水勢得以直瀉無忽猛忽緩之患自能刷去河底淤泥數月前往驗河身水深皆視往年加倍現所經營者係河下游之一千二百英里上游無須修治至入海口門向分三處悉為攔江沙所阻水深僅一丈一二尺或不及丈今亦仿收束河身之法將中間一處口門築成隄岸直出海面長十英里借水力以決開攔江之沙目下水深已逾三丈統計試行新法以來及此後接續辦理至少需費三千萬圓等語就其所言目下似已著有成效惟據稱該河挾泥有限且是泥非沙其性膠黏乾後即極堅實又係以美西斯比全河之清水洗刷美蘇黎

日記 卷一 三十五

河灌入之浮泥似與中國黃河情形不甚相同即其辦法專主收束河身亦與疏治黃河有異 鄭任案

十五日晴  
美國前總統格蘭脫之兩公子及米建威來見談次知格蘭脫之長子曾隨格蘭脫總統遊歷中華現已出使奧國矣 光緒十年二月  
離金山六百餘里之鉢崙埠商人請設領事遂派隨員黃錫銓往查據查該埠工商約三萬餘人商貨以米油食物洋煙衣服為大宗工人以開礦築鐵路裝魚罐為事工商分為十餘黨爭訟鬪毆無時休息如設領事除商捐外尚需經費約六千金鄭大臣照咨總理衙門未成 鄭任案

十六日雨  
答拜奢士格蘭脫兄弟并米建威 二月外部照會云茲准戶部所定外國駐紮本京公使請免稅事章程嗣後凡有駐美公使什物請免進口稅者須請於公文內附該物提貨單一紙并請指明該物是否係公使自用抑其家眷應用之物再使署參贊除代理公使外不能有免稅之益 因按泰西各國於理財一道剖析毫釐毫無假借非如中國之疎節闊目也即此可見一斑 鄭任案

十七日晴微雨天氣驟暖不能着棉  
日本外部大臣因改新政為刺客炸彈所中已傷左足 三月照美外部李中堂代美國水師千總滿宜士請假三年聲明該千總

日記 卷一 三十六

現在中國水師助辦教習水雷事件美國朝廷業經允准給假矣今李中堂來電云請再給滿宜士千總假一年外部復函云查滿宜士千總前曾准其請假今彼尚在貴國可再給假至西歷一千八百八十五年四月一號止 鄭任案

十八日陰  
卸任金山總領事梁廷贊來 是晚亥刻赴英公使茶會子正而回 三月金山總領事稟稱查北亞墨利加洲之英屬卡拿大內有哥林比亞省之域多利府華民寓居於是者舖戶約計百數十家其餘築輪路開金礦製魚罐各所傭工合計有一萬六七千人稟稱該處新設苛例請為駁除計按人收稅十圓開礦者歲收十

五圓遷棺者罰一百圓吸鴉片者罰一百圓新入境者稅五十圓當即函託會侯向外部駁除會侯覆函言查向來中外條約於華人流寓外國者既未之及即南京舊約第一條亦無最優相待字樣今若遽動公牘與英外部辨論則我無實在可恃之約惟有緩商云云既而事終不成 鄭任案

十九日晴

四月墨西哥公使來文欲向中國招工鄭大臣婉拒之而仍咨呈總理衙門備案且言墨西哥係無約之國未與立約將來保護無權云云 因按無約而招工祕魯古巴即前鑒也 鄭任案

二十日晴

日記 卷一

三十七

下議員金山省議紳馬盧新創條陳請查華人在美之數每人給與執照一紙以後有執照者准其安居無者監禁驅逐其水脚由帶來之輪船公司是問出境後有執照者亦不准復來云當與律司商駁之 四月直隸津海關道咨到山西撫部院啟云蓋聞經國以自強為本自強以儲才為先方今萬國盟聘事變日多洋務最為當務之急海疆諸省設局講求並著成效查中外交涉事宜以商務為體以兵戰為用以條約為章程以周知各國物產商情疆域政令學術兵械公法律例為根柢以通曉各國語言文字為入門云云 因讀之言簡意賅於泰西學術源流如桶底脫矣 鄭任案

二十一日晴

宴奢士格爾脫兄弟並米建威外洋請客分上中下三等席每人十圓八圓六圓為差酒則自一圓一瓶以至五圓每人酒二三瓶尚不足也尋常之水亦不用以為不潔必用氣水氣水每瓶亦需二錢五分又設花一二瓶花每一枝需銀五錢但十餘枝即六七金矣又每人亦佩花二枝均由主人代備所設花二瓶醮畢即以送首席之客之妻泥沙金銀至斯而極

二十二日陰

七月美國議成限制華人新例十七款上之總統事已乘成律師利亞頓博郎勒德上書總統言新例之不公紐約人未罇亦上書

日記 卷一

三十八

總統極言埃利士人之妒忌官紳之阿埃利士人以冀保舉所言皆出於私必不可聽總統阿他遂飭議院再議議院因刪其尤苛者此美國苛禁華人之一端也 鄭任案

二十三日晴

七月北洋廣東電屬購美國氣礮始終未成錄使館代辦上鄭使書在時即辦理此事之不順手有出人意者礮價本係公司開出並未議減分文續擬五十尊始售亦經傅相核准照數向買限四箇月成造亦係公司自訂包運到華亦係公司自承理應毫無異言乃屢議試演八寸徑礮屢請展期始言法人在此探聽不便在此演試推之繼言銅礮尚未做到推之昨忽言礮中緊要機器

做壞又需更換推之照四寸徑仿造未安初以爲現約十一月初四五日可試屆時尙不知可試否一也氣機本在價內忽言汽爐在外另需加價二也此層已明另四箇方奉多購之電前一日已接純甫送到公司來函云將來如再多買則六寸徑者需二萬五千圓八寸者需三萬圓恰似知我必多購者非真知之也實因彼六寸八寸兩式受藥多蓄氣大不獨工料宜精卽製法亦非四寸可比聞幾次製造未成費去工本不少欲藉此別開生面以圖補價故預昂其價以居奇三也公司本欲加價經純甫幸核密屬純甫將多購一層暫不宣露擬俟此起訂妥後再與商買以免益彼貪心初議四寸徑者裝藥二十五磅及中里六七里六寸者裝藥七十五磅及八里八寸者裝藥一百二十五磅及十里外茲忽改言四寸者裝藥十七磅及一洋里中里三六寸者裝藥六十五磅及二洋里八寸者裝藥一百磅及二洋里又四分洋里之一寸者及六里八寸者及七里中里之一切與原議不符四也然此層需親往試驗不必徒以口爭初議公司包運到華茲忽言如中途被搶只能代問保險賠償又與原議不符五也此層最關緊要將來必問當初試演四寸礮時本有礮架其價自必在礮價之內茲又忽云八寸者礮架另銀七千五百圓六寸五千五百圓四寸四千五百圓誠足駭人聽聞六也初議四箇月到華茲忽改爲限四箇月到金山七也

果能四箇月到金山尙是快便以上七層均係節節生枝時時變改此事之不順

日記 卷一 二十九

手誠難意度積微窺其意不但乘我急需故爲居奇且恐實因八寸徑創造不成故設此以阻難耳核惟拿定一試看主意催其演試俟試驗真屬可靠再與議不符各節彼若不允卽電山傅相作主處處踏實做去不求有功只求無過云云 因錄出以見購置軍火之難而當自設廠也

二十四日晴

拜發奏派分駐三國人員摺 八月總理衙門覆奏道員徐承祖條陳曰今日使事任久責專廣設僚屬優其祿餼非徒通問修好已也各該使臣受事三年之中宜如何周諮博訪於其國勢之盛衰地形之廣狹風俗之變遷政教之利病兵民市舶之多寡食貨物產之盈虛以及工藝日新商情月異各市埔有我國商民之區或歸我領事官約束或仍聽彼地方官約束應如何使之生聚緜輯俾無失所均當逐事講求悉心考訂條舉件列薈萃成編俾運籌者相其情勢以爲操縱張弛之機光緒三年臣衙門奏准請飭下東西洋出使大臣務將大小事件逐日詳細登記按月彙成一冊咨送臣衙門備案查核其外洋書籍新聞紙等件內有關係交涉事宜者亦一并繕譯隨時咨送以資考証 鄭任案

二十五日晴

九月總理衙門咨到劉銘 奏請設局譯刻泰西各書其略云查外洋於中國有用諸書半皆取而譯行海外其西國兵農食貨格

日記 卷一 四十



致製造測量諸書日新月異凡有關於今日之川者甚多我中國  
尙未譯有成書間或有翻刻一二種亦皆取擇不精夫禦侮貴在  
得情而致用尤在博覽不究其治國交鄰之要政何以得其情不  
研其造器習術之本源何以致於用 鄭任案

二十六日 小雨

聞南墨洲巴西國民作亂 十月金山總領事來稟云美國政體  
風俗事事非錢不行每辦一事必須籌費所需之費又鉅既非公  
帑之所得支又非私家之所能給因查領事之設昉自泰西泰西  
領事驗貨有費查船有費填牌有費一切文憑准照莫不有費所  
籌者並非領事費用不過以公衆之財辦公衆之事不過合衆人

日

記

卷一

四十一

之力官爲之督率而維持之云云 因查美國之例頭頭是道非  
律師不知趨避延請律師有按年萬金者金山所延律師名尊治  
力歲六千圓又利亞頓歲二千四百圓本使館所延律師名科司  
達歲四千圓科司達所辦者尙有墨西哥泥格拉諸國則亦過萬  
金矣 鄭任案

二十七日 小雨

美國外部接駐中國領事來信言中國長江一帶兩月以來多雨  
淹壞膏腴之田一千五百萬畝 十二月墨西哥與中國立約  
招工鄭使上總理衙門書云與其於既受陵虐之後始行設官挽  
救害大而事難不若乘其未往之先妥訂章程設法經理事易而

害小云云嗣因墨公使述其國家之意欲於其本國商議鄭使以  
爲不宜卻之 鄭任案

二十八日 晴

十二月與代辦蔡函商議辭退洋員柏立以爲宜彼此和平計議  
以全初終爲合體給以考語字據俾其爲轉示於人之用若以洋  
例須先三箇月告知則與安商辦法或再留一年云 因查僱用  
洋員每受其挾制祕之德里安尤爲荒唐 因至此已久柏立尙  
未來見聞諸參贊蓋久未到署矣 鄭任案

二十九日 晴冬至

是日黎明拜

日

記

卷一

四十二

牌行三跪九叩禮惟供事程映未到上午備席午後設醮 泰西  
以游歷地球爲能紐約省有婦人於前月起程限七十五日歷地  
球一周 十二月參贊官蔡國楨稟覆兩廣總督張云奉電諭委  
購黎意槍五千枝彈子五百萬顆隨帶各件俱全限兩箇月運到  
廣東黃浦交收等因奉此查此事先經本使憲鄭飭令紐約領事  
官歐陽明查探黎意槍彈價值開明數目電復北洋李傅相察核  
在案惟當時未將程期運費查確具報嗣據歐陽領事函稱續查  
得黎意槍一枝彈子一千共價實價美銀三十二圓山美繞英赴  
華計槍一彈千共運費二圓並云近聞上海瑞生洋行代本國經  
辦此項槍彈甚多其中浮開不少該廠管事人稱中國官與本公

司親自交易兩邊均係真正主人並無贅頭行用本公司自當格外公道計槍一枝該美銀十五圓彈子一千該美銀十五圓五角每槍彈盒四箇其餘各件俱全所有裝箱上船均本公司自認費用船價有高低兩起悉照從前別人承運一律給價保險亦照向章均由本公司出名代辦由美繞英赴華兩月必到亦係從前運過程期保險包至廣東省城能保阻攔搶劫等事其槍彈價值運脚保費均在此交清以便代為辦理參贊因與歐陽領事通盤合籌其槍彈價值與瑞生洋行承辦者減少不可計數諒在明鑒之中計購黎意槍五千枝每一枝價銀一十五圓五角較外共銀七萬七千五百圓購槍彈五百萬顆每顆價銀一圓六角較外共銀七萬七千五百圓購槍彈五百萬顆每顆價銀一圓六角較外共銀七萬七千五百圓

共銀八萬圓兩起輪船運費由美國紐約輪船公司共銀七千六百一圓三角七分兩起保險費另註明包保共銀貳千五百六十四圓在紐約零用馬車費用均在其內共銀八十九圓二角三分以上共支銀一十六萬七千七百五十四圓六角查此五款係由紐約領事支據造細數清摺另錄附呈電報粵垣十五次自上年十二月初七日奉委購槍以後始行開報共銀一千六百五十三圓五角三分山華盛頓赴紐約兩次往返火車馬車及上下馬車等費均在其內共銀四十七圓以上共支銀一千七百圓五角三分查此兩款原明在槍價餘款內動支另有細數清摺附呈通共開除七款合計支去美銀一十六萬九千四百五十五圓一角三分鄭任案

日記 卷一 四十三

十二月初一日晴  
近聞巴西已改為合眾國 美國下議院紳馬羅又上條陳除中國公使外其餘無論工商一概不准來美 因商之律司科士達科士達謂議院上苛禁華人例者大抵西省之人他省尚不附和且聞尚有相繼而上條陳者應俟開年一并上堂駁之  
初二日晴  
此間列肆均以女子坐肆貿易大約自十六歲至二十歲未適人者貌亦端雅言甚和婉索值不二價 謁律師科司達 駐津美國副領事祕德格稟於外部據稱現奉李中堂命以陸軍水師現設立西醫藥房做外洋式擬請外部轉咨兵部海軍部將美國陸軍水師施藥治傷救生章程並歷年官報寄與中堂察核按照辦理行云云外部准此遵即咨照兵部水師部檢備檔案以便轉復中國矣  
初三日晴中夜雨  
英屬卡拿大維多利地方官擬將限禁華人入境之例刪除而土人不願現已聯名稟請限禁並已納身稅之華人去而再來者仍納身稅五十圓 十一年二月總理衙門咨到讓復御史謝祖源摺內開出使隨員或有沾染外洋習氣者可由該使臣隨時督察分別撤參又云古時造士器數之學與理義并重故通經致用官効其能近世士大夫非無才識因通學問淵博之人而限於方域

日記 卷一 四十四

困於見聞語及環球各國交際之通例富強之本計或鄙夷而不屑道夫外洋測算竊自中法製器相材源於考工營陣束伍乃古者司徒步伐進退之遺開採五金實仿於周禮廿人之官測繪地輿亦晉人裴秀成法禮失求野豈彼智而我愚特中士習為游談其平日留心講習者少耳就目前而論我之所亟惟在察敵情通洋律諸製造測繪之要習水師陸戰之法講求稅務界務茶桑牧礦諸事宜鄭任案

初四日晴

三月美國飄節海口稅官來信以該處有華人二萬五千名欲設領事并薦舉廷廣可為領事鄭大臣復書辭之 因查設一領事

日記

卷一

四十五

每年需經費銀一萬數千兩不節則需二萬飄節不過華人入美之境設之無益且近來美國於此地查華人私越入境其例漸嚴當時之不允蓋有先見矣鄭任案

初五日晴

美國救生局船費每年九百餘萬圓計今年一年共救貨六千餘萬圓救人七千九百餘名

初六日晴

隨英俄日秘檀香山墨西哥等公使又醮美律師按察司畢士祕每席中間設花一籃每人佩花一朶外洋醮客例也 五月接准李傅相電開總署十一日來電嗣後非軍務及急要事各處均不

准率行發電遵

旨電達希轉電沿海各督撫及出使大臣等因 因查外洋電費最鉅以中國一字四碼分作二字每字需銀二圓四角有餘合之為四圓八九角但二十字即百金矣鄭任案

初七日晴

六月北洋來電為朝鮮聘請美國兵官教練兵士請於美總統總統交議院而議院已散事迄未成觀此可知美國議院權重鄭任案

初八日陰

外國將度年送律司甯綱一疋湖綱一疋東洋大瓷瓶一對各部及議紳擇其相投者皆送禮有差 六月准北洋電中倭兵撤朝鮮聘美官教練兵士望晤外部速商如無即回覆 覆北洋外部云須俟冬間開院公議嗣請先派而彼不能違例鄭任案

日記

卷一

四十六

初九日晴

供事程映啓行 航海會委員畢士壁陳恩燾買凝禧請醮以洋餐故未到借龍旗三面 六月致美國外部節略茲因巴拿馬及箇龍兩處素無華官駐紮向來華商寓彼者屢蒙美國駐彼領事官遇事代為料理中國官員及該處華商均極感謝邇者中國公使以該華商等稟請轉求美國外部給該兩處領事官以代保華商之權是以敬問外部大臣可否准如所請美國外部覆函業飭

駐紮巴拿馬及箇龍領事等凡該華民遇有要事山該領事官等暫代料理仍須俟哥林祕國官員允由該領事等代理華民之事斯時即可暫充中國之代理人 鄭任案

初十日晴

七月初六日總理衙門咨到中法條約十款於光緒十一年四月二十九日經北洋大臣李鴻 具奏奉

旨 因查此約專為越南之事 鄭任案

十一日小雨

外國元旦已刻出門西正事畢謁總統各部提督將軍按察上下

議院也是日之車每一時需銀七圓 七月古巴領事稟稱西班

牙輪船到埠船有中國人十名相向哭問其情由據稱皆閩人向

在小呂宋謀生此次被人騙稱僱工到此方知立約做工與賣身

同即由譯員向該公司提到領署問明屬實即將楊協等十人所

得工期銀五十圓及船價十圓墊還船主留於古巴作工陸續扣

還結案 因按此即洋人以招工為拐賣幸古巴已設官否則此

風終不息矣 鄭任案

十二日雨

謁上議院紳 八月出使英法大臣曾咨到內錄奏稿議定洋藥

每箱稅釐共徵銀一百一十兩併在進口時輸納山海關給與憑

單運往內地無須再完稅項至貨包開折之時如有應納稅捐等

項當與土煙價值相較均算以昭平允 因查此即李傅相與英

使威妥瑪所訂之約由英外部簽定者也泰西各國凡於有害民

生之物皆禁入口度共不能禁絕則重稅之中美條約載明兩國

不准販運鴉片而由香港入金山者共數甚鉅美國既不能禁乃

創稅則每鴉片一磅合中國兩征稅銀十二圓所收至巨中國加稅

於此用意甚善但較之美國尚不及百之一則勢限之也 鄭任案

十三日晴

謁上議院紳檀香山公使至李格士銀行 為照會事光緒十

一年八月十四日接到貴道七月初八日覆函內開商局支絀經費

相將各省官本奏請免利緩期等因准此查貴總局庫平銀八萬

兩整核之原領銀數業已還清至利息一項并未收到絲毫現閱

函稱各省官本已經北洋大臣李奏請免利在案查貴總局原領

前項經費銀兩係屬暫時領用與借領各省官項作充商本者雖

有分別而其為公款則同自應循照奏案辦理計貴總局欠繳前

項利息自光緒七年八年初一領銀之日起至十一年七月初二

還清本銀之日止所有應生利息概行照免無庸追繳可也除咨

北洋大臣李督照備案外為此照會貴總局煩為察照施行須至

照會者右照會督辦輪船招商總局直隸補用道盛即選道馬 鄭

任案

十四日晴

日內謁上下議院各紳多設茶會見時握手道喜周旋一二刻卽別亦有堅留食茶果者 嘗與議紳考較地球鐵路自以美國爲最長計十六萬餘英里德國二萬三千餘英里法國二萬一千餘英里俄國一萬九千餘英里印度一萬四千餘英里日本八百英里

十五日晴

有泰受熱中夜發熱臥處近火門爲火氣所灼至於吐血 謁英俄法德朝鮮日本檀香山西班牙秘魯公使 日本公使言日本鐵路已成三千餘里尙有商人續造者大約一里需銀七千兩上下每年載客八百餘萬人運貨六十餘萬噸除經費外每年可得

甲 記

卷一

四十九

四釐之息 因謹按日本近年鐵路不過八百英里約二千餘里耳而言三千餘里其好自張大虛憍之氣畢露矣

十六日晴 天氣燥熱可着單衣

十月總理衙門咨稱本衙門具奏採買外洋軍火滋弊居奇抬價剝蝕愈多且有以賤價收陳貨而詭爲新製者有賤價購自外洋而浮言報銷者請飭各出使大臣就參贊隨員內講求搜討所有訂定各件必須出使大臣親驗以專責成等因 因查前此購買船廠其弊誠然且有緩不濟急者如此辦法近日諸弊已廓清矣

鄭任案

十七日雨

美國例正總統爲第一人副總統卽上議院之首領如議院議政以多少爲從違卽三人占從二人之意其有可與不可人數相等者則由副總統酌定蓋副總統可何造則何造多一人矣 十月總理衙門咨內開歷次出洋學生造詣究竟如何有無深通西藝熟諳製造管駕及水師操練之材等因參贊蔡國楨覆稱童子無知受外洋氣習越日既久玩視中學若忘其爲華人不獨中文未能講求卽華語亦不明順縱於洋文有得於我不能適用初不過增一洋人耳授以差遣不受範圍或且謂教品勵行爲繁文甚有視政教彝倫爲苛刻云云可謂切中時弊 鄭任案

甲 記

卷一

五十

十二月向美國外部索還以前賠款所餘至三月而始商定計原給美國賠款銀七十三萬五千餘圓除賠美商銀四十九萬六千餘圓仍存銀二十三萬九千餘圓生息銀三十四萬四千餘圓本息共銀五十八萬三千餘圓除給賠美商熙爾船價十三萬圓計實還中國銀四十五萬三千四百圓九毫又除去酬勞費五千四百圓 因查此項卽分撥東西洋各署經費 鄭任案

十九日晴

副總統茶會陳設極豐至者亦衆以副總統爲美國大富戶也 十二月海關造冊處稅務司杜德維來函言光緒六年中美新修之約刊本抄本文字之間或有稍誤與原本不免參差茲摘舉數

端請由公使照會美外部衙門取所存原本詳細校對務使毫髮無訛其不符之處請於刊本上逐款註明當即照會美外部照辦矣 因按繙譯一道非中外文理兼優殊難稱職蓋未易言矣聞美國與朝鮮之約朝鮮自稱為中國屬國而美國所稱似有參差則真有不符者也 鄭任案

二十日晴

前總統格爾脫之夫人約見於麥連夫人之第年六十餘矣身不甚魁梧而尙豐滿循循然是有德器之象眼鏡或近視也詢李傅相近日起居並問傅相夫人及女公子近狀答以均安又作寒暄而退堂前賓客男女皆來見者約數百人

日記 卷一

五十一

二十一日晴

此十日內按日分謁各部及議院紳有見者有不見者亦有設茶點以款客者大約見則立談不見則一概不見門外挂一筐以收謁者名刺 十二年三月新出使大臣張到金山當登岸時駐金山領事等員前往迎接美國巡海官名天年曰余頃接收稅關電信命我不許新使等登岸必先將其

國書送稅關驗看乃可傅烈祕稟商張大臣不允久之天年曰余願肩干係請公使等登岸可也嗣由鄭大臣詰問外部拜亞亞照覆引一千八百八十四年七月五號章程載中國官員可用文憑以抵護照云云又謂稅關未失禮總領事所稟情節謬妄誠以

為憾閱之可駭美其不國矣夫 鄭任案

二十二日晴

謁議院紳至暮而返

二十三日陰大風

謁議院紳 十一年九月北洋為咨行事據津海關周道詳稱竊查美國肄業學生曾奏定章程此項官生不准在外洋入籍逗留及私自回運謀別業等因在案茲准各局咨稱前派當差學生梁敦彥等十七名皆久假不歸咨請飭催來津當差等因前來職道查該學生等託詞請假或逾限不回或別謀事業殊與定章不符自應查明分咨廣東督撫院出使美國張大臣並行蘇松太道

日記 卷一

五十二

辦要任案

二十四日晴天氣轉寒

接金山信 副總統訂是日至其宅同見總統西刻往亥刻回 查美國焚殺驅逐華人於光緒十一年七月起至十二年二月止共十案計阿路美煤礦一案烏盧公司槐花園一案洛士內冷一案姑力煤礦一案澳路非奴金坑一案的欽巴一案舍路埠一案阿拉士架一案麥天拿一案鉢倫埠一案 張任案

二十五日晴

赴律司道喜謁議院紳 十二年四月咨呈總理衙門文查日國

現係日偽攝政該國通稱攝政大君后所奉

國書仍稱大君主與彼國現在稱謂不符自應更換以便呈遞理

合咨請核奏更換頒發祇領尋於七月更換張任案

二十六日 晴 天寒水

英國將軍日曠者本年由印度陸路遊中國而歸言中國今日所最要者乃在黑龍江等處趕造鐵路勿讓俄國先成以為慎固封守之計又曰英國宜交結中國訂同恤相惡之約又云中國龍州製造局徒有虛名凡事能言不能成殊可惜也

二十七日 晴 天寒水

上議院紳密組月初遞條陳兩件一華工不論是否來美或往他

日 記 卷一

五十三

國均不准入境假道違者重懲一為中國辨論華工來往案件均令外部交出與上議院查核 一千八百八十六年即中歷光緒十一年四月五號紐約城諸教會會長集眾譏擾害華人之事聯名遞呈上下議院前駐北京公使西華前格蘭脫總統在任時之外部大臣斐士並上議院議員和露等均與其言曰查華人來美應得利益與各國同憶金山初開埠時華人來者為數無多迨加里科尼屬邦收入合眾國省分圖版時金埠居民欣然大喜合境慶賀賽會盈街華人旅于是埠者當時具旗幟儀仗致賀亦獲邀請同慶共遊及後華人源源而來實因我美國到華堅約以資建造鐵路之用藉華工之力尅日成功若以別國人為之勢必紆緩數年虛耗

資本且加省溼下之地俱藉華工填築洋工向不敢為者乃竟藉資華工而成加省受益多矣竊以中華地海禁而與外國通商原非出于本意實由泰西各國強令通商而美國亦與其例查得仇待華人並限制華工各事其端實肇于金埠之埃及士工黨加省人員謀缺者以投籌數之多寡為定埃及士工人既入美籍有投籌之權利其人甚眾得失之機繫乎其間故舉國南北黨均以得加厘科尼了厘斤兩處之籌為急務蓋得之則勝失之則敗所以味良議立限制華工之例無非阿附工黨以望其投籌耳鄭任案

二十八日 晴

十二年九月為咨呈事據招商局盛道稟稱織機局中較現查連

日 記 卷一

五十四

到機張尙未及半據洋匠丹科稱訂定合同必須照數購運前來萬難中止但核價太昂為數甚鉅鄭陶齋等皆云訂立合同主局者并未簽字且合同訂逾三載局務停止亦未見機廠中具稟公使催運來華其為丹科一己之私果否訂立合同與價值置造事宜殊難憑信茲將丹科開呈所定織機廠名及價值銀數另單譯呈請即照單密查究竟合同如何訂立廠中有無存機價值有無浮冒能否毀議停止均祈迅賜詳示當派參贊官瑞沅繙譯官梁誠前往照單密查已得端緒合將查開清摺備文咨呈謹將織布局洋匠丹科開呈美國所定織布機器廠名件數銀數譯呈鈞鑒計開美國羅未爾機器廠 卜洛未登士機器廠 博郎機廠

好京士機廠 卜洛未登士火輪煤氣管廠 依笛生電燈公司  
六處所定合同訂於一千八百八十三年三月分織機貳百張以  
及副件等項價值英洋拾貳萬九千叁百九十壹圓五角二分照  
每洋八錢核算計規銀十萬三千五百十三兩二錢一分利息租  
機算至一千八百八十六年正月分計美洋二萬六千四核規銀  
二萬八百兩云云 張任案  
二十九日 晴天寒霜甚厚

委員查明上海織布局所定美國各廠機器件數價值分別開列  
計開博郎機廠謹查紐約一埠只有博郎銀行並非機廠字號  
好京士機廠謹查此廠在紐約埠據該廠商人聲稱自一千八百

日記 卷十一

五十五

七十九年以來查無與上海埠交易事件 依笛生電燈公司謹  
查該公司亦在紐約埠詢據該公司商人聲稱向有販貨前赴上  
海埠交易事件均非上海來埠訂定至有無織布局議定貨物販  
貨人現均外出無從查知 卜洛未登士火輪煤氣管廠 水龍  
頭二千零八十七箇六寸徑至七分半徑圓鐵筒二萬零八百七  
十尺提水抽水鐵筒 此項僅開價銀三千九百計價值美銀一萬  
壹千五百圓謹查卜洛未登士係埠各詢據該廠商人聲稱會經  
織布局定有貨物因逾期未取業經售賣無存仍屬將原定貨物  
件數價值開具清單照單譯開以備考核 羅未爾機廠 清棉  
花機器五副 紡紗大小機器八副 紡綫機器肥甯路零肥年

二十二副 紡綫機器唯合路零肥年二十六副 士潘拳機器  
四副 織三十四寸闊布機器壹百零四副 織三十八寸闊布  
機器九十六副 焙綫機器一副 接布機器一副 歷布機器  
一副 展掃棉花機器一副 繞綫大鐵筒二十條 土頓筒七  
捆 漿鍋一箇 道擊盈肥年六副 零用器具壹箱以上機器  
分裝七百八十木箱計重三百磅機器馬力計二百五十四匹每日  
需煤五噸計值美銀五萬三千九百五十六圓四角八仙另外備  
零碎鐵器值銀四百八十五圓三角一仙木箱值銀三千零九十  
六圓六角八仙總計值美銀五萬七千五百三十八圓四角七仙  
謹查羅未爾亦係埠名詢據該廠商人聲稱織布局於西曆一千

日記 卷十一

五十六

八百八十三年十月三十一號訂定大小各項機器久經製齊封  
存候取當命將機器件數箱數價值及馬力數目開具清單照單  
譯呈該商人會稱若織布局再不到取欲將各器修修整變賣惟  
並未提及息銀棧租等項自未便向問將來取貨時恐須議及合  
先聲明 卜洛未登士機廠頭號紡綫機器四副 二號紡綫機器  
八副 三號紡綫機器十六副 鐵壁六十三箱 木綫盤四十九  
箱以上機器等項分裝八百四十三箱計重一百五十六磅機器  
馬力計二十八匹每日需煤一噸半計價值美銀二萬九千六百  
三十圓零五角一仙息銀四千五百九十二圓七角二仙 自一千八百八十八年七月一號起至一千八百八十八年七月一號止  
以後如未起運仍每月按算棧



租銀八百五十圓保險銀六百八十五圓總計值美銀三萬五千七百五十八圓四角三仙謹查織布局所定該廠機器等件據該廠商人聲稱西歷一千八百八十三年三月二十九號所定現已製齊封存候取若不提取息銀照算今算至一千八百八十六年七月一號者西人逐半年清算也 張任案

三十日小兩

航海委員陳恩燾買擬起行由紐約返中國 琿春近地係西比利亞東南海口附近高麗東岸本中國屬地三十年前讓歸俄國俄地近北極土氣嚴寒海口常冰於操練水師駐泊兵船不便自得琿春近地即為屯水師之地三十年來極意經營已為重鎮

甲 記 卷十一

五十七

現又造鐵路由彼德堡直達琿春此路約五六年可成 因謹按香港琿春兩地中國視之不甚愛惜一以與英一以分俄英人以香港為重鎮俄人以琿春為重鎮英人以之通商俄人以之兼併則俄之為患尤甚於英中國之棄琿春較棄香港尤為失算也琿春一城孤懸雖有兵弁其勢不敵彼德堡為歐洲之俄京由此以鐵路通琿春將來調兵轉餉節節靈通因竊慮此路一成高麗斷不能守高麗不守東三省安能高枕無憂因於光緒九年已疏陳之矣

出使美日秘崔日記

光緒十六年正月初一日晴

朝賀行三跪九叩首禮 晨設齋申正設醮 赴美國總統宴戌刻往入門後即有一帖上載明坐位持帖而入見總統握手寒暄數語又見總統夫人亦握手為禮遊玩各處無往非花赴席坐定見上懸玻璃燈約一百四十盞席上花七叢此外陳設之花尤多酒用五品並冰水為六飲至子刻方畢又至花堂遊玩然後告辭回館

初二日晴是日辰刻小雪後即天晴

謁見美國各部大臣英公使 印度所造鐵路劃至光緒十五年

甲 記 卷十一

冬止有一萬五千二百四十五英里每英里合中國二里三去年一年內新開鐵路八百六十九英里截至年底核計鐵路共有一萬六千餘英里此外又准開四百十三英里內有由山洞行者計長一千二百五十三丈統計鐵路公費約需二千一百二十九兆魯皮有零每魯皮合中國銀四錢通共合中國銀八百五十一兆兩有奇每英里均拉十二萬五千魯皮合中國銀五萬三千兩一年之中計載客商一百一十兆計載貨物共重二十二兆噸鐵路所獲之利半為費用半為餘利除一切開銷外每百兩銀得息四兩九錢三分

初三日 辰刻下雪至半寸而止

中華書局 影印

因查十五年一年中國出洋之貨值銀九千六百餘萬兩茶之出口年減一年十五年茶價值銀二千八百餘萬兩較十四年少二百餘萬兩絲則值銀三千六百餘萬兩較勝於十四年棉花出洋亦年勝一年十五年出洋之棉花值銀五百萬兩較之從前將近十倍殊為可喜惟茶業漸衰將來如不振作恐盡被外洋所奪矣是在察時觀變者力挽回之

初四日晴

般島島地廣人稀英國國家每一英畝約華三畝只收地價英銀一圓以廣招徠迄今未二十年商務蒸蒸日上除種菸種茄非兩大宗外其餘他項公司如輪船及棧房等大小各國公司百有餘家至

日記

卷二

種菸茄兩項英人居其大半其次和蘭國商人耳因和商種菸最為熟手獲利尤厚云 因謹按泰西各國如英法德其本國版圖甚狹故好賃曠土以經營所謂長袖善舞多財善買也  
初五日晴天氣轉暖

英公使言英國蘇格蘭人精於農事凡英人不能耕之地蘇人無不可以大獲故時負耒耜挈傭人驅牛馬而至英地以耕以贖身家 因查英之本國只三島一為倫敦即都城也一為阿爾蘭一為蘇格蘭此二島之地為英富戶之業富戶皆居倫敦而收其地之稅故二島之業農者多而遷徙入美籍者尤多焉 光緒四年二月十七日總理衙門咨開自天津各條約議定以來凡中外交

涉事件無不查照條約各章辦理然各國亦時有謂我不能遵守條約者大抵不外洋人被虐被毆之案征收釐稅之事耳夫外國被誣枉之事係未可預知者亦係無法防範者且係無論何國均不能保其必無者征收釐稅之事或因條約未經議及而意義兩歧以致外國有是說也查條約每屆十年准修一次其如何增刪改換自係出於兩國情願同治八年本衙門與英國大臣初次將英國條約應修各款議妥雖和衷商酌將及兩載之久而英國未允其大臣所擬各端是以新約未能照行近年來又有德國修約之事德國大臣商議各端有中國萬難照允者往來論辨迄今亦無定說因思更修條約貴將兩國之意先行說明而此事內有四

日記

卷二

要端准將已完正稅之洋貨運入內地其運入內地時或准逢關納稅遇卡抽釐與華商一律辦理或准照則完納子口稅請領稅單運入內地無論所往之地遠近即可將地名呈明填入稅單之內中途逢關遇卡均免重征洋商亦准准內地置買土貨僅係轉送外國之土貨或請有單照則可將所辦之貨運至通商口岸沿途各子口均祇查驗單照逢關遇卡一概免征至近日末卡照則完納子口稅若未請有單照則准逢關納稅遇卡抽釐照華商一律辦理洋商亦准將置買之土貨於出口時照則完納出口正稅後轉送外國洋商亦准將土貨由通商此口運至通商彼口在下船之口完納出口稅在轉運貨之口完納復進口半稅洋商亦准

將復運通商他口之土貨在復進通商之口完納半稅後將土貨運入內地逢關納稅過卡抽釐與華商一律辦理此乃洋商現在販賣洋土各貨照約完稅之大概情形也至洋貨運入內地一節洋商有言以上所云自某口至單內所指之某處中途不重征一語未盡其事據稱已完子口稅之洋貨日後無論在何處過何項稅捐不應向其抽收而本衙門不能以此解為然因思照條約章程洋商運洋貨入內地或請領稅單或不請稅單均聽自便如請領稅單應將運赴內地何處呈明填寫稅單之內其故乃因稅單祇能保單內之貨由通商口岸運送單內所指之地沿途免徵稅釐其貨已經運至所指之地稅單即應作為廢紙嗣後該貨即與

日記 卷二

四

無稅單之貨無異再洋商請領稅單或不請稅單既聽自便則有領單之貨亦有無單之貨同時在內地一處者領單之貨係由口岸運至單內所指之地沿途稅釐一概照約准免無單之貨各處稅釐皆應完納但有單之貨已至所指之地其單即作為廢紙該貨遂與無單之貨無異應與無單之貨一律遵完稅釐則稅單到所指之地既經繳銷各貨均無稅單是完子口稅之貨與未完子口稅之貨何所區別可知永遠免徵並非條約本意亦祇有中途免徵而已總之洋貨運入內地一事據本衙門之意稅單祇能保其單內所開各貨由口至所指之地沿途免徵耳洋商既准於完納正稅外祇須再納一子口半稅既准運入內地無論遠近銷貨

各處共自由之益已屬不少矣至運土貨出內地一事洋商又言土貨雖非運往外國實係本地出售之物亦可請領單照運口甚至有言洋商尋常販運至外國之土貨雖無單照內地亦不應抽收釐稅各等語因思華商運土貨於沿途各釐稅均應完納則洋商運土貨到口欲免沿途抽收必須攜帶單照方可獲免是以凡屬無單之貨無論作何銷售均應遵納釐稅再洋商領單運土貨到口如准轉運中國他處銷售不送外國則洋商之貨得免而華商之貨不得免其於華商生計不無妨礙是以必須運赴外國之土貨方准領單運口總之洋商之運土貨與洋商之運洋貨其事殊其稅則一蓋洋貨入內地無論何處祇須完納正半兩稅即可

日記 卷二

五

隨意販運其土貨出內地運送外國則准洋商赴內地無論何處置買亦係一律照完正半兩稅也再查釐捐一事外國常以為不然殊不知在中國之華商亦非所願也而朝廷視為暫行權宜之舉因思自主之國訂其征課應視時之所需而現在時事多艱需款甚鉅不得不格外設法籌畫至如何籌款之處應由中國作主外國之不應干預議以為非亦與外國自行籌畫借款加賦等事中國不應干預評論無異也洋商運洋貨入內地或運土貨出內地如欲免釐稅須請領單照方能得免如無單照則凡有貨物在內地既不能區別各處釐捐均應遵照完納又查管轄一事照約洋人在中國不歸中國地方官管轄其有自相爭訟之事則由其

本國官料理如其犯法亦由本國官按本國律懲辦但外國猶有言也謂按照此不歸管之條非特中國官不應約束洋人即洋人任意違背中國章程亦無懲辦之條而本衙門不以為然因查各條約內中國實未允有洋人任意違背中國法律之條洋人居中國者則應以中國之章與華民一體遵守而條約內所允者不過以洋人犯法係歸其本國官按本國律法辦理而已今設言之譬有路一條按中國律法華民不准行過洋人不得因有不歸管之條任意於此禁路來往如違而逕過者則應由本國官引照本國相同律例比擬懲辦總之此條用意所在非准洋人任意違背中國律條第以洋人如有犯事者應歸其本國官懲辦耳且思

日記

卷二十

六

此懲辦之權中國既允由領事官在中國境內行用仍應由外國特選妥實人員充當此職方為允當乃各國之內有數國以商人派充領事官者查領事官分內所司如收發船隻牌照報關請單僱辭水手等事商人雖無不可料理中國並不以商人代辦此等事為非惟領事官猶有審鞠之責事關緊要似應派委真正官員充當此職方足以昭慎重況遇應行會訊之案出地方官應與領事官公同審斷設今日在座之領事官即前日因偷漏受罰之商人或案情與其本行有關涉既屬不成體統亦有諸多未便又查優待之益一體均霑一節各國條約皆有此條原因各國人民中國難於區別某人係某國之人以致將未經換約各國之人民亦

一律看待在中國以約內有此一條亦無不可行之事查議訂此條時在議約者本意係不令其本國商民較他國有不及之處務令一律霑受益處此誠中國昭示公溥之處也惟議定此條時外國與中國之意雖同而於證釋之中往往有失於公允之處設如有某國特允從中國一事中國因其特允之一事即於通商事內酬一優待之新條並訂以應守之新章以昭限制此固於優待之益酬之於允我一事之國者也而他國亦欲憑此均霑之條藉索此可霑之益在中國雖不必以允我之事向其比例而求之而既欲同霑是益者亦必宜同守是章則一律共遵方昭公允乃止知霑其利而不復守其規是直欲優待之益而不願守優待之章中

日記

卷二

七

國所謂證釋一體均霑之條有失公允者此也總之均霑一事此國既欲得彼國同一優待之益則必宜同守其章始不失為公允此外猶有教務一節中國因各教本係令人行善之事故於各約內允從准其前來傳教並凡傳受學習之人一體允為保護惟傳教者有時崇其教而自尊儼若官長遂藉以干預地方官應管之事其習教者有時以為既入其教即奉教為護符或敢於不遵國法以民人素守之科條而故為干犯此二端定亦我中國所不能允而聽從者除外國官員按照專條管理外國人外凡屬中國界內止有中國官可管理中國百姓而中國百姓無論入教與不入教均須一一遵守中國之科條法律始為安分無過如有犯案由

中國官不分民教一律辦理外國傳教士不應護庇攙越查修約一事原須兩國互相體諒庶易商辦相應咨行貴大臣查照所有洋貨入內地一事據本衙門之意稅單祇能保單內所開之貨由通商口岸至單內所指之地沿途免稅釐若已到單內所指之地後該貨即與無單之貨無異再遇關卡則應照無單之貨一律遵完稅釐土貨出內地一事據本衙門之意土貨尚未由洋人購到者或已經購買而未領有單照者各處稅釐均應遵照完納至洋人請領單照所運之貨必須全送外國不得轉運中國他口出售致與華商販運無單各貨之生意有礙釐捐一事據本衙門之意中國既為自主之國其如何籌定征收應聽自便而此時格外

日記 卷二十一

八

籌畫實因有格外之需如他國前來干預阻礙中國實不能以為公允也管轄一事據本衙門之意按各條約內不歸管之條非准山洋人將華民應遵之章任意違背至於領事官既有審鞠之權則應委派真正官員充當此職不應以商人代充以昭慎重也均需一節據本衙門之意此國請需彼國所得之益則應同守彼國所遵之章也教務一節中國界內祇有中國官可以管理中國百姓而中國百姓入教與不入教者均應遵守中國法紀夫中國於邦交之事所欲者格遵條約章程辦事耳一則按條約之意儘量而為之一則舉友邦之人一律而優待之惟邦交之事如此若於條約字意之外為外國附會強解添註是於中國人民增其不公

不服之處若使中國徵課權宜之法為外國阻礙難行則按中國自主之權而論亦我中國不允不服之事也各國條約原有修好及永遠相安之意而其永遠相安之道所重者則在彼此互從各國各有自主之權耳此文並洋文應由貴大臣躬赴外務衙門向外務大臣誦聽其願末如欲閱看即錄送一分可也 張任案

初六日 晴夜雨

聞德國前相畢斯麻致仕德人不忘其功德擬為立去思碑 英蠻唔加司倫城即洋貨布疋出產最巨之處前年因大舟一時不能直抵蠻城巨富紳商集公司開運河一道以便舟抵境內與利益商已籌一千萬磅僱匠動工茲資本已罄工程尚未七成因開

日記 卷二十一

九

掘地道下層俱係巨石非當初機師所能逆料故工費倍目下該公司總辦已函致紳官再墊借英金二百五十萬磅以求功成蠻城紳董查係實在情形允墊如數云 因查外國好興大工而利存焉鐵路之利徧於各大國不待言矣香港一島中國之荒洲耳英人經營遂極繁盛其地至計尺論價焉自蘇彝士河開而商船之經過者日益股票之價已倍於前美國自總統以至各部其衙署均川盈丈之白石砌成樓至七層上下表裏無非石也不用丹堊而自然壯麗聞需費至一萬萬圓云

初七日 陰

副總統請戊正赴醴戊初上車到尚未見客只來一人耳以後陸

續到齊每一賓輒以女子陪座因之作爲戶部大臣之女邸席散  
已亥正矣因辭副總統及其夫人並女郎而回 俄京報云去年  
八月俄皇特出諭嚴行禁止耶穌教凡教會中牧師嗣後無護照  
者不准驟入內地只許在邊界之處行教不得深入名都大邑以  
防不虞此諭不但各處榜示並札飭俄京主教巴皮棠飭屬嚴禁  
云 因按自泰西教入中國時激民怒其壞民心傷國體至矣兩  
廣總督衙門至被佔踞天津豐大業之案非法遭德滅幾起兵端  
光緒十五年鎮江一案賠銀至十四萬兩如能做俄限制之則民  
生幸而國帑亦不耗矣

初八日晴

日記

卷一

十

英國教師某因中國重慶通商之事已定報知其國曰川地產煤  
鐵極多若用機器開採復求載運之使其利幾非人所能料各江  
中金亦饒自西十一月至西四月水少之時華人淘金者趨之如  
鶩每日人可得金二錢其人皆爲人所僱而月得其值此外鑿井  
之多亦國家大利所在惟採取之法勞力費時不若用抽水機器  
由鐵管抽出之爲便其水道流通自宜昌而上三千英里之長毫  
無阻滯直可右達甘肅左通滇黔但以淺水輪船往來其間則四  
川二千五百萬人民無不獲通商之利云 因觀於此而知中國  
可與之利固甚多也土爲萬物之母生於土者固採之不盡也英  
美爲地球至富之國不過礦產多耳中國則創爲天地留不盡之

藏而任其棄於地焉開平之煤已有成效矣所望風氣日開庶利  
源日濬焉

初九日晴

謁戶部大臣 東俄羅斯西比利亞俄廷近議築造鐵路直至黑  
龍江琿春約共六千里分爲三路而造云 因初至美聞諸美紳  
言美國開闢僅百餘年易草萊爲農桑者鐵路之力也光緒八年  
美總統諭議院曰美國太平洋鐵路直接大西洋者華人之力也  
俄興鐵路如是其急或欲希蹤於美乎然而西比利亞爲苦寒之  
地其氣候固與美國殊也易草萊爲農桑誠非易事或別有所希  
冀焉則爲之鄰者宜預防矣

日記

卷一

十一

初十日晴是夜小雨

聞俄廷近派武弁一人名卑書甫偕數員赴新疆遊歷 因查洋  
人好遊其實偵探虛實耳有爲所歷之國拿獲監禁者則必窺伺  
要隘圖寫礮臺也近來歐洲各國多遊阿洲英人則前十年已有  
流寓阿洲者阿洲其可危乎 十二年八月榮華公司由金山城  
多利兩處招人赴墨西哥華人到彼地甚苦急欲載回而美國須  
有護照域多利亦須有護照否則須繳身稅五十圓當勒令該公  
司衛滋德雷望載回華人已載回七十二人其餘六十餘人業有  
工作者願留 張任案

十一日陰轉北風

法國以經書安南向無善策故度支不足於用度支大臣籌借國債以爲東京等處辦公之用法國委員某查辦科琛等處善後事宜者言之 因查法國得越南後即重斂以求足用商旅因而裹足英商常譏之矣土民不服欲以兵力懾之動輒收餉故兵不能撤而經費愈多越南有如劉義之勇者何難爲旧單之復齊哉 十二日卯刻起開窗則雪厚一寸矣蓋昨夜大雪也

法國借國債五千八百萬佛郎與造鐵艦 因謹按法國水師舍英而外天下莫強而猶增造鐵艦如恐不及至借國債以爲之者將以勝德耶然德之水師戰大洋或不及守海口則有餘蓋其敗兒埠頭得形勢之全而水雷艇之多又足以巧勝也或者各國均日 記 卷一 十一 增鐵艦存莫能相下之心不如是則瞠乎後耳

十三日晴 美國以種植爲務近年棉花之多較前倍蓰一千八百零一年出花四千萬磅者至一千八百二十一年竟有一萬七千萬磅惟一千八百六十二年以有戰事故少至一千八百八十九年出花之數又多於前其運往英國及各國者不少即美國本國廠用者亦有百之三十云 因查美國種棉之盛以十年計實增四倍因又聞諸本邑父老道光年間種茶獲利十年之間荒山盡闢出茶幾至十倍近三十年則茶價日賤茶業日衰茶山又日荒焉盛衰循環惟賴輔相裁成者挽之耳

十四日晴夜雨

聞俄廷大會陸路各軍將領共議中國水陸軍兵額數及強弱情形並查核中俄邊界兩國之礮臺多寡利鈍 因查審度彼己之勢以知強弱之形此謀國者之常事也惟出之佳兵好戰之國則羣疑之 十三年三月駐劄金山總領事梁廷贊稟爲律師科士達才望素著辦理洛士丙冷各案成效已視願歲籌修金美銀三千圓遇有應在美京控理各事悉歸該律師辦理華商踴躍集資即由 中 分季解請轉給十五年七月又稟律師科士達現年修金已是極力而籌來年實在欲請無款不得不預先計及停請律師實因經費支絀起見 張任案

十五日晴 赴禮拜堂送外部大臣之女壘 暹羅近准西人開礦義人所開金礦已成一公司名暹羅金礦有限公司金礦之外又多寶石礦紅碧均備其地在暹羅之西南曼谷之東南二百四十英里約一百見方英里歡林礦爲義人所開暹羅礦與暹羅脫礦一爲入英籍之華人所開一爲英人所開寶石產在地下黃沙層之中其沙層深自數尺至二丈不等更有金礦一爲英人所開二爲新加坡暹羅領事入英籍之華人所開來平省之金礦亦英人所開更有准法人所開者皆納租於暹羅焉 因謹按暹羅舊國也明時其世子航海而來愛安徽九華山之勝遂結廬終老不歸蓋佛教也

世修職責今闕然矣其地多曠不自開而假手他國其無遠圖可知聞英法二國均欲其地將來終為分裂而已

十六日晴

赴總統茶會 英使言英國有大銀行收存俄國家存項銀二千萬兩俄國取用此項該銀行措手不及幾不能支英國家銀行深悉該行並無虧空不過倉猝周轉不及因代墊付俄國存銀如數該銀行遂不致倒以後有鑒於此因再集資本銀五千萬以備不虞焉

十七日晴

赴總統處送水師大臣之夫人及其女葬 俄國以德國之人置

白

記

卷二

十四

產於其國中因查一千八百七十五年德人所有之俄產約百分之二至一千八百八十二年約百分之十六今則有百分之二十此指其財產而言地產德人亦得十分之一俄人思立例限制之云 因按柔遠二字外國所不言也俄人於猶太人波蘭人向有限制之例特未嘗行之於德人今欲以限制猶太人與波蘭人者限制德人德人其甘心耶

十八日 雪中夜大雨

俄國陸軍員弁結盟立黨名為設會實謀叛逆邇因敗露下令執捕有某王亦在黨內云 因查前十餘年今俄王之父亞林三德回車還宮尼希利黨人伺於中途擲火球於車下炸傷俄王當夜

即殞猶昨日也俄之地磽氣寒民貧俗悍其君佳兵嚴刑峻罰民不堪命常欲稍變舊章與民休息至今不靖殊可慨也

十九日大雨

穆哈刺國附近中國伊犁與阿富汗為鄰前為俄所攻敗而請成願為俄屬穆君亦屢朝於俄近俄廷飭該國軍兵六萬均奉俄之軍令口號各營將領盡代以俄員云 因謹按穆哈刺之願為俄屬也欲以存其宗祀也然俄於亞洲所滅浩罕茂甫機窪諸國未有存其宗祀者臣其人縣其地權統於一尊而已耳穆哈刺豈不知前事耶

二十日晴

白

記

卷二

十五

英國造鐵路之費已費英金十萬萬餘磅以英里計之即每里需金三萬七千磅其費也有公議院費狀師費購地費償補人產業虧損之費築路蓋屋造汽車客車貨車各費股利與賞郵銀兩亦均在費之中惟各國交界處鐵路之闊狹不一蓋以防戰爭時越境者也 因謹按外國泥沙金銀人工之價甚鉅故鐵路之費亦鉅中國自造必不如是之費湖廣總督張之 所估鐵路之費其價又似太賤則未知鐵路之費有非關鐵路而因鐵路以俱來者亦斷不能如彼其賤也

二十一日晴

日本國家於英國船廠訂造巡船一艘長三百十尺闊四十二尺



深二十三尺八寸吃水十四尺重二千四百五十噸計有阿姆斯特脫郎四寸七分口徑快礮十尊四十七密理邁當霍斯開斯礮十四尊格林礮三尊放水雷之管三具船身之長三分之二護以鋼甲其形如帶厚四寸四分之三其機器艙與火藥艙之上皆護以半寸厚之鋼板二層其餘一切新法皆備云 因查近日新法航海兵艦以一萬噸為上取其船大礮巨非僅船堅礮利也行江河兵艦則取其入水之淺且可折開欲其便於駛而能入內地也日本初設兵艦試之我臺灣而得利故沾沾自喜其實我之海軍已過之矣

二十二日晴

日記 卷二

十六

法人已在安南之東京與築鐵路以達中國英人見之遂於緬甸亦造鐵路以抵雲南按英國緬甸鐵路已由冷貢起造特尙未造至雲南西界耳印度之鐵路亦已造至緬甸北界以後造至雲南西界可與冷貢鐵路一路相通不僅恃印度通中國矣 因謹按越南緬甸暹羅諸小國我

朝以為荒服僅羈縻之彼亦以為僻陋在夷無所設施自古至今安於渾噩不意風氣日開中國存之而外國滅之也緬越既滅英法遂設開權開鐵路通輪舟向以為無可設施者今居然通商賈焉暹羅僅存不出十年亦將為英法所縣耳此亦猶禹會諸侯執玉帛者萬國至春秋則數十而已至列國則七國而已雖曰人事

豈非天哉

二十三日晴以上四日皆堅冰

聞俄國游歷會人員馬爾騰至甘肅青海等處游歷隨身帶有遠鏡以備窺測天文觀經緯綫以定地理云 因查近年歐洲各國好遊阿洲英人俄人好遊西藏所謂遊者即係偵探諜偵探以杜人之疑也名為遊以冀人之允也緬越二國英法已得隴矣西藏一區俄人又望蜀焉拒之不能備之亦不易矣

二十四日晴

法國所籌越南費用年少一年如一千八百八十七年有法銀六千二百萬佛郎者逾年而減至五千一百萬又逾年而減至四千

日記 卷二

十七

五百萬至今年則僅三千八百萬云 因查三千八百萬佛郎合銀五百萬兩籌費漸減其為度支日絀歟抑為歲入日增歟未可知也然料法人必不棄越南以其可以規暹羅而窺印度也

二十五日大雨申刻見日

嘗聞美國之富由於礦產之饒茲將美國一千八百八十九年即中國光緒十五年此一年中各省所出煤鐵金銀銅錫各項若干計值若干詳細譯出分類錄備考據邊西梵尼亞省九江地有採白煤之田共四百六十一處共出白煤四千零六十六萬五千一百五十二噸值銀六千五百七十一萬八千一百六十五圓伊連內司省六十江地有大小煤礦與煤窟共一千零七十二處共出

煤一千二百一十萬四千二百七十二噸值銀一千一百七十五萬五千二百零三圓阿埃阿省二十九江地有大小煤礦與煤窟共二千零六十八處共出煤九百九十七萬六千七百八十七噸值銀九百三十五萬五千四百圓埃阿亞省共有大小煤礦與煤窟三百九十五處共出煤四百零六萬一千七百零四噸值銀五百三十九萬二千二百二十圓西華前尼亞省三十五江地有大小煤礦與煤窟共一千一百一十一處共出煤六百二十三萬一千八百八十噸值銀五百零八萬六千五百八十四圓阿拉巴麻省九江地有大小煤礦與煤窟共六十六處共出煤三百三十七萬八千四百八十四噸值銀三百七十萬七千四百二十六圓美蘇

日

記

卷一

十八

利省共有大小煤礦與煤窟四百七十九處共出煤二百五十六萬七千八百二十三噸值銀三百四十七萬八千零五十八圓哥拉黎都省共有大小煤礦與煤窟九十三處共出煤二百三十六萬零五百三十六噸值銀三百六十萬五千六百二十二圓諫沙司省共有大小煤礦與煤窟四百二十二處共出煤二百二十三萬零七百六十三噸值銀三百二十九萬四千七百五十四圓美國馬理蘭省阿力根尼江地即中國一有大小煤礦與煤窟四十一處蓋列江地有大小煤礦與煤窟三十九處共產煤二百九十三萬九千七百十五噸值銀二百五十一萬七千四百七十四圓此係出煙甸亞擊省十九江地有大小煤礦與煤窟共三百五十

處共出煤二百八十四萬五千零五十七噸值銀二百八十八萬七千八百五十二圓堅得基省四十五江地有大小煤礦與煤窟共一千八百四十一處共出煤二百三十九萬九千七百五十五噸值銀二百三十七萬四千三百三十九圓田尼西省十六江地有大小煤礦與煤窟共八十二處共出煤一百九十二萬五千六百八十九噸值銀二百三十三萬八千三百零九圓華盛頓省有煤礦十二處共出煤九十九萬三千七百二十四噸值銀二百二十萬三千七百五十五圓歪阿明省共有大小煤礦與煤窟二十五處共出煤一百三十八萬八千九百四十七噸值銀一百七十四萬八千六百八十八圓煙甸屬地共有煤礦十處共出煤七十五萬二千八百三十二噸值銀一百三十二萬三千八百零六圓滿天拿省共有大小煤礦與煤窟三十處共出煤三十六萬三千三百零一噸值銀八十八萬一千五百二十三圓紐墨西哥屬邦共有大小煤礦與煤窟三十處共出煤四十八萬六千九百八十三噸值銀八十七萬二千七百八十五圓華前尼亞省八江地有大小煤礦與煤窟共五十八處共出煤八十六萬五千七百八十六噸值銀八十萬四千四百七十五圓亞利根尼省共有大小煤礦與煤窟十一處共出煤十八萬六千一百七十九噸值銀四十五萬一千八百八十一圓阿諫沙士省共有大小煤礦與煤窟二十四處共出煤二十七萬九千五百八十四噸值銀三十九萬五千

日

記

卷一

十九

八百三十六圓友打屬邦共有大小煤礦與煤窟十一處共出煤  
 二十三萬六千六百零一噸值銀三十七萬七千四百五十六圓  
 的沙士省共有大小煤礦與煤窟十處共出煤十二萬八千二百  
 十六噸值銀三十四萬零六百十七圓佐治亞省兩江地北加羅  
 黎擊省有煤田共出煤二十二萬六千一百五十六噸值銀三十  
 三萬九千三百八十二圓米施根省六江地有大小煤礦與煤窟  
 共十二處共出煤六萬七千四百三十一噸值銀一十一萬五千  
 零一十一圓的哥打 尼加拉 加省共有大小煤礦與煤窟三百四十三  
 處共出煤三萬零三百零七噸值銀四萬六千三百三十一圓  
 米施根省有鐵礦七十三處共出鐵五百八十五萬六千一百六

日記 卷二十一

十九噸值銀一千五百八十萬零五百二十一圓紐約省有鐵礦  
 三十五處共出鐵一百二十四萬七千五百三十七噸值銀三百  
 一十萬零二百十六圓邊西梵尼亞省有鐵礦一百八十九處共  
 出鐵一百五十六萬零二百三十四噸值銀三百零六萬三千五  
 百三十四圓民尼蘇打省有鐵礦四處共出鐵八十六萬四千五  
 百零八噸值銀二百四十七萬八千零四十一圓威司根先省有  
 鐵礦十六處共出鐵八十三萬七千三百九十九噸值銀一百八  
 十四萬零九百零八圓阿拉巴麻省有鐵礦四十五處共出鐵一  
 百五十七萬零三百十九噸值銀一百五十一萬一千六百十一  
 圓紐遮施省有鐵礦二十四處共出鐵四十一萬五千五百十噸

值銀一百三十四萬一千五百四十三圓華前尼亞 西華前尼亞省有鐵礦  
 三十八處共出鐵五十一萬一千二百五十五噸值銀九十三萬  
 五千二百九十圓田尼西省有鐵礦十六處共出鐵四十七萬三  
 千二百九十四噸值銀六十萬六千四百七十六圓美蘇利省有  
 鐵礦八處共出鐵二十六萬五千七百十八噸值銀五十六萬一  
 千零四十一圓阿埃阿省有鐵礦七十處共出鐵二十五萬四千  
 二百九十四噸值銀五十三萬二千七百二十五圓哥拉黎都省  
 有鐵礦十八處共出鐵十萬九千一百三十六噸值銀四十八萬  
 七千四百三十三圓佐治亞 北加羅黎省共有鐵礦十七處共出鐵二  
 十五萬八千一百四十五噸值銀三十三萬四千零二十五圓馬撒朱特

日記 卷二十一

省共有鐵礦七處共出鐵八萬八千二百五十一噸值  
 銀二十六萬五千九百零一圓埃打 天黎省有鐵礦七處共出鐵二  
 萬四千零七十二噸值銀十五萬八千九百七十四圓堅得基省  
 有鐵礦四處共出鐵七萬七千四百八十七噸值銀十三萬五千  
 五百五十九圓紐西蘭 紐西蘭共有鐵礦兩處共出鐵三萬六千  
 零五十噸值銀七萬九百五十六圓地拉威 馬理省共有鐵礦十四處  
 共出鐵二萬九千三百八十噸值銀六萬八千二百四十圓柯利  
華省有鐵礦三處共出鐵二萬六千二百八十三噸值銀三萬  
 九千二百三十四圓的沙士省有鐵礦兩處共出鐵一萬三千噸  
 值銀一萬九千七百五十圓

哥拉黎都省共出鉛七萬零七百八十八噸值銀二百一十萬一千零十四圓三角一分美蘇利省共出錫九萬三千一百三十一噸值銀二百零二萬四千零五十七圓一角四分共出鉛四萬四千四百八十二噸值銀一百五十七萬一千一百六十一圓零四分埃打賀省共出鉛二萬三千一百七十二噸值銀一百零四萬二千六百二十九圓三角一分友打屬邦共出鉛一萬六千六百七十五噸值銀七十六萬三千三百二十九圓零九分威司根先省共出錫二萬四千八百三十二噸值銀四十萬零五百六十七圓零八分共出鉛一千六百七十八噸值銀六萬四千零六十二圓五角三分滿天掣省共出鉛一萬零一百八十三噸值銀四十五萬六千九百七十五圓四角埃阿亞省共出錫四百五十五噸值銀三千六百圓諫沙司省共出錫三萬九千五百七十五噸值銀二十九萬九千一百九十二圓零五分共出鉛三千六百七十七噸值銀十萬三千二百三十六圓四角六分埃阿亞省共出錫六萬三千三百三十九噸值銀十七萬五千零五十二圓零二角紐墨西哥屬邦共出錫一百四十噸值銀二千五百二十圓共出鉛四千七百六十四噸值銀十七萬零七百五十四圓零五角九分埃阿亞省共出錫一萬二千九百零六噸值銀十四萬一千五百六十圓共出鉛二百六十八噸值銀一萬零七百二十圓阿林宣掣屬邦共出鉛三千一百五十八噸值銀九萬八千七

日記 卷十一 二十二

百四十七圓八角四分尼華打省共出鉛一千九百九十四噸值銀七萬二千六百五十三圓零六角四分伊連內司省共出鉛一百七十三噸值銀四千八百圓南的哥打省共出鉛一百一十六噸值銀四千六百五十三圓四角四分阿諫沙士省共出錫一百三十噸值銀三千二百五十圓共出鉛二十噸值銀四百圓嘉里寬尼亞省共出鉛五十三噸值銀一千九百九十九圓六角五分滿天掣省出銅九千七百八十六萬八千零六十四磅米施根省出銅八千七百四十五萬五千六百七十五磅每噸計阿林宣掣屬邦出銅三千一百三十六萬二千六百八十五磅紐墨西哥屬邦出銅三百八十八萬三千零十四磅鎔鑄鉛廠共出銅三百三十四萬五千四百四十二磅哥拉黎都省出銅一百十七萬零五十三磅埃打賀省出銅十五萬六千四百九十磅嘉里寬尼亞省出銅十五萬一千五百零五磅歪阿明省出銅十萬磅華孟省出銅七萬二千磅友打屬邦出銅六萬五千四百六十七磅尼華打省出銅二萬六千四百二十磅華前尼亞田尼亞省出銅一萬八千一百四十四磅哥拉黎都省出金值銀三百八十八萬三千八百五十九圓出銀二千三百七十五萬七千七百五十一圓滿天掣省出金值銀三百一十三萬九千三百二十七圓出銀一千七百四十六萬八千九百六十圓嘉里寬尼亞省出金值銀一千二百五十八萬六千

日記 卷十一 二十三

七百二十二圓出銀一百三十七萬三千八百零七圓尼華打省  
出金值銀三百五十萬六千二百九十五圓出銀六百零七萬二  
千二百四十一圓阿林宣學屬邦出金值銀九十一萬零一百七  
十四圓出銀二百三十四萬三千九百七十七圓的哥打省出金  
值銀三百零九萬一千一百三十七圓埃打賀省出金值銀一百  
九十八萬四千一百五十九圓出銀四百零五萬六千四百八十  
二圓柯利根省出金值銀九十六萬四千三百零九圓出銀二萬  
三千三百八十二圓阿拉司加屬邦出金值銀九十萬四千六百  
五十圓出銀一萬一千九百十八圓紐墨西哥屬邦出金值銀八  
十一萬五千六百五十五圓出銀一百六十一萬七千五百七十

日記 卷二十一

二十四

八圓友打屬邦出金值銀四十八萬七千六百六十六圓出銀九  
百零五萬七千零十四圓的沙士省出金值銀六千八百二十八  
圓出銀四十一萬八千一百七十三圓華盛頓省出金值銀一十  
八萬六千一百五十圓出銀三萬六千八百零一圓北加羅連學  
省出金值銀十四萬六千七百九十五圓出銀三千八百七十九  
圓佐治阿省出金值銀一十萬零七千六百零五圓又出銀四百  
六十四圓米施根省出金值銀八萬七千零四十圓出銀一萬八  
千八百八十五圓南加羅連學省出金值銀四萬六千八百五十  
三圓出銀二百三十二圓歪阿明省出金值銀一萬四千五百十  
二圓馬理蘭省出金值銀一萬零三百六十九圓華前尼亞省出

金值銀四千一百圓出銀十三圓阿拉巴麻省出金值銀二千五  
百三十九圓出銀一百圓 因查美國所出之煤共九千九百六  
十九萬餘噸值銀一萬三千一百五十五萬餘圓鐵一千四百五  
十一萬餘噸值銀四千五百四十二萬餘圓鉛錫四十一萬餘噸  
值銀九百五十一萬餘圓黃金值銀三千二百八十七萬餘圓銀  
值銀錢六千六百二十六萬餘圓合而計之共值銀二萬八千六  
百零三萬餘圓銅價尙未計焉分而較之煤之所值爲最鉅次則  
銀次則鐵又次則金之所值不及煤價之半證以因前所聞開  
礦之利以煤爲最重信不誣也中國之金產於北今則臺灣越南  
山東皆有之鐵產於湖南今則湖北皆有之鉛錫與銅產於雲貴

日記 卷二十一

二十五

而銅尤旺惟歐洲礦學家皆謂中國之煤爲最多且云一省之煤  
可以敵英法德比各國之煤然則中國之寶藏蘊於地者固極天  
下之至富也擅天下至富之權有創之者仿美國而開採之何患  
財用之不足哉但必興鐵路則遠水之礦方能運出耳 請朝鮮  
公使勸 美國可耕未耕之地向有九萬萬六千英畝乃十年前  
已耕之地已有五萬萬三千六百零八萬一千八百三十五英畝  
至近年來已耕之地必更多未耕之地必更少其未耕之地又大  
半爲鐵路公司所有將來人煙益多空地益少云 因嘗於同治  
十二年考外國民數表美國只三十六兆人耳以美國之地處美  
國之人五百年中不憂人滿乃至光緒十七年中間僅十八年而

其民數已增至六十餘兆此非其民之生息蕃衍實客民之入籍者多也美之深識者遂隱隱有人滿之慮擇其易禁者而禁之遂與華人爲難夫禁華人而果不憂人滿乎哉因竊以美之禁自華人始不自華人止也

二十六日晴

歐洲各國查阿非利加地方曠土山林人迹不到之處樹木陰森千霄蔽日者約計有一百零七萬五千二百萬株其小者則如恒河沙數材木之多棄而不用爲可惜也 因查此遊歷者之言也不遊阿洲安知阿洲之土產既已知之能不惜之且垂涎矣子有衣裳弗曳弗斐子有車馬弗馳弗驅歐洲各國皆詩之所謂他人

日記 卷一

二十六

也其將入室乎

二十七日晴

礦務委員徐麟光來見爲至美購開礦機器並訪查開礦之法因謹按歐墨兩洲均以開礦爲重謂爲天地自然之利即禮所云貨惡其棄於地之意又謂煤鐵二者乃富強之至寶蓋以槍礮兵輪火車均非煤鐵不能成而機器各局所以製造槍礮輪船鐵路火車者亦均恃乎煤鐵推之鐵甲礮臺起重機器均煤鐵是賴則以煤鐵爲富強之本信乎然也

二十八日晴

越南地方分爲四省其版圖大於日本而民數遜之一交趾六萬

英方里人數一千二百萬一安南中省十萬六千英方里人數六百萬一安南南省二萬二千餘英方里人數一百六十萬一安南西省三萬二千英方里人數一百五十萬共合中國三省之大法國踞此現在開北路以通廣西雲南開西路以勦撫生番並通暹羅開西北路以通緬甸此近日之布置也法國由東京至富蘭閣地方已造鐵路先行開車試辦以示越南民人有利無弊之意且邀請該處紳士搭坐火車來回俾知鐵道有關係於國計民生之處云 因按二十年前法人垂涎越南歐洲各國皆知之至見於報中國亦知之矣爰派徐旭往查始知東京已爲法人所踞思有以防之而究無補於越南之滅亡者緩不及事也中國非無卓

日記 卷一

二十七

識之人而不免囿於緩之習及今日而振作尙未遲也雖然不可以再緩也 蘭白樓兵艦前在浙江洋面測探水綫現奉水師提督之命仍駛各海道未經測量之處復行查探以竟全工云

二十九日晴

美國之地廣而膏腴民之中農居半美國向分三黨一日南黨一日北黨一日工黨今年又立一黨名農黨刻聞農黨意欲國家多造銀錢紙幣云 因查美之南北黨兩不相下前三十年曾交戰矣其舉總統也則南北黨各舉一人再由各省之民擇定故工黨可南可北袒南則南盛袒北則北盛而南北兩黨莫不牢籠之以爲得總統議紳之券而工黨氣燄遂大矣此農黨者殆欲於工黨

效聖乎

二月初一日時夜大雨

聞新加坡埃白金礦出金甚旺曾以礦石三百五十噸鍊之得金八百七十兩云 因以每噸一千六百斤乘之為五十六萬斤再以八百七十兩析之為礦石六百四十斤零得金一兩尚不如奉天之金礦臺灣之金沙也

初二日小雨

緬甸人之不服英國者英以兵力迫之爭戰累年又云緬甸有大鐵木數十萬根在麻木門地方堆積悉中棟梁之選無人運售英廷擬免稅以恤商欲貨之不棄於地也 因於光緒十五年八月

日記 卷二十一

二十八

由金山至華盛頓計程一萬餘里途中所經多樹林土人用機器隨其大小斲削成材以火車運出其利無窮夫以荒僻之地人迹罕到之區苟無機器安得有如許人斲削苟無鐵路安得有大力者負肩觀於此而知東三省之廣莫若與鐵路不難變為繁富之區焉

初三日晴

英國屬地新金山近來關稅甚旺田賦亦足鐵路進款亦復較多故庫藏大見充盈殊非先時所及料云 因查新金山即澳大地亞法和兩國始得之以為荒遠旋即棄之英人乃經營之其地之廣埒於亞洲華人趨之若鶩英政府按名收身稅一百圓猶屬至

也竊謂萬物無不生於土天下之利莫大於地不善經營則貨棄於地非地之不善也法荷輕棄新金山之地乃為英之外府宜其讓英以富強矣

初四日晴

俄國欲自高加索部接造鐵路通至波斯京城其地已由波斯給與俄人今俄國工師前往測量道里矣 因謹按中亞細亞各回部除阿富汗為英國所保全外其他各國俄實盡之今所存者惟波斯耳乃又中俄廷之計任造鐵路直達其京俄之利波斯之害也波斯其可危乎

初五日晴大風

日記 卷二十一

二十九

緬甸秦人不靖曾毀壞康淮地方之橋梁堯淮至增德地方十一英里長之電綫英人以兵討之 因查電綫鐵路初興多有阻撓之者不得謂之不靖也緬甸如果有人則以數百倍之衆制英孤立之防兵如齊人殲於遂矣英且憚之矣

初六日雨

新報言俄國布哈爾地方有兵六萬日事操練今更壁壘一新因案此地即穆哈刺在中國喀什噶爾之西本回部小國而俄征之已為俄屬矣俄又奪其國柄故一切用俄之號令而壁壘一新也 十三年閏四月照美外部云李中堂來電云福久與韓諸小人勾結謀畔華久恐生亂商之駐中韓美使均云可徑請外部調

回等語事關重大刻下貴大臣想已查明可否轉商水師部大臣  
卽速將福久電調回國免生變亂美外部復云福久向來品望端  
崇係按美高一千八百八十二年所立約款第二條派充駐韓代  
辦公使任內視事小心實與電開情形軒輊蓋因從前別國報館  
刊布謠言誣論福久以致高麗外部頓啟猜嫌積有煩言至今未  
息但高麗外部既以福久爲未能允洽本大臣已商允水師部大  
臣飭福久仍赴本國師船馬利安供職張任案

初七日晴

聞歐洲之婆羅洲新闢華人之在該洲司種植者甚多云 因謹  
按婆羅洲正當赤道之中與新加坡同緯綫其地極熱草木暢茂

日記

卷十一

三十一

凡極熱之地瘴氣必多故歐人至今始闢之華人卽趨之華人足  
迹徧地球亦可見我

國民數之衆矣

初八日小雨

近聞德英兩國因阿非利加洲之暫齊白國所屬之二島爭地未  
決英葡兩國亦以爭阿非利加洲之新土似欲失和法人又欲襲  
取阿非利加洲之屋梅登都城然則歐洲各大國均垂涎於阿洲  
矣 十三年七月准總理衙門咨到會議御史陳琇瑩條陳算學  
取士并游歷人員計俸具奏內開製造各學未嘗不探源於算術  
欲盡取西學之所長殆必以算學爲先導擬請

旨飭下各省學臣於歲科試時生監中有報考算學者除正場仍  
以四書經文詩策外共考試經古場內另出算學題目果能通曉  
算法卽將原卷咨送總理各國事務衙門覆勘註冊俟鄉試之年  
按册咨取赴總理衙門試以格物測算及機器製造水陸軍法船  
礮水雷或公法條約各國史事諸題擇其明通者錄送順天鄉試  
不分滿合貝皿等字號如人數在二十名以上統於卷面加印算  
學字樣與通場士子一同試以詩文策問無庸另出算學題目其  
試卷由外簾另爲一束封送內簾比照大省官卷定例每二十名  
於額外取中一名但文理清通卽爲合式如並無清通之卷任缺  
無濫卷數雖多亦不得過三名以示限制其錄科之卷總理各國

日記

卷二

三十一

事務衙門於揭曉以前咨送禮部備查至會試向無另編字號之  
例凡由算學中式之舉人應仍歸大號與各該省士子合試憑文  
取中如此則搜求絕藝之中仍不改科舉得人之法似亦鼓勵人  
才之一道張任案

初九日雨

俄國人之富於財者近向波斯議開鐵路於其北境以便與波京  
相通 因謹按漢武之道西域爲開邊計也西域人能拒之不使  
深入者則以輪船鐵路未創行遠太難不知其中虛實故開計程  
數萬里攜糧一二年之言畏而中止也然則雄才大略中國固早  
有其人惜未竟其緒耳



初十日 下雪中刻雪止中夜大風

新報言墨西哥國賦稅甚旺鐵路進款亦豐集股之事無不踴躍他邦之人亦爭附之各項製造興作之事皆免稅以示招徠云

因嘗於光緒初年見墨西哥國出入表入款計三百六十萬餘磅出款三百七十三萬餘磅固已入不敷出矣所欠國債七千九百

十萬餘磅歲交債息三百九十四萬餘磅是不僅入不敷出且所入者尚不敷國債之息矣新報所言想係招徠之辭不可信也

十一日 晴日出

法國游歷人員名曹夫馬丁前曾遊歷西比里亞今由京都赴萬里長城由甘肅蘭州西甯前往西藏游歷 因謹按前此但聞英

日記 卷一

三十二

俄二國派人員遊西藏法未聞焉今法亦接踵者何也蓋法人得越南其爭西藏之力可與英俄抗衡由老撾以達蒙自陽則開通商之途陰實開通藏之路路可通矣遣員遊歷者所以深入而探虛實也

十二日 晴

接北洋咨文為容閱事 英國大鐵路二十三條共長一萬六千二百四十四英里並四分里之三較去年增九十五里近於一禮拜之內所收進款共有英金一百二十六萬九千二百五十二磅較去年是時多三萬八千九百五十五磅 因謹按鐵路之裕國利民實無疑義美國官紳嘗為因言曰美自華盛頓立國至今一

百一十年耳其富庶如此之速者鐵路之力也自鐵路通達東西洋而土產遂通於歐墨兩洲而無棄於地美之民數前二十年僅三十餘兆今則六十餘兆矣利之出於地者日增民之歸於美者亦日衆此明效大驗也

十三日 晴

照會容閱 因謹按年少學生出洋肄業誠良法美意然非其人不能行也哈富學堂耗國帑甚鉅而不能培植人才肄業學生皆改裝入教一無所成容閱又身入美籍以中國之學堂私行質銀不能正其身如正人何此之謂歟

十四日 晴北風

日記 卷一

三十三

西人名忌里奮者卓犖超羣熟於古今之勢嘗言地球雖大他日必為中俄英三國瓜分而成鼎足之勢又謂仰光一埠與中國雲南省毗連華人之旅於彼者四萬其他附近各小埠亦惟華人居多巨商大賈為各籍之冠積之既久其地必入中國輿圖云 因謹按中國民數之衆甲於地球僑寓南洋各島者數過西人百倍光緒十年嘗疏陳矣近至墨洲方知各國流寓華人此洲又復不少華人足迹徧天下如海軍強盛有大力者挾持之我國聲威正未可量也

十五日 東南風大雪

越南法商二人隨帶二人入山購茶越人擄之勒銀五萬圓法員

以銀圓如數贖回 因查勒贖之風廣東四川浙江之台州常有之義大利亦有之誠為地方之害而不可以例越南也其人固法人之仇讎而越人之豪傑也

十六日晴雪隨化盡

法國各新報中皆言安南東京將來可必商務之盛蓋觀蒙自龍州稅關所報及北海商務報單而知也又謂藩部大臣有先見之明令造鐵路以達諒山是路一成東京商務必振雖此路成後尙未能與廣西水路直接自廣西至東京尙有水路載運之勞然東京土貨可以日出法國屬地之中如東京者誠少云 因營查法國屬地偏於亞墨阿三洲共四十六萬餘方英里民數二百六十

日

記

卷一

二十四

餘萬人地以在墨洲者為廣民以在亞洲者為多越南民數幾居其半此法人所以謂他屬之不如也往年元世祖曾混一歐亞兩洲矣固一世之雄也而今安在哉

十七日晴

接容閱英文咨文並籌肄業局學堂美銀八千五百四十一圓三角六分 因謹按哈富學堂費美銀四萬三千圓造成而籌出僅一萬餘圓又經扣剝僅得數千圓耳容閱真小人哉 摘錄出洋游歷章程一各衙門人員願出洋者先考試以定去取一游期以二年為限過限者自備貨斧一四品以上者雖自願行仍由衙門

請

旨五品以下人員每月給薪水二百兩准僱繙譯一名月給薪水五十兩一往返川資准按人用二等船一位僕役三等船一名准作正銷一准預支薪水六箇月公項銀一千兩備用不敷則在各使館借支一游歷之時應將各處地形之要隘防守之大勢遠近里數風俗政治水師礮臺製造廠局火輪舟車水雷礮彈詳記備考一各國語言文字天文算學化學重學電學光學測量之學格致之學亦可錄備參考一游歷回華擇其才識卓著者奏請給獎張任案

十八日晴

聞美廷新簡駐朝鮮辦事大臣兼總領事者為赫爾德其人前在

日

記

卷一

三十五

上海經商 因查領事之設所以護商護商者當諸商務猶治民者當知民事也 十三年七月高小呂宋華商稟稱該省總督出示不准華人行醫藥肆售藥必由該國醫生考試後得給准照方准行醫售藥又發電必將事由告知云云請速援救嗣由駐日代辦使事駁除 因按外國無事不壟斷此不過欲華醫失業而本國醫生藥肆專利耳乃地方官居然徇之然則我中國之寬大殊不可及矣張任案

十九日晴天氣暖

又照會容閱查詢前所留銀一萬餘圓 美國南方鐵廠鍊鐵為鋼他處所鍊之鋼無其美者謂足與英鋼相埒云 因嘗聞美國

議紳之言曰人知美國之多金礦而不知美國鐵礦亦多也金礦以致富鐵礦以致強槍礮鐵艦非鐵不能成焉且鐵礦尚有勝於金礦者何也金礦有私藏偷漏之弊鐵礦無之此物此志也

二十日陰

律師嫁女送湖縐熟羅各一疋瓷器二件 聞暹羅京中改設電燈因由滬至日本由日本至美至法舟中皆用電燈美法客棧亦電燈蓋其光清其價廉而又無火患數十年後地球當無非電燈矣

二十一日小雨天氣尤暖不能著棉

阿非利加之南有一山曰薩枯羅其中多金英人現正採取 因

日記 卷一

二十六

謹按中國東三省朝鮮產金由來久矣自礦學興而山東臺灣越南均產金日本亦產金印度西比利亞亦產金亞洲產金之地誠多矣阿洲古以為沙漠之地煙瘴之區而亦產金焉惜乎土人闕之而他人有之也

二十二日晴

赴律師科士達宅送嫁亦茶會之式主客握手為禮各訪其所素識者談心直至夜闌食茶果酒肴而散因獨後因詢駁苛例事科士達謂條陳已撰就明日即發印印成後分給議紳即於是日赴議院面駁因領謝之

二十三日晴

咨北洋為容閔事 俄國裏海地方之鐵路既成數年以來貿易日盛前四年中每年運出棉花九十萬浦達一浦達合二十七斤今年增至一百七十七萬其日盛如此 因查美國會賽棉花會其種類甚多種固不同其實亦資人力中國棉花每年出口亦巨皆運至歐洲紡紗織布而又轉售於中國也中國如自興機器則獨擅其利矣

二十四日雨

俄廷向法國借銀七千萬兩以四千餘萬兩償舊欠之債 因嘗考地球各國之國債而矍然也俄之國債已近二十萬萬兩矣未為多也有按年交息逾一萬萬兩者矣英法是也有計一年所入

日記 卷一

二十七

正供不足供一年之債息者矣葡萄牙墨西哥威內薩是也夫至所入不敷債息則國事難為矣

二十五日雨

美國政府今年與英換約 因聞美國將與各國立報施之約其意在暢銷本國土產其有不銷美國土產之邦則增其入口之稅意在足民裕國也 十三年八月總理衙門咨到中國與大西洋國約章一前所訂大西洋國永居管理澳門之第二款大清國仍允無異一前所訂大西洋國允准未經大清國首肯則大西洋國永不得將澳門讓與他國之第三款大西洋國仍允無異一大西洋國堅允在澳門協助中國徵收由澳門出口運往中國各海口

洋藥之稅釐張任案

二十六日晴

俄國擬於黑海地方由桂打嶼至奴馬奴式造火車鐵路又增添  
鴨綠江一帶之運兵船 因查俄之國勢環繞北冰洋無後顧之  
患跨歐亞兩洲有蠶食之易三百年前不過七十五萬六千方里  
耳今已十倍之矣為之鄰者其可無戒心哉

二十七日晴

謁外部大臣布連又至律司處問德國首相畢思麻將告退 因

查德意志即日耳曼歐人以為王氣所鍾從前頗為法國所制自  
一千八百七十年共君威稜第一相臣畢思麻將臣毛奇特合謀

日記 卷十一

三十八

歐法遂霸歐洲現威稜第一已歿將相猶存畢思麻何忽告退毋  
乃有君爽不悅之意歟

二十八日晴夜雨

檀香山商董程汝楫古今輝來函言該國立例苛制華人無約之  
國無從照會當即往見駐美檀香山公使公使許為函致政府而  
諄諄以立約為急 因謹按檀香山即夏威夷國外國名火蘇魯  
魯太平洋中小島國也國中不過數萬人而華人已二萬喧賓奪  
主既可虞矣鄰近之美國方禁華人該國事事步趨美國有不則  
效之乎

二十九日小雨

署新疆巡撫魏光 新查得羅布覺爾地方肥饒擬興開墾云

因謹按東三省前議開墾移民給地終至荒蕪論者遂以為北邊  
苦寒不宜播種其實非也俄地當新疆之北其氣候尤寒近三十  
年來穀之出口至英者計二千餘萬石其故由於鐵路興則農民  
之徒來者易雜糧之運出者亦易也我

國西北一帶荒地與鐵路後其民必增其墾即廣斯言也此時未  
必以為然也請以此為息壤之盟

三十日晴夜雨

奢士格蘭脫來見 照會江海關以所收容閱變賣學堂之八千  
餘圓匯交 因查奢士格蘭脫乃前美總統格蘭脫之次子也格

日記 卷十一

三十九

總統削平南北花旗之亂厥功甚偉歿後乃刊其戰蹟成書各國  
爭購之得銀一百五十萬圓除工本外實餘五十萬圓今據所刊  
本以相贈且言其母尚有著作即將刊印發售焉中國著作家以  
趨名外國著作家以趨利其實同也

閏二月初一日小雨午後晴露

謁奢士格蘭脫談及其父當南花旗作亂時北花旗鐵路未成屢  
戰不利及鐵路竣而增兵至一百二十萬人調動靈捷戰無不勝  
又值南花旗餉絀遂亦求和鐵路誠富強之第一著也歸而志之  
十三年九月准北洋咨到奏議電報商局應收京外衙門頭等  
官報費擬請酌給現資一半悉心酌核所有軍機處海軍衙門總

理衙門戶部等衙門南北洋大臣出使各國大臣頭等官報皆關軍國要務請自光緒十三年六月起按月結算報資以一半由眾商報効一半按照遞寄外洋電報章程歸出使經費項下按月核給各省將軍督撫頭等官報亦屬緊要事件並由眾商報効一半其餘一半各就情形籌發現資以期眾擎易舉均蓋用印信為憑此外提鎮司道防營局所礮臺兵船印委寄報均照三四等章程令其自行出費如遇軍務海防要件亦照商報出費仍發在商報之先以示區別 張任案

初二日晴

美國婦人會函請往觀婉辭之 因查歐墨兩洲客謁主人例兼

日記 卷二

四十一

謁其妻女而不謁其子習俗然也其妻女并出見且有主人出門而妻女自應客者中國風俗亦頗知之嘗有質於因者曰聞中國重男而輕女夫有權而妻無權信乎因未對則又曰美國女子均讀書均出遊均承父母之產婦不得濫其夫夫亦不得虐其婦也中國之婦人似苦矣因答以習俗使然夫亦各有所當也

初三日晴

美國新簡赫爾德業為駐高麗之公使不日啟行赴高麗 因憶美外部嘗言高麗世為中國藩屬各國知之俄人之覬覦高麗中國准高麗與各國立約牽制以圖存各國無不知之因答曰高麗與日本比鄰而常見侮於日本考其疆域抵日本十之八其人民

抵日本十之七而強弱迥異者則守株不變之故也日本尚不能拒其何以拒俄哉此中國之慮也

初四日雨

英人之在美國祕林海面捕魚者美人設苛例如待華人者禁制之因以為此必不能行也美如強行之必生事端矣 十四年八月總理衙門來函并抄到兩廣總督張函言美國販來火油最多易於引火粵省人煙稠密動輒延燒數百家皆受火油之害請向其外部相商禁美商販油來華即援伊禁華工赴美之法以抵制之當於二十三日照美外部并陪美外部未見結案聞已由田貝轉圜矣 張任案

日記 卷二

四十一

初五日 兩午後晴

前聞高王按照日高和約准將平陽一城開作通商口岸聞中朝駐高使臣袁世凱移咨高王謂平陽一城無論何事不得開口通商云 因謹按立約通商大國藉以牟利小國藉以免害強國藉以兼并弱國藉以圖存墨洲小國多有小於高麗其民數尚不及十之一者通商以後鐘虞晏然或曰兼并之風未啓也然亦練兵教戰保固封疆未嘗敢聽客之所為而藩籬盡撤也

初六日 大霧迷漫晴

英國屬地在可倫比亞者華人在彼已久近政府忽加抽身稅限禁華人 因查澳大地亞之新金山亞洲之呂宋墨洲之古巴卡

拿大均抽華人身稅美國不抽身稅而禁例日嚴華人均趨之若  
鶩者有可謀生也或曰中國以人計地固患人滿矣然比利時小  
國也其人尤滿而不聞越境謀生者則以本國之商務工務礦務  
日興川人日衆遊手者少故出境者亦少耳

初七日 晴未後雨

法國銀庫大臣核計去年國賦所入與國用所出不敷三十兆佛  
郎 因查三十兆爲三千萬以五佛郎并一圓合六百萬圓不敷  
若此不爲多也法國入款歲約三萬萬餘圓以一萬餘交債息實  
有二萬萬圓尙不敷用則近年增造鐵艦之數太鉅也

初八日 雨辰刻雷始發聲窗之玻璃震動作響

日記 卷二 四十二

聞科士達昨日已到議院駁除苛例因卽往謁見詢以駁詰情形  
科士達曰此例本出工黨之意美國公正紳士頗不謂然而議紳  
中如密羅馬羅飛路頓士吉等結交亦寡附之者尙不甚多故當  
駁詰之時除密羅組數人外尙無昌言新例之當行者衆既無言新  
例自當廢矣因詢以將來如何善後之法科士達曰僅恃駁詰聊  
顧目前律司之力止此欲求善後則在政府熟籌之其意似指抵  
制而不肯明言因謝之

初九日 大風晴

聞印度種茶日廣茶務日興英人嗜之者亦日益衆俄國茶船向  
運火油於印度者今皆載茶而回蓋以印度之茶較中國茶價爲

賤也 因謹按中國之茶出口之稅太重前此印度日本不出茶  
時外國之購茶者非中國不可得今四十年來各國產茶日多各  
國之例出口貨物本國向不收稅則成本較輕以較中國則價爲  
賤故皆舍中國而趨印度日本中國出口之茶遂減於昔而種茶  
之地漸就荒蕪矣物窮則變深識者宜知所變計也

初十日 晴風漸小

俄國高加索人爲留後兵者今大增其數 因查俄之國勢跨三  
洲而偏重於歐高加索地在歐洲故增練兵不足異也 閱舊案  
自禁華工之說始於光緒十一年十二月金山領事歐陽明稟請  
其意因美國苛制不已加以焚殺不如自禁遠害所見亦是以後

日記 卷二 四十三

總理衙門亦有此意張大臣遂與美外部商辦既有頭緒於十三  
年二月出奏嗣粵省華商及寓美華商稟於兩廣總督以爲不宜  
請奏飭詳議遂於十四年六月會同巡撫出奏山張大臣從新詳  
議美廷遂自立苛禁各例

十一日 南風大雪午後轉北風雪尤大

新報載法人於越南解運軍糧之兵爲越人所攻劫軍糧盡失兵  
弁多損傷云 因聞孟子之言曰取之而民悅則取之而民  
不悅則勿取仁之至義之盡也然考之今日琉球之民不悅日本  
緬甸之民不悅英人越南之民不悅法人水益深矣火益熱矣未  
聞運也未聞動天下之兵也聖賢之言固可以自勉而不可以責

人也

十二日晴至午雪化盡矣

倫敦報言緬甸境內之蘇巴末國地方土民負隅與英為難

謹按緬甸者中國之藩屬印度之藩籬緬人不修職貢於中國久

矣英人滅之所以固印度也且緬甸可通西藏英人方求於西藏

通商是又為西藏開一徑矣

十三日晴晨起有薄冰

美報言從前中俄定約俄人擬於黑龍江松花江等處駛行輪船

以便疏通江以南之商務中國不允至今松黑兩江並無輪船踪

跡蓋俄以無約不得入江而華船進江之處悉屬俄人轄境亦不

日

記

卷二

四十四

能往現聞俄國兵商等船時時入江海口之外巡哨測探而華船

無一至者漠河金礦所需機器極形重大若山海道用輪船載往

溯松花江而上一水可通頗為便捷若由陸路到吉林轉運費重

時延曠務已形棘手儻一旦有事俄人由海運兵運餉朝發夕至

中國以何策禦之於溟渤之中伯都納一帶精華重地實覺可慮

且我於陸路派兵轉餉數月方達豈非著著落後英法等國以中

俄接壤時慮於心曾派官弁前往踏看至俄人垂涎有素其國之

文武官弁於江之上下南北情形無不熟悉可不慎哉

十四日晴

聞日斯巴尼亞廷臣均已解任另舉一班 因查日國前十餘年

廢女主依薩伯拉後登卡洛斯爭國攻戰頻年庫儲匱乏自是以後國債日增稅歛日重每年交息已五千萬圓而入款不過一萬數千萬此次廷臣之解任想因議貸議稅意見與議院殊故耳

十五日晴

俄報謂中國海防大非從前旅順一口建礮臺十一座陸可為直

隸之屏藩水可為鐵艦停泊其餘力可遙護高麗蓋由旅順至高

麗之濟物浦僅三百五十英里也其次則大沽扼北河而固京畿

江防亦漸興築礮臺兵船日益云 因謹按地球各國均願鄰國

之弱而不願鄰國之強以弱則易就範圍而強則難爭利便也俄

與我鄰乃常越界而佔我北邊之荒地蓋因其地多金礦而垂涎

日

記

卷二

四十五

也我稍一布置而彼嬰然驚焉此其志可知矣

十六日晴

賽爾斐亞國遣兵官二人赴法國學習兵法 因謹按賽爾斐亞

歐洲之小國也前此曾與土耳其共構兵俄國助之為英人所拒而

土藉以不亡蓋鄰於俄土兩國者學習兵法亦自強之志也 十

四年八月二十六日美總統基利芬竟行苛例張大臣於十二月

奏請

旨飭籌補救并呈自禁華工來美簡略又照會美外部駁詰新例

十五年正月美外部復以繙譯傳話錯誤不認前言嗣又再駁美

外部復以幾費籌畫之事垂成而敗議院粹然倡議總統無能為

也六月又駁八月副外部覆文簡略而已張任案

十七日晴

勃爾加厘亞國擬貸銀六百萬兩以修武備與鐵路俄政府阻之

因查勃爾加厘亞與俄爲鄰而俄人向與有約准干預其內政勃欲修武備是求強也與鐵路是求富也勃欲富強而俄阻之然則所謂干預其內政者乃欲其貧弱折而入於己也亦猶保護之云名爲保護而實滅亡之也

十八日晴

美國巴的馬與啞哈啞之鐵路去年一年之中進款有銀錢二千一百二十七萬一千三百四十圓除用款一千四百七十八萬九

日

記

卷一

四十六

千九百二十二圓淨餘六百四十八萬一千四百十八圓 因謹

按鐵路之爲利甚溥前嘗疏陳矣美國鐵路之長甲於地球故其富亦居第一非有鐵路則開闢荒陬不能如此之速削平寇亂不能若彼之易也地球強富之國其鐵路皆多此明效大驗也

十九日 兩午後止

倫敦報言英國求於西藏通商中國已允且立約矣 因謹按西藏與緬甸毗連而實通蜀之道蜀地殷富頗似江浙由其土產之豐也現已開口通商矣願派江而上其行甚滯若由緬甸西藏陸路以達則英獨得之利也宜其亟求立約也

二十日 大霧小雨已刻又見日影未後大雨且有雷聲

美紳言俄德二主相見德相畢思麻與於會俄君甚敬重之 因

查德法師丹之戰乃德國轉弱爲強之機而歐洲昇平之始使德無畢思麻德不國矣俄君之敬重也亦猶秦楚之於信陵君回紇之於郭汾陽也 十四年八月准總理衙門咨稱准美國田使照

稱本國上下議院現議定擬請各國派員會商保護行海船隻之事特於華盛頓京城立一萬國會定於一千八百八十九年四月十七日開會共所欲議之事係行船遇險及一切懸旂吹號並設法救生與考定除沉海報風險等章茲將節畧譯送請屆期派員赴會共商等因前來查該國設立海船公會係爲保護船隻起見至中國可否派員赴商本衙門無從懸揣相應抄錄來文節畧各

日

記

卷一

四十七

件咨行貴大臣酌量情形應如何辦理即行聲復嗣派洋員畢士璧買凝禧陳恩燾赴會張任案

二十一日晴

奢士格蘭脫來見 美國武弁格勒屯近出新法能以十五英寸口徑之礮放六百磅之炸彈合中國九里之遠各國皆羨之 因查外國之重新法也猶中國之重時文也新法出而其人富貴矣且國家又給以牌照假以歲年不准他人攘奪其利英國且特立名目別儲經費以獎出新法之人宜其於便民利用之事蒸蒸日上也夫

二十二日晴



律師來見言南墨洲之巴西國與巴來圭國接壤議築鐵路相通以興商務云 因查亞墨一洲惟美一大國耳巴西幅員亞於美然其民只九兆故其地荒蕪亦曾招工而工資甚微各國民人之赴之者往往到而復返巴來圭尤渺乎小者共築鐵路以求相接以墨洲衆國本有造幹路以通南北全洲之議冀以開風氣而破天荒耳

二十三日晴

奢士格蘭脫來見 送奢士格蘭脫行談次聞阿非利加州有國名阿比西尼亞已認義國保護云 因查阿非利加一洲亘古洪荒自英人遊歷後各國多派人遊歷義國幅員不廣而水師尙強

日記

卷二

四十八

故能長駕遠馭阿洲小國所以認其保護也自此以後風氣日開而阿洲各國均難自主矣

二十四日晴天氣暖可著夾衣

律師來信言美國近簡駐中國之漢口鎮領事官名安多羅求作一書與江漢關以便和衷辦事因允之 因查領事之設所以護商其費即取之於商商繳費於國國給俸於領事外洋均如是也中國力顧大體不屑爲之不知歐洲各大國常預計來年出入兩欸量出爲入有餘則減民之輸將不足則增外國入口之稅蓋取諸民者仍爲民用上無所避其嫌下無所生其怨也

二十五日晴

緬甸民人攻英總管所駐之城名散獨准所有官署均被焚毀惟銀庫未失耳 因按亞細亞洲小國曰朝鮮曰琉球曰緬甸曰暹羅曰越南曰廓爾喀曰浩罕曰機窪曰穆哈刺曰茂甫浩罕機窪穆哈刺茂甫四國滅於俄越南滅於法緬甸滅於英琉球滅於日本朝鮮廓爾喀兩國僅存奉天鐵路能成朝鮮當可保廓爾喀終必爲英所滅而已

二十六日晴

金山商人朱廣英術潤柏來見 俄國整頓愛掃夫海與黑海各口水師修礮臺增添製造各廠俄主并往克里迷亞與高加索兩處巡閱礮臺 因查俄國每歲入欸約六千萬餘磅除付債息一

日記

卷二

四十九

千一百萬餘磅外實計五千萬磅乃以二千一百餘萬磅爲兵部之費以二百八十餘萬磅爲海部之費是兵費一項耗入欸之半居國用之大宗可知其尙武而好兵矣

二十七日晴

戌刻赴廬丁文字會陪總統宴座上係總統副總統外部各部大臣各國公使亦有不到者上下議院紳摺而延請約一百人宴設亞靈頓客棧酒食花卉計費美洋一萬餘圓奢靡如斯可見其國之富 十四年十二月北洋咨到海軍旗式提督用五色長方旗諸將用三色長方旗旗之上角各飾以錨形者改繪五爪團龍頭號橫長一丈三尺五寸直寬九尺大船用二號一丈一尺五寸直



涉一限制經費由各出使大臣於所帶員弁自行酌減嗣後使館准設參贊二員繙譯隨員二三員供事二員武弁醫生各一員一遊歷人員是否實有制器通算測地知兵之選俟期滿後酌核奏辦張任案

初五日晴

英國與美國廠家訂造氣放炸彈之礮能放二百磅炸彈及三千五百碼遠者今成一尊試驗聞可放五百二十磅炸彈二次且一及四千八百碼一及四千六百八十碼皆過於原訂之數然尙有未盡善者則以彈出不準不盡命中亦不盡合拋物綫之理往往高而又高此爲大弊當設法以免之然後可以交付 因謹按光

日記 卷二

五十二

緒十年中法啟蒙北洋大臣及兩廣總督均向美國定購氣礮乃未成功迄今已閱六年礮雖鑄成尙不適用創物信不易也

初六日 晴中夜雨熱

義大利國家創法成一海防妙器使礮臺礮手可免敵船中人望見放礮又可極準蓋其器通於電氣附於遠鏡又能於海道圖中指示敵船方向另有自行針盤指明敵船若干遠近故能有此妙用礮臺又暗藏不露敵船之礮甚難還擊誠利器也 因查美造氣礮義創礮臺孟子所云矢人惟恐不傷人函人惟恐傷人也韓非子云革堅則兵利城成而衝來膠膠擾擾如蠶之自縛耳

初七日雨

西班牙國水師守備巴辣造一船以電氣行於水底日國家重之賜巴辣以榮銜並賞銀十萬圓云 因查鐵艦非水雷不能破而水雷之制各殊所以用水雷者又各殊水底行船亦用水雷之一法耳但恐未必真有把握否則鐵艦失其堅矣

初八日晴

英國四輪載客電氣車已在倫敦試用經過各街具見操縱自如云 因已見美國之電氣車矣他車用馬此則用電電車速於馬而無馬蹄之聲聒耳蓋有兩種焉一則於空際設電綫車首以鐵竿上承電綫車自前行一則貯電氣於車中車亦自行大約以貯電氣者爲簡便也

日記 卷二

五十三

初九日晴

紐約來信英屬卡拿大有華人二名入美境爲關吏所阻華人回卡拿大該地方官索納身稅五十圓方准入境其一已納稅即令入境其一無銀可納進退維谷矣 因按山卡拿大潛入美境此美國禁工以後華人之故智也華人以為得計因謂適以激成美之苛禁華人耳

初十日晴

法國以陸軍費用甚大已欠國債法銀一千兆佛郎國用亦較數年前更形支絀蓋管理銀庫事務未得人也 十五年准總理衙門咨到護覆御史趙增榮慎選使臣一片內開查建議出使事博

采衆論上稟

竊謨責任既重遜才宜慎自非志節堅定才學闕道並通知四國之務洞中體要操守廉明者不足以膺是選查光緒元年臣衙門以使人宜儲奏請

飭下中外大臣各舉所知奉

旨允准是年五月間臣衙門曾經奏保堪備出使者數員嗣後南洋大臣及中外大臣均有奏保山軍機處知照臣衙門每屆出使任滿開列名單請

旨簡派自光緒元年以後臣衙門未經續保人員該御史所稱徐承祖以上書言事經總署保舉等語自係傳聞之誤竊惟今之薦

日記

卷一

五十四

舉人才或習聞其議論或兼採夫虛聲往往有名不副實甚至前後易轍者在所不免此知人之所以難也嗣後仍應責成中外大臣必須真知灼見實有才品卓著堪勝繁敦之選者方可列諸薦剡臣等如確有所知亦當隨時詳慎選舉以備

采擇如有奉使不能稱職劣跡昭著者應將原保之員一併議處又原奏稱奏帶隨員尤應慎選其宗族私親與無職民人皆不准帶及經費應防浮冒等語伏查出使絕域事件與內地不同所帶隨員自須該使臣所素習者乃可以收指臂之効是以歷屆皆准由出使大臣自行奏調略仿漢制得自辟僚屬之意以專責成此中具有權宜其偶帶一二親屬遠涉重溟藉資臂助既由出使大

臣量才器使但使不至專徇私情貽誤公事自亦例所不禁頻年屢屬各出使大臣裁節浮費每年度支皆係造冊咨報照章核銷尙屬相符原奏應請無庸置議

十一日晴

謁上議院紳有司底拉不來擱律師又至墨獨鹿拖樂登銀行

十五年四月總理衙門函稱蘇里那麼在南墨洲爲和屬國和使照會以有華人前往該島應立合同應查該島情形卽札古巴張總領事令查又照美外部乞爲保護往查之矣外部復允嗣古巴張領事稟派繙譯張樹椿洋員拉烏往查於五月十四日起行又接美外部來函云美駐該島領事查明華民約千人在甘蔗穀寮

日記

卷一

五十五

爲工者五百人開店者二百人餘自行種植或開礦工主相待尙優華民無苦遂照此函復 張任案

十二日晴

近四年之中歐洲六大國水陸兵費共費英金七萬萬九千二百四十萬一千一百二十七磅每年幾需二萬萬磅矣分而計之法國共費英金二萬萬五千四百十萬二千八百四十一磅俄國共費英金一萬萬六千二百七十一萬八千三百八十七磅英國共費英金一萬萬二千三百七十八萬六千六百七十六磅德國共費英金一萬萬二千一百五十一萬九千九百六十九磅奧國共費英金六千七百五十九萬四千二百磅義大利共費英金六千

二百六十七萬九千五百四十四磅兵費之巨如此殊不易息肩矣  
因查支持兵費惟英國綽綽有餘德則僅可俄特借貸奧義則不  
免拮据矣顧爾詐我虞已成騎虎之勢俄法致人者也德奧義致  
於人者也或思或縱則患在目前矣

十三日晴

德國新於阿非利加洲之東開闢新地黑人拒之勝負未決乃聘  
請黑人酋長助戰 因查越南之役法國多用黑人為其蠢而用  
命也胡文忠云招募兵勇城市不如鄉村鄉村不如山野蓋以城  
市之人多巧猾山野之人多樸愚巧猾者善趨避樸愚之人聽命  
而已以黑人助戰而以知兵者領之即此意也

日

記 卷一

五十六

十四日晴天氣大暖不能著棉

英公使夫人約見因亥初往見子正而回美國官紳多與於會  
十五年六月金山總領事官梁廷贊稟稱據金山華商縣丞職銜  
黃秉常稟稱竊商聞利防外溢政貴便民自煤油流入中國民間  
習用幾為必需之物歲時所耗隱成漏卮且每因失慎延燒民房  
傷毀物件何可勝計是外洋獨享其利而中國實受其害也商維  
煤油所以盛行祇因光勝尋常燈燭耳今西人新製電燈光敵煤  
油復無傷人毀物之弊雖機器電料初須購自外洋三兩年後亦  
即自製利源不流於外便益仍及於民商等遠賈殊邦眷懷宗國  
擬請於廣東開設電燈生理謹集股本銀肆拾萬圓另擬節畧八

欽伏乞詳請欽差大臣咨請兩廣總督部堂云云已照咨張任案  
十五日晴午後陰見雨點仍霽夜雨

西報言曾侯因病出缺 因查外洋好炎涼喜酬應曾侯以文正  
之裔而出使善與人交宜其能折衝尊俎也嘗見其所創電碼以  
一碼代數字可謂用心者矣如能永年亦交涉中之傑出者也

十六日陰辰初見日

奧國報云畢思麻已辭布相德相之位 因謹按功成身退此人  
事之常也而當時事多艱鄰封伺隙則臣雖欲退而君必留之蓋  
退僅遂一人之心而留實為兆民之福也畢相功在德國強敵方  
張何以聽其辭相位耶

日

記 卷一

五十七

十七日雨

外部長嫁女前已由墨西哥公使出名釀分每使派二十金矣本  
日下帖請臨又送去湖縐二端紡綢一端熟羅一端連前共百金  
亦僅為不豐不殺也

十八日晴

英報云亞洲各礦西人不能盡知然中國日本之多礦產則固人  
人知之中國泥於風水者論及開礦則羣非之今稍去故見中國  
果以西法開採煤鐵則足以行銷天下并奪西國市利其各礦偏  
於國中僅以蒙古地方而言已有一百八十處矣磁石大礦五處  
美國所有著名之磁石各礦不及其大煤礦亦多八十英里之中

皆是也汽機所用之煤亦與鐵相開而生有一二英里之廣即就蒙古之礦而開之所獲已不可勝計矣熱河則多銀礦向爲土人開採所出之銀曾值英洋二百萬圓皆用土法鎔煉者也今有華人在彼開採已向美國定購機器黑龍江南岸亦有華人在彼開採金礦彼處產金本多所用機器亦向英德兩國購用試考中日兩國礦產之數日本之煤有三萬至四萬見方英里然較中國則渺乎小矣中國有煤層四十萬方英里較歐洲全洲之煤爲多開採數百年可無煤乏之憂臺灣有一萬方英里之煤煤層極厚計有英尺百尺足供天下數年之用中國誠地大物博哉

十九日晴

日記

卷二

五十八

因查開礦之利英俄德法其利至溥此猶曰大國也比利時歐洲小國耳其地里民數不及朝鮮之半而考其入款歲有銀三千七百餘兩出礦之煤歲值銀三千萬餘兩鐵路計六千里以小國而所入如此之多開礦鐵路之利爲之也

二十日晴

美國有因命案行賄於審問官者今定其人之罪監禁三年 因謹按堯舜之世共驩有黨殛殺有刑道雖有長消類不能盡絕也外國上下嗜利而不至常散法者則議院報館立法之善也議院通上下之情報館發幽隱之隱而小人之忌憚常存矣華盛頓無盜竊至夜不閉戶則巡捕之力也

二十一日晴

上議院紳宣門訂戌刻會客因借劉繙譯往見並見其弟又見金山省上議院紳某談及美國前此數十年物力不能如是之充所以速變而盛者以有鐵路也鐵路之盛華人之力居多今美國苛禁華人是忘本也中國地方開闢雖萬年而各礦之蘊而不洩地之富與美同若自圖強富當出美國之上人口雖多但使開礦而商務興卽是用人銷路甚願中國之亟求富強不受他國箝制也因謝之

二十二日雨

紐約來電云有美國人名嘉賓打者致書於日報館云伊在中國時曾見李爵相爵相談及美國新立禁止華工之例太苛屬其回國登諸日報如美國不將此例刪除將來中國亦必照美國所議禁止華人之例限制美國在中國之人云

日記

卷二

五十九

東洋日本國所產紫銅海鯨樟腦中國皆產有與其利者則可不資於日本而日本之進款大損中國銀錢之漏卮亦減矣 因按日本與中國比鄰不知輔車相依之義而爲同室操戈之謀臺灣琉球共明徵也日本嘗言海鮮一類歐洲各國無過問者而中國銷售至多是得通商之利而不以陸鄰爲心中國若禁其入口或重稅之亦塞漏卮之一端也

二十四日晴小雨

華盛頓街車六百餘乘每乘可坐二十餘人向用雙馬近見有用  
電氣者比馬為速茲聞又新造電氣水龍以電氣吸水噴水尤為  
靈捷云 因按電氣之用漸推漸廣大抵資其力與光而已力生  
於氣以火灼水為有形之氣如輪車輪船機器廠所用者是已乾  
電濕電為無形之氣如電綫電車等是已電氣既可行車自然亦  
可行船聞已有創之者矣電船如成則兵艦可無須籌添煤之地  
而風氣又變矣

二十五日晴

俄國聞中國將辦山海關至吉林鐵路又有移民實邊之議即飭

日記 卷二

六十

該國辦東省鐵路大員趕緊竣工並移內地人民開邊以免空虛  
且禁中國人民入界云 因按俄多霜氣既限制教士矣又限制  
猶太人又限制德人并驅逐德奧之人其與中國接壤之境每值  
勘界則必侵入甚至踞其地而驅其人恃其強也

二十六日晴

俄於西北里亞之東練成來福槍兵二營該地即與中國蒙古接  
壤云 英報載俄國西北里亞地方不生五穀彈春一地所需民  
食亦須由俄國與得薩口與日本各口運往然形勢甚佳將來必  
為太平洋之大埠俄人以其濱海且距俄國甚遠策應不靈若與  
英有事恐為英之水師所封使俄國東西載運不通則中國修怨

於俄索回故地皆俄人所憂也自造鐵路則可無虞且得大益載  
運則費用可節用兵則策應神速且其取道之審早經遣人分測  
而定鐵路所經之處有礦產甚豐石油上涌云 因按俄與西比  
里亞之鐵路前謂便商今謂防英皆飾辭也使商則商務甚微防  
英則英在歐而不在亞因為直垂涎東三省耳從前運軍器出  
黑海則不以為軍器軍事秘密固應爾爾然明者必識之

二十七日晴

是日黎明即起先飭武弁二人僕從二人附車於辰初先赴紐約  
因即偕參贊汪洪霆繙譯李維格隨員饒鳳起於已刻起行至紐  
約中初領事沈桓等已率同館諸員在火車公司相待即附渡船

日記 卷二

六十一

過海至紐約乘馬車至領事館凡一切行李即由火車公司房徑  
上輪船船名瑞司康業計七千二百噸因到領事館食麪一盤遂  
乘馬車謁格前總統之夫人格夫人兢兢以中國之富強為意謂  
俄人當防非鐵路不可且以紙筆繪圖示因意甚摯又謁郵政局  
之凡吳客脫並其夫人此公不阿埃黨頗愛華人遂送絲綢巾十  
二幅茶二箱絹金摺扇二柄詢紐約郵政局每年可得進項四百  
萬圓計用人二千餘請客後回至領事館晚飯本訂門簾乃加四碟  
其實太多飯後即上輪船船甚寬廠樓上一間需六百圓因與饒  
鳳起共之樓下一間五百圓汪洪霆與李維格共之尚有每人五  
百圓者因不敢問也武弁僕役四人分居樓下二等艙

二十八日晴

并發奏山美起程赴日摺 寅正開船開船後因請船主告以不  
慣洋餐須派一人赴廚房自行造飯船主允之即飭洋人與廚房  
說定准令自炊尙爲合意此後汪洪霖等均洋餐因仍飯疏食而  
已 因謹按食色性也又云少成若天性然則性之所近少而習  
之不可變矣因嘗至洋人大餐房嗅其氣則生嘔強食之亦不下  
嗣僅食生果而已或有勸因以學食洋餐者因老矣安能強胃以  
所不欲納哉

二十九日晴風甚平舟行穩順

同舟有法人數名在越南曾與中國接仗者身受槍傷甚重皆云

日記

卷二

六十二

中國兵殊敢戰如調度得宜訓練有素未易敵也 因聞歐洲談  
兵者皆言俄國之兵難敵爲其耐勞也戈登謂中國之民最能耐  
勞而卒不敵歐洲之兵者一則招募於臨時一則訓練於平日也  
德意志國且合通國之民而當兵宜其戰法以定霸也夫

三十日微雨有霧

舟行多暇與船主考究大西洋路程計由紐約而至法國哈華埠  
約近萬里又言地球自南極至北極經綫計七千八百九十九英  
里赤道緯綫自東至西計七千九百二十六英里赤道東西周圍  
二萬四千九百英里水面較陸面計多三倍陸面分七大洲計亞  
細亞歐羅巴阿非利加北亞墨利加南亞墨利加澳大利亞北極

與南極陸地水面分五大洋計太平洋印度洋大西洋南冰洋北  
冰洋地球盡在是矣

日記

卷二

六十三



出使美日秘崔日記

四月初一日晴

中華書局  
影印

天氣驟寒緣舟行趨北也遙望兩傍數十里時有冰山山有高至百丈者矗立水面或分為三峯或分為五峯皆峭直如筍間有不高者亦嵯峨尖聳大約無土故也

初二日晴

以後天氣甚寒因只夾衣然亦覺畏冷矣 因謹按地球之氣候以離日之遠近為轉移近日則熱遠日則寒南北冰洋日所不能正照者則海常冰南洋冰融惟冬至後一月北洋冰融惟夏至後一月此行趨北漸近北冰洋故多冰山兩月後可化矣

日記 卷三

初三日晴

見冰山三峯峭立水面絕不相連白而無光想雪山也

初四日大雨亦有冰山

舟中英人經商於亞洲者言泰西購運亞洲之絲日本之絲幾及中國之半日本前數年派人至法國學造磁器今其國中已能仿造云 因嘗過美國市肆見中國商人有列肆者所售銅器磁器均目所未見異而詢之則運自東洋者夫東洋之全土抵中國一大省耳其民尚不及中國十之一耳而所興之利已如此中國如振興之其憑藉之基豈可以限量哉

初五日晴

舟中洋人以歌釀衆謂行善舉有捐至一二百圓者因以為不識洋山不願聞繙譯李維格謂不便駁拒致譏吝嗇因勉強助二十圓終不至歌處聽歌也

初六日雨天氣亦寒

舟中多德人有某得頗謙和談次言中國於京北造鐵路俄人聞之頗有戒心謂鐵路若至中俄交界之處則黑龍江琿春一帶之地利中俄兩國共之矣 因謹按易言王公設險以守其國險之時用大矣列國之世齊得十二秦得百二并六國者秦也琿春黑龍江為由海而陸之險地但有鐵路則調兵扼險可以咄嗟而集我之所便敵之所憂也宜俄人之情見於辭也

日記 卷三

初七日晴

暹羅素多金礦巫來油之東約在北緯度十度有地名朋得發者尤為數百年來著名出金之處該處產金甚多英國公司開採祇以周圍叢林瘴氣傷人又距曼谷暹羅京城名之東七十五英里名凱平者亦為著名出金之處今英國新加坡某公司於彼得一地有二百五十見方英里云

初八日小雨仍晴

舟行因大霧不辨海綫至於觸礁險極急退回舟前艙已透一孔矣舟人謂幸本日無大風否則可慮 因見舟行此處水面不平其波紋如沸其水色黃而綠蓋水激石而為是色也江行至淺處

水亦不平但不如是之沸耳

初九日晴

辰正至哈華埠即乘火車至巴黎約中刻參贊陳季同已率各員至火車棧相迎並代覓客棧歇定即僱車赴使館回拜並買火車票次日遂赴陳季同並其夫人之席遂乘車至火車棧陳季同仍偕各員相送上車 是日至巴黎訪問時事知英人於春間去英而赴美國及新金山並英之屬地者有二萬人

初十日晴

午刻至日國界換火車日關因有巴黎日使照會尙不爲難 日

國地界火車多穿山而過不下一百處橋亦近百處 因查日與

日記 卷二

法比鄰而日人親英而遠法蓋前此拿破侖第一屢次加兵於日非英撥兵將爲之拒守日幾亡矣

十一日晴

卯正到西班牙參贊楊慕璿已率各員在火車棧照料遂乘車赴使館使館較華盛頓爲新敞而租價只四之一可見美國用項之費是日即函致日外部訂謁見之期 聞從人向使館索紙當即不准令其送還 因於十五年到使署時即有通飭公文到各屬所至之地不供張不具饌凡火食馬車渡船均因自備冀息事甯人也

十二日晴

謁外部未見日君故不能謁各部因往養生院遊覽憶去年在橫濱遊博物院見虎一隻頗巨象二隻一大一小豹二隻黑熊三隻甚巨其形如犬大者如驢但不似驢之瘦而軀幹偉然徧體皆黑以至目亦黑爪牙堅利宜虎豹不能敵也此外如更格盧獸形似鼠而大如犬鳥則有鸚鵡之類其大如鵝而爪甚利此外尙有元鶴黃鶴之類 巴黎養生院只至一處見熊如橫濱鹿之大者其角長至七八尺又有一種獸昂其頸約高一丈有餘頭形如鹿而無角毛淡黃灰色黑斑如鱗或謂此即鱗也其性慈祥不傷人又有花馬形即馬而毛色不同毛作灰白色而斑純黑如墨爲橫理如畫之勻白黑相間自頭至尾一律因謂何不控而駕馭之則

日記 卷二

四

云其性不馴能傷人故無敢御者羊一種白細毛長一二尺披體如髮穆穆然牛一種毛亦潔白如玉長二三尺披體穆穆然象極大遊者四人共騎之以至各處遊覽駝鳥高六七尺以駕小車可坐一二人此外禽獸之不知名者尙多鸚鵡種類甚多毛色不一水畜則海狗大者如小牛小者如犬毛淺而質黑頭無角亦無耳目之上傍有二窠想即耳也無尾無足前身胸下有物如手掌二即魚之梭也尾亦有如手掌者二出水則合入水則如魚之尾此畜不必常居水中亦有伏水傍者且有離水甚遠而臥者鳴聲如牛膚革充盈毫不露骨養之須鹹水 馬得力 養生院與橫濱巴黎略同惟獅子白熊二者爲前所未有獅子即爾雅釋獸

中之後貌也其形與中國所畫大異首如虎而大於虎而稍長於虎毛則淡黃色而無文雄者前半身有長毛如馬鬃項以下亦然至背脊及腹以後則但淺毛矣尾如牛尾尾之末有黑毛如杓又如筆之乾而毛散者牝者則身前半亦無長毛形質亦稍小大者如小牛小者亦大於最大之犬而如小驢其爪亦巨於熊虎目光炯炯然外國以為獸之王百獸不能敵也白熊如常熊毛之潔白如玉 此地民情與美國大異美國金山地方埃利士人與華人水火華盛頓則白人尚相安黑人亦不滿於華人紐約則華人竟不能徒步出門出門即必有環而噪者甚至拋輒故紐約領事署人員皆深居簡出西班牙華人出門其遠遠望之者相與告語以

日記 卷三

五

為此中國人也日國家巡捕途遇華官必摘帽為禮華官以手加額以答之謁外部則署外兵役擊槍以俟誠彬彬乎其有禮矣與外部照定遞

國書之期

十三日晴

日國接引大臣來見言觀見大君后君主禮節並言將以宮車來迎因詢擬用宮車幾輛因查從前各使一二三輛不等遂酌中用二輛

十四日 陰大雨

收到美署第一號信內上海第十六號 英國印度總督令緬甸

英國商會遣人查勘緬甸至雲南通商道路擬於屯尼之東築一鐵路使由緬甸達於中國俾百貨流通云 因謹按雲南廣西兩省地處邊鄙風氣未開今英人由緬甸以通雲南法人由蒙自以通廣西交涉之事又益煩擾矣

十五日晴

聞美國米西西北河決口 因嘗於美官紳處訪查米西西北河情形知其挾泥與黃河同而來源實不如黃河之遠從前修河之費至三千餘萬仍不能無事也近則無歲不決決則四民失所惟美國人煙不似中國之稠密民數之確患者微減耳

十六日晴

日記 卷三

六

聞美國駐韓使臣與朝鮮君商租巨文島 因查美國立國向不貪他國之土地惟今日似又不然山前此而論則租巨文島美必不為山現在而論則又難決其必無也

十七日晴

查西班牙國勢遠遜美法以前如查理第五富強經營渺不可再聞鐵路公司電氣煤氣街車各公司本國為之則無利而虧本遂讓與英法二國而英法又能得利其故何哉則積習使然認真與不認真之別也

十八日 陰時天氣轉暖

日署各員浣衣包與浣衣之人每月每人日銀三圓因以為費而

繙譯李維格云紐約每人每月尙需美銀五圓也 因按此中國五口之家衣食之費僅供一人洗衣外洋用項固費諸人亦不免隨波逐流耳蓋外洋浣衣每禮拜則浣一次中華向不服外洋漂白之衣無須頻浣也於此見無識力者不能振拔流俗矣 本日係日國出會之期以耶穌各神之像由教士昇行巡歷國家派馬步軍護衛約五千名皆軍裝肩洋槍督隊官只帶刀最後四十人則負載此外尙有奏樂之兵五隊教士約二百人女尼約一百人自酉初由街道排列而過至戌方畢日國大君后暨君主公主君姊均駕臨在某衙署樓上觀覽最後之寶座經過大君后暨各衆自樓上散花而下因於戌正步行而歸使館天色久曠矣

日記 卷二

七

十九日晴

日內因未見君后不能謁客暇中飭繙譯與洋員當面訪詢日國近日情勢因查日國百年以前其君查理第五創霸歐洲幾成混一之勢英法各國受其控制無敢抗者亞墨利加之一洲亦該國先到乃數十年後國勢漸衰墨洲之地既爲和蘭法英所奪歐洲之號令不行祕魯亦自立今所存藩國惟小呂宋古巴二處而已據洋員科敦言日國疆宇東界地中海西界大西洋及葡萄牙北界法國之畢士基海灣及比里紐斯大山其地濱近地中海者計七百一十二里近大西洋者計六百零五里共計一千三百一十七里從前國內分爲十四省現改爲四十九省地形計方十九萬六

千一百七十三里居民十八兆內地皆係平原四面有山環之河道六礦則銅鐵與鉛地土膏腴植物宜葡萄橄欖檸檬杏棗石榴穀宜粟麥麻西南省出車尼酒入口貨物則羊皮牛皮棉花木料機器鐵路料質煤炭麵粉酒魚糖等此種貨物凡山英法德義等國入口者納稅視他國爲輕因和約中有減稅之章故也出口貨物則銅鐵礦原質及銅酒麥鉛橄欖油鹽水銀水果等均不徵出口稅兵制則選兵於民始以八年爲限在本國四年調外亦四年富者出養兵費三百圓可以捐免由兵部另招人替代近國家以八年爲期太久改爲當馬兵者三年步兵者二年期滿准其自主謀生惟有軍務仍當聽調平時養兵十二萬除給衣食外每

日記 卷二

八

名每日給十五山丁合中國銀二分有奇如有軍務可增至四十八萬大礦五百五十尊步兵以八百名爲一旗馬兵以四百名爲一隊將軍分四等領兵之數不齊頭等將軍六員每年俸各六千圓二等將軍五十二員每年俸各二千二百五十圓三等將軍七十員每年俸各一千五百圓四等將軍一百五十員每年俸各一千圓總兵俸八百圓副將六百圓都司五百五十員每年俸各一千圓大小兵船一百二十六艘內鐵甲九艘均由英法等國製造近日在北方比羅巴地方開設船廠但能造船壳而機器仍購諸外邦國中電報直通一萬一千里概歸官辦火車直通六千里慢車每點鐘行二十里快車則二十五里因所穿山洞最多路非矢直故不能

速國債二百三十七兆九十二萬八千磅計息四釐一千八百八十七年暨一千八百八十八年此二年中戶部進項共計一百六十九兆九十萬零四千一百九十四圓四角出款共計一百七十九兆五十七萬七千一百三十四圓入不敷出尙短六十七萬二千九百三十四圓六角讓自一千八百八十九年起加增稅課以期彌補其稅則有人稅地稅生意牌稅居民無論何人俱按月入多寡以準輸納之稅地稅則按地輸納生意牌稅按等級輸納至於舟車狗馬及入城火食均須納稅觀劇者上等座亦抽座費十之一爲窮人院經費曩時藩屬甚多今只存小呂宋古巴二島古巴地方四萬九千四百八十里居民二百二十九萬兵團二十五萬

日記 卷三

九

小呂宋計十一萬四千三百六十方里居民五百七十萬國中設立上下議院外藩海吏戶兵刑工八部農桑則歸工部各部首領每年俸六千圓副者三千圓總辦二千圓都城在馬得力地勢平衍河水環之地形高出海面二百五十丈寒暖不時三月尙見雨雪其高山五月雪尙未消都城居民四十五萬人

二十日晴

日國生子女無論何族其名皆一定不易卽以所生之日定名如每年三百六十六日則三百六十六名自正月一日起如正月一日生子生女應名以某字二日又係某字凡同日生者通國皆同名不計其年之不同也故呼其名卽知其所生之日惟名多雷同

耳日署看館人之女名茉莉律師之女亦命名茉莉一五齡一六齡年不相若因訝茉莉之名何多也繙譯爲因言其生辰相同耳因詳詢其故而知之 接參贊彭光譽信知金山苛待華人責以移徙發覆信二號

二十一日晴

接參贊陳季同總戎信領事沈桓信 聞日國近欲增廣水師已派水師提督乘元斯德拉鐵甲船帶領兵船五艘駛至中國南洋各處以保商船而示聲威 因查日國民數僅十六兆地輿彷彿日本入款計銀一萬二千餘萬兩而債息已耗費五千萬實七千餘萬兩耳水師視中國稍強然越國鄙遠斷不能勝中國過此以

日記 卷三

十

往中國水師當強於彼矣將何以示聲威乎外洋多嘲喝之言知其虛實亦安所售其技哉

二十二日晴

接日國外部文訂二十四日遞

國書 日國入款一百六十餘兆仍不敷出茲將其入款出款分項譯出入項一人稅房產地畝稅共五千四百十二萬五千四百圓一貨稅士單費共六千零四十一萬三千六百圓一電報火車共二千二百五十八萬四千二百五十四圓一官產如礦務共六百六十七萬六千五百四十五圓一罰款及捐免當兵共二百九十五萬八千圓以上共一萬四千六百七十五萬七千七百九十五

圓按中國銀約計一萬二千七百六十七萬九千二百餘兩出項一國君及宗室俸共一百九十萬圓一上下議院人員俸費共三十五萬圓一國債償息共五千七百二十二萬八千五百圓一官產費用共四十萬圓一休致人員恩俸善舉經費共一千零八十八萬圓一首相署俸費共二十七萬六千圓一外部署俸費出使人員共一百零二萬八千四百七十圓一刑部俸費共一千一百四十二萬四千圓一兵部俸費兵丁餉乾共二千八百五十三萬四千八百圓一海部俸費兵餉共七百四十四萬五千圓一吏部俸費共五百八十九萬九千六百圓一農商工部俸費共一千五百五十六萬七千四百圓一戶部俸費共九百五十三萬九千九百

日記 卷二

十一

圓一亞非利加洲費又難多坡善後經費共一十五萬圓一藩部經費未載均另由局供給以上共一萬五千零五十四萬三千六百七十圓按中國銀約計一萬三千零九十七萬三千兩此係本年力求撙節所定之數尚不敷約四百萬圓計中國銀三百餘萬兩

二十三日晴

接引大臣來訂明日未初帶領宮車來陪赴日廷 因查歐墨各洲之處邦交也公事毫無出入而儀文則從優此交涉機緘也

二十四日晴

前出使大臣鄭藻 至日遞國書只川宮車一輛十三日接引大

臣來館訂用宮車之數因告以只用一輛而隨員中有欲同行者再三商酌訂用二輛已成議矣昨日接引大臣又來定一切禮節並提及宮車因云業有成言今日繙譯李維格忽云接引大臣願以三輛來迎因謂昨日並未提及因亦未聞李維格則謂接引大臣言四人一車恐不雅觀因謂前此訂定宮車二輛時即已言定四人一車何至今日忽不雅觀且昨日並未聞有此言參贊楊慕璿亦未聞也因細揣此中情形自是隨員中有不願四人一車者當其與豪欲逐隊時則以得逐隊為幸及至許其同行又以不能獨佔一車為歉故欲增一車自向接引大臣商之乃於因前不便洩漏真情故詭稱出自接引大臣之意因不諳外國語言故敢

日記 卷二

十一

如此此使臣之所以難也未初因率各員衣冠以待護衛大臣乘馬率騎先至因延入大廳接引大臣繼至亦延入坐少頃接引大臣請上車計宮車三輛每輛二馬車後立二兵車前立二御者皆戎裝接引大臣令參贊隨員洋員先上前二車因與接引大臣繙譯李維格上最後一車護衛大臣乘馬在車之左接引大臣為因言此車乃大君后自用之車其他二車則宮中公用者此護衛大臣即大君后御前護衛者因謝之閱半時許至朝門各員皆從傍門下車因則入中門接引大臣又言此惟遞

國書之使臣所由他人均不能由此遂下車入門數十步即上階又由右而旋轉上階約三轉抵便殿殿三面皆懸油畫東邊油畫

二輕給男女像各一想仰前王及今大君后之像接引大臣入內約片時即出延入一門因先行各員在後甫入門即見大君后著公服係白色外以青紗織成花者厚之南面端坐御案之外東偏不在御案之中後立二

命婦西偏則護衛人員因捧

國書入門一鞠躬行十步再鞠躬行至大君后前三鞠躬隨傳我

國

皇太后

皇帝命問大君后好又問大君主好大君主未御殿又言使臣崔國因問

大君后好大君主好曾以大君后似微笑語畢洋員即趨進代以

英語達達畢因乃捧

日記 卷二

十三

國書遞大君后大君后立而親受交外部大臣大君后乃離座近

前與繙譯李維格言詢我

皇太后起居

皇帝起居又詢

皇太后攝政計若干年因答以先後共二十六年又詢日國風景

如何因答云地方富庶又詢在此盤桓能幾何時答以不能甚久

美都尙有應辦之事又詢何時行期答云當不甚遠大君后點首

退回後宮因亦鞠躬至宮門即御座之西偏大君后回身再點首因再鞠

躬至宮門內大君后又立西偏向外點首立東偏則因三鞠躬大

君后遂入接引大臣導因下殿命婦二人亦下殿至外殿命婦與

因握手為禮因詢之接引大臣始知一為公得之夫人十年五一為

侯爵之夫人十年三二命婦及隨員均自旁門登車因仍山中門回

館時已申初館中已備酒食果品款待兩大臣並護衛兵弁宮車

御者分爲二席食時兵弁奏樂約一時許兩大臣以急須覆命告

辭因送至門內遂另僱車謁外部首相並謝接引大臣護衛大臣

是日宮中花園公家花園各衙門花園均送花均須賞多者六

圓少亦四圓宮車賞六十圓賞轎逾百金矣因瞻大君后容止端

莊言語穩重而和藹自是有德之君今年三旬前王歿已五年聞

其峻節爲一國所欽仰殊可敬也查大君后係奧國公主宮中每

年經費八兆必思打合日銀一百六十萬圓合中國銀一百四十

萬兩所有一切侍從伺候人等車馬火食均在其中可謂儉德

二十五日晴

接金山領事左庚信知美金山地方官出票一百二十五張已拘

禁華人二十餘人亟須回美設法辦理 因謹按美國地方虐華

人以媚工黨華人居美誠徧地荆棘矣難矣哉

二十六日晴是夜大風

向例使者謁見君主後即具柬請頭等公使定期接見茲義奧德

法四國頭等公使訂於本日未初至中正接見又外部訂中正接

見當於未初出門謁見頭等公使並二等公使及日國各部至外

部訂小呂宋領事准照辨駁至日及該外部一味推卸其不願我

國設立之意如見肺肝矣

二十七日晴

接古巴二十三號信 美使館三號十七號包封 謁教皇公使  
俄美各國公使上下議院又見君姊此地之車自半時至兩時均  
銀六圓逾兩時再加可謂費矣

二十八日晴

接彭光譽轉來總署電爲巨文島事屬仰回美爲啓行計是夜不  
成寐 日報云近以美國與英國屬地皆禁止華人前往而華人  
之往小呂宋各島者頓增三倍華人工作甚勤土人利爲所分華  
人之利卽土人之害華人既來土人卽無以自容其來也如蜂屯

日記

卷三

十五

蟻陣有加無已不將反客爲主總持工商各藝也乎若各項貿易  
與各類工作華人皆有其分則土人生計安在而又不能與之爭  
者則以其人衆而勢大工勤而利厚也各島華人至多者莫如小  
呂宋且特與中國一葦可杭往來便捷服食器用皆由中國供之  
小呂宋儼一中華世界屋宇皆華式店肆皆華款所售皆華物店  
夥皆華人以及一切鞋匠鐵工水夫庖人染人修容之匠向係土  
人所爲者今悉華人爲之土人自此幾無所得食矣

二十九日晴

勤儉二字非有定識不知其當行非有定力亦不能必行也因行  
之五十年除中間遭兵燹時不可以常理論外其餘皆以制節謹

度不入窘境現在之豐衣足食晚境轉亨者未始非天之報我也

客有不以勤儉爲是者反以因之勤爲好事以因之儉爲吝嗇因  
從容答之曰子以因之勤爲好事其實子亦未嘗不動也因之勤  
在黎明卽起子之勤亦半夜不眠一則勤於作事一則勤於聚談  
其勞神疲精則一也其不能挽回光陰亦同也因閱世六十年未  
敢以有用之錙銖爲無用之損耗自奉儉矣然在京都則施粥施  
醫藥宗族親戚之貧乏者因計年津貼焉四代之祖未安葬者因  
獨力任之焉十世之祠字典質百十年而坍塌者因贖歸而修之  
焉家廟義倉義學之立者因亦有捐助焉節衣啜食所餘者用之  
於此是自奉雖儉而自奉之外殊不能儉也吾子鮮衣美食養尊  
處優一身而外則不費毫釐焉是自奉雖不儉自奉之外固無所  
不儉也合而計之比而觀之子之不儉者少於因而儉者尙多於  
因也又何譏焉客嘿然而退時處今日而言勤儉非信道之篤鮮  
有不爲浮議所搖者遂筆之以自省

五月初一日大吉晴

聞日國上議院首領和徹而阿人甚厚德辦事持正遂訂於本日  
午初相見至時因往謁見蓋年已七旬餘矣道器盎然言次因及  
俄人現造鐵路將至中國之琿春黑龍江邊界將來必爲中國患  
中國非造鐵路與之相接邊防斷不能因應告總理衙門及早爲  
之因答以六年以前已奏我

日記

卷三

十六



大皇帝矣今已興辦但道遠費鉅不易成耳查之洋員知此君前任古巴總督一為首相再為兵部首領現為大將軍日國上下之所欽重者其子又為總督矣其人敦篤可因人而信其言也 美國代辦伯勞麻來見豁達之至 比國公使美路士布路來回謁  
初二日晴

因來時上下人均係頭等車欲僕役之照料行裝也乃中途換車零件仍由棧役取攜至費資銀甚鉅到日時所有一切零件該僕等竟忘攜上馬車但知穩坐馬車赴署非因親見幾將零件盡遺矣此次回巴黎故寫頭等車票只四人二等四人  
初三日晴

日記 卷二

十七

回謁駐華西班牙公使比國駐日公使赴外部辭行 葡萄牙國新將各項稅則加每百之六 因查葡萄牙地方民數均不敵中國百之一自明之末年租澳門之地以通商中國無知其國之形勢者遂稱為大西洋國殊可笑也其入款每年約銀二千萬兩其債息每年需銀一千餘萬兩所以供國用者不滿銀千萬兩蓋其國小而又貧矣其武備不齒於歐洲貧弱如此尚以大自居蓋亦  
嗚呼一派耳

初四日晴戊刺大風捲地繼之以雨  
接北洋電言總署為小呂宋設領事索賠濫征華人各稅詰禁華人醫藥之事 拜發行抵日國并呈遞

國書摺總署咨文總辦信文報局照會北洋信 發巴黎信 復北洋電一面照會日外部

初五日晴西以後大風成初風軟而小雨連止中夜又雨  
洋員科敦布訂設席辭之 此間風氣與華盛頓異知使者遞國書送花絡繹今日尚有送者一律給賞

初六日小雨  
華盛頓及馬得力道路雖雨而不泥濘由其溝洫之通利而修治之善也 洋員科敦請觀鬥牛因其事太忍卻之不往其餘各員均往 接法參贊陳季同信云法國以歐洲現有痧氣由日斯巴尼亞而至巴黎故新定章程凡由日國赴巴黎者所帶行李須  
由關役用藥薰之將來到法界時不免留滯云云已屬繙譯李維格詳查仔細如有留滯則須提早一日啟行以湊船期

日記 卷二

十八

初七日晴  
接華盛頓信知總署已撥經費 德國宰相畢思麻致仕以來人皆思之欲為立去思閣於京師已集英銀二十五萬餘磅 因謹接德相畢思麻啟法定新功在社稷名滿寰區功成身退有古大臣風焉民心不忘為立去思碑德之風氣猶近古也

初八日晴  
飭武弁二人跟役二名押行李先行防蒸行李就延時刻也 猶太人之寄居俄國者多黨於俄國亂黨俄廷擬以重典治之 因

查一千八百年前耶穌遊歷說教至猶太而被戕猶太國滅奉猶太教者遂散而之四方今又爲俄所不容是猶鼠入牛角漸自窘矣

初九日晴

是日因僕役先行未能造飯參贊楊慕璿爲備飯辰初啟行赴火車樓楊慕璿率各員相送洋員科敦爲照料一切甚爲周到辰正開車

初十日晴天氣甚熱是夜雨

至法界醫生驗火車諸人甚苛因等有法公使函不致爲難然繙譯衣箱亦至開視如有不潔衣服則立取出不准帶入法境以防傳染

十一日晴

傳染

日記

卷三

十九

卯初至巴黎即僱馬車謁參贊陳季同武弁等先到一日已入客棧距參贊署甚近陳季同已將火車票及船票訂定並爲具席相邀因甚感之前次過時曾送東洋信封四盒白銅漱盂一副此次再送人參一兩六錢鹿茸一架絲巾十二幅是夜子刻乘火車赴哈華埠 法國報載三月二十七日法國有大員二人名馬川耳暨美川耳均被官府拿辦聞其欲率衆謀爲不軌也 駐法隨員潘承烈病延洋員治之病益增重已三月矣因到巴黎潘承烈聞因知醫延診之乃溼滯也爲立一方利溼導滯令服十劑後改服

丸藥可痊

十二日晴

卯初到輪船公司棧即先上船繙譯照料行李卯刻展輪遽止俟至午初再開此船名蠟薄立端計七千二百噸其式與辯司康業相似因仍下榻船頂之艙汪洪霆饒風起李維格以天氣漸熱人氣薰蒸遂各佔一房頗爲安適是日風平浪靜

十三日晴已後兩午後風漸大

汪洪霆狼狽不堪嘔吐呻吟饒風起亦嘔李維格不能食因尙可支持眠食如常 德國太后現編前王實錄德主與二三元老亦相助爲理以分太后之勞 因居美半年見美國女孩皆挾書入

日記

卷三

二十

學塾詢之官紳則美國女子少時無不讀書者歐洲讀書以英德法之國爲盛惟女子少時讀書故晚年能著書美已故總統格爾脫之夫人亦以著書自娛此外洋風氣也

十四日兩午後雨止風轉小

饒風起李維格二人眠食如常汪洪霆尙呻吟 英國水師提督雪芒致書於其海部曰英國水師之力較之一千七百九十三年一千八百十五年之間極形其弱若逢戰事必有危機蓋不知以屯煤足食爲先也商務盛於昔而船隻乃少於前前時有船一千六十一艘者今僅有五百一十一艘商務與水師相爲表裏商務大而船隻少非所以重商也尙及早圖之云云 因查英之水師天

下莫強而該提督猶以為尙不足恃也者此其所以強也昔主以十萬橫磨劍傲契丹而晉遂亡此前鑒也

十五日晴

風平浪靜船中醫士仍須驗武弁僕役等 舟中英人言俄國兵力之在亞細亞洲者共有兵十三萬五千七百六十名礮一百八十六尊若裏海以東若吐耳啟斯坦若奧母司克若歐庫資克若撥立阿茂皆其駐兵之處也詳細言之有步兵六萬三百二十名馬兵一萬一千六百四十六名礮兵六千六百八名工程兵一千三百五十二名步兵留後二萬八千六百二十一馬兵留後九千三百七十八名礮兵留後二百七十一名鐵路兵二千一百二十

日記

卷三

二十一

十四名各處土兵有步兵一萬四千二百九十七名礮兵一千三百四十五名其輕礮兵有短聯珠槍與長刀其刀較長於英國戰守各礮兵所用之刀極似英國馬兵所用之長刀兵袴多綠色上衣則各旗之兵有各色之衣 因謹按地球各國陸兵以俄為至多亦以俄為至強其在亞細亞洲實為不必設備之處而兵之多已如此其用心殊叵測也

十六日晴

風平水面但作皺紋船行至穩殊可樂也中夜微有風起 越南東埔桑土王之弟名西華才者不服法國率眾肆出騷擾為法人患者數年於茲矣一日忽約歸誠法人以為從此可無事矣既而

逸去 因謹按越南非無人才惜其風氣未開向不講求武備也梁滅而梁之後裔不服陳隋若西華才者亦人傑也

十七日晨起有小雨

西南風舟微側已刻晴而霧起午後更重風止交中後斜陽西照而霧不開舟行則吹氣筒凡舟中鐵索布篷門窗濡染如淋漓漑不止一如夏暑園亭四五更時良以海氣上蒸故也

十八日晴

以前五六日晨起衣服皆發潮溼捫之黏手夜臥則被亦覺溼至於蒸潤偏身初以為衣被之久未浣故也今日晨起則衣不覺潤矣想時值霖雨之候故百物回潮天道盈虛無往不復潮氣發而

日記

卷三

二十二

必收而出霧之日亦近矣 是日海水如掌之平幾如鏡面不過畧作簞紋舟行平穩海程不易得也未後小雨即起南風交申雨漸大風亦漸大船首北面挂帆一片乘風而行船遂向北而側以致席上鐘磬均不能穩天氣驟熱

十九日晨起雨止大霧風亦止

辰後水平如鏡舟所過處時見碎苔浮起其色黃其形如鹿角菜又有小物浮於水上其長二三寸其形如蛤蜊其質如玻璃其薄如蟬翼去年舟過東洋曾見之徧覆水面約數十里不絕今所見甚稀聞有一二而已 本日船行尤穩可援筆作真書矣

二十日晴

近紐約百里外舟行即不敢速望見紐約尤爲審慎直至午刻方到繙譯陸永泉偕巡捕來已代寫中正火車票遂至領事署略坐申初用飯飯後即乘馬車至火車廠約子刻到華盛頓

二十一日晴天熱單衣汗出

美國赫來索新造出海水雷船每半時行二十二海里美廷現又加價令其再求迅速 因查每半時行二十海里則每一時行一百三十餘中里已見其速又再求速此精益求精也水雷之船以能及敵船而不爲敵船所及爲宜故欲速也

二十二日晴

駐法隨員潘承烈來信云服因藥病漸痊求寄丸藥遂寄和中丸

日記

卷三

二十三

四兩與之 因謹按泰西醫家多霸道以治外科諸證尙可若內傷諸病斷不能也潘承烈係溼滯而洋醫令其日服牛乳牛肉鷄汁其用藥一味蠻補至於胸膈脹滿舌胎厚分許其色如醬而尙不知消導非因診視命不保矣洋醫漸行於中國信者崇之而好高者闕之均失平也外科剗割之法一定不易之證外洋既得師傳又已經驗中醫所不及也若六氣交感內傷紛紜錯雜之病其間表裏虛實洋醫實不能辨無法奏功此則爲持平之論耳

二十三日晴北風

西報載中國今年春季十九關共收稅銀三百九十餘萬兩 因謹按中國入口之稅太輕故每年不上銀二千萬兩夫稅則者國

之內政有自主之權歐墨各國增減從宜未聞行之數十年而不變者也此而不變洋貨之入口者多奪土產之利則小民失業輕入口之稅則經費不敷但取他國所收中國土產入口之稅詳細比較則得失瞭然矣

二十四日晴天轉涼可著單衣

日斯巴尼亞國都司披爾曾造水底潛行之船一艘卽以其人名之試行數次悉中人意今日政府議造同式較大者數艘以能容水手二十人至五十人爲率云 因按古書載宛委螺舟潛行水底此不足信者也水有阻力安能前行且無空氣不半日而人皆斃矣大抵潛行之船平時亦行於水面其攻敵也則沈下數十丈也

日記

卷三

二十四

二十五日晴亦涼

日本東京官吏議籌一欸得英金一百二十五萬磅設法使民間得飲清水惟與此大工不能不假手於西人然假手西人又非日人所願日人又不能自爲未必言之可行也 因至美國金山及華盛頓高巴黎及馬得力其地皆不見水而隨取卽有蓋通外河之水於水管如取如掘事至便也日本事事師西人何以一水之利而至今尙未取法哉

二十六日晴天轉熱可單衣

拜發奏回美情形摺 西報稱俄人現建西比利亞鐵路擬穿過西國接至亞細亞一洲共行也皆山腹地再行環轉至俄京其用心至深云 因查鐵路所經必擇人煙稠密之地所以為載人載貨計也惟自俄人為之則滋人疑以其以蠶食為事故耳

二十七日晴天更熱

英國議院議員議於阿爾蘭造鐵路一事預計所費在英金八九十萬之間已眾議會同將不日舉行云 因查英之本國為三島阿爾蘭為三島之一精華萃於倫敦都會向阿爾蘭多農夫興造鐵路則土產之出運成本輕矣

二十八日晴

日記 卷三

二十五

義大利於西歷一千八百七十六年與一千八百七十八年有鐵艦二下水一曰杜意留一曰且大羅各重一萬二千噸鐵甲厚五百五十密理適當皆每半時辰行十五海里一千八百八十年又成一船曰意大利重一萬三千九百噸行十八海里一千八百八十三年利派杜船成噸數速率同於上今更造鐵甲船二艘各重一萬三千二百噸每半時辰皆行十八海里至酒第那船則重一萬三千二百五十噸可行十八海里半其中有康邦機器二副其馬力有二萬二千五百匹自有船以來未有若是之機之力大者 因查義國頻年入不敷出而購造鐵艦仍不敢緩亦騎虎難下之勢也

二十九日晴

使館火食向來膠糶近日廚房以天熱菜費索增價值因增十金眾有不願增者將另爨矣 因查食用之費當以美國為最蔬菜之價有數百倍於中國者魚肉之類有十倍於中國者即極賤者亦三四倍泥沙金銀至斯極矣

三十日晴

李維格來 律師來 義國水師各兵艦在字拉夏海口會操時俱用無煙火藥作轟擊敵國礮臺狀約兩刻時各兵艦所泊之處絲毫不動船內又不覺震誠軍中之利藥英廷擬效用云 因查義國入款約近三萬萬而交國債之息已耗其半所供經費者僅

日記 卷三

二十六

銀一萬萬餘兩耳乃其於海部一項每年需銀四千萬兩共強僅遜於英法亦可以稱雄矣惜其國庫已空難為繼也 六月初一日晴 謁律師又至房東宅及墨獨祿銀行 德國去年已有水雷船九十艘今年可增至一百六十五艘其船大半造於司坦丁廠其中有十五艘各重七十五噸其餘大小有差較法國水雷船重二十噸以外若有戰事可出大海云 因謹按英勤遠略故多置鐵艦德求自保故多置水雷其水師雖不及法然以攻則不足以守則有餘此德人之老算也 初二日晴

美議院議以鈔票五十五兆付戶部開銷公項又議加稅時論以爲擾民 因謹按商鞅廢井田而時論譏之王莽復井田而時論又譏之近日日本改從西法而不願者甚多民固難與慮始也美加入口稅以保本國土產之利加煙酒稅以節上下糜費之財似未可厚非也

初三日晴天氣轉涼可衣二層

德國近來爭鬪阿非利加洲之東土得而復失德人深怨英將施且來暗與酋長衣明合謀令百姓揭竿起事奪回哪恩柴江北岸之地德人又以為莫若與其結盟限以疆界嗣後彼此互相保護使他國不能侵越又禁他人前來襲取乃爲上策 因查施日來

日記 卷二

二十七

居阿已十餘年久與阿人無猜矣英人用以開阿洲較德國之鳩居鵲巢固已操勝算也德人受其播弄而不與爲讎且欲結好此亦識時務者

初四日晴

日本新報謂今年日本量入爲出少日洋四百五十萬圓議摺節各項費用以補之其地稅與一切賦稅亦議加重以補其闕所有補助耕斂之費有日洋一百二十萬圓以國家度支不足而罷所幸者東京鐵路造成共進款富有日洋一百萬圓云 因謹按日本之地抵中國二十分之一其民抵中國十分之一而入款至銀四千餘萬圓亦可謂善經營矣然其國債已至十餘萬萬將來必

踏墨西哥葡萄牙之覆轍焉

初五日晴

下議院外交處議紳好德來見言英人已據阿洲之酒含亞地方葡人聞之大恐以爲其地素爲葡有今爲英人所據未知葡國外如何處置即酒含亞江英人亦欲爲各國商人公用前此英船過江葡人不許其懸英國國旗者英人必欲懸旗而過云 因查英特水師之力佔據島地各國無不憚之過此以往弱國之屬地罕有能自存者亦可慨也

初六日晴

接南洋電 謁議紳宣門不遇 英國所製之無煙火藥名爲敦

日記 卷二

二十八

大含脫者其形若硬象皮而性亦同之入水不漏故藏於水內能不失炸力若手握少許然以火能徐徐焚燒而手不傷迨得確力而炸則其力較尋常火藥力大無比 因查硫磺出於煤故其煙重火藥以硫磺雜確爲之自然有煙但以樟腦代磺則無煙矣英人欲祕其法以待重價未必能如願以償也

初七日晴天氣微熱亦可衣二層中夜可蓋薄棉被

訂謁下議院紳 美國金山規矩會牧師花勒當環游地球一周考察教務游畢而返述其所見陳於會中日美國違約禁止華人至美一事爲無識者所爲無禮之尤凡我美國人民當同深痛惡羞對中國者也然則公道在人心美國非無辯護也

初八日小雨

接南洋大臣會國 電屬查云者司德槍彈價值並合川否當即復電 俄國久欲令其內地農人遷居於黑龍江今遷往者已有二千二百四十人祇以山奧得薩至琿春路程艱險船中供應惡劣病斃者數十人即已至琿春者幼孩亦多病斃俄人不安於其居云 因謹按漢武帝徙民以實邊趙充國屯田於塞外均為用兵計也近年英國謫罪犯於新金山而澳大利亞入版圖法國駐兵民於西貢而越南不世祀俄人徙民琿春其心從可見矣

初九日雨

謁哈司司公司觀礮樣並商購槍彈以南洋來電也該公司經

日記

卷三

二十九

手人即在而立客士銀行隔壁查云者斯德廠所造之槍為步軍所用者由後膛入六錠可以次第而發槍首有尖刀可以近刺欲驗其彈力所及之遠近與中靶之準否則嘗於廠中空闊之地試之

初十日晴

初三日倫敦來電云英人在美國秘林海中捕魚曾被法人扣船及棧魚之兩房該漁人曾於五月訴美政府美仍不准英船捕魚現英廷已照會美政府云若美國縱容他人攔英船隻扣留棧貨不願盟約英國不能不問如不即給還船棧不照約章保衛英人英國惟有用勞以自保護且將拘執者治罪云云 因查萬國公

法凡海邊之國僅能管海之沿邊者十里其外作為公川美國以秘林保美地而欲專全海之利施之他國或可以行英國斷不受也從此多事矣

十一日晴

金山地方官拘執華人二十六名逼令遷徙 俄國高加索兵拔營而南以近阿彌尼亞之境分紮於交界各處其兵分有二大軍軍各有步兵三小軍哈薩克兵三小軍共二大軍一在高加索之南以別夫力斯為營務處一在高加索之北分紮於三處今高加索山之南合哈薩克兵而計之共有兵七萬其南與亞細亞洲土耳其接壤哈薩克輕騎善戰素著勇名俄於西南與德奧二國之

日記

卷三

三十

交既有大軍駐紮今於其南又徧布重兵非防土耳其也 因按兵將須令習勞久逸則懈弛無用調之使動所以令習勞也特俄國軍額本多每一調動則駭鄰國見聞耳

十二日晴

謁下議院紳宣問華人之至英國屬地卡拿大者須按名納身稅銀五十圓否則被獲後監禁或驅逐回華然重稅如此華人仍絡繹而至者蓋由此而入美國也 因聞光緒十四年美國苛禁華人後華人均由卡拿大墨西哥潛越入境自以為捷徑也及此事未久而美國上下皆知之蓋山工黨言而播散於部員議院也過此以往美必設法以防之矣

十三日晴

英國漁人在美國福林海口捕魚美人禁制之已經英國與美辨  
駁美人未允近英廷有文至美如必不允英人捕魚與之為難當  
派兵艦前赴該處駐守以為保護 探悉德兵艦華爾市之管帶  
官山滬鼓輪駛往俄羅斯屬之西比利亞察探所造鐵路究有若  
干長若干里以及接至何處暨俄人在該國如何舉動逐一細查  
電稟政府核辦云 因查俄造西比利亞鐵路於歐亞兩洲軍務  
商務均有關係然俄之於德處處毗連軍務往還初不專恃此鐵  
路也其關係至重者實中國耳德人留心偵查亦衣柳之意也  
十四日晴

日記

卷三

三十一

字林報云聞湖廣總督張之 前向外洋聘得熟識製造大礮機  
師一員名米也由德國乘輪來華已於前數日抵滬即附商輪前  
往湖北赴新創鑄礮之廠云 因按德國克虜伯廠煉鋼之法祕  
而不傳中國購船購礮之員曾詳詢之則游移不吐亦如新出之  
無煙火藥也該機師如傳此法則制鋼獲益多矣  
十五日晴漸熱夜尤熱

復南洋大臣電為查槍彈事 日本前赴中國之公使曾奉命必  
欲親遞國書又以中日和約今昔殊情擬欲修改中國政務股繁  
修改未易就緒然日本至中國之貨日多雖於關稅有增而銀多  
漏出此亦宜防至日本之所懼者中國民數甲於地球彼來此往

載在盟府若不乘時修改華人之至日者漸多彼時禁之不能驅  
之不可日本憂之故有修改約章之命 因按日本步武西人此  
豈欲效美之禁華人乎華人之於日本皆商也所見左矣  
十六日晴熱

李春官告假回華省親申刻大雨傾盆李春官即於此時啟行  
聞李傅相定於秋末冬初命駕至旅順口閱驗船塢以及兵輪灣  
泊之所云 因嘗考泊兵艦之隔水宜深基宜廣形勢宜藏中國  
現少此地頭等鐵艦不能容也旅順船塢聊以為目前兵船之需  
如製造萬噸以上者尚須另營船塢矣  
十七日晴

日記

卷三

三十二

美國派兵船一艘名亞盡晏士由太平洋赴哥廷包埠順至中國  
駐泊保護商民 彼得堡來電今年進出兩款進有羅布八萬萬  
八千九百萬出有八萬萬八千七百萬量入為出尚有盈餘較去  
年進多二千七百萬出多二千八百萬云 因查十年前俄國入  
欸每歲不過六千餘萬磅合中國銀三萬餘萬兩耳而國債則十  
餘萬萬兩債息鉅矣茲報所言似不實也  
十八日晴

俄國參將某以防守克浪可他地方機密地圖售於某國武員得  
俄銀一千二百羅布事洩挈訊屬實初定以苦工後改以洋槍轟  
斃云 因按俄負北冰洋之險以虎視天下自英法諸國合縱伐



俄終不得志拿破侖第一又挫於俄此後無加兵於俄者俄遂無外侮矣顧其內患實深尼希利黨屢見謀逆臣多貳志其憂在蕭牆之內而俄之君習以為常不聞內省蓋北方之強欺十九日晨起陰辰以後晴

調紐約隨員劉宗蕃到使館察看德國水師中添造各重一萬噸之鐵甲船四艘二造於伏爾鏗廠一造於溪耳官廠一造於維爾海爾姆司海文廠 因查近日風氣鐵艦以萬噸為新式從前德國不重海軍近十餘年製造漸多必有長駕遠馭之思而將馳騫於屬土也

二十日晴

日記 卷三

三十三

英廷前命施且來元戎馳往阿非利加開拓新土業於去夏告厥成功故施君去臘回英覆命官商聞而迎途為之塞今悉施元戎已娶親英人名元戎曰開闢阿洲東方新土之第一人其地亦名施且來以垂永遠云 英人欲在緬甸開通鐵路達於雲南並謂雲南商人亦望鐵路早成以收大利云 因聞施且來先居阿洲十餘年與土人相浹洽故其發也疾如脫兔敵不及拒德法各國雖均派兵弁分裂阿洲終不若英之得勢且佔便宜英人用心之深求效之遠於此可見

二十一日晴

舊金山之南有地名下金山者屬於墨西哥國英人於彼開墾者

立有公司所墾之地已多英人謂得其地以屬英墨西哥其如我何昔英國之得屬地均如是也英之本國只三島今比於諸大國實屬地之多耳 因查墨洲全土始闢於日斯巴尼亞嗣後和蘭佔之法人佔之英人佔之其未為各國所佔者則又皆立為自主二百年來滄桑屢變和蘭只存麥天那一隅法國只存濟安那數處日國只存古巴一島而英國之屬地獨多近又垂涎於下金山古語云前人田地後人收惟強有力者主之耳

二十二日陰

俄國將軍某製成鋼甲戰陣之際可禦刀槍與彈且輕而易舉服此甲者於槍彈之來不覺其震俄國陸軍各官異之 因謹按近

日記 卷三

三十四

日來復槍之彈皆用純鉛取其質軟而能循來復緩以出也因嘗思之其性既軟則遇硬於彼者必不能入如衣鐵甲可以避之今果然矣然彈之尖稍鑲以鋼其圍稍小於鉛則仍能循來復緩以出而鋼甲亦透矣俄人之自為奇異者安能久哉

二十三日晴

印度產茶日盛一日其成本尤輕其販往英京出售者每磅價值計一先令七辨士業已獲利三倍中國之茶成本既重稅釐又費將來茶業之利必為外洋所奪 因謹按英報載印度錫蘭海島之茶新有一種色香味俱佳英人好之每斤計價銀五十餘兩然則印度之茶非僅價廉其種尤美我中國當亟思整頓以防茶利

爲人所奪也

二十四日晴

德國去年郵政官電報兩項贏餘德銀三千七百三十六萬八千馬克即英銀一百三十六萬八千磅多於預估之數二十萬磅

因謹按郵政局進項美國六千餘萬回德國則銀六百萬兩合兩國之地土人民不敵中國之一半也中國如仿其興辦其利不尤大哉

二十五日晴中後大雨

美英兩國祕林海峽捕魚一事向有成約今美欲推廣約中之意謂阿拉司夏島所有之水獺屬於美國美國分當保護英國則不

日記

卷三

三十五

以爲然謂昔者英國捕獺之人爲美國巡船所拘至今英未釋憾今不得無故而更張之云 因按美與英爭祕林海峽捕海龍事可謂以全力持之矣然理不足而勢又不敵欲英之拱手而讓其利決不能也形見勢絕美必不免矣

二十六日晴

皇上二旬萬壽是日黎明均花衣赴大廳恭行三跪九叩禮早備壽麪席晚備水陸酒席用誌慶賀 金山來信地方官所拘執之華人二十六名察院斷定以爲美國不應逼迫華人已釋之矣 美國自一千八百八十九年七月初一日起至一千八百九十年六月三十號止一年進款單 計開 入口稅進銀二萬二千九

百六十六萬八千五百八十四圓五角七分 內地稅進銀一萬

四千二百六十萬零六千七百零五圓八角一分 鑄金銀圓傾

銷與存積金銀條出息進銀一千二百零一萬七千二百四十四

圓二角五分 售賣官地進銀六百三十五萬八千二百七十二

圓五角一分 領事署並創造新製牌照與置賣田地所收規費

進銀三百一十四萬六千六百九十三圓三角二分 北施域鐵

路公司存還欠款進銀一百八十四萬二千五百六十四圓五角

二分 國家銀行牌餉進一百三十萬零一千三百二十六圓五

角八分 稅關所收規費罰款充公等項進銀一百二十九萬九

千三百二十四圓五角二分 北施域鐵路公司納還利息進銀

日記

卷三

三十六

七十萬零五千六百九十一圓五角二分 售賣煙甸人土地進

銀三十七萬二千二百八十八圓一角五分 老病兵院存款出

息進銀三十萬零八千八百八十六圓九角九分 海龍皮稅進

銀二十六萬二千五百圓 干犯外國人來美僑寓之例所收之

款進銀二十四萬一千四百六十四圓 發賣國家物業銀一十

九萬二千一百二十三圓九角九分 履勘官地所存之款進銀

一十一萬二千三百十四圓七角九分 損壞官地罰款進銀三

萬五千八百五十二圓三角七分 美都會城所進之款銀二百

八十萬零九千一百三十四圓九角三分 雜項進銀一百六十萬

零十四圓八角一分 郵政進款共銀六千八百八十八萬二千零九

十七圓九角二分 合共進款銀四萬六千二百九十六萬三千零八十圓五角五分

二十七日晴未刻雨遽止

美國之地為歐洲富貴之人所有者計二千一百萬英畝其中為英人所有者最多英人所置之地在美而其人在英收租人與地不相屬豈由是生美國鑒此乃立新章限制之 因查美國未墾之地按年出售英人多購之以資播種利至巨也茲美國以人數驟增荒地日減深慮將來人滿故議禁工并限制荒地之外售也

二十八日晴 英報言中國漢口之茶運往俄國者雖多於昔然俄國茶市亦有

日記 卷三

三十七

印度與錫蘭之茶中茶運往雖多恐不能久且漢口之不及印度與錫蘭者有五一資本不充二載運不便三講究不精四不得至味之所在及嗜茶者之所好五中茶稅重印度錫蘭之茶出口無稅凡此皆印度錫蘭之見為易漢口之見為難者也惟漢口出絲既多銷流亦廣且天時人力各得其宜宜絲之出口盛也 因謹按三百年來絲茶二宗為中國獨擅之利今則茶利已為印度所奪而日本法義各國均留心於養蠶所望遠見者早慮及也

二十九日晴是夜大雷雨

謁律司 華人某久於美國而欲回華請於美政府給入籍紙以便回美政府不允 因查華人之初來美也美國甚招徠之而斯

時華人不願入美之籍及至歐人皆入美籍則妒華人而禁之不准入籍時事無常浮雲蒼狗惟胸有千古者乃能洞燭先幾耳

三十日晴

美國紐約及川司德派兩城之機器廠獲利甚鉅每年除開銷外淨餘美金八萬磅創廠人已擁厚貲云 因查外洋機器各廠國家與商民均設故風氣日開中國船局機器局每以經費不足停工夫停工待費則有作有輟而工藝不能精矣且停工而不能不給工資則餽糜虛糜而成本又加重矣風氣未開在有力者振作之也

日記 卷三

三十八

出使美日秘崔日記

七月初一日晴

金山工黨既禁華人之來繼見金山華商依然列肆按照公法例不能禁遂謂華人所居之地污穢宜另指一地使之遷徙聞該工黨又請於地方官矣

初二日晴

聞西班牙夏間各廷臣又易云金山領事來稟言工黨逼遷唐人街事因查美國工黨蓋無日不妒忌華人也未來者禁絕之已來者攪擾之必使之不安於居焉然華人亦有自取之道矣各堂之讎殺鴉片之匿稅屢懲之而不止此二者實人心風俗之憂為

日記 卷四

美國之所厭惡者也此挽回之所以難也

初三日 時雨時晴

謁律司科司達告以金山工黨事律司謂俟其行例時然後駁之并使永遠不行此非其時駁無益也

初四日 晴亦有雨

黑龍江漠河金礦業經開採金苗甚旺茲聞距三姓東三百里距吉林省一千三百六十里地名巴虎其地山川雄鬱產金之地二百餘處俄人覬覦之聞當道已奏請開採派員往查風氣日開富強有漸殊可喜也

初五日 雨中刻雨止戊刻大風雷雨

美國人列都約翰來書以舍路埠地方華人來往阻滯請添設領事因以未奉

國家之命婉辭之因查洋人趨利之心無孔不入美國工黨禁華人華人所以來往阻滯苛禁不除雖添設領事空糜庫帑耳何益於華人哉

初六日 卯刻見日日出而雲重雨

越南法國兵弁至紅火山攻不服法人之黨法兵受傷甚多法統領馬凌受槍傷至重搶回而死又為越人梟首而去法議政局議借六十兆佛郎經營越南因謹按越南臣服中國不侵不叛惜風氣未開而為法國所滅然黑旗之勇法人畏之准軍克復諒山

日記 卷四

法人父哭其子兄哭其弟無不歸咎於創議之人至今日而兵弁之駐防者損傷未已也爭地殺人者足以鑒矣

初七日 晴北風天氣驟涼

德國漢地紳士將以漢地故紳大屋贈前相畢思麻以禦冬蓋以畢公現居之第寒氣逼人不宜於冬故也此可見德人之愛畢相云因嘗考德國之地與民數及其建國之地而歎德國之難治也又嘗考拿破侖第一之虎視歐洲分裂德國而歎德國之難圖存也又嘗考同治十年德法之戰而歎德國中興之業為不可及也聖君賢相並耀千秋今其君威稜第一已薨尙餘畢相痛定思痛宜民之不能忘哉



初八日晴北風可著夾衣

西報載越南河南地方土人與法人交仗勢甚勇故土人僅有快槍六十桿而法兵數倍之法兵決為寡不敵眾銳進圍之土人四面應敵槍無不中法兵不敢前土人竟潰圍而出只傷三人法兵之死者十倍云 因謹按亞細亞洲法國向無屬地僅東印度一隅耳自咸豐十一年乘中國之亂遂踞東京不三十年全有其地越南為之不祀其至今不靖者亦民之不忘舊君也

初九日晴涼

英國之新鐵甲戰船名安生方於前年竣工下水近奉提督之命會操各水師兵法陣法及練操畢後覺船中機器有損嗣在提文

日記 卷四

礮船陽察驗查其中機器多損兵部大臣謂此中必有取巧作弊者現已札飭某水師提督隨帶合同馳往製造原廠逐款辨駁以期更換損壞機器據聞安生鐵甲當初造價計英金二百萬磅噸位尙在外云 因查製造船廠各廠其利甚鉅其弊亦多凡訂造兵艦者非諳練之人則不適用日本於法國船廠所造之兵艦是也而不能以真廉自持者每致中飽此則悉數難終矣

初十日晴亦雨

謁律師 美議院議美與各國交易須利益均沾如進口各國向得免稅者查其出產之處而請與國亦以利益相答茶葉向來免稅而美國虐待中國之民知中國必不滿意將以美之所以待華

人者加之於在中國之美商今雖有議料中國斷不允遂中止云 因嘗考歐墨各國之稅則無不隨時變通惟中國則一定不易耳美於中國貨物入口所抽之稅有值百抽五六十者有幾與成本相埒者宜其歲入至銀三四萬萬圓矣

十一日晴戊初兩夜小雨

金山十七號報言美國鉢崙地方之鐵路公司分造鐵路數條以資利便均用華工現擬招華工五百名前往古市比埠以期集事云 因每與美之紳商相接必詢華工在美情形大約西省之紳一帶 必惡華人受工黨之舉也其餘則不然商人則無不愛華人者為其工價廉而能耐勞苦也然商人惡工黨而勢實不敵蓋

日記 卷四

美之保舉總統議紳計人數而不計貧富一公司而用工人數千人博高位者安肯顧公司而得罪於工黨哉

十二日晴天涼可覆薄棉

去年中國產絲較前四年為多蓋觀於上海廣東二口出口之數而可知也廣東出口之絲較前年為多日本則去年之絲較前二年為少然自一千八百八十五年至一千八百八十八年出絲日盛去年雖少無甚大損觀東方出絲數目知大有起色矣

十三日晴

美國民數於六月一號起查今告成按總辦戶口之報知本國現有六千二百四十八萬零五百四十人按一千八百八十年本國

人數計五千零十五萬五千七百八十三人此十年中人數加至二成蓋因別國入美境者共有五百二十四萬六千六百十三人云 因謹按華人至美較歐洲各國不過四十分之一耳而美廷禁之者則以招工黨之忌又以不入美籍而無援也

十四日晴

義大利王子至德以固德奧意三國同盟之局雖畢思麻去位依然不變云 因謹按義大利古稱羅馬二百年前曾霸歐洲今國勢非舊然水師之力足繼英法而稱強焉惜國債繁勦力不能持久矣合縱解而秦遂王德義奧之盟寒而俄難制義有智謀之士焉敢不固三國之交哉

十五日晴

記 卷四

五

美廷電諭金山稅務司加抽入口之鴉片煙膏每磅稅銀十二圓云 因查外國稅則其輕重懸殊者非苟然也大約本國所必需之物其稅必輕或免稅以招徠之如美國之於茶葉是也奪本國土產之利者其稅較重所以保本國之利如美於中國之米棉是也其於無益於日用之物者其稅尤重以其糜費於無用之地欲民間惡而絕之如各國之於煙酒美國之於鴉片是也凡此皆具有深心而各國一轍者也

十六日晴

美廷搜購現銀本月已購到一百二十餘萬兩各處銀根十分窘

急銀行尤為喫緊幾不能支持云 因嘗考外國之錢法矣金銀二物鑄成錢者用以平準貨物自一以至十自萬以至兆計數而已平不待權色不待驗豪強無可把持愚賤無可抑勒民得其使而上得其利均金銀均錢各國皆然蓋無殊風氣矣至不鑄錢之金銀則與貨物相同因時計值不能當錢以交易也

十七日晴

美國戶部購買銀輒銀輒驟漲遂派員至墨西哥國查看銀礦現墨國銀礦主均僱工開採矣 因查墨國與美接壤鑛地亦多乃美富而墨貧國勢相反嘗以詢之美紳美紳言墨洲之人民以墨西哥為最艱歐洲之人民以土耳其為最艱皆不可救藥者風氣

十八日晴

記 卷四

六

不轉殆將亡矣

英人於緬甸測道設鐵路達怒江入雲南以通商其路自曼得來東向沿經商舊路至肯龍渡始與怒江相接長三百英里需費銀三百五十萬磅 因謹按緬甸之地物穆亘古未開十餘年前聞緬甸以英人垂涎其地乃備武備以象負礮出入城門以耀兵其礮為銅質而塗以金英人視之以為不值一笑茲英人據有其土測道路與火車鑿破渾沌其志不在小矣惜哉

十九日晴

金山居民日眾原設信局日不暇給美廷郵政部以金山地方日

嗣四至日遠議增信局以收利益 美廷以法國絀正國人愛用入境日多以致銀錢出境亦多欲防漏卮於是加抽絀正之稅而法國商人即與美國向辦絀正之商同議合湊資本二百萬圓即於紐約設廠製造以避重稅云 因謹按外國求利之心如水銀瀉地無孔不入中國亦以興利為言而用心遜其精舉事亦遜其敏風氣未開也

二十日晴

朝鮮代辦繙譯來見 聞墨洲之千家埠本隸卑勞支晏國地得一百二十萬丁方居民約三十萬現英國欲以重金購之該國國王已赴英商議矣 因謹按以金購地此古今一創局也美國既

日記 卷四

七

擬購聖駝馬島英國亦擬購千家埠葡萄牙且欲以屬地出售於他邦風氣之新實有非意料所及者矣前此未之聞也

二十一日 雨中夜雨止雲重

美國報單紀自一千八百二十年至一千八百五十四年華人至美甚稀其年始聞金山有金穴於是華人至美者一萬三千人此第一次至多之數以後多寡不一每年約四千至七千之間至一千八百八十二年華人至美者三萬五千六百一十一人美國乃設例禁之云 因管綜各國民人之至美者合而權之華人至美實不及英國百之一也顧各國之民皆入美籍而華人獨不然入美籍者皆得操保舉總統護紳之權而華人獨否是美國人望欲

為總統護紳者舉無求於華人且各國民人之入美籍者合為一黨不入美籍之華人獨為一黨其勢孤矣焉能安居於美哉

二十二日 晨起陰晴參半晴熱

俄屬西比利亞與造鐵路有美國人名必打非路現寓俄國欲承攬此工擬由俄京通西比利亞以達太平洋俄皇願交美國人包造以求速成俄臣則謂宜由本國興造現已有俄員到美商議此事 因按製造之利大矣觀於各國之攬兵艦鐵路工程而知之也英法德美各國滬上均設經理出售船礮槍彈之洋行中法越南分界之約法人以包攬中國鐵路載之約章茲美人又欲攬俄之鐵路英法美德此四國者製造著名而富亦著名救時者可知

日記 卷四

八

所趨向矣

二十三日 晴熱如暑

倫敦來電言印度東北之阿富汗北與俄界英以阿為印度屏藩故羈縻之以固印度阿若向俄則俄勢重近聞阿竟與俄通商英甚憂之云 因查土耳其為歐洲之屏蔽歐洲各國之所重也阿富汗為印度之屏蔽英國之所重也古之籌邊者籌之於數千里外以為遠矣今則籌之數萬里之外并於本洲之外非好為馳騁也時勢不同也

二十四日晴

俄國新造一水雷船名曰摩刺每半時能行三十一海里英報謂

自有輪船以來未有如此速者英國至速之船不過半時行二十海里耳於是英廠工師創言於英廷云如不惜重資能造一船每半時辰準行四十海里云云 因按每半時辰行四十海里以海里之三合中里之十乘之則一時辰行二百二十餘里矣地球徑九萬里船行四十日可以一周機器誠巧矣哉

二十五日晴

美廷有諭令購白鐵以爲軍器之用美商因留意鑛產鍊白鐵以求利益 因查白鐵者非中國所用之尋常白鐵乃外國所名爲尼克耳又名爲銀向產於德國其色如銀故歐洲稱之爲德國銀其質之堅過於鋼而不生鏽近美國亦產此用爲鐵甲較鋼尤堅

日記 卷四

九

彈之能透鋼者尙不能透白鐵也

二十六日晴

美國朝鮮來電云太妃薨後高王懼變乃請援於美國日本二公使遂有美日水師兵自仁川至列隊入都圍兩使館列營數日無事始撤回 因謹按光緒十一年北洋大臣與日本公使伊藤約中日兩國均不得以兵入朝鮮都城至巨文一島中英亦經商定不得租與他國今皆違約何也

二十七日時雨時晴頻雨頻晴雨則暴雨晴則天青見日如中國

五月時

拜發期滿請獎摺 律師來言美廷以華人多自墨西哥及英界

掩入議院現已派員往查以便設防云 因查自光緒十四年美國悍然背約行禁工之例而華人不能入境乃由英屬之卡拿大墨西哥之邊境潛繞而入於今二年至是而爲美廷所覺乃議設防過此以往禁例益加密矣

二十八日亦時雨時晴天氣益熱

檀香山島商董程汝楫來文以該國欲招華工而又立苛例以禁制之使不得自由查招工既不合例而苛虐華人之風亦不可長中國與該國向未立約無從辨詰卽謁該國駐美公使託其轉致該國政府該使允之

二十九日陰晴

日記 卷四

十

美國官紳言朝鮮欲向美國貸款事尙未成 因查歐洲之波斯巴尼亞葡萄牙向稱大國均以負重債而國漸貧弱土耳其竟稱債國又無論矣墨洲則墨西哥負法國之債幾至加兵圍都拉朝不保暮有明徵矣朝鮮初與美國交涉而謀議借貸非計之得者也

八月初一日元吉晴

聞土耳其國王因懼義大利國欲佔奪德柏勒地方事近來大增軍額並整飭將士戒備不虞云 因查土耳其兵額名爲七十萬人其實可以捐免又且僱人代替有名無實安能致用於臨時乎其所購鐵甲兵船永不出海常泊海口蓋武備之廢弛久矣所謂



整飭者安在哉

初二日晴

華盛頓省鴉連埠工人結黨與華人約限二十日移出該埠不許逗遛否則以勢驅之華人急電金山總領事山左庚轉電請援遂繕稟商之律師急照美外部

初三日晴

美國日報載德國般仔蘭拿地方所墾之地甚廣現因德人少而工價貴議僱華人已發信至香港矣可見華人有益於地方共嫉之者實由工人之妒忌耳 因查歐墨各國之入美籍者近二十年中已二十餘兆此種人既入美籍即與美國之工人合而為一

日記 卷四

十一

其勢大矣華人則憂憂獨遺其勢遂孤凡有血氣皆有爭心黨同伐異自古已然華人安能容於美哉

初四日晴

接美外部照覆已電鴉連埠巡撫速為保護華人 俄太子親帶水師兵艦四艘由歐洲往新金山新加坡西貢以及中國各通商口岸云 因嘗聞俄之前王名彼德者以俄國水師未強曾變姓名入歐洲充兵船水手數年乃歸因以整飭海軍以視商之武丁學於甘盤遁於荒野者如出一轍近十年來英之世子既遊印度復遊歐亞各大國茲俄世子又接其武皆習勤勞廣聞見之意也

初五日晴

越南東京人民惡法屢犯法營法國駐防之兵不能制法廷祕而不宣因現在方擬借款以為東京之用恐議院不允也 因謹按當漢之時珠厓向化來歸稍有反覆即議棄之以甯人也越南不服法人與法相抗仍嚴守之以足欲也法於亞洲無屯煤之地不得越南則海軍不得橫行於亞洲故不輕棄耳

初六日晴

美外部來信並附鴉連埠巡撫覆外部之函云已設法解散土人保護華人矣 俄國論稅關於進口英國鐵器棉紗之稅加重抽自百之三十至百之四十云 因查稅則者國之內政匪特大國可以自主即小國亦可以自主也歐墨各洲於他國重吾入口之

日記 卷四

十二

貨稅者則亦增彼國之貨入吾境者以報之謂之抵制如法之於日歐洲各國之於美是於我國減收他國之貨稅者則請他國減收我國貨稅以報我謂之報施如美於各國報施之約是無抵制則弱弱則交涉者狎而玩之匪特不足以市惠也而并因以招侮難矣哉

初七日晴

勃爾加厘亞國君內政修明外交亦固俄主擬廢之而另立云 因謹按晉之伐潞也謀於諸大夫諸大夫以為宜待後人伯宗以為其君無德不討後之人或敬奉德義而可討乎此幸其君之庸也勃國之君哈吞腦先曾為某國之兵官賢能久者殆與威稜第

一之出身同矣俄欲干預其政而可任其國有賢君乎宜其欲廢之也

初八日晴

倫敦來電言英國開闢阿非利加洲新土建築鐵路山步白柵地方起一路插標以爲日後卽由此始創地步以免再勞云 因按今之立言者曰渾沌勿鑿曰爲天地留不盡之藏其言至大純粹精也然巢窟易而爲宮室矣羽皮易而爲衣裳矣飲血茹毛易而爲梁肉矣迄於今歐洲之風氣全開所未開者亞洲之琉球越南猶有古風阿非利加一洲則全係黑人榛榛狉狉是真渾沌未鑿而爲天地留藏者也乃本洲之人爲天地留之而他洲之人爲開

日記 卷四

十三

關之讀詩至山樞三章未嘗不愾然有感也蓋斷章取義乎  
初九日晴

英兵部飭令武大員數人卽將新式無煙火藥入大小各礮試演該武員等演後稟報兵部大臣謂此宗無煙火藥實軍火中利器且所向尤準敵人無從知覺兵部大臣擬卽廣爲製造分給各營各防礮臺云 美國化學家新得無煙火藥製法貽書本署索價銀一百萬圓則當傳授外洋向例如此也因考火藥爲礮礮炭三者合成礮炭本無煙其有煙者礮耳若以樟腦代礮則必無煙惜未一試然可以意揣也

初十日晴

聞

醇親王病勢頗重美國君臣以爲中國之所恃者內則

醇親王外則李鴻 此二人者關係甚重惟望其政躬安善焉

德人之在阿非利加洲東者今出重資僱人爲導入其內地蓋爲

開土地計非遊歷也

因謹按地球爲四大洲近以澳大地亞方

與甚廣亦以洲名墨與澳四面瀕海均自成一洲者若歐羅巴洲

亞細亞洲阿非利加洲雖名三洲其實共一片土耳其歐洲之人好

尋新地墨洲始爲日斯巴尼亞所得今或自主或英法各國分裂

之土人已式微矣澳洲始爲和所得繼而棄之法人因之而又棄

之終歸於英英以爲外府焉近年以來實無可闢之地則謀分裂

日記 卷四

十四

阿洲英人綑縲獨早已占先者必操勝算德法次之日與葡又次之從此阿洲不祀而作歐洲之外府矣惜哉

十一日晴

英名將華士里近著一論登於日報云嘗覽天下大局究其盛衰消息之理而知將來得志於五洲者必中國也華人數多堅忍耐勞中國又講求武備其機易轉爲英國計莫如結華以爲援至德法兩國戰事必不能免此非常戰爭興亡得失卽在一舉云 因嘗考地球各國之民數中英俄美德法六國最多英與法爲鄰俄與德奧爲鄰德則閉於俄法故皆練兵以自固而勢遂強中國民數多於英俄美國民數多於德法而強似不及者則不尙武之故

也然百年以前歐洲各國風氣未開通商者只葡萄牙租澳門一島西北與俄鄰中間歐脫相距甚遙今則非昔比矣俄患漸近英法各屬地之在南洋者近傍門戶時勢不同未可拘守舊轍也美處墨洲同洲皆小邦向無外侮自輪船日精歐洲各國五日可抵紐約非若往年可命比亞之來墨洲者越半年而始至也美鑒於此近年亦修武備听夕不遑識時務者為俊傑無遠慮者有近憂所願沈幾觀變者投袂而起焉

十二日晴

謁議院紳麥美倫該紳已回本省矣 赴律師處商照美外部事及日設領事祕國華人自舉領事事律師謂照美外部駁詰苛例

日記 卷四

十五

外部無權能廢小呂宋設領事日國必不允設此二事者不過盡心焉耳祕魯積弱所商者可委曲相從勉力為之彼當不能不允因以為然遂辭出

十三日 兩酉刻晴

佛及尼亞教會來書云已稟請美議院廢禁止華人例除錄一分呈總統外應并呈大清欽差並中國政府鑒之因即作書覆之以為此例殊違公法而背條約廢之自是理所當然云 因按美國教士向無為總統議紳者故無覬覦為總統議紳之心而因無求於工黨也且美教士之行教於中國者畏中國民人之報復則有性命之憂此又有求於中國也宜其立言如是也

十四日陰

金山來信並呈遷徙唐人街事審司批駁云今創此例不分良莠一旦逐出埠外顯是強奪彼產也著不准行 因查美國察院審司之員其人必向為律師素端品行又年過五旬方准充當充當之後如無過失則終其身此等人大抵不侮鯨寡不畏強禦素有直名者其俸與各部長同故亦不求遷調而惟各行其志凡所訊斷一秉至公猶有古道存焉

十五日陰

向來逢令節使者及隨員等即於大廳行禮此次非慶賀約於辰刻而繙譯二員究以不能早起不到 聞

日記 卷四

十六

醇親王之恙已痊中外額手相慶

十六日晴大風

接總領事左庚函知彭承謨因金山物議沸騰急於告假啟行回華已電覆允之 美國家近禁止呂宋票入境不准信局代寄不准銀行兌銀云 因本年赴日遞

國書應酬之暇嘗考究日國政事於售呂宋票事亦知其詳凡售票之款提出四分之一以充國稅 如收銀十萬兩則以二萬五千兩歸公 其餘除費用外分作頭二三四五采給得采者其采票之屬何號惟臨時始知之其法如開中之掣簽分卷不用簽而用珠珠置兩空球中一為號數一為采數每球一轉則一小珠出如此球所出之珠為一

號彼球所出之珠爲頭采則一號得頭采此球所出之珠爲二號彼球所出之珠爲無采則二號空矣其轉球之人爲童子凡有票者均准往觀故無弊端而多購之者然收十萬金而但以七萬五千金爲采又除費川則購票者之所失多矣敢以告中國之購此票者

十七日晴陰

郵政局總辦凡吳客脫來謁言天津鐵路被飢民折毀英人欲通商於滇省謂雲南之西崇山峻嶺皆自北而南苟由緬甸通以鐵路可順山而行無繁險縵幽之苦果能從速測量興築鐵路數年之內卽有火車達於滇境數十年築室道謀者一旦成功大快人

日記 卷四

十七

意且法人已居於蒙自開闢利源英人豈可甘心讓之云 因謹按六經無堪輿之說自禍福中於人心而遂有陰宅陽宅之論其實皆影響耳中國鐵路開鑿二事皆爲堪輿家所忌夫地球厚三萬里開鑿至深一里不過入地三萬分之一耳何足言損且堪輿家好言氣氣固無不之也而何以分有氣無氣且大塊共一氣也又何以分生氣死氣歐墨各洲若英若美鑛廠鐵路極多民亦極富未聞其有所不吉也

十八日陰小雨

謁律師又謁凡吳客脫聞是日散議院 英人在緬甸自曼得來至怒江測量道路以便興設鐵軌途中多遇險阻內有一處須駕

橋長三十丈至五十丈始可免縋繫之費云 因按英得緬甸法得越南極力經營均以鐵路爲當務之急比利時爲歐洲小國介於德法之間國中鐵路至多商務亦至盛然則疑鐵路之有礙於防務者非也

十九日大雨

律師來 郵政局總辦凡吳客脫來見 駐日本大臣來電調繙譯李維格 伯林來電云德國主至啟爾埠閱海軍并溝通北海與保耳別克海之大工次日北行至丹國兵船一羣隨之與丹君相見後命駕至那威見其君至西上月底返國後又爲英國之行閱秋操畢現將往俄及奧與奧主同閱水陸大操云 因查德之

日記 卷四

十八

前王威稜第一少好武藝其未卽位以前竟當兵官馳驅征戰卽位以後欺義戡奧戡法已及暮年乃至耄耄巡歷不息可謂勤矣今王繼之不自暇逸國之富強如昔其有乃祖風乎

二十日晴

卡拿大地方土人上書政府謂華人日眾吸食鴉片有壞風俗請禁入境 因謹按華人習勞苦故工作勤而工價賤所至之地公利之而工黨妒之故藉口瑕疵以期禁止其來但卡拿大政府已收華人身稅按名五十圓准其安居與美國之情形迥異必欲禁之是失信於人也

二十一日晴

俄王曾出諭禁止耶穌教會中牧師無護照者只准在俄國邊界  
行教不得深入名都大邑云 因查耶穌教為因果之說與佛教  
相似其用意亦無惡於天下惟行之者多藉以執法故招怨耳俄  
崇希臘教本與耶穌隔膜其限制之以防滋事宜也但非強國而  
出此則或以啟釁為虞矣

二十二日晴

接總理衙門電旨阻韓借款事 因於朝鮮向美國銀行貸銀事  
已面見外部告以必不可貸外部已允美國家必不貸矣又與律  
司商之律司以為宜刊報使通國周知則商家亦無貸之者方可  
止也適北洋來電亦如此遂列入報

日記 卷四

十九

二十三日雨

新嘉坡來電云現爾埃白金礦以三百五十噸礦石化場獲淨金  
八百七十兩核之每噸計得金二兩五錢云 因嘗以開礦事詢  
諸李格士銀行之總辦據云金銀之鑛雖有利而亦有弊防其匿  
鑛質也若銅鐵錫鑛及煤鑛其利尤厚如辦理得人則取之不竭  
有留心鑛務者慎勿重金銀而輕煤鐵也

二十四日雨

駁詰美國禁工苛例照會外部後本日美外部覆照會云總統已  
與各部議院商議非有意遲延不復云云 因查美廷之久不照  
會者非有意而實有故也律師嘗言之矣美自違約中國責美以

違約義正辭嚴美將自以為是乎而不敢也美將自以為非乎而  
不願也此不照覆之故也

二十五日晴

接北洋電美兵船二艘在韓調水兵上岸送韓太妃葬屬向外部  
阻止即往見律師本日外部不見客明日往謁 俄屬阿蘇里地  
近以華人屬至擬重征身稅以禁之又高麗人之至者亦同征稅  
因謹按中國人數四百餘兆甲於地球商務未興謀生計絀故  
華人足迹徧地球所到之地地主即征身稅以為利雖暹羅為中  
國之屬國猶效尤焉惟美國尚不因以為利而又見忌於工黨限  
制禁嚴則華人之不幸也

日記 卷四

二十

二十六日晴

李維格啟行赴日本 午刻謁外部為言美國兵船在朝鮮派兵  
送朝王太妃之葬為向來所無朝鮮頗懷疑懼請電止外部答曰  
本國未得駐朝使信未悉其詳泰西之例兩國有交誼例以兵隊  
送葬為禮美與朝既通使則禮所宜毋庸電止因又言朝鮮近年  
民情恟懼忽見客兵入國殊不安堵故為之請外部云朝鮮未見  
來電不知其不願與否以兵送葬為理之常未便輕率電止且朝  
鮮之所慮者俄耳中國欲保全朝鮮但當防俄而不必防美美斷  
不覬覦朝鮮中國可以息慮朝為中國之藩中國不願美兵送葬  
但飭朝鮮力辭則美當遵耳遂辭出

二十七日晴

京北漠河金礦出金頗旺工人至萬餘名風氣漸開亦我

國家富強之兆 因嘗聞諸父老有明之季開礦之舉聞人專之

利則入己害則歸公故後人遂以開礦為弊政而不知歐墨兩洲

其富強皆以此也比利時小國耳其民僅五兆而開礦者至十萬

人其國雖小而富焉亦可以規風氣矣

二十八日晴

律師來言美兵船在朝鮮以兵送其太妃之葬事屬致敬於與國

無關交涉之事亦無保護之心中國可以不問問亦無益美國斷

不因中國一言而肯失禮於有約之國也 因查墨洲皆小國而

日記 卷四

美無兼併之心歐亞兩洲不聞共有屬國則其心可知矣其禁華

工也實以民主之邦將順民心非有猜嫌於中國也其於朝鮮何

覬覦哉由其所言以觀其所行其用心可見矣

二十九日陰

日斯巴尼亞現以紐約領事為駐美公使意欲與美國立一通商

和約專為古巴起見外部大臣布連將與商議云 因查古巴為

日之屬島而與美鄰其人嘗攻之矣美不聞覬覦焉美新與各國

立報施之約古巴與美互市至多故日欲與美立約耳

三十日雨

外部來文以派員查金山埠戶口並所習技藝請飭中國總領事

署幫同查核云云此案是否恐中國領事以前照會所云華民不  
過八萬人不實抑或謂華人開設賭館煙館妓寮不合故為此舉  
已屬金山總領事加意伺察以為防範之計 謁外部

九月初一日 大吉雨

閱前任鄭案美國郵折地方管稅官來信以其屬域多利華人日

盛現已有二萬五千人宜設領事以資保護鄭大臣覆以暫緩

因謹按中國不願設領事者以設一官即增一費國帑支絀不可

鋪張意甚是也然外國領事之費即取之於商民蓋以國為民設

官民自為官籌費我

國家自新加坡初議設領事時建議即以船牌之費為領事之費

日記 卷四

及其既設則又不然

朝廷重違其意委曲從之自此以後成為領事之費由國籌之老

成深算謂以中國百姓之脂膏為外洋遊民之保護重外輕內謀

之不臧於是各處求設領事者均作罷論矣

初二日晴

英報載美國草味初開僅一百年其創始者為華盛頓神聖英武

富強之事以次遞興越一百年國富至十餘倍其富強之道以鐵

路為第一關鍵故地球鐵路惟美最多亦惟美最富也南墨洲銀

國效之極意經營已成二萬六千餘里尚擬再興運出之貨年盛

一年火車至不敷用一千八百八十九年又增機器車一百七十

八乘人車一百四十五乘貨車五千四十八乘商務日興矣 因按華盛頓拒英而美始為自主之國於美為德於英為讎乃美人愛之而英人亦稱之亦可見公論在人心而盡心為國共事可為焉

初三日晴

奉北洋電兩次為朝鮮事當即與外部約訂晤期訂以已刻到時已有南花旗公使先見因於第二起見外部先作寒暄語因曰貴大臣二十八日所言已電中國政府及北洋惟朝鮮葬事已逾二日貴國兵船之兵仍駐漢城且帶有礮三尊藥彈數箱兵官二員朝事正在危疑之際易啟猜疑請貴大臣電止外部曰譬如美

日

記 卷四

二十三

國兵船到中國天津上海地方中國如有喜慶之事派兵上岸入城以誌歡忭中國不疑他國何必猜疑因曰時為之也昇平無事之時人情本自恬然兵船派兵上岸且又不久何猜疑之有今朝鮮國事正屬危疑美國猝然派兵上岸且帶槍礮又如此之久焉得不疑外部曰美國持盈保泰匪特不貪他國土地並不願干預他國之事無庸疑慮因曰中國之所疑慮者非慮貴國之兵慮他國之效尤而起也貴國能保貴兵船之無他不能保他國之一一如貴國也且貴國既不願干預他國之事何惜此一言阻止兵船之兵如果阻止於貴國持盈保泰之名愈有益也外部笑曰日本大臣並未據駐朝公使公文實屬不知其事可見我國之無他今既

據貴大臣屢次言之當照兩次所言知會駐朝公使派兵入城中國既不願以後切勿輕易許兵入城可也因曰貴大臣如此辦法益見貴國之善持盈保泰矣遂寒暄數語握手而退

初四日晴大北風

前月巴拿馬商董易佐才等以該國土人議禁華人不准在該埠開設店舖並不准傭工因稟請救援當以該埠為可命國所轄即往謁該國駐美公使又託美國駐巴拿馬領事代為轉圜茲據該領事阿丹信復書稱已向該國政府及該埠巡撫婉商不宜驅逐華人開罪中國該國已將土人所立苛例駁除不行該埠巡撫且謂華人勤而耐苦實為難得當保護之云云查中國與該國向未

日

記 卷四

二十四

立約不能自向該國詰問只可婉轉設法倘幸可行否則華人又苦矣

初五日晴

秘魯吳溶來信言智利土人因美國銀錢賤物用漲價土人作亂搶掠各國商民均有遭劫者所失貨物中國約值銀二萬餘兩因未立約無從索賠稟請駐秘參贊設法因與智利駐秘公使商之該使不敢與聞因令商人自請律師赴智利國家控告查泰西各國無不相立和約相求通商而國用不缺者由於此項費用取之於商也中國向無此例故遣使之費取之於國而四成洋稅有限不能擴充故不能盡設參領而保護之權有所不及固勢有所

限亦法有未備也

初六日 小雨大風

聞初三日英屬域多利地方有華人二十名私入美境爲美國關吏所見遂拘執之 因查自光緒十四年美國違約苛禁華人而華人遂由英屬潛入美境於今二年美漸知之法網亦漸密矣

初七日晴

金山美七號新聞載美國嘉省新聞其升調每以能苛虐華人者爲先以其能得工黨投籌也現任舌地美印判久候本省總督之職故屢出苛例酷虐華人刻總督缺出該員巡遊各埠宣言於衆謂如得此缺必立新章以期益土人而制華人工黨然職相迎待

日

記 卷四

二十五

之盡禮 因觀於此而知禁工之例必不能除也美之在官者無不以苛虐華人爲富貴之階工黨稔知之亦卽以此牢籠在官者遂覺沅瀝一氣而華人益不聊生焉

初八日晴

聞斐市那埠各園因百果成熟需工孔亟甚愛華工僱工者每日願出工資一圓五至一圓七角而苦人數不多洋工亦一圓五而火食在外且不受約束故園主願僱華人也 因謹按美國各公司皆喜華人而惡埃黨而華人之勢卒不敵者未嘗入籍不操保舉之權也或曰各公司亦操保舉之權美之官紳何以媚工黨而不畏公司乎因答曰鐵路製造蔬園果園此數公司者每一處用

人多至數千少亦數百而保舉之例向按名而投籌縱使各公司盡爲投籌度美國之公司計數當不過千耳而所用之工黨則千倍之公司之勢只抵工黨千之一耳美之官紳何畏哉審勢量力欲美之不徇工黨不禁華人必不能矣

初九日晴中夜大風雨

謁律師戶部 俄王以宮牆附近常檢獲炸礮等物疑係尼希利黨所爲故欲遷往兀芝那宮不料兀芝那宮亦早有之遷宮之議遂罷云 因按俄主好兵比鄰諸國皆側足而立時時防患之不便固無有敢加兵於俄者俄真無外患矣而不意其患生於內且防之而不勝防也人乎天也

日

記 卷四

二十六

初十日大雨大東南風

美國新定稅則洗衣漿粉入口每磅抽銀二分所以困華人也英國以美廷增稅新章有礙英國商務已與美廷辨駁 美國費城保護華人會會首來信謝去年善捐並訂西十一月十九號赴會又云已公呈上議院除苛待華人之例云 因謹按洗衣之漿粉每磅值銀不過二分而入口之稅如之且他國均無此物是專爲中國而設也假使中國照美之稅漿粉者稅美國之麥粉卽以每年五十萬桶計之每桶成本銀八兩稅亦八兩則每年稅銀四百萬兩矣漿粉麥粉同一物耳中國如毅然行之美將何以措詞哉 十一日大北風天陰



駐秘參贊吳溶來信以秘魯田寮急需華人作工其寮東屢次來求向中國招工並立保護工人新章以冀中國允許因謂華人出洋遭虐未有如秘魯之甚者前此智秘構兵華人慘罹殺戮者四五千人此外為寮東虐斃者不下萬人以後中秘雖立約保護華人該國紀綱不立上下相蒙雖有約而不能行徒託空言迄今中國之民猶憔悴於虐政也應俟該國能實力奉 保護華人之約再由中國察看方可相商

十二日晴

繙譯李維格經出使日本大臣奏調赴東洋前月底已啟行使署繙譯一人力不能給查有以前肄業局學生容揆在美國理海學

日記 卷四

二十七

堂用功洋文尚優當即札調於今日申刻到署 因謹按出洋肄業局始於光緒五年撤於光緒十一年費庫帑數十萬而所培植之人才甚希則經理非人故也

十三日雨

西歷七月九號報載美國東方諸大省近來以科司達律司所上議院條陳及駁下議院馬羅苛禁華人新章均謂美國立例不公羣相皆議又美國富戶名百嘉省亦著一論以駁禁止華人之例登諸日報而紐約波市頓釐參兒費亞各埠新報所紀亦同意者美國尚有不阿工黨不冀顯宦而不昧天良者乎 南洋來電以向云者斯德廠所定之槍係雙機槍頭如未請驗無驗過回文

者不收云云 團翰林院侍讀許景 派充俄德奧和公使

十四日晴

新金山土人之工役嫉妒華人逼國家立禁國家不得不從矣乃附近太平洋一帶之漁戶謂華人不來則取魚醜魚均少人而金山沙末魚之利將來必為他人所奪現在議舉人員至金山省往見大府請速開禁云 因查新金山草昧初開人煙稀少墾荒開礦在在需人其欲華人之至者商人與利之心也其妒華人之至者工黨專利之心也公私不同故意見各別耳

十五日晴

七月中旬巴拿馬商董以可命國土人議禁華商會集千餘人挾

日記 卷四

二十八

制地方官逼令華人出境稟請救援當以該國與中國向未立約無從照會即往見該國駐美公使託其致意政府公使允之又求外部轉致美國駐該國領事面向政府言之月初美領事已有回信言該國不准土人凌虐華人因當即復書致謝本日接駐秘參贊及嘉里約領事來函稱可命政府不准土人創驅逐華人之例其創亂者已拿獲百人監禁華商貿易如常矣 同文館總教習丁離長來謁當與晤談良久該教習於美禁華人頗持正論因甚嘉之當即答拜並訂十七日公醮 是日律師帶丁離長見美總統

十六日晴

律師來言已見丁建良擬於十八日請美國大員與丁建良相見俾丁建良所言與衆聞之頃已借丁建良往見總統丁建良尙敢言因以美國駐巴拿馬之領事實心保護華人欲咨請總署賞給寶星律師謂美國官員向例不許領他國之賞前此公使田貝承中國

皇帝之賞佩帶爲例所格乃存之博物院以示後世而記中國皇帝之恩此破格也今欲賞美國領事官以寶星必下議院議之議院未必准受不如將來赴祕過巴拿馬時親往道謝以使者之意贈以什物如投桃故事該領事可以受以後亦必保護華人也因額之

甲 記 卷四

二十九

十七日晴申刻四面皆晴而近數十丈獨雨如中國五六月時氣候

申刻丁建良至醮於大餐房具中國饌從丁所願也使館參贊以下畢集丁故善飲健談言及前次請假回美會歷地球一周由中國向東而至金山至美都至大西洋至英至馬賽至紅海至香港皆指東而行仍返中國可見地球之爲圓形四面皆空皆有人物又言泰西人好游其君往往出遊如英法俄德義奧之君終年涉歷他國如春秋時親遇會同之典亦風氣然也因言中國欲開風氣須諸王貝勒游歷東西洋並以詞臣之諳外洋掌故者置諸左右則自

天子以至百僚皆知今昔之時勢矣丁又言地球諸國近以英俄美法德五國爲強大究竟法與德壤地褊小無可恢拓不若中國之地廣人稠得其人則自然強富不待開拓而開拓亦易圖也此外則俄可開拓英雖三島而各洲之屬地甚多新金山一洲即可抵亞洲之地美則地廣而未開墾者尙多過此五百年不患人滿百年以後中國美國英國俄國此四國者勢當相埒亦慮相并矣坐中有言日本厲精圖治泰西各國以小英吉利目之然則日本亦屈一指乎丁未對因笑曰日本果能強乎泰西各國有譽之者因共曲意趨承奉若神明事如父母故以好言慰藉之美國新聞卽譏其設議院而不擇議員所議者適便私圖不足與謀國矣其

日 記 卷四

三十

千餘年而君不易姓者前此日本國政由大將軍故干位者不爭君位而爭大將軍耳其國形勢四面皆水當鐵艦未創以前誠有湯池之險今則鐵艦之製日精礮力之及日遠日本失其險矣元世祖平湖之役兵艦未行且亦僅攻其一而耳近年以來其勢非復從前矣如德川氏之季年美艦入賀浦旋入下田俄艦入大阪旋入唐太英艦入箱館旋入長崎往來倏忽電掣風馳日人設守無方未攻先潰國不亡者幾希何強之有泰西以俄爲犼以英爲獅言其猛鷲也以中國爲象言其力大而笨也以日本爲猴言其跳躑輕狂而實無用且事事步趨人也丁大笑以爲聞所未聞至戊而散赴律師處

十八日晴

是日律師偕丁躉良見外部布連布連於十七日由西省地方回美都不願見客因費城會請其十九日入會即當與郵政局大臣同往故丁躉良不能見面 是夜律司科司達設茶會請美官紳見丁躉良有按察司與焉丁躉良為言中國近日興武備設海軍地大物博指日富強並言中國聲明文物之盛坐中聽者皆拍手稱善夜闌同赴大餐房啜加非茶並陳設果食隨意取啖賓散已交子刻矣

十九日晴

參贊彭光譽是日離丁躉良用洋餐因向不喜洋餐故不與

日記 卷四

三十一

十三號西報云現屆嘉緯寬省總督任滿之期故在本省入美籍者紛紛投籌各舉所知現任嘉省知府名薛地羊亦將任滿候調有欲舉薛地羊為嘉省總督者工黨中謂其昌言不喜華人而所開之礦地仍用華人口是心非必不可信因將該府所為列諸新報以明不舉之由云云工黨之勢能如此宜美之欲躋高位者專以苛虐華人為階梯矣 初七日有華人三十名由香港附船至墨西哥又由墨西哥至美境為關吏所獲現擬仍附香港船載回

二十日晴

美總統定於明日已正赴印地按拿保利士埠約二十二日辰刻可到按二十二日為各員公舉官員之日總統意欲親身投籌保

舉人材是晚即啟程回華盛頓云 因謹按三代以下當國之君亦有收拾人心之事大抵損上益下施惠及民耳未聞以筋力為體也美總統可謂勞矣其意在聯任乎

二十一日晴

金山二十日電云柯順匿輪船由橫濱至埠接日本大阪電報謂中國兵船兩艘由釜山往仁山距仁山約一百八十里猝遭大風以致受傷又言俄國頗垂涎朝鮮云 因謹按俄覬覦歐洲諸國合縱以拒之遂致力於亞洲中國新疆蒙古黑龍江伊犁地方節節與俄為鄰朝鮮尤為扼要之地日本尤與朝鮮鄰近俄人豈惑朝鮮將來恐有齟齬之事日本介乎兩大之間不與中國唇

日記 卷四

三十二

齒相依朝鮮入俄日本豈能安枕惜其予智自雄不親所當親而與中國存畛域也後必悔之 丁躉良來見言外部今日事冗可見不可久談請於明日已刻來可以久敘從之遂未見因來辭行云明日見外部後即乘火車往巴藍埠赴友人之約改日即返費城

二十二日晴

二十二號報英屬域多利有華人三十二名附船至美之匹珠桑埠為該處稅關查獲又送回域多利而英稅司須每名納稅五十圓方准入境是以美員仍押回美山輪船撥回中國 同日新公可帆船庇釐辰由金山赴香港載華人七百名華婦十名可見華

人之回中國者多矣 午刻往送丁躉良行丁躉良已見外部矣  
二十三日晴

新報載威海衛爲遼瀋之咽喉聞已與旅順口大連灣均築礮臺  
駐重兵惟金州地方寥闊海口平夷明時日本兵犯遼東曾由該  
口泊船率師上岸明永樂間曾設城堡立烽火斥堠現聞李傅相  
深謀老算防患未形已派員勘地繪圖興辦守備如能集事奉天  
吉林鎖鑰嚴固矣 因按外洋各國留心武備善於偵探中國如  
慎固封守無隙可乘亦可以消其侵陵之志是不戰而屈人伐謀  
於先事也

二十四日 天氣轉寒晴

日記 卷四

三十三

西刻總統回華盛頓知今屆所舉南黨議紳比北黨多一百二十  
人尙不止四十人也 因查美自南北交關後兩黨隱如水火南  
黨人數多於北黨故下議紳獨多議紳多而權遂重此南黨之所  
喜而北黨之所憂也現總統爲北黨共有戒心乎  
二十五日晴

中國山東鑛務局在美國鈔鑄購置開鑛機器一副計銀十四  
萬運回中國 北京輪船由香港來美之金山搭客一百二十二  
人洋煙一百六十二箱照美國新定之稅納稅六千六百四十二  
圓云 因按美國不禁洋煙入口而重其稅何也蓋禁其入口則  
偷漏必多是有弊而無利也重其稅者卽於不禁之中寓禁之意

焉日國之收呂宋票稅新金山卡拿大之收華人身稅皆此意也  
從前廣東關姓賭博大吏以征稅爲失體不收稅而嚴禁之粵人  
乃徙博局於香港澳門縱賭如故此明徵矣外洋無軍徒鞭撻之  
刑均以監禁罰鍰苦工代之不僅省養囚之費而且資其力焉其  
亦有當以人治人之道乎

二十六日晴

紐約來電云美廷購銀額以備鑄銀錢之用茲兩月內已購得一  
千零五十萬兩可敷鑄錢矣 美國兼些士埠出產牛羊運至墨  
西哥國出售墨國稅關收稅甚輕現因美廷更立新章於墨國進  
口貨物加抽稅額墨國亦效之新定稅則於美國入口牛羊每卡

日記 卷四

三十四

稅銀五百圓以報美國之重稅美商苦之 因查墨西哥爲墨洲  
小國弱而又貧與美接壤如美與開釐美之兵隊可朝發而夕至  
其邊也乃於美加收墨國之稅者墨亦效之以加收美國之稅美  
固無奈何也稅則者固國之內政而應山各國自主也  
二十七日陰

安徽省哥老會匪與客民糾結爲奸日深一日因於光緒十四年  
十月曾經奏請查辦以安閭閻奉  
旨發交兩江總督安徽巡撫辦理茲家鄉來信七月間哥老會匪  
於皖南石埭縣地方潛謀不軌經皖南總兵史宏祖立派馬隊數  
百名馳往勦辦當卽拿獲唐玉狗等嚴訊供稱會首頭目周子意

窩留村民汪啟元家業已逃走當即將所獲之匪解省經巡撫沈  
審訊屬實一而出賞格嚴緝務獲嗣於八月間在江西所屬地方  
鄱陽湖拿獲周子意及其妻九月初二日解省初九日並夥匪鄒  
老三二名與周子意共三名正法安省皖南地方當可暫時靜謐  
惟會匪之首領必須拿獲方可太平耳 墨西哥國參贊來謁該  
國志在立約招工因以總理衙門不願立約已屢次婉辭惟聞華  
民之潛赴該國者已多利之所在人爭趨之將來必至如美之立  
例苛制前任鄭大臣謂不如於該國欲招工之時因其勢而先立  
善法較易就我範圍其言未嘗無所見也 昨日中國來電謂太  
平府火藥廠失慎全廠炸毀焚死工人三百名

日記

卷四

三十五

二十八日晴

義大利公使來函今日已刻送哥士答力曼國代辦參贊發引即  
偕何繙譯赴約各國公使到者約得半美外部到派馬隊一百名  
送葬戎服列隊於門外以待 美國報言中國武弁礮員十一人  
有德員帶領至德國依勝城克虜伯礮廠又往基路城水師署遊  
覽足見中國之留心武備矣 因嘗聞德國駐美公使言以前中  
國所派學生至德國武備院學習陸軍陣法甫屆三年乃又欲入  
兵船學習不知陸軍之奧妙進退縱橫疾徐開合學之十年尚不  
能盡德國之民凡學習三年而出院者不過為當兵計耳若為統  
領者則終其身寢饋於中未敢舍而之他故陸軍人員每全不諳

水軍之事者其心專也因憶其言因附誌之

二十九日 陰夜雨

接上海包封北洋言禁高麗借款詢金山遷徙唐人街事南洋咨  
請驗云者斯德廠槍彈事 地皮公司來謁言中國時事越南已  
歸法緬甸已屬英琉球已入日惟美國守不貪之舊訓與中國無  
猜現在可虞者俄人有意於高麗吉林英法生心於西藏滇粵中  
國當自強以防之 家鄉來書言皖南廣德州西鄉有哥老會匪  
結盟聚眾經地方官帶兵擒獲頭目一名並獲窩家搜出偽照盟  
單各件因於光緒十四年十月曾經奏陳惜地方官不能早殄萌  
芽以至蔓延為可恨也

日記

卷四

三十六

出使美日秘崔日記

十月初一日雨

中華書局  
影印

聞俄國欲佔高麗西北境之某地時英國駐紮日本之戰船名鄰打極斯文即已奉令發煤俟得令即起旋嗣又聞俄所佔者為乾慶道尚非扼要之地而英國駐日諸兵船均嚴隊以備調動又聞美國欲租巨文島以積煤云 因按俄覬覦巨文島而英力爭之非所以納交於朝鮮也非所以要譽於中國也妒俄之益其強耳英於北海無屯煤之地而俄人得巨文島則英兵艦之力將不行於北洋是俄強於英矣歐洲有約不許俄之兵艦出黑海而俄乃於亞洲得屯煤之島是日日本朝鮮一帶將讓俄威令獨行矣全力

日 記 卷五

爭之此英之勝算也

初二日陰

美商言中國每年入口煤油約值銀二百萬兩由美至者居十之七八聞英員由直隸至山西陝西遊哈什噶爾有日記記之 廣東創鑄銀錢通行商民使之 因查銀錢通用外洋之擅其利者百餘年前此呂宋本洋至以七錢三分之低銀當中國之銀八錢有零民間因其行用之便不折色不短秤故也中國自鑄銀錢其庶幾不為外洋專擅乎

初三日晨起霧重至不見人

金山華人分黨自相戕殺九月二十四日至二十六日連戕三人

已飭領事示禁 墨洲合南北中共十七國擬公築鐵路一條以相聯屬先派員查勘而後興工其經費按版圖之大小分派美國應派查勘之費六萬五千元總統已飭證院核派矣 因查墨洲合南北中共十七國其能自立國者南惟智利北惟美耳其餘皆小國民數少而武備未修近日英人多強佔其地故有戒心合全洲而造一鐵路將聯墨洲各國以防外患之乘也

初四日晴

撰小呂宋設領事條陳赴美派駐巴西公使江嘉處道喜 俄國撤馬兒罕鐵路造成又增至塔什干地方法人於越南開礦得洪基煤寶煤礦出煤甚多每日可出五十噸再過三月漸次開闢每日可得五百噸云 云者斯德廠兩次來電請驗軍器覆以明日

日 記 卷五

起行越日開驗 巴黎來電議院訂來年水師經費謂船廠不必過巨廠之三十噸者可穿現在兵船鐵甲新造兵艦每點鐘可行

十八米云計中里六十里 因按船廠之力只求可以破現在之兵艦此以船攻船之意也義國之鐵艦其用百噸之噸者亦不過能破現

在兵船耳故法之水師無他求也若俄之克龍斯達的廠臺其鐵甲厚四尺八寸雖百噸之噸亦無以破之此其所以雄視歐洲乎

初五日晴

卯刻起飯畢乘馬車赴火車廠已初開車隨帶繙譯武弁共三人於未刻附輪船過海峽乘馬車至紐約飯後戌刻眠 美國商人

與華人合夥運木板至中國出售此事若成又奪中國之利矣  
因查自洋布洋紗入中國而女紅失業自煤油洋燭入中國而東  
南數省之柏樹皆棄為不材自洋鐵洋針入中國而業冶者多無  
事投閒所以然者外國用機製故工緻而價廉且成功亦易中國  
用人工故工笨而價費且成功亦難將來木植入口中國之地產  
又多廢棄矣

初六日雨

卯初起辰初飯辰正坐馬車起程赴火車棧云者斯德廠主已派  
一人導引由火車至紐海飛地方約三百餘里又換馬車行七里  
至廠廠中司事三十餘人工人一千餘人當即查槍箱刀箱彈箱

日記 卷五

三

提出數箱開驗此槍係一管而入五錠可以連環而發五錠盡出  
再入五錠尚為靈捷設靶於一百碼外五彈均中易槍亦如之自  
午初驗至申初所驗已多當將已驗者另作二箱黏封封固遂入  
客棧飯畢仍乘馬車至火車廠赴火車至紐約又僱馬車至領事  
署飯後已戌正矣隨僱馬車至火車廠亥初開車寅正到華盛頓  
車廠俟至天明始回使館已辰初矣 調金山領事署隨員黎榮  
耀至華盛頓

初七日晴

前日至紐約見大街兩傍上有輪車來往詢之巡捕方知紐約地  
方街衢來往人衆街不能容故於離地數丈之上建造鐵架與屋

頂齊即於其上行駛街車以免擁擠英國倫敦京城則於地下掘  
深六丈建造鐵路以備輪車行駛且用電燈光明如晝其經營可  
謂巧矣皆所以便民也

初八日晴

接云者斯德廠信並單其中尚有游移之語函令改正 接北洋  
信即發書至各屬令辦直賑 美國戶部核自上年七月一號至  
今年六月三十號止此一年內共入款計四百零三兆九百八十  
二元自開國以來祇有兩屆多於此數較之前年多入一千六百  
零三萬九百二十三元查此屆一年之內出款共二百九十七兆  
七十三萬六千四百三十六元除正用外尚餘一百五兆三十四

日記 卷五

四

萬四千四百四十六元又支二千三十萬四千二百二十四元收  
回國債之票仍餘八十五兆有零 因查四百零三兆合中國之  
銀三萬五千萬有零較中國入款蓋四倍矣

初九日晴

金山華人自相殺讎致美國派巡捕緝拿恐釀事端急發告示令  
總領事設法解散以期安靜 聞美廷此次東省之官多為南黨  
緣北黨去年新議加稅不便於民故舉者少也 亞巴連埠又創  
驅逐華人之例並不許華人經過當晤外部告之 因昨閱美國  
戶部出入之款因思中國今年洋關稅款所入不滿二千萬兩入  
口之貨值銀一萬一千九百八十八萬餘兩出口之貨值銀九千

六百九十四萬餘兩比仍漏出銀二千餘萬兩當思所以挽之  
初十日晴

卯初率參贊繙譯各員朝賀晨設壽麪晚設醴 檀香山公使來  
見訂兩國立約答以務將貴國旅居華民加惠以待但使華民安  
業自然可議現尙非其時也 因考中國究心礦務開平基隆均  
開煤礦尙屬有利近聞直隸因水災開平鐵路被折基隆煤礦出  
煤甚旺而法人於光緒十年攻臺灣時焚燬煤油五百箱延及煤  
礦至焚去煤一百餘萬噸迄今尙有餘燄皆可惜也

十一日晴始見薄冰

謁律師並答拜檀香山公使該公使頗肯保護華人居心甚厚

日記 卷五

五

英人施旦來前至阿非利加洲之內地工額紅地方與野人共處  
施以教化教以開墾阻其斃殺久之相安遂以該地爲省分以施  
旦來主之今年回英英之君臣皆敬之迎迓有加禮焉完婚後擬  
卽擊脊以往聞其地曠土有八十萬英方里較之中國輿圖幾有  
其半可謂廣矣 因查地球四大洲近澳大地亞亦稱洲則爲五  
洲亞洲開最早歐洲次之墨洲則三百年前猶混沌也澳洲則二  
百年前猶混沌也阿洲則現在猶混沌也曠土至八十萬方里豈  
石田歟抑無人開墾耳然則留天地不盡之藏當以阿洲爲第一  
也請誦山樞之詩  
十二日晴

美國水師軍械所今年華盛頓廠造成四寸徑者四尊五寸徑  
者兩尊六寸徑者七十七尊八寸徑者十五尊十寸徑者四尊其  
造而未成者四寸徑者十二尊六寸徑者二十五尊八寸徑者二  
尊十寸徑者三尊現又續造十三寸徑者又擬造新式機器廠爲  
陸軍之用以後膛來復綫爲主 華盛頓所屬之阿比典埠來電  
言該埠之華商於本月初三日被土人驅逐出境不准稍留其業  
經出境者已有二十人矣 謁律司照會外部

十三日晴天氣轉暖

中俄陸路通商去年入口之貨值三百五十萬羅卜合中國銀二  
百六十萬兩中國出口往俄以茶爲大宗本年已遜於前二年然

日記 卷五

六

亦值八百餘萬兩蓋出口多於入口幾三倍矣 聞越南歸法人  
保護後法國設關於各口征稅華人至越南者每名納身稅五元  
以後按年照納至出口時又納三元近以華人到越日少又改爲  
有法領事護照者可以免納但須按期出境否則仍納身稅  
十四日晴

查歐洲之教有三入羅馬教者一百六十兆人入希臘教者八十  
三兆人入耶穌教者八十五兆人又回教五兆人猶太教五兆人  
英本國之民只三十五兆合屬地計之則多日斯巴尼亞在一千  
八百八十四年人數十七兆二十六萬人 西藏距京都一萬四  
千餘里其境極西之阿里南地方距中印度僅二千餘里英人既



得五印度竭力經營東南之緬甸英已顯踞之矣近又請於中朝於西藏通商將來由緬甸印度兩境以窺藏中國之兵力鞭長莫及英則聲勢相通當綢繆未雨也

十五日晴

接云者斯德廠信所售槍彈尙不肯具結已再發函矣 十二日新報云法國所造新式兵船名吟那脫能在水底駛行極爲靈便法廷擬照此式再造大者一艘現在之船長一百三十英尺外有厚甲水面水底惟所用之均可攻敵 美水師部大臣論管理船工事務司員須籌善法令兵船鐵甲緊貼船身使爲脫落查兵船鐵甲每塊重四十噸令其貼緊船身殊非易易該司員商議未得

日

記

卷五

七

善法擬訪查各國船廠然後興工 聞英屬新金山等處設立章程凡華人入境按名納身稅一百圓其意欲使華人畏而不來也華人仍陸續而到該地土人亦無如何現計華人僑居新金山各埠者已有四萬人又有在打士米尼亞與紐西蘭兩島者約四萬七千人查此兩島地面不大而華人之到者如此之多可見中國民數之衆也 因查華人之至美國也由廣東至英屬卡拿大需船價銀五十兩入卡拿大境又納身稅五十圓再由卡拿大潛入美境其費稱是蓋較新金山爲尤多矣而源源而來禁之不絕者則以有利可圖也

十六日晴是夜大雪及地而化

致南洋會信爲購槍驗槍事 去年英國出口鋼鐵四百十餘萬噸可見礦利之盛 蘇格蘭新造鐵橋於佛德河約長三十里爲地球至大之橋計費銀一千二百餘萬云 日本於一千八百七十九年商務之利只六十兆今則一百三十六兆蓋已倍之 南花旗瓜的馬拉國新用電燈而煤油入口已減一半中國似可效之 和國君薨英俄法三國恐德國之併其地也遂聲明共保和之土地云 因謹按俄皇與德皇時時爲衣冠之會而德皇又常赴英正不僮周禮所言歲相問頰相朝矣且英與法嘗合以伐俄矣法之拿破侖第一又嘗屢與俄英劇戰矣乃於和蘭君薨之時則合法以防德非有所愛於和蘭也蓋歐洲各國之於強國陽則

日

記

卷五

八

親之而陰則忌之其親之者以其強其忌之者亦以其強也和與德爲鄰德之易併者和不足惜而德併和則德愈強而足忌此三國之所爲合以防之也吳起之言曰吳越世仇也當其同舟濟而遇風其相救也如左右手此之謂也

十七日晴

美國加力輪船由太平洋來聞中國鎮遠兵船觸礁傷底船頭亦壞幸駛到岸擬開往上海修治云 美國新定稅則收取華人入口日用之物征稅甚重當飭金山領事詳查 是日總統訂於亥初見巴西國水師提督遂並訂見各國公使 因於戌正三刻偕參贊繙譯等乘馬車至總統宮各部臣已到各國公使陸續而到

總統至借其夫人立門內外部立總統之左首巴西水師提督率兵官先入門握手為禮墨西哥公使繼之又因率參贊以下繼之皆握手為禮遂至堂中見朝鮮使臣日本公使墨西哥公使並郵政大臣總察院律司均作周旋並遊觀前總統華盛頓及其夫人各畫像禮畢而退返署約子初

十八日晴冰不解有霜始發火爐

美國駐華公使來電云中國已定由京設立電綫直達俄國之西比利亞省之企阿克他即恰克圖地方該地係蒙古北界 外部訂於午刻偕同各國公使及巴西國水師提督乘小輪船往觀華盛頓之墓並定挈眷屬因一人往日哺而返 因按巴西國在南

日記 卷五

九

墨洲土地之廣與美相埒開闢年歲與美相同乃民數僅十兆而常有內難則以治國者之無人也美得華盛頓手定章程不百年而國富至四十倍宜巴西提督之欲瞻仰其墓也

十九日晴

拜發請禁呂宋票密摺 俄國近見華人與朝鮮人之居於烏蘇里邊省者日眾喧賓奪主擬加重華人及朝鮮人身稅而招本國人往給地令與耕 因查近歐洲各國人民來美者光緒十五年比十四年少十萬人然自光緒八年起已減於初矣去年來美者德國約十萬人英之三島約十四萬人那威瑞典約四萬五千人自光緒八年起至十四年歐人之來美者計十四兆其中英人四

光德人四兆半瑞典那威八十萬法國三十五萬而埃爾蘭一省之人已三百五十萬然則華人之來美者較之歐洲諸國微乎微矣

二十日陰天氣轉暖

十八年為中美約十年之期兩國或須商訂因密託美紳覓美國與歐亞各洲所立之約預屬繙譯譯出以備將來換約之用蓋以中美條約有一體均霑之語他國所得於美者中國亦可言也

醇親王疾尚未痊山東巡撫張曜已奏派凌某入都診視惟祝天祐宗親早占痊好實為普天之幸 南黨勞完昔曾充副總統練

日記 卷五

十

達老成今年七十八歲祝壽者盈門南黨之到者尤多因亦躋堂稱賀焉

二十一日晴天氣又轉寒是夜大雪至地而化屋上稍積如霜

昨日美國已開議院當即擬照會外部文彙與律師商酌故至律司處面議一切 日本議院亦於昨日開議日君親臨議院宣諭新充上議院長者即子爵伊都前曾為相日本之變革本國規模一仿泰西即該員創之也 俄廷現招徠其民赴土耳其吉司丹地方此地與中國新疆毗連開墾緣本國地曠民稀恐中國或土耳其其國開墾則鞭長莫及故擬造鐵路直達西比里亞之東偏各省以期聲勢聯絡云 因按此路若成中國銷茶可期暢旺而邊務亦嚴矣

二十二日大雪至地而化屋上約二三分厚午刻雪止

美國開議院午刻下議院紳到院者二百二十七人聽總統宣諭之外議紳並無別議上議院紳在堂中聽諭者祇數人其餘均在堂外聚談 因居美國兩見開議院矣將開議院之前十日美外部分送各國公使准入議紳憑據一紙可持之以入一擴問見意至美也院式圓空其中環而坐各有案紙筆均備有所見則書於紙刊於報示至公也無酬應之煩摺雜之習拘束之勞寬其禮數而實事求是華盛頓誠人傑哉

二十三日晴

前亞墨利加南北兩洲派員來美會議以為今日防患與利之務

日記 卷五

十一

莫如合南北兩洲造一鐵路通聯各國為一氣各國均以為然茲聞各國一律派員至美訂於今日至外部衙門會商一切 金山稅關新立章程於華商回華重復來美之照必由洋人簽名而簽名之洋人又須親到衙門洋官處發誓擔保方足為據云 繕照會一道照會外部為詰問苛禁華工之例也

二十四日 陰天轉暖

下議院紳專理各國人民入境者名奧印新倡一例凡他國人民入境或以犯上之道害於人心風俗或無所倚賴以為生計或有狂疾此三種人未來者不准入境已來而出境者不准再來又不准輪船公司招誘他國人口來美做工惟巧匠工藝為美國所未

有者准其來美但須先立合同 俄國報謂一年所收酒稅計二百四十五兆羅卜合中國銀一萬四千餘萬兩又新闢荒地種糧每年多收糧九千餘萬石 因查俄地苦寒而商務不盛其入款每年亦至銀三萬萬餘兩者則以取於民之法全仿歐洲故也其國勢偏重於歐洲故風氣於歐洲為近觀其所收酒稅雖未必實然亦可見其大略也

二十五日陰

律司科士達來見言墨西哥公使因問中國自鑄銀圓欲見其式樣請寄大小各一圓示之 因按墨西哥國前屬西班牙時中國所用銀錢名本洋者皆該國所鑄計自西歷一千五百三十七年

日記 卷五

十二

至一千八百二十一年所鑄本洋約二千一百五十一兆自一千八百二十年後墨國自主至一千八百七十八年每年約十六兆又至現在則鑄鷹洋每年二十五兆共計四千二百四十七兆合中國銀約三十萬萬兩其奪中國之利甚鉅矣

二十六日 兩雨中夜大雪

俄國現在黑海所造兵艦今俄廷諭令趕速造成又多置造水雷船云 廣東黃埔船局前已造成廣成廣己兵船兩艘今年又造成廣玉廣金兩艘均係鐵骨鋼皮馬力五百匹左右配以克虜伯礮每半時行四十餘里風氣漸開我

國水師漸可恃矣 因按各國大興海軍增造兵船茲將光緒十

六年後此四年中所造戰艦合以前計之英國重鐵甲七十六艘  
輕鐵甲九十艘法國重鐵甲四十八艘輕鐵甲十四艘德國重鐵  
甲四十艘輕鐵甲十艘俄國重鐵甲二十七艘輕鐵甲八艘義大  
利國重鐵甲十九艘輕鐵甲十七艘美國重鐵甲合之共一百  
四十五艘

二十七日大雪約厚二寸

謁議紳好德言及中國謀國者欲加洋藥之稅良具苦心而不能  
強英之從也洋藥一項英國獨擅其利而中國大受其害民爲之  
弱俗爲之貧英國每年售銀四千五百萬兩當中國禁種鴉粟之  
年則增至五千四百萬兩中國雷厲風行禁種鴉粟而英人暗喜

日記 卷五

十三

子以爲何如也 因曰禁種鴉粟一事或以爲宜或以爲不宜辨論  
紛紜各執一說嘗於大庭廣衆之中有質疑於因者因以爲中國  
宜禁食而不宜禁種也以禁種爲宜者則曰禁種卽所以禁其食  
耳因曰子以爲禁種則無可食耶印度之洋藥入口者已增至值  
銀五千四百萬兩矣子以爲再無可增耶其人再欲有言因乃直  
詰之曰英國禁食而不禁種中國禁種而不禁食二者孰爲失算  
其人乃無言以對夫洋藥者乃中國一大漏卮既不能禁外國之  
來又不能禁民間之食惟有聽其自種以塞漏卮將來亦如煙草  
耳煙草之初入中國明代始亦嚴禁而終不能繼而自種今則遍  
地皆煙矣然則欲除洋藥之害以禁食爲第一上策以禁種爲第

一下策以加稅爲不得已之策以聽其自種爲塞漏卮之策如是  
而已該紳亦以爲是

二十八日晴

昨日金山來電云檀香山國王業已到美其來非僅爲遊歷也聞  
國主以該國之民心屢變控御爲難而慕美國之政治故特至美  
與美外部面商擬將該國版圖售與美國爲安全之計查檀島出  
口之貨以糖爲大宗其運入美國者計二百餘兆磅合中國二百  
六十餘萬兩美國新定稅則本國所產之糖每磅減收稅銀二分  
如檀島改爲美之屬地則糖稅每年可減五百萬圓但不知美廷  
願受該島否

日記 卷五

十四

二十九日大霧

紐約新報云近來各國大興兵輪以新易舊其評論水師者或以  
兵船之多少爲衡或以船身之大小爲斷其實不足憑也蓋新式  
兵輪與舊式者相角其用大殊其力或一可敵百新式之兵輪其  
益有五能容萬噸一也護礮之甲厚至一尺六寸二也船身之甲  
全用鋼板三也半時辰行至五十中里四也入水未久船料堅固  
五也由此而論則各國水師之力可較其短長矣今天下各國之  
水師當以英爲首法第二義第三德第四俄第五美之新造一萬  
噸厚甲者三一千噸厚甲巡海者一艘此四艘者造成然後可  
居第六日斯巴尼亞第七中國第八惟中國尙未得法雖有堅船

尙無把握日本之船不如中國而布置駕駛得宜如中日交兵中國尙難操必勝之算也云云 因按該報所言地球各國水師形勢瞭然亦有不可盡信者德之水師實亞於義義之水師不過且大羅杜意留二船其噸係一百噸者爲各國兵船所無耳至謂日本之水師布置得宜直是阿其所好以日人之盡棄其法而學西法且又屈節足恭於各國如是而已然我

國之柄政者聞之藉以自省益可以自強矣

三十日晴是夜大風如吼  
美紳楊約翰前曾充駐中國公使現在倫敦報館當初因出都過天津時大學士李曾面屬因以該員應與聯絡以期交涉有益因

日記 卷五

十五

過天津曾造其廬則已赴倫敦今年來信一道歉意

茲又來信言已續絃並於今日到華盛頓訂午刻相見因接客敬主人則先拜主人之禮先借繙譯往謁寒暄既畢言及時事該紳謂中國既興海軍又興鐵路富強有基將來定爲亞洲望國矣因言美國禁制華工殊失交涉持平之意該紳謂此工黨之意當路徇之該紳又言美國新訂加稅則例頒行後銀行既多累歇民怨沸騰茲聞外部調駐墨西哥之公使回美想因新例既行墨國礦產入美既須加稅墨國卽照美國新例亦設新例以報美國凡美國之牛羊入墨國口者一律加稅以致美國牛羊不能行銷故調回籌商善後之策也 因言中國之所以報美苛待華人者其

事甚多中國將來亦當行之楊約翰無言遂散

十一月初一日大風晴

倫敦來電云祕魯國債共五十兆計五千萬圓向以所產烏糞爲質自爲智利所敗與智利立約所有烏糞之地概爲智國佔實債主多英人故英廷與智國理論智廷許以烏糞之地暫還祕國十年先清國債昨已成議前此之遷延未成者以有法人從中作梗也今山美商格黎士說合矣 因查光緒十年間中國以智祕之戰華民傷亡損失財產曾託美國駐智公使勞覲代向智利外部索償智利外部云華人所業有體面者甚少衆所共知無論性命財產遭沒於智人之手者爲數亦屬有限不允何共直截今乃以

日記 卷五

十六

已據取之烏糞甘讓英國十年又何前倨後恭也豈非攝於英之強耶

初二日風止晴

美國魯士委省茵陳地方有揭竿爲亂者美廷已飭埃命埠之帶兵官率所部三百一十人往勦又派員司圭也等至金山查華人之工作營生者有無攙奪土人之利今已查回言土人間有失業者實被華人賤價所妨云云 因謹按自英美之洋布創行而中國之織者失業自英美之輪船創行而中國之舟人失業自美國之煤油入華而中國之榨坊失業自美國之鐵入華而中國之工藝失業中國之失業者多矣此數萬人之至美而致土人之失業

者未及萬分之一也美廷何以如是用心之深耶其亦爲我中國一思焉否耶

初三日晴

楊約翰來見談及議院前派上下院紳分往各處地方查考外國民人來美情形以便設法整頓整頓之道以禁止華人入境爲最要茲上議紳司圭也稱華人到金山准否登埠之案臬司斷得不准者只百中之五實因華人形貌相似巡捕難爲辨別又稱華山英屬加拿大潛入美境者甚多該地與美之北界毗連戍守之兵甚少防範不周如欲禁華人來美須撥巨款添兵防守此陸地也又華盛頓省之西北海口名飄折者小島甚多華人近多由此

日記

卷五

十七

而入應撥快船巡查海面方可防閑現在美國禁華人入境之例雖嚴而行之不得法故無效耳此外只作寒暄語

初四日晴

昨日美國駐華公使來電云中朝奉

上諭准各國駐京公使每年覲見一次云嗣又得總理各國事務衙門來電較詳當即分行照會美日祕各處 美國駐巴拿馬領事代理華人此次巴拿馬埠土人謀逐華人聚衆千餘人沿街呼嘯華商盡行閉門其勢岌岌當電託美領事阿丹信向該埠總督言本領事有保護華人之責今土人謀逐華人貴國何以不問如不禁止本領事即電本國立派兵船來埠該總督謝過不遑立即

撥兵彈壓槍斃土人數名遂得相安因既作書謝該領事又照會美外部道謝

初五日陰是夜大風雨

英國倫敦日報云俄國已向法國定造來復槍五十萬桿訂明十八個月一律交足 或問地球各國有欲與俄啟釁者乎因以爲無有也或曰法之拿破侖以及英法義奧合縱之舉非用兵於俄乎因曰拿破侖第一伐俄俄人焚木司科城法人幾於匹馬不返英法義奧伐俄之舉終不得志自時厥後遂無加兵於俄者矣德人嘗言以兵伐俄俄地苦寒所運之糧僅以供守鐵路兵弁之用不能濟戰兵也然則俄地之險誠不止秦關百二也曰然則其修

日記

卷五

十八

武備如不及者何也曰不如是不足以肆其蠶食也

初六日大風排圍樹枝多折大雨爲風所激射玻璃窗如鎗窗爲

之裂者甚多未刻風雨止見日影夜雨

法國軍制明年陸軍兵官共一萬二千二百七十八人內總兵官一百九十九人副總兵官一百九十九人游擊一千零四十七人千總四千一百六十六人把總三千六百六十一人副把總三千零二十一十一人 省報載各國准於來年西五月二十號在奧都公議郵政章程美廷現已派定人員前往同議云 因謹按郵政一事中國不可不早議也蓋非惟國計所在而國體亦存焉中國郵政屬於官每年費公帑三百萬而驛遞之遲驛政之弊不可勝言美國

版圖不若中國之廣民人不若中國之多而歲入至五千萬焉此國計所存也中國寄外洋之信因未與各國郵政會至不能通於是上海則用日本之土且焉各通寄信以小印黏封而謂之士且廣東福建則用香港英人之土且焉夫古巴之所以用日斯巴尼亞之士且者以其為日之屬地也中國因陋就簡苟且為之而不知其於國體有礙也光緒九年十二月美外部來文云華商來美金山稅關查出書信七八千封又三千餘封又八千餘封均以不黏土且謹罰經鄭使以中國驛務詳告之得不至罰而書信二萬封均沒入矣夫中國不設士且中國之自失利權耳而外國且苛待之是并礙國體矣故於各國之會議郵政附誌之

日記 卷五

十九

初七日 雨辰初見雪遽止

金山領事左庚來稟言美國所派議院三人云查金山民數實係專查華人該議院紳至金山寓九層樓客寓金關稅司晉接後即攜巡差到唐人街看驗查訪次日在合眾衙門先傳稅關人員訪問無不詆訾華人巡役名白話得言華人自六會館以至商工無非下流應請一律驅逐出境又傳中國副領事傅烈祕到堂訪問傳領事則為華人辨白越日又傳六會館商董到堂問六會館之意何居華人果否皆作奸犯科商董亦極力辨誣次日議紳遂啟行回華盛頓 因按美國之視華人如此其議紳所詢如此處心積慮彰明較著欲其廢棄苛虐新例不亦難乎 祕國來信新派

嘉西勒士為駐英公使即祕之前任總統也 美國議院議派員赴阿拉司屈屬邦振興地利查阿拉司屈係美國前所買之地為捕海龍起見此外無所欲也買得後始知鑛產極旺地又近水太平洋輪船來往所由將來開採既易運費亦廉其利溥矣

初八日晴

美國紐約城商民因銀根緊急均提存款以至市面急迫銀行紛紛倒閉幸政府籌議開帑出現銀一千三百餘萬兩目下商人漸漸見信云 美兵部大臣卜絡大昨日以條陳交上議院謂太平洋一帶地方宜擇要地設一礮廠以備海防軍火之需需費一百四十八萬四千二百圓請議辦云 上議院紳宣文遞一條陳請

日記 卷五

二十

立一例凡新增稅則與各國條約有不符之處免照稅則而行

因按此當係暗指英與墨西哥檀香山而言英墨檀各國以美去年所定之稅噴有煩言相與立例報復美自知其窒礙故為此模稜語耳 德國南鄙有信云俄國於波瀾仍復如前增兵德國兵部大臣因令東方各省凡二旗守兵之處各加一旗以備不虞

初九日晴

德國水師有大鐵艦二十艘小鐵艦十五艘大巡船八艘小巡船十艘尋常巡船四艘礮船三艘練船十艘兵船九艘共十八萬九千七百九十六噸汽機馬力共十八萬七千八百九十四匹礮共五百三十三尊官與兵共一萬七千八百六十員名 天下各國電

綫之長短十五年底爲止已有一百六十八萬九百英里之長可環地球赤道三十次

初十日晴陰天氣轉暖不能著棉

英人於美之祕林地方漁捕海龍美外部之意謂祕林海面應全歸美管轄他國不得過問英外部則謂祕林四岸不能全屬美國西岸一帶地方本屬俄也按萬國公法海面歸美管轄者不過十里之內而已兩國齟齬英外部以爲當請局外之國秉公判斷而美外部不從美總統擬即將兩國往來文案交議院議之 阿非利加一洲荒土最多現英法德比各國已於其地設局開墾俄人亦於土耳其所屬之亞弼尼亞地方開墾云前此之未能遠開者

日記 卷五

鐵路未成故也今其時矣

十一日晴

卯刻起盥洗拜

牌行三跪九叩禮繙譯二員未到是日早設饌晚設醮 聞英國數十年前擬定章程每年以銀二萬磅爲鼓勵人才之資凡有獨出心裁有益軍國者賞銀六百兩從此英才輩出國勢日以富強 地球五大洲墨洲鐵路爲最多亞墨利加洲之南自東海至四海鐵路長二千七百餘里其地山最多而亦最高歐洲鐵路所經山之高者不過五百七十五丈而墨洲之山有一千餘丈者且其鐵軌之尺寸不同故火車不能直達由於未通盤籌畫也北洲鐵

路自東海至西海已有五道其最大者長一萬餘里墨洲之勢南不敵北觀於鐵路而可知矣 英國有一鹽地有十一見方英里鹽厚七十尺每畝有鹽二十萬噸所有之鹽足供天下八百年之用云

十二日晴

俄奧兩國現在堅持前說不認巴西爲民政之國緣俄奧之君均與巴西前王至好故俄王聲明巴前王一日尙存斷不認巴西爲民政之國也 新報謂德國陸軍新式之礮全是鋼質每尊重八百四十磅比舊礮較輕矣查舊式礮重九百磅益以礮架則三千九百六十磅新式之礮連架只二千七百磅是已輕一千餘磅矣

日記 卷五

新式裝彈之車每乘重三千九百八十磅較舊式之車重四千四百四十磅者亦輕四百二十磅矣 因按陸軍以進退便捷爲勢

礮與車均輕自能趨利乘便德之陸軍所由甲於地球也

十三日晴

美國向規於是日投贈珍物以聯縞紵之歡因備湖縐熟羅四端磁瓶一對繡花絲巾一盒送外部布連又備綢緞磁器茶葉等物分送律師及上下議紳 初十日報云法國議員正當查詢歐洲各國水師強弱情形不意查出本國水師辦理不善之弊緣德奧意三國前年同盟互相保護意在西制法東制俄其兵船於一千八百七十年合計一百九十艘但計至一千八百九十五年則可



期有五百五十六艘該三國自一千八百七十一年以來整頓水師共費銀七百萬圓計七萬萬圓及查法國兵船在一千八百七十一年共計四百零五艘至一千八百九十五年可期二百九十九艘蓋自一千八百七十一年以來法國爲水師軍務所費之款共計九百兆圓矣 謁律師科司達查訪美國派議紳至金山查各國人民果爲何事律師謂此非定例然議院可創行其查各國人民者防有逃犯病狂之徒干礙昇平之局也又詢美國稅則新訂何意律師云此中有報施之意有保全出產之意所謂報施之意者如美國新訂糖茶加非牛皮此四宗入口免稅凡產糖茶各國固得便宜矣但必將詢問所得便宜之國何以相報如有以相

日記 卷五

二十三

報則照新章免稅以優待之如無以相報則即獨收該國一國之稅此物此志也所謂保全出產之意者如他國入美國之貨多則美國自產之物滯即加稅以阻其來近來限制華人及前此增收中國所來米綢各稅即此意也

十四日 陰是夜大雪

美國以是日爲耶穌生日故自總統以至庶人均停理事總統新派布郎爲合衆國總察院此公持論夙稱平正察院得人矣 西班牙來電日君有論增修稅則并派員與與國重訂通商條約 日本西京海口十年以前交易只銀一千萬兩去年已增至三千萬兩又日本與泰西更換之約只准西人雜居內地不准購買地

段

十五日 大雪至辰刻而止

上議院紳密組新上條陳請議院飭專管律例之員詳細查議限制華人之例當限至何年何月一節議院近以未便即議須俟後日覆之 法人攻佔越南共弁兵皆以越南瘴重而吸鴉片及至返法乃不能除開沾染漸廣矣 和國欲招華工於蘇門答臘地方種煙德國新闢阿非利加洲亦由駐滬之商人米也稟請招工聞尙未允 外部之友雷德請茶會亥初赴會子初而返見法公使副外部又見前任外部之當差之員極言美國新例苛制華人之不公因領謝之 俄國貸銀一千五百萬磅造西比利亞之鐵路以爲此路成後用兵經商兩便與美國太平洋一水可通云 法國明年將造頭等大鐵艦三艘鐵甲各厚十八寸其造費已核定矣 墨洲合南北十八國議造通用銀錢用資通商之便利均已派員來美公議擬於十二月初八日即西歷明年正月十七號

日記 卷五

二十四

在外部衙門開議云因查外洋各國無不自鑄銀錢所以便民裕國也中國向不鑄致墨西哥專其利者數十年近由廣東省自鑄能推廣之則收回利權矣

十六日 大霧申刻小雪而止

昨日巴拿馬來電言祕魯近復不靖緣前爭總統之皮亞羅拉自出亡後即至厄瓜多國以圖恢復其舊黨於本月二號聚於利馬

都城外之山打加打那礮臺糾眾以謀舉事官兵知覺急往攻擊叛黨接仗被斃四十人各鳥獸散居民驚惶 考近日地球之電綫而知電綫之有益而不可不設也美國電綫七十萬英里法國二十二萬英里英國十八萬英里而屬國尙未計俄國十七萬英里奧國十萬餘英里每三英里又三天下最熱之處在波斯西南濱海之處蓋波斯海灣也當西七八月之間無論日夜寒暑表恒在百度以上日中更上至一百二十八度則更熱矣其地掘井至五十丈無水人之所以得生者幸有波斯海灣中泉水湧出不窮云

十七日晴是夜微雪

日記 卷五

二十五

倫敦來電德奧兩國人民在俄屬波瀾地方備工者俄廷業已下令盡逐出境 昨日下午議院紳到議院者五十人相聚不半時而散定於下禮拜二再議 美人市律遊金山言金山天時地氣均合養蠶種桑擬請美廷與辦蠶桑以收利益 因按美國自華盛頓自主以來國富已四十倍或以爲可以知足爲天地留不盡之藏矣何必竭力勞心日以興利爲事乎而不知此即美之所由富也耕三餘一耕九餘三古人嘗謀十年之蓄矣美民之用心亦如是耳

十八日晴遷於西房

俄之黑海一帶地名跋庫又名巴屯向產煤油近年日盛除美國

外當推俄矣又聞比國近來亦產煤油比跋庫地方尤多且近海口印度雖產而不多尙不足供本境之用此近日煤油情形也美產煤油每年一千七百二十萬桶俄則一千萬桶每桶計三百零五斤 郵政局章程寄本國書信無論遠近價值一律自英國訂定寄外國書信無論遠近價值亦一律由德相畢思麻訂定自此以後郵政一而利亦溥矣 美總統謂各國漁船於祕林海捕捉海龍致本國土民生計日絀英之漁船尤多擬一概禁絕英國以爲宜請局外之國公斷美總統謂祕林海係美地與他國無涉不允 因按華人來美美以有礙土民生計而禁之乃又施之於英國漁船可謂霸道并不欲由局外之國公斷焉是專欲矣英國共肯從乎

十九日晴

日記 卷五

二十六

歐洲西方五大國若英若法若意大利若德若奧所有各廠各肆所用之女工分而計之英有四百五十萬法有三百七十五萬意大利有三百五十萬德有五百萬奧有三百五十萬云美國整頓水陸軍務於鐵甲槍礮彈子火藥實心考究求其盡善今試驗已竣知其利弊惟於各種火藥之力尙未真知因查歐洲大國有兩種火藥一爲直力用之槍礮一爲橫力用之炸碎炸藥之性比直力者尤猛茲水師軍械廠新造炸藥名爲挨門乃脫性極猛烈特令華盛頓礮廠造大礮一尊以試驗此藥云 因嘗讀禮記曰命

工師令百工審五庫之量金鐵皮革筋角齒羽箭翰脂膠丹漆母或不長今之用器雖殊而用意則一也人適於器器適於用熟審於平時庶不倉黃於臨事也能治其國家誰敢侮之

二十日陰

俄都來信俄廷新定則例自明年正月一號起國中田地不准質賣與猶太人猶太商人前受俄廷優待准置田地以後不准另分畫一地令猶太人居之他處均不許居聞猶太人見此苛例多思離俄云 查各國所開銅鐵之礦按年計價美國值銀四萬二千二百四十萬兩英國二萬二千二百萬兩德國八千四百萬兩巴西四千八百萬兩法國四千萬兩比國二千八百萬兩奧國一千

日記 卷五

二十七

六百萬兩義國八百萬兩 法國新定入口稅則已經頒示其稅則有二一謂之常稅一謂之輕稅常稅之則以後可以修改輕稅之則則一成而不易凡為民食之各種五穀其稅有加者有照常者布匹與各種製造而成之物已一律加稅其為民生所日用之物則一律免稅且有禁進口者云 或曰法歐洲之強國也於入口稅則議加議禁他國不敢置喙焉而不知非也日弱於法何以加法貨入口之稅墨弱於美何以加美貨入口之稅歐洲小國多禁鴉片入口者非強於英也蓋稅則者國之內政議加議禁固可以自主者也

二十一日 大霧外國元旦

總統於午初見各國公使外部自午正至未刻見各國公使并備茶點見後即赴各部大臣道新喜衣冠用行裝大帽 檀香山國王本擬來美都茲已不來即於今日回本國矣聞該國有信言國中現在情形英美兩國之人爭欲執政該國君初來美時美廷特派渣爾頓兵艦相迎英人不悅謂該國君之來美實欲與美廷相商將檀香山全島售於美廷美外部聞此言遂止其來美都以免英人之妒也 那威國有湖北極者以一木船裝一百七十噸或多至二百噸者特斜其式以禦浮冰帆檣與機器並用半時辰可行六海里可裝煤與糧食足供十二人五年之食好事者助以英金一萬一千磅以壯其行 因按那威地處極北故好測北極從

日記 卷五

二十八

前曾用輪船於五月冰解時過北極海而返據云至地球北極之地天樞一星當頂電氣至重指南針失準鐘表亦失常度今又往測抑以前次所測尚有未盡者乎

二十二日 小雨晴

赴各議紳道新喜至律師處商辦事件 美國前議於華人由墨西哥國潛入美境被獲者由國家出船資為附船送回中國茲由合眾國衙門定例以後不給船資但送回原來之處 英屬卡拿大輪船輪車公司稟請該省總督請改限制華人之例緣限制華人後到者日稀公司生意清淡也該公司所稟求勿限制華人而所抽身稅五十元則未請減云 因按華人由墨西哥卡拿大兩

處潛行入美美國上下皆知將來又必設法杜之耳

二十三日晴

日本商務局悉仿西法近來船隻年盛一年本年商務較往歲多運貨物至十七萬噸之多附船人數三萬八千之多獲利又增五十三萬圓商務輪船增至十二隻夾板船照西洋式馬力一萬六千六百匹者計一千二百八十四隻本國式尋常之船計一萬七千一百九十四隻水師戰船不在其內商務日旺於此可見 考各國產煤之數英國每年一萬六千二百萬噸美國一萬二百萬噸德國六千五百萬噸法國一千九百萬噸比國一千八百萬噸奧國七百餘萬噸俄國四百餘萬噸 因按各國產煤之多不足

日記

卷五

二十九

異所異者比國耳比國之地當中國三百分之一而礦務最重故礦產最多日本之地當中國三十四分之一而商船亦多然則以中國土地之廣而留心礦務真不可限量矣

二十四日晴

美國前擬於太平洋整頓水師并礮臺茲已派上議紳二人下議紳三人水師官二人陸軍官二人會同巡察各處口岸撥一萬圓以為巡察之費所派之人俟該議院議准即往各口岸查驗礮臺水雷駐防兵艦等事限六個月竣事 本月初十日英美為祕林海中捕海龍一事各執己見未有成議英廷請延局外之國秉公斷結美廷不允總統將以前來往文案交議紳公議亦堅執如前

茲英廷已出示曉諭英屬卡拿大地方人民昌言於眾凡英國漁

船在祕林海面沿岸三米之遙每米合中國三里又三釐萬國

尺寸為所轄之尺寸過此則非捕海龍者英廷決意保護而又

一面照會美廷所有英國漁船在祕林海面捕海龍者如美國必

欲苛禁巡船必欲緝拿英國兵艦必以力拒云云美國上下見此

照會頗覺進退兩難 因按美國禁制英國漁船不准在美國祕

林海面捕海龍一事與禁制華人同一用意英之以文詞辨駁往

來數四美廷上下堅執亦與中美爭論相同度美國官紳之意必

謂可施之於中國者亦不妨施之於英矣乃英廷始則請局外之

國秉公核斷不允則仗義執言謂美國之特勢以蔑理者英國則

日記

卷五

三十

以勢行理此論一出美之外部及議紳能否仍前之堅執乎且徐而觀其後 法國有氣球家與天文家二人議乘氣球而至北極據其制法用雙層綑為之外加以漆使不洩氣納以四萬五千立方尺之輕氣可起重八千餘磅另備引導小氣球四由北極而上以測氣候輕氣大袋四以備添補雙層氣球之氣散失球下所繫之舟包以薄鋼內備丈八冰車一不沈之槎一並一月之糧氣球更垂繩與錨繫於上升之處以定其上升之高度據云在空中可十日可為照相與各種格致試驗之事至氣球升後降回何處不能豫定然果試行順利則不在亞美利加之北即在亞細亞之西云

二十五日晴

考地球各國所產銅按年計之美國七萬噸大呂宋四萬噸南花旗各國三萬噸德國三萬噸日本一萬噸新金山七千噸阿非利加七千噸俄國四千噸那威二千噸英國一千噸考各國所產鐵數按年計之英國一千三百萬噸美國六百四十萬噸德國四百二十萬噸呂宋四百萬噸法國二百三十萬噸俄國一百萬噸奧國七十九萬噸意國二十萬噸比國十八萬噸考各國商船英國七百二十萬噸那威國一百五十萬噸德國一百二十四萬噸法國九十七萬噸意國八十九萬噸俄國四十九萬噸奧國二十九萬噸和國二十五萬噸比國八萬六千噸 因按曲禮云貨惡其

日 記 卷五

三十一

棄於地也力惡其不出於身也左氏云因地之利地球各國所講求而與之者實合此義其所與之數較多者其國亦較強治國者可知所先務矣 赴美內部大臣及博物院茶會亥刻而返

二十六日大霧

美比釐積輪船由太平洋馬射島到金山稱德國兵船前至該島飭令該島酋長歸德國保護今已計定按年進貢列為藩服云 暹羅國定造鐵路每一中里合銀四千兩 美國既增關稅以來墨西哥亦重抽由美國進口之牛稅以為報以致牧人大有所損 俄國槍礮藥彈由黑海輪船公司之船運往賽爾斐亞者其船單與保險單中皆不載明槍礮藥彈而以為他物如近日所運之

過山礮則以為洋燭其機密如此云 美廷現在定造水雷巡船一艘須比各國水雷船加速護院已定撥費四十萬圓備用聞水師部已有妥妙新法於舊式水雷巡船之好處一概兼用惟再增一速字耳 因按水雷巡船全為進攻敵國兵艦及水雷船之用是以船上之礮利於極速故以機氣礮為相宜其行以速為主進可以追敵退則敵不能追此次所造擬每半時行海里二十三米蓋合中國幾八十里矣

二十七日晴

美廷於一千八百八十三年即光緒十年飭軍器廠造十二寸大礮三尊以資試驗計全用生鐵者一尊鐵身鋼膛者一尊加外箍者一尊驗後知全用生鐵者實不可用鋼膛者已放七十次猶未損壞其加外箍者更佳據軍器廠員云以後造礮當以全鋼為宜不用生鐵矣 聞日本今年各處產茶極佳製茶亦進九月查橫濱出口之茶較之去年多三十八萬餘斤合之神戶共多六百七十一萬斤為以前所未有云 是夜亥初至子正美國家銀行總辦黨參茶會因於亥初到亥正而回見美將軍農部大臣上議院紳訂得孫等下議院紳好德等及墨西哥公使英法公使律司等而返以後到者尙陸續也 前勃而加利亞國之王哈吞腦為俄所廢今為奧國第二十七旗步兵副將云 因按勃君哈吞腦深諳韜略昔與賽爾非亞國戰勝之又為俄國德國將軍亦皆重其

日 記 卷五

三十二

謀勇今俄主廢之忌其能也俄欲干豫勃國之政而肯容其英武之君當國乎

二十八日晴

美國巴釐鮮地方由紳民查得其土宜穀宜蔗已集股本二千五百萬元招工開荒且云先造鐵路招工云 金山土人議遷徙華人街業經駁廢聞土人尙不甘心議集貲再訟云 美國除夕接征勦茵陳之總兵來電云二十九號與茵陳交仗勢均力敵我軍死傷共五十九人敵軍未知詳細請飭增兵以資得手 日斯巴尼亞來電云美駐日公使請日廷與美訂報施條約日廷云事不能行緣日與歐洲各國所約載有一體均沾字樣如以報施美國

日記

卷五

三十三

三十三

則他國亦不得偏枯也 法國水師羣船泊於地中海曾用氣球測驗一切其球造自武備氣球廠球之大有一萬一千三百立方尺鼓以輕氣扶搖直上下垂長十三丈之絲繩取其輕也繩之下端繫船之桅端如紙鳶之綫船中官弁乘氣球而上者言天晴時遠見十八英里至二十四英里下視海水雖深八丈游魚可數水下所行之物即極深處亦知其所在是球也會用巡船每半時辰行十海里半者隨之而行至二十一海里之遙一無所損水師中亦已用之當其大閱於維爾墨爾姆賽文之時亦已試之

二十九日晴

下議院管理美西西比河如中國之黃河隄事務紳士昨日請修

築河隄之總辦李朱到院訪其治河要訣據云防河之道有如防敵沿河隄壩自宜堅固但駐防官兵亦須時刻認真看守方保無意外之虞譬如禦敵雖有高城深池防兵懈弛亦無濟也現在沿河各省每年共撥銀一百萬圓以應河防之需如果議院另撥一千萬圓修築河隄三四年間可免水災沿河各省生民可免漂溺嗣後修守經費歲百萬圓當可支持云 內部大臣訂茶會偕繙譯往見美官名馬林者云前此三十年粵匪踞江甯時曾至中國京都卽咸豐十年事也 美國兵部大臣特派兵艦十六艘定於西二月集於舊金山海口聽令云 因查美國此舉必係駐美英使行咨外部大臣以有阻英商捕魚者則英國必以力拒等語是

日記

卷五

三十四

三十四

以美廷亦調兵船以防之也 三十日晴夜中微雪 下議院管理各國事務紳請議院撥出使經費一百六十六萬五千九百二十五圓爲一千八百九十一年之用卽中歷十七年查此次之款較一千八百九十年減三萬九千八百九十圓云 倫敦來電云智利國內亂因議院與總統不合也 是晚九點鐘副總統訂於己宅見總統繙譯以無請帖不赴二等參贊以病不赴因一人坐馬車往至則女客到者已多男客甚少因往見副總統夫人夫人告以副總統尙陪總統醺飲略敘數語到者踵至男女擁擠約數百人蓋公使無不到各部及上議紳亦均到也凡夫妻

備到者則妻先夫後與副總統之夫人握手握手後入門則女與女伴男與男伴不復倡隨到齊時總統出見立於人叢中男女環繞之競上作寒暄語握手而下禮畢總統仍自訪故舊談心至大餐房男婦均陸續入房隨意飲酒進饌啖水果大約女人多坐而食男人則立而食食畢則陸續出門己亥正矣

十二月初一日 晴夜雨

希卡果有華人名亞梅者在美讀兵書多年南北花旗交戰時曾在兵船當兵事平入美籍頗有蓄積爲美所重凡美國保舉總統及大員之期准令亞梅投籌 英京日報云中俄陸路通商自蘇彝士河開後貿易日減 俄之兵在亞細亞洲者共十三萬五千

日記 卷五

三十五

七百六十名車廠共一百八十六尊內計步兵六萬餘名馬兵一萬一千餘名砲兵六千六百餘名修機器之兵一千餘名留後者步兵二萬八千名馬兵九千名砲兵二百七十一名鐵路兵二千餘名各處留守地方步兵一萬四千餘名砲兵一千餘名此第沿中國西北兩邊之兵數也駐歐洲兵數尙不在內 是晚亥初赴駐葡萄牙公使任滿回美之紳名羅陵宅茶會各國公使均到英公使以去年曾赴因醮彼此過從頗相得談論許久因詢因今年春赴日國涉大西洋頗眩暈否因答以向來不畏風浪西洋之浪雖大至捲船艙內人入海從者爲浪澆其頭自頂至踵水淋漓如出浴因不暈也問明年將赴秘魯乎因答曰然又問秘魯華人今

尙安居乎曰尙可又問金山華人近狀答以目前尙無煽逐之事又言英民之赴美者三十倍於中國其所以相安者因入美籍也入籍之利有三得國家保護之權一也與土人浹洽二也可以投籌操保舉之權自總統以至議紳有所瞻徇而不敢苛刻三也中國之民何以不入籍乎因曰華民不願入籍我國家亦不欲強之則曰英民之入籍者豈竟舍英而安美乎大西洋來往之船英民往來如織美國不能禁也且德義兩國之民數較之中國僅十之一豈患人滿然其民之赴美者兩國亦姑聽之以衣食之計不能不聽民之自謀中國頗有人滿之慮矣聽其饑寒則弱者轉溝壑強者跳梁非國之福也且事無兩可者也中國如不願其民入他

日記 卷五

三十六

國之籍則當守二百年前之舊例禁其出洋以遠禍機不宜聽其自投網羅而不之恤也談久已交子初遂散 因嘗閱使館積案見光緒十四年外部覆文言華人之衣服起居飲食已與他國之客民迥殊又不入籍此畛域之嫌所由生又言煽逐之禍實由自取今聞英使之言而益信

初二日 大雨竟日

聞德國因美之加稅各織布廠多停工工匠之無業者將攜眷來美新聞載德人之來美者較前五年尤多云 俄人議逐猶太之民已有出境者饑寒所迫傷亡甚多俄廷知之暫能逐客之令太平洋中有衆島名加羅蘭島本屬日國日之駐守弁兵與土人

滋事爭戰致將美之教堂轟燬今美廷擬向日廷爲教士索賠云  
初三日 大風晴天氣甚暖

是日申刻赴上議紳福那茶會英法公使先已到內部兵部大臣  
續到敘談良久到者益多因以將發公文告辭而出 英廷派兵  
艦數艘赴北太平洋秘林海以視動靜美兵部已飭水師兵船十  
六艘會同各戰艦齊集於秘林海聽命 俄與中國伊犁交界之  
處有華人約百家相率遷往茂甫地方居住更有管田某公司招  
中俄交界華人千家往茂甫相近地方墾地按茂甫在中亞細亞  
向爲回部之地今屬俄國華人往者皆係回教人 墨西哥招工  
美國兩狀師爲之至粵省見兩廣總督言招工事不允遂中止

日記 卷五

三十七

因按美國方禁華人而又爲他國招工無非見利忘義其禁華人也  
也惡華人之分其利也其招工者即以招工爲利但能招工數千  
人可於中取利也

初四日晴

英國浮司廠新造九英寸二分壳彈以破鐵艦前日試驗能透  
厚十四寸鋼鐵之板不日又將再驗云 是日總統訂於亥初見  
各國公使因於戌正偕參贊繙譯等員衣冠先到各部大臣多有  
到者至亥初各國使臣按到美之先後而入見總統偕夫人立門  
內握手爲禮夫人但點頭不握手入門後各公使相見道寒暄是會也公使  
畢到惟副總統未到各部大臣則內部外部戶部農部律政部郵

政部均見面律師科司達亦到下議院紳斯斌介因於元旦往謁  
不得其宅此次見面道歉遂訂於三日內往見 美國現在以水  
師之力遜於各國因大興製造鐵甲兵艦公私船廠因之用鋼甚  
多計近年各廠所出之鋼每年共計四百五十萬噸較十年前所  
出已十倍矣無非以供鐵甲之需云 因按美國所鍊之鋼十倍  
昔日具見廠務之漸興其添公私船廠以造鐵艦固爲水師增強  
起見然亦懼於英廷之言所謂英人捕海龍之船美國必欲禁制  
則以兵船保護力拒審己量力有所不敵故出此臨渴掘井之謀  
乎

初五日晴

日記 卷五

三十八

秘林海面捕海龍一案英廷業已延請律師將埃域帆船被拘之  
案控於美國總察院請予判斷外部大臣布連閣之深滋不悅  
午刻出門拜會內部大臣戶部大臣律政部大臣郵政大臣兵  
部大臣惟兵部未見餘皆登堂啜茗酒內部大臣戶部大臣之夫  
婦其人皆福壽者相也 德國與英國所易得之一島今定章程  
統屬於布國本境之內其海口爲海防之要由國用內撥銀以築  
礮臺俾資鞏固 俄國於一千八百七十五年中歷光緒二年爲  
興鐵路貸巨款每百圓以四釐半起息茲爲減息起見籌借英金  
十五兆磅合中國銀六千餘萬兩以四釐起息業已成議 法國現籌巨款  
以償票一百七十兆圓合中國銀二千餘萬兩歸國中人民自行交銀領取



山戶部大臣出示曉諭定期令願者屆期自赴該衙門交領初二日係發票之期未及黎明男女老少到者擁擠以銀易票爭先恐後於此見法民之能蓄積而法廷之取信於民也 因考地球各國無不有國債英法德美為最多而不足為多也彼皆貸諸本國之民所出之息楚弓楚得無分釐漏卮焉且英美二國之民共存銀於國家者皆願源源得息而不願收回焉其他則均貸諸外國矣有按年交息至五百萬者日斯巴尼亞是也有按年交息至五千萬者俄國是也有以歲之所入一半交息者土耳其是也有以歲之所入僅敷交息者葡萄牙是也有以歲之所入尚不敷交息者墨西哥是也有不能交息至以國中鐵路鐵產暫與他國作抵

甲 記 卷五

二十九

者祕魯是也貸款之流弊如此有不能不貸者當求取信於民貸諸本國庶與英法德美相同而不至受累胡底耳

初六日晴

是日為上議院紳見客之期因倍繙譯於未初往謁外部隨至上議院紳宣門有司梯司不來奔伊門司伊華司杜甫賀利賀阿麥米蘭司丹佛各處敘談吸茗而別回車已黃昏矣 各國人之遷至美國居住者去年有四十五萬一千二百九十九人較之上年已多一萬二千六百人猶太人計五百餘名為俄所逐相率來美俄國來電俄戶部大臣核計明年兵費陸軍較今年應加四百六十萬盧布水師較今年加四百五十萬盧布

每盧布合中國銀五錢五分

英將戈登前於同治年間為中國出力隨淮軍剿平粵匪後回英國殉難於加東立像於賴發地方每至西正月二十六號忌辰英民爭送花以志不忘 因按戈登於同治初年隨淮軍征戰克復江蘇挽回東南大局與有勞焉事定後返英矣及湘軍平定陝甘關外中國向俄索還伊犁幾至決裂戈登自英至華謁李傅相并至京都願為中國效力且上條陳其眷眷於中國血性過人固非常豪傑也宜其名在千秋中英兩國均不能忘焉

初七日 大霧晴天氣驟暖

聞倫敦耶羅船廠近日為阿鎮丹國南墨洲造成水雷船一艘名北士司靈捷異常天下各國水雷船無一出其右者其馬力計一千二百三十匹平常速率每半時可駛行二十八米如其上緊每半時可行三十米計中國一百里共長計一百三十英尺寬十三英尺五寸云 律師來見言茶會應辦事宜又管理紐約事務狀

日 記 卷五

四十

師來會言紐約華人事均欵以茶酒 昨日下午議院紳印羅於初五日請議院特聲明祕林海面捕獵海龍一案其中情節英美兩國外部大臣現已實心商議不日可期水落石出詎料英廷竟將此案控於美國總察院如此辦理於美國國體有傷茲議院宜通知總統使之轉告英廷 因按美之苛禁英船不准在祕林海面捕獵海龍作不順而施不恕其意實創自議院英使與美外部頻年駁詰美廷一意堅持英廷欲請局外之國判斷美又不允然則

英船被拘而不得直豈不大傷英之國體乎控於美之總察院英誠不得已也且欲使地球各國知議紳之中有需道者也

初八日雨

日本新派駐美公使今到美都即前任大阪總督名哥舒花締那來見 巴黎來電云巴拿馬開河一案前公司辦理未成半途而廢近有法商擬再行招股集成公司請於法廷每年開彩票二次以所得之利供開河之費云 因按彩票之利共大如此呂宋票之設於上海垂三十年共始也每年得利銀四十八萬兩今則倍之蓋耗我中國之民財一二千萬矣 美議紳言美國派兵征剿茵陳尙難平定兵弁多傷 因按茵陳一種即百年前墨洲所生

日記 卷五

四十一

之士著也歐洲開地者至此以力踞其地茵陳以勢不敵讓至僻壤美廷乃議每年餽以絨氈麵包助其衣食兩無猜嫌今官紳以此項度支爲妄費遂裁減之故至作亂於此見美國近年風氣不如前此之仁厚也 午刻巴黎薛大臣來電云

邸薨敝處照會四國外部的下午旗數日總署來電初十初祭十六大祭亦下午旗屬各館一律成齊因伏念

醇親王性稟公忠天與德讓因於光緒十四年十月以

皇上親政初基謹獻芻蕘四事

醇政王以爲無所爲而爲遂蒙

上諭著鈔給

毓慶宮用備省覽知遇之感沒齒不忘茲聞噩音不勝哀戀當即照會外部并請代達總統所訂二十日賜宴照例不到其餘各使館各美官紳茶會均函辭之

初九日小雨

美提督來會言義大利欲踞土耳其其所屬阿非利加洲之的立玻利國土國已派兵五千前往防守并聲明該屬國之政如義國擅行干預則以兵戎相見云云 西十月二十六爲德國將軍毛奇特九十誕辰是日也共同僚各武員慶祝之後德主亦往祝嘏並稱述其前功德主出毛奇特一手執盛一手秉杖送之登車其步履與德主相彷彿云 因按將軍毛奇特即前二十年統德兵而

日記 卷五

四十二

破法國者也聞諸會侯言該將軍知德法之將有戰局也自法旋德之日即留心於法之地勢凡可進兵奪險者一一記之故以兵入法駕輕就熟而法不及拒度其精力有大過人者故其壽臻耄耋焉

初十日晴

本日爲

醇親王初祭之辰因恭率使館員弁設

位行禮 日高兩國立密約一爲高麗紅參准出口一爲日本布

疋准入口且減稅二兩高麗另於平陽省開通商埠頭不知已商

之中國否 中日小約專爲互救沿海難民費用事立約三條

德比密約如德與法有戰事比願假道於德國以便行兵此係傳聞未知確否 因按歐洲各國蓋無有不畏法忌法者觀德比密約而可知矣然比向為局外之國如德法交兵而假道於德則非局外所應為故不敢信以為確也

十一日陰已後日出

朝鮮使臣李采淵來見 因本署有公文照會言

醇親王薨特來慰問 日本報云去年查點國內戶口今已查畢

計男人二十兆有餘女人十九兆有零合共四十兆有零住房之

不空者計七百餘萬間在本國而往他國之人計一萬五千七百

十一人又歐洲布法兩國人數計前五年布國二十八兆零法國

日 記 卷五

四十三

三十八兆零惟十年之內布國生養之數多於歿之數三百五十

六萬有零法國只多七十八萬有零似人民之生息布勝於法

因謹按日本人數向來只三十五兆雖能生息斷不能如是之速

蓋日本每自誇其日盛如商務軍務之類大率張皇以譽觀聽今

又張皇民數至於不倫則商務軍務之所謂盛者亦不過如斯而

已

十二日晴中夜大雨傾盆天氣亦暖如中國八月時

美國近來試驗大礮飛射之勢合各國較之力最猛者首推英國

計其所及可至十二米計中里四十里美國最猛者所及可至六

米又三之一現在美國造成全鋼後膛礮二尊一為八寸徑重十

四頓又四分頓之一受德國火藥一百四十磅彈子重三百磅計其速率每秒可射一千九百五十七英尺已試七十六次毫無損傷又一為十寸徑重二十九頓受德國火藥二百五十五磅彈子

重五百七十一磅計其速率每秒可射一千九百五十三英尺此

二礮每放一次所費藥彈需一百圓 日本之王姪希來衰華即

往德國京中學水師兵法有隨員三人世家子弟六人與俱 因

考近來各國無不留心武備以美國之晏安無事無外侮者已一

百年日本之蕞爾一隅中國事事不與計較乃猶試礮習戰不敢

怠荒風氣如斯而欲高言偃武息民不可得矣

十三日雨未刻晴

日 記 卷五

四十四

日本新議院火災焚毀無遺查日本議院建造未久光緒十五年

十一月日君以議院落成親詣行禮故知其未久也 新報載

醇親王薨中國使署本擬行茶會者今一概停止云 英之名士

名波路滑者著一論云中國與俄為鄰最為勁敵為思患豫防之

計邊備所宜亟修備邊之法以鐵路為急不獨邊防可固亦商務

可興天津已興鐵路學堂延德人為師教之風氣或可開乎 因

謹按強俄之患統地球皆知之因曾於光緒九年奏陳俄人為歐

洲各國合縱所制料不能開地於歐洲移其志而向中國中國所

宜防之累一萬言大學士閻敬 言

醇親王以為切當此前日事也

十四日晴

檀香山國王薨於金山其國政仰山前王之妹攝理云 美廷近與南卑西非克火輪公司及太平洋之輪船商定華人之潛入美境者被獲則山該公司等載回中國按名給費五十一圓該公司已允矣 初七日金山稅關派役十一名分作數班直入華人之鋪搜尋洋煙共搜九鋪獲煙四千七百七十三罐擬充公云 因按洋商列肆於中國中國向不擾之而外國多魚肉華商者則以中國兵船不到外洋而權力不足也

十五日晴是夜大風雨雪  
墨西哥公使與厄瓜多國公使在美都立約 智利國內亂水師

日記

卷五

四十五

已封本國附近祕界各海口聞英國得信立電飭遊弋太平洋兵艦前赴智利海面巡察保護英民身家產業云 因按泰西之重商如此朝廷與商患難相共呼吸相通宜其商務之盛而國富兵強也

十六日晴雪厚約一尺天氣亦不甚寒

是日為大祭

醇親王之期因率隨員設

位行禮禮畢天始黎明 聞阿利干省米路頓埠十二日有工黨之向充鐵路工人者為公司所辭特與華人結黨將該埠之華人悉數以繩繫項牽出埠外計華人與拒而受重傷者二人當

即見外部請飭查辦 下議院紳金明司吉鎮司二人請見外部

布連請其照會俄廷力言其驅逐猶太人之非外部謂此舉各省人民均已稟請照辦現已將該所稟撮要遞送美國駐俄公使照會俄國外部云 下議院紳合阿士昨於議院核計美國興造兵艦自一千八百八十三年起此八年內製造船身機器經費共銀五千三百餘萬圓鐵甲尚不在內 因按五千三百萬圓為八年之用每年合六百餘萬圓此僅船身機器也益以鐵甲及礮則每年需千萬矣苟非國富不易籌焉

十七日晴  
俄廷會議西比利亞之事有東省總督昌言曰今俄國東方兵力

日記

卷五

四十六

猶嫌不足是當更有勝算以敵中國此時中俄有事俄之兵力僅能當華兵二十營再多亦不能敵惟西比利亞鐵路成則可限制華人越界海濱可無華人之迹俄人於彼可以廣開口岸獨攬利權云 俄商因近年印度茶葉日多一日以致由中國運來之茶不得暢售俄商失利故稟呈俄廷商務大臣請加印茶入口之稅以恤商困聞已允准英人聞之因論俄國加稅印茶英之茶商必失利云 因按俄國加稅印度之茶不慮英人之爭者則以稅則為各國內政加減可自由也凡所以加減者非好為軒輊蓋有深意存焉他國入口之貨非吾國所急需者則加稅以示限制其有妨吾民之生計者則重稅之甚且禁之使不入口焉其為吾所急

需者則減稅以示招徠甚且免之使多入口焉此外有報施之道則相他國稅則之重輕以消息之也

十八日晴

謝神 法廷估水師經費一千八百九十一年需銀四千三百七十五萬餘圓內以一千萬為製兵艦修舊船之用即於本年在公家船廠造頭等鐵甲兵艦六艘頭等鐵甲礮艇二隻鐵甲巡船三隻頭等巡船二艘二等巡船四艘水雷巡船二艘運載軍火兵弁輪船兩艘二等運載輪船一艘帆船一艘又另在商廠造鐵甲兵艦二艘鐵甲巡船二艘三等巡船兩艘頭等水雷艇十七隻大洋水雷艇兩隻偵探船二隻 俄廷擬於今年年底在都城設廠製

日記

卷五

四十七

造無煙火藥立即興工云 格前總統夫人云俄人待西比里亞鐵路落成後或請將高麗歸俄人保護允之則得寸得尺不允則開釁端俄之鐵路已至中國地界朝發夕至斯時中國何以禦之為中國計莫若趕造鐵路迎而拒之庶不受俄人挾制俄人亦不敢輕舉妄動矣 因嘗稽古今之時勢信陵歸魏而秦氣阻季梁相隨而楚謀消此有其人而敵國不敢伐也鄭人犒師而孟明還秦人清野而桓溫退此有其備而敵國不敢攻也今歐洲各國無加兵於英俄者墨洲各邦無加兵於美者知其強也七年之病期非促也三年之艾亟宜蓄也

十九日 晴中刻大雨連夜

德國現擬造鐵甲兵船三艘偵探船四隻水雷艇三十八隻已撥銀一千二百萬矣 俄廷擬造鐵路由歐洲直達太平洋西岸之

烏拉地岡司鐸埠其第一節山淡司克埠至衣爾喝司克埠近蒙

古北界計一千五百六十八胡同脫一胡同脫計四分之三本年便可興工

查此條鐵路俄廷久有意舉造業已籌款矣 美國各巡船所有

四寸速放之礮水師部擬以五寸者替易水師員弁以為合宜云

檀香山中國商董稟稱檀香山新立招工之例派華人鄭某赴

中國招工到工之後立限五年出境除傭工外不准作別項商業

且不得與土著一視同仁可謂苛虐查該島係未立約之國無從

駁詰遂一面函致兩廣總督禁其招工一面見檀島駐美公使託

日記

卷五

四十八

其婉為致意删除苛例 因查近來日本民人多赴檀香山傭工而尚能安業者則以已立通商之約而日本兵艦時時巡檀故也二十日細雨如春三月時天氣和煦樹已萌芽

義大利來電義國下議院紳士邦基昨日在議院言美國議紳所

稱義國駐美之各領事官於義民來美一事屢次不遵美國例禁

等情應即詰問外部大臣格理卑曾否已查明所指各節並嚴行

根究云 美上議院紳密相請議院議立太平洋電綫公司設立

海綫由舊金山通至檀香山續至沙摩阿島紐西蘭島及日本國

該公司須集本五百萬圓美廷須幫給二十萬圓以十五年為限

該公司傳遞電報先公後私不收美廷報費并在沿海口岸分設

支局以便辦公而正局則設於金山云 因查外洋各公司其成  
本輒數千百萬國雖饒富安得如許之殷商哉其得力在集股耳  
中國效之則多弊竇山於風氣初開章程未備而經理者非其人  
也因噫廢食何以濬利源襲謬沿訛適以肥奸猾是在公正廉明  
者提創宗風焉

二十一日 大霧晴

美上議院紳傳萊請於外部將駐墨西哥二等秉權大臣改為頭  
等每年撥八萬七千五百圓以供駐墨使署公費外部允之 羅  
馬來電云義國戶部大臣昨在議院宣言上年庫欸入不敷出至  
短一千二百萬圓今年核計竭力設法籌湊亦不敷八百萬圓惟

田記 卷五 四十九

望三年之後入能敷出則善至美國新修稅則與義國貨產尙無  
大礙云 美國征勦茵陳尙不得手聞仍招撫議和尙所扣減者  
仍照前補給云 午初赴外部布連處辭行言於中國元旦日赴  
祕魯布連曰祕魯地方華人甚多因曰自中祕立約禁招工後華  
人已減於前矣布連曰何時可返因曰大約三月之內可以即回  
美都布連曰美國駐祕有公使駐巴拿馬有領事余當作書為之  
先容貴大臣到彼可資照料因謝之遂辭退是日公使來見者有  
墨國德國日國尼格拉國又一國均以次見云

二十二日雨

戶部大臣病故差人持刺往唁 美國選舉下議院紳士之數視

各省人民之多寡而定每十七萬三千九百零一人則舉一人今  
民數已增故所舉亦應增上議院紳已商定矣 俄國那胡廉治  
日報曾著數論詆毀中國俄大臣美渣士基謂俄人當與中國講  
信修睦不可意存齟齬方為輔車相倚之道若猶太人則不妨絕  
之也 因謹按俄廷非無知大體之人俄之君臣如從其言不但  
保亞洲昇平之局而俄之名亦美矣

二十三日 細雨如春三月時夜晴

智利國亂其勢日張美國商民電請派兵船保護美廷已派渣爾  
斯兵艦前往矣 昨見茵陳酋長數人至華盛頓緣美國西北省  
茵陳土人滋事美廷曾派將軍米路司帶兵往剿互有勝敗今該

日記 卷五 五十

酋長特行來都謁見內部大臣詳陳各部落情形并聲明美國相  
待不公之處也 土耳其阿洲屬地名的立玻里與法國之屬地  
突尼斯毗連今法人已派兵佔踞其地且稱為本係法之屬地云  
因按兼弱攻昧見於商書弱肉強食自古已然聖賢存不忍人  
之心務為仁厚乃創字小之說此可以自勉而不可以責人今之  
時勢未有弱而不削者也

二十四日晴

美國擬造三暗輪之兵船其輪裝於船之中如單暗輪船之式餘  
二輪裝於左右如雙暗輪船之式惟高於中輪四尺六寸船中有  
三副汽機以運動之當游弋之時止動中輪已足如欲極速則齊

動三輪汽機轉動甚速復能省煤其速率為每一時行四十二海里馬力有二萬零五百匹然速率無定速率之多少視汽機轉動之疾徐其馬力之大則出於英國各船之上云 因於戊辰山滬航海至津計五日而到甲申山津航海至滬計三日而到山輪船之制益精而行益速也愿者各國新成兵輪均速於舊外洋心思日出而不窮其機巧正不知何所底止矣

二十五日晴已刻雨

是夜大風如吼作簫管之聲黎明起視窗外已冰而室中仍暖如暮春時大火爐之力大矣此項火爐每日需煤半頓計八百斤

歐洲時局德奧義三國既已同盟一旦有事俄法二國亦必合力

日記 卷五

五十一

勢使然也考德奧義三國額兵共一百二十三萬七千人大歐三千九百七十二尊俄法兩國額兵一百三十四萬七千人大歐五千六百九十八尊以上兵數額外練兵與民兵尙不在內茲將五國之兵數額兵及額外民兵徹底詳查德國一百零八萬人第一次徵民兵六十二萬人二次徵民兵七十萬人總共二百四十萬人尙有備補之兵不在內也奧國九十三萬八千人民兵四十三萬八千人總共一百三十七萬六千人義國八十四萬八千人民兵三十七萬二千人總共一百二十萬人法國一百五十萬人民兵一百七十萬人總共三百二十萬人俄國一百十八萬人備補兵八十三萬二千人駐防敵國之兵十九萬三千人哥沙騎兵十五

萬四千人民兵及戍邊之兵三萬三千人總共二百三十九萬二千人兩相比較則德奧義三國共四百九十九萬七千人俄法兩國共五百五十九萬人此外尙有護衛之兵德俄兩國尙待稽查奧國四十四萬五千人義國一百六十三萬人法國九十萬人因按此美國考據家所著而報館訪得之以刊出者閱此而知近日時局講武修備實有不得不然者矣左氏所謂思啟封疆以利社稷者此俄人之用心也申公巫臣所謂勇夫重閉者此德奧義法各國之心也量力較權知己知彼人強於我則防之人弱於我則并之識時務者如斯而已事大不足恃也昔之南宋可徵矣今之浩罕機窪茂甫波蘭芬蘭琉球越南緬甸可視矣字小更不可

日記 卷五

五十二

得也今之俄羅斯英法等國其所吞併不可勝數矣

二十六日晴

葡萄牙國來電云禮拜六晚即中歷二十二日駐守澳波滔埠官軍忽有數營作亂欲改葡為民政之國幸葡廷即派兵剿平 昨考德奧義俄法五國兵數可謂多矣查其練兵之制即太平無事亦額滿不缺有事號召可計日而集實其兵制然也其通國之人男子均須當兵德國當兵二十八年奧國二十三年義十九年法二十五年俄二十三年 因查各國練兵之制大抵民年二十以上者學習三年學成後備調若干年留守若干年其中惟學習三年應入營伍備調留守其人仍各專本業不過遇有戰事則以待

不時之需非曠本業而常荷戈候戰也至四十五歲以後雖有戰事不與聞矣

二十七日晴

拜發期滿請獎又起程赴祕摺 猶太國人民一百六十家爲避俄之苛政來美擇地而居今已往美屬閩尼所達省矣大約日內即可到該省之聖保羅埠聞德國富商捐助巨款以供該猶太民人來美川資云 美國與日斯巴尼亞訂立報施條約現於前七月由日國議院紳公議其願者僅七十人不願者三百六十人遂不能訂 俄兵之在阿彌尼亞境上者今有七萬二千土耳其大恐 英報錄所伊犁信云華兵在彼大修舊時各礮臺所有殘缺

日

記

卷五

五十三

皆爲之補葺有一大礮臺以泥土爲牆高二丈三尺厚二丈五尺長八十丈者已經修畢塙後復有深七尺闊一丈五尺之濠溝然礮臺雖大不甚堅固其塙已有數處裂痕更有華兵二百名以工多值少相率走散云云 俄廷擬在太平洋之烏拉地尙司鐸地方創設船塙約於西歷本年三月卽中歷十七年五月興工務求廣大可容萬噸之船 因謹按此俄之窺伺墨洲也船塙如成墨洲諸小國必不安枕美國亦不能如是之坐鎮從容然其患當在二十年後也

二十八日晴夜雨

奧國嗣位之太子前赴俄都謁見俄皇而商交涉事件 俄國新

造一快船名北斗星又一礮船名各絡司才切均於五月下水又有一大巡船名魯竟一大鐵艦名南威利奴亦將成功俄人云中 國旅順口已造礮臺十一座打狗與臺灣均有堅固海防礮臺云 杜延祜請假銷差 美國上議院昨日議定海防經費每年撥四百二十五萬圓爲鑄礮之用 因查各國海防經費按年計銀英國五千五百萬兩法國三千二百萬兩義國二千萬兩俄國一千七百萬兩德國九百萬兩所費如此非國帑充足者正未易籌焉 二十九日雨

美國與巴西已立報施條約昨日總統哈利順示諭本國人民自西歷正月一號起卽照約而行查此約所訂凡美國所產之五穀

日

記

卷五

五十四

麵粉乾草鹹肉鹹魚農器工器開礦之器製造之器格致之書火車鐵路之器等巴西朝廷允准運入巴西口岸不納關稅又豬油火服牛乳油餅棉布鐵器鋼器皮器靴鞋不計在免稅之內另木料木器棹椅等物馬車樹膠所製之器巴西廷允准運入巴西口岸照以前稅則減除二成又五而巴西之生糖熟糖加非茶葉生牛皮等物運入美國口岸亦免納稅云云 因謹按泰西各國不諱言利其斤斤相持者恐利源之耗於外國而欲自保其利源也入口免稅之物大抵皆本國所急需故以此招徠非有所惠於他國也若酒若煙非民生所恃以養者則重其稅使食之者寡則亦自保利源也美國之麥麵每年至中國者數十萬石而中國概不征



稅并若酒若煙外國之極重者而亦免之美廷則於中國之米入美口者其征稅已過成本之半殊失平也

三十日細雨

俄國來電云俄戶部大臣因俄廷苛待猶太人於本國商務有碍因請俄皇暫能逐客之令俄皇已經批准 因謹按觀此而知泰西之重商務也俄之君臣所以罷逐客之令者非有所愛於猶太之人也亦為商務耳若曰吾欲投鼠而忌器云耳 義國王子至德以固德奧義同盟之局德相畢思麻現雖辭位尚幸不淪奧相楷爾諾紀力願大局前盟益堅謂三國同盟強敵不致生心時論謂奧有賢相歐洲可保昇平嗣德主至奧京見奧主奧國迎迓盡

日記 卷五

五十五

禮美國今年商務合入口出口之貨價計之共值美銀一千六百四十七兆較之去年增一百五十九兆可謂日新月盛分而計之進口之貨值七百八十九兆較去年增四十四兆出口之貨值八百五十七兆較去年增一百一十五兆共鐵路計十五萬二千七百四十五英里合中國五十五萬零四百零五英里除內有新開鐵路七千三百五十八英里尚不能計利外一年進項計美銀一千零三兆較之去年增四十三兆核計每一英里合中國三英里有進款六千五百七十四圓每本銀一百圓得息十圓四角除開銷川費外實得三圓三角一年所運之貨計六百十九兆噸所載之人計四百九十五兆名因考美國出入口之貨而知其能興利而裕利源也出口之貨

溢於入口者七千二百萬則一國入口之銀歲有所增矣出口之貨又日有所增矣貨不棄地而銀不漏厄國焉得不富乎鐵路進款計美銀一萬萬零三百萬圓以十分之七開銷用費計用費銀七千餘萬圓此七千餘萬圓者皆行車修路作工之民人所得也然則謂鐵路興而奪窮民之衣食者猶未悉此中之竅要而狃於一偏者也

因奉出使之命持節駐美已閱一年論交涉之事則韓廷告貸於美國已力阻之美艦以兵入韓城已力斥之華人之假道者美關以索銀為質其安業者美紳以領照作難其經商成市者美之工黨以偏遷令共破家蕩產均經力駁使不行矣日斯巴尼亞設呂

日記 卷五

五十六

宋票行於中國漸推漸廣其始也每年得利銀四十八萬兩近已倍之此我國內政非使臣之權所能禁除者也奏請議禁或行或否當路自有權衡焉寓巴拿馬華商土人聚眾驅逐為求美國領事就近告彼政府得以風行雷厲轉危為安此皆使者分所當為之事也中外之情形其有關於富強者即此一年中綜其大概而論之中國出口之貨茶葉日減棉花日增所增之數不敵所減之數也開礦之舉開平已有成效池州迄無成功漠河甫開甯海初創得利與否視乎其人實不易得也新疆之羅布爾方謀開墾上海則仿外洋以機器織布造紙湖北方查勘礦地廣東則鑄造銀錢利

之可與者次第與之有其漸矣本年入口貨物值銀一萬二千七百餘萬兩出口貨物值銀八千七百餘萬兩合出入而權之中國漏出之銀約四千萬兩此漏卮之當塞者也廣東造成兵艦三艘福州之船廠江甯上海之機器局均有起色東三省防兵日事操演此自強之可見者也惟俄人撤馬兒罕鐵路已成又與土耳其吉司丹之鐵路西比里亞之鐵路將地運至琿春黑龍江矣又增兵兩營於西比里亞之東派員分探新疆甘肅青海蒙古天山增黑龍江鴨綠江之兵船增布哈爾琿春之兵額禁華人越黑龍江外暨阿蘇里又查中國水陸之兵數其窺伺我邊界者力果而心深沈幾觀變之士於此知俄人之叵測焉尙喜旅順口礮臺已成全

日記 卷五

五十七

洲之防已固京畿一帶屹若金湯如東三省鐵路成功練兵足恃俄人覬覦之志或可潛消乎至於各國之經營布置就因所聞所見者亦可得而言焉俄人與沿黑海之鐵路增置黑海之兵艦水雷添波蘭之兵定購法廠之槍五十萬桿其兵威所及也近奧境而奧自危屯德邊而德設備索土耳其之兵費廢勃爾加厘亞之君營波斯京城之鐵路奪穆哈刺國之兵權窺阿爾尼亞之地歐亞兩洲近俄之小國俄實盡之乃猶汲汲皇皇求兼併如不及是誠何心美之入欸一年四百餘兆量入爲出尙有羨餘其富於地球爲第一至於添鋼廠黎荒區積現銀增稅則講蠶桑增郵政局登火輪車創太平洋之電綫立報施之約此富之政也查海口設

海防禦礮臺制鐵艦驗氣礮造出海水雷之艇與極速之船試鋼礮之用及無煙火藥之利弊此強之政也至於立例以禁各國民人之赴美傭工不容各國彩票之入境此又自保利權爲民保利權之政也創造之巧日出不窮俄以鋼爲甲胃美以氣代火藥法造逆風之氣毬日創泗水之戰艦德造輕質之礮與礮架礮車英與德鍊鐵日精所製之礮已過百噸擴而充之則鐵艦失其堅將爲無用之物矣蓋礮之百噸以上者其彈之力足以透厚三尺之鐵甲戰船之鐵甲過厚則沈薄則不足以當彈也交涉之事則祕林海峽一案英與美法齟齬俄又與英美齟齬阿非利加一洲葡與英齟齬德幾與英齟齬而皆不至於決裂其決裂者如和之

日記 卷五

五十八

攻亞齊美之勦酋陳沙華他之勝烏拉非智利之亂是也日本自仿西法以來改制度易服色近又建造議院而泰西謂其有名無實然考其商務漸盛商船漸增出口之貨漸旺非無小效固未足語富強耳阿非利加一洲自古至今混沌未啟前數十年各國派人遊歷漸入內地虛實全知今則英法德義日葡諸國均以軍旅從事謀瓜分之此古今來第一變局也德人保護馬射島美人約用夏威夷之海口埠英人購卑勞支晏國之千家埠俄人設船廠於烏拉地高司鐸均注意於太平洋矣英山緬甸以窺西藏法由越南以窺廣西則得隴望蜀矣德奧義聯盟以拒俄有勇夫重閉之意焉英俄法合議以保和有趙滅秦強之憂焉機心機事無國

無之居今之勢而欲偃武銷兵與民休息勢必不能孔子之不逆億而自然先覺晉文之嘗艱險而情偽盡知丹書言日慎一日完若金城讀古人書可以知所從事矣

出使美日秘崔日記

光緒十七年正月初一日 元吉

中華書局影印

黎明率隨員等朝賀行三跪九叩禮晨設齋午後設膳 外部副外部英公使等送行道新喜 美外部總辦送到外部護照一紙信四封分致箇龍巴拿馬嘉里約三領事又致美國駐秘公使是晚亥初上火車亥正開車卯正到紐約陸永泉及巡捕來照料遂赴領事署

初二日晴

領事沈桓偕商董三人在署內相迓辰正早饌遂謁凡吳客脫及律師鍾式又至滙豐撥規銀壹萬兩交沈桓代收備用午初上船

同行者黎榮耀陸永泉凌善成武弁劉賢侯諫又洋僕阿齋小榮已送至船而因有病不能去遂聽其回午正開船船名紐乎薄容二千七百噸客房不如大西洋輪船之寬而搭客亦寡所帶隨員人等盡附上等艙位均在船面行頗穩

初三日晴夜雨

夜看北斗其柄極下一星離地如全斗尺寸因此行直向南將來到秘魯時只見南斗而北斗全入地故詳誌之每日約行八百里至九百餘里天氣驟熱本船主為美國人談及美水師部近飭船廠造鋼甲船三艘除軍械外每船價值不得過美銀四百萬圓各載重八千五百噸船身吃水二十四英尺其行海里至少須每半

時十五里煤艙可裝煤四百噸鋼甲厚十八英寸駕駛之口徑十八英寸並八英寸者各四尊又六英寸口徑者四尊造船之一釘一木皆須用美國所產不得借材異國云 因謹按美之富足如此而其造船不准借材異國防銀錢之流入外國也中國雖開船廠軍械局而仍不免向外洋購買以銀易鐵長此安窮謀國者所當急籌善法也

初四日晴

斗柄極下一星離地也如斗杓之上二星離第二星蓋漸近地球矣 報言俄人議造西伯利亞鐵路謂有三利一則以俄之東境輪船可通一旦疆場有事敵國以兵船封口則糧必盡有鐵路則

日記 卷六

糧可通二則中俄有費可以運兵實邊三則內地之貨可以出運化無用為有用合計其費需六百兆羅卜議分三段由國家專辦云

初五日晴

斗柄下一星已入地但見第二星矣天氣漸熱不能著棉 此地有小島八處詢諸船主則島上皆黑人共三千餘名口最大之島有八百人島人無所事事曬鹽而已以鹽易麪為食暇則眠客船有泊此者則盜之美國設一領事以鎮撫之防他國之佔踞也 因謹按歐墨各大國思深慮遠其心周於本境之外與百數十年之後此區區小島耳而為他國得之則可以屯兵修船添煤儲水

為兵船之接濟即足為我之患設官以鎮撫之耳目遠矣他國自默消覘覷也

初六日晴

斗柄三星均入地天熱夾衣亦不能著但著單衣風浪漸大舟行向左右而側 聞俄國兵部定於今年為始在琿春一帶增守兵一隊中俄方睦而於交界地方增兵是何故耶 是日美總統臨議院謂美國與外國邦交頗形輯睦國中亦物阜民康國用甚足且自增加關稅以後洋貨少進土貨暢銷於國計民生更大有裨益即於他國亦無有大損云云 因謹按美國加稅則而墨西哥國亦加美國入口之畜稅美商苦之德國已約歐洲各國加美稅以相報英法亦不以為然安得謂與他國無損也至云加稅以後洋貨少進於國計民生有裨益則誠然矣

日記 卷六

初七日晴

斗杓第二星入地自本日本日以後如中國六七月天氣風浪尤大同舟美人言歐洲之電綫通至錫蘭已增成雙綫又自印度至中國越南新金山小呂宋新加坡修補電桿電綫以期一律整齊共費銀四百餘萬云 德國民人不忘前相畢思麻曾擬集鉅銀為造一留名閣舉相讓美前王謂前王功德之大尚未有此臣何敢先君嗣為德國前王已立留名閣因念魚水君臣非是君不能用是臣非是臣不能相是君畢相勳業自在人心而無一碑一石傳

諸永久德人引為憾事今再集德銀七十五萬二千七百五十三馬克為之立一通國去思碑德人之不忘畢相者皆以得與相為榮畢相之名與國同休矣 德國前此試槍之時有人名格魯森其所造快槍一分時能出五十彈 德國前相畢思麻致仕以來民不忘其功又為擇地於浮別森構一華屋以處之 因謹按德相畢思麻今年七十三歲前此破奧國滅法國其功甚偉布魯士無此人國幾亡矣為之立碑築室此人心之公也

初八日雨

北斗全入地不見未刻到个耶天氣大熱單衣汗出个耶總督來見美國駐个耶領事亦來見領事為因言曰我乃中國之領事耳

日記 卷六

四

以其專保護華人也遂往答拜華人之貿易於此者多放爆竹相迎亦有升旗於門首者商董易佐才會慶已來迎巴拿馬美領事阿丹信來電詢赴巴拿馬之時刻屬即電復遂電覆以明日辰初初九日晴

卯正料理行李點心後上車美國駐个耶領事來送行并贈鮮花一握會易二商董同行火車公司云奉阿丹信之命以專車來迎送至巴拿馬途中均黑人即土人也粵人之設店鋪者甚多聞自巴拿馬大工停後生計不如前矣已正至巴拿馬阿丹信已來迎因以外部書與之阿丹信遂送到嘉蘭軒客棧棧尚宏敞棧價因每日十圓餘人每日五圓遂送阿丹信宅并送湖綉一疋磁瓶一

對茶一箱金扇二柄阿丹信之夫人出見甚喜云華人甚安分我等必保護令其安業因謝之 南亞墨利加洲分割數國英國居其大半其土著自守之地不過十分中之三四 因謹按墨洲之地與中國相為底面蓋人之立於地者足與足相抵也南墨洲又在赤道之南中國明以前之談天文者均云南望赤道近日極熱至此即無人矣而不知赤道之南其氣候與北同且極南尚有南水洋也然則天地之大也前此只測得一半耳

初十日晴

阿丹信來言本省總督願一見邀往謁之至門有兵士擊槍而逐入門上樓總督出見參贊繙譯為傳言因亦道願見之忱且以華

日記 卷六

五

人相託該總督充必保護坐久阿丹信言曰貴公使尙有何言可以面屬因向該總督言曰美國一百年前草昧初開各埠冷淡一百年後日盛月新如此之速者因鐵路各廠華人為之經營也今貴國指可端比亞既有華人接踵而來則興旺可立而待敢為預賀至於華人之業於此者有貴總督之庇蔭有貴領事之保護本大臣可以放心夫復何言惟有以華人相託而已該總督大笑以手拍胸力任保護因謝之遂偕阿丹信遊覽舊蹟又至阿丹信宅辭行並送商董龍旗聯扇藥材茶葉各物商董亦報以磁瓶一對絲巾一盒因辭不受黎榮耀以為可轉以送總督允之遂送總督處總督受之 又言俄國兵艦之在太平洋者現擬不用英煤因

俄國近日覓得煤礦出煤甚多無須外求該國鄰近太平洋故知之因謹按俄人之心計大抵遠交而近攻遠交故通問徧於東西洋近攻故蠶食急於鄰國太平洋無屬地而兵艦亦周巡者則備豫不虞而亦求諸習海綫也皆遠圖也

十一日晴午刻上船

商董曾桂鵬易佐才美領事阿丹信均送至躉船商董以經手代用之項列單交來計客棧之費每人每日五元因獨按日十元洗浴吸茶點心犒賞尙在外也船價每人一百七十元伙食每人每日一元遂上船船於明日午刻開阿丹信交來个耶赴紐約船期單計每月三次西曆三月四號十六號二十四號均有船赴紐約

日記 卷六

六

英人於緬甸測量道路擬造鐵軌達怒江以通雲南將以通商計三百英里估價須銀三百五十萬磅 因謹按俄人造鐵路於琿春則相偪於北法人造鐵路於越南英人造鐵路於緬甸則相偪於南數十年後中國邊防其急乎

十二日晴未刻開船

舟望東行行一時即指南而行此海海鯨至多時浮水面因望之以爲長二丈餘船主曰其長實有五丈也離船數十里海鯨矯首向海面噴水共高四五丈如煙如霧又如海船之挂帆時隱時現亦可知其身大而力巨矣 舟中英人言阿富汗與俄立約因查阿富汗在印度東北與俄鄰故英國以阿富汗爲印度屏蔽今

俄與阿立約將由陸路通商以至阿京則印度藩籬已撤英人將何以保印度俄之覬覦他國土地無時不思侵佔其性然也

十三日晴此數日中波平似鏡舟行砥平

俄太子奉俄皇之命親帶兵艦四艘由歐洲展輪遊新金山新加坡西貢以至中國各通商口岸以廣見識冬初當可抵滬矣 因謹按歐洲各國之君及其世子多爲遊歷既廣聞見且習風波揆諸古人習勞之義亦有合也 美國哈哇城天文館之大總裁擬遣熟悉天文星象各員隨帶各色器具暨測探遠近之機器并遠鏡前往祕魯查探現聞該館總裁已選定深諳天文官員一人名畢刻林爲總辦帶同司員兩人一名寶格蘭斯一名唯卡斯以及

日記 卷六

七

司事工役人等定於下次公司火輪附坐前往祕魯之阿立冠派城駐紮查阿城係居祕國之正中測觀星象一切最爲相宜且內有一山不高不卑山上建屋居住先將各色器具安排妥貼然後詳細逐探各色星象以及金火兩大星宿並聞此處測探月象暨用鏡拍照較他處尤爲詳明也畢君云現在南半天一切星象無論巨細較在北半天尤爲皎明並將所視天象逐一畫圖貼說以便編輯成書詳加校核也惟爲時須八年之久至速亦須六年方能成事西人之用心天象於此可見一斑云 因謹按美人測南墨洲之天文卽測南墨洲之地理也但測天文之經緯緯度數若干卽可以知地勢之道里若干不惟南半球之星宿可知也惜

秘魯無人不能知美國用心之深耳

十四日晴

此兩日內不見山聞之船主今日午正舟過赤道午以後舟行赤道之南矣是夜船向西北折入懷紐而江 美國搜購現銀聞近日解往比利時國不知何用或即為比國代購也 義大利國所造最大之鐵艦名薩那者工已告竣其下水之時觀者如堵海部大臣亦在坐一時拍掌歡呼聲如雷動是船計長英尺四百十尺闊七十七尺容一萬三千八百六十噸洵足為意大利兵船中之巨擘也 俄國欲於裏海地方推廣鐵路以達波斯之謀隴得城尚未謀於波王擬於動工時通知其事蓋早視波王為無能不敢

日記

卷六

八

不從也 因謹按俄與阿富汗立約矣又營鐵路以達波斯一則垂涎於中亞一則垂涎於歐洲也元世祖之時分遣大將奔彪愷撤略地歐洲乃地定而鞭長莫及依然分裂俄王豈不知乎而動遠略乎

十五日晴

江行向西北已刻到惠愛磯地頗平敞背山臨水闊周密勝於巴拿馬土人約萬人華人居十之一蓋厄爪多國之所管轄也兩岸樹木青蔥可愛華人葉文英陳忠華高靜光來見言前此二年該地方官禁制華人賴英領事張百熙為之代繕稟具呈請於國王得以弛禁遂得安業因教以宜即聯絡英領事以資保護我

國未與該國立約不能以公法繩之也此地至香港輪船兩月可到帆船須五月華商約上岸因以開船甚速不便離船辭之十六日晴已刻細雨遽止熱甚

抵薩拉埠 又名打拉埠前一年尚未設埠亦無人民山係童山無草木房屋約百餘家因詢船主以此地何產則出火油也自近年方知之因開井取油每年運往各國漸運漸遠船至此下機器為取火油各廠之用也申正開船戌正至比打埠已入秘魯境矣自紐約至秘魯各埠房屋多以薄鐵為瓦其凸凹如瓦式而以鐵為之長約一丈寬六七尺取其質堅而價廉也墨洲築室其極大者以白石條砌成石條長盈丈厚數尺自基至頂一律非地震不能

日記

卷六

九

壞如美國各部衙署間造費三千萬圓次者用磚又次者用板磚板所作之屋多以鐵皮為瓦間有用鋼瓦者然不多觀 因謹按一百年以前香港一荒洲耳二百年以前上海亦海盜出沒之地耳迄今香港為大埠廣廈雲連其地幾於計尺論銀可謂盛矣上海為我國第一市鎮其他皆不及焉所以然者其地近海而又為各國商賈貨物往來之孔道耳或謂地氣有盛衰而不知實由人事也

十七日晴天寒稍涼清晨可著夾衣

辰刻泊打拉尾島亦童山而所下者多鐵瓦之類地產棉花風漸大船行頗側 本日發南風而天氣轉涼初以為異繼思此地已

在赤道之南則南水洋在地之南此地之南風猶中國之北風也故涼 俄國與土耳其國交界之歐西魯姆地方俄兵至者日益多土耳其民人恐其進攻驚相走避土國家乃出兵以備之 美國上下議院議員羣請於總統商之英國並商之墨西哥國禁自英之屬地加那大與自墨西哥入境之華人 因按美自光緒十四年禁工之例行可謂嚴且酷矣新華工已不准來即舊者亦不准來并領有美國之照許其來者亦不准來自以為至密矣而邊境甌脫之地華人乃偷越而來華人固無恥而亦美之背約失信有以激之也

十八日晴

日記 卷六

至阿村島亦童山而其內出煤土人造鐵路火車以運出口船至此稍泊以載煤備用已刻仍開行稍向東南不似前此之直向南矣東南面多山皆童山也

十九日晴

未刻至白鴿尾裝米四百餘包半百餘隻中正開船 俄廷密諭稅關於英國入口鐵器棉紗加增稅則較之舊稅多至白之三十至百之四十又擬廢勃而忌里亞之君以瑞典國之世子代之因謹按英國棉紗行於中國者日廣似可做俄國而增其稅亦塞一漏卮而增一入款也 二十日晴

卯正泊打辣美卸米百餘包及木箱數十已初開船此地山甚深望之有四五層其第四層在雲外雲環山腰如帶山尖出雲之上要皆童山全無草木而多沙舟過產鳥糞之山同舟英人亦赴利馬與因接談言至秘魯已二十五年矣今將辦鐵路也又言秘魯沿海之山荒秃無草木而內地美不勝收惜秘邦無政不能經理也十年前亦曾至中國中國國民風勤儉萬不能與其民爭利惟擁貨厚者操其利權則得其利不若秘魯之利之易爭也其地荒則地利易與其民寡則客民可容其俗懶則土民之利可奪故舍中國而赴秘今擁貨過十萬置田宅之外尚有餘款以逐什一若鐵路歸英則利益溥矣云云 此地秘國各寮至多華人之所聚也

日記 卷六

華人上船來見言三年前有委員二人來查察一切供張均由商具而於弊政究未詳查華工依然困苦曾已呈控於出使大臣矣 因於光緒十五年由滬出洋之先即有香港商人書控告委員查察之不力今又聞之商人共察之難查欺抑人不易得也 二十一日晴

舟行黑水洋東面仍多山而無風浪計自元口至今日舟行已兩旬矣雖不眩暈而頗覺勞頓蓋山顛簸顛搖無一日之息也屈指今日午刻當可抵嘉里約已正抵埠參贊吳滌領事張曾詔繙譯黎煇洋員杜嘉爾來送當坐小輪船上岸抵火車廠華商亦來送遂共雇專車至利馬都城



二十二日晴

謁外部訂選

國書日期商定二十五日 智利國內亂華人之寓智利者因求英公使轉致駐智利之英公使代為保護 因查智利國勢已近南水洋蓋與俄之鄰北水洋者遙遙相對矣自勝祕魯後頗有夜郎自大之意前此與祕魯交關致損華人產業鄭使曾託美國駐智公使索賠不得今乃國中自亂其將衰乎

二十三日晴

華商二十餘人於嘉里約相迎又至使館相見今日回謁遂至通惠總局小坐局不宏敞而尚修潔華商二十餘人相見因詢以現

日記

卷六

十一

在利馬華人數目答云不能詳知遂屬其查明又詢近年華人較之前五年為增為減答云近來出口多於進口大約已減於從前矣又云中西學堂何以無人就學則云中華四子書少時無不讀者父兄自可教其子弟淹博之道非所敢期故不須就學洋文須延洋師費用太大無可籌措請即停辦因再三開導業云勉強允從非心所願豈能持久不如直言前此本非所願故一年以後即已解體今決不敢應承因察其情真無可再言遂止即登車回館

二十四日晴

祕國舊總統偕其子又參贊某又前駐中國公使愛立謨來見華商李杰彭某王某來見當屬其查明現在華人之在祕魯都城及

各寮共若干人 聞智利國之水師統領因其總統欲改為君政之國激變連日交仗已攻取兩口岸矣 德員在阿非利洲現以重資僱土人為導以期入其內地蓋欲開其土地且冀相安無事也 德奧兩國近來私訂密約彼此嚴為防堵有事則唇齒相依無事則時時訓練 因謹按歐洲各國分裂阿洲後葡人日人未聞有所經營若英若德若法固各有布置矣春秋時吳與晉爭盟於黃池而於越以兵入其國故德方圖阿洲之地而又合奧以防俄

二十五日晴

祕都利馬自古至今終年無雨天時地氣殊不可測是日未刻細

日記

卷六

十三

兩如塵地不能溼參贊吳濬以為少見 英國於給迫考老尼在阿非利加洲之南開闢內外政治日益修明惟費用亦增幸鐵路漸拓商務漸興進款亦漸旺尚可支持國有人焉宜土地之日廣也 因謹按言之足以徵信者甚難諸子百家龐雜無論矣嘗讀爾雅原文云東至日所出西至日所入者此何地耶日本不動安有所出入耶由中國向東而行過大東洋再過大西洋由歐洲而返中國矣無日出之地也由中國向西而行過歐洲涉大西洋逾墨洲再涉大東洋由日本而返中國矣無日入之地也且中國之日出即美國之日入美國之日出即中國之日入隨地球之向背為隱現非真有出入之區也原文又云距齊州以南戴日為丹穴

北戴斗極爲空峒一若北有斗極而南則無也者一若南至日所行之赤道而盡也者皆非也南斗七星因此固明明見之矣戴日之地爲赤道因固明明過之矣至於周髀算經一謂月之大徑一千餘里後世又謂日之大稍過於地皆未得千百分之一也無輕信古人也

二十六日晴

是日爲週

國書之期午刻兵頭五人帶樂工軍士九十人建祕魯國繡旗來迎

國書既至使館則立旗大廳之西樂工以時作樂申初護衛大臣

日記 卷六

十四

副外部二人到宮車二輛亦到署敘寒暄即偕參贊吳濬繙譯黎熒署參贊黎榮耀洋員杜嘉爾乘宮車至總統官門門已列仗相迎騎兵執旗擎槍殿陣於門內右偏因下車率各員入宮總統已率各部大臣鵠立以待因趨而前捧

國書行一鞠躬禮即遞

國書總統接受因出懷中頌辭紙朗誦之總統亦讀頌辭讀畢又遞報賀

大婚之書禮成總統延因坐參贊等員各部大臣亦坐總統詢我皇太后

皇上聖安因教立以對又作寒暄語遂退出乘宮車回使館騎兵

執旗擎槍前導後擁既至館外部即奉總統命來謝因均款以酒食又賞樂工軍士以酒共去也再賞以銀錢外部等乃辭退因即乘車至外部處謝步並謁各部大臣

二十七日晴

謁各國使臣並回拜舊總統 英人議禁鴉片煙會中人有自印度遊歷而回者謂印度煙館幾一萬家吸煙者多消瘦現在發出之帖准開煙館者計一萬九千三百九十五張所願政府從此即停無壞心術也 俄主諭兵部大臣明年軍春應添步兵一營以爲西比里亞以東之策應 因謹按軍春爲中國之地中國駐有防兵俄人營鐵路以達軍春又添兵隊鐵路成而辦事亟矣

日記 卷六

十五

二十八日晴

謁副外部前駐中國公使並房東遂送外部副外部英公使美公使房東禮共五分 可崙比亞玻璃斐威內薩巴西智利各公使來見祕將軍佳拿旺那來見其人曉暢兵機精力強壯將來前程未可量也 英人擬通商於中國之雲南省謂法人已居蒙自增產業開利源英人豈坐視不由緬甸以達雲南且緬甸與中國本可通道若築鐵路將來商務必盛云 因謹按歐洲各國大小相維犬牙相錯無可開拓故皆垂涎於阿洲可唾手而得矣中國之地北與俄鄰南與英法鄰東與日本鄰俄人侵佔於軍春黑龍江之間英法已踞有緬甸越南之地而其欲未戢也日本已縣琉球

未嘗一日忘高麗而其志不能逞當此時勢不特邊防難固即海界亦難清矣

二十九日晴

英公使美代辦德公使來見因詢德相畢思麻近狀言已告退又詢德將軍毛奇特起居言尚為將軍年已九十矣因言此二人者德之柱石也德公使亦詢李鴻 起居因言尚居相位德公使言外國聞李鴻 之名與畢思麻相等因謙讓又謝英公使代為保護寓居智利之華人英公使謙讓遂各退 英人在緬甸自曼得來至怒江測量道路以備設鐵軌者途中多遇險阻有一處最險者須駕長橋三五十丈始可免絕鑿之費鐵路之成尚需時日今

日記 卷六

十六

擬先山磨地通至猛剛以至於排麻費省故也 因謹按緬甸越南兩小國中國列為荒服以謁廢勿絕待之兩國亦僻陋自安無所振作自為英法所滅而講求商務建置鐵路訂立稅則時有所聞豈天時地氣之變遷歟抑闢草萊任土地固存乎其人也因願施之於東三省焉

二月初一日 元吉晴

西班牙公使來見 祕魯國境北界厄瓜多國可崙比亞國南界智利東界巴西玻璃委國西界太平洋海居民二百六十三萬一千餘生番二十五萬餘外國工商七萬八千餘內中國六萬餘人義國七千人法國二千餘人日國一千六百餘人德國一千六百

餘人英國與國瑞士葡萄牙美國人數甚少地產糖硝泥自光緒六年與智利構兵敗北割地所產硝泥之地盡歸智利遂至無物不稅無人不稅而苛政多矣 土耳其之摩洛哥城百姓倡亂官軍與戰敗北急請援兵土君聞之深以為憂 因按土耳其版圖尙跨三洲地非小也乃以君臣玩愒國無靖時前此俄人伐之非英相助已滅亡矣

初二日晴

祕國都城名利馬居民十萬一千餘人人多入耶穌教其國為民主之國其主持政治者有三一為上下議院山民公舉國中無論何事必待議准方可施行總統亦歸其議舉一為總統統領全國

日記 卷六

十七

之兵頒行議院律令之權設部臣五日吏部以治官及工日刑部以治各堂各局日戶部以治商日兵部以治水陸軍日外部以治交涉一為審案官如中國之刑部臬司由議院公舉其人必由律師出身以治訟事曲直是非由其斷決 玻璃委通商公使及察東來見勉以厚待華人察東極言無有不厚 美兵船至中國煙臺報中國南北洋兵艦共十二艘已展輪出口往各處巡歷此去年八月事也又云中國兵艦將至朝鮮 因按泰西各國留心時事凡交涉各國之舉動時時留心而於軍務尤留心焉

初三日晴

考祕國水師兵船三艘不過容三四百噸陸軍四千分為步兵六

旗馬兵三旗大礮兵二旗另有守街巡兵三千三百七十一名有馬者八百四十三名總計共七千三百七十一名 祕國口岸極多以嘉里約爲最大距利馬二十里來往火車路二條大馬路一條土民三萬四千餘人另有小口岸十九處衣路一口已歸智利管轄 巴西國公使來見 謁祕外部 祕報載英國君以金鏢送中國

皇帝其鏢上刊中國文中外和好昇平之兆因於此不禁欣悅 美國自增關稅以來物價騰貴百姓患之謂此乃無異於加捐病孰甚焉其西方之民尤多不服皆欲國家改此稅則以爲民便 德奧意三國同盟雖不專防俄國實有防俄之意俄人知其同盟

日記 卷六

十八

之局久而益堅奧更有大憾於俄俄亦先事防維 英法二國以英國屬地紐芳蘭地方漁事所有爭端久而未決法國乃請教王從中剖斷教王允之 因謹按此亦排難解紛之一法化有事爲無事也

初四日晴

祕魯全國分爲三十省九十四府計大市鎮六十五縣七百五十七大鄉落一千三百三十九中鄉落四百七十小鄉落六千一百七十田寮四千五百西方一帶土地肥美故多田寮東方多高山山常出火其出產以糖爲大宗 謁外部及各國公使辭行也 美國海部議添礮臺船三艘其一造於舊金山需銀三百二十四

萬其二造於費城需銀五百七十八萬又造極快巡船一艘需銀二百七十二萬五千元 因謹按自紐阿連之案出而義有責言自祕林海之案出而英有責言美之布置海防所以如此其急也然非其國帑之充則經費不足而束手非其船廠之多則製造無地而束手要在綢繆於未雨而後可指揮於臨時耳

初五日晴

祕魯鐵路共二十條合計共本一萬三千餘萬兩間有歸智利者其商船皆英國智利國所造利權盡歸他國矣 外部來見愛立謨威內薩公使兵部大臣均來見 英德兩國立約以北海中立古蘭島歸於德俄人以此島爲德所有則俄國波羅的海之

日記 卷六

十九

水師大有不便惟是英德之交甚固一旦有事同心相助則計之得者也 因謹按希立古蘭北海之小島也英德與俄歐洲之大國也德非爲阿洲之地斷不肯讓與英英非得此島斷不容德踞阿洲之地俄處局外亦有妒心抑何視土地之重耶

初六日晴

祕魯進款以祕魯銀計入口稅四百餘萬出口稅三萬餘買賣產業稅十九萬餘火酒至玻璃委稅三萬九千餘國內火酒釐二十五萬餘關稅租十五萬餘進口船稅四萬餘房租二萬餘鑄銀局進項九萬餘屋稅十二萬餘稅關罰款十四萬餘身稅十七萬餘出家人身稅二千三百餘各款碎項一萬餘書信局進項十五萬

餘沽有印紙銀五萬餘又九萬餘此項用此紙係具呈及立合同用船局進項三萬餘火車進項八十四萬餘鹹泥稅八百餘磅稅八萬餘磨煙度口岸馬頭進項二萬四千餘進口貨投關紙八百餘新例加抽各貨出入件頭二十三萬餘嘉里約馬頭進項三萬餘紙牌釐一千九百餘鴉片煙進口稅二十三萬餘稅關紙項五萬四千餘此紙係入關稅貨用生意稅十四萬餘鑄銀稅每百三元九千餘田寮稅五萬餘鹽埠進項四萬餘巡丁進項六萬餘煙釐二於九萬餘各口岸馬頭進項一百零三萬餘大監房工一萬四千餘電綫二萬二千餘加抽買賣單二萬九千餘統共全國進項九百一十萬八千九百五十一元八角三分三厘 國債貸款及欠

日記 卷六

二十

太平糧銀二十七兆八十八萬元廢銀紙銀七十九兆元前任總統卑路拿手所出新英架銀紙九兆五十四萬一千元而借他國之款尙不在內 西歷一千八百八十九年日本出口之絲較上年多十一萬四千三百五十磅多售值英金五萬三千八百八十四磅以絲巾而言之在一千八百八十八年已較一千八百八十七年出口多售值英金三萬一千一百七十一磅者至一千八百八十九年又較一千八百八十八年多售值英金十一萬一千四百十四磅是幾多百分之五十其他出口之綢緞亦復較前大盛在一千八百八十九年值英金十九萬三千五百七十二磅較一千八百八十八年多英金十四萬五千五百六十二磅絲市之盛不可見

乎日本於一千八百八十九年出口之茶值英金九十五萬八千七百六十九磅在一千八百八十八年僅值英金九十四萬四千二百二十五磅蓋較多英金一萬四千五百四十四磅云 因謹按祕爲小國民數二兆有零合中國二百分之一入款銀六百餘萬兩合中國十四分之一爲詳稽共入款則書信局十五萬餘鑄銀局九萬餘鴉片稅二十三萬餘卽此三項以民數二百倍乘之合九千餘萬矣彼稅固極重而中國之稅未免太輕也

初七日晴

拜發行抵祕國并呈遞 國書摺寫船票火車票 英公使法代辦美代辦均來送行 是晚吳濬張曾詔爲具膳以明日卽啟行

日記 卷六

二十一

也 祕魯國債均貸於外國由本國之民不相信也共計一百六十四兆七十六萬五千元合中國銀一萬六千四百萬兩計至西歷一千八百七十五年七月初一日止共欠息銀九十七兆三十五萬零九百四十元共欠本息二百六十二兆十一萬五千九百四十元合中國銀二萬萬餘兩此債由去年與債主訂立約將國中火車鐵路交與債主辦六十年再由戶部按年籌英金八萬磅湊足計三十年爲止則所欠之債作爲清還 俄國以美國新增進口稅其自唐江出口之南省羊毛竟不銷售先是俄國各貨運至美國紐約者不少今以美國稅關多方留難運往之貨一時難起故無人肯運以往云 因謹按國債之舉利溥公私國家得

民有餘之資以集事而民亦可藏富於國此兩益也祕國不見信於民而貸於他國至以利權授人則國蹙而民亦困是之謂兩損可以為鑒

初八日晴

是日寅初即起上樓瞻南斗見上三星下四星如北斗之杓頗為明白牽牛星已入地 辰初各員均起遂飯飯後乘馬車入火車廠副外部及前駐中國公使愛立謨均到愛立謨言總統以因為善辭令贈一照相愛立謨亦贈一照相因託以保護華人均點首談逾時威內薩公使亦到各國公使到者甚多不能悉記火車開時均送至車傍作別而去已正至嘉里約遂上船船名不實樂船

日記

卷六

二十一

主升中國旗申初開行

初九日晴

舟至打辣尾華商來見云此埠華人約四千人 聞美國與巴西已立報施條約美國所產之五穀麥粉乾羊鹹肉鹹魚乾魚農具開礦器具製造器具格物書契火輪車器等物巴廷允准入口免稅此外牛乳油餅火膠棉布鋼鐵器另計木器馬車樹膠則納半稅巴西所產之糖加非茶葉生牛皮等物運入美國亦免稅云 因按美國如此之富而筭算如此之嚴其意不過防利源之奪於他人而已其五穀麥粉之運入他國欲其免稅必有免他國之稅則以相報施則他國亦防利源之為所奪也現在美國之麥粉運

入中國者每年數十萬桶皆不納稅而中國之米運入美國曾不免稅且加重焉報施之謂何

初十日夜雨

舟至白鵠尾華商來見言此埠華人約六千近因到者日希土人尙不妨忌又言各埠所銷售多中國青縐紗襪及絲巾又洋人亦好服中國之山東紬取其堅而質也所見洋人多有服之者 同舟法國水師提督調赴墨西哥換班因與接談法提督言以前駐紮上海十二年極喜中國民情之勤儉中國水師海軍振興當有起色因言中國向來以柔遠為心不恃兵力故不願以海軍角力今風氣既開自當整頓以飭戎行亦權宜之道也地球海軍自以

日記

卷六

二十二

英法兩國為冠其次則德俄義奧均有可觀法提督曰論鐵甲之多自然推英論海軍之強法實不讓蓋以法國兵艦管駕得人運掉靈便爭雄海面自以為尙勝一籌因不便直折但答曰此誠聞所未聞具見貴提督之曉暢軍務該提督欣然而散 因按近年查考各國兵艦英之鐵艦一百六十六艘法僅六十二艘不但大小不相等即多寡亦相懸且去年法國議員詳查歐洲各國水師強弱情形而自知不得法見於報者屢矣乃恃意氣而為虛詞以啊喝中國以為中國不知其底細而不知因已見其肺肝矣於此知法國之霸氣而歐洲人情莫能相下亦見一斑此因所以志切自強也

十一日雨

至阿村島船上上下下之人亦甚多貨物亦多天氣之熱至於單衣汗浹因將過赤道而日正當頂也 美國加利寬尼省下議院議定限制華人條例以為可行者四十九人以為不可者五人其例凡華人現寓居該省者按名給發執照以後不准續來上議院已議准矣 東洋日字報云聞和德兩國新訂密約欲互相保護以得唇齒相依之助若彼此與法國相戰兩國均須協力同心云 日本朝廷擬遣兵船一艘駛往北方之寄喜買海以便禁止他國漁船捕捉海獺及各種海貨查此舉亦效美國之禁祕林海捕海龍事 因謹按日本當中國李唐時事步趨中國近則步趨英

日

記

卷六

二十四

法今乃步趨美國矣西人謂其情性如猴好效法人而輕舉妄動也可謂雅謔

十二日晴

至惠愛基此埠已在海峽之內實為長江人之上下最多又有盜物者為候測所獲並獲其贓送交船主船主以為應由地方官辦理無可交者釋之是夜該船上貨下貨極多至開五門一時并力交卯初始畢辰初開行同舟有三十人須由巴拿馬赴紐約恐船行遲而大西洋赴紐約之船先開則大費事相與籌商告之船主凡行船諸人自司機器及司爐以下均給重賞令其上緊一面仍電致个郎輪船公司屬其停候一日當由該公司覆電允候十二

時辰 因查巴拿馬个郎為煙瘴之地其水土最惡劣從前法人勒伯西集股開浚其地以通大西洋所招黑人歿於瘴者十之九行旅來往均視為畏途焉以重賞速其行船使不致逗遛其地以染瘴病亦計之得者也

十三日晴

卯初開船出內江入大洋 同舟德國二員游歷墨洲人甚和藹彼此接談言德國來因河者與法交界之地也近有人於河旁置一生電機器即藉河水以旋轉車輪有一萬匹馬力以生電氣然後通電綫於各製造廠之生力機器蓋用水力以生電又用電力以生力而運機器也其用至多如需火燭即用以生光如需煨鍊

日

記

卷六

二十五

即用之鎔化如需運鐵即用以舉重推行惟所欲之無不如志較之用煤又為潔淨計費資本僅二百餘萬圓而利鉅矣 因謹按電氣之利愈用愈擴近聞美國能以電氣表測鑛知鑛產之有無既省人力又省廢費格致之功也

十四日雨

舟行大洋時有大鯊浮水面大如栲栳所過數百里不可勝數英國屬地考倫比阿去年所漁海獺之皮有數萬張值英金四十四餘萬磅其漁船二十餘艘漁人六千餘名若美國在彼處漁海獺之船僅有五艘所漁海獺不過數千德國之船僅有一艘所漁海獺不過數百 因謹按洋人重商而趨利其人尤甚故富甲於地

球中國向重農所謂貴菽粟而賤金玉也然而富漢盛時賈誼上書有云貴農夫農夫已貧賤矣賤商人商人已富貴矣意者天時人事之所趨自古已然不能執一而論乎考之近年戶部入款每歲銀八千餘萬兩其中地丁銀只一千餘萬兩耳此外皆取諸商也若循古昔之關市無征則每年所入之數能數所出乎運本日新而法無不變敢以質之是古非今者

十五日晴

舟行大洋過赤道船主以午正用機器測天舟行至二十二度云十六日已正可到巴拿馬 義大利人言西歷一千八百九十年歐洲各國之朝教王者法義美奧德五國之民各有所獻美國居

田記

卷六

二十六

多共銀十五萬餘兩然較往年已減矣 因查歐洲二十年前最重教王其權可以廢置各國之君其遣使在頭等公使之上自德滅法而法不能護教羅馬一城義遂收回教王惟餘一宮殿耳近日俄德美義諸國均不崇天主教美國之奉天主教者至不准舉總統教勢因此日衰然餘威猶存根株未盡尙有先已入其教者故不能無所獻也若法與奧則民心猶歸之而執政諸公實不以爲是矣

十六日晴

已正抵巴拿馬領事阿丹信已先至碼頭用小輪船載人及行李抵埠易佐才已到爲雇馬車五乘載人及行李赴火車廠阿丹信

則爲寫火車票並輪船票火車於申初三刻開行阿丹信亦坐火車送至半途因以路程太遠謙辭阿丹信遂返中途大雨抵个郎已戌初華商來迎代僱車送上船因自起裝船主已備飯從者七人均上等艙 因按巴拿馬个郎地逼赤道天氣四時皆炎熱如海暑寒帶之人至此極不相宜樹木叢雜芭蕉滿山四時不凋故開花而成實黃橘青梨波羅各果徧山均是尙有不知名者土人肌理黑黝形狀粗濁自成風俗非有鐵路火車不易經其地也火車行三時雖途中屢停以使上下之客然計程途曲折亦二三百里開河機器沿途布置廢而不川聞已費銀三千萬兩工程只三之一經費已竭故遂停也

田記

卷六

二十七

十七日晴 廣昌商人請赴席因力辭隨員均往个郎總督來見美駐个郎領事來見言美駐中國中使田貝現已更換布列也接辦兩月之內可以啟行又言布列也爲北黨年五十五歲因又託以保護華人遂退 復謁个郎總督及美領事 昨夜至今日蕉果之入船者數百車以每車三百斤計蓋十餘萬斤均運至美國出售查此地周圍數百里人煙稀少山果至繁如無火車則不能運出山如無輪船則不能運至美蓋地氣既熱小車載重則壓而至碎又鬱而至腐間有存者日久亦無不壞今以火車運出山既不積壓復以輪船運至他國又不久時可以銷售計一年之內所得已多此鐵



路輪船之利也 墨西哥國以美國新增進口稅其牲口不能出口議於進口之美國貨物亦重抽其稅云 因謹按交涉之道太柔則廢墨西哥小國耳與美毗連乃於美國之加稅而亦加稅以報之不畏美之詰責也亦不畏失美之歡也誠以不如是則無以持平亦無以自立也

十八日晴

此次駐秘時巴西公使來見詢我中國近興鐵路因答以甫有端倪巴西公使言伊國商民願興鐵路業經廷議允准但有約法三章須由朝廷核定一京城與各省城位置鐵路二與外國毗連之鐵路三保護國家之鐵路此三者均由國家作主其餘悉聽商人

日記 卷六

二十八

相地辦理云云 英國可俞白地方有日本兵船水手結隊而行衣服鮮明自外觀之幾無異英國水師云 俄國以與各國預有成約有事之時不得添兵於黑海故欲於無事之時增添黑海水師為有備無患之計今以所有鐵艦尙嫌其少即欲添造鐵艦數艘并欲添造水雷船數艘 因謹按當今欲自強之國無不以興造鐵路為先務則鐵路之利國無疑也俄增鐵艦於黑海日本耀水師於可俞一求實濟一尙虛僞而海軍之當講求亦無疑也

十九日晴中夜大雨

拜發山祕返美摺智利內亂據智國使臣言亂黨勢寡兵船不過數艘其餘地方安靖如常而商家之貿易於智者則云智國家有

輪船二隻載兵入衛其一已為亂黨擄去其一為兵船所迫幾不獲免幸而到埠而卑沙瓜一城業已失守沿海一帶口岸俱為兵船所封其勢岌岌云 因謹按八年前智秘之戰秘魯鐵艦為智利所擄而秘魯遂不支今智利自亂智國家之兵艦為亂黨所有智國亦不支然則講求海軍其必以得人為首務否則藉寇兵而資盜糧矣

二十日晴

舟至古巴島口岸外海面有似小鳥而結隊紛飛者因以為鳧鷖之類船主曰此飛魚也以遠鏡視之不甚明白嗣有飛於近船者始知為魚其飛離水不逾丈長不逾尺望之如蜻蜓蓋四翼也舟

日記 卷六

二十九

人獲其一以藥水製之不朽隨以相贈即而視之則前翅生於脇而較他魚為倍長後翅稍短然他魚亦不能如此長也宜其能飛 法廷議撥越南經費一千二百萬佛郎議紳議允者二百八十四人不允者一百九十九人間已撥矣因查法國國債其周年行息四釐者計二萬二千八百二十四兆零合中國銀三十一萬九千二百餘萬其周年三釐半息者計八萬八百兆零合中國銀一百一十萬萬兩計每年交息約六千萬兩蓋每年進項以五分之一交息矣 因謹按外洋各國無不有國債者法之國債每年交息至銀六千萬兩其債可謂鉅矣而民間尙肯貸之者則以政府尙信足以取信於民而民亦以按年可以得息較之他處為穩也

或謂一千八百七十年即同治九年法幾為德滅矣若宗社為墟國債將誰索乎不知萬國公法國之債貸於民還債之項出於地債與地合而為一其地為誰有則其債應誰償此民之所稔知也所以無慮也

二十一日晴天氣漸涼可著兩層衣矣

英美為秘林海峽英人捕獵海龍事英廷已撥兵艦至太平洋保護云 因謹按美國近年尙霸氣未遇強有力者自以為霸氣之可行也今英強於美顯與為難矣美國能始終苛禁英人如待華人之例一意堅持否恐不能矣

二十二日晴夜雨天氣驟寒可著棉衣此已過赤道之故也

日記 卷六

三十

西人有自奉天至天津者路經各海口見大連灣銘軍新築礮臺六座堅而且精其老龍頭礮臺一座恰當敵船之衝三面臨水工程尤難和尙島東礮臺徐家山旱礮臺築土取石亦不容易此三臺之精堅尤為各臺之最英法兵艦過此者均極口誇之 因謹按泰西各國造兵艦築礮臺講求軍械所謂安不忘危治不忘亂不戰而屈人之兵者也兵船遊歷大抵視其國之武備以知強弱風氣如此雖欲弭兵耀德斷不能矣

二十三日晴北風漸大船左右晃立足不穩矣

有帆船二艘自古巴赴紐約懸旂以求救援本舟見之即停輪帆船遂派小舟至舟中三人其一上本船言自古巴開行後北風不

止已行三十二日船中糧已竭尙不知何日能到紐約故來乞糧船主給以麪二大桶每桶二百磅薯二桶牛肉菜蔬麪包茄非足敷一月之用然後開行 因謹按上古造舟以致遠帆檣之力有限於風自輪船出海綫諸而重洋萬里可計日按時而至向之所謂天塹者今皆為坦途矣天地之氣運日開民生之機巧日甚易言窮則變變則通不通也又言隨時之義大矣哉言不隨時則不可也

二十四日晴大北風船仍搖晃

同舟英商人言英法交界之海峽向來風波最大過此者無不眩暈今擬籌費三百萬磅開通海底與造鐵路用火車往來海底以

日記 卷六

三十一

避風浪 字林報據東洋日字新報本月初五日信云現本國政府整頓水陸兵權有蒸蒸日上之勢查現在陸軍各處城鎮礮臺以及防堵口岸均已次第建臺築壘以冀鞏固至於水師海軍暨各部臣均以爲最關緊要因經費支絀未能定議今政府因見泰西各國莫不以水師兵權多寡爲國之強弱是以不惜經費增造大小兵艦以彰國勢茲將議定添造各艦開列於下計開大鐵甲兩艘每容九千五百噸每價日洋七百萬一千六百四十六圓巡邏兵鐵甲三艘每六千噸每價四百二十一萬三千九百四十圓頭等尋常巡兵艦一艘計四千五百噸價三百三十萬一千六百四十九圓二等巡兵艦二艘每容三千五百噸每價二百四十萬

三千五百十二圓三等巡兵艦一艘計二千五百噸價一百六十七萬一千二百四十五圓又三艘每容一千五百噸每價一百七十九萬九千五百七十七圓頭等魚雷艇七隻每容七百五十噸每價七十七萬三千九百四十九圓二等魚雷艇三艘每容五百噸每價五十七萬三千七百九十圓以上統共噸位計六萬二千二百五十噸共計日洋四千六百七十九萬七千五百十四圓 因謹按張皇其辭者必其中有所不足也日本琉球之事知中國不快於心近見中國海軍日強其氣自陋極憂報復乃以外強飾其中乾肺肝如見矣

二十五日晴

日記 卷六

三十二

午刻到紐約稅關已得外部照會即下船坐馬車至領事衙門屬即寫票飯後未刻上火車廠申刻開行子刻到華盛頓此次火車中途不停故速有泰及洋僕已在廠久候即僱車回使館

二十六日晴

聞美國新派駐華公使布列也新報多貳之者 送外部祕魯所產皮襪一方絲巾一盒 美國紐阿連省有寓居該地之義大利人械闖誤傷美人巡捕拿獲義民十餘人監禁審問而該地民人聚眾數千竟至監所川槍轟斃七人又縊死二人其中有兩三人尚未入美籍者義國駐美公使接義駐紐阿連領事之稟照會外部請美廷將槍斃義人之犯按例懲辦并索賠償該省總督置之

不理外部覆文亦無懲辦賠償之意義公使又已備文照會外部請速妥辦矣

二十七日晴

金山總領事左庚丁艱由家丁稟請卸事美國民人橫殺義民一案外部覆義公使文以為辦理此事之權操之該省合眾國官員不得越俎仍候該省自行辦理義廷見其推諉情形遂歸咎於美國政府因於二十二日遞書告辭回國只留代辦料理美外部立刻照會義代辦云義為此役之故撤回其駐美公使美總統殊深歉仄查公使撤回之由一則因美國未嘗應允將殺死義民之兇手按例懲治二則因美國未經應允補卹死者家屬惟美國舊設

日記 卷六

三十三

國例國家政府不能干預各省政事此案懲辦兇手之事例應歸省官辦理合眾國官員不得越俎故不能預定該省官員如何辦理此案之處亦不能預定將此案兇犯懲辦也美國政府並未言不肯補卹但須先行查明的確美國如果應給卹款然後方可照行不能急切就理云云義代辦既准外部此次照復即電本國政府茲聞義國外部大臣業經照復許將此案再行酌議秉公辦理矣初美義兩國因此案之故幾乎決裂現在美總統與各部大臣見事有轉機可望調處不勝欣悅云 因謹按美國於中國華工一再燻逐中國照會不為操切以前各案絕無辦兇手者其卹款不過十之一耳美國侈然自肆心輕手滑乃以用之中國者又用

之於義國大受斥辱今而後庶知公法條約之不可違乎聞諸道  
路美之急於轉圜者實懾於義國水師之強也義國兵艦有名担  
大羅杜意留義大利者其礙係一百噸爲各國兵艦所未有美自  
揣兵力不能敵故不敢始終妄行也此可以見海軍之不可不講  
矣

二十八日晴

接美外部信訂相見 英屬澳大地亞即新金山全洲地方向來  
分爲七省各省政事皆歸自理近日該省居民欲仿美國制度合  
成一省現在各省委員會議已議定設立一總議之所分爲上下  
兩院所有撥款抽稅均山下議院創議 因謹案自美總統華盛

日

記

卷六

三十四

頓創立議院而其制遂徧於天下亦古今一創局也

二十九日晴

歐洲來電云法國富商欲包攬俄國西比利亞之鐵路由赭加布  
士克地方至烏拉地高士鐸埠溯太平洋共計五千三百九十八  
米所用之款即以鐵路作抵押特未知俄廷允否也 字林報言英  
國去年核算保人險一項其利甚大查英國保險公司共計八十  
一家資本之大小由十萬至一百萬磅不一而於去歲一年所收  
保險費銀共計六十八兆五百萬磅此數之多正與英國所欠民  
債數相似所有歷年之公積約計英金二十三兆五百萬磅尙不  
入此數也保險之利於此可見 因查保人險與保貨險章程相

似貨失則賠人歿亦賠顧其收數多於貨險而人之願保者須由  
該公司詳驗大抵病者不保老者不保期遠者不保此其所以獲  
利也

三十日晴

聞高麗國閔氏一黨歸心於俄高麗國王惟閔氏之言是聽高事  
日棘手矣 奉天將軍裕 派提督左寶貴查勘金礦以備開採  
倫敦來電云英國戶部自廷臣等選舉內閣高斯川爲戶部大  
臣後供職迄今將近三載所有通國一切經費出入細心核撥  
節故凡支銷無虛糜歷來該部度支常多短絀未有盈餘自高大  
臣主政本年核算出入經費除開銷外尙盈英金一百三十萬磅

日

記

卷六

三十五

英廷諸巨公均以高君爲能 因謹按一國猶一家也謀國猶謀  
家也一家之用如以儉衣齋食爲節所節幾何不作無益害有益  
不貴異物賤用物而所節乃多矣通盤籌畫不爲臨事之張皇詳  
察弊端杜絕小人之欺飾而所節益多矣唐之劉晏庶幾近之  
三月初一日元吉晴

午初赴外部衙門謁外部各國公使先因到者墨西哥德意志土  
耳其後因到者泥格拉日斯巴尼亞外部因赴總統處議辦事件  
尙未到署德公使有事遲回至未初外部方到墨土兩公使見後  
因往見謝其函致各處美公使領事照應事外部詢華人在秘魯  
何如因答以秘魯現在尙欲招華人來故待之尙厚其間有虐待

者乃不肖之寮東耳外部點首此外皆寒暄語因告辭外部留之  
婉言曰美國新簡駐中國公使布萊爾適到衙門貴大臣願見否  
因答曰可外部遂引布萊爾來見握手為禮布萊爾云本大臣新  
派駐中國公使將來務期所辦各事於兩國有益云云因答曰但  
期貴大臣能將兩國有益四字存心則交涉之道得矣布萊爾又  
言貴政府之意如何因答曰中國向以仁厚待人不為與人為難  
之事我政府於交涉之事悉照公法條約無背約而行者貴大臣  
可放心也此外悉詢中國道里風俗人情事遂辭出至酉初布萊  
爾徒步來見言新聞紙之詆之者實有嫉妒之人為之以美國南  
北分黨北黨之人南黨好詆之且北黨之不得差者亦陰詆之新

日記 卷六

三十六

報所言願貴大臣勿信因答曰日本大臣元旦起行赴秘返美僅數  
日雖有所聞未敢盡信且人言何足憑要當察其行事貴大臣將  
來見諸行事者或與新報合或與新報不同自不可掩布萊爾乃  
於懷中出一紙曰此十四年美國行苛例時本大臣之條陳言不  
可急而當緩者此足證矣繙譯官閱之以為信然因乃言曰貴大  
臣此日此言請勿忘之則於兩國有益四字符矣因作寒暄辭出  
又聞美廷專派公使科士達前往日國訂立報施條約日廷已  
優禮待之 俄國京中將設一廠織綢高加索與中亞細亞各處  
已大興蠶事蓋出絲既多即可供杼軸云

初二日小雨

回謁公使布萊爾談逾一刻布公使但詢京都中外相見儀注及  
風土人情因詳告之又見朝鮮駐美公使 倫敦來電云俄國戈  
林尼亞省地方與奧國毗連俄廷忽於昨日倍添駐防之兵歐洲  
各國聞之咸謂現在時局可虞又稱法國駐防之軍無不秣馬厲  
兵時加訓練每於夜間鼓聲忽鳴以試兵弁使習禦敵之法云  
美上議院紳益文士在議院二十五年持論平允不徇工黨今擬  
辭職 伯林來電德廷擬添設東邊各省防兵俄國重兵近日屬  
聚該地有虎視眈眈之勢故防患未形 因謹按德皇與俄皇時  
時為衣冠之會情投意洽俄皇前與德皇言歡且許保歐洲昇平  
之局然德廷仍靜觀俄人之舉動稍有不測即思防之不敢恃邦

日記 卷六

三十七

交而弛武備此近日交涉之要道也

初三日晴西刻大雨

近聞義國代辦使事參贊至美外部照會飭令譯出云為照會事  
照得花大臣請假回國會經照會辭行在案頃准貴大臣四月一  
號中二月二十三日 照覆本代辦將內開各節電達本國政府請  
各部大臣議辦茲據本國外部來電稱意國大皇帝政府但請將  
該案罪犯迅速按律究辦若未審明定罪而請懲辦未免不近情  
理今義國政府復述前情再請總候美國政府允許提犯審訊後  
方可罷議至賄郵一事美國政府既言按兩國條約理所當行之  
事義國政府自當記注存案等因並飭照知貴大臣為此照會貴

大臣請煩查照可也須至照會者四月二號中二月二十四日嚴  
祕理阿離押

美國駐華布公使借其子來見 美國與巴西訂立報施條約後  
德廷因恐其民向來所得於南墨洲通商之利將來為美所奪即  
與奧國訂立通商條約為本國商民貨產開闢銷路 因謹按泰  
西之重商務各國皆然惟明者見事於未著防患於未形故英美  
而外德之富強有蒸蒸日上之勢則得人之效也

初四日 陰天氣驟熱

俄京來電稱俄國兵部業已傳令所有俄兵駐守之地如有他國  
人民在彼販賣貨物者即行驅逐因恐一日與德奧開仗此種人

日

記

卷六

二十八

為敵鄉導也 羅馬來電稱義國外部自照會美國外部後至今  
未見照覆心甚著急如今日仍不照覆則令美國駐義之公使束  
裝返國並將現在義國駐美使署人員撤回本國所有義國使署  
交涉事件盡交英公使代為辦理聞美外部布連本擬初三日下  
午將往紐約而不果行或者為此之故 因按美國創苛禁華人  
新例自光緒十四年秋毅然行之經前任使臣張蔭 及因駁詰  
至今毫無照覆蓋三年矣茲於義國外部之照會覆之稍遲即大  
受其挫今而後其庶知中國之仁厚乎孫武子云勇怯勢也強弱  
形也泰西各國以強弱分勇怯我強於人則勇我弱於人則怯萬  
國公法如中國之律例頭頭是道不足憑也故理足而無勢則理

不能伸勢強而無理則所爭者雖勝而為人所嫉今地球各國其  
強者大抵皆恃勢而蔑理其弱者大抵皆有理而無勢惟兩強相  
遇則有理者可以求伸以弱遇強雖有理而無益也此謀國者之  
所以貴自強也

初五日晴

聞俄皇之子三月可抵上海總理各國事務衙門已有文令江海  
關道欵待又聞二月已由香港道出上海未作句留乘船沂江上  
駛云 初三日英公使接印度來電云曼尼布爾地方於緬甸接  
界有一強大部落之酋長為其弟所逐而篡其位英國辦理該處  
事務大臣聞之親往調停為叛兵所殺印度總督即派副將格爾

日

記

卷六

二十九

帶兵數百名進剿叛兵迎戰計數四千餘人亦持洋槍該副將以  
寡敵眾大挫叛兵並殲厥渠魁叛兵膽寒投降 因謹按戰陣之  
事兩強相遇則眾勝寡若以節制之師而遇烏合之眾則多寡非  
所論也此兵之所以貴練也

初六日晴

聞近日法廷所添造之兵艦現已興工尚未告竣者有頭等厚甲  
六艘海防鐵甲戰艦四艘鐵甲礮艇二艘鐵甲巡海兵艦三艘二  
等巡海兵艦四艘水雷巡船二艘洋面可用之水雷十七門頭等  
水雷艇二十四艘二等水雷艇二十六艘以上之厚甲戰艦可容  
九萬九千零二十六噸巡海兵艦可容七千零八十四噸計需經

費銀七千萬云 因謹按富強二字實相輔而行也往古之戰不過弓矢干戈其制易其費輕且無交鋒於海面者今之時局實生民以來所未有也一兵船而費數十百萬一鐵甲礮臺而費數百萬一礮而費十餘萬苟無經費何以興辦而規國者又常考究他國之礮臺堅與不堅炮之巨與不巨兵艦之大與小新與舊寡與多以定該國之強弱而後於交涉之道判厚薄分親疏別敬肆嗚呼平時未考究者安知其竅要不親歷其事又安知其用心哉

初七日晴 法國夏化埠嘉尼埠嘉尼礮廠試驗大礮其驗法則連珠而放以觀有無炸裂之弊法廷及俄國和國均派大員就觀據和國將軍

日記

卷六

四十

連尼文言初試之大礮一尊於四十五秒之內連放九次而無破綻隨後又試一尊比此尤大者於五十四秒之內連放七次亦無破綻因此可知法國各廠所造之大礮不在他國有名之廠之下 三月初五日新報言羅馬來電言美國外部大臣布連之照覆如至初六日猶未到即另行議辦云云 又聞美外部大臣之公文業已交輪船寄義矣 因謹按義國政府似知美國之伎倆不示以威則游延故以決裂之情形示之而美外部乃不敢不覆既不推諉於省員亦無所俟於議院然則前此所誇耀於各邦謂美國崇尚仁義不悔鯨寡不畏強圉者至今日而掃地矣 初八日晴

美紳寒潑來函請赴紐約與宴因以金山華人方稟欲拒新簡公使布萊爾謂其憎厭華人而寒潑所請赴席係陪布萊爾事在嫌疑之際作書辭之 聞俄國西比利亞之鐵路自前年籌款興工極為上緊近得琿春來信此項鐵路現已工竣此時當可通行查此鐵路由西比利亞接至歐洲將來由中國日本及亞洲各國前往泰西自然便捷俄人之爲此舉既不惜費又復殫精竭慮以經營之計長四千八百一十四里合中里一萬六千餘里費銀三千二百萬磅合中國銀一萬三千餘萬兩途中越過三大河皆造大橋以過從此俄國東方之金銀銅鐵各礦均可開採從前黑龍江暨乳蘇利境內向多空曠之地一片荒涼人迹不到此後輾轅街

日記

卷六

四十一

接直破天荒琿春地方得此易爲接應必將成爲重鎮俄人調兵轉餉呼應自靈云云 因謹按香港琿春黑龍江從前均中國之地也中國以其荒僻不甚愛惜香港以與英琿春近界爲俄所佔今則香港已成重鎮矣黑龍江之險既爲俄有而琿春地方又得鐵路以通商俄勢漸拓於東俄之利中之害也數十年後我中國其費籌邊矣

英公使請赴跳舞會亥刻偕參贊繙譯往副總統及俄法日德東洋高麗各國使臣均到議院紳將軍亦有到者其跳舞始以男女二人對舞其轉折皆圓以後則男女合爲一隊攜手跳舞或分或合其轉折皆方子刻先回跳舞尙未已也 阿非利加之東散西

巴士王允將德人所租沿海各地免其管轄蓋德人以德銀四百萬馬克爲請王許之而棄其地也 因謹按歐洲各國方謀分裂阿洲而阿洲土酋又願以地售之是削亡如不及也然或者石卵之勢自知不敵與其被兵而割不如得價而沽則又小國窮蹙之情而不可以常理責之矣

初九日晴

土耳其公使訂於山莊見客因借參贊繙譯申正乘車往英法俄德日國及墨洲各公使讓紳到者甚多皆挈眷而至以此地距華盛頓數里有山野之景故覽勝者願遊回車已酉刻矣 美國近查華人之居加利寬尼亞省者計有七萬一千六百八十一人比

日記

卷六

四十二

前十年之數僅稍減耳其有眷口者不過百中一二因華人由香港附搭輪船先到英屬加拿大地方潛入美境也近曾致書於英官請爲禁阻據英官覆稱華人來英屬加拿大地方照例輸納身稅則當任其往來自便地方官不能禁阻美廷因此擬於邊境認真稽查以期禁絕華人焉 因謹按美國欲禁華人並欲鄰國幫同禁阻不知萬國公法他國內政例不得干也美人不欲華人之來英人自欲華人之來英非弱於美而求庇於美者安能強以所不欲哉

初十日晴戊刻雷雨

智利國來電言智國港口阿利嘉之華人現因智利內亂無華官

保護已託英國副領事該領事不分畛域推愛保護華人得免於難云 因謹按此次赴祕魯遞國書道經可崙比亞國之巴拿馬省該地華人約四千餘名土人忌之於光緒十六年夏聚眾驅逐華人華人電稟當即託美國駐該省之領事保護該領事立見該省總督斥其非理該督遂派兵彈壓得以轉危爲安因到巴拿馬時美領事及華商來迓因禮勞有加且贈以中國綢磁該領事借因往見該督亦餽以中國之產該督欣悅且謂華人甚馴此後冀可相安又道經厄瓜多國之惠愛磯地方該地華人亦言土人妒忌至於稟請政府立令驅逐華民求於英國駐該省之領事得以駁斥不行亦能安業因一面咨總理衙門一面咨駐英出使大臣

日記

卷六

四十三

薛福 致謝英廷并求以後永遠代爲保護焉

十一日晴

新報謂近得俄京來電言俄廷近日布置以意度之歐洲時局難保昇平蓋以俄國近日整理軍務不遺餘力德奧兩國亦然俄國西疆各省與德奧毗連者近來俄廷不惜鉅費於該地多築鐵路四通八達以爲調兵轉運之資查四年以前俄之西疆鐵路未興調兵必須六月方到今則一月即可馳至德奧之界歐洲大局豈不危哉 因謹按俄國疆土得地球六分之一甲於各邦歐亞兩洲惟其所向其勢如常山之蛇向歐則歐危如德國奧國土耳其阿富汗波斯羅馬尼亞勃爾高利亞皆有戒心向亞則亞危如中



國朝鮮日本均宜設備俄人又鷹騰虎視兼併為心秣厲兵耀武不息以致歐亞兩洲之國均伺察俄人之動靜以定防務之緊鬆蓋欲止戈息民而不得矣

十二日晴

倫敦來電言美國駐義國公使業已於本月初九日請假三箇月出都他往云 因謹按美義交涉一事美廷以美人妄殺義人可以不辦兇手不議賠卹方謂惟所欲為無不如志也迨義公使一再詰問而術遂窮義公使既離美都美公使之在義者為義所窘亦不得不離義都請假而去情形之失措如此國體傷矣自華盛頓立國以來未有如此之辱也度美廷有鑒於此外而睦鄰內而

日記 卷六

四十四

修備則尚可以不墜前謀或竟一意徑行則強梁遇敵必蹈拿破崙之轍矣

十三日晴

日都來電言美日報施條約初九日業已成議美國所派之使臣科司達定於初十日啟行返美查科使未赴日之前先與外部大臣布連詳議立約各節因外部特欲以美廷之意告知日國部臣煙葉一項美國斷不肯免進口稅其免稅者但茶糖牛皮加非等物耳科使多才居然成約而回可謂不辱君命矣 因謹按科司達年已六十前二十年曾出使日國蓋於交涉之事三折肱矣歐墨各洲於本國之利源不輕讓入故於稅則之增減悉心籌畫默

計土產之盈虛以消息之其變改章程非苟焉而已也必有益於國計民生而後行也

十四日晴

俄廷擬在嘉山埠專製無煙火藥聞已開工云 法國新式戰艦二艘一名侯珠一名馬蘇於十年前興工今年工竣業已下水隨調赴地中海海界歐阿兩洲遊弋以壯該處水師軍容查侯珠戰艦可容一萬六百五十噸機器馬力計一萬一千三百匹駛行之速每半時辰可至十六海米又查馬蘇戰艦機器馬力計一萬一千匹試驗兩時之久每一時可行三十三海米其鐵甲近水面處皆厚十八英寸船上旋轉砲臺之甲厚十四英寸船身之甲在機

日記 卷六

四十五

器房與火藥房者均厚三英寸馬蘇戰艦有三十四山地米打一山地米打合英寸十分之四大砲四尊近可洞穿二尺九寸之熟鐵板又有十四山地米打大砲十七尊旋轉連珠速放砲二十尊侯珠戰艦之砲位與馬蘇戰艦之砲位其數相同惟三十四山地米打之大砲祇有兩尊另有二十七山地米打大砲兩尊 因謹按今日大勢一關力關巧之時也地球各國均以槍砲戰艦相誇耀竭智殫財以求勝人規國者即於此卜強弱焉自有無煙火藥而火藥為之一變自有鋼甲康邦鐵甲而鐵甲為之一新進益求精精益求精初未聞有一建言者謂舊章不可易而新法不可行也弓矢之利變而為槍砲十人之矢不敵一人之槍也槍斃人於二

里之外矢傷人於百步之內矢未及到而挾矢者先亡矣鐵艦戰勝於大海之中隨意所向凡海口無不可攻防之於陸則防不勝防矣古之善談兵者皆曰兵機機者隨時而應變者也不能隨時而應變安可與談兵哉俄法今日所行者亦不過隨時應變而已十五日晴夜微雨

回謁英公使日本公使土耳其公使 法廷近日派員將所有之水雷艇一一查驗查得水師提督奧布所造之五十艘均不適用已嚴行根究分別治罪云 因謹按賞罰者激勸之權也兵家尤重之賞之使勸罰之使懲有所勸而果於立功有所懲而不放軌法矣中國之購造槍礮以前不適用者多矣未聞有所嚴懲也宜

日記 卷六 四十六  
其玩也

十六日晴未刻微雨即止  
酉刻接天津大學士李鴻 來電云田貝如不能留從前來華之提督衛禮森和平公正能改派否鴻諫 日內美國兵部與水師部各員留心考究無煙火藥為水陸各軍槍礮之需因歐洲各國現於此事均竭力講求故美國亦不肯讓人間已覓得一種較歐洲所製者性尤烈然之無煙無灰煙無臭味無瘴寒以礙槍管但不知能久藏不壞否仍俟再行考究 戌刻又接天津大學士李鴻 來電云布萊爾前在議院詆辱華工過甚主持立法苛禁詳載新聞紙美廷向敦陸誼未便派令使華照西例公法中國亦未

便接待已商總署請速告外部另易安人為要鴻諫當即照會美外部訂期相晤 德國郵政與電報各局去年進款甚旺有德銀一萬萬四千六百六十六萬五千一百八十馬克合英銀有九百三十萬磅較前年約多六百六十萬馬克云 因謹按德國之土地人民抵中國十之一耳而郵政電報入款至銀四千餘萬兩中國仿而行之即不能倍當亦不至多讓亦籌經費之一端矣或謂郵政行而貧民失業則不知實在情形也嘗考美國紐約一處郵政局用人至二千名然則風氣開而音問流通設局多而需人亦眾非特不奪小民之業且有益於其謀生也可於親歷者決之也十七日晴

日記 卷六 四十七  
照會美外部布連訂見商辦公事 德國來電云德國陸軍統領

將軍毛奇特昨日逝世年九十歲查該將軍於前一千八百六十六年德奧構兵將軍與戰五十日而奧敗割地求和一千八百七十年德法爭雄血戰年餘虜法君入法都割法土地法國以銀七萬萬兩求和蓋地球各國名將無可比方者 因謹按法奧皆歐州大國而法適值拿破崙當國時尤為桀驁至欲分裂布魯士使之自弱限制以二十年內不許增兵在他國處之必一籌莫展坐待滅亡矣該將軍毛奇特乃與相臣畢思麻創為更番練兵之法兵不增額而實通國皆兵不二十年卒以滅法而報仇雪恥遂霸歐洲居恒常論美之華盛頓合堯舜湯武為一人也德之畢思麻

合周公太公爲一人也將軍毛奇特合張良趙充國爲一人也德以威稜第二爲君以畢思麻爲相以毛奇特爲將軍而皆享大壽威稜第二年過九旬毛奇特年亦九旬畢思麻已近八十矣過此以往卽以畢思麻之存歿卜德意志之安危而定歐洲之大局賢才關乎世運天之生才不偶也君之用才貴專也 戊刻總理各國事務衙門來電卜雷耳紙毀中國究竟有無實據或有人覬覦此差故造蜚語亦未可定希探詢明確先電後再酌勿遽告外部 亥刻總理各國事務衙門又來電美派卜雷耳駐華此人於光緒壬午戊子間在議院痛詆中國載在新報若來華恐於邦交有礙希援美例酌商外部阻止並電覆電

日記

卷六

四十八

十八日晴

美外部覆文訂午刻相見於外部衙門因借繙譯屆時而往外部已到署卽請見因略作寒暄卽告以新派駐華公使布萊爾中國總理衙門及北洋大臣均有電到言布使前於壬午戊子年間詆毀華人今以該員駐華似非所以厚邦交示親睦外部答曰布萊爾人品甚優美廷之派此人者正以其能篤邦交也人言殊不足信因曰人言不足信布使所言不可掩布使前此所以詆華人者其言已布之新聞則其嫉華人可知彼嫉華人何必駐華且金山華商已控之矣將來慮不能容中國自有不接待之權願審慎外部曰中國既不願美國何必相強但總統已出巡西省當以此意

日記

卷六

四十九

十九日晴

不專論理之曲直要必以兩國之勢參之則瞭然矣 英報言俄人在西比利亞興鐵路於軍務商務均有益該鐵路所過地方有膏腴之地數百萬畝又有五金之礦其天氣與法國相同將來必變爲繁庶之區且此條鐵路成後海參崴卽成爲俄國屯水師之地如調兵至中國邊界不過數日路程云 因謹按俄人日夜經營於中國毗連地方興造鐵路旁觀者皆已爲中國憂因前見美格總統之夫人夫人爲因言俄人之地勢已包中國東西北界鐵路若成必爲中國之患防之之法非自造鐵路不可其意殷拳因已書之座右矣今又有所聞因憶前言而復論之

二十日晴

越南東京所轄附近黑河之自謀地方於光緒十六年十二月底有土人五百名不服法員法員參政率所招土兵攻之不勝參政被殺法軍二頭領亦被殺。因謹按法人佔越南以爲得計自李埃利戰歿以來法員之傷斃者衆矣可爲佳兵者戒。初八日美商輪船由香港回金山所運回生絲值銀一百萬圓皆購自中國者。俄國苛禁猶太人英京紳商擬謁俄廷代爲勸免又擬公舉牧師二人赴俄調停嗣接俄國駐英公使文稱俄廷已諭不肯接見紳商不得已遂作一書寄至俄廷力爲懇請乃俄皇於此書並不折閱原封寄回云。因謹按猶太教人與俄之亂黨謀逆俄所

日

記

卷六

五十一

當驅者也美英兩國爲之緩頰以博仁厚之名乃英人於新金山加拿大諸處苛禁華人之入境者至每人納身稅百圓或五十圓美國則於華人并禁其不准入境是甘以殘刻自處而以仁厚責人此所謂藏身不恕而求喻諸人者也施之小國雖不願從或尙不敢奚落俄較英美爲強矣原函遞回其見輕也非由自取哉

二十一日晴

英屬新金山礦產極旺考據家謂自咸豐元年起至今三十六年計出金三百二十九兆磅以每磅值銀四兩計之合銀十三萬一千六百萬兩銀三兆磅鐵值銀十八兆磅煤值銀二十四兆磅煉蠟石值銀一兆磅可謂多矣。因謹按新金山者英之一外府也

英之本國只倫敦蘇格蘭阿爾蘭三島抵中國一大省之地耳本國無可開拓故以海船通至各洲覓無主之地以興利而移民英之屬地歐墨阿三洲蓋無所不有矣而并得新金山一島於南洋又在三洲之外其地礦產極饒故稱金山其稱新金山者別乎美國之金山而言也其實美之金山美人名爲三夫爾昔司科英之新金山英人名爲澳大利亞也英以島爲國屬地崎零偏於各洲故恃兵船以箝攝之否則聲氣不能通威稜不能及已創其利而他人享其成矣然則英之水師甲於地球亦勢不得已也。律師科司達來會言布萊爾於光緒十四年以前尙不惡華人自美總統與外部行苛例之時而後改轍以趨時政府所言壬午年已詆辱華工誤也

日

記

卷六

五十一

二十二日晴

金山華人自分黨戕殺傷及美國之人各堂號已被美國巡捕毀折茲接金山報知本月十六日洋差在街拿護遊手華人十七名或令當苦工或予監禁其有竄往他處者亦行文他處一律飭拿匪類歛迹善良可相安矣。謁律師科司達據云此次自歐洲回歐洲如英法日國之言時事者皆以俄人叵測加意防之又謂中國與俄爲鄰最爲吃緊不可不防防之道當由直隸興造鐵路達於滿洲再達於蒙古將來調兵轉餉方能靈捷如措置得法俄人自消覬覦之心可以不戰而屈之否則十年之內邊患必生矣

二十三日晴

廚房徹夜不息爐是日置鎖準於酉刻鎖門 聞日本國人五十  
三名附船至金山稅關不准上岸而載回者甚多 英屬域多利  
來電該處土人忌華人之攬工已稟政府請抽華人身稅每人一  
百圓未經批准該土人又具稟固請云 埃及國小無政日漸貧  
弱前此英人慮其為俄所併派員為之經理國中有地約一百六  
十萬方里向為沃土後被海水浸潤已變為礮招人耕種無敢受  
者英人為之引河水設溝渠經畫三年依然變礮為沃每畝可收  
租銀二兩六錢焉 因謹按人力之勤可以轉移地利李悝所著  
盡地力者行之成效昭然矣中國奉天一省荒土最多前此屢議

甲記

卷六

五十二

舉荒究以民不安業事成畫餅近日當路方謀開礦產與鐵路竊  
謂此二事者可與墾荒相輔而行以鐵路便民之來往以開礦通  
市之有無以墾荒足民之衣食三者並舉而奉天一省必變繁庶  
之區外可以心俄內可以富國矣

二十四日晴 夜大雨

光緒十六年 中國戶部查常年入款按年計之各省海關洋稅  
銀一千五百萬 兩地丁銀一千餘萬兩鹽課銀一千二百餘萬  
兩常關稅銀二 日餘萬兩釐金銀一千三百餘萬兩茶稅富稅鹽  
商捐輸銀三百五十餘萬兩雜稅銀一千五百餘萬兩裁撤長夫  
等項銀五十三萬餘兩十六年一年共計八千數百萬兩 因謹

按以中國版圖之廣民庶之繁而每年入款止銀八千餘萬兩可  
謂輕徭薄賦矣而民不免於貧者何也則以商務不興稅則未善  
外交失權而銀錢一項一耗於盤剝再耗於漏卮故也

二十五日晴

法京來電云前德法交兵法敗割阿沙司羅連之地以求和德廷  
設立章程凡法人入該境者均須護照方准來往茲附近德界之  
法人以為不便屢請德廷改章不許近日該地賽會法人見來往  
阻滯又請德廷從寬改訂護照章程德廷謂當此時勢不得不嚴  
仍不許焉 英美為祕林海峽捕海龍事爭執未已現俄國又飭  
駐防該海峽之員認真看守俄屬各島不知何意似與英為難矣

日記

卷六

五十三

因謹按自通商之局啟而齟齬之事無日無之亦無國無之其  
強者應付從容可靜以待其定也亦無憂不得其平也其非強者  
則先事必受囑喝之言和事必有軒輊之迹柔則茹之剛則吐之  
交涉如斯而已

二十六日晴

昨日義國駐美代辦接到義國外部來函言美國政府既不允義  
國所請辦兇賄徒以文牘往還辨論殊屬無益不如絕交之為  
愈以後該代辦祇准料理使署本國事件不與美國外部辦理交  
涉事務云云查義與美兩國交誼如此割席將來美國駐義之公  
使料難久留義都也 因按地球各國美與英可謂極富而美實

不如英之強也且不僅不如英法俄德等國并不如義奧之強也徒以與諸強國不共一洲而與同洲者皆小國美於是得爲墨洲之大國足以自雄矣而開創之君華盛頓又爲間出之英雄當日與英相持而英人不能勝百餘年來遂無敢肆志於美者美之君臣亦守華盛頓之規模而兢兢以仁義爲念此其所以立國不搖也今則非昔比矣其君臣有夜郎自大之意其議院有俯視一切之心其南北兩黨有莫能相下相爲敵讎之怨外交則睥睨一切內治則畛域自私揣美之大勢三十年內不有外侮必有內憂外侮則受挫於強梁內憂則興戎於兩黨西班牙土耳其卽其前轍也此治亂循環之機也

日記

卷六

五十四

二十七日 晴天氣轉寒

美紳加拿塞潑來見談及近年歐洲各國專力於阿非利加一洲拓地阿洲土人無以禦之遂至瓜分約略計之法國得二百餘萬英方里英國得一百六十二萬英方里德國得一百餘萬英方里孔國得一百萬英方里義大利得三十六萬英方里西班牙得二十餘萬英方里葡萄牙得十六萬英方里合而計之較中國十八省之地約三倍之已歸各國分裂矣土人所存僅二百五十萬英方里 英廷特遣使臣崑吞由印度馳往緬甸中途連隨員人等均遭土人殺戮一節今接續電知此事實係的確故目下印總督已飭令軍士由印度起程迅速趨行以緝兇手不使遠逃 因謹

按法之佔越南英之佔緬甸土人不服相與爲難英法之損傷弁兵非一次矣而不聞棄其地者歐洲各國之視土地爲至重也以爲霸氣可也以爲堅忍亦可也

二十八日晴

巴西國以地廣人稀故招人開墾而不取值茲有一公司集股洋二千五百萬圓將於巴西公地立十二開墾埠頭其中並造鐵路以相聯絡設市以便交易並興機巧設製造工作開墾產諸務其開墾之人擬招五千有眷屬者可挈眷而往各給以農器並住屋路費由公司經理公司股本之利共三分之一由巴西國家保以五釐歐洲人大半附股其中云 俄國來電云英美兩國政府於祕

日記

卷六

五十五

林海峽捕獵海龍一案向不商及俄廷膜置俄國視爲局外俄廷殊抱不平英美兩國以後所議捕獵海龍章程俄廷作爲廢紙因謹按祕林海峽之旁俄既有屬地則傍俄地之海面俄廷自應與聞則俄人所言自名正言順也雖然當今之世如英美所行於祕林海峽之事者多矣且過於此者亦不勝數矣如法人佔突尼斯德人佔太平洋之島俄人且廢勃而加釐亞之君阿非利加一洲歐洲各國直分裂之矣弱之肉強之食有天命者任自爲弱者不敢言之亦無濟也俄人強故敢言且言之而勢又足以濟之度英美兩國必不能不留俄之地步矣

二十九日 晴天氣驟寒如二月時

美紳寒潑來見訪以時事言俄國於光緒十五年開西域鐵路因係初創當年擬虧本銀十餘萬兩不意次年計算不但無虧且有  
利銀二萬八千兩出入貨物比前已加倍徒去年以新開鐵路一條不足敷用客貨之車亦嫌少因擬兩路並行遂籌款一千萬圓為已開鐵路添築道路增造車輛搭蓋房屋之用另籌四百萬圓為將開未開之用土耳其國聞之亦籌辦鐵路開曠矣 因謹按地球屬地之多以英俄兩國為最英之本國祇三島故關地於他洲俄之本國多毗連故拓地於鄰國英期長駕而遠馭俄期遠交而近攻其地既廣均有鞭長莫及之虞英不得不講求水師俄不得不興辦鐵路其勢然也之二者以調軍餉既能迅速以遞消息

日記 卷六

五十六

尤覺靈通既可以保已定之局又可以擴未闢之疆當漢之時武帝於西域欲通而不能今則欲阻而不得事勢每出於所料之外所望謀國者勿膠成見而滯於古法也

出使美日秘崔日記  
四月初一日 元吉晴

中華書局  
影印

近日智利國亂黨有船一艘駛至美國嘉省之聖地埃哥埠近墨西哥界購買槍彈糧食智利駐美公使訪聞即照會美國政府請將該船扣留不准出港美政府即派巡捕委員上船看守該船之管駕人潛於夜間私行開駛行至九米之遠合中國三十里方送美國委員登岸隨即放洋而去美廷聞知即電飭渣爾士頓各兵艦尾追務獲又電飭美國現駐智國之水師提督迅派兵艦兩艘迎截兜拿云云 英人聞德人欲於檳榔嶼之北暹羅與巫來由之閒請暹羅給一地屯煤謂緬甸與新加坡等處皆屬英國今德

日記 卷七

人所欲之地橫亘在英國屬地之中英人當與彼處土人來往親睦以免他人鼾睡其間云云 因謹按英國國都在中國之西北而所轄檳榔嶼新加坡諸地在中國之南前此侵犯中國其兵艦皆自南至者恃有接濟水煤之地也查新加坡各處中國人數百倍於英人而皆為英人所制衣其租食其稅唯所欲之無不如志焉華人中有華盛頓其人者則善矣

初二日 晴天氣轉暖

美國東北英國屬地奴准史考謔之中近有一礦盡是鏢質勘礦之人已試驗以便採取按鏢之為物其色如銀多出於德國故俗名為德國銀 德國前相畢思麻致仕以來德人之不忘其功德

者已爲立去思碑今通國又集德銀八十餘萬馬克爲之立像於  
德京 昨日倫敦來電言該處報館駐伯林之訪事人函稱德奧  
義三國會盟訂立條約以五年爲期遇有兵事則合兵攻守義國  
初尙猶豫茲聞亦已允從義國外部已與德奧兩國共畫押蓋印  
云 因謹按歐洲各大國蓋無日不存防患之心也俄人好拓地  
法人好佳兵德義奧三國東近俄而西近法俄與法又深相交結  
但有釁隙則東西皆受敵以一國而敵兩國應接不暇岌岌殆哉  
德爲法之讎俄之重兵常屯於奧界故德與奧皆自知利害切身  
同舟共命惟義則距俄稍遠距法亦稍遠故猶豫也然唇亡則齒  
寒奧入於俄俄即併義受害雖分速運究不能免故輾轉思維仍  
日 記 卷七 一

不得不合縱也因嘗考歐洲大勢故於三國之會盟而畧記其用  
心之苦焉

初三日晴

謁科司達查總統尙未回外部在紐約 美之歐海歐省有新開  
出煤油之井其裝箱之速每一時可裝二千箱皆用機器 因按  
美之煤油每一時裝二千箱則每日可裝二萬餘箱雖不常裝然  
其多亦可見矣其煤油銷路以中國爲大宗若歐洲之義國日國  
多用煤氣燈且地勢民數不過十一所銷亦不過十之一也此又  
中國一大漏卮也  
初四日晴中夜微雨

光緒十二年各國出口貨價按磅計銀英國二百八十兆德國一  
百五十六兆美國一百四十六兆法國一百二十九兆印度九十  
兆俄國五十七兆比國五十兆義國四十兆中國二十一兆日本  
十一兆又各國進口貨價按磅計銀英國三百六十二兆法國一  
百六十一兆德國一百五十六兆美國八十五兆印度七十三兆  
義國六十四兆比國五十七兆俄國四十兆中國二十五兆日本  
九兆 因謹按各國出口入口之貨美之出口多於入口者幾一  
倍宜其富也美之稅章出口之貨均無稅故多入口之貨均重稅  
故少所以使本國之物產不滯而利源不漏卮也日本合出入乘  
除多入銀八百萬兩中國合出入乘除漏出銀一千六百萬兩願  
日 記 卷七 三

籌交涉者於此三致意焉 李傅相往威海衛旅順口等處閱驗  
礮臺及船塢諸巨工各營軍士

初五日晴

近年美國整頓水師造船製礮精益求精以兵艦之所恃者鐵甲  
而鐵甲之名目不一遂將現在天下馳名之鐵甲逐加試驗向來  
鋼面鐵甲不如全鋼鐵甲之堅而全鋼鐵甲又不如白鐵鋼甲之  
堅英語名爲尼克爾今年遂將全鋼甲與白鐵鋼甲比較試驗試  
驗之法卽以此數種鋼甲造成靶子長八英尺寬六英尺厚三英  
尺以大塊堅厚之木襯於後釘使相著立於土坡之前用乞司開  
士連珠速放礮距靶三十五英尺之近轟擊二十次驗得各廠全



鋼靶盡被轟碎各廠白鐵鋼靶亦被洞穿惟夏璋所製之白鐵鋼  
靶竟無破裂而礮彈反被碰碎夏璋係英國實省主 因以近年  
中國設立海軍講求戰艦故於外洋鐵甲及礮彈時常留心近日  
新出之法火藥以無煙火藥為最礮以全鋼為最鐵甲以夏璋白  
鐵鋼甲為最也考之於平時而後仿其法以製造則無苦慮之虞  
循其名以購買則得上等之器於海軍庶有裨乎

初六日晴

前二十日英國議院近日飭員詳查水陸二軍所用各項大礮每  
尊製造之費若干茲據查稱近日造成十三英寸半口徑大礮九  
尊業已給發水軍收用每尊費銀五萬五千九百零五圓又查十

日記 卷七

寸徑口大礮每尊費銀二萬八千四百八十圓五寸徑口大礮每  
尊費銀二千八百四十圓 因謹按近日兵事非復百年前之情  
形矣船與礮均求其巨船巨則能當礮礮巨則能洞船乃至礮臺  
亦用鐵甲俄國彼得堡之礮臺鐵甲厚至四尺有餘前此英法各  
國攻之遂不能入此明效大驗也顧其費殊不易籌一礮臺而費  
千萬一船而費數百萬一礮而費十餘萬礮之百餘者連礮架及  
起礮機噐已過十餘萬  
弱小之國何以籌之即大國之貧者亦難繼之因故以為富強二  
字實相因通商之政實與國事相維繫也

初七日陰

上海來電蕪湖土人焚毀禮拜堂數間洋人住屋數所當時適有

貨船泊於蕪湖江面洋人因避於此船之中英國兵船名印干士  
田已調赴該處保護行旅 因謹按自天主教入中國華人之狡  
猾者依之為城狐社鼠固為正人所不容即狡猾者亦不容而  
地方從此多事矣鎮江焚毀洋房之案甫結一年已賠十餘萬金  
而此案繼出地之相去只三百餘里防不勝防將來又不免賠累  
是亦中國一漏卮也為之扼腕 又聞俄太子至日本遊歷方其  
登岸為巡捕名散茶者所刺適中其首傷不致命然亦不輕日本  
又費調停矣 因謹按怨毒之於人甚矣哉俄於日為鄰而俄人  
常侮日蝦夷島日本所管也俄人初約分屬乃自北而南漸侵其  
地十年前已盡據之今則竟為俄有或日人不能平故以刺洩忿

初八日小雨

乎秦王政並吞六國而有荆刺之刺又有搏浪沙之椎皆不平之  
氣使然也俄之本國有尼希利士之黨防不勝防今日之難又發  
於外邦其所以致刺之由傳聞不一或佳兵者不祥現在地球孰  
為佳兵之國乎

日記 卷七

美國富戶名萬得比所管鐵路計長二萬三千七百餘英里以為  
不足尚擬再買至三萬英里其他富戶買者亦多美國家恐其壟  
斷為議定載運人貨之價值以期持平準以長年得利三釐八毫  
為止云 因按此欲便民而仍不損於商也民政之國以民為重  
商亦民也故為持平之計以使不相妨焉 美紳雪白訂釐 美

總統出巡於本日返美都外部布連因病尙留紐約 英京本年錫蘭所產之頭等佳茶每磅售英金二十五磅十先令其價幾與黃金相埒 英國戶部大臣高川落任三年一切經費出入細心察核以期撙節向之有繼無盈者高君接手後初年卽盈五十萬磅前年增盈一百二十餘萬磅去年又增一百八十八萬磅由是觀之天下無難事只患不得其人耳英國自高君爲戶部大臣後每年可盈如許巨款則得人之效也

初九日陰  
南墨洲銀國小國也近日講求富強勢漸盛前於英廠訂造兵艦一艘計長三十二丈五尺寬四丈三尺吃水一丈六尺載三千二百噸有大礮二尊中礮八尊快礮十二尊每一時行七十餘里機器馬力一萬三千匹查此船容三千餘噸不足爲巨而機器之力甚大故其行速 美紳寄到公函擬於前總統格蘭脫墓所立紀功碑邀各國公使往度地勢 德國去年一年民人來美者計九萬五千七百九十一人 因謹按德國一年來美之人數卽可抵中國在美之人數而不聞工黨之妒政府之禁者何也入籍故也

初十日晴  
金山來電言德國兵船一艘由日本調赴智國以智國不靖故至該處保護商民也 因謹按智利爲民主之國在南墨洲之極南已到天南盡頭矣中國天文家向以赤道爲天地南方之盡處者

誤也亞洲無通商之國歐洲大國均與通商蓋其地廣人稀風氣未開獲利較易故也德國派兵艦至智利當越大西洋過赤道而後能到否則由地中海過大浪山計程皆三萬里亦可謂遠略矣

十一日晴  
辰刻啓行赴紐約未刻到隨僱馬車謁格總統夫人外部布連前駐華公使楊約翰郵政局總辦凡吳客脫議紳雪白回寓已戌刻矣 意大利國近有公舉大臣之事所有新舉之各大臣皆欲固德奧義三國同盟之局三國同盟益固則歐洲可以無兵患云英報云華人之在西洋各國肄業者雖日見其多然欲求其專門名家則不可多得今有年幼華人在英屬島紐齊蘭大書院中學

爲狀師每逢考試必得獎賞名遂噪甚蓋在該島已數年當其初至之時曾不能操英語者也華人之心思才力不甚可畏乎云云 因謹按中國多聰穎之士而以雕蟲琢象錮之所謂足跡囿於方隅之地聞見限於耳目之前也太史公謂讀萬卷書行萬里路然則士之欲淹通而致用者固非僅恃伏案之功矣

十二日晴  
赴格總統墓所此地離紐約約三十里一路花木青蔥馬車約數百輛來往如梭經過博物院入內一觀大約油畫居多有一幀值數萬金者婦女攜紙筆就學之專心致志終日不息又有埃及國掘地所得上古所葬之棺其身已化爲石此外尙有石器刀劍之

類觀逾時仍乘車到格總統之墓墓地坐東向西對面臨江棺用鐵板棺首有字即其名也棺之下承以白石几約高一尺棺傍近南一方空之豫留格夫人之地也離棺高數尺以紅磚卷成半月之形如橋之洞外有鐵闌內多花皆每年人所送者墓之西南有小房東北有房屋一所可容二人守墓者居之上有竿懸美國旗墓前有巡捕往來官民到此者環視一周多不忍去其遺愛深矣因亦以得見為幸循舊途而回已戌初矣遂赴雪白之席席中格總統之第二子外部布連之子又三人為某省察院銀行主人為雪白席散已子初矣遂乘車至火車廠子正開車 因謹按美自自主以來其總統之著名者惟華盛頓臨良格蘭脫三人華盛頓

日記 卷七

八

為創業之君其功尤大臨良格蘭脫為中興之主救平南北花旗之亂其功在北花旗又聞當南北花旗爭戰時南花旗之主謀者為參矮士其才足與臨良格蘭脫頡頏惜糧餉不充致勢不敵未可以成敗論人也

十三日晴辰正到使館

昨赴雪白之席宅中陳設窮奢極侈酒用五種水果四色盛以大金盤其餘刀匕皆銀製中設鮮花一叢值三十金自饌畢後食茶點水果則盤盂刀匕之類皆赤金服用之奢至斯而極 法京來電言俄廷於本月初與法國沙參羅槍廠訂立合同製造新式洋槍二百萬桿並言定以後該廠之機器工匠一概不准為他國分

用專為俄國製造云云 因昨於雪白席間聞此言美紳因論歐洲時局可畏美國遠隔大西洋可以無虞然武備亦宜急講也因謹其言席散後寢不成寐因思俄國之地跨歐亞兩洲歐洲合縱以拒之現德義奧三國新盟已固俄人當不生心即使生心不必操勝算也亞洲兩國日本侈然自大與中國不和中國東三省之地俄人覬覦久矣琿春鐵路已成西比利亞又營鐵路其成功約四五年法國定造之槍其告竣之期亦如此此後斷不能無事於亞洲所望當國者綢繆未雨也

十四日晴

比國本國之疆土甚少而於阿非利加洲所闢之地名孔果者大

日記 卷七

九

於本國所出之產甚多近復擬開鐵路 俄國裏海地方之鐵路既成數年以來貿易日盛前四年中每年運出棉花九十萬浦達一浦達合二十七斤今年增至一百七十七萬 英公使來晤言及英國駐祕魯辦理開礦之公司由英赴祕紆道來見請訂見期定於十八

日

十五日晴天暖單衣汗出

俄國產火油之海口名巴屯水深二丈六尺其寬可容大船二十艘近年火油出產日多去年出油十三萬五千石現將海口開闢可容大船三十三艘有貯火油鐵池一百處用工人一千五百名其銷路皆運中國及印度前此不過二三千人近日人煙之盛十

倍往年且有兵弁駐紮居然一大鎮市矣 因謹按此次秘魯之行途中曾過一處名打拉埠舟人爲因言三年前此地荒涼並無一人後有商家探得此地實產煤油僱人開井驗之信然遂築室招人開採年盛一年近來每年竟出數百萬斤矣船至此必停以上煤油而下各貨此因所親見親聞者曲禮云地不愛寶古人豈欺我哉

十六日 晴夜雨

美國前此議造氣船由空中往來茲聞與英人合股籌費一萬萬圓於美國仙路伊市興工製造數年可望成功 美國議於尼亞嘉刺河道借水力以運電機費省而功多擬造機器爲九百萬匹

日記 卷七

十

馬力分傳於各處業已興工將來之利大矣 因謹按前此法人犯越南美國即有造氣船以破敵之議中國議購而未成迄今七年尙未中輟足見西人心志之一不肯廢於半途電氣之用漸廣美國已用以行車矣今又擬生電以傳至各處隨其所用由人自出心思則用更廣向之以電寄信者一變而爲德律風再變而爲行駛舟車今則惟所用之無不如意其奇妙百出者無非本於格致之學而悟得其原然則格致一道其可不亟講乎

十七日 小雨

見美署外部詢下雷耳事答以須俟布連回都總統商定因謂布連所允二十日定奪今已過二十日矣署外部謂布連非病當已

回都今病少愈想不日可與總統面商因詢布連病勢既減何日可回且能否先於總統處請示署外部言布連之回難以預定日期惟下雷耳當時業已啓行赴中國布連聞中國不肯接待而電令折回此時既不啟行似可無容急迫因額之遂辭出 美之毗連地方名卡拿大者英之屬地也十三日來電謂該地工商會議華人入境一事謂現在所征身稅日短由華人規避之故且可崙比亞地方礦務之工人均不願華人入境似宜禁之使不得來該地總督名麥克堂納而得者云華人入境已令納身稅五十圓何至多來共假道者將以入美境耳我等甚願與中國敦睦誼通商務不使阻禁華人衆遂無言而止 因謹按自光緒十四年美國

日記 卷七

十一

背約徑禁華工華人之至金山者悉被稅關阻遏折回遂由英屬卡拿大潛越而入美境卡拿大於華人入境收身稅五十圓每年計收十三萬以上亦歲入一巨款也美之工黨憎拒華人而卡拿大因以爲利故其美意見不同耳

十八日 晴中夜大雨

午刻英國赴秘辦理開礦之公司來見年約三十餘歲言倫敦總公司自與秘立約後今湊集金磅二千萬特派伊赴秘魯辦理開礦事務將來需用華人特來相商因答曰秘魯綱紀不立不能保護華人前此智秘構兵及土人妒忌華人之被殺者約五千人其餘各寮之虐斃者不下萬人中國鑒於前事已立約禁招工矣該

公司云祕國無政已所深知惟此次開礦係英公司英廷必為保護斷不如前之虐待因答曰新金山新加坡美國毗連之域多利卡拿大皆英屬地也華人之入境者須納重稅新金山至納每人百圓而域多利卡拿大之例華人入口納身稅五十圓者但經出口即不許來來則仍須納稅何其苛也我中國人數甲於地球但准招工則來者屬至必不能容又將設苛例矣故不敢允該公司因請且云祕魯開礦已於祕訂定五十年本公司斷不如此之苛待因答曰萬祕華人尙有四五萬名中國之人不可招現在萬祕華人貴公司以善待之意招徠當亦敷用何必舍近圖遠該公司額之遂辭去 因謹按同一華工也美禁之而英招之皆為利起

日記 卷七

十二

見耳美之禁之也工黨之欲專其利也英之招之也公司之欲助其利也至於英屬之卡拿大則有身稅即許入境一似招之也如無身稅不准入境又似禁之也無非為利起見也 十九日雨

為英公司赴祕開礦欲招華人即函致駐祕參贊吳滌領事張會詔並立一章程屬其防該公司創招工之議且乘此該公司需用華人之時易就範圍先與安商以免華人受虐 接駐英法大臣薛福 咨文以因前所言厄瓜多智利兩國華人山英公使領事保護請其照會英外部道謝並求以後仍為保護等因經已照會外部矣此事因以厄瓜多智利兩國中朝未與立約無可措手而

華人又實可憐再四思維轉設法為之咨託英廷此後兩國華人當不至大受凌虐矣 日本所開之官礦失杜礦中值日銀四十二萬其中十三萬為所得之利益格奴礦中值日銀十八萬零六百得利銀六萬 因謹按開礦之舉利不待言歐洲各大國無不以開礦致富強也中國之不盡得利者一由於礦學之未精一由於辦理之非人也

二十日晴夜雨

昨日義大利來電云美國煤油運入義國各口為數甚鉅既奪本國之利又有火患現應加增入口之稅適義君駕赴米蘭埠 外部大臣即前往奏聞批准下令遵行云 因謹按此義國因美

日記 卷七

十三

國之虐殺義民而示以報復者也聞美國煤油入中國者居多入義國者尙少以中國之地大於義而民數十倍之也中國大吏亦有請加煤油稅則者業已照會美廷繼而中止宜美國之虐待華人肆行無忌也語云見兔而顧犬未為晚也失之東隅收之桑榆豈必不可行哉 德國克虜伯廠今為俄國造成一極大之鋼廠廠身長四十英尺廠口大十三英寸半重二百三十五噸每分時可放二次今在德國愛森地方山駐德之俄官試放以十九寸厚之鐵板為靶其彈既洞穿而過復直至一千四百碼之遠而始止每放一次藥彈之費計英銀三百磅 因謹按此種巨廠未必可用於兵艦置之廠臺則鐵艦不敢近矣俄之克龍斯達廠臺其鐵

甲厚四尺八寸既足以當鐵艦之敵矣而又益之以二百餘噸之礮以守礮臺則極巨之鐵艦亦不能當其於海防可恃矣

二十一日雨

英國來電云近因美國與巴西國訂立報施條約美國貨產運入巴西較英國之貨產稅則已減二成英商以貨物難於銷售稟告英國政府聞英外部已與巴廷理論矣 因謹按此即一體均沾之意也巴西既減美國入口之稅則英國亦應援一體均沾之義以求一律減稅惟意雖同而其實不同耳蓋巴西之獨減美國貨產入口之稅者所以報美國之減巴西貨產入美之稅也有所施者應有所報不得無所施而求其報也且不得求其施而不言報

日記

卷七

十四

也雖然此國勢相敵者之所言所行也國勢不相敵則雖言而不能行或且不敢言此弱國之所以益貧也

二十二日雨

光緒十一年總理各國事務衙門北洋大臣李鴻章 以採辦外洋軍火滋弊甚多咨由出使大臣派員平時與各國製造廠講求因到美後當派紐約領事沈桓向各廠考究本日來文據稱紐約省槍廠五處礮廠三處華盛頓礮廠一處礮之新製則以礮口徑一尺者礮身須長三十倍則可及遠至二十五里華盛頓礮廠所造礮身長四十五倍者尤能格外及遠且每分時可出三十彈礮架用活動機器可升可降可盤旋轉動靈便非常槍廠雖未出新式

然林明敦槍以前所裝五錠陸續而發者今則增為八錠陸續而發蓋以新錠之底不起稜故不占地步也其鉛彈向用純鉛今則鉛外加以鋼鐵中處所入尤深每二十秒八彈可以陸續出盡新式火藥為大塊每塊隨所川之礮口之式中間有圓洞所以透火力使一時並著則力更猛

二十三日晴

又查得美國兵艦最新者三號今年將可造成每艘有十二寸口門後膛礮四尊八寸者八尊六寸者四尊六磅火藥快礮二十尊格林礮二尊魚雷六箇船身長三百四十八尺闊六十九尺入水二十四尺容一萬一千噸馬力九百匹每一時辰行中里一百零

日記

卷七

十五

七里鐵甲厚一尺八寸船面之鐵厚三寸現在美國兵艦三十五號內鐵甲五號白鐵及鋼三號鋼甲二十七號又氣礮船一號魚雷船兩號均係鋼甲每艘有六磅火藥快礮二尊魚雷五箇容一百零八噸計九百匹馬力每一時辰行中里一百四十七里總計美國水師十二寸口門後膛礮十六尊十寸者二十尊十六寸者一尊十五寸者一尊八寸者三十四尊六寸者一百零八尊五寸者二尊四寸口門快礮四十尊六寸者八尊三寸者六尊一寸者六尊格林礮二尊魚雷二十八箇惟收乎窺亦司船內有十五寸口門氣礮三尊 因謹按美國水師盡在是矣兵艦雖不多而多新式除英法俄德義五國之外亦可稱雄矣因今年至秘魯講各

國公使時法國公使言頗洽因與商小呂宋設領事事該公使以爲日廷決意不允既而其言果驗因啟行返美再謁之談次誇其卓識該公使云使臣者國家之耳目也所駐之國必知該國之情形凡陸兵之數水師之數庫欸之所入所出交鄰之何親何疏胸中瞭然交涉方有把握云云因誌之故以平日所考據者筆於日記焉

二十四日晴

接金山電言華商二人隨帶學生一人至金山美國稅關阻之不容登岸當即與外部訂見 查美國氣礮創於一千八百八十三年中國光緒九年漸次加精其初只能造四寸六寸口門至八寸

而止今所造者已至十五寸其口門可卸下換上六寸八寸十寸

十六

之口門礮身長五十尺重八十噸以熟鐵鑄成價銀七萬五千圓連氣機在內礮架以鐵爲之形圓可旋轉如意升降用氣機不費人力其口門六寸者放五十磅之炸彈遠及五千二百五十碼每碼三尺八寸者放一百磅之炸彈遠及四千八百碼十寸者放二百磅之炸彈遠及四千四百碼十五寸者放五百磅之炸彈遠及二千五百碼其炸彈之價五十磅者價一百二十五圓一百磅者價二百五十圓二百磅者價三百圓五百磅者價五百圓彈身鋼鐵厚二寸一分二釐半長六尺徑十五寸計十一分三十四秒時可放五次用之海防口岸收乎機亦司氣船亦用三尊每十七分

鐘可放十五次礮口比船面高六尺由漸而低至礮身低船面二尺處可卸開裝藥彈裝畢用氣機合之陸路氣礮則不能卸均從後膛入藥彈其收空氣也係另一機器中有扇輪用火機轉動可收至二萬磅之力置諸遠處以鐵管通至礮所放之大氣礮現在美國家共買九尊陸路六尊水師三尊英國買一尊試之均稱合用 因謹按光緒十年法國爲越南事與中構兵北洋大臣李曾電出使大臣鄭藻 令購美國氣礮已向該廠訂定再三試驗迄未合用遂以中止至今垂七年矣該廠考究不已卒以成功亦可見堅忍專一之有濟於事也然非國家牌照之力不及此查泰西各國之例有能獨運心思創造一物有益於民生國用者給予牌

日 記 卷七

十七

照准其專業二十年他人不能換效故人人願竭力殫慮以爲之至於耗財破家而不惜爲其有宏名大利在後也聞創氣礮之始股分數百萬兩盡歸無著至近日而始漸次收回以後則利益溥固由民心之堅忍專一而亦立法之善足以勸之以告成功也

二十五日晴  
二十四日接金山電云華商三人附船至金山美稅關阻其登岸當日係美國清明節例不辦事次日又係禮拜故約今日晤言因於午初到外部外部已到因出電文令閱之外部日領事無發照之權該商所帶護照係領事之照故稅關不准因答日領事即中國朝廷所設之官不得謂其無權且美國但當查其是商非商

如其是商即無領事之照亦不能阻外部曰俟商之戶部但須中國補一照會因曰可遂退是夜外部覆文已電金山准華商登岸矣 東洋西字報云日王因俄儲被傷出諭旨曉示民間嗣後如俄羅斯與朝鮮有齟齬之事日國決不再問 因謹按此所謂名不正則言不順也刺俄儲者日本人俄當與日本齟齬何至與朝鮮齟齬耶俄與朝鮮齟齬按萬國公法日本例處局外何得而問耶朝鮮爲中國屬藩中國例應問者日本例不應問又何得而問耶俄與朝鮮果齟齬日本方將有殃及之慮又何敢言問耶且日本欲承順俄廷應向俄廷昌言何必出諭示民耶

二十六日 晴天氣熱

日記 卷七

十八

前新報刊出美國一年進款計四萬六千二百九十六萬三千零八十八圓五角五分因向戶部查其入款細數本日查照錄計開關稅入款二萬二千九百六十六萬八千五百八十四圓五角七分內地稅一萬四千二百六十六萬零六千七百零五圓八角一分鑄金銀圓存金銀條出息一千二百零一萬七千二百四十四圓二角五分售出官地六百三十五萬八千二百七十二圓五角一分領事牌照買賣田地規費三百十四萬六千六百九十二圓三角二分北施域鐵路公司還欠款一百八十四萬二千五百六十四圓五角二分國家銀行牌餉一百三十萬零一千三百二十六圓五角八分稅關罰款充公一百二十九萬九千三百二十四圓

五角五分北施域鐵路公司交息七十萬零五千六百九十一圓五角二分售出煙甸人土地三十七萬二千二百八十八圓一角五分老病兵院存款息三十萬零八千八百六十六圓九角九分海龍皮稅二十六萬二千五百圓外國人民來美犯例二十四萬一千四百六十四圓發賣國家物件十九萬二千一百二十三圓九角九分履勘官地存款十一萬二千三百十四圓七角九分損壞官地罰款三萬五千八百五十二圓三角七分美都入款二百八十萬零九千一百三十四圓九角三分雜項一百六十萬零十四圓八角一分郵政局六千零八十八萬二千零九十七圓九角二分合之如數 因謹按美國入款之多較之中國已有五倍其地

日記 卷七

十九

不如中國之廣也其民不如中國之多也其俗不如中國之勤儉也因始聞而疑之繼而訪之乃得其概其入款以關稅爲第一關稅之多一由於入口之稅重一由於經理之人精明耳試以中美兩國較之美國收中國入口米稅每包至二圓二角五分每年以五十萬包計之稅銀百餘萬矣而美國之麥粉入中國口者曾不納稅焉以油計之中國之油入美國者計成本納稅自之二十五而煤油之入中國者計成本納自之五兩相比較則十萬兩之稅中國少收八萬兩矣絲綢一項美國收自之五十焉中國於美之綢布則仍自之五焉兩相比較十萬兩之稅中國少收九萬兩矣煙酒二項美國收稅極重而中國且不收稅焉外國之藥材如屈



臣氏德記各號分布各省每年所售出之藥計銀數百萬兩一概無稅而中國藥材僅爲中國人所川者其數甚微金山入口收稅極重中國入口如衣服煙酒蜜餞始以爲洋人自川不納稅者今則各洋行出售亦無稅焉中國之衣入金山口者無不納稅已屬不公平矣而華人附體之衣過五層者仍納稅焉何其錙銖必較一至於斯耶鴉片一物美國計兩收稅銀一兩中國仿之則每年收稅一萬萬兩矣郵政一項美國入款六千萬中國則出款三百萬一轉移間則六千三百萬矣或以爲美之稅則美之內政也萬國公法內政由自主非他國所能干預也似也中國不能干預美之稅則矣中國之稅則獨不能自主乎他國獨能干預乎煤油加

日記 卷七

二十一

稅非中國之內政乎何以甫議加稅爲美使田貝所阻而中止乎此非美國干預中國之內政乎中國何以不能自主乎或又謂因所言者實不可行也因以爲爲徒託空言而無實際乎此由見諸實際而後發爲言者也不得謂無實際也外國初創一物如火車輪船之類其始皆不能行氣礮初創亦不合用今皆能行而能用矣有堅忍之力故也創例亦猶是也今先存難行之心而自阻卽以爲此不可行則實不可行矣因何辨焉

二十七日 晴熱夜雨

聞中國光緒十六年一年海關十九處共收稅銀二千零八十九萬八千四百四十七兩零較前十年多一百餘萬而以美國較之

合十之一 美人云中國北洋水師兵艦二十餘艘之上祇有西人四名襄助其中云 字林報云丹陽教堂火燒時地方百姓勸外來亂民不可動手亂民置之不理一面搶掠一面放火均付一炬云 因觀此而知鬧教之事非良民之願而莠民之謀也不過明火搶劫之爲而另創一名目耳亂民所得甚微而 國家所損甚巨教堂毀則賠造必大於舊觀洋人傷則賠卹均過於萬數國體損庫儲虧每一教案出而洋人之勢饒必益張不禁拊膺而太息也

二十八日晴

俄國信云所造西比里亞之鐵路卽可造至琿春所有工程師與

日記 卷七

二十一

鐵路所用之料皆已由水路載往琿春矣 德國京中出示欲借國債計德銀四萬五千萬馬克乃不逾時而願應者多於欲借之數四十五倍民信其上故也 因謹按中國前此貸銀於滙豐及至歸還而磅價驟漲以至交息之外又受磅價之虧若貸諸民間則息之外無所受虧矣且滙豐貸 中國之銀其中卽多中國商人所湊合而滙豐出名其中又扣用費則 國家所出之息商人不能盡得是洋人所得者多而中國商人所得者少也然則中國何不仿歐洲各國自貸于民耶曰民未信也民何以未信則以咸豐年間戶部所出之鈔未嘗收回民是以懲前而甚後也

二十九日晴

本日智利國來電云智國亂黨之兵船名意打達者前在美國嘉省聖地埃哥近墨西哥埠私購槍彈為美國地方官偵知扣留後而私行駛回本國當時美國政府即派兵艦一艘名查爾司頓尾追之不及茲聞該亂黨之船已抵智國之意基忌港口亂黨自知理屈即將該船與所購回之槍五千桿一並解交美國現駐該處之水師提督收管請押回美國由美國朝廷公辦云 因閱此而知萬國公法之不可不熟也海軍之不可不講也公法載一國有亂及兩國構兵地球各國不得有所左右袒並不得售以軍火此美所以扣留智國亂黨私購軍火之船也此美所以派兵船尾追也此亂黨所以解還私購之槍也然美國苟無兵艦則惟有坐視而

日

記

卷七

二十二

已坐視不辨則智國朝廷戰勝必據公法向美國以論曲直不出於戰即出於罰賠兵費疆場為之多事國帑為之虛糜貽笑於鄰國見輕於他邦所損巨矣然則鄙洋務而不屑言者當深究此中之曲折也

三十日 兩天氣轉涼可著夾衣

出使一役十年以前視為畏途以為水陸均萬里舟車亦兼旬遠涉他邦深虞彼族想當然耳厥後熟察外洋情形無猜無忌詳考火輪迅速易往易來盤費雖多而取諸國帑食用雖浩而足於俸薪無出洋之難而有出洋之樂故每遣一使求隨帶者常數百人其熟於此途者且必攜帶眷口頻數往來故有出洋未久而求差

使以言旋者且有請假為名而帶眷口以復出者畧一舉動即費千金員額空懸又須添派此所以經費日增而叢脞愈甚也因於求差回國者一切拒之於請假求領歸裝挈帶眷屬者則咨呈總理衙門請立章程不居恩怨今奉函示限制維嚴矣人之欲善誰不如我已照總署所云分行各處既於公事有益亦於國帑無糜竊自喜焉

五月初一日 元吉雨

泰西兵船三月過威海言中國整頓海防該口已築暗礮臺安放礮位時時演礮各營兵械一律整齊更擬築一鐵馬頭本年即可興工 因謹按我中國略有興作外國必知固由其兵艦遊歷之

日

記

卷七

二十三

勤新聞傳播之遠而亦當事者肯留心也山禮云善哉規國乎左氏云晉未可媿也魯未可取也契丹云宋相司馬光矣慎勿開邊釁也遐稽往籍振古如茲我中國之講究邊防如先五十年行之當不讓地球五大國矣惜乎往日無留心者而所見所聞不出本國之外也雖然及今而實力講求猶未晚也

初二日晴

美副外部請赴署商辦公事當借繙譯何慎之於午初赴外部衙門外部言近接駐中國公使田貝電言南京有亂請電中國總署保護美國寓中國商民因答曰田貝既有電則必與總署言之且來電能知其亂山否可否抄示外部答以不便惟請從速發電因

答曰中國即有不靖之處不過會匪乘間劫掠不能終日官兵未到即已潛蹤此時計已靖矣外部曰美政府聞中國亂耗念切美之商民不得不特求電為保護因答曰俟回使館商之及回使館與參贊等商因謂四月中國來電不肯接待美使金山來電請准華人登岸均以原電抄交外部此次發電似應令抄示原電方悉其詳遂函致外部請將案由地方復知外部無回信但請律師科司達來言不便復信應以發電為是因謂交涉之事一切平等美外部屬發電而案由則不令知似與中國之於美外部者大分軒輊科司達仍持前說因未允科司達去參贊彭光譽以為其中可疑必親往詢之遂往見科司達回述科司達言外部實不願作回

日記 卷七

二十四

信彭光譽詢其故則云此等事無論何國何館向不推辭惟有請發一電而已因勉從之而心終不快也

初三日晴

紐約郵政局總管凡吳客脫來見 水底行船西班牙已造一艦而不甚合用茲聞法國又造一艘能於水底潛行而人不見其或隱或見操於行船之人法國嘗試驗當以兵艦排列海口作為戰勢各兵艦嚴戒以待該船入水山兵艦之底駛過出海口七里之遙乃見於水面復潛行水底以回海口之內當其過兵艦底時有一兵艦知之而其行甚速亦無法可破之其船名吉彌歐 因謹按泰西各國均講求海軍而又講求所以破海軍之法水雷魚雷

而外有造氣球飛行空中以破之者有造泗船潛行水底以破之者其法日新其用不竭無非銷金之鍋耳然視國者均以此測各國之用心不如是不足以杜敵人之覬覦而交涉一切必致棘手於是不能惜費而專求強焉阿非利加一洲自古至今混沌未鑿不於各國較力爭權不於本國講求製造不遣使以通情好不經商以權有無無機事無機心無機器其無懷氏之民與抑葛天氏之民與夏平尚矣然而歐洲各國已分裂之矣

初四日晴

凡吳客脫偕其夫人來謁 接美外部照云駐中國公使田貝來電南京無錫等處匪類糾黨鬧事昨日又接駐上海總領事官電

日記 卷七

二十五

稱九江地方又有匪黨滋事又距鎮江六十里法國教堂被焚揚子江地方殺斃英人二名又距上海三百里之地法國教堂亦被折毀云云 因謹按此會匪煽惑秀民以擄掠貨財特藉驅逐洋人以動公憤而便於聚眾也江南一帶自削平粵匪後即以所撤之兵安置皖南游勇會匪率皆歸之搶掠類仍愈久愈劇因會上疏切陳其禍奉

旨發交本省督撫惜地方官奉行不力不能拔去根株熒熒不滅炎炎奈何將來尙有甚於此者所望當事者制於未亂勿姑息養奸焉

初五日晴

是日設醮 美外部訂請赴希卡果相度賽會局地因不得暇參贊彭光譽前往 英國國中擬一律用電氣燈合計通國共用電氣燈十七萬六千八百六十四瓩家用八萬瓩初川時較煤氣燈爲費現已價廉於煤氣燈矣電氣公司獲利每成本百金竟得四五十金是商民均有益也 因至美已兩年見美總統各部衙門皆用電氣燈取其光足而又無火災也商家惟客寓全用之此外則盡用煤氣燈大約自今以後之燈電氣日增而煤氣日減矣其價雖廉而較之用油用蠟亦十倍之中人之家未易給也

初六日晴

上海招商局來電云忠等代存旗昌官項尊款在內計十四萬兩

日記

卷七

二十六

今倒閉滬不給請向其紐約總行力追函詳因查光緒十六年春前出使大臣張蔭 來電云馬允一年因即函致商局總辦馬謝其局中存放官項並詢問滙美之期馬觀察覆信期以九箇月並未提及存於旗昌銀行直至期過歸銀之時忽然來電云云殊爲可駭若前此詢問時即言明旗昌洋行因斷不允也查招商保險兩局外放之銀何止一處光緒十五年報滙豐有利等行均有今忽以旗昌洋行之款屬因其中顯有挹注之意一面代向紐約查問仍一面函致馬觀察查問 因按美日秘經費存放商局自光緒七年出使大臣鄭藻 始當時即有轉輻尙不如是之甚至今日而直不可以理論矣此所以未見信於民也

初七日晴

丑正接總理衙門來電云電悉江南美民照約總應保護希告外部無慮魚當即繕照會送外部衙門矣 金山來電云美自苛禁華工以後到者日少近因開路需人與日本現居金山之工頭訂約招工五千人每人按月工資二十元赴施域公司承工云 因查此約雖訂而工未招以該公司惡工黨而改用日本人該工黨亦惡公司遂求金山議紳於議院創例禁美公司與外國訂立合同來美傭工此例行而日本工人恐到金山被阻故未敢來也

初八日晴

美國學堂林立因每出門見男女之赴塾放學者結隊而行秩然

日記

卷七

二十七

有序因詢諸美國官紳知美國有男孩讀書之學堂有女孩讀書之學堂並黑人亦有學堂大約每百人中不識字者不過十人而已又以歐洲各大國讀書按每百人計之德國約九十四人英國八十八人法國七十八人俄國十一人所讀之書皆講求養民之法有用之道故國事蒸蒸日上 因謹按泰西學校均以致用二字爲主而學分焉如礦學以採五金化學以鑄金石重學以運機器算學以精句股天文學以考度數始以爲流博之道者今皆爲富強之圖中國近日講求富強必向泰西聘礦師購鋼鐵機器而海上行船則非精識天文不能知所行之度故中國兵船尙未遠出重洋則以算學未精而測天之法未熟也書云非知之艱行

之惟艱因願知此中之曲折者次第求精也

初九日晴

科司達來見言公使布萊爾事副外部屬為道意正外部請今日

往晤嗣接德律風副外部請赴衙門商事因借繙譯容揆往之何已

赴四卡外部先謝中國保護寓華美民因答曰此我國照約應辦

之事也外部言中國不接待布萊爾事良由未知其中實在情形

如貴大臣肯允相商本大臣可以私見言之因答曰余於布萊爾

事無權轉圜不能言不允亦不能言允惟有照例辦理而已外部

曰貴大臣肯以我意電貴政府否因答曰貴大臣有所欲言何不

電駐華公使田貝告我政府外部曰田貝處自當發電但貴公使

日記

卷七

二十八

亦請發一電因答曰此事發端時因赴祕魯當時實由參贊彭光

譽經手今貴大臣屬發電商諸政府自可代達但須待參贊彭光

譽赴會返使署時說明再電外部曰可遂辭出

初十日晴

美國駐海帶島與古公使戴克拉與水師提督記拉地奉美廷之

命與該島政府商訂條約請該國聖匿克拉司港口歸入美國版

圖以便美國兵船在附近洋面遊弋者得以添煤取水該公使與

提督已見該島總統遞國書矣因謹按此美國之整頓水師也

兵艦以煤為力無煤則不行兩國構兵之時局外之邦按公法當

守局外之例不得助之以煤則海帶一島無事之時美人可以取

摺如意有事則應守局外而不能有所資也惟入美國版圖則敵

國不能詰責亦如英水師之於地中海有新加坡錫蘭香港之可

以接濟也既籌水師即不得不籌及此國手之於碁也閉中一著

亦惟國手能知否則視為尋常之舉動也英國為紐方蘭土民

欺淺寄居英人之故咨照美廷索解原故美廷遷延不答英廷遂

派內閣大臣納此福至美會議

十一日晴

律師科司達以美總統及外部之意託為派駐中國公使布萊耳

轉圜請電總署彭光譽初不願允為發電科司達謂明年即換約

之期過於嚴拒將有後患且總統有言中國實不知布萊耳實在

日記

卷七

二十九

情形前此曾極愛華人者其詆華人一次乃詆金山之不安分華

人耳不得以一肯掩其德也如肯接待則以後尚可相報如不接

待則亦有以相報且布萊耳非大有才者易一桀驁之人尚不如

布萊耳之易與也因以總統及外部律司所見均同允為發一電

至於接待與否使者無權科司達致謝而去是夜遂電北洋

十二日晴

聞直隸開平鐵路已接至林西以後即由林西開至山海關此路

業經勘定插旗為志不日興工造至山海關後即由山海關通連

東三省以達琿春工部歲撥銀二百萬兩以為造路之費其所由

之路有山阻隔者做西法穴山成洞又聞該鐵路公司現在運貨

日增但以運煤而計正月得價一萬六千兩二月增至二萬一千兩三月亦必有所增此明效大驗也 因謹按古語云民可與圖終難與慮始鐵路亦猶是也泰西之初創鐵路也爭論不已其不願者則謂奪民之衣食費國之帑銀觀縷陳之皎然明白無不以爲然也其願者至於通盤籌畫謂費成本若干儼人若干運貨若干除開銷外尙餘若干此銀不妄費也又計各廠用人若干開路用人若干修路用人若干運貨上下用人若干添設碼頭各棧用人若干民之衣食未嘗奪也然而其始行也或折其路或阻其行及至漸行漸便民亦無言今則衆口一詞以爲上下之利矣則堅忍之力爲之也中國已有端倪又有效驗其庶幾可行乎企予望之

日記 卷七

三十

十三日 雨未後晴

美國鑄金銀錢一千八百八十九年七月至一千八百九十年六月底計一年中所收之金值四千九百餘萬圓所收之銀值四千三百餘萬圓所鑄之大小銀錢一萬一千二百六十餘萬圓值六十餘萬圓另由他國入口之金值三百餘萬圓入口之銀值二千七百餘萬圓本境所出之金值一千九百餘萬圓所出之銀值三千六百餘萬圓存庫之金值六萬九千五百餘萬圓存庫之銀值四萬六千三百餘萬圓共計十一萬五千八百七十餘萬圓另金器一千六百餘萬磅銀器八百餘萬磅 因謹按鑄銀錢一事裕

國便民所益無限地球各國不鑄銀錢者惟中國及朝鮮耳中國不鑄銀錢前此川墨西哥之銀錢者已數十年近復增用日本銀錢明明利權讓之他人殊可惜也

十四日 時雨時晴

華人來美向以中國官員發照爲憑准其入境嗣金山稅關又不肯以此爲準遂至廢而不行來往愈梗此次稅關以華人所持之照係中國駐橫濱領事之照阻其登岸因見外部以前例辨駁外部派員商之戶部戶部允其登岸因復照會外部以前例申言之本日接外部文戶部文准以護照爲華人登岸之據是添一方便之門矣 祕林海峽美人扣英漁船英廷詰問派來兵艦美政府

日記 卷七

三十一

召上下議員集議一面將所扣英人船隻立即釋放一面咨復英廷彼此各派大員馳往該海劃界以免越界 因查美國扣留英國漁船英使詰問久未釋放至今日而英以兵艦詰責美亦不復扣留漁船矣交涉大抵如此耳

十五日 大雨

北洋來電云布萊爾不洽衆論既經折回彼欲轉圜云當副報是否允除苛待華工新例總統外部有此權否本因布某詬辱華人不便接待若肯除苛例自易解說否則仍執前說婉拒爲是鴻咸得電後即往見外部華頓華頓無他言但云俟總統回將此意轉達云 因微聞美之間曹之言曰美總統與布萊爾爲總角之交

非不欲玉成布使也但其愛友之心不及愛位之心如允除苛例  
正黨必譁明年即爲保舉總統之年方欲留任豈可逆工不敢願  
此失彼也然則苛待華人之例美之君臣非有所恨於華人實有  
所畏於工黨事勢至此苛例誰敢除哉

十六日晴未後微雨

昨日橫濱來電云本月初八日米旗馬路輪船由橫濱赴檀香山  
載有日本人一千二百名皆立有合同至檀香山糖寮傭工緣近  
來檀香山政府與日本訂立條約招徠日本工人其意欲禁華人  
而用日本人且欲現在該國之華人傭工無路自然棄該國而他  
往也查本年日本人往檀香山者已有六千餘名云 因謹按亞

日記 卷七

三十二

墨一洲華人之足迹幾徧前此古巴祕魯之華人均以無約而受  
虐自立約後稍蘇矣而厄瓜多巴拿馬智利加拿大檀香山等處  
華人之憔悴於虐政者訴苦之狀無歲無之使臣以與該國無約  
辨詰無權不過苟且補苴終不能仗義執言致流寓之華人側足  
而立爲可慨也

十七日晴

智利國內亂未已初六日水師交戰亂黨以水雷轟毀兵艦一艘  
初七日來電又被水雷轟壞兵艦一艘智廷以經費支絀求美國  
代造銀幣二萬萬圓日內已帶回國聞亂黨已偵知將於巴拿馬  
地方截搶云 因謹按墨洲之亂黨亦知公法之不可犯也前之

購槍彈於美者美廷不允雖僥倖購成而終繳還今之智廷求造  
銀幣於美者亂黨雖欲搶掠必待於出境之後蓋以出境之後既  
非美國所轄之地則美國不能問也或曰巴拿馬實箇郎國所轄  
之地獨不畏箇郎之問罪乎因答曰此大小強弱之見也智利國  
勢小於美而大於箇郎弱於美而強於箇郎故美敢問罪而箇郎  
不敢問罪也春秋之世秦師襲鄭過周而周人縱之過晉而晉人  
要之兵法之所謂知彼知己也中舟之所謂鄭昭宋聾也

十八日晴

本日報館述金山新報云本月十四日戶部電飭金山稅關認中  
國駐外國之領事所發華人來美護照准令華人登岸查檀香山

日記 卷七

三十三

各糖寮華人計有二萬但有中國護照均可來美香港華人亦可  
照辦華人從此蜂擁而來豈不可慮情形如此惟有待今年下年  
開議院時亟令議紳將華人來美事情認真根究速立條例再加  
嚴密俾戶部各員不能妄斷云云 因謹按美國工黨氣燄之大  
可謂極矣戶部只准華商三人登岸而詆之者至於如是之醜雖  
中國之

諭旨訓誡臣下不過如是嚴也蓋中國進退臣子之權操之自上  
而美國進退臣子之權操之於民並總統之去留亦民操之此權  
之所以重也工黨入籍故其權與美國之民同華人不入籍故無  
此權安能敵工黨哉詳審事勢中國欲求美廷除其苛禁華人之

例恐不能矣 是夜子刻生女

十九日晴

從前破鐵甲兵船創用水雷而鐵甲失其堅嗣又有製成霍司開司機器礮者置之鐵甲船中每半時辰能發一萬彈而敵國之船放水雷者遂不能入本船之船底而水雷又失其奇現在日法兩國又造一船能行水底法國所製尤精且價亦廉其形如魚長一丈八尺寬八尺船身圓式船壳全用純鋼中容二人出入之處以螺釘之法旋緊密不漏水其進退升降不用舵而用輪其行船氣力不用水火而用電駛近敵船不需迅速但用槳行船之兩旁各有水雷潛置敵船之下引以銅絲回船至遠處但將銅絲捻合電

日記

卷七

二十四

氣即通至水雷水雷即發無堅不破如敵船正行亦不能備又有鐵練繫以浮樁同置敵船之下樁浮上時纏繞火輪輪不能轉計每時行四十里入水可至三十丈船內有收空氣之地人坐其中可至四時辰每船價銀八千兩日國已經仿造矣

二十日晴

美國整頓海防前派員赴各口查勘情形昨日復命內有一節請撥二千八百零十八圓以制鋼綫纏繞礮身之新式小礮一尊以資試驗因俄軍試用此種之礮甚為堅利異常故欲做造兵部大臣已批准矣 字林報接英京魯特局十六日要電云現法國水師統領特奉廷寄迅速駛往俄國之康朗四旦城以便與俄水師

會齊也該統領奉到廷命後立時命駕至巴黎斯都城旋即謁海兵兩部大臣面商機宜不日即擬帶領各師船駛往康城會議軍政各國聞俄法有會師之約大都必為訂立密約以期連橫共圖鯨吞他國之事不然法國何以有如此調動乎況俄法兩國夙稱莫逆此舉實增歐洲各國之杞憂耳

二十一日晴

美國與日斯巴尼亞所訂報施條約昨已簽押定於西曆八月刊布九月照行 德國開闢阿非利加洲經費無出擬開彩票以資籌費並禁販賣黑人為奴開此項彩票每年可得八百兆麥利司合中銀一萬三千餘萬兩 因謹按售彩票之利如此則受彩票者其害可知

日記

卷七

二十五

呂宋彩票徧行於中國矣將聽其暢行哉

二十二日晴

聞緬甸有酋不服英人擄其兵弁終懼於英之強又復送還其形勢頗與越南相同近日英人於緬甸法人於越南興造鐵路達於中國西南各省以期通至中國且以勸撫生番轉運土產而緬甸礦產五金玉石之類尤多英所踞緬甸之地已二十萬英方里人數約四兆合南半北半計之人數約共八兆得中國四省之大將來鐵路一興不患人寡而曠土尙廣亦不患人滿英人得此誠大有為云 因查緬甸越南二處共合中國七省之廣得中國地數三之一十年之間俱為強梁所併惜哉



二十三日晴

美國近日考究兵艦所用之連珠速放礮所有新出之式共二十種一一試之以乞司開士之英寸四寸零七分口徑者爲合用此礮可放五十五磅重之彈子以諸練之礮手司放每半時辰可放二百四十次又考究無煙火藥各種一一試之適於用矣而不能久留留久則變其力不一其中則不能定現在務求於製造時能使久留不變歷寒暑燥溼而如一氣力如常命中如常方爲盡善又考究最猛最烈之炸藥一一試驗前此壳彈無廠肯造茲已於賓省之密威爾鋼廠造成七寸壳彈九十九枚以備試驗 因謹按光緒十五年因始到美未聞美之整頓水師武備如是認真也

日

記

卷七

三十六

自英國爲祕林海峽與美齟齬自義國爲紐阿連案與美爭論於是調水師增兵艦講海防驗軍器不遺餘力焉見兔而顧犬未爲晚也亡羊而補牢未爲遲也美之形勢不與強國接壤本可以休兵息民然水陸無備不必於交戰之日判其低昂即無事之時於交涉一道亦未能持平辦理蓋有備者每以盛氣陵人而無備者常爲積威所劫事勢至此而欲弭兵修好以求無事能乎

二十四日晴

歐墨二洲近年考究破鐵甲兵船之法奧國既用椎船制勝英法德美等國又創水雷德奧又創魚雷自去年西班牙法國創造水底行船之法其制勝又過於前人近日因遊觀美國入文臺其考

究天文者爲因言臺中兼考究鐘表爲水師兵船之用必求每日

不差分秒至有行一年而不差一分者又考究空氣如何收法以備利用現聞有能收空氣縮之以寒氣斂之能以八百分縮爲一分則爲流質如水銀之類置之鐵管中再以風扇之復爲空氣以之水底行船極爲合用 因謹按學問之道因源以致流者易因流以泝源者難泰西各國格致之學如氣學光學電學重學算學各有專門童而習之至於成功則唯所用之無不如志如但羨其製造之巧機器之靈尋行數墨節節效之雖偶得其一端究不足以創物既不能創安能日進有功因願講求西學者舍流而探源庶人才輩出焉

日

記

卷七

三十七

二十五日晴未後大雨徹夜

美希卡果埠有商人欲創東洋車行於該埠於是向日本購東洋車二乘並僱車夫二名借來牽車該埠地方官以爲違例報於戶部戶部大臣謂來美傭工新例所禁飭令送回日本云云 因謹按美國苛禁工人新例載亞細亞洲東方之人不准至美傭工者別乎歐洲各國而言之也其別乎歐洲各國者歐洲各國之強也且有互准民人入籍之約也中國民人不許入他國之籍謂不欲民人輕去父母之邦乎是也然而買誼有言飢寒交迫父母不能有其子君安得有共民乎以爲民人入他國之籍將忘其本而念念父母之邦乎歐洲各國之民共入美籍者仍常返其本邦踵相

摩舟相銜也且民之入他國籍者仍准其出籍仍爲本國民也以爲民人入他國之籍有礙本國之體面乎英俄德法皆大國也不聞其以爲礙也中外交涉步步受虧此其一也由所見固於近也

二十六日雨

美國新聞載倫敦來電葡萄牙議增兵額終以無可籌費而止因謹按葡之議增兵額也爲阿非利加洲之地與英離離而然也近日法國以養兵太多兵費太鉅議欲減兵而終未果一則欲增而不能一則欲減而不得時爲之也葡防英而兵不能增法防德而兵不能減以葡較法則葡爲無能矣中國澳門之地而舉以借葡斷非懼於葡之強可知當國者別有深心疆臣曾疏論矣因曠

日

記

卷七

三十八

覽今日歐墨兩洲之勢大抵皆欲練兵以圖自強其經費不絀者只英美兩國而已俄德之兵強矣而費實不足奧與義則年年借債日斯巴尼亞則專意水師而陸兵之力已單其他如土耳其埃及希臘波斯阿富汗勃爾加釐亞祕魯至於國貧而無款可籌無債可借騎虎之勢仍不能下終必爲強者所并此亦勢之無可如何者矣

二十七日雨

昨日新聞紙載華盛頓省拉伍埠有熟魚公司招華人充工而與該地隔河之布田地方土人聞之齊集會議禁止該公司僱用華人並聲言如不辭去華人必當集衆驅逐乃該公司不爲所動

仍舊招用恐以後釀成禍患云云 因謹按華人之勤儉耐勞各廠主人無不樂用土人之恨之者爲奪其生計耳議院紳士爲民所舉焉有不徇其所欲者詳觀美國上下之勢欲其刪除禁工之例斷必不能若使華人能操投籌保舉之權其勢當與土人相敵雖不求其弛禁而禁自弛矣 金山來電華商七人由中國來稅關不准登岸即往見外部請其照會戶部外部允之

二十八日雨北風天氣轉涼日中可著單衣夜中可覆棉被

是日爲西歷七月四號乃前總統華盛頓始改美國爲自主之國之日也美之君民每年此日例不辦事各處懸旗聲礮以誌慶幸熙熙皞皞有太平之象焉 因按美利堅之地始爲西班牙所得

日

記

卷七

三十九

繼爲和闌奪之法又奪之英又奪之英人爲之開闢草萊營立宮室興造公司已如印度之爲外府矣後於茶葉之入口者既徵稅矣而又徵出口之稅美人怨怒華盛頓創之乃背英而自立英人率兵船討之轉戰八年各有勝負美人終不言和而法與和闌出而要英言和英亦以久用兵而經費絀乃曲從之美遂爲自主之國矣華盛頓爲總統乃創民政謂當自己始至四年而退讓位於賢美人不舍仍舉之爲總統華盛頓又創例謂以後即有賢君亦只以八年爲限不得蟬聯遂成爲定例焉一切國例皆華盛頓所手創也至今國中承平富甲地球華盛頓誠人傑哉 英使館新到二等參贊來謁

二十九日 北風晴

謁英公使參贊 俄國前用兵於土耳其英法合縱以阻之俄以道遠徵調難繼志不得逞因查撤馬兒罕與新疆近又鄰印度鐵路既成再由俄京至阿摩斯至恰克圖至琿春其中水道阻隔濟以輪船派總兵安尼克經理其事計長一萬餘里如分五段同時與工三年可成工成之後琿春兵力不單西比里亞之出產自能轉運出口五金之礦亦可開採且歐洲各國之赴中國者又將舍地中海而由此路蓋一舉而富強兩字兼賅矣 因謹按鐵路之利俄人所論未免過於鋪張然費鉅款以事經營固不得謂為粉飾也今之談鐵路者或以為鐵路興而軍行利我能往寇亦能來也

日記 卷七

四十

六月初一日 元吉晴

昨日新聞紙云五月初七日美國公司與日本工頭訂約擬招日本工人五千名來嘉省傭工一事查日本工人之欲來美者以千萬計嘉省如修築鐵路開墾荒地種植葡萄等事均需工人惟近日合衆國議定禁止立合同來美傭工條例所有此項工人到美國各口者均不准入境例禁嚴明茲日本工人雖可附船而來英屬之雲古華埠潛入美境仿華人之所為然一經美關人員查知亦必阻止也 因謹按美國禁工之例愈禁愈嚴前此只禁工人來

美今則直禁各公司之立合同矣蓋不准其上岸尙可由他國而輾轉潛來若不各公司之立合同以僱用工人則雖來無用矣因嘗言公司之勢不敵工人之勢美國君臣愛公司不如其畏工黨也至此益信

初二日晴申刺天色轉暗以後大雨

昨日新報云前日紐約來電英國新派赴秘林海峽之委員名泡爾者已到紐約即附火車至英屬之卡拿大往秘林辦理捕獵海龍一案又金山來電美國兵艦名麥林已於前日開赴秘林海峽以防暗捕海龍之漁船 因謹接近日議論英美為秘林海峽捕獵海龍一案莫能相下至於出言不遜各派兵船懼其有決裂之

日記 卷七

四十一

勢因以為斷不至是也蓋嘗熟審現時交涉之勢矣大抵強與強遇則不輕用兵以強國之謀國者皆知彼己之情勢不能必勝即不輕開釁也弱與弱遇則輕於用兵以弱國之謀國者均昧彼己之情勢以為可勝故輕於一擲也強與弱遇則敢於用兵以能操必勝之權將以一戰而索賠割地故樂為之也今者英之水師較美誠為強矣然秘林海峽一案其據英之漁船者法人也英人昌言以兵艦保護漁船未久而俄廷昌言秘林海峽俄國所轄居多英與美不得專主是俄亦不直英矣俄與法合英之水師力不能敵矣且秘林海峽鄰近美國英人越國鄙遠不如美之徵調之易度英之謀國者必熟審此中情形矣安敢輕於啟釁哉因固知其

斷不相見以兵也或曰英美既不相見以兵何以各調兵艦岌岌焉如將交鋒者此何爲耶因答曰此兵機也此交涉之機也英不調兵艦則英雖昌言而不能行英示弱矣美不調兵艦則美攝於英之兵力而懼伏以讓之美示弱矣但一示弱則將來商議此案必不能得其平此番交涉既不持平則凡交涉各國皆輕視之以後從此多事而防之不勝防易曰履霜堅冰至蓋言慎也又曰童牛之吉積豕之牙言防之於始也有國者欲求大事之不受虧當先於其小者慎之防之此交涉之勝算也

初三日大雨

二十九日報云米西西北河水溢決隄沿河被水層見疊出無歲

日記 卷七 四十二

無之前一千八百八十八年即光緒十四年築隄經費共美銀三千萬餘次年又費六十萬餘而終不免溢決傷毀民財以百萬計本年該省擬大修河隄因需款甚多尙未議定興工云 因謹按光緒十年御史劉恩 以中國黃河屢決奏請仿美國治米西西北河之法以列陣圖治之當奉旨飭查查覆在案中美相隔四萬里傳聞失實以爲美國必有善法以治河可以一勞永逸而不知河患之至今未息與中國同而其費用之鉅尙過於中國也夫交涉之事機器之用中國向鄙夷而不屑講求故才智之人不川聰明於其中遂覺遜於外國若治河之法中國所歷代講求者豈有所不及哉自神禹不再作而河

患遂不休然而中國尙有神禹其人者外國乃並無之中國人才實勝於外國也在有以陶成之也

初四日晴天氣轉涼

金山工黨創例收華人丁口紙每名美銀七圓省官已允派五十四人分往各處沿戶抽收並立例自西歷七月一號至明年正月一號止如華人未領紙者罰予監禁云云已飭金山總領事延請律師向該衙門辨駁矣 因謹按美國之人無爲工者金山之工黨皆歐洲各國之人亦客民也與華人之爲客民同也其所以能陵虐華人者以美之君臣庇護耳美之君臣所以庇護者以其操投籌保舉之權耳其所以操投籌保舉之權者以其入美國之籍之不善也

初五日晴

日記 卷七 四十三

昨日紐約來電查歐洲各國人民由紐約海口上岸來美者自一千八百九十年七月一號即光緒十六年至一千八百九十一年即光緒十七年六月三十號止此一年中由阿爾蘭來者計三萬五千五百二十四人由英蘭來者計二萬四千二百二十八人由英蘭之西華里士來者計二百二十五人由蘇格蘭來者計四千九百零八人以上皆英人由德國來者計七萬四千三百八十二人由法國來者計四千三百八十八人由俄國來者計三萬三千

五百零四人由俄屬波蘭來者計三萬四千二百五十六人由瑞典來者計二萬九千四百十五人由那威來者計一萬零九百三十二人由義國來者計七萬零七百七十六人由丹國來者計九千零四十三人由奧國亨加釐來者計四千三百六十二人由奧國波希米亞來者計八千四百九十八人共計四十萬五千六百六十四人 因謹按此皆入籍美國之民也美國之所以准其入境者以其入籍也或問美於中國民人之來美者何以不容入籍乎因答曰中國自不願其民之入美籍也且中國之民亦不願入美籍也或問美國獨不憂人滿乎而容他國之民紛至沓來以入其籍乎因答曰據萬國公法固任民之往來自如也或問既聽民

甲 記 卷七

四十四

之往來自如則不入美籍之民亦何不可聽其往來自如乎因答曰此有礙於昇平之局也或問何以有礙昇平也因答曰入籍之民即作為美國之民凡有起釁不和之事皆照美國之例治之其本國無須過問也其不入籍者土客之情形既顯分其畛域俗尚之歧異又易惹其猜嫌釁隙從此而生仇殺由斯而起至於案出則照公法於他國之民之受害受損又應議卹議賠此不入籍之所以難處置也至於入籍之民與不入籍之民其來去自便無殊且不入籍之民尚不如入籍者之來去自便耳蓋美國與各國所訂入籍之約必有聽民仍返本籍之條其願返本籍者但一呈明即脫美籍毫無阻滯且云客民入籍美國之後如返本國一年以

後不復來者即可作為脫籍抽釋其意入籍二字只以防患而已非因地曠而有希冀招徠於他國之民也

初六日晴

美國之富甲於地球即紐約一地巨富已有四家其一愛斯其每月可收息銀七十餘萬圓一名樂費雷每月可收息銀五十七萬餘圓一名番德別每月可收息銀四十五萬圓一名戈爾德每月可收息銀三十一萬餘圓 因謹按亞墨利加一洲開闢甫三百年或以為蓄積既久故發洩不窮宜其富也其實不然祕魯亦墨洲之國也因嘗至其國矣考其每年所入僅銀六百餘萬兩不敵美國一富家也即美之鄰國為墨西哥各礦甚多然經理無人

日 記 卷七

四十五

國債纍纍今年尙擬向歐洲貸款美之外未聞再有如美之富國也然則美之富也仍歸其功於創業之華盛頓耳 外部來文戶部已電金山稅關准華商登岸矣

初七日晴

海藍前此來電稱紐約華得力製造局所製五十二噸之鋼鐵已由紐約運至散地貨克地方上岸試驗該鐵身計長三丈六尺五寸廠裏自口至底計長三丈四尺可入火藥四百四十磅合中國三百餘斤廠口門徑三尺二寸廠架用活動機器廠彈遠至十五米合中國五十里 試放之時房屋皆搖動云 因謹按外國之廠可謂愈造愈精愈能及遠也從前英國烏力支廠之廠能及十里

以為遠矣而德國克虜伯廠造成一百噸鋼礮及遠三十里英國  
遂擬造二百噸之礮以勝之至今未聞成功今美國所造之礮較  
之德國其重只及半耳而及遠倍之是以少勝多矣查本年四月  
二十二日因以中國新購美國槍彈因飭紐約領事詳查近日槍  
礮新製遂查得美廠新法以礮口一尺礮身長至三十倍者格外  
及遠今試之信然乃知人心之靈無所不至過此數十年其機變  
正不知何極也世運如此不能不與為轉移欲自強者當思趨風  
氣矣

初八日晴

美國精於軍械之員謂各樣速放礮之彈子極重不宜過六十磅

日記

卷七

四十六

查安士脫郎速放礮所用之彈重一百磅以致彈與火藥不能一  
齊入礮又查乞司開司之四英寸零七分口徑之速放礮彈重五  
十五磅實為合用近日法國水師已擇用之又謂現時兵艦交戰  
之時其開礮也必待兩船相距二千英也之時每一英也合三英  
尺二千英也合六  
千英尺每五千二百八十英尺為  
一米計二千英尺合中國四里餘故船上小礮如六寸口徑之類  
者於一千五百英也之遠易於命中雖近日槍礮力逾從前礮彈  
之射甚遠然兵艦靈動不定如過四千英也亦難命中云 因謹  
按此美國近日之講求水師也自秘林海峽之案與英齟齬自紐  
阿連之案與義齟齬英義兩國水師美自審力不能敵於是竭力  
講求既派員查沿海各防以築礮臺又由廠考鐵甲之用以求堅

製添製兵艦以求鐵甲之緊貼船身講求槍礮以求彈子之及遠  
命中試新出之無煙火藥考炸彈之轟裂機關又營求添煤之區  
於海帶之國雖非未雨綢繆亦可謂知彼知己臨事而懼者矣  
初九日晴

新報載前十日德皇偕皇后至英國謁見英之君主英地方官夾  
道歡迎莫不喜悅兩君相見後德皇因向英君請觀英之軍容英  
君乃調隊伍合操步伐整齊槍礮成列德皇稱羨不已兩君浹洽  
是會也俄法兩國聞之頗生妒忌以德皇既與義奧兩國聯盟謀  
拒俄法今又與英合其迹可疑傳聞法廷已有密書至俄約共伐  
土耳其瓜分其地並迫英廷撤回駐守埃及之兵雖無確據然亦

日記

卷七

四十七

可見歐洲局面戰爭之機無時或息云 因觀於此而知邦交之  
宜修也德國自該撤爾勝法以後推為霸主可謂強矣而不敢自  
恃也猶且謙謙自牧修好於義奧兩邦聯盟既成而俄師不敢輕  
加於三國似可以高枕無憂矣乃又修好於英英德合而法人自  
不敢輕於啟釁法人自量其力不足敵英亦不易勝德故約俄人  
以助己為遠交近攻之謀然秦之得志於遠交近攻者以所鄰之  
國皆不足敵秦也法之鄰為英與德則非其類也俄之勢近之矣  
然芬蘭各小國俄已盡之阿富汗土耳其其人庇之義奧又與德  
聯盟俄亦有志而不能逞焉觀變於未形察幾於未見中國之東  
三省其宜設防乎

初十日晴午後大雨微夜

初七日訪事人接俄信言俄廷擬造新式大小兵艦二十五艘令該國各船廠趕緊興工務期速成以資急用此外另由戶部與外國訂立合同同時興造查新艦內有數艘可容一萬二千餘噸每一時辰可行五十海里云云 因謹按俄國陸軍之強甲於地球而水師不及英法近年添造兵艦皇皇如不及焉將與英法海上爭雄乎未可知也然非十年之內所能為功也 美國民主出遊南方各省至貪克失司省極爾懷司登地方與人言曰予惟以商務之盛水師之強是急當先聯絡墨洲各邦以擴充商務整頓水師俾無隙可乘云

日記 卷七

四十八

十一日晴

初九日新報載美國水師部軍械所人員於上禮拜六即初六日在紐鉢地方試驗各種新式水雷以備擇用按美國近年造成兵艦多艘船中所需各項器械均擇現時所稱最堅利者今各員已備尙有水雷未定何種水師部各員欲於美國廠中所造者擇其上等以資實用因將各廠所造水雷一一試驗乃知各有所長亦有所短未便專用茲擬先購英國懷乞脫廠所造水雷三十枚暫資利用云 因謹按泰西各大國均以兵強稱雄俄之陸軍英之水師天下莫強已英之陸軍俄遜於俄俄以外無敵焉法之水師顯遜於英英之外無敵焉德之陸軍足以擬法法以下無論矣此

外則義之水師亦稱雄於海上與之陸軍亦可固其封疆近日日斯巴尼亞亦增造鐵艦舍此則自郤以下矣美處墨洲無所用武而不以武耀然製造之廠林立所有船廠不必購自他邦一旦疆場有事閉關自守取諸宮中用之應敵而無不足焉查以上各國惟日斯巴尼亞不能自成一船義與之製造廠不多若俄若英若法若德若美此五國者各廠林立鐵路縱橫計澄觀而可得其富強之要領矣歐洲之土耳其芬蘭希臘阿富汗波斯埃及勃爾加釐亞賽爾斐亞亞洲之機窪天山朝鮮琉球越南墨洲之墨西哥可俞比亞厄瓜多祕魯巴西烏拉乖阿鎮丹泥格拉威內薩銀國各國於船廠之廠未有聞焉其鐵路皆購於美國故富者聞有

日記 卷七

四十九

之而強者則渺矣古之創業者其精神常周於數百年之後今之謀國者其耳目常周於九萬里之球英俄德法美各國如此而已欲富強者可知所乘取矣

十二日晴中夜大雨

金山領事來信言美關於中國靴鞋入口一概加稅 本日新報載巴黎來電言近數年法廷曾立例美國豬肉無論鹹乾以及火腿均不准運入法國各口因其中有蟲民食之者多生疾病故絕其來源以重民命曾經美國迭與法廷再三駁詰未除茲值法國增修稅則法國外部大臣商諸議院復准入口每一百奇羅

兩英磅又五分磅之一合中國二十六 收稅銀二十佛郎

惟生蟲者仍不准入口云 因謹按凡物之有害於民生者不准入口如鴉片之類是也至於稅則隨各國自定而他國不能置議焉以其均爲內政也美於中國各貨之入口者其稅極重中國向未置一辭焉以其爲美國之內政也中國於外國入口之貨其稅至輕蓋由立約之時已議定也然而美之於各國也欲增則增之如一千八百九十年即光緒十六年所定新章是也各國之於美也欲增則增之如義大利於美之煤油墨西哥於美之牛羊法郎西於美之豬肉是也且欲禁則禁之數年以前法義於美之豬肉亦是也以其皆爲內政而不妨由己改訂也中國於各國入口之稅應更張者多矣願留心富國者一訂之也

日

記

卷七

五十一

十三日兩

紐約來信云前月二十日馬得力有信言小呂宋各島中有一島名沙蒲丹者向歸日國管轄茲聞英國已踞之矣 因謹按墨洲全土三百年前亦日國之先至而有之者厥後法人奪之英人又奪之而日失其所有矣其拓地於數萬里外者長駕遠馭之習也其不能久踞者兵艦之單也英人知之故水師之力甲於地球屬地之多亦甲於地球爭印度之地法人讓之爭阿洲之地德人讓之至朝鮮巨文一島俄人欲之而英先踞之俄亦讓之中國援公法以索回從此他國不得而垂涎英之謀亦狡矣

十四日小雨陰

美國自去年創增入口稅諸通商之國噴有煩言法人既擬移設製絨之廠於紐約德國之所製造亦恐運至美國或至折耗擬開日本一埠以冀挹注云 因謹按美總統之言曰美國加入口之稅於本國商民大有利益於他國亦無損云云夫入口稅增則他國之產運至美國者成本亦增將有裹足不來者則本國之產得擅其利於本國誠有益矣至謂於他國無損此欺人之辭耳即於本日之報驗之

十五日小雨

十二日奧都維也納來電奧廷既與德義合盟猶恐水師力薄即議定添造兵艦俾爲攻守之資需款一千二百九十六萬圓已籌

日

記

卷七

五十一

陸續分撥云 因謹按歐洲與俄比鄰之國蓋無日不妨俄也前俄太子將遊希臘奧君知之急作書貽之請以奧國爲東道主俄太子遂取道於奧奧君待以上賓之禮且留止宮中主賓之情極爲款洽猶昨日事也似於決裂可無虞矣乃不忘武備復增戰船誠所謂勇夫重閉也因嘗讀會忠襄遺疏有曰鄰交雖睦不忘武備之修賢俊旁搜廣儲干城之選老成謀國所見遠矣

十六日晴

俄國來電云俄廷現擬立例凡外國人民商於俄者予限五年即當入籍爲民違者驅逐出境云 因謹按此襲美之故智也然美人禁工而俄人禁商禁商則於通商之約背俄人強故敢言之



未必可行也且觀其後

十七日晴

美廷因外國人民近年來美日多為患亦日甚已特派員往歐洲各國查勘各國人民來美情形以便將來立例防範庶良莠可分流弊可杜茲所派之員由倫敦來電云已抵英即往英國各口岸訪查查明後分為兩班一班赴法奧義等國一班赴俄隨處查問又通知美國駐各國之領事官隨處訪查云云 因謹按美人處心積慮又欲禁歐洲各國人民來美故以派員查訪為名而後發言也其實各國人民來美之故何待查哉

十八日晴

日記

卷七

五十二

美國上議院紳士白太里因美國漁船七艘於相近英屬衣斯巴埠捕魚被英之輪船駐加拿大者名臺列杜所獲請於戶部言美國漁船皆在美境未犯英國禁例為英所誣請速派快船往英屬依斯巴埠以資保護並請駁詰戶部以此事大有關係不便自主即告外部外部復稱快船即當派往並將此案電飭美國駐英風聖司底文領事官名尼耳權理迅速查明漁船被獲情形備文詳明 因謹按此英之所以報美也英之漁船會為美所拘矣請之美廷未嘗釋也請出局外之國斷之未嘗允也控諸美國刑司未嘗平反也若他國當此為美所窘矣英會聲明必派兵船保護美亦派兵艦十六艘以待之至是而英乃拘美之漁船美亦派快船

以助保護此案以前半截美與英為難以後半截則英與美為難

美既受窘則當降心相從不復如前之武斷矣此外國之所謂以

勢行理必有勢而後可行也乾卦之言自強貞固足以幹事也

十九日晴

美國議院紳以發財票害民傷財立例禁止不許由書信館寄入美國以後如有此票附入書信袋內到美國各處者一經查覺全罰入官即由郵政部定章布告此後外國信袋載來之發財票均當轉交稅關人員按例罰辦云 因謹按美國前已禁呂宋票入境矣茲又復申禁例例嚴於前而又渾其名者何也蓋法國巴拿馬開河公司以費竭而中止擬開彩票以繼之德國經營阿非利

日記

卷七

五十三

加洲費無所出亦擬開設彩票美廷防其流入美國也故為先發制人之計渾其名曰發財票以各項彩票皆不外其名也且不欲明言之而開罪於鄰國也不剛不柔而不可奪交涉之道如是其庶幾乎

二十日晴

金山總領事來電華利柯埠土人驅逐華人華人至被毆斃三名土人凌虐無已請速見外部因即往見署外部大臣恰在衙門告以有所聞否外部云尚無所聞因出金山來電示之并告以尋讎不已將來華人被殺尚不止此并恐他埠從而效之則更多事外部允為迅速發電飭該省總督解散保護并查究兇手因謝之遂

辭出 俄國大增水陸兵費計陸軍中增俄銀四百六十萬羅布  
其中二百萬為添造兵房之用水師中增四百五十萬羅布  
二十一日晴

輪船公司送到

國書一道保覆祕魯總統告即位之文舟車積壓外積已碎裂幸  
國書尙完好當即易包縫以布仍交該公司寄祕魯 美國工黨  
以華人由英屬之加拿大及墨西哥國私行入境請於美廷行文  
英墨兩處代為嚴防美總統即照行文而英墨均以不能辦到婉  
辭照覆 因謹按工黨能請於美廷而華人不能請此華人之所  
以不能與工黨爭也且工黨一請而美廷即如所請又可見美廷

日記 卷七

五十四

之曲徇工黨也左氏曰將求於人必先下之美官紳之謂也

二十二日晴

美國戶部查一年之內即西歷一千八百九十年七月一號至一千八百九十一年六月三十號所收  
內地課稅總計銀一萬四千六百零三萬五千三百七十六圓比  
前一年多三百四十四萬零六百八十圓內所收蒸酒稅八千三  
百三十三萬五千九百六十三圓比前一年多一百六十四萬八  
千五百八十八圓煙葉煙絲稅三千二百七十九萬六千三百七  
十圓比前一年少一百十六萬二千七百二十圓米蒸酒稅二  
千八百五十六萬五千一百三十四圓比前一年多二百五十五萬  
六千五百九十五圓假牛油稅一百零七萬七千九百二十四圓

比前一年多二十九萬一千六百三十二圓雜項稅銀六萬零七  
十九圓比前一年多一萬六千五百八十三圓又查一年收稅經  
費除刊印稅單士担費係刊印局款項下支出未計外共計銀四  
百一十九萬三千圓 因謹按此美國內地所收之稅也酒稅共  
一萬一千餘萬圓煙稅三千餘萬圓合而計之已一萬四千餘萬  
圓共民較中國六分之一耳而收稅之鉅如此者泰西各國以煙  
酒非民之所賴以生者故重其稅也中國效之即不能六倍但如  
其數餉亦增矣物窮則變亦周禮漆林之征之意也  
二十三日晴已以後小雨中夜大雨

日記 卷七

五十五

美國內地課稅已查明矣又查鐵路一項其入款亦甚鉅總計通  
國鐵路共二萬六千餘里據總理之局刊出一年進項共一萬三  
千三百萬餘圓除開銷九千三百餘萬圓實餘四千一百餘萬圓  
因謹按鐵路之利其益不可勝言也調兵轉餉救災設防通商  
賈之有無運笨滯之貨物此其大者隱而難計者也即以鐵費計  
之其進項已抵中國之半而尙有九千餘萬散於民間悉歸經理  
鐵路之用此經理鐵路者皆本國謀食之人也以中國貧戶計之  
每一家十口每年僅需百金蓋足贍九千萬人一年之衣食中國  
民數計四百兆九千萬人將近百兆矣中國貧戶亦不過百兆而  
已然則鐵路一興貧民共有豈乎

二十四日陰雨

外部來文云華商林華以所領領事護照任意在美境導引華人越境由戶部咨來并鈔戶部文一并照會當飭紐約領事查明金山工黨已沿門僞華人領丁口紙每名索銀七圓華人不領已控諸該地方官矣

二十五日晴

美國火車賽速有由金山兩日到華盛頓者蓋每日行五千里每一時辰行四百一十餘里矣今聞美人又創新法已造一電車試行每一時辰可行八百里則一日行萬里矣電氣之用漸試漸廣電氣徧於各洲惟阿洲未興造然阿洲已為歐洲各國分裂將來亦必興造矣因考各國電綫里數以英里計之美國十七萬八千

甲 記 卷七

五十六

餘里俄國七萬二千餘里德國五萬八千餘里法國五萬四千餘里印度三萬三千餘里英國三萬餘里義國二萬餘里土耳其一萬九千餘里奧國一萬六千餘里日國一萬三千餘里中國一萬二千餘里日本六千餘里 因謹按阿非利加洲自開闢至今尚仍混沌之俗其民皆黑人故也其洲之南名好望角者即大耶山地廣人稀久為英屬英已設郵政局凡鐵路電報次第舉與郵政進項每年已銀六十餘萬矣

二十六日晴

是日寅刻即起恭祝  
皇上萬壽行三跪九叩禮各員均到惟繙繹二人未到辰刻設麪

申刻公醮 律師科司達來因以紐阿連省苛禁華人假道事告之因訪以美國今年新立之例不許各國人來美傭工此例行否答言已行又訪以美國派員至歐洲各國查各國來美之民人日多之故將欲何為答言美廷恐以後有人滿之慮故派員查之可禁則禁尙未定準也 紐約領事沈桓覆稟該處並無濫發護照事而美國各處關役有意留難故以誣罔遂照原文照外部 聞日本國因中國會匪滋擾已擬派兵艦五艘往駐上海 因謹按沿江一帶多會匪皖南尤多大抵皆以搶劫為生其開教者不過白日搶劫而飾以美名使官兵之不敢遽捕團勇之不與為難耳四叅之案上下諱之而會匪之氣燄日長因嘗已疏陳矣

日 記 卷七

五十七

二十七日晴  
謁律師科司達座中適有美紳因談時事言歐洲時局可危因問其詳美紳言昨日倫敦來電謂泰姆士報述俄國駐法之公使名馬黑來希姆近奉俄廷之命擬與法國訂一新約如德義奧之同盟互相援助該公使近日正與法國妥商此事如兩國意同即可立約訂定云 因謹按前此德皇遊英英皇待之甚厚並閱英國操演軍容法人忌之即潛與俄商欲深相交結以敵之並欲攻破土耳其其分裂其國以牽掣英之兵力且離間英德之交始以傳聞為未可信也今果然矣法與俄合德介於俄法兩國之間未免實偏處此其可危乎 亥刻接總理衙門來電云日國署使阿樂嶽

來京並無公文望電詢外部速備公文以便接待感

二十八日晴陰申刻小雨

辰刻電駐日參贊楊慕璿以總理衙門昨夜所來之電令其速詢外部 本城八月三號新報稱俄法密訂新約俄國駐法公使已簽名法廷即派水師提督親持約款呈俄皇批閱又和國京都司炭達報言俄法二國同盟一事已經法提督至俄都與俄廷講求兩國水師協力合隊之事法提督謂俄洲北洋一帶海面礁石極多極大兵艦不利往來故不能臨時相助至於德國葛利脫白耳脫洋及米刻林巴洋此二處海面兵艦便於行駛然此乃交戰之時法國所以助俄者如俄國以兵攻德俄國兵艦當會戰於啟爾

日記 卷七

五十八

海口也 因謹按同治七年德法之戰法都被破法君被擄法固未嘗一日忘也徒以德之軍政嚴明自揣不足以勝之故隱忍未發耳今與俄同盟則勢強矣俄法均為佳兵之國所見略同俄有志闢地於歐洲而為各國合縱所制無可用武今法乃助其勢歐洲之兵事其興乎

二十九日陰未後小雨

金山稅關以英公司輪船各唐那所繳鐵釘由紐約運至英國利華埠轉運至金山金山稅關按美例由本國此埠運至彼埠者須用美國之船俄運今以英船即是違例且未納稅遂將其鐵釘扣留計值銀三萬五千圓云 因謹按此事可備稅關考證者中國

於外洋貨物入口後又准其運入內地至於茫無邊際藩籬盡撤長江輪船貨物既運至漢口已入內地五千里矣今新與英立約又准運至四川重慶則共萬餘里矣奪小民之利足外國之欲似非無礙於理財也稅則者中國之內政豈不可以自由也哉 字林報接英京本月二十六日電云俄國現擬造設鐵路由裏海東省通至波斯西北境之薩臘克斯地方云按薩臘克斯係在茂甫城之南說者謂俄人於亞洲志在南下矣 俄國裏海以東與土耳其交界之處巴庫地方日出火油八萬八千大桶美國出火油雖多尚不能及其半

三十日晴

日記 卷七

五十九

亥刻日署參贊楊慕璿來電云阿本三參由前任帶見例無文外部懇乞接待新使肅發楊 駐秘參贊吳濬來文以英公司在秘辦理掘運鳥糞等事僱用寓祕華人知會該參贊由吳濬稟來請示因以中國禁止招工者係禁招中國各口之工如華人業已出洋作工所居之地已非中國地方外國固無所用其招中國實不能禁其僱如必拒之非特該公司不從即華民亦不從也且中國所以禁招工者以猪仔頭之販賣人口耳名雖為招實則為賣以致不能自由任其凌虐如其僱用則一切弊竇自不能行故擬允之參贊彭光譽不以為然遂函商於律師尋律師以為可允故仍允之 聞法國外部大臣力陪與中國駐法參贊言中國會匪作

亂焚劫洋人傳教人請飭速電本國政府保護參贊答以現已平  
靜矣外部又言如中國不剿平會匪以後法國政府將合歐洲各  
國自行保護云云

日記 卷七

六十

出使美日秘崔日記

七月初一日 大吉晴

中華書局  
影印

發電與總理衙門為日國駐華之署理公使無日廷文書之事也  
電文云阿應前任帶見例無文外部懇接待新使將到因 日本  
神戶報言俄國駐朝鮮之公使奉俄廷之命於朝鮮求界一口岸  
以為俄國之用朝廷拒之 因謹按俄人之覬覦中國東三省可  
見矣即於垂涎朝鮮口岸見之也中俄交界之曠地三百年來俄  
人以混界佔之每勘界一次中國必失地數百里昔之索倫勁兵  
地方今已入於俄矣俄固不費兵力也朝鮮口岸必無可混則以  
君命求之求之而得則陸軍可以轉運水師可以添煤添水於數

日記 卷八

萬里之外而得一屯兵之區何異攻敵之平行壘也泰西兩軍對敵其攻營者

往往鑄平行壘其製造近敵營壘土石與敵營齊則敵營不能守幸朝鮮不允也易曰履霜堅兵

至過此以往俄人之心其未已乎

初二日晴

二十六日照會外部之文茲接外部覆文云已收到即照戶部俟  
戶部覆文云云 近來美國留意海防需用大礮因將各國所造  
大礮試驗比較查英國新造兵艦名域多利阿者有大礮數尊每  
尊重一百十噸長四丈三英尺零九寸口徑十六英寸四分之  
一係英國紐加司爾埠安司脫廠所造每造一尊成至速須十  
五箇月受火藥九百六十磅鋼彈重一千八百磅每放一次

金一百七十七磅現在所有各國鐵艦礮臺均可洞穿惟放至七十次則有炸裂之虞 因嘗謂礮可加巨而鐵甲不能加厚者至是信矣如以二百噸之礮能洞穿四五尺厚之鐵甲則鐵艦豈敢攻礮臺乎

初三日晨起大霧辰刻霧消日出

接總理衙門文書知會匪鬧教已奏奉

上諭矣所願各督撫實力奉行庶會匪可靖而中外無事也 又接南北洋暨蘇松太道文書以華商所領來美之護照美國稅關以爲有弊故仍留難已據文照外部矣

初四日晴夜雨

日記 卷八

越南東京西報云前由福關東築至諒山之鐵路今近福關東首一站業已告竣往來利便可使地方安靖且沿鐵路兩旁不墾之地今以火車遷其農人搬運農器可以開荒易草萊爲稼穡又中越交界去年經中法兩國派員帶兵會勘分界尚有近山之地未立界石者約六七百里野人居多野人所售之鴨購而烹之其腸中必有金沙蓋因金礦由水流出之沙爲鴨所食故也此礦在中國界上法人欲之故界不能遽定云 因謹按墾荒開礦均天地自然之利也越南人冥然罔覺致啟法國垂涎今則鐵路日開荒地漸闢而礦沙亦露混沌鑿破同於阿洲惜乎越人祕其藏而貽法人享其利也

初五日晴

祕林海峽捕海龍案西歷八月四號該峽來電前美國漁船七艘在英屬海之衣斯巴埠違例捕漁爲英兵船臺列母所獲由英員審問該漁船供實因大霧不辨海面界限致誤越界並非有心英員以其言尙近理釋之 因謹按祕林一案英之處美較美之處英爲寬非怯也其爲用心之深有待而發歟其爲交鄰之厚有怨則忘歟要之勢之強者顯用其勢不如隱示以勢使之相喻而有所懾且市以德則易就我範圍而我又可以博仁人君子之名此英之作用也

初六日晴以上三日均大熱

日記 卷八

本日新報載法國來電稱外部大臣准於本月底往瑞士國避暑俄國外部大臣亦因避暑赴瑞士遂約相晤雖未聞何故料其皆赴瑞士似因約定必爲國事起見云 因謹按從前法君拿破崙第一曾約合俄以混一各國乃因無信先欲圖俄遂至寒盟法人加師於俄俄之木司科都城自焚以清野法人無所棲止無可掠食八十萬人傷亡殆盡其得歸者只萬餘耳拿破崙遂敗事今俄與法其國皆佳兵其君皆好戰如果深相交結歐洲難保昇平矣 初七日晴大熱寒暑表升至九十五度未刻暴雨大風雨過仍晴 德國來電云近日德國政府請歐洲各國會盟訂立通商稅則同盟諸國均須照商定之稅則抽稅以昭畫一惟所請之國俄法兩

國不與蓋疑德國此舉爲制己也茲聞德廷本意實因美國近增稅則所有歐洲各國貨物運入美國各口者抽稅比前較重故聯盟各邦以定稅則相報云云 因謹按觀此而知稅則爲各國內政他國不能置議也美增稅則歐洲各國雖不願而無能與駁詰者亦只能以增稅報之而已墨西哥已行之矣此其可證者也因又觀此而知交鄰之意不可不講也德欲聯盟以增稅報美各國皆從而俄法不與者法與德嫌俄與法密也歐洲各國之君歲時晤見如古之親遇朝宗焉固通情好亦懼齟齬也細針密縷願細心者共體會焉

初八日晴大熱未刻暴風小雨仍晴

日記 卷八

四

倫敦來電言法國有兵艦一隊不日開往俄國之克龍士達埠海面以意度之當是與俄之兵艦合操也 因謹按此當係局外揣測之辭然而形迹固可疑也歐洲各國如德如義如奧及諸小國其畏俄法之橫恣皆利害切身也即英之水師甲於地球似可不慮然俄與法合則兩國水師之力實足勝英英亦安能自恃比權絮力遠慮深思豈均不能不自危矣

初九日晴

是日赴美國國家銀行與美紳某相遇因作寒暄并詢中國民人滋毀教堂一案因答以我

國家風行雷厲匪人現已斂迹某謂亞洲形勢俄處其北南臨中

國印度等國志在鯨吞茲又擬築火車鐵路環繞中國印度各國直達太平洋海濱不久可成英國雖強亦懼其侵印度開業與中國聯盟信否因答以未聞某謂會匪滋擾教堂一事各國駐華公使均求竭力保護惟英公使不甚著力殊不可解或者英國別有所求於中國故不欲以勢迫也 因曰此聞所未聞也容查之遂散

初十日晴是夜丑刻大風雷雨

金山來電又以去年金山稅關所定之護照由洋人簽名准其回華後仍准來美此次又援戶部文附會不准復來而去年持此種護照回華者已有三四千人忽然改章均不能返請爲設法已電律師科士達矣 因嘗讀呻吟語云兩人相信形迹皆土直也如

日記 卷八

五

不相信形迹亦土直也美之上下無不願以禁工媚工黨中國無論如何應付均非美之所願必至華人不來而後快心護照會何益哉

十一日晴

申正接總理衙門電云密中倫敦來電美派水師一軍赴華以防鬧事查美教在華均安輯現惟英法教案刻已次第了結美國此舉確否希詢外部即電覆真此時外部衙門已散明日又爲西曆禮拜遂定於十三日往見外部 因查咸豐十年之役英人以焚燒鴉片構釁而各國亦附和之蓋其合兵以事挾制自昔然矣此次會匪所毀教堂非盡法國而法乃約各國之兵船以啊喝蓋有

見於庚申之役均得便宜故欲踵其轍也

十二日晴

前日新報言美國邀請中國赴希卡果賽珍會一事美國先有禁止華人來美之例有無干礙赴會之人蓋美國既邀其人前來及其抵美弗與登岸自傷國體有商之外部者外部謂應商之議院因按此所謂名不正則言不順言不順則事不成也賽會者美人之所欲故惟恐華人之不來僱工者工黨之所忌又惟恐華人之來共意兩歧其言反汗中國不詰問而美國乃自詰問外部亦辭窮也而議院可知矣

十三日晴

日記

卷八

六

午刻赴外部衙門外部大臣華頓亦到相見因告以中國會匪滋事久已救平美國人民無受累者外部答曰亦接到駐上海領事電信已知之矣因又曰聞美國近派兵船一隊赴中國是否尙因教案外部答曰非也美國駐上海之兵船本係舊式久應更換故派兩船瓜代且所派之船仍往檀香山遊歷又往日本然後到中國與教案無涉也因詢該船何時起旋外部曰前二日已有一船開行矣尙有一船仍稍緩則開也因額之遂辭出發電與總理衙門云密申外部言兩船常例巡海無關教案因謹按美國水師之力當無遠略之能但附入各國之羣則可慮耳美國不聯合度歐洲亦必有不聯合者法以一國爲禍首將爲衆論所不直

則亦難悍然行矣

十四日晴

接總理衙門電云函悉經費六月望日由三晉源匯解寒又接北洋南洋文書爲商人持護照來美事又接山東登萊青道盛宣招商局馬建忠文函以十六年六月所交該局之經費銀六萬兩謂爲洋行所倒不能匯撥因查光緒七年前出使美日祕大臣鄭藻所撥經費銀八萬兩商局即援李傅相之奏創爲緩期之說延至十一年始行交清此前事也一之爲甚其可再乎

十五日晴

美國戶部於今年五月創一新例凡華人由金山假道赴古巴者

日記

卷八

七

一上車後即不得出入自由乃至食物亦由窗門遞入拘束太苛已商律師科司達告諸戶部此等苛待實爲違約昨日戶部已行文金山稅關屬令查明停止矣因謹按美國各國之阻尼華人自總統以至各員非不知之但託於不知以假手各關行其驅除之虐以悅工黨耳迨經照會則不得託於不知聊勉強調停而已非真願也

十六日晴中夜大雨

外部總辦布郎來見談及昨日巴黎來電云法國近接公文以中國會匪鬧教一案前此歐洲各國聲明欲合水師交相保護現聞中國地方官認真彈壓亂黨辦理各案因此各國無須聯合水師



以保護云 因謹按歐洲各國聯合水師以至中華或開露端此會匪所願望者也今作罷論會匪之計不行矣然厝火積薪其志未逞其種終未除也願網繆未雨焉

十七日晴

美國各省博學之士現集本都會議昨已在可倫比亞大書院開堂一次查美國博士多在美國大書院充當教習各有所長專門名家如星學化學電學光學氣學之類日窮其理以求其精惟以一人之心究無窮之理恐有不到故約定各博士每年齊集一次各以所得者互相考究以資觀摩庶見聞廣而進益速也 因謹按外國於格致之學較之中國士子之用心舉業者略相同焉然

日記 卷八

八

舉業之學但託空言而格致之學實有實用宜其日致富強乎十八日晴

是日爲美總統五十八歲生辰各大員均往慶賀 聞俄法兩國有聯盟之議以抵德義奧三國也查德義奧三國軍民之數德國計四十六兆八億奧國四十兆五億義國三十兆合計一百七十七兆有餘又查俄法兩國軍民之數俄國九十六兆法國三十八兆合計一百三十四兆分五國爲兩甄旗鼓兵精礮利如有戰事痛鉅創深殊難料矣 因謹按歐洲情形一戰國縱橫之局也弱者合縱以拒強強者連橫以并弱莫敢輕發故有形格勢禁之力莫能相下遂無休兵息民之時國其地者常虞挫創故刻刻以練兵

爲念而遂能自強易所謂亡者保其存孟子所謂生於憂患也十九日晴入夜大雨微曉

昨日新報載倫敦來電謂各國駐中國公使因中國會匪作亂求中國政府派兵艦赴各處駐防以備後患中國政府允之 因謹按我

國能弭亂未形而不待外國之請則國體尊矣

二十日天氣熱大風午刻雨入夜大雷風雨

前聞英廷以法國水師一隊來英擬籌費一萬圓以備款待之用茲聞新報言十七日倫敦來電法國兵艦已抵英英君主即偕王子公爵同往亞斯巴閱兵艦軍容英法兵艦互聲礮示敬下午英

日記 卷八

九

君主設宴醮法提督兵官以示優禮云 因謹按泰西各國極重邦交非有所畏而然也英之水師勝於法法之水師不如英法艦至英英君主往見并宴勞有加焉英法比鄰聲勢相應情意之密卽輯睦之形不特兩國無所齟齬卽他國聞之亦不敢輕意離間并不敢相侮也

二十一日陰夜雨

美國近日考究炸藥有一種名安門泥脫者力雖猛而易防久洩氣而性不變當製造然燒之時亦無意外之虞從前英國舟車載運炸藥其例甚嚴近試此種炸藥之性並無自炸之患與他種迥別嗣後運此種者不必照前例嚴辦云 因謹按炸藥之力可以

破敵而每自焚爲其性烈而難防也泰西各國每制一物必取其利而去其害使炸藥無意外之變近日始思而得之儼能使火藥局無意外之變則盡善矣

二十二日 陰夜雨

美國富人萬達庇於英廠定製鋼身單桅小艇一隻原價銀七萬七千七百五十圓今將船料運美擬至美後拼成美關照戶部所定稅則徵原價四十五分計稅銀三萬四千九百八十七圓五角爲保本國製造廠匠利權防外國攪奪也 因謹按此亦美國富政之一端也若英若法若德所需船廠槍械均由本國自製俄則半製半購此五國者皆稱富強而俄之富則遜焉謀國者可知所

日記 卷八

取法矣

二十三日晴

美國近以俄之猶太人絡繹來美已知照俄公使與俄政府商議

云 西正接總理各國事務衙門電云十九日奉

旨崔國因轉補翰林院侍讀欽此

二十四日晴

黎明望

闕謝

恩撰謝

恩摺查轉侍讀向毋庸謝

恩以出使大臣許景 曾奏謝故循之 朝鮮公使李采淵來函

云本月二十五日爲國君生辰略設茶會自酉初至戌正請到

法國水師提督卓威統帶水師一軍游弋到俄與俄國外部大臣

相晤茲聞該提督已帶回俄法盟約大意爲互相援助內有一節

言以後中國會匪有騷擾兩國商民情事當互相保護云 因謹

按俄法聯盟似畏人知而出之以機密何也蓋欲操勝算也俄法

二國之水陸二軍與德意奧旗鼓相當若德而聯盟於英則俄法

又似不及故不欲張皇其事使德人防之以求於英且使英人防

之而合於德也

二十五日 陰小雨

日記 卷八

酉初至朝鮮使館見美外部總辦英參贊所到之人甚少以均避

暑未回也聞朝鮮歸俄國保護如果屬實則又踵越南之轍矣

因謹按朝鮮爲我

國之藩通使各國不得已也亞洲只三國而日本不願與中國唇

齒相依時形桀驁愈致歐洲各國輕之因不欲效日本所爲實詩

人外禦其侮之意也

二十六日晴

拜發轉侍讀謝

恩摺近日傳聞俄法聯盟一事因俄不願而尚未成是否俄人所

要求於法者法人未允抑以鞭長莫及不能急法人之急也然二

十四日所聞法國赴俄之提督已至俄國與政府立約并將約寄回矣似確鑿而有據且聽以後消息 因謹按此俄法之機密也俄人數百年來以遠交近攻擴地至二十倍得地球六之一矣非失計也與法聯盟之策亦猶是也亦安有所不願哉

二十七日晴

接總理各國事務衙門來文并報夏威仁國主之書又賞美國駐巴拿馬領事阿丹信之寶星及洋員科敦之寶星照并撥款十萬兩 英國路透局電言俄國報云俄國告知英國如歐洲各邦果有同心聯絡之事則俄國將奪取英國所屬之印度地方云 因謹按俄法之交方合而俄遠欲解散他國之交此可知其心矣英

日記 卷八

十二

不與德合則俄人尚有所難為若德義奧既聯盟而英人又助之則俄人惟有完守入保而已故昌言以解散之也然而此舉實關歐洲昇平之大局英人當自有權衡而非可以囑喝止矣

二十八日晴

英美兩國合議派船查捕海龍一案本日聞有漁船三艘在秘林海俄界私捕海龍為俄國巡船所見追拿一漁船中彈不能行駛被獲乃美國漁船也其餘二艘已逃出界外云 因謹按秘林海峽禁捕海龍其議創於美之總統本將以禁英人而美人得專其利也繼而英人以理爭之然後議禁英美兩國均不准捕警之爭訟原告被告均不分彼此矣至於今日美國漁船乃被俄人所獲

向之所以禁人者今自犯之向之所以扣他國之船者今被他國扣之前此美國議紳謂英國以秘林海峽扣船之事控於美之察院為礙體面今竟何如

二十九日晴申刻雨

譯致夏威仁國信繕成英文該國公使現避居歐洲即寄歐洲本日新報載美國通至巴西海電工程告竣前此美巴兩國電音往來須由歐洲或由墨祕兩國轉至殊多遲滯此綫既成於公事商務均有益也 聞智利國議院黨戰勝智利總統已出亡實自戕矣 因謹按墨洲多民政之國其不以爭位致亂者惟美而已秘魯之爭總統至於兵交於都城而智利又甚焉然美於舉新總

日記 卷八

十三

統之年南北黨之相爭雖未用武其莫能相下固已無所不至數十年後美其如拓拔之南北朝乎

八月初一日 元吉晴

本日美國接駐上海領事電言中國宜昌地方會匪又焚劫洋人請添調兵船往中國云 歐洲電傳法國自割地求和於德常懷復讎之心近日法人昌言現在本國兵精糧足軍器齊全報怨宜趁斯時不得遲待德人聞此亦有戒心即已設備德皇即於本晚赴奧國閱兵與奧王相陪護商一切云 因謹按從前法皇拿破侖分裂布國限以不增兵額不增礮臺若非師丹一戰布不國矣起釁之由固在法而不在德也是役也法皇擄法都破殺傷共五

十萬人法國制來因河以東之地以求和賠兵費計銀七萬萬兩德以是稱霸而法遂失其雄法人恥之迄於今二十四年矣法人果能報復乎抑託空言乎如法必加兵於德是又爲戎首也民生之禍亟矣

初二日晴中夜大雨微曉

本年四月巴西國駐紐約領事招猶太人赴巴西作工昨日猶太人四十三名由巴西返紐約言巴西工價每日給銀一角七分不足敷用而伐樹割草其工甚苦故美國駐巴領事爲之載回以猶太人已入美籍也 因謹按入美籍者其利益如此無怪歐洲來美之人均入籍也巴西之待客民如此光緒七年巴西國會遣使

日記 卷八

十四

至中國求立約招工幸政府准其立約而不准招工否則踏猶太人之覆轍而無以載回則與以前自赴秘魯之華人無異矣

初三日晴夜中大雨傾盆至五更而止

昨日倫敦來電云德法奧三國大軍向來每年大操一次今值操演之期三國大軍同時調動一似有戰事者歐洲人民頗爲驚疑云 因謹按德奧已聯盟相助以拒俄法法人又有與俄聯盟之事以防德奧之聯盟且又昌言欲乘此時以報德國之怨閱時數日德與奧同時調兵法亦調兵旁觀因疑其有戰事而不知其實合操也因意德奧合操之時法之視國者必隱觀其軍容如其不壯則法將與報怨之師商書之所謂兼弱攻昧也如其實壯則

法當緩構兵之議周書之所謂度德量力也此可悟交涉之道矣國勢強則敵國隱弭其覬覦國勢弱則外國顯生其叵測而強弱之勢並不待戰而始知也其綢繆未雨哉

初四日晴

美政府以駐上海領事來電言中國湖北省之宜昌府城又有會匪焚劫教堂洋人逃避雖未傷人而財產悉遭搶掠遂擬添派兵船因急命車赴外部查問以是日係外國禮拜外部不到衙門乃改明日 因謹按哥老會匪我中國之大患也其人皆游勇及流徙無家產之民故好有事其焚劫教堂者欲中外之開釁得以乘機爲亂耳州縣姑息養姦率事隱諱每一教案出

日記 卷八

十五

朝廷賠款十餘萬至數十萬不等而不盡參劾示懲宜會匪之日熾也

初五日晴

午刻赴外部衙門見署外部大臣華頓先作寒暄語然後敘及公事問曰九月三號新聞言貴總統貴大臣因中國宜昌地方有會匪滋擾洋人一事擬添派兵船三艘赴華信否外部答曰宜昌會匪已懲辦否因答以此時尙無確信然我政府斷不容漏網也外部曰前此各處會匪滋事中國辦理從嚴此次當不寬縱我國亦稔知之故添派兵船一節雖有請者已作罷論因領之遂辭出聞美國已認智利議院黨爲新總統

初六日晴

初三日倫敦來電云俄廷商籌巨款法國巴黎銀行允借銀一千二百萬磅每年四釐行息又云本日法軍大操法國外部大臣已請各國使館人員同往閱操又云聞俄國政府已添派兵勇十五萬人赴波蘭省之戈梭埠防守查波蘭往日係自主之國地在俄德奧三國之間嗣為三國所滅瓜分其地此埠係形勝之地故俄添兵設防共計有戍兵五十萬云 英國以印度人為兵駐防緬甸者每百之中患病者有六七十云 俄國核計西比里阿與共東方所採之金自西歷一千八百三十四年至一千八百八十七年計之有二千九百八十二萬五千兩黑龍江各處與潑立旨司

日記

卷八

十六

紀地方所採之金在一千八百八十八八十九兩年一有二十萬三千兩一有二十四萬二千兩合前所採總計之共得三千二十七萬兩 因查古之金價不若是之高也即中國二十年前之金價亦不若今日之高也其故由外洋各國皆用金錢故金不敷鼓鑄而價日長耳西比里亞為產金之區其實奉天黑龍江皆產金之區也外洋均於上海購中國之金若開採得我東三省豈讓美國之富饒乎

初七日晴

美兵官來講談及近來德法兩國均已各增兵額上年德國增兵十九萬五千五百零二人內四千一百二十一人係充水軍法國

增兵二十萬四千人較之德軍多增八千四百九十人 因謹按歐洲各國蓋無一日而忘戰也時而增鐵艦時而增槍礮時而增兵額時而增戍守蓋即以己之心度人之心知我之所日夜淬厲以期抵人之隙乘人之閒者敵國亦猶是也勢不均力不敵則外侮乘之此所以休兵無日而稅斂日苛也然亦為騎虎難下之勢無可如何矣

初八日晴

昨日德國柏林來電言俄皇現遊丹京前擬由德國返俄順道與德皇相晤一節此次已電知德國政府不能如約矣想俄法兩國近日結好情形層見疊出俄皇恐與德皇相見難於措辭故託故

日記

卷八

十七

由丹馬返俄云 因謹按歐洲諸國君臣機心機事無日無之亦其所處之地不得不然也我

國向以坦白待人無詐無虞去古未遠然以此交涉多失便宜易曰無有遠近幽深遂知來物左氏曰民之情偽盡知之矣古人早有見及之者但熟觀戰國策則得其端倪矣

初九日晴天氣漸涼

美國軍械所人員言近製就無煙火藥昨日驗用與各國所造者不相上下查歐洲各國無煙火藥其製法不令人知今由本國水師部化學博士留心考究多時近來始能自製云 因嘗謂泰西各國開礦之利製器之精其原皆由於化學也化學既精則持源

以往惟所用之無不如志講洋務者亦盍探其源乎

初十日晴

美國副戶部大臣查英美交界地方華人潛入美境一事茲據英屬可倫比亞之云古華埠關吏稱自本年正月一號起至七月十五號止華人由華抵埠者計七千九百人其中赴美者約百之九十五云云因查英美界限山云古華埠至滿里奧阿計千餘米其間處處可通而北達哥他省北界自西徂東計數百米之遙看守人員祇乘馬巡捕六名又敏他拿省之北界計五百米並無一人看守且有引帶華人入境者擬下年與議院商設法以嚴防之因謹按自古無久而不敝之法不以窮變通久之道濟之雖聖人

日記 卷八

十八

不能治也美之立國也聽客民之入境中國之立例也禁華人之出洋乃至今日一則立例以限制入境之民一則設官以保護出洋之民且一則欲限制而不能一則欲保護而不盡非立法之有弊實時事之變遷也是於沈幾觀變之士不反古亦不泥古

十一日晴

美外部接美國駐華公使電謂近日會匪在宜昌鬧事美國教堂被燬水師部仍擬添派兵艦赴中國保護教民現有泊紐約之兵艦名白脫釐耳即令赴華又英報言湖北漢口地方幾釀事端幸英兵艦調兵帶格林礮登岸彈壓會匪寒心事遂解散云 因謹按會匪為患日甚一日由其黨羽潛多蔓延日廣也前此地方官

竟無能清其源者其劫掠本國商民則事掩飾其焚搶外國教士則事賠償掩飾則百姓含冤賠償則庫款支絀均於民生國計有妨因警疏陳矣惜乎至今未已也

十二日晴

初十日柏林來電言俄國欲取土耳其都城人所共知近數年來謀此不遺餘力現俄國兵弁假冒工商在土國都城刺探虛實但伺其無備即調精兵三萬人襲而取之云 因謹按俄人二百年來無日不以蠶食鯨吞為事歐亞兩洲小弱之國鄰於俄者俄實盡之茲歐洲尚有土耳其阿富汗勃爾加釐亞羅馬尼亞希臘波斯等小國亞洲只有朝鮮日本兩小國俄人之意未嘗一日忘也

日記 卷八

十九

數十年中當不能無忽諸之恨者矣

十三日晴

辰刻土耳其都城來電云本國米地林之昔稱力島英鐵艦已派兵數隊帶格林礮數尊上岸踞之該島之名即改為君亞英吉利取當今女主所有之義從向例也此島係米地林之緊要海口英水師將於此為米地得藍尼之英兵船會集之所並資屯煤 因謹按此英人之所以敵俄也俄覬覦土耳其謀襲取之英保護土耳其謀密防之其事並不著迹如國手之棋兩相牽制而絕不露攻劫之形俄人蠶食之謀其庶幾稍緩乎

十四日晴

四號報云聞法國現調兵一隊屯紮德國邊界德國亦調兵防之  
法國水師兵艦一隊駛往康斯日城時俄王特命該城俄官優  
禮相待並自行設宴款待法水師提督一切武弁毫無閒言不知  
何故法廷忽有廷寄飭本國駐土公使暨統帶水師提督嚴防俄  
人佔據康斯日體拿怕爾都城云 因謹按歐洲之勢蓋無日而  
忘戰也其外修玉帛之會如古之觀遇朝宗也其內修矛戟之威  
如古之蒐苗獮狩也必使勢均力敵而後可以立國乃可以安民  
所謂以戰止戰其用心深矣

十五日晴

是日設醮 倫敦來電云土耳其國政府已告英之駐土國公使

日記 卷八

二十一

名外衣德言以昔稱力島之事英使答以不知及固詢之則云此  
或英之水師上岸操演以期得力耳 因謹按交涉之道於此宗  
公案出使者斷不敢漏師多魚不知為不知理固應爾即使知之  
而推為不知亦理應爾非敵國之所能責備也為土耳其計當求  
耳目之遠偵探之廣不宜與羊謀羞與狐謀矣

十六日晴

英兵艦佔土耳其之昔稱力島本日又聞該上岸兵隊是晚已登  
舟且該兵艦已開往麥馬力多地方矣 墨西哥國駐美公使已  
調回現由參贊代辦交涉各事 是日美總統由避暑之地回華  
盛頓 因查美國自總統以至各部議院無不出都避暑逾三月

而後回而事不叢脞者簡也簡則節目不煩而弊亦不多凡立法  
以救弊者不知所立之法即弊所由生也美國之為治可謂簡矣  
未嘗無弊而弊不至於甚者則上下毫無隔閡之故也

十七日晴

法國游歷人員來見言昔曾至中國者因訪以近日德法時事據  
云近日德皇在本國麥爾好生地方閱操第十隊與第四隊軍分  
為攻守之勢第四隊為提督亨尼書所領以大礮置格爾哥夫山  
顛而列隊於山麓以迎敵第十隊係男爵紐老漫統領為攻敵之  
勢均川無煙火藥故只見火光而不見煙閱時既久乃能具見認  
真講武法國現亦操軍矣談逾時而辭去 因十年前在京供職

日記 卷八

二十一

時聞德國操兵而法人效之德國乃創為夜操以後又未聞焉今  
則操無煙火藥之用此藥創未數年蓋既得風氣之先而遂欲精  
習之以適用也

十八日晴

昨日英國駐美國公使彭士芬照會美國外部以今年英美所訂  
合同在祕林海捕獵海龍不得逾七千五百條之數今美公司已  
逾其數而貴政府不禁有違合同定章云云 因謹按美國之專  
利可見矣其始假仁仗義謂英人捕海龍太多恐類竭澤而漁以  
致不能蕃息而議禁捕致拘英之漁船乃以英政府執言詰問遂  
為模稜之說限以額數淺者視之必謂美人之仁心仁術矣今乃

自逾其額致啟英人詰駭然則美國前此所云恐其竭澤而漁以  
致不能蓄息者乃假託之辭實欲拒英之捕以自專其利也各國  
交涉用意大抵如斯無以防之則脂膏暗耗歷久豈有不貧者哉  
十九日晴

美國軍械所以近年各國所造礮彈愈出愈利雖堅厚鐵甲亦可  
洞穿必得一物見水即脹大多倍自然閉塞所穿之口使水不能  
入則船不致沈因查得一物名舍有螺螄者殊合此用丹國巡海  
兵船名協拉者現已試驗知其可用云 因嘗聞臺灣基隆之戰  
法人預測量中國之礮口礮彈先為木楔以備衣裯之用今丹國  
乃又思出自然閉塞之法則船雖洞而無妨不得謂非巧也然亦

日記 卷八

二十一

僅防實心彈而炸彈終不能防也

二十日晴

法國兵船向來轉動大礮裝藥入彈等事其運機器均以水力近  
電學家考得以電氣運動較為靈便擬一律改用電氣云 本日  
美總統派下議院紳馬羅為嘉省北方按察司 因謹按馬羅最  
惡華人前此請立新例迫令華人領照其無照者即逐出境又上  
條陳言中國除公使之外一概禁絕不准來美其求見好於工黨  
久矣總統派為刑司信乎聲應氣求一鼻孔出氣也  
二十一日晴

本日美政府接俄國電云俄國今年歲荒收成甚薄且有數省亦

地無收現在下令禁止糧食出境并招商來美國且意埃及國採  
買糧食接濟云云 因謹按俄國之荒甚於中國前此河南山西  
之荒而尚不憂餓殍者鐵路之力也然至於收成之日而即為乞  
糴之謀其歲歉亦可想矣中國北邊一帶毗連之處俄人或無暇  
開邊也夫

二十二日晴

美國近來整頓水師添造兵艦試礮驗甲不遺餘力現造新式兵  
艦多艘次第告成保守本國海口可恃因籌及遊弋重洋必有添  
煤之地上年曾特派公使赴奚提國近古巴求給毛山尼克拉司  
一地該國不允茲聞美政府欲以鉅款購聖駝馬島於丹國查此

日記 卷八

二十三

島居南北兩墨洲之間前此二十三年美國曾與丹立約願以美  
銀七百五十萬圓購入版圖嗣以議院不肯撥款而中止茲又與  
丹國婉商事關軍政議員當不再阻撓矣 是夕接倫敦轉到總  
理衙門電言英人黨於會匪為會匪私購洋槍三十五箱且屬告  
美外部 因謹按洋人之嗜利無忌其積習然也中共通商條約  
本有不准販運藥彈槍礮一條然違者不過入官外國刑律至輕  
犯者不過監禁是我之受害重而彼之受患輕欲其不犯固不能  
也惟稅關之稽查能使絲毫無遺則彼無可得利庶幾不為冀以  
此杜之耳

二十三日晴天熱



午刻赴美外部衙門見署外部華頓告以鬧教之事實係曾匪前  
 十二日中國上海稅關查獲私運洋槍三十五箱乃由香港運至  
 鎮江者係英人梅生經辦又於梅生行李搜出炸藥五磅梅生為  
 鎮江關稅司幫辦當即解滬據供英人愛司美在香港代鎮江會  
 匪購辦軍火內有頭目為英人泰山另有洋人六名均住虹口總  
 署已照會英使速飭領事拿訊云云華頓云中有美人否因答曰  
 似無華頓曰既無美人我可放心矣因遂詢前貴大臣言不添派  
 兵船至華似聞又有添派何也華頓云前未聞宜昌之事以為中  
 國會匪已靖今聞宜昌會匪兇殘甚熾故略增一二淺水之船會  
 匪如此猖獗我國向來有兵船五六艘往來中國豈可此時尙少

日記

卷八

二十四

於前如有過於受虧之處致傷兩國交情事後之爭論不如事前  
 之綢繆也可共諒之因遂辭出

二十四日晴

聞律師已回遂往謁之告以戶部新章不肯認前此金山領事所  
 給華商來回之照又立例以後金山紐約不得給照給照必由中  
 國政府此例甚苛前曾電請速商之戶部戶部意見如何律師謂  
 前得電時即函致戶部言戶部於前二年已許華商由金山領照  
 作為回美之據今領照者已有四五千人而忽然不認此照是不  
 信也不可以告人戶部已允前此之照仍准返美當電飭金山稅  
 關矣至自九月起以後不得再發此項護照即有亦作為無用矣

因謂給照一事前此本已訂定今又立例廢之理應駁詰律師云  
 立例為防弊也因有弊端故立例防之例既立定雖駁何益因仍  
 執前說律師云俟緩商之因遂辭出

二十五日晴

因今年春赴秘魯值智利國內亂寓居該國之華人求為保護因  
 遂謁駐秘魯之英公使託其電駐智公使代護華人英公使允之  
 茲接駐秘代辦吳濬來函言此次智利之亂英公使為旅智華人  
 身家財產開單照智政府如有損失則請賠償故此大智亂經年  
 華人尙無受虧者云云因深慰焉 因謹按光緒七八年間智利  
 與秘魯交關華人之死者五千餘人損失財產鉅萬無郵無賠可

日記

卷八

二十五

為恨事此次智利內亂不過一口舌之費轉託英使遂能處險如  
 夷其機括與巴拿馬厄瓜多同而華人之受益則又過之豈不幸  
 哉

二十六日晴小雨

美紳某言近日法國各軍大操各國政府均派武職大員赴閱德  
 國武員閱後函致本國政府稱法國步兵分隊而戰進退整齊練  
 熟之至及其合隊而戰行伍井然氣象雄壯頗合古時希臘國之  
 步隊云 因謹按烏孫希臘埃及猶太波斯其立國甚久蓋舊邦  
 也烏孫即俄羅斯之轉音自漢至今日漸盛強波斯尺土尙存未  
 必能久猶太民已散至四方希臘終當入俄埃及終當入英希臘

古時步隊德人稱之則亦往年一強國也今不然矣盛衰倚伏治亂循環考古者以之喻時治國者宜爲殷鑒焉

二十七日 小雨晴天氣轉涼

美國與夏威夷國前所立報施條約夏威夷國土產至美國一概免稅美國則以夏威夷國所管之普爾夏巴地方爲美水師船塢并准美水師官兵隨時隨便來往夏主已允而其民則以爲如此報施似夏國已歸美國保護故夏主不敢批自女主即位遂背美向英美兩國亦不免夏國之糖稅夏商苦之現美國又設法與夏請中前約云因查美國已擬購丹國之聖駝馬島又求海帶國之海口今又求夏威夷之普爾夏巴無非注意兵艦添煤之地欲其水師稱雄於日

記 卷八

二十六

墨洲耳自英之兵艦天下莫強而商務亦極盛美誠富矣而強則不及故英義多悔之此其所以綢繆未雨也夫

二十八日晴

二十三日倫敦來電言俄皇與衆軍官正整飭水陸軍士兵馬糧草以備出師至土耳其都城因聞其宗室某公主訃音而止 因謹按此必有他故也果欲出師斷不中止且所以中止者非大故也軍情秘密傳聞異辭仿春秋之例疑以傳疑可耳

二十九日陰

昨日新報載亞洲之中俄國之西北里亞英屬之印度中國之新疆三國交界之地地勢平衍名爲巴美爾近爲俄國所踞英國屢

派武員前往偵探防俄人之侵印度也茲俄京來電言英廷如再遣員赴彼查勘必啟釁端云 因謹按俄人蠶食各國之地蓋無歲無之也此次所踞之地可以窺中國之新疆可以窺英屬之印度厝火積薪待時而發無以禦之則俄人又得遂其蠶食之心其綢繆未雨哉

三十日晴

外部總辦來見言中國會匪陰謀藉焚燬教堂以起事英國奸人干預其事故爲代購軍器中國官員亦多干預其事者聞有某道員之子與會匪來往業已十年公館中藏有洋人衣服數十套以備臨時應用云云 因謹按湖南道員周瀚著書闢教固以人心

日 記 卷八

二十七

世道爲憂而惜其不能審時度勢也某道員之子結會匪製番衣兼入會教誠不知其何心然或者少年無行其父或未知也從前林清倡亂內監尙有通者會匪以入會惑人邪僻者多信之地方官吏如時時查察何至蔓延也哉

九月初一日 元吉附

歐洲東境保士波海口俄國戰艦之在黑海者出洋必由之地英嘗與土耳其立約以重兵守之不准俄艦出入茲因土國有小局在歐洲之南前爲法人所踞英人爲之奪回而索兵費土國乃將該島交英暫管准其收稅收滿交還現已收滿英人尙未允還土王卽照會俄皇准其兵艦出入保士波海口俄皇大喜現聞英廷

急於地中海等處設防云 因謹按地球各強國無不以侵佔土地為心俄人注意於鄰封遠交近攻之計也英法德美注意於屬島長駕遠馭之謀也兵艦以煤為氣力無煤則不能行越國鄰遠兵端一開則局外之國當守局外之公法不得接濟以煤此所以注意於島也此謀國者之深心也

初二日晴

仰光西報云現法人已踞暹羅國之呂汪及不林望兩處地方查法人久已垂涎越南暹羅越南已得欲猶未厭所踞之地已逼近英之東印度俄國又開拓至印度之西北兩強國山三面而來為英國計宜力助暹羅無使他國踞暹以爭印度查該處有江楓地

日記 卷八

二十八

方為暹羅要隘英宜踞此以阻法軍 因謹按暹羅向貢獻於中國修藩屬之禮近年以來漸攜貳矣其地與越南緬甸接壤故英法兩國皆垂涎英人則謂已入牢籠不畏他國之攘奪法固不甘心也將來兩虎爭一羊分裂不勻其不免戰事乎然而法固非英敵也水師不如英也

初三日晴夜雨轉涼

本日報言小呂宋之東有羣島名嘉羅蘭者日屬也美國教士向在彼傳耶穌教而日國向重天主教故島民屢毀教堂虐教士地方官以教士非同教之人不為保護美廷曾照會日國駐美公使案懸一年未結美廷遂向日廷索償聞日廷以美國教士所傳之

道非日國例所准將請美政府撤回教士至於已往之咎日國不能不認焉 因閱此而歎洋務之不可不熟也教不同者不能相強以傳道故俄以女配英儲曾先訂明俄女自習希臘教英儲自習耶穌教不相合也亦不相妨也我中國自奉孔子教耳自成豐十年之約泰西以設教要求當時無知洋務者以不同教拒之貽禍至今致外侮糜庫帑傷國體過此以往猶未已也可勝慨哉

初四日小雨

智國內亂甫靖英德義日等國公使擬向智廷為本國商民損失財產者索賠約共美銀二百萬圓云 因謹按古之邦交皆盛言救災恤鄰之義今直幸災樂禍焉耳國弱則召外侮內亂亦召外

日記 卷八

二十九

侮戰戰兢兢日慎一日庶幾免於今之世乎

初五日晴

聞會匪鬧教之案蕪湖一處法使索賠銀十一萬兩且須割教堂以後之空地及山界之云 因謹按自洋教入中國秀民多歸之其平居無事秀民則藉教士之勢以魚肉善民至激成事端教士又藉該國之勢以囑咐官吏所求必得所欲必遂匪特國帑為之虧國體亦因之喪也惜哉

初六日晴

金山總領事詳請戶部新例為省察院批准華商不便擬即上控請向律師科司達熟商遂訂見於午初刻此往則墨西哥派往日

本之公使已到因先見商所以駁之之道律師謂立例已定駁亦何益因謂當援約以駁之蓋例者美一國所立約者中美兩國所訂中國可以不循美國自立之例美國不能不遵兩國共立之約也律師言外部布連尙未回署外部無此權因言布連月底可回中國公事合先預備故先商之不得再緩律師謂且先商之戶部察其意見如何再照外部方不造次因許之遂返

初七日晴

美國認真整頓水師事屬創始製船鑄礮利弊不能洞悉兵部謂現在造成之兵艦如渣爾斯頓之類者有六七艘費鉅而不合用以其甲薄而不能禦彈行緩而不能及人且需煤甚多今擬不再

日記

卷八

三十

造矣水師部謂以後造船只用三式一則甲厚礮巨足容萬噸可敵他國上等鐵艦已定三艘皆峻尙遲二則厚甲巡海船駛行必速以爲緝捕敵國商船之用三則小礮船容一千噸爲行淺水之用將來造齊雖英國水師來攻亦無能爲矣 因謹按此可以窺美國之用心矣美爲自守之國向不以兵力佔他國之地而各國水師之強於美者輒陰以兵力協美如現在之英國義國是也故其所言振興水師者並無鄙遠之心但謂英之水師來攻亦無能爲則義更無論矣此美入之心也

初八日晴

軍械向以鐵制德國以其質重而難運動擬代以鑲精現向美國

扣爾士公司購用計銀十萬圓查鑿精係山自鑿化出似鐵而較輕 接總理各國事務衙門文爲墨西哥國立約事即札飭金山總領事查明詳細情形 因謹按墨西哥之求立約與巴西同爲招工耳既爲招工則約可不立矣然我能拒其立約而難禁其招工即能禁其招工而不能盡禁華人之往至於華人之往者日多或被欺陵而求保護則後時之立約補救又不如先事之周章也此最要也

初九日小雨

本日新報云俄國商人以各國貨物由黑龍江運入境者須增稅則應於該處擇地設立稅關且西比里亞鐵路將成將來買造必

日記

卷八

三十一

盛應加增入口之稅以保本國利源 因謹按俄國之兵強矣而富尙不敵數大國者振興商務不如數大國之縝密也今亦漸講求矣所以開西比里亞鐵路而於瀕太平洋設船塢者蓋非僅長駕遠馭而亦期通商也惟黑龍江係中國地方而擬於各處設關收稅已欲強富而侵削鄰封乎然而俄人損人益己之心固不自今日始矣

初十日陰天氣轉寒

美國製造局言近有炸藥一種名天地市者其性極烈現在法國之黎埠試驗其炸力比尋常炸藥加至四十倍云 因謹按泰西各國爭勝其習然也然軍旅之事特患其不爭勝耳檢之由前入

藥彈者改而為後膛矣又改而為來復綫矣礮之三五千觔者改而過百頓矣船之鐵脇者改而為鐵甲矣不知者以為奇技淫巧其知者以為出奇制勝也平心而論易地以觀不視其所言視其所行不察其立言察其立國強弱之勢勇怯之形不可掩也焉可誣也

十一日細雨

前聞美國博士有能致雨者因不信茲閱初八日報言美國西南諸省曠地旱多雨少故不能舉茲有博士講求氣學於風雲往來潛心考究因得擊雨下降之法呈諸議院議員以事關農政撥銀九千圓俾資試驗山農部派員偕往常旱之箇沙司省該博士以

日記 卷八

三十二

氣球炸藥空中轟放立即雲行雨施屢試屢驗徧灑數十里至數百里不等云 因查外國之輪船火車電氣燈律風電報氣球其初創也人皆不信致雨之法因亦不敢信也惜未親至其地觀之

十二日晴

俄法二國聯盟立約已一年餘近又續議增添多欸以期周到兩國政府不日可以簽名其續增之約尤為祕密各部大臣均不與聞云 因謹按當今之世非力敵勢均斷難立國也德義奧合縱以防俄法俄之地利險阻自守尚可無虞然水師則不能敵三國矣法之強不如俄非但水師不能敵三國陸軍亦不足自守然則

俄法之連橫亦事勢之不得已者乎

十三日晴

法國代辦公使戴布萊謁見談許久而去 聞美國水陸各軍所需無煙火藥向來購自歐洲茲美廷以不能自造既耗公帑將來如有戰局歐洲守局外之公法亦不能來擬在賓省富蘭科埠設局專造無煙火藥并炸藥已由各製造廠為造造火藥之器具矣

因接凡槍礮兵船不能自造而購於他邦者昇平之時似使及有戰事則必掣肘蓋萬國公法兩國交訂則別國應守局外之例無所偏袒甲申中法之釁德國先為中國所造鐵艦雖已造成仍不肯交此前事也至於銀錢流入外國以致國帑空虛又其次矣

日記 卷八

三十三

十四日晴

各國公使於墨西哥使館商輓德公使事惟俄使未到英公使彭士芬創言先發公函唁之將來如何送奠再行通知質之各國公使均以為然遂散 俄儲之赴日也日君犒其從者一千圓茲俄儲抵國後電滙五千圓為賞日本官員前充迎接侍從者 因聞俄儲之赴日本也日人欸之費銀十六萬圓豈祕之不使人知歟奧之待俄儲也可謂盡禮然不久而俄兵即逼奧界焉立國之道以自強為第一者以交鄰為第二者其庶乎

十五日晴 謁法代辦使事戴布萊寒暄之後因訪俄法聯盟之事該代辦言

未與聞故不知詳細然總有益於歐洲昇平之局云 聞日本朝廷近於朝鮮國事最為留心且云無論中國俄國把持朝鮮朝政日本必為中理云云 因前聞日本因行刺俄儲一事畏懼之至遂宣言將來俄國如有事於朝鮮日本決不掣肘是所以媚之者至矣今乃又此言因決知其偽也否則直指中國而言而連類及俄耳狡哉

十六日晴

聞俄國所佔亞洲巴美爾之地已侵中國之界中國已由公使詰問而俄兵又犯阿富汗地方英人憂之茲聞俄兵又窺羅馬尼亞國已紮營於該國境上羅國嚴緊設防云 因嘗謂俄之國勢實

日記 卷八

三十四

七國時之強秦也比鄰小國歲有并吞歐洲雖合縱禦之但能保全土耳其阿富汗其他究鞭長莫及也然蠶食漸近將來土阿兩國終不能保何英德能制拿破而後不能制俄耶則國事異也 十七日大雨至中而止日出

十一日倫敦來電謂前三日俄國有鐵船名拿伐林及半鐵艦名底尼同日試水尚有破艦一艘不日亦可試水水雷破艇數艘黑海所需兵艦現已興工製造俄國於加增水師可謂認真云 因謹按俄之兵額至二百三十九萬人而讀書者不過十中之一可謂重武輕文矣乃其國勢日強版圖日擴幾於縱橫無敵焉則不得讓其計之非矣豈風會使然耶亦形勢足恃也

十八日晴

金山領事來電云金山稅關又附會戶部新章不准持照商人上岸請速設法當即函致律師往見外部外部立照戶部戶部許電稅關准華商登岸但須具結候總察院核定戶部新章如何再為定奪遂電金山領署以戶部之意詳示之并發一函

十九日晴大雨微曉

新報云俄人數百名往中國之西藏遊歷俄人之遊歷者屢矣其母乃有窺伺之心乎 因謹按我 國家之於西藏特設大臣經理較之琉球越南不同他國有窺伺者可援公法拒之

二十日晴

日記 卷八

三十五

美國新創電氣輪船不用水火專以電氣激動機器其行之速與川水火相似轉折亦靈聞已帶至中國矣是美國又開一利源也 因謹按美國之用電氣以之行車以之行舟又以生馬力至九百萬匹以運機器而供製造聞傳聲筒亦係電氣能以人所言者留諸筒中寄至萬里之外存至十年之後啟而聽之如親聲欸其用神矣

二十一日晴

金山總領事來文工黨欺凌華人以草麻油塗其身並毀其室即將案交律師 昨日俄彼德堡來電云該國新製鐵艦名拿伐林那容九千五百噸長三十三丈馬力九千匹猛駛每半時可行十

六海里鐵甲厚十二至十六英寸架十二寸口大礮六尊六寸者八尊速放礮十尊放水雷之管六具已下水矣又有鐵艦二艘一名格來也是居一名阿伐尼稍小亦已下水 因謹按俄人鐵艦日增彼德堡在歐洲而亞洲地方無添煤之地此其志在歐洲可知矣

二十二日晴

本日新報云美國賽珍會戶部已商之律政大臣據律政大臣斷定謂各國赴會帶同巧手工藝幫辦事務不在禁止各國合同章程之內中國赴會帶同華工幫辦會事者應不准上岸云 因謹按此顯有軒輊之見也各國之工則以巧手別之所以為入境地步也中國之工不言巧手所以為不准上岸地步也欲蓋彌彰矣

日記 卷八

三十六

二十三日晴

夏威夷國女主之父名刻來鶴來美修好總統及外部與之宴婉詢曰聞貴君主親英而疏美何也刻來鶴答云地球之上與美最鄰近者夏威夷耳英則隔大西洋矣焉肯疏近鄰而親遠國乎總統嘉之 因謹按美君臣之結好於夏威夷者籠絡之也太太平洋之島國夏威夷為近美如有事亞洲亞洲有事於美兵艦於中途添煤惟有該島所關係者大矣此美之所以厚禮該使也

二十四日晴

昨日俄國彼德堡來電言俄國出口之糧食太多適值歲飢遂致

不給此時待哺飢民已有十三兆人口云 因謹按俄人好武合乎大兵之後必有荒年今無食者至一千三百萬人不知何以賑濟俄如因此休兵息民固俄民之幸而亦鄰近各國之民之幸也

二十五日晴

十八日報載俄人侵踞巴美爾地意在兼并中英兩國已詢之茲據俄京來電謂英俄兩國為爭亞洲土地常有齟齬現爭巴美爾之地正宜乘時一決勝負以善其後云 因謹按此可以知俄人之心矣亦可以見俄之強矣其心以兼并為事出諸口而無忌憚者習焉不怪也歐洲強國無敢與英為敵者法之搶攘為傑猶降心於英焉則其他無論矣乃俄人昌言之而英人受之此可以規

日記 卷八

三十七

國焉

二十六日晴

某教士及武員來講談及俄法聯盟法國提督赴俄俄人盡禮相迎至於破格行啖口昇肩之禮實因俄國所佔土擔保路城係法國屬地欲法國不索回云 因謹按俄國處心積慮固無日不以兼并為事也其於弱國之地如取如搗無敢與校矣法雖不如俄之強然其水師固非俄所能敵也俄雖奪其地而不能不備於中故為此卑禮降心之舉乎

二十七日晴

午刻赴外部衙門見布連寒隨甫畢因言自光緒十四年美國自

立苛禁限禁華人經前公使張蔭 照會駁詰本大臣莅任具文  
駁詰者凡五次又兩年矣貴大臣意見如何應請照復布連曰苛  
禁之例本大臣亦不謂然乃商之總統及議員迄無端緒故未能  
復因曰今我總理衙門屢次函詢實難再緩幸連商之布連曰現  
在必當急議以期報命因又詢中國教案均已嚴辦美國尙派兵  
船赴華何也布連曰前所派者已留紐頓一艦不令開行且亦不  
再派矣美國必不爲難也因遂辭出

二十八日晴

美官武弁談及英皇之孫英儲之次子名佐治者六部派充安身  
鐵艦管帶查此鐵艦容一萬六百噸馬力一萬一千五百匹弁兵

日記

卷八

二十八

五百八十人巨礮十門海軍中巨艦也 因謹按英之太子前曾  
遊歷歐洲并至印度光緒十六年又遊亞洲至中國日本矣今其  
子又充兵船管駕亦如股之高宗學於甘盤迺於荒野閱歷深而  
見聞廣也宜其強也

二十九日晴

智利議院黨戰勝即位後曾派兵看守美國駐智使館茲美國兵  
艦水手上岸又被殺傷多人美公使照會智國外部外部覆辭不  
遜美廷已議調撥兵船赴智問罪矣 外部大臣布連答拜 因  
查美國駐智公使於智國內亂不守局外之義而干預其事故議  
員黨即位後即窘辱之然智非美敵也徒洩一日之忿以快一時

之心美國國體所關如與爲難則是一波未平一波又起矣  
三十日晴

輪船公司律師來見爲華人來往之事也詢及英政府以俄人侵  
踞亞洲之巴美爾地方將不利於印度請諸中國准其在新疆之  
喀什噶爾地方添設領事及武職大員各一名駐紮於彼信否因  
答以未接我國政府公文不知果屬實也律司又言英廷已飭印  
度總督練兵嚴防又令沿印度西北邊界一帶火車鐵路歸英員  
管理以便轉運矣 因謹按巴美爾當係不毛之地古所謂甌脫  
者也俄人好蠶食故樂得之以擴其邊英人善防俄故嚴備之以  
遏其勢但使俄不侵阿富汗英決不因此而興戎也此可料及者  
也

日記

卷八

二十九



出使美日秘崔日記

十月初一日 大吉晴

中華書局  
影印

金山延律師利亞頓來美都駁詰苛制華人來美之例因來見言  
已控諸總察院大約七日後可定奪也因詢以美義兩國交涉之  
案利亞頓云美國之意欲以待中國者待義國至今未聞轉圜因  
曰義國將聽之否利亞頓曰向來各國交涉之事以強弱為權衡  
義國海軍強於美未必甘心受之且看以後如何耳談許久乃辭  
去 因謹按利亞頓以強弱論交涉則不徒論理而論勢矣義國  
海軍強於美未必甘心受之然則義國海軍弱於美將甘心受之  
耶因以為弱者受之非必甘心特不能不受耳有國者不可以不

日 記 卷九

強

初二日晴

至外部大臣布連宅謝步又至律師利亞頓處在座美國官紳二  
人言法國近為日本造鋼甲戰艦三艘均容四千二百七十八噸  
又水雷船一艘又擬籌銀九百萬磅添造新式鐵艦十一艘聞日  
本因此次中國兵船至橫濱自知海軍不及且僅有致意達一船  
每半時能行六十里其餘均係舊式故不敢不添造也談久因先  
告辭 因謹按此海軍之效也前此日本覬覦臺灣猝以兵船運  
兵犯境中國海軍未立措手不及至費銀五十萬兩今海軍漸強  
日本深懼報復故急於籌添如所添之船告竣中國海軍又似不

及應審彼己之勢及早圖之

初三日晴 中夜大雪

接北洋大臣電云吉林將軍電現派員在滬向禮和洋行購美國  
十三響八轉筒馬更快槍千枝請轉電駐美星使於起運時查驗  
是否新造有無用過及工料不精云鴻冬當即函致紐約並飭緝  
譯查明該槍出自何廠以便察驗 巴黎來電言俄君前日由丹  
國回俄德主以伯林為火車必出之路訂與相晤俄君乃乘輪船  
旋繞避之不與相見其不洽之意顯然云 因謹按此法人之所  
深喜也俄德不睦則德須防俄而法人高枕矣

初四日 大雪至地而化午刻止

日 記 卷九

從前歐洲各國畏俄之強而蠶食屢次聯盟不准俄國兵船出黑  
海以達地中海近有俄商輪船公司藉開西比里亞鐵路載鐵路  
器具竟由黑海而出土耳其阻之俄國駐土公使駁之仍准放行  
各國皆詫異云 因謹按此俄人之覬覦歐洲也由是以觀則其  
與法聯盟也實為遠交之計其與德傲睨也或為近攻之謀若英  
法各國不能合力一心與俄毗連之邦必有挫師失地者矣

初五日晴

查俄商輪船公司雖稱商船實兵船也共計十三四艘容一千二  
百噸至三千四百噸不等每半時行四十餘里至五十餘里不等  
載載六英寸至八英寸六尊至八尊不等近年又在英國添購二

艘各容五千噸每半時行六十里此十餘船可容二萬數千人一有戰事可以運調一軍之衆云 因查歐墨各洲近日風氣新造商船均用兵船之式所以備開戰時擄敵國之商船而不爲敵國所擄也故商船多之國其兵船亦強英之商船俄法二國合之猶不及也中國兵船多於日本而商船遜之則以無航海之商船長江商船之利爲英商奪三分之二故也

初六日晴

九月二十二日報云俄國自知水師不敵英法欲從事歐洲則英阻之必水師強盛乃可勝英因是加意船隔戰艦以期得志於土耳其波斯高麗等處云 因案俄地環繞北冰洋其形如玦只以

日記 卷九

三

一面當敵其強以此也然其地苦寒一年之內海水冰者半年欲設船隔實無其地其水師之不如英法亦以此也今欲增戰艦但能籌費固可驟增若船隔則限於天時地氣俄人果何道以籌之其必出歐洲之黑海而圖亞洲之東三省乎是宜防之

初七日晴

前因美國駐巴拿馬領事阿丹信實心保護華人奏請

賞給寶星業已頒到外部大臣亦回美都今日備文因親送交布連布連甚悅且云俟開議院時屬議院議准即發交該領事收并先代

謝云 新報言金山華人陳某槍傷美人二名并斃巡捕一名華

人不安分至於如此欲嚴苛禁之例必不能矣 因嘗見美下議院好德其人蓋持正而不附工黨者其論亦極持平嘗謂中國富商不至美其至美爲商者大抵始於工而繼爲商者也又問有干名犯義而不容於鄉里者以美爲通逃主也美於工固宜禁然宜商之中國立約以禁之不宜廢約而直遂徑行也因觀於現在金山華人陳某而益信

初八日晴夜雨

上議院紳多福偕科司達來見科司達言總察院於華商領照之例尙待妥商多福言美國禁工苛例殊爲背約華人性儉耐勞可惜良莠不齊好爲讎殺又好洋煙故工黨得以藉口因答以美國

日記 卷九

四

刑律太寬故華人玩之如獲兇犯交中國自行辦理可做刁風多福云此條約所無當時並未慮及談久而去 因謹按多福之言尙爲持平華人如能安分美國當有正直之人爲之平反今工黨既惡其攙奪生計而官紳又惡其敗壞風俗難乎免矣

初九日細雨天氣燥熱

本日新報云奧廷商之議院籌撥巨款添設礮隊修築毗連俄界之礮臺以防俄云 因查歐洲各國遣使分駐通問不絕其君亦時時相見情好常通似無慮啟釁矣而兵額日益兵艦日增兵費亦日加戰戰兢兢時若有強鄰壓境之勢至於今而尤甚其斯爲亡者保其存乎然而民生苦矣

初十日陰

是日寅刻與盟漱朝服率參贊等員於卯初恭祝

皇太后萬壽行三跪九叩禮朝鮮使臣李采淵亦到與醮 新報

載英皇今年七旬有五精神矍鑠其孫已充兵船統領云

十一日晴

會匪鬧教一案我中國當事為之保護既事為之緝匪且允賠卹  
邦交之道盡矣聞英法等國尚要求無厭合以謀我因憶本年夏  
間俄國發配罪犯於西比里亞地方監禁乃該犯等逸出十五人  
遇法國兵官聚而殺之俄員即通知法國兵艦為之斂埋兵艦以  
西樂送葬及其旋船樂工首領又為該犯所斃俄不議卹法不索

日記

卷九

五

賠交鄰之道如斯而已然則公法條約惟勢強者可執言耳

十二日晴

答拜上議院紳多福該紳尚持正論言前此美邦殺斃義國民人  
一案已允賠卹但數甚微俟開議院時由議紳議准即照覆義外  
部矣又言中國教案美國無意作難現在駐中國之兵船名下厘  
頭已調赴檀香山矣談久而散遂至科司達處 因查紐阿連命  
案其初美政府持之甚堅非真味彼已強弱之形也嘗試而已至  
於義廷必不干休則願議賠卹旁觀者固早知其必出於此矣  
布述尚有煩言其意固別有在蓋明年即保舉總統之年也

十三日晴

十一日報言巴黎來電俄君山丹回俄拒德君不與見本月為俄  
君娶后之二十五年俄國駐德公使率隨員於使署行慶賀禮各  
國駐德公使亦赴俄使署道喜惟德未派員往似德俄兩主有不  
合形迹云 因查交涉之道歐洲各國常使持平其於利益固不  
讓矣即禮節之細微者亦不讓焉非好爭也不能持平而時時讓  
人習而慣焉他國直以為應不持平敢侮予矣俄君與德主約晤  
而問道還俄是失信於德也德亦有以報之使俄知德之不可玩  
也庶幾不示怯也

十四日晴夜小雨

英商集股由緬甸創造鐵路直達中國邊界聞每一英里需銀十

日記

卷九

六

二萬五千圓俄國琿春鐵路現在築路兵士二千五百名罪犯九  
百名工人四百名中國高麗工人一千七百名俄國石匠一百二  
十六名中國石匠三百名共約六千名且設醫院治病以求迅速  
因謹按此所謂實逼處此也英法逼於南俄人逼於北事雖未  
動機則已形彼族皆藉口通商也果僅通商乎哉

十五日小雨

聞暹羅朝廷新創一例收中國人身稅現已議准夫暹羅中國之  
藩屬也中國以字小為心而暹羅不以事大為禮豈夜郎自大哉  
蓋自日本并琉球法人踞越南英人取緬甸暹羅知中國之兵力  
不行於四裔故悍然自由耳

十六日晴大風雨有冰

律師科司達來書言劉道表之案總察院已准提至美部覆訊當  
即函知金山領事 湖廣總督張之 來電云惠人星使鑒請代  
辦好棉子二頓速寄漢口價即滙還至咸洞咸當即派參贊彭光  
譽繙譯容揆向副戶部大臣處查明又飭紐約領事沈桓詳查  
因少時讀書於山寺山多種竹時際兵燹之後徧地荒蕪竹亦枯  
瘦山僧經理之越三年而葉密陰濃柯巨如碗因詢其故僧曰吾  
刪其穢而培其根根肥則笋肥笋肥則竹肥其次年乃伐其瘦而  
留其肥則根益肥竹亦愈肥如此三年而竹復舊觀矣不善種者  
反是因查美國棉子中國之購者多矣而終不及美者則人事之

日記 卷九

七

不齊也其殆如生質之美者必進之以學乎

十七日始冰晴

巴黎來電言奧王與廷臣論歐洲時局謂俄人將乘飢動兵法亦  
整頓軍務不遺餘力乘隙而逞德奧義三國皆稔知之惟俄國府  
庫空虛如三國合力與戰當可得志云云 中國會匪鬧教英法  
德三國既約美國聯盟要挾問日本亦附和之因謁外部大臣布  
連曰美國向為仁義之邦不為囑喝要挾之謀聞之久矣布連曰  
然因曰中國會匪鬧教業允賠償聞歐洲各國約美聯合水師以  
肆要挾美亦為之乎布連曰未允也 因曰若是則因當函達中國  
政府矣布連曰可遂辭出

十八日晴

今年春夏之交美廷派員赴歐洲查客民來美情形有員名蘇泰  
士者在歐洲扮作窮民向英國招人出洋局請給赴美川資該局  
即發銀五圓六角二分蘇即附雪惠阿輪船三等艙至紐約登岸  
後告知該埠官員并告美廷以歐洲各處招人來美之局甚多即  
請議院迅速設法立例嚴禁歐洲無業窮民不准入境云 因謹  
按美廷以他國窮民入境有礙昇平之局遂派員詳查茲查得來  
美工人不止中國并禁歐洲各邦此例若行歐洲不能辨詰則中  
國更難置辭矣

十九日晴

日記 卷九

八

昨日伯林來電言德國兵部趕製帳篷以備東邊防兵之用倫敦  
來電言俄國駐芬蘭之兵調赴奧界而另募新兵駐守芬蘭云  
因謹按歐洲各國蓋無一日而忘戰也俄人伺間乘釁以冀蠶食  
鄰封凡毗連之小國如波蘭芬蘭勃爾加厘亞等國蓋無一能自  
存矣國之大者如德與奧及土耳其其元兢兢以防俄為事而懼兵  
力不敵故德與奧聯盟而土耳其則仰庇於英國此合縱之勢也  
強俄不戢歐亞兩洲其無安枕之時乎

二十日晴天氣轉暖

請律司科士達以中國所發華商之護照金山稅關有意挑剔因  
言美國既顯禁華工又陰阻華商殊違中美和約第六款今議院

將開應照會外部請問其故且禁工苛例自前任張使駁詰迄今已過三年何以尚無回覆因前此已面詢外部大臣布連布連答以必覆今又兩旬矣亦擬催之撰葉請商科司達以為是遂留葉候酌定又謁上議院紳多福

二十一日晴

美總統於十六日出都赴白耳底馬地方昨日已回 昨日巴黎來電俄外部抵巴黎俄國駐法公使率隨員迎於車廠法外部亦派人往迎是晚法總統設醴款之本日巴黎來電法國銀行已貸銀一百五十兆羅卜合七千萬餘兩於俄或以為俄外部為貸銀或以為實聯盟也 因謹按此必聯盟也貸銀為戶部之事外部

日記

卷九

九

何必親行哉或藉是以為掩飾耳

二十二日

晴午刻大風暴吹倒房屋壓斃之人甚多總統官殿所建之旗為風裂破未幾仍見日風未息

俄國向德貸銀八百萬磅德商商之政府德主以為當此時勢不應代籌遂止 因謹按俄法之交方密其意必將修怨於德德如為之貸款是藉寇兵而資盜糧也德主所見誠是矣然非禦敵之方確有把握則即因此啟釁亦未可知如以弱小者當之有不進退維谷乎甚矣立國之貴自強也

二十三日晴

日本來電云派兵艦赴中國從英法之約也領事沈桓接上海信歐洲各國兵船集上海者約四十艘因急謁外部布連詢以前言

不與歐洲各國聯盟要挾中國斯言信否布連曰美與中國交情與歐洲各國不同安肯聯盟要挾因曰審若是請發一電與駐中國公使田貝俾中國政府知美國之意則善矣布連曰美政府業行文與田貝令勿與各國聯絡今既欲速即發電可也因謝之遂辭出回使館即發電致總理衙門云各國聯合兵船要挾教案因見外部外部允電田貝不與聯合云 因按布連虎視鷹顧城府深邃寡言笑蓋梟雄也當為議紳時即昌言禁華工非有所惡於華工也要結工黨而已亦非有所愛於工黨也求得保舉而已上次公舉總統布連名居第二為哈利順所奪即現任之總統是也布連任外部長於交涉之事皆好勝祕林海峽一案總統倡之而

日記

卷九

十

布連助之遂至與英齟齬進退維谷智利殺斃美兵船水手布連主戰義大利民人在美被戕布連立意不認賠郵禁華工事亦主從嚴因與交涉諸事尚少阻撓惟駁禁工例則不見覆蓋決不敢開罪於工黨也

二十四日晴

金山來電言差那輪船由橫濱回聞俄兵一隊由西比里亞進侵中國邊界中國雖不與決裂或失地云 因謹按中國西比界曠野之地二百年來俄人所蠶食者多矣此積弊也願以前相距猶遠今則漸至逼近而俄又造鐵路兵力可及東三省其可虞乎

二十五日晴

昨晚接總署覆電云各國聯兵要挾教案其事漸息何以此時始商外部是否又有萌動抑新聞所刊敬當即覆電云沈稟兵船集滬美報日艦聯歐赴華故慮因

二十六日晴

是日戊刻赴上議院紳多福之席同席者副外部華頓水師大臣脫來施上議院紳七人各國公使六人又主人之婿席間聞美國派員查明歐洲窮民來美情形擬由議院立例禁止而歐洲各國亦已共約派員至巴黎會商自禁之策亥正而散 因查多福與密組爲同省密組惡華人而多福持正論志不同也然工黨與舉總統議紳過此以往附工黨者必益衆而華人勢孤矣

日記 卷九

十一

二十七日晴是夜微雪

本日倫敦來電云俄外部大臣與法廷訂約之事英駐德公使已咨本國言俄外部在德都已將約章詳告德主及外部謂俄法聯盟與德奧義聯盟用意相似德奧義欲保本國自有之權俄法欲守舊約所准之權查歐洲各國會訂之舊約英國不應派兵駐守埃及英兵之駐埃及者例應撤回又俄土兩國之間有小國名勃而加厘亞者俄國按約能干預其內治之事俄法聯盟實爲此也此約雖定尙未簽名據此俄法尙無與兵之舉意在先與英德奧義四國理論如其不從再相機而動云 因查埃及貸英銀至四萬五千萬兩英以兵駐埃及防俄之佔其地而失貸款也萬國公

法雖有銀出於地之說然俄之強悍又難以公法繩之俄欲英人退出埃及且以不從相機而動恐之英人究不肯從俄法亦不敢動天下事惟強者敢言之亦惟強者政行之耳

二十八日陰始冰

倫敦來電言中國會匪鬧教係在蒙古地方法國又擬聯合各國保護教人且約在北京商議云 因謹按法人至好事且好干預他國之事尤好乘他國之不靖以生事前此拿破侖第三干預日事又干預布事卒以債事今其流風猶未艾也世有畢思麻其人者乎

二十九日晴

日記 卷九

十二

近日考究美國所造快礮有五種曰吉林曰哈乞克司曰稅力司來遠曰嘉擊曰麥臣惟麥臣之機器最巧該礮長僅四英尺九寸高三英尺重不過五十磅礮管之外有鐵筒其間盛以涼水以防礮管之熱其巧處在礮機能自行動礮手但照料放初一彈以後入彈子出彈壳以及然放礮手均不必管礮機自能如意其快也每一分時可出六百六十六彈其命中也會經試驗懸靶於一百二十丈外可以寫麥臣之名於上云 因謹按此種快礮僅能及一百餘丈以置山路崎嶇之地可以守隘城戰巷戰可以當關若廣野平原敵人設開花礮於百餘丈外轟之鮮不敗矣

十一月初一日大吉晴

本日巴黎來電言各國派員在法都議各國人民出洋業已成議凡人民欲由本國他往須由所往之國之領事驗妥方准出洋美員又謂美國雖禁客民來美例尚未嚴當由議院另立新章而法國和國瑞士國已有新例禁罪犯窮民等他往矣 因謹按美國禁工之例日益加嚴蓋不僅禁華人矣中國欲弛禁工之例美國自嚴禁工之章其禁也先自歐洲中國不能問也歐洲既禁而禁中國中國亦難爭也國有人焉未可輕量也

初二日晴

謁水師部大臣上議員紳宣文摩根談最久其意謂美國之患在南北分黨中國之患在南北交訌南患在英法北患在俄也美以

日記

卷九

十三

後將裂為南北花旗二國中國則以一國力支三國雖屬竭蹶然有志振作不患侵陵視德之分支俄法猶較易也惜中國輕武重文以四百餘兆之民而不講訓練耳因謂美國苛禁華人殊不公允摩根曰華人出洋應由中國自禁美即欲禁自應相商不應徑行苛例也此外皆應酬語

初三日晴天氣轉暖冰盡釋矣午後雨西刻止

日本謂與中國通商獲益甚巨蓋海鮮及山貨歐洲以為無用而中國之銷甚多中國不過棉花米糧等物行本至輕而物至笨且運至日本仍需日本之船水脚所得亦多自二十年來所得於中國者蓋一百四十兆圓矣合一萬四千萬圓 因謹按此亦一漏

后也貨物者日出而不竭銀錢者有限而難繼故地球各國均欲貨物之暢銷而慮銀錢之出口其意深焉

初四日晴天氣熱如中國四五月時

本日俄京來電言俄廷查點本國海軍船數計頭等戰艦三十六艘二等四十八艘三等八十八艘四等二十艘大小共一百九十二艘各艦共載員弁兵役計三萬五百人云 因按俄之海軍於地球各國實可列第三也其第一法第二俄第三德與義相頡頏但德之水雷艇多長於守義之巨礮艇多長於攻蓋居四與五耳此外則數美次數日次數中國而後及日本海軍之利鈍盡之矣

初五日晴

日記

卷九

十四

昨聞俄國自蒐軍實因考近日英國海軍員弁共計六萬八千人有奇較俄倍又過之鐵甲戰艦六十二艘薄甲二十九艘巡海船二百八十二艘共計三百七十二艘而現在添造之兵艦約於光緒二十年一律可成爾時合新舊計之則鐵甲七十七艘薄甲八十八艘巡海三百三十六艘共計五百零一艘云 因謹按英之水師天下莫強乃猶按年加增如恐不及英人之志不小矣人所共知也而其用意之深非沈幾者則不能測因請得而言之英國戰艦固多然極富之國如美者悉索其賦十年後尚可幾之至於藩邦屬國布滿各洲處處有接濟水煤之地則地球各國所不能也而猶若有長慮却顧者何耶則以俄故也俄之水師不如英而

陸兵則天下莫強焉俄人又眈眈於土耳其勃而加厘亞諸國則歐洲之藩籬也且亟亟於波斯阿富汗等處則印度之藩籬也以俄人陸軍之強但有一處發難英即鞭長莫及惟以水師牽制之則俄人有所顧忌而不敢逞焉蓋俄人用兵於陸所得而蠶食者其地無多其害不驟英人用兵於海恃其戰艦之強電信之捷一日之內可以同時發縱一月之內可以隨處交鋒一年之內而俄之海軍盡矣此勝算也俄人之所顧忌而不敢輕啟兵端也 是夜駐法公使薛福 轉來總署電言京北會匪作亂鬧教宜昌教案已結事

初六日晴夜大風繼之以雨

日記 卷九

十五

昨日巴黎來電言中國駐法代辦照會法外部大臣力伯言中國各省會匪政府自能剿滅無須他國保護而法廷仍派兵艦一艘駛往天津自行保護法人該報又言法國約合各國水師以啊囑中國現已接義國覆文謂此舉非出本心所願且待他國合成後再商云 因謹按法人之好尋釁自古已然前此拿破侖第一尋釁於俄英布義日奧諸邦卒敗於俄而為其所虜近年拿破侖第三又尋釁於布藉日事以脅布國卒為德所敗國亡身虜矣現歐洲各國日強法人無敢尋釁者則尋釁於中國越南之役法雖敗挫而創不深且又得地故覬覦之念未消也中國豈無威林屯畢思麻其人乎亦在知人善任耳

初七日雨

昨日為外國禮拜例不辦事故今日約外部見期以午正因到外部大臣布連已待因將總署來電詳言一遍布連詢以貴政府之意何居因答曰一則謂會匪不過烏合中國已派兵合剿不難剋日盪平貴國可以放心一則謂教堂自應照約保護宜昌教案已結一則謂法國好為要挾貴國與中國向敦夙好勿為所動布連日前此已電田貝今當再為行文與田貝不准附和以表美國與中和好之忱因謝之又談少頃遂辭出 因與布連交涉除禁工例外公事均不作難蓋王之禁與不禁權由議院而外部無權也且布連亦垂涎為總統者不敢歛怨於工黨也

日記 卷九

十六

初八日晴

駐法公使薛來電云北洋陽電二十七八日葉提督建昌大捷建不賊勢已蹙現山建昌進剿朝陽奉天奏報亦迭獲勝仗四面兜剿不難撲滅請告外部並質西報訛言成 因昨日見外部外部言中國會匪何如是之多因答曰中國人數四百餘兆甲於地球而又政尚寬大故宵小孽芽其間此股雖近京畿然北洋大臣所練准軍精銳無敵諒不日即可盪平今果然矣

初九日晴

有美人名黎宅臣者山朝鮮回美言俄國自任保護朝鮮之責云見華盛頓昨日報 因謹按俄之覬覦朝鮮久矣蓋自日本縣疏



球法人踞越南英人佔緬甸而俄人之垂涎朝鮮愈急俄地當寒帶海口至冬必冰兵艦不能出入得朝鮮之地以其海口屯兵船則出入無阻而勢益強然不過密圖之謂其昌言自任且布告各國名不正言不順俄人未敢爲也

初十日晴

昨日倫敦來電言接印度蘭公埠電謂近日英兵在該埠南濱江戍守與中國戍軍相隔不遠華兵好放空槍擾之共在中國境界四十里之西地方名白米士領英人已據而有之云 因謹按俄英於印度邊界爭地而中間歐脫之地每爲所據彼疆宇日擴而我則漸逼近強鄰亦猶楚盡漢陽而中原多故也識者傷之

日記

卷九

十七

十一日晴

謁律司科司達已見美總統諭議院文其於義國民人被戕之事立言至爲和順而於中國拒布萊爾事頗不慊意且於禁工苛例毫無轉圜次日律政司又上條陳請議員於禁華工之例再加嚴明然則欲求苛禁之除其可得乎 因查紐阿連命案其始外部之覆義使甚囑強自義昌言絕交而美始懼遂允卹償固已形見勢絀矣此時之論安得不和順乎

十二日晴

倫敦來電述印度之電言該處亨石尼吉地方藉俄人之勢謀攻英界吉利脫廠臺英統領得聞信卽飭先攻泥耳脫廠臺亨民

敗走英人踞之 因謹按印度一地俄人極欲得之英人亦嚴防之巴美爾地方俄已侵佔中國邊界矣茲又欲奪英之廠臺方今弱肉強食爭城爭地無日無之亦逐鹿之世也

十三日晴

昨日倫敦來電言接北京文熱河馬賊現已盪平所擒四十二名亦已正法矣 因於初七日見美外部外部大臣布連頗以馬賊猖獗爲言因告以北洋大臣所練淮軍精銳無敵諒此盪賊不難卽日盪平今果然矣竊自謂尙能料事也

十四日晴

議院開後分日謁議院紳見下議院紳好德談逾時言中國當防

日記

卷九

十八

俄并防英法提綱以開鐵路練兵士爲主又言昔美國南北花旗之戰北花旗三戰三敗其時鐵路尙未成也及鐵路既成調到兵士二十萬人一戰而勝從此南花旗屢敗竟無勝時此明效大驗也因謹之戍刻赴律師科司達茶會入門見墨西哥土耳其公使外部總辦入餐房則爲之送茶者乃今總統之姪女也飲茶畢辭出回館已亥正矣

十五日晴是夜風繼以暴雨

本日新報言美國賽會之事已商之中國度中國政府以美國既立條例禁止華人至美現在華商之至美者多被留難且美政府謂赴會之華人亦須議院另訂例章方准入境薄待如此未必派

員赴會云 因謹按美國此論可謂名正言順美國此際可謂理屈詞窮矣交涉之道大抵不外抵制二字一味曲從則倒行逆施自以爲莫予抗也果能如此其亦抵制之一端乎

十六日 晨起微雪及地而化遂霽日出

本日爲美國各部大臣見客之期因謁各部僅見戶部農部兩處昨日美報言美國兵船水手在智被害經美駐智公使照會智廷已久未覆美國水師以爲智國外作宕延內修戰備新艦造成必與美決裂不如乘此未成之時以勢迫之云 因謹按此各國交涉之故智也以勢迫之則所求必得所欲必遂勝算操矣然則將何以不爲勢迫哉

日記 卷九

十七日晴

聞諸美國部臣言俄國約與土耳其聯盟而法使之駐勃爾加厘亞者因法國訪事人造言生事爲勃國政府所逐法使遂遞辭行之書與勃絕交俄法方聯盟而皆注意歐洲之東偏意者歐洲其有事乎 因謹按俄法兩國皆佳兵者乃俄忽用柔而法仍用剛其中作用法易知而俄不易知也然無非戰國縱橫之習也

十八日晴

本使館及各屬參贊領事等有送禮物者一概不受 謁律司又謁外部見副外部埃德因詢以本使署照會詰問禁工苛例自十四年張大臣照會至今未復其意安在埃德答以現正上緊商議

以期必復因詢以毋乃空言搪抵埃德答以決非空言因再三教促遂辭出

十九日晴

戶部總辦來見言美國擬以粟米數千頓賑濟俄國饑民又言法國新修稅則又詢中國北洋大臣李傅相之疾言倫敦來電謂李傅相得感冒頗重已有數日病臥不能起因謝之 因謹按中國稅則所取於入口之貨均按百抽五無所分別此所宜亟修也李傅相勦平粵逆又平捻匪爲我

國家柱石中外重之今得感冒至於各國電聞此萬里長城北門鎖鑰也因惟祝其勿藥有喜以保昇平焉

日記 卷九

二十日晴

美副戶部札與墨西哥毗連之稅關言墨國鐵路公司招到華工一千二百人失業必將有潛入美境者飭加意嚴防云 因謹按墨與美接壤天時地利相似曠產亦多而貧富迥異者則經理之人殊也既招華工矣而又聽其失業雖未言其失業之故想必因經費支絀而停工也然則極貧之國雖有自然之利亦難興矣

二十一日晴

外部大臣訂送上議院紳布倫之葬午正往議院入中門至東偏大廳各國公使先到者以後陸續而到至未初同至中堂議事處副總統及下議院長在正中南面並坐教士在其前亦南面坐

議紳在東南向西北坐各國公使在西南向東北坐總察院在公使之前一層坐向同總統及各部大臣又在後低一層與樞近坐向亦同其在樓上者分四層環坐教士宣講約一時辰昇柩去議紳有送至舟者各公使皆返

二十二日晴

寅刻與盥洗畢率參贊隨員等拜

牌行三跪九叩禮辰初設齋申正設醮醮後出門謁律政部各大臣問法國以勢欺凌勃爾加厘亞國法使之駐勃者遞辭行書以囑喝之茲美國於昨日接巴黎來電言法外部接法國駐德公使文稱德國政府於此一事力助勃廷且謂法廷因此小事力絕邦

日記 卷九

二十一

交殊屬無理云云 因謹按法固好橫行者而於中國尤甚此時又用之於勃國以為勃可欺也而不料德國之明目張膽以助勃也且嚴辭厲氣以譏法也好勝者必遇其敵此之謂也

二十三日 晴夜雨

是日為各部見客之期因循例往見僅見副戶部又謁檀香山公使為華人事也 昨日報載俄京來電言俄國武員謂應於此時取高麗俄廷則謂兼弁高麗難於如願惟不許他國強佔高麗以防有礙於俄云 因謹按俄員之言實肺肝之見也俄廷之言乃掩飾之謀也俄豈一日忘高麗哉待時而動防有力者之如之耳應早備之

二十四日大雨至未刻而霽天氣燥熱如五月時

是日為議院紳士見客之期因帶繙譯謁十六處僅見福來克耐二人 紐約本日報言倫敦來電謂英駐華之水師提督已赴朝鮮瑣春一帶為巴美爾事也又言中國如以臺灣給英英國將助中以拒俄云 因謹按此英人之以言餽也中國斷不為也如果為之是前門未能拒虎後門業已進狼矣竊嘗兼權俄英之勢焉俄為患在北英為患在南俄為患在陸英為患在水陸患尚可防而水患無可防也俄患遠而英患邇俄之患也不過北邊一面其進兵也難英之患則北省如天津南省如浙江江蘇廣東福建皆受之若沂江而上則安徽江西湖北又受之其進兵也易且英能

日記 卷九

二十二

助中以勝俄則要求無厭勝固受其患也英不能勝俄而俄入北境英人之狡將乘中國之力繼而趁勢以求沿海各埠不勝亦受其患也且兵未交而先失地明者決不為也咸豐十年之亂俄人乘勢以取黑龍江北岸地方此前鑒也故以為中國斷不為也為今之計惟有造鐵路以合南北之勢築礮臺置水雷艇以固各海口之防及今為之尙未晚也

二十五日 陰天氣仍熱

是日為美國令節送外交處議紳綢茶共八分 此次開議上議院紳共八十人下議院紳共三百三十六人而遞條陳禁華工者計三百五十五人 因查美國國例總統由民舉議紳亦由民舉

其未舉也必先要結民心將以求舉也其既舉也必求允洽民心所以報舉也美國土著係苗陳一種與黑人相似不歸王化畫地而居其居中土爲民者皆歐洲客民耳願歐洲客民入美籍而中國客民不入美籍入籍者得與舉不入籍者不得與舉而親疏向背之勢遂冰炭不侔焉誰生厲階至今爲梗哉

二十六日晴

是日爲外國吉辰不辦事不見客 本日新報載法國與勃國齟齬一事德國昌言助勃矣茲彼德堡來電言俄廷決意助法云因謹按此歐洲不靖之萌芽也勃小國耳法人陵逼之者其憤技也而德人助勃法幾無能爲矣乃俄又助法德以一國支兩大力

日

記 卷九

二十三

能勝乎且俄之與法聯盟也即昌言干預勃之內政矣今有待而發是德則無心而俄則有意也地球風氣至於如此苟不富強其何以立國哉

二十七日晴

華人周某持出使美法義比大臣護照來見言赴詩家谷賽會請照美外部因謂我政府方以美國苛禁華人派員赴會之議未決本署未便輕照外部當由參贊帶見外部總辦可也

二十八日晴

是日爲總察院見客之期因帶繙譯往謁見不綠瓦哈輪不來履斐路四人餘五人未見 因見斐路夫人時座中有婦年約六旬

言美國之禁華人殊爲違約因答曰美經營草味僅一百年而富強如此之速者鐵路之力也創造鐵路如此之速者華人之力也今可謂飲水忘源矣婦以爲然

二十九日晴申正以後雨中夜大風

謁下議院外交處十三人見麥克力安多羅二人皆在客寓言近年各國整頓水師自爲至計但鐵甲戰艦需費數百萬金告成須四五載惟水雷艇則造易而費輕查法國有鐵艦四十三艘水雷艇一百九十艘茲又添造水雷艇三艘一艘已成計長十四丈二尺寬一丈五尺容一百零五噸載兵弁二十六名有速放礮二尊放水雷之管二枝分置船前船後前管不能動後管可以擺左擺

日

記 卷九

二十四

右每半時辰可行二十一海米又半合中里七十餘里如此之速鐵甲船難恃矣 因謹按水師之用鐵艦利戰於海中雷艇利戰於口岸一長於攻一長於守故英多鐵艦而德多雷艇其志可知矣中國之創海軍遠略未遑但能保守各口岸使敵國戰艦不敢輕來則足以固吾圉雷艇似尤重焉因聞其言切當特歸而誌之

三十日晴

是日爲上講紳宣文嫁女吉期因已備禮送嫁矣今日遂往道喜午刻總統各部各公使均到成禮時主婚者先詢女郎曰汝願以此人爲夫矣答曰願又詢以後或貧或富或疾病或康強至老不悔矣女郎一一如所詢對次詢其夫亦如之禮畢總統以下均與

二人握手遞辭出女郎遂別父母偕其夫出遊此美俗也

十二月初一日 元吉晴

是日為各部議院紳見客之期因謁二十一家只見副戶部一人談及美與智國齟齬美國方整飭船廠一切智國亦向歐洲各廠購辦軍器且派員赴德國學習軍法美廷即電飭本國駐歐各使密查智員動靜談未久辭出 因謹按智利自勝祕魯後龐然自大從前中國向索商民所失賠款峻詞相拒中國不與校也今該國內訶日國已索賠三百萬矣美又以其侮本國使臣欲相問罪竊料智非美敵也有不卑禮求成者乎

初二日晴

甲 記 卷九

二十五

是日為美國元旦總統於午初見各國公使以次見各部大臣兵官及紳民因率參贊等觀總統後即往見外部大臣并謁各部申正而返 聞美國官場言中國馬賊已平東北地方又有賊黨萌動幸李傅相病已痊愈即派馬隊往勸云 因謹按外國電綫之便音信之靈宜其事易措手也至李傅相感冒則以為可虞及茲病痊又以為幸為教民幸乎為萬華之商民幸乎不可知也因則為

國家之保障幸焉

初三日雨

美兵官魏禮森來見言美國北境卡拿大地方英屬地也近有願

入美國版圖之議緣英國屬地各洲皆有其最大者為澳大利亞此外殊難悉數英國政繁其於屬邦外交事務隔膜不能浹洽故卡拿大願隸美籍澳大利亞亦欲改為自主英國官紳不以為異且謂不妨從之以省英之越俎云云 因謹按此當為英人之度辭也法與俄合英之海軍勢不敵矣而各屬邦遠在異洲非兵船無以控制兵船勢絀則令有所不行不得不知難而退故先為此言以文飾後此之形見勢絀也

初四日 晴午正大風雨雪止仍見日 逾時又飛乾雪日光如天晴時

起程赴瑪林公司驗槍是夜宿紐約 初二日報言巴黎來電言

德相畢思麻告退今已三年自俄法聯盟德皇內怯措置內外情

甲 記 卷九

二十六

若芬絲近已屢派大員密赴畢思麻第商令出山但不知畢相允否耳 因嘗讀漢史至飛鳥盡良弓藏又讀唐詩至時危身赴敵事往任浮沈未嘗不廢書三歎也德之霸也由畢思麻德皇承祖父之舊業而不任舊人以為可從容坐理矣不料俄法聯盟英國既以屬地為憂德皇能不以尋讎為慮急而求子是寡人之過也德皇有焉至於電報來自巴黎則知德皇諱之而法人揚之其揚之者所以顯彰德皇之短而實內懼畢相之長也

初五日 晴是日華盛頓大雪而紐約晴 逾相距已千里天氣不同也

辰刻瑪林公司來引導因帶繙譯武弁仍附火車已正至紐海芬地方換馬車行十里至廠廠中已豫備即抽驗五十枝均為靈使

驗畢約申初矣當令該廠具結其餘悉照此樣仍回紐約時已成  
初飯後赴火車廠正交亥初中夜奔馳至卯初到華盛頓往返約  
二千五百里 因查以前中國購用槍礮悉於上海向洋行定價  
交貨其價則洋行中飽不肖委員又從而浮銷故多不實其槍礮  
又非新式新造大抵多以舊式改造者弊日滋矣自奏定章程由  
駐各國公使驗收而舊式改造之弊絕焉

初六日 陰 入使館是夜大雪

近聞俄國築造西比利亞鐵路之員名卑書富至金山金山人員  
訪詢情形言自俄京以東計一千七百米 合中里三千六百餘里 業已築成  
至全路工程約十二年可竣沿高麗之一段約二百餘米 合中里六百七十

日記 卷九

二十七

現作工者有五千人明年可增至七千人云 因聞此而先為  
高麗危也俄高通商自有水路且商務亦甚微細安用鐵路為哉  
可因此而窺其心矣

初七日 陰

本日巴黎來電言勃爾加釐亞國驅逐法國報館訪事人法國詰  
責勃廷勃廷覆以訪事人藐視勃廷先已照知法國駐勃公使禁  
止迄無斂戢勃廷不得不保全國體也勃小國耳竟不畏法之決  
裂而為所挾持也 因謹按挾持之習不可開也開則一事如是  
百事皆如是矣一國如是各國皆如是矣况法又好挾持者也拿  
破倫第一挾持布奧日等國而敗於俄英拿破倫第三挾持布日

各國而敗於德蓋風氣使然矣勃以小國而抗法但不知其究竟  
如何或有密交之國為之理斷或有強大之國為之主謀則庶乎  
其可耳

初八日 晴

謁總察院上議紳不來奔宣文律師科司達外部總辦播郎 昨  
日報言巴黎來電言羅馬尼亞國與俄毗連一千八百七十七年  
即光緒三年俄土交兵俄君謬為與羅君友善假道入土耳其其之  
境獲勝凱旋時乘勝奪羅國一省之地羅君未之忘也今聞德奧  
意聯盟遂於前日赴奧國之賊司埠面見奧王商議時事云 因  
謹按晉假道於虞以伐虢旋師滅虞劉璋藉劉先主以拒張魯卒

日記 卷九

二十八

以失國然得地者祚皆不長此往事也

初九日 晴

下議院紳思麻來見言及日前戶部派員查華人由英屬卡拿大  
潛行來美且有美國多人挈帶一案今已查明實無其事只兵丁  
一名暗助華人過江而該處入境之華人業已減於昔日云 因  
謹按此實情也美國工黨妒忌華人此外皆不然蓋工黨為攬奪  
其工而工黨之外實喜華人之工價廉也願工黨甚衆而又有舉  
總統議紳之權總統議紳無不徇之此華人之所以屈於工黨也  
初十日 晴

外部總辦播郎來謁并持總統及后謝帖言謝中國茶會且許代

為照料茶會之事談次言初八日巴黎來電稱埃及國王已薨該國前王曾借英國銀一兆兆磅合中國銀四萬五千萬而不能償英廷與各國商逐前王而立其子是為今王至一千八百八十二年埃及內亂英國為撥兵削平之而遂留兵駐埃及法國不允屢詰英廷令其撤回英駐兵如故今埃及之君已薨法俄方合且俄君已有不願英兵駐埃及之言恐不免決裂云 因謹按歐洲之勢擾攘無安定時其不遽相見以兵者兩強相當未敢輕發耳英固強矣然俄與法合則英之水師不敵兩國即英之陸師亦不敵俄國勢力不均則一有齟齬強者必先發難英人於埃及之事將何以善其後哉

日記 卷九

二十九

十一日晴

昨日金山來電稱該埠新築礮臺已由華盛頓運到八寸口徑礮四尊連前共有八尊尙有十二寸口門者不日亦將運到云 因謹按美自紐阿連民人殺斃義人不肯辦抵議郵義遂齟齬美亦慎固海防皇皇焉如不及近又與智利齟齬智國水師雖不敵美然齟齬有毒亦應未雨綢繆也美國船廠礮廠林立其籌守實不難非若購自外邦者之緩不濟急也故優為之

十二日晴

是日副總統訂見總統因於亥初借繙譯乘車至副總統宅今年官紳似不如去年之多僅見內外戶農郵政五部議紳十餘人公

使則英法俄德朝鮮日本中南墨洲諸小國婦女則不減於去年亥正總統副總統出見握手為禮各就大餐房飲酒進饌子初而散

十三日晴夜雨

是日總統見各國使臣因於戌正借參贊繙譯各員往及亥初而到齊以次入見握手為禮總統見使臣後民人之入見者至亥正而猶未止因等於亥正回使館矣 聞美國與智利齟齬一事外部已商之總統總統已諭商議院時論多以智利海口實為天險不易進兵將欲假道秘魯由陸路而入將來戰勝即脅智利所踞秘魯之地還秘魯以為酬此意不知能行否尙待審慎而發云

日記 卷九

三十

因竊意此美廷之計也如此則智利增一敵秘魯既可復讎而又得還所失之地自願假道此策果行而智利危即未行而智利亦先自危安得不降心以相從哉

十四日雨

巴黎來電稱西歷元旦德主大集武職大員密諭逾時御前侍衛均不與聞想係不日用武云 因謹按法與俄合自以為德必畏之矣乃德主只勵精講武而於法國仍視之蔑如法則時時窺其動靜其言若有畏焉何法之嗚張跳梁向之好凌轢他人者至是而甚畏人之凌轢也勇怯勢也

十五日雨午刻而止寅以後大雪

是夕本館舉茶會自總統以下均於前十日具帖屆時總統之長子聖其婦到大將軍外部及各部大臣總察院上下議紳各國公使均到外部大臣向不赴茶會是舉為破格會者逾千人車馬擁擠延及通衢亥初到齊寅初而散香冰酒用至二十箱他酒猶未計菜與水果茶點計二十餘品呂宋煙大小十二盒堂倌十餘人伺候易衣服者稱是巡捕六人可謂盛矣 因查外國新年舉行茶會延請無虛日不能盡辭也又不能受而不報故一效顰而所費多矣不可再也

十六日 大雪約深一尺至申正而止

美紳為因言巴黎來電稱德主舉動令人疑慮近日忽然優獎提督阿勒芬所黎賓蓋以該提督於一千八百七十一年即中歷同治十年敗法兵於離葛也此時忽又獎之者將以收德弁之心而激法人之怒云 因謹按法之槍擄為雄者向自以為一怒而天下懼莫余敢侮也今德主乃欲激之使怒若惟恐其不怒也者殊不可測也 因家居近山嘗見捕虎者矣虎之攫人及獸畜也有持挺刃追之者虎乃故遲遲吾行焉且時返顧作怒目之狀追者雖眾無敢近逼虎終銜所攫者以去人莫可如何也追者返乃約獵戶偵得其巢穴遂集獵者挈槍而往如牆立排穴前虎不敢出乃束火而燎之虎怒奔出眾槍齊發遂斃之德主之川激也意如斯乎

日記 卷九

三十一

督阿勒芬所黎賓蓋以該提督於一千八百七十一年即中歷同治十年敗法兵於離葛也此時忽又獎之者將以收德弁之心而激法人之怒云 因謹按法之槍擄為雄者向自以為一怒而天下懼莫余敢侮也今德主乃欲激之使怒若惟恐其不怒也者殊不可測也 因家居近山嘗見捕虎者矣虎之攫人及獸畜也有持挺刃追之者虎乃故遲遲吾行焉且時返顧作怒目之狀追者雖眾無敢近逼虎終銜所攫者以去人莫可如何也追者返乃約獵戶偵得其巢穴遂集獵者挈槍而往如牆立排穴前虎不敢出乃束火而燎之虎怒奔出眾槍齊發遂斃之德主之川激也意如斯乎

十七日晴

拜發條陳摺昨日新報言英法兩國於埃及國爭權法國本擬於埃及舊君新逝新主未立之時與英理論無奈歐洲各國無助法者俄雖與法聯盟此時亦不助法惟密戒法毋妄動法國獨力難支悉聽英之所為以期異日英國報以他益現在不過照例詰問英廷掩飾耳目願全國體而已 因謹按法人之於中國侈然自大其於歐洲頹然自廢始以為不可解也願嘗見離齷者之情形矣其於遜己者百端陵之不論理也其於勝己者百端讓之亦不論理也地球各國局面大抵如斯法又甚焉然地球大國之受挫折者亦拿破侖尤甚焉天道好還事有必至論事至拿破侖之末路未嘗不少舒抑鬱不平之氣焉

日記 卷九

三十一

十八日晴  
湖廣總督張之 電請購美國棉子茲已由農部大臣於鄉間購成由大西洋運鄂矣 因謹按美國特設農部專司播種之事錢糧出入另有戶部司之中國戶部亦稱農部但司地丁錢糧戶口而播種則聽之民美國每年戶部出入計銀三萬數千萬圓較之中國幾四倍而其事反簡者則以有銀行而可省收發之煩用銀錢銀幣而可省驗平驗色之煩有火車而可省解運之煩也事不煩則弊不滋故未聞有劫餉輸虧庫欸扣平色之事共制之善有足擇焉



十九日晴申後小雨

是日為總察院見客之期因往謁勒馬布郎不賚之福穀森均見  
 又謁下議院紳斯斌介亦見 聞華盛頓廠近造成六英寸口  
 門來復廠二十尊八英寸十英寸者十六尊每尊造成只五十日  
 又水師部造成十二寸口門者一尊需費四萬五千圓共六千圓  
 係工價重十萬四千磅約四十餘噸較由外國購者價省其半云  
 因聞此而知機器廠之不可不自營也能自造廠其便有一其  
 利有五兩國交兵各國守局外之例不准售軍器茲則不需外購  
 其便一也價省其半國幣不糜二也鋼鐵之產不棄於地三也中  
 國人多營工而食四也風氣日開日漸富強五也地球之國其富  
 強者大抵皆自造兵艦鐵路槍礮者也其貧弱者大抵皆外購兵  
 艦鐵路槍礮者也其不能自存者大抵皆不能講求兵艦鐵路槍  
 礮者也今眾說龐雜無從適從盍就實在情形而靜驗之  
 二十日小雨是夜下雪  
 是日為下議紳見客之期因往謁見勃耶姐門三奮克力火街五  
 人克力為嘉省人出金山新禁華人例相示因婉託之 因此  
 而款禁工之例未易爭也議紳由民舉當其舉也即先以禁華人  
 要之允之則舉不允則置之其願為議紳者無不許以禁工矣夫  
 美國之人固無不願為議紳者矣難矣哉  
 二十一日晴

日記 卷九

三十三

本日為各部大臣見客之期因謁各部見兵部副戶部 聞南墨  
 洲之威內薩國東鄰英屬地英人屢侵其界威請與英分畫界限  
 英又書過威界威不敢爭因商請局外之國公斷英亦不允蓋其  
 地產金故英人欲之也近求美廷為代申理云 因謹按此弱肉  
 強食之風氣漸逼墨洲矣中俄交界之地俄人無日不思侵佔每  
 與勘一界俄必進佔數百里蓋其地多金故俄垂涎焉今漸逼  
 近矣數十年以後邊防其費手乎  
 二十二日晴

本日為上議紳見客之期因往謁見宣文多福福來地甫司不來  
 奔聞英國商務局刊出年報本年購茶二百零二兆磅印度居四  
 之三中四僅五十二兆磅計三千九百萬磅 因籍隸安徽地多  
 山民多業茶父老言四十年前荒山日闢民資茶以生者居其半  
 近二十年中茶價日賤而稅不減除納稅以外所獲甚微故茶山  
 多任其荒矣轉移之機是在關心民事者  
 二十三日晴祀禮  
 美國近日為與智利齟齬之事催遣兵船赴智日有所聞而智利  
 亦向英法兩國定購兵艦法國為智利所造之兵艦名開撥頓白  
 來者不日成功其中有電氣礮尤為靈便每一時辰可行一百二  
 十餘里而美議院亦定於二十六日大議焉 因嘗讀易至安不  
 忘危治不忘亂之言而參以周禮蒐苗獮狩之義而知古聖之用

日記 卷九

三十四

意深也戰不常有而欲戰之事無日不有戰局不可自我興而備戰之道不可不先時而興蓋兵力可以戰則敵國將不欲戰而戰局不開是以能戰而止戰也近日英法爭權於埃及法與俄聯盟以敵英俄外部且昌言英之非矣乃英人毅然行之而法人拱手讓之俄且戒法以勿妄動焉非皆攝於英之兵力哉美固強於智利然越國鄙遠未能決其鞭長之必可及也故以全力籌之是日至紐約赴塞潑席中夜回車

二十四日 晴夜雪

辰正抵使館 昨日報言俄法聯盟英國始則望其不成及其既成又欲解散其交故於本國駐俄公使莫里雅患病請假回英後

日記 卷九

三十五

又復屬其至俄蓋以莫里雅與俄政府相得所言易入如俄不附法而與德親不至決裂則戰局可不開此英志也 因謹按歐洲各國俄與法皆好事者因嘗於俄法聯盟之初詳論之矣中國教案英法有意挾持並約義美各國英則始急而終緩法則終始啗喝幸義國向惡天主教而美政府又從因言不與聯盟故法願不遂也莫里雅與俄政府相得英廷不以病而棄之用意深矣

二十五日 晴謝神祭先

昨日塞潑席間有某察院及前總統格爾脫之子言美國擬開尼格拉之地以通東西洋此工若成則商務益盛因答以此工如成則中南墨洲之小國必遭大國鯨吞本日見新報言南墨洲之厄

瓜多國整頓武備將棄舊式槍不用而易以奧國之曼里加爾快槍云云是該國有戒心矣

二十六日 晴

是日謁議紳摩根克類狹麻阿倫麥登力斯斌介又郵政大臣宴總統請各國公使各部於本宅見總統因於亥初往見又往議紳奧地士處茶會返館已子正矣斯斌介言美於智利齟齬昨日總統請議院議之北黨以為應戰南黨以為不宜開釁遂令再議云 因謹按美國開國之律由華盛頓訂定政歸三處立例者議院行例者總統守例者察院議院有立例之權則大事為議院主之總統不過奉行焉耳蓋議紳總統皆由民舉而總統僅二人不及

日記 卷九

三十六

議紳之數百人者但能公而不能私為民而不為己也故事之創者必由議院決之此美國之創制顯庸也

二十七日 晴夜大風

是日總統訂於亥刻見議紳察院并見各國公使因率繙譯亥初而往見總統後又見各部大臣并議紳宣文狹麻斯斌介談次智利因美整頓兵船讓與開戰已有轉圜所有前此殺傷美國兵船水手已允卹償言歸於好矣 因謹按當今之世有理而無勢實不能以理屈人也美民殺斃義民義廷詰問美初不肯卹償乃至義使絕交離美美始轉圜今美之於智亦猶義之於美也美之水師不及義智之水師不及美然非實有決裂情形仍不就範則交

涉之窾要可得端倪矣非兵力勝人斷不敢與人決裂非兵力勝已斷不肯舍己從人公法不足恃條約不足據惟勢強者乃能伸理耳有國者不可以不強

二十八日晴

謁外部大臣布連爲將赴古巴辭行也布連言美國駐古巴領事勤能一切可以照料當爲通信因謝之 律師科司達來見言於外部處聞因將赴古巴特來送行因詢以智利之事言可不戰然尙未就緒因又詢祕林海峽之案答以美與英兩不相讓已商定再派員妥議日內爲此甚忙碌也 因嘗讀孫武子兵法謂勇怯勢也強弱形也不禁喟然歎曰此孔子所謂誠之不可揜也強弱

日

記

卷九

三十七

之形因彼己而分勇怯之勢即因強弱而別強與弱遇則勇美之與智是也弱與強遇則怯智之與美是也兩強遇則不怯亦不勇英美是也不怯則不相讓故英美齟齬駁詰者至於一年不勇則不決裂故英美終不以兵戎相見而宛轉相商也孔子曰能治其國家誰敢侮之此之謂也

二十九日晴

昨日羅馬來電言德義奧之同盟本以外防俄法而不料有內憂蓋以奧民羣奉天主教而義則視若仇讎兩國民心因此不洽德皇力顧大局婉勸奧皇致意義國委曲調停使國內不致交訌教皇亦不與法構結爲患現聞奧義兩君屈意從之可保昇平之局

矣 因謹按地球各國莫不有教大抵入主出奴惟孔子之教則包所有亦空所有一視同仁焉然自宋以來業已分黨顯作異同至明則每下愈况矣自洋教入中國庇莠民犯名義君子嫉之而激烈之士顯與爲讎狡猾者又藉口爲亂焉則不慎於始之咎也中國每鬧教一次則教勢愈盛一分由兵力不足而民教之理不能持平也可勝慨哉

三十日晴

聞日本改鑄銀錢大獲利益近按年鑄出計一千萬餘圓中國及大東洋來往之商均多便之流通漸暢每年獲利至六七十萬圓云 因謹按泰西各國皆自鑄銀錢防利權之外奪也而便民便

日

記

卷九

三十八

商更有言之而難盡者中國南省所用之銀錢向爲墨西哥國獨擅其利計近百年矣商民便之至以重七錢三分之低銀作重八錢有餘之足銀現上海雖改用鷹銀而安徽江西各省尙仍舊也中國苟自鑄銀錢則利源不外漏矣

蓋觀於今日之交涉而歎天地之狹人心之險也禍患每生於萬里之外兵戎卽兆於玉帛之間無可避也無可遠也天下之強國首推俄共地跨歐亞兩洲皆在萬里之外而兵力所及卽足爲患其在歐洲也兵逼德界則德有戒心逼奧則奧有戒心逼土耳其波斯阿富汗則不僅有戒心而直有覆亡之慮矣其在亞洲也造西比里亞之鐵路增瑋春之兵建黑龍江之船塢則我有戒心而

朝鮮日本亦不能無恐美與智利分赤道南北而因兵船水手一案幾至構兵英人由緬甸造鐵路以規滇法人由越南興火車以達粵阿非利加洲亘古以來鴻荒未闢而歐洲各國羣起而分裂之皆遠隔萬里者也德奧義聯盟以防俄法此玉帛之會自守之見也而俄與法聯盟俄又與土耳其聯盟俄之與法與土實世讎也德法有不可解之讎而結好無間亦抵牾時形美因略羅連島教士之案而責義英因秘林海峽之案而責美俄法因埃及之事而責英俄因勃爾加釐亞之事而責德中國沿江會匪鬧教之案與而法欲聯歐墨亞洲各國水師以要挾雖好會無間而擾攘不休居今之世奚可局淺近固耳目而高言耀德休兵哉水師之力

日記 卷九

三十九

英之兵艦至五百有零法稍遜之俄又遜之次則義德日三國亦可稱雄美國水師居第七中國居第八日本居第九日本今年以水師之力不敵中華乃於法國訂造鋼甲三艘亦勉勉企及之意也法與日美與墨互增入口稅以相抵制法重美國豬肉入口之稅俄增英國棉紗入口之稅烏拉乖墨洲小國耳亦增入口之稅以足國用義禁美國煤油入口美禁歐洲窮民入口皆內政之可自主持者也若夫美國之近政則駐美之使尤耳熟能詳焉其測天文也則有算學諸士挾貲赴秘魯以測南半球其測地理也則有商務諸人赴尼格拉以通東西洋水道其講海防也則建礮臺於太平洋購聖駝馬島於丹國增海口之巨礮造極速之兵艦講

求礮穿兵艦塞漏之法措置兵艦中途添煤之地試白鐵之甲造電氣之船其蒐軍實也則造無煙之火藥至猛之炸藥創鋼綫纏身之礮試電氣之車考連珠之礮煉礮精以代鋼藉水力以生電其講富國也則與歐洲墨洲各邦立報施條約增入口之稅收丁口之費禁入境之彩票賽珍於希卡果免稅於夏威仁鐵路入欸四千萬有餘本年所入之欸至四萬六千萬有餘直駕英國而上之矣至於博士新得致雨之法隨時隨地可以立沛甘霖其說不經乃聞農部已撥巨欸試驗各省亦且以貲定購則又似非子虛相距較遠未能目覩姑志之以備一說云耳

日記 卷九

四十

美日祕使者誌於美國華盛頓使館時辛卯十二月

出使美日秘崔日記

光緒十八年正月初一日 元吉晴

卯初率參贊等員朝賀行三跪九叩禮辰初設餚中正設醴天氣  
溫和 美國去年查核民數後又查民間產業共值六萬二千五  
百兆其富者約二十四萬餘戶每年所得之利多寡不等約共一  
十四萬萬圓云 因嘗考美國之所以致富矣其開闢不過二百  
年耳而日益加富如是之速者則鐵路之力也統計地球鐵路以  
美為多統計地球各邦亦以美為富因赴美紳雪白之宴知其一  
家并其妻屬其計產業值一萬萬圓共富於美推為第二其所管  
鐵路之多亦推第二且即為管理鐵路之副辦雪白嘗謂中國欲

日記 卷十

富宜興鐵路蓋以己所以致富者告因也又欲為中國興辦鐵路  
蓋又欲以其致富之術試之中國也雪白為人光明正大美國重  
之因亦知其言之不謬也

初二日晴

美戶部查自去年與古巴及巴士力愛二島立報施約後出口之  
貨至該二島者加至一倍計此四月之內共值美銀八百三萬六  
千九百二十四圓云 因謹按外洋農商並重而商利尤顯而易見  
各國立約必於商務三致意誠恐腹已而肥人也中國與外洋通  
商僅通外國之商於中而不能通中國之商於外勢成偏重則創  
始者之不諳洋務也積重難返之勢其將何以挽回哉 前美駐

中國公使楊約翰來見

初三日晴

接總理衙門文言以後借洋款者必奏明奉

上諭後方可借貸此極周密當即擬稟照美外部先交律師修飾  
遂答拜楊約翰談及法國新訂稅則除於瑞士比國另議外於義  
日葡萄牙等國最重於英德奧土耳其墨西哥智利開都拉奚地  
山都敏哥各國最輕此外有未定準者均照最重納稅美與法議  
尚未成大約亦可照至輕之稅則云 因謹按稅則為內政本可  
以自由者也中國於本國土產稅釐至重而於外國貨物稅則至  
輕是厚於外而薄於內且使外國之貨暢銷而本國之土產滯積

日記 卷十

也於富國富民之道均未合焉前此嘗疏陳之矣

初四日晴

是日赴總統廳成初而往亥正而返同席者各國公使外部上議  
院外交處首領均擊室而往至入席則總統擊墨公使之妻而墨  
公使又擊總統之后餘仿此因不擊室故亦不擊他人之室席終  
傾談許久而散席聞美國禁發財票入境不許郵政館寄不許  
報館刊茲魯希安奴省賣票公司控於總察院仍被駁云 因謹  
按利不易與也必有撓之者如英美各國之初興鐵路是也害不  
易除也亦有撓之者如美之禁發財票是也先儒謂進德修業並  
資識力有識則能知有力則能行也傳說謂非知之艱行之維艱

知不過明其理行則見於事也治天下亦如之

初五日晴

初二日報館由俄京來電俄國去年山正月至十月入款較上年少三千七百萬羅卜出款增一千七百萬羅卜云 因謹按俄值大飢故入款頓減而急營西比利亞之路故出款頓增也俄每歲所入亦三萬餘萬兩頗頗於英法德美等國而國用不足乃與法同而較甚於法則窮兵黷武為之也所幸其國形勢背繞北冰洋不至受敵而其地苦寒又非鄰國所欲故得無虞否則鮮有不敗者矣

初六日晴

日記 卷十

三

日本輪船自同治十年起至光緒十七年九月止獲利銀二百零二萬有餘圓 因謹按中國招商局設立二十餘年始則巨虧繼而亦無大利則不得人之故也日本之船不過由橫濱至上海中國之力儘可為之何難獨專其利而使日本專之且即不能獨專而與日本分之亦不甘讓入之一道也乃中國內地輪船之利既與泰西共之而中日來往輪船之利又為日本專之利之所在拱手讓入而不覺日股而日墮也則商務之未講求而草創未得法故也

初七日 大雪

是日辰初啟行赴古巴時正大雪火車行至中初雪漸少申正天

晴已見日矣蓋地隔千里氣候不同也所過之地平衍悉屬松林四望無際土人結廬伐木斲削成材由火車運至通衢取之不盡大約一百年內足供採擇也 因嘗聞京北熱河地方松樹極多四望無際中間有嶺即名萬松嶺行人均出入於松林之中松之老而僵仆者行人即就以薪火為炊火種終年不息惜其地荒遠不近都邑故大材皆廢棄也若興鐵路則運載輕便其利無窮然則鐵路信為富國之第一策也

初八日晴

午刻至哲臣威換車戊正至覃壩上船亥初開船因於車中眺望見由華盛頓至覃壩三千里內悉屬松林近覃壩數百里則近村落處多種橘柚蓋開闢松林以後就其地而改種果實也此數百里中其土色白如粉如雪禹貢紀冀州白壤不能如是也上船之後漸近赤道氣候漸熱欲脫棉衣矣

日記 卷十

四

初九日晴

申正至克物司島為美屬上下貨物約兩時仍開船此海風浪頗大船行顛簸舟中美商四人頗欵洽言此次下議院議苛禁華人者甚多大抵多西省人西省客民之傭工者畏華人奪其利故禁華人其實此種亦非美國之民但以入籍之後能公舉議紳并總統故自總統以下皆徇情而助虐惜華人之不入美籍遂至無援今實難挽回矣 因詢以議紳中亦有悅華工者何也美商答曰

此中有兩種人一爲不覬覦爲總統者故好直言一爲東省之人其地墾荒現需華人故也因謝之

初十日晴

卯刻船抵古巴夏灣拿埠總領事等及華商已備小輪船來迎當卽入領署卽專人持日外部藩部之信交古巴總督巡撫又以美外部之信交美總領事午正卽命駕謁見各地方官總督名波拉威夏巡撫名嘉沙將軍名哥來司府尹名哥羅希度均見

十一日晴

古巴總督來見因以華人相託言華人在此經商傭工皆有利於古巴地方官所當保護該督答曰華人現在來往自如毫無拘束

日記

卷十

五

卽最優之國亦只如此如其不信願派員護送貴大臣至各省巡視則知實在情形因又言古巴各鄉約局所欠華人工資歷久不給應請設法該督答以卽爲追償談久而去

十二日晴

古巴巡撫及府尹美副領事等來見因卽以昨日告總督之語告之該巡撫答以華人非惟來往自如地方官且有破格以待之者如出售爆竹是也今因無所拘束行街紙亦少領矣因又以各鄉約局所欠華人工資請卽追償該巡撫卽面屬府尹府尹自任代追遂辭去

十三日晴

華商九家公請美總領事及古巴總督先鋒官來見美總領事言十餘年前古巴虐待華人時伊卽駐古巴曾與力爭不勝乃告美政府達之中國得以派員華人遂出苦海因謝之因婉告以古巴華商之赴美者當入境時關吏每阻之例須貴領事簽名爲據方可放行願少通融該領事領之

十四日晴

再謁古巴地方官并辭行是夜古巴府尹又來見因告以鄉約局所欠華人工資府尹屬譚乾初將來至府署時可徑入辦事房面議必有把握因謝之紐約報言西曆正月卽中國十二月一月內駐紐約埠管理客民入境之員查明歐洲各國民人到該埠而不

日記

卷十

六

應入境者計一百零三人均不准登岸已由原船載回原處云

十五日晴

美總領事來送行古巴總督來送行言以小輪船護送上船因謝之是日午初上船華商等均來送未初開船船行仍顛簸戍正至克物司查克物司爲美屬地美人經商於此言美政府爲俄國大飢普勸捐賑聞已捐麵粉三萬桶每桶約二百斤現銀五萬圓由歐洲運往振濟矣因謹按美國禁歐洲工人來美而俄不允若於他國美必以全力持之禁而後已矣而不敢用之於俄且振其飢焉何恭順耶畏其強也

十六日晴微雨遽止

酉正至覃廟船主陪上岸至火車廠登車戌初開車車棧有驚新報者載華盛頓二月十五號報稱麥天那省來電言該省土人毀華人之洗衣館復具呈於下議院紳言華人洗衣攪奪其業請驅逐出境云云 因查美之士著多擁厚資其為工者悉歐洲之客籍也與華人同屬客民而能上書議院驅逐華人者則已入美籍之故也使者之權安能敵議院哉事難為矣

十七日晴

黎明至哲臣威聞麥天那省之海倫那地方居民立例禁止不與華商交易且於華商舖前派人看守又勒令房主勿以舖屋租與華商迫華商令出境云 因謹按華人不入美籍衣服不同致招

日記 卷十

七

忌於土人而美國官紳又以其未入籍不操保舉之權無庇護之者而華人遂不得安身矣

十八日晴

未正至華盛頓即命駕回使館已中初矣查訪議紳所遞苛禁華人條陳惟蓋力士碩等尤苛云 因謹按禁工苛例皆出於西省之人其舉議紳之時皆先以禁工要之議紳既由此而舉自不得不以此為事也蓋力嘗為因質言之

十九日晴

謁外部大臣律司下議紳蓋力又力乃贈外部律師并外交處各議紳以古巴土產照會外部以麥天那省苛禁華人驅逐出境事

二十日晴

謁上議紳多福地甫司又見律司聞德國已申明舊例德民自十八歲至二十五歲均須當兵不准擅赴他國輪船公司運載民人出口須由地方官查驗云 因謹按此德國之自禁民人出口也歐洲各國惟未見俄英自禁其他各國想已從美廷之議矣

二十一日晴

謁戶部大臣聞中墨洲之尼格拉國因近來國用不足無可籌款特加進口貨稅所有他國入口貨物一律值百抽十以裕國用將來美國運至該國之貨利遜於前云 因謹按值百抽十是十而稅一也可謂重矣或謂尼格拉墨洲至小之國耳如此重稅以困

日記 卷十

八

他國之商不畏敗費乎 因答曰稅則者各國之內政非他國所能干預也或又曰中國仿之稅加一倍則每年所收入口洋稅當四千萬兩矣因曰然

二十二日晴

謁外部大臣布連布連詳詢古巴情形因告之遂催照會布連答以必有但因事冗不免遲耳因再三敦促遂辭出復謁德國公使又見上議紳宣文地甫司為苛禁華人事也

二十三日晴

上議紳言去年俄國所佔巴美爾地方侵入中英兩國之界遂致英與辯詰今聞俄國已有悔心擬仍言歸於好與英商議云 因



謹按俄人銳志侵鄰國之地而忽然中止者非始強暴而終仁義也其中必有由焉或因民飢內亂而餉不敷或因英忿與爭而力不足少緩須臾以待時耳非真能敦好也

二十四日晴

謁上議紳火街狹麻摩根均見又謁下議院紳斯賓介亦見火街言下議院紳士碩所上禁華工例太苛已駁之謂當與中國商議不宜率意立例云云 因謹按美國西省議紳無不議禁華工阿工黨也彼由工黨所舉不得不然他省亦有阿之者則又同官為僚之意惟老成知大體者則持公論然不可多得因於此事心力竭矣未知能濟否也

日記 卷十

二十五日 晴大北風

謁上議院紳奧地士言美國人名奚士至歐洲訪悉客民來美情形謂歐洲民人來美絡繹不絕其不得登岸者僅十之一二英國之助窮局近十餘年每年撥英金二十萬磅合中銀八十餘萬兩給窮民赴美之川資尚有資助犯人赴美之局猶太人亦立會資助窮民赴美已近萬人德國義國瑞典瑞士各國資遣犯人來美率以為常近因美國駐瑞士各員認真禁阻瑞士一國來者漸希云 因謹按美國之禁客民實有不得不然之勢但宜立善法不當用苛且苛於華人未必敢苛於歐洲之人也非所謂公法也 二十六日晴

謁律司詢以上議紳宣文所上禁工條陳與平日所言相悖律司曰此戶部司員條陳不能自上而出宣文上之宣文已聲明上議紳亦已作無庸議矣律師又言禁工條陳下議院無可遏止惟俟上議院駁之耳因又謂外部大臣布連云有覆文終不見覆即當照會催之律司期以十五日為限

二十七日 小雨

謁上議紳多福地甫士均見福來克索衣士谷自得勒均未晤問戶部司員某所上禁工苛例已由多福駁斥不行矣又聞德義奧三國聯盟密約如德法交兵則義國以兵二十萬駐亞立山以戰艦扼於哥錫加海以礮隊攻法屬之亞路枝亞如義法交兵則德

日記 卷十

國調亞路沙士及卑丹之第八第十四第十五三營之兵攻法國之哥士枝士海面如遇地中海有事則義奧合兵艦以相助戰云

因謹按歐洲局勢如此真有莫敢留居悉索做賦之苦矣其禍則俄法二國貽之也天欲息民其必變二國之風氣乎

二十八日 小雨

謁下議紳匪姐聞下議紳之議禁工者尙未已也又聞英駐中國水師提督於十二月帶兵艦赴暹春朝鮮一帶偵察俄人動靜云 因前聞俄人侵佔巴美爾地方不准英國兵官逗遛其地勒令出境英廷憤怒要言開戰俄人服罪自願降心相商言歸於好矣而英猶偵探其所為者蓋不敢全信俄人而懈於為備也此兵機

也

二十九日 小雨大風雨止

華盛頓本月二十四號報言紐約來電謂近日有歐洲人二十二名來美為管理客民入境者查知均係工人不准入境已交原船載回矣 因謹按美廷自去年派員赴歐洲詳查以後一律立例禁工今乃見諸設施矣但英俄二國似尚未允而不聞有所駁詰何耶

二月初一日 大吉雨兼微雪至地而化

上議紳宣文之本家并其二女來見言本日白耳底馬來電謂有德國磁匠二名赴會士孔尼省之會林地方承工故不准登岸勒

日記 卷十

十一

令回德矣談許久而去 因謹按此事本日華盛頓報已紀之此美禁歐洲工人來美之措施也美與歐洲各國無准民人來往自便之約其禁令易行令行而後必援此以與中國立禁工之約其間又費辨難矣

初二日 小雨霽已後大雨至夜止

英屬卡拿大地在美國之北華人羣趨之向來華人到該地須納身稅五十圓茲聞新例加至十倍每人身稅須納五百圓此例想山美與英密商以杜華人之至蓋華人之至卡拿大者多潛入美境也當即函商駐英公使向英廷詰問矣 因謹按華人遠適異國又納身稅方能入境而趨之若鶩者則以其地商務之盛用人

之多可以餬口也中國如講商務而興鐵路民何必遠赴異邦哉

初三日 細雨夜中微雪約厚一分

俄國新訂客民入籍之例必通俄語諳俄例者方准開將以制德國也 因按德人流寓於俄者至多俄訂新例將以禁制之近日德俄兩國時見齟齬之象非勢均力敵則決裂矣

初四日 大雪約厚一寸

歐洲人論德法兩國兵數言法國民數不逮德而兵實多現已多三十四萬有餘照現在操兵法再待二十三年可得兵四百十二萬五千德兵則僅三百四十五萬八千耳至論礮兵則法皆新式在歐洲實居首車礮計四百八十副有十礮十二礮不等一百副

日記 卷十

十二

以開路十九副以攻城十五副以護軍火德則馬隊九十五營較法多十二營云 因謹按德法民數只四十兆而當兵者已近五兆是不僅十之一也歐洲局面搶攘為傑不得不然否則不能自保所謂勇夫重閉也危哉

初五日 晴

昨日倫敦來電言美戶部大臣福士達已抵倫敦訪事人詢之答以此遊覽非查察客民入境之事查察客民自有前此派來之專員擬盤桓數日即赴巴黎山巴黎返美云 因謹按此遊辭也凡客民入境由稅關稽查而實山戶部主政此戶部應留心之事也戶部大臣以禁止歐洲工人入境關係甚重尤當詳慎故親臨

密查知之不疑然後行之必力也歐民之禁從此決矣

初六日晴暖

昨日議院各紳以紐約管理客民入境之員辦事殊不認真若非受賄則必尸素特由管理客民入境議紳訂於今日親往查辦有無弊竇云 因按此必戶部大臣至英密查情形電告美廷美廷故為此舉也禁歐洲工人之例漸加嚴矣

初七日暖小雨

倫敦來電云中國西藏地方英人久欲通商惟向來關禁甚嚴英商不能如意茲聞中英新約業已訂定從此商務可增云 因謹按英俄同窺西藏俄人派員往遊者不僅至再至三究以財力不及而不如願英厚於力而雄於財浸淫而至西藏該地又增交涉之擾并邊防之虞矣

日記 卷十

十三

初八日晴

聞奧國陸軍近用新制之護心鏡以鋼為之云可禦一切槍彈如不用則卷而懷之德義兩國亦擬仿用云 因謹按前俄國武員曾創此鏡矣今奧又創之皆以近日之彈皆以鉛為之其性輒可循來復緩而出也然以剛者當之則委靡不能入故鏡可禦也若彈首亦鑲以鋼則仍不能阻矣

初九日

晴以前數日發熱身痛夜臥不安想有感胃服加味香蘇散入赤芍黃芩

新報紀西班牙來電言日國部臣以頻年入不敷出擬減來年各

署經費云 因謹按日國入款每年一萬六千餘萬圓合中國銀數蓋一萬萬兩以上矣乃交國債之息一欸即五千六百餘萬天主教務一欸即近千萬共為國用者實不及一萬萬圓而海陸兩軍所需甚鉅宜不足也歐洲局面自英國以外大抵皆如斯耳民窮財盡安得休兵息民者為民請命哉

初十日晴寒熱仍舊周身發斑疹服犀角大青湯

美外部大臣布連又病照會又復延矣 因謹按美國禁工之例倡自工黨總統以下阿其意而行之論其所為則背約言之無可言也中國詰責之詞名正言順駁之無可駁也且今年又當議例之年其權操之議院議院承旨於工黨外部不得過問匪特無可

日記 卷十

十四

遏止且并不能損益折衷也其何以措辭復我耶宜其窮也

十一日

晴仍服犀角大青湯與色鮮紅顯於肌內目皆赤口不渴心煩

初八日倫敦來電言英國軍餉每年需一千八百萬磅合中銀八千萬餘兩而英兵不遵營規情事屢見想兵部必有情弊茲下議院紳擬即日詰問兵部矣 因謹按三代入款未有如此之鉅也三代兵費未有如此之多也時為之矣易曰隨時之義大矣哉聖人處此必有以自強而不甘居人後也決矣

十二日

大雪即珍遊勢亦定不背仍發熱服羌活川芎芍藥歸身生薑桂枝

新報載英國新造成一百一十噸大礮一尊然放一次須火藥一千磅驗放時透過厚二尺之鋼面鐵甲厚五寸之鐵板厚二丈之

堅木厚五尺之石厚一丈一尺之三合土牆厚三尺之磚牆統計地球現在之鐵艦及礮臺無能抵禦者矣乃置之兵艦則掉用不靈現擬設法修整云 因謹按過此三十年鐵甲戰艦當無用矣蓋礮可以再巨而鐵艦不能再厚也厚則沈矣俄國克龍斯達之礮臺鐵甲厚至四尺八寸以禦此礮已不免透後有作者能造厚一丈之鐵甲礮臺重二百噸之巨礮以守海口彼鐵甲兵艦其無能爲也乎

十三日 雪止水冰肩背痠痛稍減前方加當歸去蘇梗

昨日報言土耳其國向有各國教堂近因民教不和地方官要挾教堂每被封禁茲土國新又下令所有在土國學堂均須領照違

日記 卷十

十五

即查封聞美國駐土公使已向土廷辨駁矣 因謹按土耳其弱國耳而辦理教堂如此嚴峻志之以附考校

十四日 晴肩背痠仍服前方

十二日 巴黎來電言德王醜賓席間議論時事偶涉俄國德王曰以德破俄易事耳俄國駐德公使即以此言電俄王俄王即召德國公使告之曰德王之言已聆悉請爲代復俄國亦有兵馬數百萬可調赴邊疆也 因謹按今德王之祖威棧第一破奧滅法遂霸歐洲共歿也年九十餘矣臨終嘗謂今王曰慎勿與俄開釁今德王之爲是言也豈忘之耶抑實有把握而以此挑戰耶未可知也

十五日 晴班已退痠痛亦輕但覺肩背微脹耳服生地六味湯

十三日 俄國來電言俄軍大操期近今年擬即於舊都木司科城調集弁兵二十萬人合操云 因謹按德欲破俄俄亦操演兵戎伏於尊俎之間德王之言是也選士厲兵以明好惡俄王之舉是也耀德不觀兵至今日而不可復視矣且并不敢恃矣

十六日 晴是日始食葷腥

昨日歐洲來電言德國大軍今年擬在滅司城操演此城原係法國名城爲德所破法兵十萬皆降德於此地操兵欲激法國之怒也 因謹按法固善怒者也近年以來怒於突尼斯怒於中國怒於馬達加斯加怒於摩洛哥怒於勃爾加釐亞怒於埃及惟未見

日記 卷十

十六

怒於俄英德耳或曰前拿破崙第一會怒俄矣以八十萬人攻俄之木司科城大敗生還者不百之一焉又怒英而爲其所擒焉拿破崙第三又怒於德矣師丹之戰國破身俘怒之效可觀矣

十七日 晴是夜大雪

美國農部考究蠶絲上議紳滿得勝函詢中國蠶絲出產本日又面究一切方知墨西哥國近已留意養蠶蠶絲共有十二種云 因謹按美國戶部之外又有農部戶部會計財用出入銀幣而農部則專司物土之宜也所種棉花已甲於地球矣稻與麥種尤美徧行歐墨兩洲觀本年總統諭議院文可知其民食之足焉

十八日 晴卯刻起雪深八寸續下細雪午刻止

已刻紐約來電言義國民人十二名是日由歐洲抵岸紐約查察官以其係承工開礦有干例禁一概不准登岸山原船載回矣

因謹按美國禁工以媚國內之工黨可謂極認真矣但工黨亦客民不過來美有先後之別耳先來者已入籍有投籌保舉之權故可以禁止後來者亦猶歐洲各國覓無主之地其先覓得者可以立禁限後來之人美即是也

十九日小雪時止時下

美國舊例商船非由美國船廠自造美廷不給牌照所以防利源外漏也近商務日盛商船之購自歐洲者日多均不得與美國同沾利益有礙商務現議院擬除此例云 因謹按立法無久而不

日記 卷十

十七

做者要在變通隨時而已美之於商船凡購自歐洲者不給牌照所以保本國船廠之利也而於商務有妨權其輕重則廠商之利於國其數不及衆商之利於國也宜其更也然非有議院之審商務而通下情何能如此

二十日微雪天氣轉寒本館大爐已息火矣

謁上議紳宣文 聞美國兵艦尙闕水雷現飭水雷公司上緊速製每月以十箇爲度交水師部收查此種水雷全用鋼質其形如呂宋煙可以自行每箇值銀二千四百圓云 因謹按美與義國紐阿連之案尙未全結義已露挾制之形又與英國祕林海之案相持甚堅此不可不防者故自去年以來慎固海防如恐不及現

時交涉形情必勢之足以自立者而後理可以自伸美廷知之稔矣

二十一日晴

謁見律司爲駁例也因言布連久不照會而下議紳日以禁華人爲事是置和約於不顧而以立例爲無理取鬧也美國向以仁義之國自居今所爲乃如此乎擬卽以此意增入照會律司曰可律師又詢丁總長會與外部及伊言中國有自禁華人之意因答曰未聞也律司又詢問此意已陳之總理衙門且交使館矣因曰條陳誠有之實未聞自禁之說律司曰可錄一通觀之乎因曰不便律司曰可屬繙譯讀一遍聞之乎因曰可律司遂訂以二十三日

日記 卷十

十八

因辭出

二十二日晴

廣東自鑄銀錢近日流通漸廣有運至新加坡者商民均以爲便入市日多新加坡總督遂立例禁止自本年始不准行用云 因觀此而可證通用銀錢之得利也中國行用墨西哥國銀錢近八十年中國利源漏卮入外國者蓋數千萬矣因嘗言之或不信也試以此證之非能奪他國之利新加坡何以禁其通行哉

二十三日晴

謁律司商議美國立例禁工事決意照會外部又教習羅廷佐眷屬爲稅關所阻亦應照外部稟已訂定又聞俄國於其京城添三

船塢增造兵艦土耳其畏俄之逼亦增兵額三十萬人連前共一百萬并向奧國曼里夏槍廠購新槍二十八萬桿其舊槍七十二萬桿現擬以五十萬桿改為新式以資適用而仍省費云

二十四日晴

照會美外部為下議院議新例禁工事 奧都來電言俄以兵十餘萬駐紮保蘭省其地與德奧二國接壤奧廷向俄詰問俄國駐奧公使答以移兵就糧實無他意云 因謹按俄人佳兵歐洲為之不靖偪奧則奧自危偪德則德入保偪土耳其則各國皆畏唇亡齒寒偪阿富汗波斯則英人慮失印度前此佔踞巴美爾地方入中英兩國之界詰責未已茲又覬覦德奧豈天之不欲息民耶

日

記

卷十

十九

抑俄人為天之驕子耶

二十五日晴

德國新派公使訂未初來晤談及會駐中國為代辦中國民數甲於地球富強甚易為力前文相今李相皆公忠體國者因詢畢思麻之年答云已七十六歲矣至四月已七十七歲近亦多病故退老林泉矣因謂俄法聯盟德介其間強鄰偪處畢思麻不出如蒼生何答云規模已具宿將猶多可無慮也談久而去 因按文相國李傅相之名外國仰之德使以此畢思麻國有人焉所謂猛虎在山藜藿為之不採也誠哉是言

二十六日晴

總理衙門以會匪鬧教匿名謗帖屬以節略面致外部今日往見華頓已到衙門因以節略交與并言鬧教之事出於會匪我

國家深恨之近湖北省有出匿名謗帖者地方官查獲立時正法矣華頓曰歐洲各國始以鬧教謂中國政府之惡洋人嗣聞貴公使再三言之已知乃莠民所為非國家之意今得此節略益瞭然矣美國斷無所苛求也因又詢照覆一事華頓言必有因辭出

二十七日晴

美紳雪白來謁言昨日外部為言中國公使來見言禁工苛例已許以遲日照會但須俟議院於此事有成議方可下斷語故遲遲也又言一千八百九十一年十月六號即中歷光緒十七年九月已行文田貝

日

記

卷十

二十

令詰問中國不接待卜雷耳之故曾以告公使曾問之乎曰未聞塞潑曰豈繙譯未傳言耶容當查之談久辭去 因查美外部之不遵照覆者實不能照覆也將駁因之照會則據約而言者無可駁也將自認美國之錯則議紳方又議禁工不可認也此其所以辭窮也 郵政局總辦凡吳客脫來函請即赴紐約商辦事件

二十八日 雨至紐約則晴

卯正上火車廠辰正開車中正到埠凡吳客脫到言今日為紐約大狀師聚會之期可赴會聯絡至則赴會者已數千人皆陸續入席每席二三四人不等狀師十餘人皆握手傾談為禮雪白言紐約有舉動必訪諸狀師禁華人之事工黨無不向狀師請命者但

能得狀師一言以為不然則工黨氣沮矣 因然之遂赴領事署  
二十九日雨

至大律例書院太平會中人言將派人赴華盛頓向議院駁禁工  
新例已捐數百圓為資斧因亦捐百圓又至中西學堂該教習言  
華人勤儉耐勞可嘉而工黨妒其同業奪利所以議禁然華人亦  
授工黨以藉口之柄者則煙賭尋釁三事也公使宜出示諭之能  
改則善矣即不能改使美國知公使之用心並不寬縱則亦可以  
自解因然之申正而散

三月初一日晴

辰正太平會中西學堂大律例書院聚會於雪白之宅言如此聯

日記 卷十

二十一

絡布置使議院之不惡華人者可以藉口以拒新例但中國亦須  
向美國換約以為久計因答以換約由政府發縱公使不能自主  
也又問公使何不請命於政府因答以去年已函達矣使館事煩  
留紐約已三日今日即回凡吳客脫等堅留因謝之遂於未正至  
車廠申初開車亥初到使館

初二日晴

昨在紐約聞俄風波爾來電謂俄兵紫波爾德國有戒心遂派氣  
毬偵探直至俄砲臺之上俄兵放槍擊之高不能及聞其氣毬運  
用甚靈風力緩時尚能逆風而行當其抵軍營至砲臺之上少停  
片刻又能升高其制甚巧將來如自上擊下營中兵弁不免受傷

云 或問歐洲氣球之制較往日漸精若以數百箇隨帶炸礮下  
攻敵營何以禦之因謂亦以氣球禦之而已若鐵甲砲臺上有太  
平倉者上攻亦不能入也然以攻鐵艦能使炸礮入煙筒則鐵艦  
碎矣

初三日晴戊刻雨

本日歐洲來電言德國以俄軍大隊逼近防邊員弁前升氣球下  
臨俄營以探虛實茲又載兵弁飛過俄界俄營以德軍屢次越界  
軍情不能祕密擬向德廷詰問以警後來云 因謹按俄德兩國  
勢不相下舉凡應酬禮節動作云為均不肯稍形遜順焉此歐洲  
氣習類然若不如此則示弱也者而一切囑咐要求之事亦遂混  
焉不得謂其好事也即折衝尊俎之意也

日記 卷十

二十二

初四日雨

美國議院上年撥經費六萬圓以行禁止華人來美之例雖與輪  
船公司訂減船價每名至五十一圓尚不能給茲副戶部擬再減  
巡查各員之俸四成以期持久云 因按美國於禁華工經費每  
年六萬圓尚不足用茲又禁歐洲人其費當尤鉅矣但不知果能  
閉關使遠者之不來而鄰國之不詰責否耳

初五日小雨天陰

美外部病痊已到衙門英美祕林海峽一案相持不下現已如英  
國前議訂定請局外之國公斷律司科司達繕具各案文件鎮日

不息俾局外之國公評云 因謹按美國近日爲華工之事與中國相持紐阿連之事與義國相持兵船水手之事與智國相持秘林海峽之事與英國相持智國許賠卹美國共事先結美國許賠卹義國共事亦結惟華工之事爲議院所持祕林之事議院不能持已訂請局外之國公斷比而觀之則智弱於美故受美之脅制美弱於義故受義之脅制然則美亦不敵英終不能不如英之意也故請局外公斷也

初六日 小雨

初四日俄京來電言近日德國以氣球入俄界偵探日多一日此毬能逆風而行槍礮遠莫能及又無分日夜時去時來防不勝防

日記 卷十

二十三

惟有仿製氣球以憑向空禦之云云 因謹按自歐洲創氣學而氣礮氣毬與氣毬之用日精不隨風爲進退則與輪船同矣現以此偵探敵營虛實全知擴而充之必有以此破敵者奇巧日興而民生之禍亦日亟矣

初七日 陰晴

聞英國商務局議以緬甸鐵路山曼特留都城接至中國西南邊界瀾滄江之公龍渡卽於該地設通商埠又云所經荒僻地界但有鐵路卽可成村已交議院議矣 因營山金山至華盛頓計一萬數千里又由華盛頓至紐約至哈富至單壩亦近萬里凡鐵路所經荒蕪漸闢有不數十年而成大鎮市者則必有水通海之區

也其餘榛莽之區類有人築室伐木出運通衢變僻壤爲膏腴化廢材爲有用鐵路之利於國計民生實無疑義惟親歷其地者真知之耳

初八日 晴天氣轉熱

昨日伯林來電言詳察俄國軍務其政府當不遽與德國決裂緣俄軍需用新式槍械上緊製造亦需兩年方備俄人此時斷不輕舉妄動云 因謹按古之規國者規民情今之規國者規武備此可以知風氣所趨矣弱者事事循理迫於勢也強者事事挾勢恃其強也今之小國無不事大者大國竟無字小者世變亟矣有國者其早圖自強哉

日記 卷十

二十四

初九日 晴未刻小雨遽止中夜大風

本日報言下議紳蓋力苛禁華人條陳執意議行前因議紳好德狹麻火街安多羅等屢以背約失信與之辨駁遷延至今本日遂爲投籌之舉以爲當禁者計一百七十九人以爲不當禁者計四十二人議禁遂成 因查美國西省多工黨均妒華人議紳爲工黨所舉先有要言故出死力苛禁華人以報之雖背約失信不顧也中國兵力不足以備之僅恃筆舌此交涉之所以難持平也

初十日 晴

昨日智利來電稱南北墨洲各國海口輪船之利向由美國公司專之該公司任意勒索各國商民病之茲中墨洲之沙華他國已



擬自與輪船各國便而效之將來商民均便而智國之麥亦可運出以分美國之利云 因謹按美國輪船擅墨洲之利而又病民美之政非昔矣中國江海各口爲外洋輪船專利者數十年茲江口之利雖收回三之一而海口輪船之利依然外國專之也歐墨各洲中國誠未易與爭利矣何至上海日本來往輪船之利亦任日本專之中國向來於言利一節夷然不厝豈知治國如治人也脂膏賤削體質無不羸焉且古之不言利者不欲與民爭也今之奪吾利者乃敵國也二百年來漸入吾門而窺吾奧矣願有心者籌之

十一日 陰雨

日記 卷十

二十五

昨日聞美外部言前任上議院紳卜雷耳派充駐華公使不爲中國接待一事其來往文牘不日送上議院交議現此宗文牘尙在總統處云 因按美國下議院議禁華人苛例甫成將交上議院而卜雷耳事所有文牘亦將由總統處發交此美國之權術也卜雷耳以上議紳出使中國中國拒之則免死狐悲既足以動上議院諸紳之怒而其拒華人也亦有辭矣

十二日 晴

昨日聞南洋之加羅蘭島係日斯巴尼亞屬地前此美國教士赴彼傳教爲日人所逐上年美國遂派領事駐島保護而日國駐島之官竟不接待美廷商之日國政府外部亦不肯給准照美國領

事只得撤回云 因謹按萬國公法凡領事駐紮之所均由各國自行指定其有不准者鄰國亦只聽之以其爲自主之權也美國近來行事頗有新氣非復華盛頓自守之規蓋爲他國所侮辱者非一次矣

十三日 晴

費城太平會女狀師來見言爲下議院禁華人事將赴議院駁之詢因何言因言中國惟知守約美紳背約而強行例本大臣未使與議紳言已照會外部矣該狀師言美國如此不但違中國之約亦有背華盛頓開國之例也理當駁之因獎以所言切理談逾刻而去 因謹按美國禁工苛例凡有求於工黨者均附和之凡無

日記 卷十

二十六

求於工黨者均詆訾之惜無求於工黨者大抵皆無權者也故理雖足而勢不行焉

十四日 晴 申正日色皎然而飛乾雪仰視天際只微雲耳

未初接總理衙門來電云北洋轉倫敦電初十日美下議院議定不准華人再來美國居住確否果有是議應援約與辯並電復寒當即訂見外部本日爲外國禮拜例不辦事遂定次日

十五日 晴

午正赴外部衙門告以本大臣上月以下議院立例苛禁華人照會貴部未見照覆茲本國政府來電云云華頓答曰此例尙未定奪前照會已錄交議院如再有照會亦照例錄交因又問此次下

議院新定苛禁交上議院時總統并將中國拒下使案並交又聞  
貴部上月且以此案電田貝其意何居華頓曰美廷並無他意惟  
因中國爲美國禁工而拒下使理有不合故飭田貝以此意轉告  
總理衙門以備存案而已因遂辭出

十六日晴

昨夜訪律司因出門未返遂自起照會草本日已刻律司來見相  
與熟商參贊彭光譽繙譯何慎之容揆均與焉律司謂下議院議  
廢約而中國援約據理雖正其如置之不理何哉必有抵制之法  
方可使之就範耳因言抵制之法俟緩商之政府美國下議院廢  
約而上議院多老成敦謹之士豈肯徇之且總統與通國正人未

日記

卷十

二十七

必不畏人言我之援約所持甚正彼之廢約於理不通且事亟矣  
有此照會上議院之持正者猶可據此以爭也遂山何慎之譯成  
卽遞外部

十七日晴

華盛頓新聞載前派駐華公使卜雷耳因中國不肯接待昨日又  
上書議院請查究不接待之故云 因謹按此又一機事機心也  
上議院尙多持正之人共議覆禁華人例未必肯從必思有以符  
之激之方可如下議紳之願也下議紳既以投籌符之矣其意謂  
上議紳只八十餘人不敵下議紳三百餘人之多也總統又將中  
國拒使之文交上議院矣謂中國所拒者卽上議紳上議院當動

公憤也茲卜雷耳又以拒使之事呈請上議院查究自謂兔死狐  
悲物傷其類也茲三者不先不後同時並舉明者知其用機之深  
矣

十八日晴已後小雨

送總察院布路瓦之女出閨禮物湖縐二疋 太平會女狀師駱  
活來函已將本會所駁新例條陳分遞上議院紳各一紙使知新  
例之不公並以一紙相示云 因按美之上下紳民凡不覬覦爲  
總統作達官者皆毅然昌言新例爲不公其在民間以華人爲富  
禁者皆工黨也其在議院以華人爲富禁者皆工黨所舉之紳也  
此外若總統若各大臣則心非之而不敢言恐拂工黨之意而不

日記

卷十

二十八

久於位也若議院中之昌言新例背約者殊不多見此其人大抵  
不肯趨時求顯如漢之汲長孺唐之宋廣平也

十九日晴

前數日但聞總統以中國拒使之全案交上議院本日由律司科  
司達送到刊本二冊方知禁華人之事總統實欲激成之以報中  
國之拒使也中國以下使鄙詆華人不願其使華於理本順不待  
辨也而總統必嘵嘵於斯時卜使又喋喋而不置其意何哉一則  
恐上議院持正論駁禁華人之苛例也一則恐各國有煩言譏禁  
華人之苛例也彼固以爲川謀之深也因實以爲淺而易見也

二十日晴

科司達來見言上議院紳宣文多福以盡力所訂新例背約失信必不可行宜駁棄不用外交處各紳均以爲是有議紳名飛路頓者作而言曰華人之來美實與我近太平洋數省人生計有礙我等不敢緘默新例雖嫌違約實係便民請從緩再商勿即駁定遂又待再議云 因謹按禁工之紳大抵皆金山一帶省分近太平洋者民之所欲紳必從之以爲便民可也以爲徇私亦可也即以爲爲己不顧中美之約亦可也華人不入籍而不能舉議紳豈非自貽伊戚哉

二十一日晴

昨日倫敦來電言俄國議論近日整飭軍務不遺餘力且下令飭

日記

卷十

二十九

國中火輪車船爲政府調兵之用該公司業已允許又不准國中官民公司等泄漏不准報館刊布以防人知云 因謹按俄國貪佔鄰邦土地每以兵力脅之其濟則可不煩血刃而擴版圖其不濟則出於戰亦可必勝而割他人之地考諸往古贏秦之於六國大抵如斯俄固襲其武也

二十二日雨

至銀行又至總察院布路瓦處送其女出閣 昨日巴黎來電言俄國擬派大軍往西方各省駐防又言愛拉新報載俄國兵官已由彼德堡帶兵赴德國邊境云 因謹按俄國無休兵息民之時其民苦矣而毗連之鄰國若德若奧若義亦因俄而不能息民焉

民之苦也俄貽之也義國悉索敵賦至兵費不能給部臣辭職昨則尤難也其他如波斯波蘭等諸小國或危或滅更不待言矣 戌刻接總理衙門電云美卅年前派蒲安臣使奧不納六年前派韃禮使義不納美均有案美廷若以我拒卜雷耳爲嫌卽屬律師查案辨解禁工苛例仍希駁論各摺片昨已代遞義

二十三日晴

美義兩國去年因紐阿連人命案美不允卹遂至齟齬以致兩國使臣均不分駐茲美總統已允卹卹二萬五千圓山外部額外費項內支給案已了結兩國使臣仍擬照舊分駐矣 因謹按去年義與美索賠卹時美之拒之何其堅也迨義撤使以示絕交美頗

日記

卷十

三十

內怯則以義之海軍非美所能敵也今竟願賠卹矣以拒始者以與終以堅始者以懦終交涉之道如此可得其間矣謂非強之足恃哉 謁律司商照會美外部駁詰新例

二十四日雨

倫敦來電言波斯國前給英商准照准在境內創設公司專售煙葉煙絲他國不能攙奪詎料國人不願因之多事波斯政府情願賠出英金五十萬磅與英商收回准照正在籌款爲難俄廷允如數借與云 因謹按俄方向德法等國求貸入不敷出安有餘款借與波斯所以借與者爲與英爭波斯也波斯土耳其共爲歐洲之屏蔽聽命於俄則蠶食歐洲易也此可以知俄人之心也

二十五日時雨時止

墨洲聖多敏國與古巴近為太平洋輪船來往南北墨洲要道茲聖國向美貸銀三百五十萬圓以後煙葉等稅由美抽收官員之俸由美發給一似美國之屬邦外部布連頗助美商成就此舉云

因謹按美欲與海代國約一兵船添煤之埠海代不允聖多敏國與海代同島者也從此得一添煤之所而貸款又得息富強二字兼之矣

二十六日雨

巴黎來電言西歷五月一號為法國公舉各地方官日期各處天主教監督先通知同教人應舉何人法國政府以其干預國政有

日記

卷十

三十一

礙公事擬送官究辦云 因謹按天主教之不安分在本國已然無怪中國之怨惡也從前聲勢極大時至能廢置各國之君德國威凌第一之祖即為教王所廢法國護之所以有師丹之役法之國滅君虜護教為之也自法君虜後義國收回羅馬城而天主教遂衰今法政府又惡之則其衰當又日甚矣自取之也

二十七日晴

美國兵艦之鋼甲與大礮之鋼質山賓埠之卑司理宴廠製造該廠自得祕法所造鋼器精堅茲聞歐洲各廠密派人來美偵查其法以冀仿之本廠得此消息即禁閑人入廠遊覽並添暗查之巡捕密防云 因謹按外國化學其用甚大以鑛質鍊鋼此化學之

一耳而學有淺深則鍊法亦有淺深而鋼遂亦有美惡西人肯用心故精益求精遂以強富美廠鍊鋼之法精矣歐人思之而不得則密查之皆求精之意也

二十八日晴

美戶部由派赴英屬域多利偵探華人入境人員遞來消息言本月二十四日輪船入口載到華人五百餘名將領取入英籍之執照來美戶部已定新章凡華人持有入英籍執照者一例不准入境云 因按美國之禁華人何其嚴也曰徇工黨也然則美何以敢悖英之前例耶曰此美內治之權也然則中國獨無內治之權以抵制報復耶曰積習已成各國不受也中國亦不為也且其俄德法美諸邦其相齟齬者傍人不附和之而與中國為難必附和焉此其積習非中國自強能與力抵殊不易挽回矣

日記

卷十

三十二

二十九日晴

已初啟行赴紐約為前格總統立紀功碑赴會也申正到紐約聞上議院已會議下議院所定禁華人新例以為是者僅十四人以為不是者四十三人而上議紳多福所定之例下議紳亦多以為不是故亦不能行須再議矣

三十日晴

謁前上議院紳靄佛司其人素有重名曾舉總統而未成今為大狀師向以禁工之例為不然數見於華盛頓去年以任滿而去未

見者一年矣今見之仍以禁華人例為非也年逾六十有目疾視細字不甚見頗不願與外事而來謁者仍踵接其門云又謁雪白

記 卷十

三十三

出使美日秘崔日記

四月初一日晴

午初乘車至格總統墓所未正而到現總統及各部大臣亦相繼而到格夫人暨其子媳孫均到碑在墓之西南方工程甚巨聞已費銀三萬餘矣巡捕到者約百人軍兵到者十餘隊水師隊亦有到者各部大臣惟外部水師部患病未到百姓到者數萬山隴為之蔽先宣頌詞者為總理紀功碑人次總統次教士次為善頌者頌畢已中正矣總統以頌文置碑下先退下臺因與格夫人等作周旋畢欲下臺已擁擠不能行久之始下上車後車數千輛又擁擠不進乃改由東道至領事署已酉正矣飯畢於戌正赴火車廠

日 記 卷十一

亥初開車天明抵華盛頓

初二日晴

卯正入使館參贊以下均未與辰正飯後查上下議院因意見不合各派三人會議上議院三人為多福地甫司白得勒白得勒告假代之者為克累下議院三人為好德蓋力匪姐本日尙未議及也 謁狀師絡活夫夫人言新派各紳伊管往見責以大義此中多公正之人可望信受云

初三日已後小雨申後止

謁律司查議院事言地甫司克累二人亦告假院長又以宣文摩根代之日內即會議矣律司又言因赴紀功碑之會美國紳民深

中華書局  
影印

以中國不忘故舊屢見於報此舉甚為有益云 未刻接總署電云經費已照撥江 撰抵制美國苛例華人條陳

初四日晴

新報載中國公使以前總統格爾脫墓立紀功碑親帶繙譯赴會見中國之不忘故舊且言格爾脫遊歷中國與李中堂至契中國公使年年於墓祭之期親自送花從未間斷中國如此優待美國美國之立苛例以禁華人殊無禮也 因謹按格總統紀功碑會到者約數萬人各國公使亦多到者而新報獨言中國蓋以新例之酷代為不平也此亦公論之不容混矣

初五日晴

日記 卷十一

紐約鐵路公司之狀師來見言美國工黨妒忌華人之奪其工且減工價致各司之棄工黨而用華人已深惡之華人又不安分致工黨有所藉口此次工黨為破釜沈舟之舉情人挾巨資通聲氣以禁華人議紳之不染指者甚少而下議紳為尤多云 因謹按議紳舉動本屬可疑下議紳尤為可疑其議新例也只一刻而即成是先行有成議也聞此言乃恍然悟矣

初六日晴申刻大雨天氣驟熱雨至夜而止

下議紳名狹麻者與因最契且常言美國苛例之非其眷口且常過從此時忽附蓋力上議紳斯斌介不來奔亦至契者今則中立嘿無一言地甫司白得拉前之侃侃而談詆新例之非者今均告

假不願與議摩根向謂新例背約令乃附和蓋力之領照註冊一條非鐵路狀司言因實不解其翻覆之故矣

初七日晴熱

訪律司查詢上下議紳合議之例律司云下議紳蓋力之新例上議紳已駁棄惟禁由英屬卡拿大暨由墨西哥國潛偷入境之華工此例行之已久今不過更認真辦理耳認真之法則惟分別華工之新舊舊華工之現在美境者飭其領照即由卡拿大墨西哥偷入美國其業已入境者既往不咎亦准領照自今以後再有偷入境者其人無照自無所容然亦予限一年此一年內之偷入者仍可領照一年以外則不能矣此言偷入美境之華工中國公使

日記 卷十一

例難過問前已聽之矣商人則不必領照其有願領照者亦給照非上議紳之力駁尚不止此因又查假道一節據云尙未議及初八日晴

上議院所議之例已遞交下議院議紳好德火街安多羅等共十餘人仍以此例為非其以前投籌之一百七十餘人并士吉飛路頓等以為可行遂議准送上議院矣

初九日晴

新例今日送交總統因即於午初謁外部布連病未到署遂見華頓為言新例之背約華頓深為抱歉言外部實無權此美國之例也諒可鑒原因言此例不能不駁本日照會未刻必到請呈總統

華頓言必為即呈因辭出遂趕膳藥飭洋僕速送外部時華頓尙在署已接受立交辦事人遞總統處矣

初十日晴午後大風暴雨即止

聞上下議院合議領照之例昨呈總統總統即派人邀外部戶部律政部畧商數語即批准發行云 因謹按議紳蓋力等之建議可謂不顧國體乃附之者一百七十餘人則知徇工黨者衆矣上議紳尙持正論故蓋力之例不行而華工領照一事不願者只十五人平心而論既禁工十年矣領照以別新舊其意不過欲禁新來之工無他意也然而苛也

十一日晴

日記 卷十一

四

律司來言此次下議紳之新到者受工黨之託一鼓作氣事在必成爲上議紳宣文等所阻雖面從之心實不甘戶部司員前擬苛例呈上議院亦爲宣文所駁心亦未鑿查領照一事亦不過照光緒十年及十四年之例限制後來之工及復回之工而已然戶部司員恰好藉此爲詞行其苛索將來公事又增軫轍矣

十二日晴

午正接總理衙門來電云美例廢新仍舊所廢所仍究係某年某例華工領照須註冊否即復電文當即復電云駁棄今年新議仍壬午甲申戊子例兼註冊因 英公使來見言美國當蒞安臣立約之時求華工之至若渴以後乃因工黨之妒再三立例禁工全

不守約此次領照註冊又進一層所以如此者以類年屢次嘗試貴國不爲抵制報復故放膽爲之也報復二字中國一向謹慎誠不輕舉然抵制未始不可也今貴大臣之意如何因答曰新例甫定已電達本國政府以俟後命因未能輕動云

十三日晴

謁英公使已出門未見前駐中國公使楊約翰來見言已見總統微窺其意知新例之所以批准者將爲蟬聯計也然前任已有此心卒未遂願徒爲人竊笑耳因答曰此余耳可聞而口不可言者未知所對楊約翰又言已將新例寄李傅相以後再相機耳因曰然此外皆應酬語

十四日晴

日記 卷十一

五

謁律師告以中國來電并詢善後之策律司云下議紳蓋力苛例大害於華人駁除將盡而以領照爲轉圜且丁韞良去年即建華人領照之議爲華人安居地也以後如美國地方官及關吏不相苛索殊無大害但須設法防之耳

十五日晴

查此次議例上議紳外交處九人無不以新例爲背約下議紳之持正者只好德火街安多羅三人耳而附蓋力者極多故蓋力之勢盛工黨又密派人挾賞以賂議紳其受賂者始詆蓋力而終附之上議紳明雖不阿而暗畏其激成投籌故以領照爲調停之計

也

十六日晴

華工領照例光緒十七年即西歷一千八百九十一年三月工黨業已舉行因飭金山總領事照錄一通寄閱本日寄到查此例係二十五條除出使人員外悉行禁絕來美其收費甚重其約束至嚴其第二十二條乃至照化外之人之例辦理可謂苛虐無理之至乃知蓋力之例即工黨所授也下議院有稍知大體者故刪其至無理者而以示上議紳幸即被駁斥則上議紳猶以禮自持也十七日晴

當下議院例遞上議院之時上議紳魏禮森曰我美創國以來各

日

記

卷十一

六

國人民均准隨時隨地入籍迭山美國出使人員轉告外國政府各國固執不允均謂入籍一事不能由民人自主因是之故美國以求各國人民來美入籍一事與各國歷年爭論至一千八百六十八年美國議院立例聲明准各國人民隨便入籍載在政綱即於是年七月二十七號由總統批准次年蒲安臣訂立中美條約其第五款與政綱相符則是天下各國於准人民入美籍一事最先允美國所請者中國也今下議院立例不遵美國政綱又悖中美條約前後相反自食其言余於一千八百八十八年議院議禁華工時曾斥其非而此次下院所議比前猶酷尤非理也 因謹按美國非無偉人也特無如徇工黨者多勢不敵耳

十八日小雨至酉而止

美國醫生瑪高溫於滬上行醫聞美國新例致書於因極詆新例之不公 因按光緒十三年前任出使大臣張蔭 擬於金山設立中國醫院美人以中國醫生應由美醫院考試給照然後准其行醫瑪高溫如寓金山其用意立言亦不過附和工黨耳此時為詆新例之言亦慮中國政府仿美例以矛陷盾耳然而中國不為也

十九日晴

本日報言考究家查自德法交戰以來德國整頓水陸軍務用費計銀二千二百兆圓 合中國銀二十二萬萬圓 因謹按德法師

日

記

七

丹之戰迄今二十三年分而計之則每年需軍費一萬萬圓國不富者安可籌耶當時德索法國兵費約得十萬萬圓以此數乘除之可抵二十二萬萬之半則每年只籌五千萬圓在德國尚易為力若在義奧日諸邦亦未易措置矣此富強二字所以相因也

二十日晴

接北洋文官新創電綫由俄達歐洲其價較廉由洋人璞爾生成金生經手其中有密電不能代轉一欸 因查所謂密電者係發電與收電之人預先訂定惟二人獨知之旁人安知其為密哉殊難索解存之以俟質疑

二十一日晴



俄大饑由俄廷振濟府庫爲之空虛入款又短前此定期操演大軍以此項川費需一百五十萬羅卜合中銀約百萬現以費絀業已停操矣 因僅按俄君好武而災及其民蒼蒼者似夢夢也俄廷因此而能操非以郵民實欲節費俄君之心可知矣府庫空乏乃至百萬亦不能儲俄之窮可知矣俄歲入亦計銀三萬萬兩有零耗於用兵者大半俄之佳兵可知矣前此告貸於法而法允之告貸於德而德卻之俄之債累可知矣天心悔亂使俄如元世祖之末路歐亞兩洲其太平乎

二十二日晴未刻見雨點乃霽見日

美國議院議鑄銀錢未衷一是近請歐洲各國派員會議俾金錢

日記 卷十一 八

銀錢並行無礙聞英義奧三國已許派員法與瑞士尙無明文然亦必允所請云 因謹按美以重四錢八分之金錢一圓抵七錢三分之銀錢十圓按輕重乘除之每銀一兩五錢二分可易金一錢是金價低而銀價高宜其金錢之漏入歐洲此一年中已有二百八十兆磅中國滙銀至美近日每庫平一萬兩只得美銀一萬一百三十八圓按輕重而權之每規銀一萬兩只得美銀六千七百五十兩是三分而去其一也其不平孰甚焉宜美國急求整頓也

二十三日晨起陰辰正大雨至午而霽未後又小雨

巴黎來電言法國自得越南其民不服常與防兵爲讎近日兵民

應戰越民死者一百二十五人法兵六十八人內兵弁五人云 因謹按癸未甲申法越之戰法兵屢挫中國以統領非人至於終厥致失北甯法人滋擾不休幸准軍諒山大捷而法不敢佳兵言歸於好自時厥後法以重稅治越南越民不服法常損兵折將蓋得不償失矣

二十四日晴晴時雨

是月爲各省舉總統之期本日華盛頓報言金山一省之工黨以下議院紳蓋力建議嚴禁華工雖未全用實已出力擬舉爲副總統又言上議院紳宣文本有總統之望惟其駁棄蓋力之例太平洋一帶人民均不謂然舉者少矣 因謹按美國分黨有四一北

日記 卷十一 九

黨二南黨此二黨者人數至多權力最大議院總統由共舉錯其次爲工黨亦有權勢但其用權與南北二黨異蓋南北黨如水火南黨不舉北人北黨不舉南人也工黨則不分南北人惟常懸賞有能苛禁華人者則舉之其黨頗多附北黨則北黨勝附南黨則南黨勝故南北二黨皆畏之徇之又其次爲農黨現在勢微不能自立一職依草附木而已

二十五日月初天陰辰正大雨至申而霽

謁律師託其致意美戶部因聞戶部已籌撥銀十五萬圓爲籌發照新例之費本日又聞上下議院管理限禁歐亞各國人來美之議紳會同議例分別良莠以杜弊端業有成規不日頒行律司許

以是晚即至戶部查問云

二十六日 陰時小雨

二十三日美國議院以美國例輪船不山本國廠造者禁用美旗號遂致所購於英國之船皆用英旗殊失國體茲議弛禁准用美旗本日報言英人聞此甚懼利益為美所奪且礙於用兵擬將前所售於美國之船購回云 因謹按法以救弊而救弊之法亦不能無弊也其能見其弊也恃乎識其能救其弊也恃乎力議院萃萬姓之心思以審時度勢固宜其有識矣合萬姓之稅租財貨以創制顯庸固宜其有力矣

二十七日 晴午列見雨點

日記 卷十一

十

昨日倫敦來電言歐洲各國惟英國不抽入口稅而英國貨物運往各國均輸重稅天下各國以美國之入口稅為最重以致英國受損而無益茲英國選舉議紳期近英相先期曉諭通國謂各國均圖利己重收入口貨稅而英獨以薄稅為貴損己益人若不因時制宜改變舊章必致自累為今日急務當修稅則重徵入口稅以重本國人民生計云 因謹按稅則者國之內政為輕為重本可自由歐洲各國大抵重徵入口之稅以裕國而不徵出口之稅以便民且入口稅重則他國之貨物難來不致奪我國之生計出口無稅則本國之貨本價賤足以供他國之行銷中國反其道而行之宜金銀漏卮於外洋而土產不行於異國也

二十八日晴

美國政事或歸省辦或歸國辦向有定章向來他國寓美人民有被戕命劫財之案均由本省自辦國家無權美國與各國立約雖云保護及至生事又以無權推諉去年紐阿連戕殺義人一案美廷推諉幾至決裂終出於賠卹今上議紳多福議將此種案件歸國家審辦云 因謹按此義國兵船之力也當美民戕殺義民之時美國亦以辦中美交涉之法處之一味推諉乃至義國撤使絕交美廷大恐以其水師之力不敵義也卒至卑禮遜詞以認賠卹而後歸於和好居今之世其可以不強哉

二十九日晴

日記 卷十一

十一

本日新報言美國造礮愈出愈奇近日造成大礮一尊能於水底施放現由水師部試驗是否可用即當詳覆該部大臣云 因謹按人心之靈猶井之水也井之新掘也其水常渾猶心之初用也其思常鈍也非愈汲而水愈清猶心愈用而思愈敏也井之廢而不汲者其水自枯猶思之廢而不用者其心自寒也歐墨各洲之人用心最苦每造一密室獨坐其中終日思之必求有得其得也則獻之國家國家給以憑據二十年內不准他人模仿則其人暴得名而致富如中國善制藝而取科名也其有思之至老而終不得者歿後其室必為世人所貴重謂是固苦學者之所處而靈氣所鍾也風氣如此宜其巧不可階哉

五月初一日 大吉時酉刻大雨徹夜

墨西哥國來電言駐美公使已改充戶部大臣另派員來駐美又言布衛布路省各處地方近日華人到此者甚多云 因謹按華工之到墨者向以爲到美之階近不能潛越至美故覺其多又華工近有去美赴墨者故益見多矣但必應先立章程則庶無後患耳

初二日 晴時雨

美上議院以新金山之東南有島名紐西蘭三十年前美人魏布士達於彼購地數千頃嗣英國佔其島地魏布士達請美政府照英外部索地英外部置不理茲議紳以爲美國本可按公法奪英所有以爲賠補惟於交誼有礙特請局外之國公斷云 因謹按

由記

卷十一

十一

此案可以證中美之交涉矣英強於美美之爲民請命者英置不理美無如何也奪英所有此抵制之法而美恐傷交誼不遽行焉仍請局外之國公斷英如不允或可以行之乎英苟外畏人言內防抵制當不至一意橫行如美之待華工乎

初三日 晴

巴黎來電言義國與德奧兩國聯盟實保義君一人主之民不謂然近日義民苦於重斂議院遂與各部爲難昨日又迫各部大臣辭職此一月內部臣竟兩辭職義主如不廢聯盟部臣難安於位云 因謹按歐洲各國武備實有騎虎難下之勢其經費不絀者只英一國而已若法若德則繻而未甚也俄則無歲不貸而猶有

貸之者也義則重斂而民不聊生矣日則每歲交息至五千萬矣葡萄牙則直不能支持而鬻土地以清債矣天下之局一變而至如此乃知古聖偃武之言爲民造福獨見其大也然而必不能也

初四日 陰

美國北黨公舉總統前兩月間外部布連致書同黨之刻拉生云無心總統現總統聞之大喜以爲莫予奪也乃自布連赴紐約後而舉布連者多於現總統於是現總統亦出美都竭力收拾人心今舉者亦多矣見華盛頓初三日報 因謹按美國當舉總統之年憧憬熱中一如舉子之望榜也而終南捷徑尤以禁華工爲第一階蓋禁華工則工黨必舉其人是可操券者已三之一矣華人

日記

卷十一

十三

不入籍過此以往如鼠入牛角其道窮矣

初五日 晴

是日爲美國展墓之節因卽於前格總統墓所送花 前日倫敦來電言卡拿大地方官請於英政府以本地所產五穀入英口岸與各國同如英國予以格外利益卡拿大亦減英國貨物入口稅以相報云 因謹按此卡拿大之抵制美廷也美創新例入英籍之客民均不准來美故請諸英廷以美國入英之五穀至多如英廷能使與卡拿大分別則本地五穀可望暢銷矣西人鑽利心思無孔不入於此可見

初六日 晴

近聞俄駐北印度之步兵計二十萬人馬兵計三萬八千人查英駐守該地步兵計十萬人馬兵一萬三千人多寡相懸勢不敵矣  
因謹按俄人如洪水力之所到足以爲患各國防不勝防俄兵又調動無常近德則德增防近英則英增防近奧近土耳其防之皆如不及防俄不戢兵各國皆不敢息兵矣印度爲英屬俄以重兵二十餘萬壓境土客之勢顯然不敵然因料俄人必不開釁者何也俄之水師萬不敵英兵端一敗水師爲英所殘矣所得不償所失也

初七日晴

巴黎來電言阿洲小國名烏干達曾立約歸英保護法國教士有

日記

記

卷十一

十四

在此傳道者英駐該國武員不欲他國分其利權因虐待該教迫使他往法廷向英詰問英外部覆以未有所問俟該武員稟到然後照覆云 因謹按法之天主教向不安分天下各國之所惡也弱者敢怒而不敢言強者則限制之如俄如德是也其次則詆毀之如美是也其次則窘辱之如義是也英人則直欲驅之矣因料該教士必不能安於其地也詰問何益哉

初八日晴

巴黎昨日來電言義國人民苦於重斂恐有內變聞義君屢請德主藉端與法啟費俾義國人民有事於外不生內患云 因謹按歐洲各國重斂以整武爲騎虎難下之勢所不至匱乏者惟英耳

其餘則蓄積有多寡即形見有後先堂堂義大利乃至不惜民命以求孤注一擲其辱焉不終日之勢可想而知過此數十年歐洲大局其必大有變更也夫

初九日晴

謁外部大臣布連布連尙有病容寒暄畢因詢照覆事布連曰美議院權重所議新例余不能以爲是亦不能以爲不是惟中心抱疚而已因曰然則終不照覆我耶布連曰新例雖成行例尙有通融幸勿介懷我等尙有補救之意至於照覆未避者以前亦當上緊辦理因再三訂定遂辭出 因按布連之言其爲厚貌深情欺抑爲良心不泯歟未可知也外部本無議例之權落得推卸至於照會久而不覆者則又以今年爲舉總統之年慮有觸礙也其必待於避暑出都之前者則以總統之舉此數日中可定既定矣則可任意言之而不憂觸礙也所謂患得患失者非耶

初十日晴

金山狀師阿他麥克自薦充中國駐美金山領事辭之 倫敦來電言英國下議院紳六年一換其權大於上議院蓋下議紳由民舉上議紳由世爵充各部大臣之任事必由下議紳允准也今年係換班之期謀此者極多云 因謹按歐墨洲各國均設議院而章程不同美之議紳均由民舉不分上下也英之下議紳由民舉而上議紳則由世爵然權歸於下議院則政仍民主之地歐洲除

日記

記

卷十一

十五

法國瑞典瑞士外政皆君主而仍視議紳之從違則民權仍重即洪範謀及庶人孟子民爲貴之義也

十一日晴

昨日布連之黨致書於布連謂其有意爲總統即當辭外部之職以明其心使大眾見之而決於舉布連遂上書總統辭現任外部大臣之職總統批准矣 因查本年爲美國公舉總統之年凡希冀爲總統者無不分布黨羽竭力招徠擾擾營營熱中無已而祕魯智利至以爭位遂動干戈以勝者據不勝者之位又其甚矣以美較之猶此善於彼也然如宣文之力持正論不事齷緣無心於舉而舉之者亦無多人豈三代直道不行於今歟蓋非華盛頓創

日 記

卷十一

十六

制之本意矣

十二日 晴未刻見雨點仍霽

南墨洲之英屬忌安峯地方以美國加稅出口之糖無利國用不足乃加礦稅古巴亦以入款不敷出亦加貨稅商民苦之云 因謹按稅則爲內政本可增加而入口之稅尤應增加者蓋入口稅重則外國貨物不易入口即不致奪吾民之生計近年中國入口之貨煤油洋紗洋針大行而本國所產棄之無用之地業此者皆失業矣識者傷之

十三日晴

本日伯林來電言德君於本日由德都往啟爾海口期會俄君同

行者有外部大臣俄國駐德公使武員等俄君明日可到兩君之會約有一日盤桓無公事相商但以修好而已 因謹按前此俄德兩君訂會而俄君爽約遂至齟齬者半年德主遂有攻俄之言俄主亦有敵德之語幾決裂矣而俄君此次之行仍肯過德德主仍修地主之禮似可言歸於好其終不決裂者非真有推誠釋怨之心特以兩國兵力皆強戰則無全勝之算而有民生之禍故未敢妄動耳如其中有一弱者則戰局久開矣

十四日 陰小雨

巴黎來電言俄德兩君之訂會法外部會照俄外部謂法人猜疑恐礙兩國盟約俄君乃於會德君之時遣其介弟謁法主於南施

日 記

卷十一

十七

埠以示與法親厚法人大喜 因謹按法之於俄與日本相似矣俄君之子被刺於日本日君恐懼失常問安不絕至許以後不干預俄與高麗之事可謂怯矣法則前見俄與德分而喜今見俄與德合而憂又見俄君之弟至法而大喜一若依以爲命也者何平日之搶攘爲傑傲慢稱雄至是而恭敬有禮耶

十五日 陰細雨時霽

聞中墨洲海帶國之海口名刺買那願歸美國管轄美駐海帶國及兼理三德明哥之公使已向三德購地云 因謹按美國近年之所行非復創國時自守之道矣於古巴檀香山無不垂涎雖露痕迹尙未顯有設施也海帶國之海口前此曾遣員向該國求之

此亦猶俄人之求朝鮮海口也乃朝鮮不允俄而海帶允美一則為驚弓之鳥一則為海客之鷗也

十六日 小雨時止亦時見日

美國希卡果兵艦前調赴墨洲為水師提督坐船本月回美交船廠查驗有無損傷經查得此船巡海僅八箇月而船底生蟲已滿每駛行一日須減速率一百六十中里云 因按十年以前即聞歐洲各國以兵艦下水後即有一種海蟲附於船底逐漸而多而厚船行之速逐漸而減因思得一法以藥膏塗船底則蟲不附船以為此患可永除矣今乃仍舊生蟲豈藥力之不驗歟抑美國新講求海軍尙不知歟

日記

卷十一

十八

十七日晴

是日北黨總統已舉定即現任總統哈利順也紐約紳士言哈利順於三月之前即派有權力之紳通信各省布置一切一月之前美駐英之總領事駐法之公使特為此事返美親至密臘巴里地方聯絡各省派來之委員而去年總統所派駐金山之按察馬羅駐中國之公使布萊爾均洽民心本年簽苛禁華人之例極為迅速衆情翕然故得保舉聯任云 因謹按美國風氣如此保舉如此可見大權之操自民矣蓋各省派來之委員皆民所派也其中有民間訂定必舉某人者則委員無所左右也有民間訂定從衆所願者則委員可以通融也有聯絡委員之人則思過半矣

十八日晴

接北洋電發總署北洋電 日斯巴尼亞國以船廠造船工夫未精已聘英國船廠各色工匠管理云 因謹按地球之上兵艦商船以英為最多且皆自造則地球船廠自應推英為第一也因嘗至日國矣查其造船僅造船壳而機器仍購自英法今乃以整頓水師為事而求自造亦自立之見也

十九日晴

本日伯林來電言俄都有信美國遊歷各國採訪風俗之士名比及羅名望素著近遊至俄境俄人逐之出境云 因謹按美人越數萬里以船載運糧食銀錢振濟俄飢可謂恭順矣遊歷人員為

日記

卷十一

十九

公法所不禁惟美國今年下議紳蓋力創立新例專禁華人而上議紳仍駁棄之今俄人不必立例而輒逐美國遊歷之人豈天道之好還耶抑所謂出乎爾者反乎爾耶

二十日晴

西正奉總署電云銷册寄還聞布連告退科士達接任外部確否電覆號 十八日巴黎來電言歐洲各國日修戰備兵費日增近日借款愈多籌借愈難多者八九扣少者至四五扣奧國賴德商挹注尙未竭蹶然德亦難久恃若義日葡三國則府庫已空矣惟法能取信於民借貸甚易且債票近日竟無虧損與德法交戰時之落至折半者迥殊矣 因謹按歐洲各國武備如騎虎之勢其

有餘裕者惟其次則德法尚不竭蹶以其商務盛也其餘商務蕭條之國皆每下愈况焉然則有國者其留心商務哉

二十一日晴

覆電總署云布連退華頓署 昨日新報刊出美國殘兵郵款現已撥定來年所需計一萬二千四百八十二萬五千圓管理此事人員以為不足應添一千三百萬圓查美自南北爭戰養贍受傷兵士前十四五年每年只二千五百萬圓以後按年加增所估來年入口稅項計一萬七千萬圓不過敷一年郵款云 因謹按美之郵款可謂巨矣此亦猶富貴之家踵事增華不免浮靡因嘗於光緒十四年今

日

記 卷十一

二十一

皇上親政奏陳四事其中崇儉一節言事逐情生費隨事廣蓋陸宣公之論深得我心焉

二十二日晴

昨日巴黎來電言英國作事多拂法人之意阿洲英法教士既爭權矣近勃爾加釐亞之君到英擇配英國竟以國王之禮待之豈不知勃國係歸俄保護而俄法實同盟是尊勃而藐視俄法也茲俄法兩君已諭駐英公使不與勃君同醮云 因觀此而知俄法同盟之局已成也其始俄法二國猶諱言之今乃昌言之矣前俄之外部至德曾言有權干預勃國之內政矣今又似不能干預也者幸此舉出自英耳如係弱國俄廷有不聲罪致討也哉

二十三日晴

奧京來電言德國前相畢思麻為其子婚於奧訂期日內赴奧而德駐奧公使例應相見德主乃令該使休假數日離任以避畢思麻前此傳言畢思麻復用似不確矣 因謹按德主襲前人之霸業令行禁止而輕創霸之畢思麻是飲水忘源矣畢相當國時威稜第一待以殊禮頗有俯視一切之概或以此而見忌於人然強鄰偪界而自壞長城非長策也 因於此為德危焉

二十四日晴 入夜大風小雨而止

歐洲報言俄國飢民弱者為餓殍強者為盜商旅難行猶太人之去俄者尤多由俄入德境界約四十萬人德人拒之不從至用

日

記 卷十一

二十一

槍斃數人始不敢入境云 因謹按俄之民苦矣猶太居俄之民亦苦矣中國前此河南山東之荒尚不至如此也客民安居已久忽逐之出境至無所歸流離道路均仁者所不忍也

二十五日晴 入夜大風小雨而止

本日新報言英廷造成頭等戰艦一艘自興工至成功只兩年半因查法國造頭等戰艦每需十年極速亦需五年較之英廠天淵矣 因謹按從前中國駐德公使李鳳苞於克虜伯廠訂造鐵艦至期不成一再展期以致中法之戰不能得川固該廠遲延之咎亦該使考究未深也知其廠中向來之工程遲速則臨事有把握矣

二十六日晴

聞歐洲各國分裂阿洲至今不靖有達河米國王以兵攻法所踞之地商民不安法國因於英之野魯船廠定造淺水礮艦一艘以便深入內地小河長百英尺寬十八英尺入水十八英寸每一時辰行六十餘里容兵四百名船身分爲七節每節重二噸今已造成並已試驗矣 因查凡新闢之地未有不求恢復者然當今之世而欲如少康之一成一旅以興舊業求之未開風氣之國斷不能矣其強國已根深蒂固其弱國皆客氣虛憊閱時稍久同歸於盡而已可勝慨哉

二十七日晴

日記

卷十一

二十二

律司科司達持上議紳多福書言亞利干省宜設領事因婉辭之 因謹按設領事以通商也美國下議紳已普禁中國商人來美矣事雖未成其迹可見我能使現在之不禁而欲以後之永遠不禁斷無把握也且禁工已十年矣歷任至今未能駁除而且加厲焉禁工而華人之來美者益少商務必衰方將裁減領事以節無益之費增何爲哉

二十八日晴中夜雷電

二十六日阿洲盛齊白城來電言德國駐防阿洲馬西之兵爲土人所擊敗統領別羅受傷兵弁亦多傷斃礮彈被掠已退至麥林地方矣 因謹按歐洲各國分裂阿洲德法皆有損兵折將之事

惟英將施且來事前久於其地與土人相習共分有其地也不專恃威故土人未與爲難則綢繆之早而措置之善也

二十九日晴申刻見兩點仍露日出

美國紐約省博士渣士田歷年考究炸彈之法茲創一式以鋼壳內概木筒貯炸藥以尋常大礮施放其彈重五十六磅半者貯炸藥五磅重二百五十四磅者貯炸藥三十磅驗時能穿厚三寸之鋼甲查巡海兵船鋼甲不過四寸此彈再求精利即可破之矣 因嘗謂數十年以後鐵甲船當無用以礮可加大而鐵甲不能加厚也今如德美所製之礮且不必加大能以五十噸之礮洞厚三尺之鐵甲矣今且以三十磅之礮彈洞厚三寸之鋼甲礮之力日

日記

卷十一

二十三

益而鐵艦之甲除康邦鐵甲及白鐵甲外未聞有更堅者則將來船之堅究不敵礮之利矣

六月初一日晴

倫敦來電言英國向不徵五穀入口之稅而英屬卡拿大澳大地亞地廣多種五穀運入英口與他國之五穀同不徵稅其利爲人所分今商務局議稟英廷請收他國穀稅而免本屬以示區別而專其利云 因謹按此美國之作俑也美國重稅他國而免本屬以冀他國鄰美之屬地隸入版圖故古巴頗有欲動之意茲卡拿大以本處之產入美稅重而美之五穀入英無稅上年美總統諭議院文已昌言其五穀出口之利茲英國亦以徵稅報之而其利



乃移於本屬之卡拿大矣洋人之於利已賤人心思無孔不入筭稍疏卽爲所賤殊可畏也

初二日晴

新報載美國製造之物爲多卡拿大則爲土產茲美國與卡拿大政府商免製造之物入口稅以爲報施不蒙見允是卡拿大得利多而美國得利少茲總統已請上議院立例限制卡拿大貨物假道利益云 因謹按外國言利剖析毫釐中國人多鄙之而不知其不得不然也各國商賈輻輳於我非慕義向化也求利而已伺間抵隙以奪吾民之利有所限制則得其平聽客之所爲則工商失業自棄利權攘外安內經費何出歐墨各洲諸大國莫不如是卽小國如比利時瑞典腦威各邦亦莫不如是也其不能如是如波斯芬蘭阿富汗者則日削矣

日記 卷十一

二十四

初三日晴天氣轉涼

新報言英政府前以英金四百萬磅購蘇彝士河股分票近此票價值日漲竟至一千九百萬磅不但利國兼且豐財云 因謹按蘇彝士地方向無所謂河也兵商輪船來往向繞道由地中海道遠費時法人勒伯西議集股分以開之開成後收來往之船費以彌補開河之費英人以此河爲咽喉之地如有兵事或有股分者創議封口則兵輪不准來往而英之水師失其強於是議購入此項股分票庶權亦我屬而不受制於他人此實爲軍務也乃該河

之來往船隻日多而入欸日盛則出意外矣然俄之西比利亞鐵路成則陸路尤便捷該河之來往船隻又當減於此時矣

初四日晴西刻大雷電風雨至夜而止

昨日柏林來電言義王赴德與德王晤商者係因德奧義三國聯盟約定各備重兵而義經費不足無可設法支持因以減兵之意商諸德王德王以減兵則爲示弱將致敵國之輕必不得已代爲籌貸於德商庶兵食均足云 因嘗以歐洲增兵增艦爲騎虎難下之勢爲鴟蚌俱斃之道今果然矣義固不能支德奧亦不能久支俄亦不能久支也法固後於俄德然亦不能常其能久而不敵者英耳然則俄法聯盟德奧義聯盟相持不解兵費不支及其敵也義奧爲先德法繼之俄人尙可自守而英坐收漁人之利二十

日記 卷十一

二十五

初五日晴涼

巴黎來電言法國書辦紐蘭尼以海防圖私售德義二國其售德國者爲秋巴海佛伯來士之圖售義國者爲米地得蘭尼之圖道俞地方新制之圖臺均有實據道俞圖臺工尙未成擬改換新式云 因嘗言歐洲各國機心機事無日無之此其一也中法越南之役北甯守兵當法來攻時噤不鳴兵不戰各鳥獸散粵省守隘之嚴多爲強水所淋此皆內有間謀也然則不逆不億非難先覺者爲難耳

初六日晴涼

昨日巴黎來電又言法國亦以重資募英人名火而密探德義兩國之礦臺在地中海之兩處及在德法交界者故不能以偵探本國之礦臺責他國云 因查交涉之道莫非自私自利之見雖有智士亦不能盡伐其謀賴在有以防之并有以抵制之耳如偵探之方槍礮之利兵艦之堅賴在有以防之要求之非理侵佔之不休詰責之不情要在有以抵制之大抵太剛固折太柔亦廢蘇老泉曰慎勿為積威之所劫誠哉是言也

初七日晴陰午後大風雷雨刻雨止

初五日馬得力來電言日斯巴尼亞國稅則於貨物入口有輕重

日 記 卷十一

二十六

之分茲英國政府與日議定英貨入口均照輕稅則并無報施日國格外利益云 因閱此而喟然歎曰甚矣立國之不可不強也今日之勢一弱肉強食之勢而已矣強者事事得利弱者步步受虧是強愈富而弱愈貧強者愈強而弱者愈弱矣夫日弱於英俄德法義諸國而視歐洲之他國猶強故稅則分輕重以輕稅處強國而以重稅處弱國弱者固不能與爭也且爭亦不允也所謂失之東隅收之桑榆也

初八日陰時見日午後小雨止仍陰

昨日巴黎來電言自一千八百九十三年三月三十一號起議院所定煤油入口之稅熟煤油每一百基羅

每基羅五分 熟煤油每一百基羅五分 熟煤油每一百基羅五分

十六兩零一百基羅合 收稅十八佛郎 每五佛郎合銀錢一圓現價值中國銀八錢零十八佛郎合銀錢三兩 生煤油則減收三佛郎現在以期將滿擬至明年三月改議稅則時照新例辦理云

初九日晴

赴外部道喜 上年九月美國醫士家理下至英遊歷英人以其在阿爾蘭與地方匪人謀戕英官擊審定以監禁終身之罪茲聞費成善會稟呈總統言其無辜請與英廷理論云 因謹按此可以證中英美生交通會匪之案也此可以證英員之不公也此可以證中國辦理之失平也同一謀逆而美人於英謀逆則由英斷英人於中謀逆則不由中斷美人於英謀逆則監禁終身英人於中謀逆則監禁九月豈得謂之平乎中外交涉凡不平者多矣皆類此也此可為長太息者也

日 記 卷十一

二十七

初十日晴中夜雨大風排團微曉

是日為美國七月四號前一百十六年此日為美國改為自主之國之辰相沿至今以為吉日合眾國上下升旗鳴鑼不理公事 因查美本為英之屬邦英征稅重美人怨之華盛頓倡為自主之議英人伐之美與力戰八年英不得志法與和出而排解許美自主而美遂為五洲之大邦焉嘗者華盛頓之拒英非必戰勝攻取但以堅忍之力肆應不疲損傷相當守者無瑕攻者敵矣儼爾時氣攝於強敵功廢於半途俛首請和不過如印度阿爾蘭之屢蹶

不振受命而已安能若是之富強哉若華盛頓者亦可謂人傑也

十一日晴

美英祕林海峽爭捕海龍一案初九日域多利來電言阿拉斯夏有英漁船二十五艘網捕海龍現為美兵船考溫所獲并海龍六千條充公又獲供火食之船考闊拉云 因查美英為祕林海峽捕海龍一案齟齬累年若在他國必畏英之決裂矣近已請局外之國調處判斷法義兩國均允法為紐芳蘭之案與英不合義為紐阿連之案與美不合而不辭調處者通好之國例當彼此相維也英美亦不畏法義之挾嫌者局外之道不願偏袒招怨也

日記

卷十一

二十八

十二日晴

上午巴黎來電言近日越南東京駐防之兵屢為土人舟師所挫法國防兵一百五十人被斃者十七人逃亡者十六人云 因於此而歎越南土人之有志也法國始假保護之名而卒侵其地驅其民蹂躪其鄉里苛斂其賦稅土人之憔悴於虐政者至今日而始知我

國之寬仁矣時時擾之所以報之惜無華盛頓其人者撥亂反正而自主也

十三日晴

倫敦來電言阿洲之摩洛哥國小而無政匪徒往往滋擾商民茲

英義日三國近訂密約謀滅之而分其地云 因查阿洲之地英法德義日葡諸國已瓜分之摩洛哥即修內政臥榻之側亦不容許睡也謂其滋擾商民者所以加以可滅之罪三國共立密約者所以防德法葡之妒居今之世一弱肉強食而已

十四日晴

本日報言卡拿大以雞蛋入美美關按十二枚抽稅銀五分擬即抽美國雞蛋入口稅以報之又近日美與日斯巴尼亞立報施約因獨得古巴利益卡拿大應與美國同沾如日國不允即徵收古巴糖煙入口稅云 因於外國之稅則變更及彼此稅則之施報必留心者非好為瑣屑也中國欲水陸兩軍之強必求經費之足

日記

卷十一

二十九

而不能足者則以入口之稅未講求也稅則為內政例可隨時整頓亦可隨時加增墨洲之三德明哥極小之國耳而其稅則按物值征百之四十未聞開費則以其為內政而應由本國主權也雞蛋入口銷數至微者也推稅而計及此中國必恥言之而英美至富之邦乃斤斤然爭之而不少讓焉外國交涉之事大抵如斯熟於此道者自知之

十五日晴

美政府以本國稅關章程不如歐洲之善特派商戶部司寶訂總辦稅務考司多克赴歐洲各稅關查考一切以俟仿照辦理準於今日啟行云 因謹按法無歷久而不敝者亦有新創而未備者

美自華盛頓開國至今僅一百十六年所訂稅章自不若歐洲各國之備此其所宜參互考訂者也我

國中外通商收海船稅僅數十年嘗考其章諸多疏漏安得一爲整頓乎

十六日晴

美紳某來見言印度來信謂現在亞細亞洲俄兵四出侵阿富汗之界臨英屬之印度中國之新疆云 因嘗考俄國近三百年之疆域而慨然也當明之季年僅七十五萬六千方里耳至國初而驟增至四倍矣再一百年而又增三倍再一百年而尙無所增至道光年間則驟增增至今日而至十一倍蓋七百九十萬餘方里

日記

卷十一

三十

得全地球六之一焉其侵諸歐洲者則瑞典波蘭土耳其波斯等國約四百萬方里亞洲則回部最多基發霍罕茂甫穆哈刺黑龍江以北則近年所侵佔者也近又注意於印度英人未必肯讓然阿富汗之疆宇必日蹙矣

十七日晴夜雨

日本新到參贊來謁卽往答拜 因昨考俄國疆域驟增之數因并憶其民數而筆記之俄國當我雍正初年民數只十四兆越二十二年而增二兆又越二十年而增三兆又越二十年而增九兆又越四十年而增十三兆又越四十年而增二十七兆是爲咸豐元年及至同治五年又增十七兆共計八十五兆餘矣其所以增

者非關休養生息蓋因地剛而民亦益所謂有土有人近比鄰小國蠶食殆盡非復往年之易於開拓矣

十八日小雨

昨日柏林來電言德奧義三國聯盟因英外部大臣與義密約如法攻義則英助義故義樂於聯盟現新舉議紳與外部同黨者少而英各部臣非議紳相得不能久於其任若此則外部難留義之聯盟亦難固云 因閱此而知俄法兩國實招各國之忌也二十年前德國攻法則英坐視英與法固比鄰也俄國攻土則英救援英與俄又兒女親也然則憑陵之習兼并之風身受者固不願也旁觀者亦不平矣

日記

卷十一

三十一

十九日晴

十五日巴黎來電言接越南來文謂駐防東京兵弁於白刻爾地方被土人埋伏狙擊領兵官旁尼兵頭卡丙打均陣亡兵士斃者十人傷者稱是云 因查越南不服法國之情層見疊出自李埃利以來損兵折將者頻矣因論中國屬地琉球并於日本緬甸并於英越南并於法惟琉球不聞相抗大約世守荒島無遠志無武備依人爲生而不暇擇主者緬甸勝琉球越南又勝緬甸其民似可用者

二十日晴夜雨

昨日美國戶部刊出自上年西曆七月一號至本年六月三十號

此十二箇月內計美國出口煤油共值銀四千四百十九萬一千零七圓較前一年少七百餘萬圓云 因查美國煤油至中國者約十之八至歐洲者十之二緣歐洲各國其繁盛之地皆電氣燈次則煤氣燈凡客寓輪車火車無用煤油者所以防火災也且其收稅極重已見於法國報矣至美國出口之數此一年中遜於前一年者則以義國已禁不入口銷路之偶窒非出產之不豐也且俄產煤油近又日多此二國之油幾徧給地球各國矣

二十一日 晴未刻雨仍晴

昨日伯林來電言德前相畢思麻議論國事每揚德主短處德主怨恨有送畢相交官懲治之言終以其功在前王惠溥萬姓不敢

日 記 卷十一

三十二

輕舉而止茲畢相擬周遊德國各處其時人民夾道歡迎又恐觸德主之怒云 因觀此而歎畢相之不可及也議論國事此老成之不忘國也揭德主之短此老成之不忘君也向以畢相為伊尹太公一流人德主如能信而崇之則為太甲成王亦守成之令主而足以保威稜第一之勳名君臣之遇足千秋矣

二十二日 晴中刻大雨仍霧

謁外部商檀香山華人求美國公使領事保護事外部允即行文又聞美國兵艦水手在智國被殺斃三十五人一案現索賠銀二百餘萬圓智國以為太多飭駐美公使與美外部商請減少外部謂總統之意如此不允減數云 因按智國內亂方定而外患

與矣日國已索賠三百萬美又索賠二百萬他國雖未聞大約亦必有也智遭內亂庫幣已空必出重息以貸勢將日貧貧則弱矣

二十三日晴

二十一日報言賓省之必司堡大鐵廠及挨達活省之礦均用人數千名現工黨停工竊工地方官不敢彈壓急電該省總督發兵八千山火車馳往圍之現該廠主議不用此項工人另行招工云 因查歐墨兩洲之公司極大用工人極多工黨之勢亦極橫英德兩國工人滋事尙未了結美國又復滋事幸電報火車之迅速兵力之厚調動之捷否則緩不及事非蹂躪百姓亦必分裂公

日 記 卷十一

三十三

司矣 二十四日 晴受寒不爽 美兵官來見言及沿海各省以美廷現在整頓水師遂招集壯丁習練水戰一旦有事不患無人美政府遂派水師提督一員巡歷教練云

二十五日 晴是夜泄瀉

二十三日報言美國新造兵艦數年可竣竣後有兵艦四十五艘所載噸位三百六十四尊員弁兵丁一萬一千零四十九人內計頭等厚鐵甲五艘重甲巡海船三艘雙旋轉鐵甲船六艘巡海十艘六艘鐵甲六艘水雷炸藥船五艘水雷船三艘鐵甲船一艘云 因謹按美自經紐阿連祕林海峽兩案以後整頓水師听夕不

遑亦可謂自知所短者矣蓋美之國勢本不為強徒以亞墨一洲盡為小國無足相抗者美於是若夜郎焉然外侮不在同洲而在隔海輪船與後履若坦途及此武備不修匪特決裂以後抵禦為難即交涉之間持平亦不易矣前日已聞其練民兵今又報增戰艦備豫不虞古之善政也

二十六日晴西刻大雨

卯初盥漱因率使館各員黎明行三跪九叩禮辰刻設齋中正設醮 美國之揆達活省五金礦上年所採金銀銅鉛值銀一千萬圓黃金居十分之三現年冬春多雨雪淘洗礦沙較便開出之金較上年多二成云 因查北墨洲多五金礦墨西哥與美接壤美

日

記

卷十一

二十四

富而墨窮豈開礦不得法歟抑其人不足恃也美國傳言中國京北之礦有英人承辦開採已見之於報矣

二十七日晴

至外部晤總辦播郎詢美國新例禁歐洲工人來美歐洲各國公使有照會論及此事否答言無之因謂當不能全無播郎謂如果果有之則報紙當刊出矣因請查公牘播郎答以容細查之改日回信 因前晤德國駐美公使詢以美國新例普禁歐洲工人入境貴國何以處之該公使答曰我國本不願民人出境以壯年者均須服兵籍也本國又不能盡禁美國代禁恰合本國之意聽之而已然則歐洲各國豈盡如是耶

二十八日晴

接紐約書言近日賓省銅鐵各廠工人停工滋事其意使各廠公使司無人僱用將來自可予取予求嗣聞外國造銅鐵各工出歐洲來美者日多一日工黨因即稟請戶部大臣請於工黨之內挑選兩人派充紐約埠之巡驗來美客民差役以杜違例來美之弊戶部已允派云 因觀此而知工黨之權重也然美國亦患人滿矣嘗閱美國人數表一千八百七十三年共民數只三十八兆迄今僅十九年已增至六十餘兆此非生息之速乃客民入籍之多也再過二十年將有人滿之慮與德義諸國相同不得不深思而早計而工黨獨擅其利之意亦於是行矣

日

記

卷十一

二十五

二十九日晴是夜大雷雨

上議紳地甫司來贈小女物一件談次言美國以白耳底馬兵艦水手被戕索賠於智前月智國新任外部愛拉協力接任照會美國允按舊例每名卹二千五百圓計美銀共七萬五千圓美總統已允收了結矣 因查美兵艦水手之家屬索賠甚鉅而智國所賠只如此數者歐亞兩洲有例可援也因嘗詳詢之美國官紳練習時事者均以為不過如斯而已然則中國所戕西人其賠卹動輒逾萬而中國之人為西人所戕者或竟不賠或所賠甚少則不諸西律之故也

三十日晴

昨日報言美國山卡那大河道運貨來往英關抽稅較英屬貨船為重美政府屢向英廷駁論未除總統乃請議院立例於卡那大商船出入美境亦照英例重稅以報之下議院已議准今交上議院矣 因嘗論外洋各國通商爭利抵隙擾擾不休有以為洋人嗜利無藝者不知不如此則拱手讓人以利權而民財之厄漏日多久則貧瘠也但其間細鉅密縷非寢饋其中者不知非揣摩有素者不能非公法精熟者亦不敢耳

閏六月初一日 大吉晴熱

答拜謙紳地甫士座中有自俄回者言俄國大饑道殣相望而整軍經武仍不稍緩德奧邊界時復增兵經營軍春不遺餘力大約

日記 卷十一

三十一

歐亞兩洲之鄰國將來必有被兵者 因謹按古人修德弭災之言至今不行而不戢自焚亦不能全信矣俄之災重矣而佳兵依然俄佳兵久矣而不聞敗衄豈真人定可以勝天乎母亦有天命者任自為耶

初二日 晴大熱寒暑針至九十四度

智利來電言兵船水手案結後美國向智國索賠之案自一千八百二十八年以來未結者甚多茲美外部飭駐智公使催智政府商辦以清積牘云 因查美與智索賠之案有延至六十餘年而未結者非忘也以前則風氣未開墨洲交涉尙重義而輕財近二十年間智頗振作祕魯一役幾肅南洲美國久無外患水師未事

整頓近年則美之水師漸強而智之兵力美亦盡悉智於美艦水手之案又自顯露虎頭蛇尾其技倆可知故乘其畏我之時一振國威使智利俯就範圍其餘小國不煩鞭策矣

初三日 晴大熱寒暑針升至九十八度

德國近聞阿洲東北地方多歸德保護矣有莫三鼻給島在阿洲東南向屬葡國近以葡國府庫空虛所欠德國之債難償德國請於葡廷願以此地抵還債項云 因嘗閱歐洲各國報葡國有籌地之說未敢信也然考其近年出入表每年入款不過銀一千六七百萬兩出款需二千一百餘萬兩入不敷出固已巨矣國債之息每年需銀一千一百餘萬兩則債息已將耗入款之全而國用

日記 卷十一

三十一

所需幾無所出焉宜其窮也宜各國之疑其鬻地也

初四日 晴戊刻大風雷雨約一時而止

美紳某來見談久言俄國西比里亞鐵路工人近加至一萬二千名限於秋冬告成又伯林來電言勃爾加釐亞國有刺客謀刺其君及各部臣當時雖疑為俄所使而無實據茲勃政府查得俄廷致駐勃公使密電令該使與刺客聯絡當將電文分達德奧兩國政府德奧已請勃廷詰問俄國矣 因謹按古人所謂睦鄰字小之義今不復見惟見蠶食鯨吞而已俄造西比里亞鐵路藉口通商其實志在朝鮮於勃爾加釐亞國內政藉口干預其實志在廢置居心積慮無非夷縣小邦耳乃甘出於暴客之所為獨不懼傷

國體哉

初五日晴

近聞英義日三國密約共滅摩洛哥三分其地英廷遂派公使往  
摩明為立約實欲保護法人如而陰阻之英謀不成將來英擬派  
兵赴摩法亦派兵前往德相畢思麻嘗論歐洲大國起釁必由  
於爭摩洛哥茲已見朕兆云 因嘗讀商書至兼弱攻昧取亂侮  
亡而歎千古興廢之故不外是也孟子創言字小之論欲以救當  
時并吞之習而究無補於時不若商書所言為合栽培傾覆之理  
也摩洛哥政事不修日就衰弱與阿洲之突尼斯歐洲之波蘭相  
同自蹈亂亡雖欲圖存而不可得矣

日記

卷十一

三十八

初六日晴熱

美駐日本公使函致外部言俄國煤油公司新創油船載大桶煤  
油由歐洲取道蘇彝士河運至印度中國日本南洋各島發售此  
舉若成必奪美國煤油之地以其運費較美為省也應飭美煤油  
公司早為設法以免此利為俄所奪云 因查公使之任匪特以  
聯邦交凡有關於本國之利源者皆當留意也俄國煤油出產日  
盛已習聞之所以不能爭勝於美者俄由陸路運出不及美之水  
路運出之費輕也今設法由船專運則費輕矣與利非託空言也  
必有與之之法惟留心者乃知之耳

初七日晴西刻大雨雨止仍晴

前二日伯林來電言英法德三國定界三分阿洲之地後德國遂  
派員帶兵入境察看情形而英國商民聞德員將至即給土人槍  
彈截德員於機爾曼赭大山之間盡殺之 因按上年德人攻阿  
洲時英兵官施且來曾教土人拒德德不得志讓地於英今德又  
被英商指揮兵弁盡殲於阿蓋英人之遊歷阿洲深入內地已十  
餘年久與土人相洽浹發縱指示德人斷不能如英之靈也弱肉  
強食之中強者又自相齧如三虎爭一牛惜無下莊子者因以為  
利為可惜也

初八日晴陰午後雨雨止見日西刻又雨

查得美國費城刻拉生船廠製成新式兵艦於初四日試水副總

日記

卷十一

三十九

統水師部大臣親到命名可命比亞該船係三旋螺凡一旋螺每  
時行三十海  
里再旋者行三十六海里馬力二萬匹戰時可加力三千匹容煤  
二千噸足敷行二萬餘里之用長四百英尺寬五十八英尺容七  
千四百噸置八寸口徑砲一尊六寸者四尊四寸速放者八尊小  
而速放者二十尊水雷六船價二百七十二萬五千圓并軍器雜  
項共三百二十萬圓 因謹按弓矢之制變而為槍砲利木之制  
變而為鐵甲鐵甲之堅兵刃矢石不能入惟巨砲與水雷可以破  
之破之百噸者每尊需銀十萬兩水雷之新式者每箇需銀三千  
兩居今日而為攻守之計非鉅款不能此小國所以日盡貧國所  
以日削也然則欲言強者非富不可也



初九日陰

本日金山來電言接倫敦電知新金山域多利埠新定進口貨稅  
松板千片加稅銀六圓二角五分裝罐水果每磅加稅銀六分美  
商以該國如此重稅必因美國新定重稅阻新金山入美之羊毛  
以此報復如英之屬國皆然金山出產不銷種水果者無市矣  
因查美國自增入口稅以來大國如俄英法德義均各有報復矣  
小國如墨西哥尼格拉孤亦加稅以報之卡拿大屢議加稅而尙  
未休此外則未聞焉大抵皆入美之貨甚微而或不能振作者也  
歐墨各國交涉事無巨細無不有抵制之法否則事事受虧而惟  
利己是圖者必毫無忌憚也深心者自知之

初十日晴陰

卷十一

四十一

新報屢言英兵船加那欲佔太平洋中喬士頓島美政府已查舊  
案此島係美國船主勞亨之產歷年經理已費五萬圓尙有船駐  
守以經費不敷而止該島係由美至中國日本之要衝亦由檀香  
山至錫蘭之要道但須費銀一萬圓轟去口內暗礁便成絕好島  
陽美斷不肯讓英云 因查海中荒島尙之以爲棄物者今皆重  
之非地勢之有變實時勢之不同也自鐵艦興後行船不恃風而  
恃煤煤盡則船不行當無事時隨處可以市煤固不憂匱乏也兵  
費一開則隨處皆當守局外之義不得市煤故當圖之於早圖之  
於早莫如隨處有屬島存煤候用則有備不匱焉此爭島之事所

以層見疊出也

十一日晴

見上議紳拔茅訪問印度來電阿富汗部落爲亂英印度總督已  
派兵至界防守昨日倫敦來電俄又派兵三隊踞巴美爾地方即  
去年所踞之地今復踞之云 因謹按巴美爾爲歐脫之地而與  
中國及印度阿富汗毗連俄人得之則四出蠶食隨其所欲聞俄  
之台士根省饑民作亂已戕該省總督且敗兵官俄方平內難之  
不暇而乃亟亟於開邊蓋弱肉強食其性然也

十二日晴夜雷雨

美外部長訂見午刻赴衙門德國代辦已先到見後因至道寒暄

日 記

卷十一

四十一

畢因言貴國增立苛例於中國文絕不覆而戶部已謄刊行何也  
外部答云尙未刊行照覆俟徐商之因言金山副領事之缺金山  
省上議紳飛路頓言此缺應派美國人員庶於中美有益因言此  
非議紳所能干預且飛路頓即與蓋力同創苛例者彼安顧中美  
之有益耶外部再言之因言此事已請示總理衙門使者無權容  
以尊意告之遂言檀香山保護華人事外部言已函致美國駐檀  
公使尙未見覆信也因遂辭出

十三日晴

寓檀香山中國華商稟請照會檀國政府以古今輝王殿璋加正  
副領事銜保護華人因以中國未與檀國立約不便照會遂請檀

國駐美公使於亞林頓客棧託其致意政府檯使謂古今輝王殿  
璋二人向常見面故知其入立身公正可令保護華人即當致意  
本國政府又言中國宜速立約則事自順手因答以立約一事因  
已商之政府適值美國立例苛禁華人故政府不願當從緩議檯  
使領之因遂告辭

十四日晴

檀香山公使來會談次言美國增其國糖入口之稅有背舊章頗  
爲不平又言美國擬於尼格拉孤國開通東西洋以專其利如蘇  
彝士河已與尼國立約將興工矣而法人以巴拿馬工程已費銀  
三千萬圓不甘中止而讓美國現於巴黎集議擬籌鉅款并招工

日記

卷十一

四十二

頭包辦冠日興工云 因按此法人之好勝也巴拿馬工程停歇  
已久創辦之勒伯西屢次集股渺無應者今聞美國開尼格拉孤  
之道而法人復集股興工雖曰好勝亦不棄前功之意也嗚呼當  
今之世亦特患其不好勝耳

十五日晴

近日美國製造玻璃器之工人聯名稟於戶部言歐洲各國此項  
工人來美者多漸奪其利請於該工人中派人於紐約波士頓費  
城波地磨等埠之廠查察以杜其來戶部長已批准云 因查美  
總統諭議院之文會言准巧匠來美製玻璃器者非巧匠乎工黨  
欲專其利遂使總統自食其言民主之國固順民情獨不愛國體

哉

十六日晴天氣轉熱

十四日維也納來電言奧國大軍於十六日在嘉里施阿省大操  
陣法除德國駐奧公使准觀外其餘俱禁往觀且派馬兵四面巡  
邏以期機密云 因查前此法國大操准各國派員往觀雖敵  
如德國亦與於會今奧雖示機密母乃軍容尙有不足者不堪以  
弱示人乎

十七日晴熱

十五日柏林來電言德國與南墨洲之可倫比亞國立約通商德  
商甚喜以該國市利向爲美國壟斷今德立約使德土產多一銷

日記

卷十一

四十三

路而可與美分其地也 因於各國立約之事徧諮親歷而有以  
窺其心焉大國與大國爭利錙銖不讓惟心計之巧交涉之熟者  
操勝算焉其與小弱之國爭利直以勢迫之甚則頗指氣使而已  
故大國與大國立約互爭兩國之利也大國與小國立約將分彼  
國之利也而小國與各國立約亦有利焉如歐洲之阿富汗則英  
俄互相牽制而不至於亡墨洲之檀香山則英美互相牽制而不  
至於亡土耳其則英法各國保之而不滅於俄比利時則歐洲各  
國認爲局外而不滅於德法若亞洲之浩罕機窪越南琉球均以  
無約無牽制而驟亡者也

十八日晴夜大風雷未雨

至美國家銀行談次聞俄國西比里亞鐵路俄人督工日夜不休限於今秋告成而鐵路之料由黑海轉運者全船壞沈以致停工待料須延數月想必待今冬明春矣 因查俄造西比里亞鐵路固昌言為商務計也俄於中國北路入口商貨不過值銀數百萬兩而以值萬萬兩之鐵路求利乎或曰俄以此開源為以後計也俄之府庫空虛方苦無門借貸而乃不顧目前之急以冀後此不可必得之利乎俄有人焉應不若是之失算也然則忖度其心中國西北毗連之地其宜設防乎

十九日 晴戌刻有風雷小雨

聞墨西哥因國用不足向其商借銀六十萬磅兩年交還美國駐

日記 卷十一

四十四

墨公使查墨國進口貨船以美為大宗內江之船美居十之六七墨國運載之利幾為美國所盡奪云 因閱此而知美之所由富墨之所由窮也 鑒此而願為中國進一解也中國外洋運載之利全為英法各國所專日本運載之利則為日本所專內地江海運載之利則為英美所分雖輪船商局創設十年然收回者不過三之一耳幸中國根柢盤深不致精華盡賤然已非復昔日之富饒矣其亟思挽之哉

二十日晴

至博物院又至種魚處查博物院如禹之鑄鼎象物所以廣人之識見耳目也其院外古樹二段長二丈餘圍八九尺色黑由掘地

而得業已全化為石且作石理質堅如鐵院中礦質五金皆備金有涵於土石中者有結成方粒者寶石則綠者甚多其色不一珍珠如大豆者其光晶瑩魚骨獸骨有長至數丈者猿類至多小者僅如鼠大者過於人狀貌獍狴手足皆如人而足又能握或曰獬也古棺一具盛骸一具亦山地中掘得均化為石鋸魚一種辱之上生成一骨兩邊為鋸紋烏賊魚之大者其足長丈餘蝦頭如大甕其鬚亦長丈餘蟲類則大而蝮蛇小而蠍蟻無不有焉

二十一日 晴天氣轉涼

希卡果華商由卡那大回美稅關收其照而不納稟請駁詰遂仰謁外部時德國代辦先到談次因言德主至英通好事德代辦言

日記 卷十一

四十五

德主之勤儉實為難得夙興夜寐事必躬親新定營規黎明即起浮費盡裁按日三餐不准飲酒操演之時自統帶至哨長均不准乘車馬以習勞內有武員名格立事者向來畏勞業已辭職云繼見外部告以稅關阻華商事并交以律師原信外部允即通知戶部電查

二十二日晴

十八日巴黎來電言法國以阿非利加洲之馬達加斯國之北所屬格羅力殺島為印度洋要道業已踞而有之云 因謹按光緒十年中法交戰之時法國即加兵於馬達加斯國該國力不能敵遂信之立約歸法保護甫八年耳乃遽佔其所屬之島弱肉

強食習爲常矣近年佔島之事層見疊出大抵英法居多德偶有之美則多以計求或以銀購蓋水師之力有不同故措施亦不一而無非爲水師之強計耳

二十三日晴

倫敦來報英廷以俄踞巴美爾意在印度已由印度派大隊兵馬赴阿富汗以防俄人及阿之亂黨又中國天津來報亦已派兵防於邊境云 因查俄之不得逞志於歐洲也以德義奧三國聯盟無隙可入也願其養兵太多需費至鉅勤而無所必有悖心故斷不能無事而思川之亞洲巴美爾一隅可窺阿富汗可窺印度可窺西藏譬如狼奔豕突有開則來則備之不可以已也

日記

卷十一

四十六

二十四日晴

金山商董陳大照來爲華人領照及賽會事請與外部商之訂以明日 因查賽會一事卽周書所云奇技淫巧也然商王以玩物而泰西以利用其用意不同焉槍礮之門藥易火繩而爲火石易火石而爲銅冒易銅冒而爲錠皆漸臻便捷也礮之式易而爲後膛礮之架易而爲車盤皆欲其靈便也自德國以一百噸爲一塊之鐵賽會而礮日巨自英國以一萬噸之船出洋而船日巨此僅卽用以戰陣者言也若夫農桑之利便民之方算學化學氣學重學光學無不各出心思以求精進富強之業基焉其未可以奇巧而斥之也

二十五日晴

謁外部長言戶部所定華人領照例窒礙難行外部答曰此例由議院議准總統允行外部無權廢棄因曰中美二國有約之事豈美國所能專行領照新例中國固不允行美國擅行則爲背約中國據理當駁外部曰此事當於暗中通融舍此之外外部實無權辦理因曰金山商人已請董事前來可否賜見外部允以次日因又言賽會事總辦尙未準定給華商設會地段何也外部答曰當代告總辦仍屬商董自往商之因遂告辭

二十六日晴

午刻帶金山商董陳大照見外部長寒暄畢外部詢陳大照意欲

日記

卷十一

四十七

何爲陳言領照實多窒礙戶部擬章亦難遵行外部曰領照新例由議院議行總統允准戶部擬章不過遵照辦理此章與例有不符處則可駁詰陳未能對因答曰以美戶部行美議院之例安有不符所不符者中美之約耳外部曰余亦深爲惋惜且陳君之意何如陳請於開議院時再議外部曰姑待之陳又言賽會事外部謂此由戶部主之人数勿多致招疑忌遂辭出

二十七日晴

遊華盛頓第宅乘小輪船約半時辰到岸上小嶺高數十丈至華盛頓第宅有屋一所自鐵欄外瞻之白石棺二停土面蓋夫婦二人也屋外左右有神道碑又前行不半里至其第局而甚小鄰居蓋

如是也第一層畫華盛頓像縱橫約八尺為騎馬赴敵影前一將  
 執刀馬前後則華盛頓之兄最後則從戰諸將皆騎馬像外有華  
 盛頓親筆書又德法諸將小照皆從征有功者右室為洋琴竹笛  
 琵琶各一則平日所陶情者室外衣架二海花一朵為婚時人所  
 贈者遂上第一層樓中廳掛槍一枝牛角箭一具下置筆架墨盃  
 廳前掛刀二柄長二尺餘皆其生前所用之物樓左右男女像各  
 一則其兄妹前為客房後為華盛頓臥房中有瓷盆木箱木榻  
 華盛頓即壽終於此榻又上第二層樓則臨江一室可眺長江又  
 一室亦置盥具并木榻則其夫人之臥房也夫人後君歿即壽終  
 於此榻再上一層則已扁不可陟乃下至各處瞻眺畢約未初遂  
 日 記 卷十一 四十八

返 因謹按美國舊為英屬地英以為外府推稅日重民不堪命  
 乃拒英舉華盛頓為主慶戰凡八年英不能勝美遂自主蓋西歷  
 一千七百七十六年為中國乾隆年間越十年而舉華盛頓為總  
 統又十年辭位又二年薨壽六十七歲因至其墓其宅竊罕然仰  
 慕其為人也功在美國而不自居名滿天下而其宅不盈五畝自  
 古英雄未有不宅心淡漠而能成功名者外洋何獨不然乎  
 二十八日 晴天氣又熱

伯林來電言德國兵制凡男丁二十歲至二十七歲均在營習軍  
 務三年不准借替如遇戰事則備調用至四十五歲而止德兵臨  
 陣向不失措者以習練有素也現德民以學習兩年儘可通曉兵

事且德兵已精而壯丁以此虛耗歲月可惜請改作兩年廷臣均  
 謂可行德主小心尙未允云 因謹按德之地與當中國十五之  
 一其民數當中國十之一而介居俄法兩大之間俄法皆事兼并  
 而德足以支持者強之故也其民四十一兆數非多也而通國皆  
 兵則兵多矣且人人習於戰陣則精兵多矣其地二十一萬方里  
 土非廣也而入款至銀三萬萬兩有餘則國富矣以德之國勢而  
 富強如此考其所規畫者可謂煩難而卒以成功稱霸有國者足  
 以興矣

二十九日晴

英京日報言俄人佔踞巴美爾實有侵陵阿富汗印度之意蓋其  
 日 記 卷十一 四十九

欲有事於亞洲久矣英相格蘭斯登與德相畢思麻齊名決不讓  
 之孟買報又言俄兵踞巴美爾後現分五路進規印度哥希正查  
 探路徑云 因前聞俄人有言英俄相持不下久矣當乘時以決  
 雌雄又言俄人於巴美爾事英人如或干預俄必佔取英之印度  
 地方云云今英人於俄踞巴美爾不過撥兵以固印度之藩非干  
 預也俄果窺印度乎

出使美日秘崔日記

七月初一日 大吉晴

美員某來見言聞中國宜昌府尚不靜四川亦有會匪滋事美國已造有淺水輪船數艘長二十三丈入水九尺容一千二百噸以備駛行內江且巡緝東西洋各埠云 因查傳教之事終為中國之患緣教士所到秀民附之而正人惡之其間游手無事之人又欲藉口以激眾怒而為禍階非水陸兵力之強備之以威約之以法交涉之事益覺難矣

初二日 陰午刻見雨點

美報言德國新增額兵五萬人民有怨言以增兵必派餉須增餉

日記

卷十一

一千五百七十五萬圓也前月二十八日俄國來電近有俄國農民二百十八人徙近阿富汗境開墾俄主大悅免其租稅兵役并減其火車之費以招徠云 因查前月俄德方訂通商之約已有成議兩國之交似可益固而德猶增兵額宜民之有怨言也然俄兵已佔巴美爾方規阿富汗其人亦撥重兵以防之近日俄又遷民以實近阿之邊左衝右突英俄戰局如開則德國可無事否則俄挾開疆拓地之願而不能遂安能不顧而之他乎德廷之增兵額誠未可厚非也

初三日 晴西初細雨即止

復謁美員某談次聞印度來電言中國駐防阿剌江東邊之小隊

十一日  
十四日  
十七日

近已撤回惟阿富汗與俄楊統領之兵因相詬詈小有戰局阿兵敗斃七人俄員受傷一人阿兵退紫發白石地方英廷已派兵設防云 因按俄人之所欲者戰也戰而勝則得地即以和局終亦必割地或索兵費二者必有一得也惟美國喧傳中國已棄巴美爾之地此必不確或者巴美爾為甌脫未隸中國版圖中國力不能爭耳

初四日 晴辰初雨仍露

前月二十七日伯林來電言有法官三員攜帶二婦於尼西地方遊覽迹似偵探當即於身畔搜出畫圖即係該處地勢該員言係遊歷畫圖實為自用業已拿訊云 因按外國機心機事無時不

日記

卷十一

有惟有機心者知之所謂惺惺識惺惺也甲申越南之役中法戰局甫開各口礮臺有為內應以強水澆礮口者且有以釘釘礮門者又有間諜潛悉礮臺形勢知其礮皆外向而自後以攻入者疏節開目茫無防閑殊可慨也

初五日 晴

美外部長照會英國駐美代辦海字云英屬卡拿大於聖迺倫各處運河通美國者船貨一概收稅殊屬不公美國應設法報之茲擬於聖麥利河亦抽收各國船貨之稅云云英代辦答以聖迺倫各處運河之稅請俟徐商革除美外部限以十日英代辦面求再緩未允遂訂九月一號行例 因查交涉之事膠膠擾擾一言以

敵之日抵制而已通商之約必曰兩國均益今益於人而損於我則我亦以損人益我者報之其人如願則我以抵制者增我國所收於人之稅其人如不願則我亦以抵制者裁彼國所收於我之稅必使持平方不至賸我以肥彼也此各國交涉無時不有者應加意也

初六日 陰中正仍見日天氣轉涼

美國上下傳聞俄已與中國增立新約於中國通商各口添設領事中國應派公使專駐俄都以合兩大國體制云 因謹按俄為大國又與中國為鄰專遣使臣理所應爾惟法國如援例則無以辭之是又不可不遣專使則遣使自此多矣

日記 卷十一

初七日晴

美廷以哥司答立憂國前加稅則又百之五有礙美商亦於哥船入美口者報以重稅茲哥國自悔已將所加之稅減除美廷現亦除去所加之稅云 因思哥司答立憂中墨洲至小之國耳其民僅十餘萬人入款僅三千餘磅加美國之稅豈不慮美國之啟釁乎不知此內政也美以此啟釁為無名無理將抱不韙之名於天下則亦惟報之以加稅耳哥以重稅自發其難既不能怨他國而哥商之失利者又歸咎於本國雖欲不除而不能也此致人而不致於人之道也

初八日晴

前日印度昔拉城來電言阿富汗求助於英又言俄人不許英國保護阿富汗又言俄國兵官耶納夫踞守巴美爾不許中國及阿富汗人入境云 因按俄人於亞細亞又進一步矣阿富汗安能敵俄將來自必挫師失地印度藩籬又撤一層而中國西北邊境又加緊焉俄本佳兵而又難制與俄鄰者有不深蠶食之虞乎

初九日晴

阿富汗求助於英其廷眾議紛然以為一經允許必致兵連禍結泰晤士報謂幫助阿國抵抗強俄為上策英相格蘭斯登尙在猶豫且謂英廷不願與俄開釁况俄之侵陵阿富汗決不肯休無論中國英國出為幫助亦難遏止俄人聞阿求助於英已增調兵二千大礮十二尊備用云 因按前年俄求與阿通商阿人允之英人方以為憂豈料約立未久兵端旋開然則俄以通商為名而蠶食其實也阿人方求英為助而俄人隨即添兵此伐謀之意也英亦懼於強敵而氣餒不敢干預阿其危乎

初十日晴

初四日木司科報言俄因巴美爾地與中國毗連疑於甌脫今應據之以清邊界幸該處華兵現已退出此境初八日彼德堡來電言俄國駐英公使現與英外部長會商願將巴美爾之案從善了結云 因按此似俄人但欲佔巴美爾之地不垂涎阿富汗也其為真情歟抑將以弛阿富汗之備而怠英之救援歟或懼於英水

日記 卷十一

四

師之強而慮水戰不勝歟抑既踞有巴美爾之地不復得隴望蜀歟兵機萬端殊難逆料一是且徐而觀其後

十一日晴

初八日孟買來電言接阿富汗消息阿王已竭力整兵嚴拒俄師以防深入昔南羅山地方不及待英國援兵云 因按俄與阿戰局已成阿若無援安能敵俄自必損兵失地矣惟阿富汗之地折入於俄則印度之藩籬漸薄英不助阿則失印度之勢助阿則招俄君之尤至此實難自處矣

十二日晴

辰刻接紐約沈領事函言美郵政局總辦及狀師請赴紐約有事

日記

卷十一

五

相商當即於已正附車西正到紐美紳等與商董均集領署所商係美國巡捕近拿罰華人日甚一日稅司逼華人領照領則例成不領則受逼請予定尋中國如不願與美抵制即當與美換約此三事均不可緩因答曰巡捕拿罰華人自當照會外部華人亦應請狀司控告領照一事領與不領均有利弊蓋領則可無逼迫而暫安居然新例成而華人不能復返其礙實多不領固可待駁廢然駁由我而廢由美事不可必因亦不便作主至於抵制換約皆非公使權力所及之事但備一說未之能行狀司謂領照抵制換約三事此時姑置之惟巡捕拿罰一事急待拯救請備費用銀三百圓當為控除因答曰有把握否狀司答以可使永遠不准拿罰

美紳亦力贊之因遂屬商董先墊付三百圓明日由商家湊還商董欣然給與狀司力任此外悉談時事亥正而散

十三日晴

辰正飯後往謁狀司等聞昨日秘林來電有英國漁船三艘美國一艘在俄界海面捕獵海龍被俄兵船拿獲船均充公漁人三十名下獄勒令具違例越界私捕之結方行釋放云云言畢辭出即赴車廠附車西正抵華盛頓使館 因謹按左氏云惟無瑕者可以戮人大學云言悖而出者亦悖而入今於美見之矣美禁英漁船越界而美之漁船自行越界是戮人而已實有瑕矣美方以越界責英船而俄旋以越界拿美船是悖出而亦悖入矣美之於

日記

卷十一

六

俄可謂恭順之至矣聞俄歲飢運糧以振之輸銀以濟之相距至遠相與至親此即上年事也乃俄於美員之遊歷者則拘執之於美漁之越界者則拿監之曾不稍寬縱焉乃知交涉之道不恃情而恃勢不論理而論強斯二者天也天實為之謂之何哉

十四日晴

朝鮮代辦來見其夫人辭行回韓談及英君派兵艦專使等於六月十二號至太平洋之舉太力太國官論云大英君嗣後當保護氣耳白島所有土客人等均照常居住并有數事飭畢王速辦一速還積欠商人之銀四萬圓二土人謀殺入英籍之華人何不重辦盜劫者何不嚴追三畢國應改川英旗現畢王一一從命矣



因按過此以往小島之國當無自主者矣太平洋距英甚遠而英所踞之島獨多美國雖以利餌取而勢不及也二十年之外美國將防英乎

十五日晴中夜子刻小雨

美國嘉省忙得來埠有帆船名好根私運鴉片值三萬圓並華人十九名入口於近埠之華人捕魚所居之村名配司加得地方起岸為巡船所獲帆船已逃云 因按華人之運鴉片由卡拿大私入者動輒數萬金今由嘉省入者又數萬金被獲者如此則未被獲者必多矣所以然者美關抽鴉片之稅過於成本故走私者但求於三兩次之中一次入口即已合算故走私者日多而華人之

日記 卷十一

嗜好此物為美所鄙亦可見矣

十六日晴

沈領事轉來駐英使館書言俄佔巴美爾地方已與阿富汗開戰局中國駐守之兵亦與交鋒云云 因按阿富汗非俄敵一強一弱故戰局易開英不助阿阿必併入於俄中國之兵與俄交鋒此間尚無聞見然中國鐵路未成調兵轉餉事屬煩難不如俄國之策應靈便恐難操勝算矣

十七日晴小女有美病重似痰閉

德國增兵籌添軍費七十兆馬克於一千八百九十三年加重皮酒煙草出口入口兩項稅則議院尚未批准云 因按此為防俄

起見也或謂德係防法耳於俄無怨無庸防也不知德之兵力足以敵法所不敢自信者俄耳俄與法合耳故德雖與義奧聯盟而尚慮力之不敵兢兢業業日慎一日以期鞏固封圻然歐洲無隙可乘而亞洲因之不靖俄之所以踞巴美爾而攻阿富汗也

十八日晴

十六日英屬亞得刺來電言俄拘英漁船案已電達英廷謂俄人如此橫行若不即時報復則將來無所底止云 因謹按以怨報怨之事聖人所不言然孔子以直二字後之釋者或未當也今時報復之說固近於縱橫排闔之為然不如此則受虐無所抵止是迎合敵國之意而不自恤其民也或曰吾將以息事甯人也則盍

日記 卷十一

觀宋明之季

十九日晴

昨日巴黎來電言阿非利加洲之達河米國近日好與法國商民為難屢以兵騷擾之法廷詰問不應乃派兵三千三百人前往問罪所向無敵諒不難滅其國云 因按歐洲諸國分裂阿洲已成破竹之勢達河米國即使如宋之江南卑辭厚幣猶不能存所謂騷擾者或守邊之兵不容法商入境否則法人加之罪耳近年以來小國之被滅者時時聞之如春秋之時將變為七國矣

二十日晴

墨西哥商民請於政府以美國糧食入口應令納稅以與土產糧

食區別墨總統以前此美墨兩國條約許免美國運糧入口之稅至本年九月三十號為止當俟期滿之日然後抽美糧食之稅此時未便遽行云 因查稅則一項其用意頗多或僅以收稅爲濟國用者此僅見其小也有固本之稅則防他國之產奪吾民之利者是也如糧食果實草木之類產於天者入口太多則本國之產將棄於地此一端也如綢布衣服器具之類成於人者入口太多則本國之民將失其業此一端也有抵制之稅則防他國之稅賤吾民之利者是也如他國重征我國土產入口之稅則土產無所銷而產於天者失其利成於人者失其業則我國亦必以重稅報之使不致獨擅利權此又一端也此外如煙酒之類珠寶之玩非

日記

卷十一

九

民之所賴以生者則重稅之欲使銀錢不耗於無用之物此又一端也若鴉片一種則不但耗銀錢於無用直有害於民生則禁之而已矣此稅則之大畧也

二十一日晴

接金山電商董二人由粵來即照會外部以免稅關阻滯 美國安奴報禮司埠之國家水師學堂學生學成者頗衆昨山水師部挑選聰敏者三人分派英法兩國船政局學習造船之法云 因查近來歐洲各國多覬覦太平洋顯而有徵美國亦整頓水陸各軍不敢暇逸非復前此之晏安蓋時勢有變遷謀國者當見微而知著也

二十二日

昨日義國來電言美派赴慶賀可倫比亞會之兵船名紐華抵窩那埠有水手一名入客寓被毆而斃兇手已獲美外部不即行文言義國自當持平辦理不須迫也 因詳觀美國交涉之事而有以見其心焉同一兵船水手被殺也於智利則迫之於義則待之美以爲自有權衡矣因以爲可迫則迫之不可迫則不敢迫而待之耳以言迫智利而智利不受則以兵船迫之以此施之於義美之兵船不足以迫義也則圖窮七見不如不迫之不圖窮矣孫武子曰勇怯勢也強弱形也形格勢禁美亦無如何矣地球之上不爲形格勢禁者惟俄之陸軍英之水軍而已

日記

卷十一

十

二十三日小雨竟日中夜大雨傾盆

美總統二十日回都與兵部外部會商機要立發公文二道一飭水師提督瓦堪急帶兵艦二艘速赴威內薩國海口拉加拉一則密封由該提督出口後開閱該提督立帶兵艦出口嗣閱密封知現威國大亂英兵艦三艘泊威國及英屬之亞拿哥海口勢將干預威事乘威之亂以踞威美國亟宜保護威國陰防英人云 因按俄於阿富汗英於威內薩皆欲乘亂以取之英助阿富汗美助威內薩非救災恤鄰之義實唇亡齒寒之憂也英如救阿富汗之災何以乘威內薩之亂用心相反必不然矣通商各國大抵陽以交鄰爲名而陰以拓地爲實惟於富強之國則不敢垂涎弱者

以畏事而多事強者以生事而多事兵不可戢而民遂無休息之時為可歎也

二十四日晴

美賽會總辦訂於八月初十日赴會所觀禮閱水陸軍操并譙至十四日而止 美國年報紀今年正月至八月止出口煤油計值銀二十六兆八億四萬七千五百八十七圓去年則值銀三十兆一億七萬六千八百七十八圓又核一年之中中國之茶入口計值銀十一兆圓英商細核情形中國所得茶價約三百萬圓商賈行棧約得二百五十萬圓洋商買賣運載利息約五百五十萬圓 因按美國煤油每年值銀三千萬兩可謂鉅款今年遜於去年

日記 卷十一

十一

者俄出煤油日多奪其利也中國至美之茶售銀一千餘萬業茶者所得不及三之一商賈行棧則中外均有人中國約得其半運載買賣全歸洋人綜計此十一兆中入中國者未及半也由商務不興而無洋輪船讓外國之獨擅其利也

二十五日晴

朝鮮使臣以國王即位三十年函邀慶賀因率繙譯官踵賀外部大臣及俄法德各國公使代辦均到 英廷近遣使赴阿洲之摩洛哥國立約法國尼之以致不行茲法廷派使繼往欲得英國所要之利益英國亦陰尼之云 因謹按當今之世彼此交涉機械變詐無日無之強與弱遇則顯行其要挾之謀強與強遇則隱用

其陷害之術膠擾不息無非欲損人利己而已聖賢處此固不為害人之計亦必有防患之權則當熟於彼己之情而能思深慮遠方可隨機應變也

二十六日晴

二十五日印度及倫敦陸續來電言俄國駐巴美爾之兵已退出大隊皆入阿富汗國墨黑地方紮定為持久計阿王亦約白達信德華士華黑口地土旦四國酋長聯絡拒俄俄亦增兵決戰云 因按俄阿戰局既開勢成決裂矣欲求其開釁之由則阿并無干犯俄國之事俄人亦無聲罪致討之言直如宋太祖之下江南謂臥榻之側不容他人鼾睡耳然則弱小之國其將何以自存哉

日記 卷十一

十二

二十七日晴

朝鮮使臣訂宴因陪德國代辦火把根能為華言言總署大臣徐用 於交涉事最為精細曾與商事故深知之美迫華人領照中國但照行於美教士美必內訂因謝其關切又南墨洲之阿鎮丹公使言近日威內薩國大亂來往護照遂不作憑郵遞公文每被折閱出入貨物勒增餉稅寓威美商被擄勒贖種種無理非兵力懾之難望就範美國兵船到後或可轉機云 因按理勢二字相輔而行缺一不可不綜觀經史之訓所云逆取順守者先勢後理也所云左德右威者先理後勢也有勢無理謂之以力服人有理無勢謂之不入莫繼太剛則折太柔則廢也

二十八日晴

墨西哥來電言墨國定例天主教堂產業一概無稅因此墨國入天主教者均將產業託諸教堂以免納稅國庫收數日短經費日絀現墨戶部擬請議院革除此例而煙葉煙絲等物均加稅云

因嘗歎墨國之貧也今乃知其治道之不善也天主教向不安分前西班牙之亂亂黨運軍火均用教王封條使不能查此明證也產業免稅則入教者多矣即未入教者亦冒名入教矣通國皆入教則直無入款矣國用何賴焉查墨戶部大臣即駐美公使羅美魯也駐美最久蓋十餘年矣熟於交涉之事又熟於美國掌故故毅然改革否則必畏教士之挾制而怯懦不政行矣

日記

卷十一

十三

二十九日晴

昨晚晤美紳言美國兵船已抵威內薩海口提督瓦堪尙未到帶領康考船之總兵維脫立飭威內薩將以前所擄禁之美國商民即行釋放云 因於此而歎辦理交涉之不可無兵船也又歎兵船之不可不出洋也威內薩小國耳又與美同洲一水可到其亂黨豈不知美國之強於己國百倍而膽敢擄美國之商民者以兵船未到姑玩之也兵船一到如泰山壓卵不敢稍抗此明效大驗也前日本乘我無備以兵船擾臺灣我之辦理頗為棘手至索兵費甚鉅此已事也

三十日晴

美國議院議造之頭等戰艦鐵甲巡船各一艘水師部已繪圖招

辦惟美國官廠所造各船工劣價費故政府欲歸商辦計兩艦船身需銀七百五十萬圓鋼甲四百五十萬圓二者分廠而造商廠能造鐵甲只二家均在賓省一設別理司成埠一設比士堡埠美國船廠甚多共為國家造船者向係賓省費城之克爾廠金山之總鐵廠 因嘗謂機器各廠宜准商人分設蓋至是而益信也以美國議院之權足以節制通國之官雖總統猶從之乃官廠所造之船猶不如商則官辦之真難恃矣嘗讀詩至兩我公田遂及我私又曰言私其縱獻豨於公一則先公後私一則先私後公似不及後世公而忘私之言之為大矣然因以為古之語質而後世之

日記

卷十一

十四

語文古人之語所謂卑之無甚高論可行也惟知其不能無私使之私念遂而公事亦舉即親親長長而天下平之意也亦商廠之意也

八月初一日晴夜雨微曉

二十六日倫敦來電言印度政府已派將軍羅柏帶兵赴阿富汗面晤阿王商辦內平國難外拒俄侵云 因按阿富汗為印度之屏蔽阿滅於俄則印度為俄臥榻之側矣英不助阿則印度可危助阿則俄人必怒事處兩難實難遽決然考十年前俄土之役英始不助土而終助之實為大局計也今或仍舊貫歟

初二日雨中夜大雨

上月二十七日倫敦來電言俄廷請於中國奉天吉林地方設立領事俾西比里亞鐵路成後通商之用中國已允准云 因謹按自中外通商以來奉天一帶雖有教堂尙無領事吉林則洋人尙未駐足其地今則風氣開矣俄之西比里亞鐵路告成外以示通商之便內以遂薦食之謀顯以求貨產之通隱以計轉運之速不惟爲商務籌也

初三日 小雨

土國政府現接到俄國照會言土國如不於屬國勃爾加釐亞自行整頓以安商旅俄國卽當代爲整頓不能少緩土廷聞之大恐因嘗言俄國好事其兵勤而無所必有悖心今果然矣其在亞

日記

卷十一

十五

洲方逞兵於阿富汗其在歐洲又肆志於土耳其且勃國前君已爲所廢而更立矣何以詰責尙未已耶嘗觀漢魏之季其奸臣柄國廢君立君終不免於禍也勃政似之

初四日 卯初大霧已正而散晴

美國之阿拉司曼地方與英屬可倫比亞毗連向未畫界近兩國政府議定派員查勘畫清界限昨由英國駐美公使照會美外部言英廷已派天文博士一名名經者爲分界委員云 因嘗閱西報言三百年前歐洲教士由陸路遊歷至吉林僅以每日行路若干積之計兩地相距之數殊不足憑蓋途有紆折故也自天文家出以經緯緯測地而後得地球之形遂全知地球之里數若干

分而析之遂知各國之里數若干并兩國之界限何處截然分明無所蒙混則測天之爲益大也今英廷測地分界而派天文博士卽此意也

初五日 晴中夜大風

英國預定一千八百九十三年卽光緒十九年用項共第四宗係格致技藝之費獨有加增本年係七百零五萬五千五百六十五磅來年增一百三十四萬三千三十七磅共八百三十七萬六千二百三十一磅 因查前此巴黎賽珍會中國絲綢顧繡器均爲出色皆工藝所成者周禮以考工屬冬官古人未嘗不重工國有六職王公士大夫以下卽及工商至漢乃有賤商之說其實商之交易多成於工國之賦稅多取於商抑末之言雖大而無當也英爲地球富國而所重者在格致技藝此明效大驗也

日記

卷十一

十六

初六日 晴

昨日巴黎來電言俄國近有照會詰責土耳其其勢將以勃爾加釐亞之事與土啟釐俄國價值饑饉疾疫猶能用兵歐亞兩洲其勢甚強德君訂於西歷十月九號卽赴奧見奧君託名遊獵實欲奧國加增兵額以資防俄義國民窮財盡無可設法故德君專注於奧云 因按俄如封豕長蛇薦食天下鄰近之國小者坐以待亡大者側足而立歐亞兩洲時局皆視俄人之動靜以爲安危民不能休兵不能息此亦時勢之無可如何者也且聞俄國整頓水師今

年經費需銀六百二十三萬六千二百八十四磅合中國銀三千萬兩饑饉游臻尙有如許開款殊不解也

初七日晴

昨紀俄國整頓水師茲分析其船名價值備考鐵甲三艘一名布拉都窪一名博得樓堡勞佛斯科一名賽窪斯都堡拉均重一萬一千噸每艘值一百二十三萬磅又一艘重八千八百八十噸值八十九萬四千三百七十五磅快甲船一艘值九十六萬五千九百三十七磅海防甲船二艘均重四千噸快雷船二艘一名倭烏代一名普克達尼格每艘值十二萬五千磅雷船一艘名葛里敦值七萬五千磅信船二艘一值二十二萬五千磅一值十五萬磅

日記

卷十一

十七

雷船十艘又有鐵甲五艘一名高古特一名訥窪林一名卓爾志博一名理深慈一名都愛拉烏又快甲船名祿里克防海甲船二艘一名奧得窪則尼一名格里墨得斯吉均將陸續下水云 因查俄之水師如此過此以往雖不逮英法將駕義大利而上之其志不在小矣

初八日晴

接外部照會言英屬卡拿大有華人二名潛入美境搜其身得票布二張訊之有入會情事特將票布并案情移來因閱該票布大小二張其字循環成行文理不可解惟洪字可認識則係粵匪餘黨票上有血跡有針則爲刺血拜盟之證二人皆粵籍則與開教

之湖南籍者不同類其針纖細而有帽卽係美國所用之針爲中國所無則刺血拜盟係在美國地方可想其票布上之字係石印更可決其在美所爲卽以此意照覆外部矣

初九日晴

美國祕林海峽自美總統議員禁英人捕海龍拘英漁船英廷爭之不理英人亦拘美國漁船從此英美兩國互拘漁船英廷初意願請局外之國評論美總統外部不允至今年夏始允乃俄人又拘英美兩國之漁船層見疊出且將船中所有之海龍皮充公又拘漁人至俄坐監至是始有釋回者漁人川資不足幾爲餓殍各訴本國英美二國又各向俄廷詰問云 因按祕林海峽捕魚之

日記

卷十一

十八

案自美啟之而英爭之幾兩年矣英美兩國互拘之船各有抵制尙無陵虐之處俄最強又無漁船在祕林英美無可報復故陵虐之英美均失國體矣

初十日晴

狀師梅來見 美議院議新增兵艦已交本國船廠照造限三年而成一爲容九千噸之戰艦每一時行三十二海里一爲鐵甲容八千噸每一時行四十海里如能加速四分之一則加銀五萬圓如減速四分之一則減銀五萬圓二船之價約八百萬圓 因按每一時行四十海里爲中國一百三十餘里可謂速矣加速四之一則加至三十餘里矣未必能也然有以獎之或激於賞而盡力

求速正未可知且減速則減五萬圓造此船者斷不敢草率以抵也中國方興海軍如訂造兵船似可仿此辦法庶有益而無損矣

十一日晴

英例居民家畜一犬納稅三圓領取牌照美例納稅二圓出使人員向例免稅而須報明由稅員送與牌照茲美國駐英字立斯士之領事拉失陸畜犬未領牌照英稅員已控於戶部美廷聞之遂查英國公使畜犬亦未領取牌照擬將辨駁云 因按居民家畜一犬納稅二圓至三圓可謂重矣收稅而及於犬可謂苛矣出使人員所畜之犬例准免稅而漏未領牌照可謂毛舉細故矣而英

日記 卷十一

十九

稅司居然控於戶部美廷又查本國稅例以相抵制可謂小題大做矣而兩國均不肯鬆勁者則何耶講交涉者當知之

十二日晴

謁律司梅談及倫敦有信言接中國天津來電謂俄國駐紮巴滿爾提督名耶納夫略地至奴陸地方適與中國邊兵相值當即分兵前往接仗云 因按此言如果屬實則中俄邊境已有釁端而俄人居然加兵二國矣然審其大勢仍專重於歐洲而亞洲之兵尙非大隊如與土耳其開釁則三國均受其兵俄人之志不小矣

十三日晴

俄屬華沙埠來電言接俄都消息謂俄德兩國邦交本不洽涉各

匿怨恨之心惟尙未顯露耳而現在情形又非從前幾於不能忍耐云 因按俄已攻阿富汗矣又拘英之漁船矣不畏英之決裂乎又似與中國邊境啟釁矣今又與德不和然則俄近日之所最合者其惟法乎因故謂其遠交而近攻也俄人舉動如秦而法人乃欲效齊與燕耶

十四日晴

昨日羅馬來電言義國人民在巴西國爲工商者近有稟呈外部計數千名言巴西國之苛虐巡捕尤甚故求伸理又有商人以所失貨物向巴西國家賠償其數甚鉅該國均置之不理義外部已允爲詰問矣 因按巴西國前此求與中國立約意在招工此約

日記 卷十一

二十

已成而招工之舉只允華民自往不許巴西自招華人知巴西之無政亦無往者寓美之猶太人往者均失業無依已由美國給資招回查巴西與美國同處墨洲而荒土之未墾者猶十之九乃竟不得善法以開墾焉大學言有人有土中庸言人存政舉旨哉斯言

十五日晴

設廠 美國卑士穆地方鐵廠工人糾衆停工爲亂有不從者輒戕之該處鐵廠共需用人十五萬名有零地方官立派巡差三百人保護未附和停工之工人亂黨拒之相持不下云 因謹按中國之利出於農外國之利出於工中國之利與於人力外國之

利興於機器以人照料機器一人之力可當百人美國卑士穆一處鐵廠已用工人十五萬名此一千五百萬人所出之手藝也歐墨兩洲運至中國各貨物無非機器所成乃至比利時小國民數僅五兆而用鑛工至九萬餘名宜其國小而富哉

十六日晴

美戶部查通國民人產業共值銀一萬二千七百二十九兆零六十萬磅因查三十年前則值銀二千四百十六兆零八十萬磅二十年前十前增至六千零十二兆六十六萬磅十年前又增至八千七百二十八兆零四十萬磅云 因按美國之富較三十年前幾六倍矣鐵路之利也實華人之功也現在使館自出使大臣鄭藻初

日記

卷十一

二十一

賃至今十年當其賃時使館左右第宅甚稀居人鮮少皆一片荒地耳十年之間築室已滿因到此甫三年則見館後已增一宅館左又增兩巨宅館前亦增數宅月盛日新正未艾也考其設施大抵與商務修農政開各鑛立製造局講求入口之稅使利之所在不棄於地不漏於厄不奪於他國而已

十七日晴

昨查美國通國產業誠為富饒因又查英國之產現在合各屬及各處通商埠頭計共值銀一萬零七百八十一兆五十萬磅查前三十年則僅值六千一百十三兆磅前二十年值八千五百四十八兆磅前十年則值一萬零三十七兆磅 因按以英較美則三

十年前實勝於美現在乃不如美英之進境遲而美之進境速也然美國多英人而英國無美人則美之產業英人亦必有之其富當可相抗矣

十八日晴夜小雨

美國議院撥款銀十萬圓以備本國兵艦在太平洋薩摩阿島建設添煤之地又查地球有水師之國添煤地方若干查得英國最多美國最少現僅有墨西哥檀香山薩摩阿島三處云 因嘗論籌海軍難籌添煤之地尤難以無煤則兵艦不能行也又嘗論美國之富籌海軍不難而籌添煤之地仍難以佔則兵力不足購則急切不能得也薩摩阿島處太平洋就其切近者而圖之先所急切不能得之證矣

日記

卷十一

二十二

十九日陰

已初附火車赴紐約可俞比亞之會因查可俞比亞係義大利人而仕於日斯巴尼亞前四百年即西歷一千四百九十二年可俞比亞悟得地球全勢不盡於大西洋逾大西洋必有土地請於日主給資備船泛大西洋向西覓之日主為之備船及半年之糧暨從人使往是時輪船未興僅恃風帆其行甚滯西行三月仍屬大海茫茫而糧已耗其半不敢前行乃返國日主不加詰責可俞比亞以未見功為恥再請於日主日主仍令往遂有好事者助之資



斧多備糧食足支年餘遂行泛大洋三月後忽見飛禽翔於空際  
可命比亞大喜曰離岸不遠矣越三日遂抵岸即中墨洲之地今  
之可命比亞國因此地初得即以人名之因赴祕過其國則可  
命比亞有塚存焉岸上皆野人面如古銅色即今之煙甸人也可  
命比亞率從人騎馬帶兵器上岸土人見其下有四足上有二首  
大駭而奔可命比亞遂據其地返報日主漸開漸廣此初得墨洲  
之事蹟也

二十日晴

會總送到入門票因於已初偕繙譯巡捕往則人民熙攘擁擠街  
衢爲塞遂遠道而往至坐定則見巡捕兩隊或騎或步清道而前

日記

卷十一

二十三

以後則各學塾學生武備院學生律例院學生育嬰堂男女約三  
百餘隊每隊人數少者六十名多者百二十名不等各塾學生爲  
最多女工院只一隊育嬰堂男女各二隊武備院皆肩槍間有握  
刀持戈者各自爲隊每數隊間以軍樂各學生多徒手或肩小旗  
每一隊有隊長二人領之齊其步不使參差其行也如雁字橫排  
而前其手皆垂共足之步皆畫一凡左足前則一隊皆然另有槍隊數百人  
爲一方陣隊長居前中旗指前則皆步而前旗指後則轉身步  
而後槍向後進退整齊至中正而畢

二十一日晴

辰正僱馬車行至海邊則水師提督已派總辦具輪船相待副總

統內部外部戶部農部兵部水師部各大臣均陸續而到俄德葡  
土耳其南墨洲各公使英總領事均到遂展輪出海約行數十里  
則兵船漸多法國鐵艦二艘義大利一艘日斯巴尼亞一艘餘未  
見國旗不盡悉大約美國兵船爲多商船遊船尤多約共二百五  
十餘艘各船皆奏樂因等坐船居中各船環繞而過過時吹氣箭  
本船亦以氣箭答之以後遊船多奏樂兵船則升礮救火船則噴  
水高約四丈遠五六丈水雷船爲極速多由各船相閉處穿行而  
過至申初返輪申正抵岸

二十二日晴

赴會其隊與二十日相同而人數較多整齊亦勝於前聞共計二  
萬三千名其中弁兵一萬九千零八十八名救火會及各會館幫共  
一萬二千餘名水師提督總辦訂明日赴德因以本館有照會外  
部駁例事辭不能赴即附火車回美都戊刻抵使館

日記

卷十一

二十四

二十三日晴

十八日報言歐洲各國初與日本立約其情與中國同挾其強梁  
肆意要挾約款有各國人民在日本犯法則由各國領事究辦無  
不漏網日本爲之束手乃至葡國之貧弱亦效尤橫行其犯法漏  
網者極多日本雖照會而葡置不禮茲日本以此關繫國體即照  
知葡政府謂葡國既背約則以前兩國之約作爲廢紙以後葡民  
在日犯法者由日本地方照例辦理云云日廷此舉誠自強矣

因嘗謂萬國公法各國條約如中國各部之律例頭頭是道惟強國能以責弱國弱國不能以責強國也即能責之而強國或游移其說或文飾其情甚且置之不理故外國有抵制之法有報復之法甚且有以勢伸理之法勢伸而理與俱伸矣然亦惟強國能之非所論於弱國也弱國則勢屈而理與俱屈耳

二十四日晴

前赴會時在舟聞某紳言美與三德明哥所立之約英法德三國如之啗喝三廷以爲宜廢三廷置之不理英法已有公文詰責德國則以三國煙葉售於德者得利甚厚擬限制之美國則聲言此事有關通商決不相讓云 因嘗謂強國與弱國通商大率要挾

日

記

卷十一

二十五

險削而已近年歐洲各大國皆垂涎於墨洲而美國亦不少讓夫墨洲之大國僅美利堅一國耳此外皆貧弱不能自立貨乘於地利讓於人其民數甚微其武備皆弛以前美國無兼併之意歐洲亦無賤削之心今則皆虎視眈眈其欲逐逐數十年後墨洲小國必如漢陽諸姬矣

二十五日晴

前二日羅馬來電義主論散議院令國人另行公舉明年兵費需銀三千九百三十六萬圓較以前數年爲大減運售煤油則歸官辦云 因查泰西各國議院所議與國君意齟齬者則國君有散議院另舉之權義主之論散議院自以兵費之故義主以爲設備

議院以爲病民也因詳察義國近日情形實有民窮財盡之勢而猶悉索敝賦以經武爲亟者實以俄之不可不防也煤油之運售歸官亦似奪民之利議院之不悅應爾然義國政府之出於此者亦實無可如何耳

二十六日晴

二十四日羅馬來電言天主教會普天同慶屆期教中人躬赴羅馬致賀法國所割與德國之阿爾薩斯省人民初擬取道瑞士赴會繼因路險改由法國德政府聞之大怒天主教監督恐生事端遂諭民人勿赴會云 因查天主教之寓各國固最猖獗者也獨於德國最馴法國之護天主教又最強梁者也獨於德國最謹世俗人情驕者常詔驕其所可驕而詔其所當詔也金人慢宋主而畏元人板升擾明邊而畏俺答曠觀千古前後合符有志者可知所從事矣

二十七日晴

美戶部查本年正月至八月底進口貨物值銀五萬八千萬圓零較上年多一千五百萬圓零出口貨物值銀五萬九千一百萬圓零較上年多四千六百萬圓零出入兩比出口之貨多一千一百萬圓零云 因查美國入口貨物至值銀五萬萬餘未嘗不多而出口之貨足以抵之且多一千一百萬焉則銀錢不外漏而尙有贏餘矣歐墨二洲富強之國大抵如斯其弱小不振者則入口之

貨多於出口出口之銀多於入口由商務不興民力棄於閒而物產棄於地也

二十八日晴

參贊彭光譽繙譯容揆赴希卡果觀賽會之禮 美紳謂南北花旗構兵後商船之利幾為歐洲所奪近擬設法收回前此議院議定准美商所購外國之船改懸美旗矣向來美國郵政凡書信往來例由最速之船計程一米給費四圓每年往來歐洲需銀一百二十五萬圓此項鉅款悉為歐洲商船所得近飭輪船公司造快輪五艘限三年內陸續造成往來歐洲收回郵政之利云 因謹按立法無久而不做者但聽其做則做者愈做能救其做則做者

日記 卷十一

二十七

亦利嘗見善治家者凡有益於家之事纖細必舉凡有損於家之事纖細必除不數十年富家大吉矣即小可以見大治國通於治家勿謂外洋之計算為可鄙也

二十九日晴

西報言日本制作日精大阪製銅鐵器東京製綢布橫濱製酒火柴等物其價甚廉故能運出外洋銷售德國已畏其奪本國之利矣 因嘗遊美都之市見有粵人列肆者自謂出售中國貨物詳細察之則甕器古銅綢巾茶葉等物皆來自日本者問其何以不售內地土產則曰稅重價昂不能銷也閱此報因附記之

三十日晴

美廷近接太平洋吉白海島書言英國強佔其島後自任保護且限制該島之美商島主以前屢求美廷保護美置不理云云外部科士達言美國開國定例不准強佔他國土地故於保護無權旅該島美商未言其之苛制未使向英曉舌如英實有妨礙美商情形自當詰問耳 因按美外部之言可謂不多事者然亦海軍之力限之也美之兵船尚不如日安敢與英抗哉審已量力苟非大不得已者聽之可也

九月初一日晴

美國駐英領事名老耶士告假回美言自美國增入口稅以來英之黑特士飛城居民十二萬業紡織者盡已失業其他利次埠亞

日記 卷十一

二十八

爾黑埠那丁黑埠情形畧同有欲徙紡織局至紐約者有欲徙往印度者蓋拮据萬分矣英報因言前總統基利芬之體恤商務云 因按美加各國入口之稅頗聞怨言而各國惟聞抵制而不聞爭辨者稅課為國之內政例可自主也英之紡織局可謂窘矣而不聞以改章請於美廷則交涉之事可見矣

初二日晴 戊刻見兩點

伯林來電言德主於二十一日抵奧與主率大臣躬迎行接眷之禮同車入官設膳并同觀劇惟所商何事秘密不揚二十五日俄國調回駐德使署之武員德亦如之蓋德國使署人員俄廷暗派人偵其動靜凡機密之事均不使知故乘此時調回云 因按數

年以來德國親奧義以防俄俄主街之確有形迹近年則益齟齬矣阿富汗土耳其波斯之恭順於俄亦確有形迹近更無敢戲淪矣乃俄不用兵於德而用兵於阿不知者或謂俄主之好惡顛倒而其實不然也法爲德挫至於國亡君虜至今二十二年乃法人之武僅加於突尼斯馬達加斯加越南阿非利加達河米諸遠國而近者無聞焉其揆一也

初三日 卯刻小雨即止仍晴

美國礦學家言地球產煤之地至多其深者非機器不能得法國煤礦有在一百丈以下者比國則開至一百八十丈英國採至三百一十丈而不盡德國又有開至四百一十丈者統計地球之煤

日

記

卷十一

二十九

當以中國爲多且爲易採云 因嘗閱同文館教習丁韞良所論泰西礦務有鑽至深二百丈者準以今之所聞尙爲淺也或者歐洲煤礦漸採漸希故不得不深求之但不知其深者採盡以後更何所持也中國所蘊之煤抵歐洲全洲五倍及今而講礦學將來能操歐洲之利權矣

初四日晴

倫敦來電言英國前任外部於交涉事務願助德奧義三盟國以制俄法今新任外部不以爲然已密告法國政府如俄法與德奧義構兵英國決意守局外之例云 因按此歐洲之變局而英之用意殊難測也將以爲守公法乎而本年干預威內薩之政佔太

平洋之島其違公法者正多也將不欲德法各國之休養生息以增其富強乎則與英后前此所言不嗜殺人之意相悖也且俄法兩國如憚英之制而不動兵則聞此言而將與德奧義啟釁如憚德奧義之合縱而不動兵則英雖有言亦未必遽敢啟釁也誠不解也

初五日晴

聞美總統后薨差人持名帖往唁當即發電於總理衙門云美總統妻薨請示因微 初三日伯林來電言德奧義三國聯盟近日以增兵爲第一要務義國財竭民疲軍費無出奧君以籌餉不易不願增兵德主無法可施惟有本國增兵而已現已飭相臣格布

日

記

卷十一

三十

理按年增募新兵六萬人增餉一百餘萬圓交議院議之惟慮議院以民力難勝未必議准云 因嘗言歐洲各國講武自防爲騎虎難下之勢實難持久今已見支絀之形矣德奧義三國不合則不能敵俄法法不合俄又不能敵德兩勢相敵則思有以勝之遂謀增兵彼增而我不增則無以自防又無以求勝遂至相率而增莫能相下無所底止奧義兩國處不能不增之時而已有不能增之勢形見勢絀可奈何哉

初六日晴

午刻因借繙譯往外部衙門慰唁總統 聞英屬卡拿大以土產入法國稅重於各邦請於英廷英廷特派專使名脫伯至法協同

英國駐法公使德福林與法廷訂立報施之約法廷已允即日商議云 因按卡拿大英國一屬土耳其民數鮮少所與之利度亦不能多也而能請於英廷英廷遂為派專使所謂有害必去有利必與也不以害小而不以去不以利小而不與泰西之謀國者如是而已

初七日晴

美於太平洋慮水師無添煤之處竭力籌之查得薩摩海島之索哥白科地方可建埠頭請諸該島之政府已如所請即於今日招工承辦限一年半造成云 因嘗言兵艦以煤為氣非煤不行又言美國海軍實不足恃以鐵甲不多而又無添煤之所也今由議

日記

卷十一

三十一

院議增鐵甲而即籌各處添煤之所可謂知所急矣

初八日晴

檀香山島主願與中國立約不允其島地曠人稀中國民人趨之若鶩島主乃立苛例以限制其利益又暗通華人之黠者招之使來華人不知貿貿然來則受其苛虐日本國已與該島立約華人寓該島之便利遂遠不如日本華商等稟求救援已數十次矣不得已為之轉託美外部由其駐檀公使領事等保護自正月與商至今始妥從此華人當可安居矣

初九日晴

英國於光緒十六年估十七年用項計九千零二十六萬四千磅

茲於十八年核計實銷八千九百九十二萬八千磅因考十八年入款計有九千零九十九萬五千磅出入兩抵仍贏餘五十六萬五千磅云 因按泰西各國均預定來年用項以為入款量出為入也願用項至需九千萬磅餘則計銀四萬萬兩餘可謂多矣而入款尚贏焉則取諸民者尤多矣非商務之盛民產之富不能也然則富為強之本也商務民產為國之本也 西正接總理衙門電云優妓赴會大傷國體何繙譯借陳姓往商殊荒謬尊處應即禁阻何待請示儻敢陽奉陰違定將經辦之員查究青當即以此電分札繙譯何慎之及金山總領事矣

初十日晴

日記

卷十一

三十二

又查英國進項所自分析計之則關稅共銀一萬萬圓土產及國內銷用貨物稅一萬二千萬圓契紙票稅六千五百萬圓官民進款抽稅六千萬圓郵政入款四千五百萬圓電報入款一千萬圓地租田租房稅雜稅四千五百萬圓以上共計四萬四千五百萬圓 因按英國進項每年四萬餘萬圓不知其底細者必以為難及以因考之除官民入款抽稅外其餘似皆可仿惟煙茶兩稅不能若是之多耳然鴉片稅實足以抵之英國煙稅年徵銀一千零六萬五千磅茶稅年徵三百四十七萬磅苦酒稅年徵九百四十萬磅燒酒稅年徵一千五百七十萬磅茶煙酒三項幾及銀二萬萬圓已抵所入全數之半泰西各國皆以此三者非民生日用所

必需故有意重其稅也中國煙酒皆無稅則入款之短者此其一也

十一日晴

昨考英國入款因論泰西煙酒茶之稅茲并計其價值因於煙向不入口洋酒亦不敢近以其冷飲於脾胃不宜也近辦茶會及類醃美官紳故知其價煙之小者其形如小筆帽每枝計銀一分其味美者價倍之大者如聯筆之帽每枝計銀五分其美者計銀五錢上下不等酒之至賤者每十二兩計銀一錢醃客不用等而上之以至於每瓶五兩名爲香冰紳富之醃客大抵皆用此種每一茶會需二三百瓶茶之次者每十二兩計銀一兩佳者未見計其價目則知其稅之重矣

日記

卷十一

三十三

十二日卯刻稍見細點晴

查光緒八年英國購中國茶計一萬一千四百四十六萬磅購印度茶計五百四十九萬磅至光緒十七年則購中國茶五千二百萬磅已減過半購印度錫蘭茶一萬五千萬磅已加至三十倍蓋綠茶樹至三年後其味即劣印度錫蘭能於三年後另植故仍佳也中國如能講求則不讓印度矣 因考泰西農政不僅講求播種五穀也教習丁躉良嘗言之以此徵之益信

十三日將曉有細雨仍止晴

十一日報言美國籌民生國計以商務爲本而貨物往來必需舟

車大西洋往來輪船之利借爲歐洲所奪幸內地各口均不准行此項利權仍歸本國查前十年北邊大湖輪船載七十一萬一千二百六十九噸本年增至一百一十八萬三千五百八十二噸又有鐵路接濟故利源不漏厄云 因按美國東西兩洋西洋之利奪於歐洲則失其半而存其半內地之利絕無漏厄故元氣不傷而國計民生仍充裕也中國外洋之利既全漏厄內江之利僅收回三之一比而論之則失算多矣

十四日卯刻小雨如霧陰

昨日倫敦來電言聞美國鐵廠近得鐵甲新法其堅異常水師部特購一塊昨在波士模海口試驗將鐵甲造成一板高八英尺闊

日記

卷十一

三十四

六英尺厚一英尺半以六英寸口門大礮一百磅彈轟擊五次該鐵甲無恙而彈已碰碎英國擬仿造云 因查丁躉良言泰西之學不泥古而以日新爲主頗有非之者願窮變通久已見於易器非求舊亦見於書孔子以生今反古爲非氣運日新爲治者自應與爲轉移亦猶晝夜寒暑之遞嬗耳夫言豈一端而已固當有所當也

十五日晨起大霧晴

新聞述德京報言法國自一千八百七十年即與德構至今二十二年練兵之費計美銀三十八萬萬圓而償還德國兵費銀十萬萬圓尙在此外近日法戶部籌餉飭通國造脚踏車清冊計二十

二萬五千餘輛每輛按年納稅銀二圓可四十五萬圓郵局電局發信收信之人亦納半稅云 因嘗言泰西各國練兵自固勢成騎虎支持難久近聞義日諸國已見支絀之形奧亦漸窘德法雖可支持而歲歲增兵籌餉亦覺喫緊民不可息受困胡底將有富強之國出而乘其敝者殊可慮也

十六日晴

伯林來電言議員新議一例凡各國皮酒運入德國口岸者議加重稅以杜其來每成本百圓抽稅五十圓云 因查中國於洋酒入口無稅乃至鴉片入口其稅亦輕李傅相稍議增加英使威妥瑪即肆挾持非李鴻 以堅定持之幾為所奪矣夫皮酒為糧食

日記

卷十一

三十五

之類無害於人德國收稅欲加則加鴉片者害人之物也泰西各國皆禁入口美國則按磅收稅十二圓視成本已三倍之中國照此以收稅則入銀一萬萬兩即照德國收皮酒之稅亦入銀四千萬兩矣但須俟武備增修以後耳

十七日晴

聞秋初俄國兵船於浙江甯波招寶山海口外測量海道嗣又有英國德國兵船亦至該處測海云 因查泰西兵船所過之地往往測海蓋亦閒中一著棊也方今中外尙少齟齬雖不必為杞人之過慮亦不可無未雨之綢繆憶道光二十一年英人先陷招寶山次陷金雞山以次陷鎮海甯波定海蓋以此地為浙海之門戶

而江閩之中權也

十八日小雨地溼

昨日羅馬來電言俄國聞德國增兵籌餉亦擬增兵以防外侮又倫敦來電言俄國向各國借貸無一成議近又向法國富商議借英金二千萬磅按年納息四釐以九十六磅作為一百未允繼減至九十磅仍未允云 因查歐洲各國增兵角勝已成騎虎難下俄值饑饉告貸無門亦議增兵自固時事可知二十年前俄之告貸有以六十一磅作為百磅者折扣之重至於此極然則俄之立國其強可畏其窮亦可畏也

十九日晴

日記

卷十二

三十六

拜發三年期滿保獎

奏摺 美國太平洋輪船名馬立怕薩從薩摩亞島行抵金山途經斐奚島相距五百里之島名愛立斯有英兵艦名扣拉岡在該島停泊聞將設埠屯煤云 因按美國於前月方謀於薩摩亞島建埠以備屯煤而英人乃於相距不遠之愛立斯島亦謀設埠可謂明者所見略同但一攻一守耳且英人已於前月得保護吉白海島之權是太平洋形勢所得已多將來英美啟釁水師之力美不敵英矣

二十日小雨帶雪子

美各省舉總統已舉定基利芬查基利芬即前四年之總統也

十八日倫敦來電言法國已與摩洛哥國立約名為聯盟實則保護云 因聞前此英法二國爭摩洛哥之權英欲保護法人尼之  
茲竟歸法人保護可謂如願以償摩洛哥國距新加坡不遠法人  
於越南之外又得一土地矣數年以來小國之不能自保者頗多  
亦兼并之習使然也

二十一日 小兩午後晴

聞英國鐵艦名好威失事沈沒該船造成計銀三百餘萬兩俄國  
造成鐵艦一艘定於十一月三號試水船名羅利長四十三丈五  
尺廣六丈七尺容一萬九百三十三噸機器馬力一萬三千二百  
五十匹自克龍斯達至暹春計海程一萬六千米中途雖無儲煤

日

記

卷十一

三十七

之地不慮缺煤又美國新式兵艦六艘現由官廠日夜加工以期  
即日告成云 因按英法俄德四國水師本強美自知不強極力  
整頓幸本國各廠林立取諸官中故能日有起色如此十年當可  
與法俄抗矣而英所失鐵艦計值銀三百餘萬圓十年成之一朝  
毀之泰西以此為銷金之鍋信矣

二十二日 細雨陰晴不定

美國駐檀香山公使來信言檀國地跨八島懸太平洋中為亞墨  
兩洲要道英國以其扼要久思蠶食而礙於美美商之寓該國者  
千餘人地方官多美籍故親美國如美之附庸前二年查核民數  
男女共九萬一百六十一名口土著三萬五千零二十人華人一

萬四千五百六十人日本一萬一千七百八十人又考十三年前  
土著約四十萬人日漸凋零將來必無遺類察看該國時事難保  
自主之權商民均願歸美保護云 因謹按氣運日新而不新者  
遂如親盡之廟不特國運之興廢由之即民種之存亡亦繫焉居  
恒嘗慕上古渾噩之世恨不親見今乃於荒島頻見之無機心無  
機事榛榛狉狉是真天不變俗亦不變者何以不能自存耶豈天  
道之難知耶抑人事之未盡也

二十三日晴

檀香山來信言檀島女主以民心不靖議院不服已派律政部大  
臣紐曼來美求美保護美外部立邀各部聚議所以待之之道一

日

記

卷十一

三十八

而電達金山以前日調派駐檀兵艦赴薩摩島之事暫且從緩勿  
行另以蘭吉兵艦代之云 因按華人之寓檀香山者以無約故  
數被虐政屢稟求援因雖請檀國駐美公使婉言相託而檀國政  
府時時反覆終不可恃乃函商總理衙門決計轉託駐檀美使保  
護總署既以為是因即商之美外部外部行文檀島已允照行今  
檀國內亂華人有保護者當可晏然矣

二十四日晴

檀香山議院欲廢女主哥斯答立憂國山水大發所損甚鉅民心  
叛亂欲廢其主祕魯因與智利阿鎮丹二國齟齬新購槍十萬枝  
增修武備將開戰局云 因查此皆太平洋墨洲之國也美國晏



然無事而各國膠擾不休非貧則弱宜檀香山女主欲求美國保護也同處一洲而治與亂判若冰炭則其人共政不同耳曠覽墨洲大局將來衆小國均將折入於美矣

二十五日陰

昨日維也納來電言俄儲於二十三日到奧與奧君親率部臣赴車廠躬迎俄儲與奧外部長子爵容那蓋晤談半時奧君醮俄儲於宮中并偕觀劇又巴黎報言俄法聯盟之約已於二十二日簽押互換云 因按俄法聯盟之舉法界英德二國之間或有戒心藉以防患俄非有所懼於德也俄不犯德德必不犯俄然則德奧義三國聯盟實以防敵法國之意諒亦相同惟俄則不然是俄固與

日

記

卷十一

二十九

之患也乃俄儲至奧而奧君禮意有加焉雖曰以篤邦交而亦出於不得已矣

二十六日小雨天暖

英國卡拿大公司來見言巴西國現欲向中華招工該國可容百餘萬人請爲致意中華地方官准其舉辦因謂中巴立約已載明不准招工只准華人自往如巴西國優待客民客民得利自然不招而往招工之說有違兩國之約不便准行該公司謂巴西已定開墾章程其待客民甚優不妨聽其招工因答以去年寓美國之猶太人赴巴西之招及到巴西則工資甚少至於衣食不給返美無資窘迫之至乃由美國駐巴西領事資遣回美此近事也該公

司語塞乃辭退 因查華工必由卡拿大以赴巴西如聽其招工則該公司得無限運載之利故以爲請彼固但求利己而不顧害人也如不知巴西情形則華人之受苦更有甚於古巴秘魯者矣

二十七日陰天暖

接總理衙門公文言接田貝照會以希卡果賽珍會如有創辦之件他人效之者亦准入會比賽云云當交赴會之員彭光譽矣 因查昨日倫敦來電言美國鐵路火車股分票近日漸漲以英國商民知賽會期近火車運載之利百倍於平時故購之者多價驟漲也且各國人民赴會者總以萬計美國此舉他國之財流入本國共計二萬五千萬圓云云然則美國賽會築屋各費雖用四千

日

記

卷十一

四十

萬而尙可長二萬萬有餘且此四千萬築室之費仍美國之工人得之並不漏卮然則賽會之舉實生財之道也泰西心計乃如此其工哉

二十八日晴

西歷將屆歲終各大國旬稽進項聞美國上月出口六畜牛乳值銀一千零五十四萬三千圓法國郵政一年中得利一千九百萬各局已請增給工資英國核一年洋藥之稅共入銀一千九百萬圓農黨以他國五穀入口日多奪本國自有之利羣請加稅政府議行云 因謹按孔孟不言利以其利皆賤自本國之民也今日之勢不同矣泰西各國所取之利於入口之貨稅爲多棄而不取

則各國所產羣集於我而我民失業是瘠我而肥彼也消息他國入口貨物酌爲輕重其稅以保本國之利益以防銀錢之漏卮泰西各邦其揆一矣

二十九日晴陰

日本國君現派大臣詳查與各國和約之不便於民有害於國者查出以備修改又德國請與俄國修改通商條約俄廷特派大臣將兩國所議條約查明是否有益可行茲該大臣等以爲無益遂不允德所請云 因按條約之定限年數修換者所以防損取益也願必籌之於平時而後施之於臨事且必有熟於時事之人而後知其何者爲損何者爲益又必有堅忍之力肆應之才而後能

日記

卷十一

四十一

折衝於樽俎之際收效於爭執之間泰西各國所以重專門名家也

出使美日秘崔日記

十月初一日晴天氣轉涼

本日伯林報言布國戶部大臣密該爾擬徵收國中產業稅餉立有章程交下議院國人以爲自增收煙稅以後煙業虧折今雖爲增兵自固之謀而民生日困慮不能行云云 因按歐洲各大國勢成鵠蚌其不致自斃者英耳俄則借貸無門矣義奧則餉絀而兵不能增矣法則國債日積德則徵斂日苛皆相持不下所致也難矣哉 接天津電

初二日晴

謁律師梅詢此兩次照會外部駁詰禁工苛例外部之意如何梅

日記

卷十一

一

律師云正在商議照覆又詢各國會商議平金銀之價如何梅律師言必添鑄金銀錢金銀之價方平惜乎議院屢請而總統屢駁也又言美廷議以本年所餘撥償國債而商民不願收回以銀行屢倒無處存放云 因謹按光緒十年閩粵共借洋款二百萬磅合銀九百萬餘兩按年八釐半起息又神機營借洋款一百五十萬磅合銀七百萬餘兩按年七釐起息其實經手之滙豐怡和洋行所招股分中國之人居多而反假手於洋商者則以前此戶部行鈔失信於民也英法美德各國債息不過四五釐而我倍之致洋行居中得利殊失算矣

初三日晴

上月二十六日琿春來電言美國漁船於亞刻和斯刻海捕鯨爲俄兵船所拘遂電駐俄美使向俄廷理論俄已認錯釋船并賠銀四萬八千九百五十圓該漁船查琿春現爲俄國要隘除日本領事外餘不接待而予日本領事之權亦不能優地方官皆武職駐防官兵七千名兵艦六艘云 因查俄以琿春爲重鎮又造西比里亞之鐵路達於琿春又造極大之鐵艦山克龍斯達至琿春中途可不添煤者意經營不遺餘力彼固昌言爲興商務也豈其然乎

初四日晴

美紳言明年美國水師大會據駐華公使田貝已接中國總理衙

日 記

卷十三

二

門照會云中國海軍新創駕船員弁尙未深諳海綫礙難赴會云又言俄國整頓水師年精一年兵艦日增近年所造幾與英國相埒查所造鐵艦名尼哥拉士容八千四百四十噸業已成功又更格容六千五百九十二噸那伐林容九千四百七十六噸又拿利容八千零七十六噸以上一年可竣又洛力刻容一萬九百二十三噸佛力格容八千八百噸北皮多拿容一萬二百八十噸司法利脫利容一萬二千四百八十噸昔伐司都巴巴推佛倍脫羅破拉三艘均容一萬九百六十噸尙有未命名之一艘容一萬二千噸又海防鐵甲一艘容四千噸水雷船頭等十艘二等三艘巡船十艘以上過此四年一律工竣各廠有法人爲之料理從此海軍

駕義大利而上之矣

初五日晴

美國前駐日代辦來見自言爲南黨與前任最相契今由鄉移居美都談次言美國欲於山德明哥國求一口岸以爲兵船添煤之埠該國畏其蠶食終不允從墨西哥國向產五金鑛沙運美售煉美商利之自美國加徵入口稅墨國因自設爐以煉遂知自煉之利較售沙尤厚竟不運美美政府雖允免稅而墨國已禁出口云

因按美於今日可謂專利無厭也求山國之口岸而不成加墨國鑛沙之稅而反失利是所謂自侮人而人侮之矣墨國鑛利與美同而向不自煉以利授人西人謂墨人最懶實定評矣今乃如

日 記

卷十三

三

夢初醒實由美國之加稅而致此所謂困於心而後作也雖然墨國鐵路輪船開墾之利多不自謀其果盡能收回此權也乎

初六日晴

美總統已舉定嗣由各省公舉下議院紳共計三百五十六名計南黨二百二十四名北黨一百二十五名民黨卽農黨七名其中留任者甚多布萊爾亦在所舉之內云 因查美國下議紳屆二年一更改今年係更換之年南黨之紳多於北黨者幾倍之自此以後北黨之勢不敵矣

初七日晴

紐約省尼加拉城開河工程局所用挖泥機器係五千匹馬力計

價銀二百萬圓用之年久現已疲鈍該局因此河開通利益甚大遂向費城機器廠訂造極大機器一架須十四萬六千匹馬力限明年七月竣工一時聞者皆以爲地球至大之機器咸往觀焉因歷至紐約矣跨海之橋以鐵造成約長數里懸空鐵路周環紐約約長數十里火車卽於其上行駛其房屋有高至九層者均以白石砌成或不用木料一宅需銀百餘萬圓其營造之巧而巨可奪天工所以然者外國有營造專家之學又有精藝之學講求有素出其絕技匪僅以侈靡飾觀也蓋有大用存焉

初八日晴

初六日倫敦來電言中國漕糧由滬運津不准英船裝運以爲有

日記 卷十三

四

違中美一千八百八十年之約中國政府以爲美廢約而禁華人中國此約亦廢英廷遂詢諸美外部外部以爲禁華人事只廢約中一欸並未廢全約云 因按此美外部欺飾之辭也美廢約中准華人來美一欸中國亦廢准美船運糧一欸中國之理甚正也且美首先廢約而中國卽廢全約其理亦至正也雖然因尙有進於是說者美英於內地貨物由彼運此均不准他國之船攬載由滬運津皆中國內地也例應禁也非他國所能干預也

初九日晴丑刻以後兩天氣轉暖

法國所造商船遇有軍務均可改爲兵艦遊弋洋而故於商務軍務均有裨益茲法政府恐承平日久各商船以爲具文因將大西

洋輪船公司之那曼地商船試改兵船驗其是否合用云 因查美國前造商船時卽有此議明者所見畧同德國方議增兵且禁壯丁他往法亦籌及水師彼此鬪智鬪巧不待爭戰之時卽在承平之日不待開釁之際卽在修睦之年從前殷兆 上疏謂始終不忘戰其知幾乎

初十日雪厚約一寸仍未止

卯初率隨員等恭祝

皇太后萬壽行三跪九叩禮辰初設麪申正設醴 初七日伯林

來信言俄政府電達伯林各銀行限六禮拜內將以前所存各銀行之銀匯至彼德堡備用云 因查俄無可恃之銀行故銀存於

日記 卷十三

五

德國近擬增水陸軍兵添造鐵艦故以向所儲者供現在之用也十一日晴

俄國自土耳其禁止各國之船於達滕尼來士河駛行大於調度水師有礙故請諸土廷仍准俄船來往土廷似不敢不從土國將軍布利耳門請在該河兩面建置礮臺以資防守云 因按此積

威所劫也光緒四年俄土之役俄兵已逼土都非英之援土幾不國然猶割巴統阿達亨卡爾司三省之地與俄而賽爾斐亞門的內哥勃爾加厘亞向之藩國均給地使自主土國歐洲之地所削已過半矣英人嘗譏其武備廢弛所購兵艦永遠停泊而不駛行上年駛赴日本之兵船中途沈沒此明效大驗也亦股鑒也

十二日晴

美國西北各省沃野千里產麥極盛政府以其出口道滯爲之浚蘇山梅里河以利之貨產之由是河出口者一年之內計值銀一萬零二百一十一萬四千九百四十八圓向來英屬卡拿大商民運貨過此一律免稅近因英屬官待美商船苛刻總統遂創新例徵收英商之稅云 因查外洋好興大工工之所至利卽隨之如埃及之蘇彝士河法國之馬賽陸其稅入足以敵一小國若美之浚蘇山梅里河則專爲利民其用意微異耳至於因英之苛待美商而亦稅英商船以報之則大小各國無不如是因之隨筆記之者一以見美之爲民興利一以見美之爲民防弊也

十三日晴

日記 卷十三

六

答拜美紳克力引歡玩器古藝瓶一具自羅馬來云二千年前之物大花瓶一座自法國來望之如金鐵鑄成瓶腹之畫十分工緻其餘古物甚多談次詢因到此幾年因答以三年惜美禁華人自前任駁詰至今歷外部三任均不見照覆也克力言前十年以來上議院紳向歸北黨專權今年下議院紳南黨已倍於北黨上議院紳雖未定然北黨斷不能過三十九人南黨則可望四十餘人明年議院之權南黨可操且總統亦南黨北黨勢不敵矣或有變更也

十四日晴

十五日晴

日記 卷十三

七

昨日謁梅律師未遇是夕又往見之言議院將開擬撰文照會外部外部曾許以交冬必有照覆且許以此意奏總統請下議院再議故宜問之梅律師允以次日申刻赴使館面議又聞上議院紳會特派員查察客民來美實在情形以便立例各員已於十二日在紐約會商擬請總統於明年三月一號起普禁各國工人來美卽例所不禁之人亦必向美駐該國領事處領取護照然後准其入境云 因按明年三月卽新總統接任之期也自三月起再申例禁工是又由新總統禁工矣新總統卽喜禁工以媚工黨者故得復任則禁例之復嚴可知其由美國領事給照一端尤易上下其手於所難禁之國則給照於所易禁之國則不給照雖云普禁亦不過禁中國而已此情弊之所以百出而交涉之所以難言耳

梅律師來見商照會外部事言歷年之所以駁例者非不辭嚴義正特無如總統之不下議院改議何也總統之意始則媚工黨以爲蟬聯之計今則又存五日京兆之見不欲多事且新舉之總統卽四年前之總統卽創禁工苛例之人今又舉爲總統矣現任總統雖不得蟬聯未嘗不覬覦四年以後故苛例難望除耳因答曰美國上下之意久已洞知終不能迎合其意而聽之梅律師謂苛例違中美之約不便於華人以前照會已盡之將何措辭因答曰美國今一年中各國人民入境者計五十七萬餘人德國一國此

一年中卽十二萬人較中國二十年所積之人尙多美既杜絕華人之來源又欲迫已安業之華人使去美不爲華人計獨不爲美國之名聲惜乎獨不爲華盛頓創國之例惜乎梅律師以爲可談久已日晡遂辭去

十六日晴

考專管客民入境之員亞溫士所言自去年七月至本年六月止此一年中核紐約一埠歐洲來美客民除逐回二千八百一人外共得入境者德國十一萬九千一百六十八人俄國七萬六千四百一十七人義國六萬一千六百三十一人埃利士五萬一千三百八十三人瑞典四萬一千八百四十五人波蘭四萬零五百三十

日 記 卷十三

八

六人奧國三萬二千九百三十五人和國三萬五千七百二十四人由英屬卡拿大及墨西哥二處入境者尙未計云 因按歐洲入美人民如此之多僅禁華人曾何益哉不出二十年美當有人滿之慮矣

十七日晴是日美國開議院

十一日俄都來電言國用不給挪借不成不得已設法加稅所有國人例免當兵者按名收稅銀三羅布公司資本向來按年值百抽三今加稅爲五間有免稅之商今亦一律取稅每年共增收銀三百三十萬羅布十二日復來電言又於蒸酒煤油二物加稅云 因按俄之稅則本重故其民心喜亂今值大飢之後叛亂頻仍

不聞休兵息民而屢聞加稅亦可見民之憔悴矣願其兵強實足靖亂故民心屢變而國勢不搖此亦古今所無之霸道也

十八日晴已後雨

十二日倫敦來電言哥略薩司山介歐亞兩洲之間俄以要隘常駐重兵近聞俄廷下令調駐該山之馬兵三隊赴德國邊界駐紮以備調用云 因按俄以費用不給告貸於歐洲各大國無允貸者卽聯盟之法國亦不願貸乃議重稅國內商民而兵終不戢既踞巴美爾不畏中英之詰責又挾制勃爾加厘亞又挾制土耳其今又調兵駐德國邊界狼奔豕突卒歲不休何未聞有人焉一挫其剽悍之氣耶畏其強也

日 記 卷十三

九

十九日晴

美國專管歐洲民人入境之員以歐民入境太多有礙美民生計擬例四條上之議院一自年十二歲至十五歲不通本國文字者一五十五歲以上無家眷者一人赤貧隨身銀錢不過一百圓者一無美駐該國之領事所給執照者以上四項人皆不准入境由明年西三月一號起試行一年云 因按此禁歐洲各國人民入境之例前三條皆易混淆惟給照一層則其全權操之美國然仍可由領事通融焉蓋美於英俄德義各國不敢操之太迫持之太堅畏其抵制報復也

二十日晴

謁外部科司達寒暄畢因言前此相見時所許交冬必有照覆今其時矣敢請科司達曰此案本國外部自拜亞布連至今凡三人前兩任既不能覆故本大臣亦無可覆者因謂前借金山商董曾謁時該商董請於開議時山貴部奏總統下議院再議貴大臣允之此次論議院文未見何耶科司達曰領照新例議院議定總統批成不能反汗也因謂何以一千八百八十二年總統阿他以議院禁工例太苛下議院再議耶科司達曰彼時尙未成例微不同也且貴政府之意如何因曰我政府屢照田貝謂新舊兩例均不公有悖中美兩國之約科司達曰中國如以此例不便富須換約約成則例可廢因言現在之約既不守而用例多約何為科司達

日記 卷十三

面藉似嫌語太重良久則曰俟與總統商之如總統以為可照覆則照覆耳因辭退

二十一日晴

為駁苛例事又照會美外部 借彭參贊凌繙譯見梅律師梅律師言總統明年西三月即中歷正月卸任似不願開罪於工黨外部科司達尙有告退之意均無心辦此事矣因謂總統不將我政府屢次照會田貝之文交與議院是有意為難也該律司謂彼何意為難只迫於工黨耳前批例時已自貢其實情矣因謂明日見外部擬仍固請再看如何梅律司曰可仍當一面由華商延大狀師控駁庶乎有濟因諾之遂回署發書於金山總領事屬其及早綢繆

焉

二十二日晴

昨日外部科司達專函訂本日已正面商要務因屆時而往外部即接見言昨日所遞到照會文其中語氣有欠和平之處恐於兩國交誼有傷故請惠臨面商豈是因謂我所求者不過請貴大臣商諸總統將我政府數次照田貝之文及本使館此五年中照會之件盡數發交議院再議耳科司達曰例已成矣無可再議因曰例不再議我政府及本大臣照會豈不應議覆耶科司達曰二十日相見時已面允商之總統矣又復照會何為因曰前大臣布連屢許必有照覆而終食言本年六月貴大臣亦許交冬照覆至今

日記 卷十三

十一

尙未見到故不能不再三催耳科司達曰美國之行例實由光緒十四年兩國所訂之約垂成中較欲其廢例必先議約此實際也此次必有照覆即本大臣因公他出華頓亦必照覆至此次所來文語氣太重請帶回修飾之如久無照覆再遞何如因允之遂退

二十三日晴

公法載兩國交戰兵力所到無論敵國境地不得蹂躪安分商民前德法構兵德兵入法即出示諭法民秋毫無犯此德之能守公法也惟公法只言陸軍而水師實不同故於敵國之船不論官商均准掠取是兩歧也茲德國議紳請政府致意各國派員會商可否立例照陸軍公法庶能保護商民財產云 因按此舉若成誠

為王者之師合乎古人非敵百姓之意然度必不能成者何也當今海軍以英法為強英人好拓地法人好構兵此法若行則不能橫行海上於以知英法之必不允行也

二十四日晴

接美外部照會當飭繙譯略譯其中大意言美國之所以行例始於光緒十四年而所以行例之由則以其時兩國所訂新約垂成而中輟廢約之故不能專責美廷欲中國遷就予以可轉之機則約成而例自可廢云云其他悉係強辯之辭

二十五日 雨天氣愈暖

是晚赴外部席下議院紳火街先到因次到火街為因言伊之本

日記

卷十三

十二

省商廠農業甚賴華人不附苛禁華人之例為農商計本至公也而同院頗有譏之者伊無所私亦何所畏因答曰華盛頓為美國第一人所創國例不分彼此各有自主之權君所行者與華盛頓同心與創國例相合何歉於心火街遜謝談次賓客陸續而到義奧瑞士土耳其四公使上議院紳福來衣士谷白得勒下議院紳火街姐門皆不附工黨而愛華人者其一人為科士達之同鄉賓主共十四人飲至亥正而散

二十六日晴

昨夜席上聞義公使言本國議紳詢於外部云聞德奧義三國聯盟近已瓦解信否外部曰聯盟之局以保昇平三國均大修武備

敵國稔知自不輕動而又以至誠之意和合鄰封使敵國解怨釋讎幡然修好凡此皆所以致太平而非有狡焉思啟之意也議紳聞之大悅 因問是言而知立國之道焉修武備則雖讎我之國不動干戈輯邦交則雖夙怨之邦亦敦和好反是則思啟封疆者必以我之弱而蠶食夙有嫌怨者又伺我之隙而責言治亂不同其實一理也

二十七日晴

至外部處謝席並謁同席之上議院紳福來衣士谷白得勒下議院紳火街姐門等福來言由歐洲來美之人較中國約二百餘倍中國約十萬人歐洲約二十兆餘矣惟歐洲人服食起居相同故

日記

卷十三

十三

美人不厭而亦難禁相忍至今亦決不能不禁此次議院必議普禁中美已立限制之約但使美關認真辦理十萬之外諒不加多亦何所礙惟一千八百八十八年及今年苛例殊違兩國之約耳因以為公論焉

二十八日雨

拜發續保人員奏摺 二十一日奧都維也納來電已加兵額三千六百名從德君之意也二十四日德都柏林來電言德之增兵實為自保之舉而俄廷見德此舉頗不放心亦擬增兵以期勢均力敵云 因聞此而歎歐洲各國有騎虎難下之勢也有轔蚌相持之形也孫武子云勇怯勢也強弱形也形勢所見雖智者無可



如何先事而綢繆者恐形見勢絀而敵國有輕我之心也將事而整飭者恐勢不均力不敵而無以拒敵也當今之勢無以和局為可恃無以武為可掩無一日而忘戰斯善矣

二十九日 小雨竟日

美國武員布郎考究造礮之法自出心裁創為分節而造外有鋼綫裏之堅固異常查尋常大礮連放多次往往炸裂此礮入藥加倍屢次轟放毫無損傷云 因查前膛之礮變而為後膛已適川矣陸路新式之礮分為數節可分可合以便取攜行之已久然其礮不甚大也因始以為小者可為大者亦應可為今果然造成矣然兵船之礮不在乎取攜之便而在乎及遠之能此種新式不過

日記

卷十三

十四

分節而造何以入藥加多殊不可解矣

三十日 陰 小雨時見日色

俄副將名達位大甫被人刺斃該副將素與尼希利黨為讎想係彼黨所戕又俄國大饑之後又遭疾疫近查民冊疫斃者計二十六萬五千七百六十名云 因讀左氏范文子之言曰外甯必有內憂俄之強也蓋不虞外侮矣乃不能制尼希利之黨禍伏蕭牆災祲薦臻是上不能安而下不能全也豈天道之忌盈耶

十一月初一日 雨中夜大雪

接湖廣總督張之 電屬代買棉子十頓當即函屬紐約領事速為購定因查俄國南方各省其土宜種棉花俄政府遂由美國購

棉子試種其初種不得法所收甚微嗣由農部悉力考究近年所出之花既多且佳竟與美國如一云 是晚赴外部科司達茶會日本朝鮮公使均與餘係紳士亥正而歸

初二日 大雪至午而止

近祕魯以整頓武備於常稅之外又加值自抽五美下議院紳司歌德請增蒸酒之稅每格倫<sup>七合中國約</sup>加稅一圓二角五分每年可增稅銀三千五百萬圓云 因嘗至祕魯矣考其稅則已為至重今加值百抽五則每百抽二三十矣蒸酒者蒸穀氣而成酒即中國之燒酒是也美國酒稅本重以其非日用所必需也今每格倫加至銀一圓二角五分則每筋加至一角六分六釐稅重極矣

甲 日記

卷十三

十五

中國效之收稅當可十倍焉

初三日晴

卯正率各員朝賀辰初設齋申正設醮 二十八日柏林來電言三國聯盟之局實因義奧兩國互相猜忌竟不能堅殊為可惜三十日又來電言一千八百七十九年德法構兵非俄國派兵駐守德國疆界與人必躡其後德之勝法俄與有勞乃德今主帥位與奧聯盟而不親俄俄實恨之今德主見奧難恃擬復親俄近已調派駐瑞典之公使威德赴俄以該員向為俄主所信重者庶俄德交誼復固云 因謹按歐洲縱橫之局成而各國防忠之心切古

人所謂日慎一日完若金城者今於各大國見之此外弱小之國

第一冊 續修四庫全書 第 20 頁 反內

有無可布置或效燕雀之處堂者非亡則削矣

初四日晴

謁梅律司商駁美外部照會事律司以爲中國多方駁詰而美國之禁工自若不如予以可轉之機即與換約因於限制之中寓通融之意堅求實際勝於徒託空言因謂此事當由兩國分任因當以美外部覆文達之總理衙門美當以中國歷年照會發交議院俟察看兩國之意若何如彼此意見相符然後可言修約之事因此時不能遽許也律司以爲是俟商諸議紳中之相契者

初五日 飛乾雪如粉晴

威內薩南墨洲之國也地廣人稀招人開闢築鐵路造火車者多

日記

卷十三

十六

他國之商遇有事故往往向威政府索賠茲威廷鑒於前車訂立新例一所有火車鐵路之權准公司承充不准一人獨霸二所收貨車客車等費由議院公議不准訛索三該公司所得之利國家按百抽五四該公司建築動工以後如有爲難之事當向地方官控告不得強國家政府代爲把持云 因按鐵路之裕國通商便民誠當與造然由他國爲之不免有弊既有見聞紀之以備採焉

初六日晴始冰

英國於屬地卡拿大諸與美國相連之湖添置巡船美紳以爲違約外部查舊案始知非違約也茲美水師部派員查諸湖商船有可充兵船者以備兩國決裂時能護本國商船并攔敵國商船之

用茲查有數艘可用者仍當添造以期勢足相敵云 因按歐墨

洲各大國其不忘戰固共見共聞矣而更不諱戰者此交涉之機也德與法時時言戰俄德之君至以戰相聞問美自祕林海峽事與英齟齬振興水師不諱戰英於巴馬耳事不諱戰俄亦不諱戰英然後知試槍礮添兵艦勤操演此戰勝於軍實也論曲直爭形勢比權力此戰勝於口舌也然二十年中各國終不一戰者則交涉之機可知也日恃不忘戰不諱戰以止戰也

初七日晴

是日爲耶穌生日又爲外國冬至節 自總統創禁英國漁船在

祕林海峽捕海龍英人不允遂至齟齬於今二年英美兩國均派

日記

卷十三

十七

兵艦互於該峽相掣漁船美勢究不敵英遂至形見勢絀俄人又踵挈英美兩國之漁船美廷益難抵制現總統不得已擬派能員赴英商議此案其意蓋欲言歸於好微聞即派外部長科士達但尙未見明文耳 因按美國近年所行多侈然自大之象責言於智利索地於海岱爭權於檀香山立報施之約加入口之稅不獨歐洲詆其專利即本國官民亦言之而普禁客民又爲歐人所不願大抵因顧國體相持而莫肯先發祕林海峽一事則英人直昌言不讓爭之累年美於是自求轉圜蓋虎頭蛇尾矣

初八日晴

從前美政府派員赴中南兩墨洲測量地勢可否興造火車鐵路

連墨洲爲一氣以便通商近日該員回美謂所過地方雖間有大川巨浸然其工程較美國自東徂西猶易爲云 因按自火車創行後各大國無不以此爲裕國通商之先務有疑之者或以兩國交兵利於攻而不利於守爲言不知鐵路之於行軍利於主而不利於客蓋自炸藥興而鐵路隨處皆陷非主國可步步爲之而客軍不能也俄君亞林三德之事可證矣

初九日晴

謁上議紳宣文宣文之兄曾於南北花旗構兵時血戰立功上年已歿美官紳爲之仿格蘭脫之例鑄像紀功光緒十五年因謁見時諄諄爲因言中國宜設鐵路以行軍則強以通商則富以達曠

日記

卷十二

十八

遠之地則民不患滿美國工黨權重華人到美向不入籍終難容也此次宣文又言之宣文恂恂有道氣極駁禁工之例今老矣惜其不得總統也又謁多福摩根拗丹柳表好德巴麻等中夜回車

初十日晴

上議紳宣文好德均來答拜談次知英人於緬甸漸次經營查得境內低山可以播植茶葉兼種茄非現已試辦惟其地雨澤稀少應導水之來源兼以灌溉之法并興辦自來水以爲食用之需約需費一百餘萬兩云 因按緬甸越南終古自安荒僻旁觀者亦以爲無可設施乃英法得其地而商務農務以次而興百年後當繼香港而繁盛矣然則人力固足憑也

十一日晴

下議紳好德火街來答拜言俄人於西比里亞趕造鐵路其東之歐沙粒江一段急求工成此地距黑龍江之北計程一千一百英里火車半日可到又西悉北爾之東烏蘇里之鐵路現用一萬二千人興造亦欲速也 酉正赴副總統席各國公使除英國墨國外到者二十四位外部科司達居首席酒用五品飲至亥正而散

十二日晴

初四日巴黎來電言近查得巴拿馬一案法國部臣受開河公司賄賂者五員已由議員參辦矣本日俄都來電言俄政爲君主法政爲民主俄法聯盟本屬強合前此雖有是舉亦不能堅茲法國

日記

卷十二

十九

內政不修官箴不肅巴拿馬開河一事足見其徇利忘義不能治內安能制人與之聯盟實爲無益現俄國頗有悔盟之意而與德修好云 因此而歎立國之不可不強也俄法聯盟之舉俄欲拓地法欲復讎耳乃憚德之強相持而不敢發而俄人方與築西比里亞西悉畢爾之鐵路是其意隱將有事於東方而顯然與德爲讎殊非計之得者故欲親德而釋怨也俄德相親則歐洲可無事而兵力可專注矣然則鐵路告成中國共有邊患乎

十三日晴未刻見雨稍止中夜雨

十一日彼得堡來電言俄國聞德主之妹子歸有日俄君后擬由俄赴德以觀成親之禮想以此行爲聯絡邦交伴兩國以前之齟

斷可以解釋云 因按天下之勢兩相敵則平凡人之情兩相求則合此古今治亂離合之機也漢與晉頓和親而宋不能得於金元呼韓稽首於唐而契丹乃廢置石晉情勢殊也俄於土耳其則伐之於勃爾加釐亞則更置之於德則始啜而終親之情勢殊也此可以得交涉之機而為發憤之本焉

十四日 大雨竟日夜止

是日為美國元旦總統以其夫人新歿故不見客各部大臣亦不見客遂無應酬惟繙譯官不理事耳 美國管收內地稅員已造成半年入款册收稅共七千四百五十七萬六千八百八分內蒸酒稅三百二十四萬餘圓釀酒稅一百三十八萬餘圓煙稅七十四

日記 卷十二

二十一

萬餘圓此外牛油稅雜稅地稅居多云 因按此美國半年內地稅而入口之稅不與焉煙酒二項已五百餘萬圓合一年計之則一千餘萬其收稅固重然泰西各國均以此非人生日用所必需故有意重其稅也

十五日晴

美國添造新式鐵艦二艘需鐵甲七千噸計銀四百萬圓本月即招商承辦惟美國現在造艦之廠不能制甲僅賓省之白寺里廠及家尼記鋼廠能製鐵甲耳近金山之友仁鐵廠現亦購置新式製甲機器以期承辦製造鐵艦云 因按美國於水師向不經意風氣未開近日以英義兩國交涉之難遂為補牢之計而製造鐵

甲尚費躊躇於以知現時武備迥異昔時水陸兩軍非講求數十年不能操勝算也若商務不旺入款不充則雖欲講求而如無米為炊更無操勝算之日矣

十六日晴

謁外部科士達華頓又至義日墨使館答拜聞南墨洲之智利巴西兩國聯盟以防外侮而巴拉圭亦願附入巴拉圭已購新式槍一萬枝并延智利兵官教戰云 因按周公言未雨綢繆孟子言相友相助春秋列國時時合盟中外之人心國勢無二致也智利勝祕魯而受屈於美巴西改民政而受侮於俄且英之蠶食已漸肆於墨洲此不可不慮也因又考亞洲各國中俄日本比鄰而俄

日記 卷十二

二十一

人好兼併日本亦效之俄之強也固不資輔車之依日本亦復夜郎自大結怨鄰封何耶

十七日 下乾雪時下時止午後大雪至夜而止

美國煤油之利幾徧地球其分支公司設於德國德國自產煤油之利遂為所奪茲德國之布雷民埠擬自集股另設公司不令美公司獨專其利惟美公司資本甚大所有同業與爭利者均被擠倒不知該公司能與相持否 因按自泰西各國通商於中國而中國之民失業者多美國煤油入口後而青油遂廢棄相子一物產於地者棄於地矣德亦產煤油乃以價值貴賤相差而被奪其利中國方興冶鐵織布諸局苟非局無冗員屢不虛耗未必能與

洋鐵洋布相持也上海紙局其前車也

十八日大雪午後時見日

十四日伯林來電言歐洲各國現在均需款孔亟難於設法惟有借貸茲奧國擬借巨款與本國富商商訂計年納息四釐德國亦然月內均可說定云 因按歐洲競尙強兵而防他國之益食兵餉日增遂無底止德奧義皆稱大國而奧尙富於義德且富於奧猶且入不敷出既籌加徵復求借貸幸其商務尙旺不必乞諸鄰耳否則如葡萄牙埃及各邦終不免於鬻地受制也

十九日晴

梅律師來商議

紳事以使館自光緒十四年至今所駁美廷

日記

卷十三

二十二

禁工苛例美外部并未移交議院本年九月照會美外部請奏總統將所有駁詰禁工照會發交議院再議外部照覆其詞隱約嗣查得除總統外外部實無此權總統已歷兩任既不願交非議紳建議索此項案件不可故與梅律師商議密託議紳梅律師已將所可託之紳送一單來并其居址擬即日往謁焉

二十日晴

謁上下議院紳見亞威得窪而好德楷麻夏一芬麥登力五人而楷麻尤關切言去年會議新例不以爲然又言英國擬貸銀三萬萬圓與日即收古巴之入款以償其本息查借貸爲各國常事惟英人往往以保護本國商民爲名而即藉以奪他國之土地爲

各國所稔知想日國政府未必受愚而美國與古巴比鄰斷無坐視之理云 因按當今之世弱肉強食以爲常損人益己以爲利稍不防備即墮其術中矣埃及祕魯至以國中權利授英葡萄牙土耳其墨西哥亦將踵其轍焉俄強而土地不可得今年告貸遂無應者蓋知其不能脅也此可以見其心矣

二十一日晴

美廷整頓海軍苦無添煤之埠雖與瀕海各國商請購地多不允從其允者亦須大工開闢動需數十萬金近水師水員思得海面添煤之法能使兩船不碰有利無害其便實多云 因查海面風浪難得靜時浪不靜則船不相碰或碎或散故海面

日記

卷十三

二十三

不能添煤而必須泊也然人之聰明無限船之用帆者既易而爲輪矣豈兩船竟不能使相近耶如其能成則英法兩國之到處踞埠者不如此之隨處有煤哉

國方與海軍本境之外實無一埠但學其法則不慮無煤矣

二十二日大雪中夜大風

謁總察院見傅士播耶斐路不緣瓦餘未見又見下議紳克樸爾聞俄國政府預籌明年費用較今年多八千一百萬羅布爲築鐵路計也其最重者爲西比里亞自西而東環繞中國邊疆分段創造山太平洋至滿洲界計用工人一萬二千名不難尅期告竣其西段已築至參麻根又展至廓干離中國西疆僅百米耳又擬築

鐵路直達阿富汗波斯兩國又由俄都達北冰洋之阿干午爾海口共計四百五十米不日可成其火車全用電氣行駛云 因嘗於光緒九年疏陳俄人將爲中國之患其地已包中國之東西北界處處可入今營鐵路如是其急其心叵測宜思患預防矣

二十三日 晴

謁下議紳見安多羅好德爾打路陌克力哈打英吉利士六人爾打路英吉利士二人尤關切談最久均以禁工爲違約又聞昨日接羅馬來電俄法聯盟義國駐法公使密用離間之法使之齟齬乃天主教王知其謀即飭其駐法之使轉告俄國駐法之使使義國之計不行而俄法之交離而復查俄之於天主教限制極嚴

日記

卷十三

二十四

今教王如此欲媚於俄以求容云 因聞此而歎立國之富強也天主教始於晉末其盛時能廢立各國之君自德勝法而法不能護教其權遂替近德俄義美各國限制極嚴法之各部亦厭之教王乃自貶以求媚於俄法可謂知權變者亦衰弱之勢使然也

二十四日晴

謁各部見外部兵部水師部戶部內部聞美國派駐土耳其公使檀臣乘本國兵艦赴任將抵土國之司麥擊海口土王特派官輪迎入其故因土都地當要隘爲地中海黑海往來必經之地向禁各國兵船出入土國與歐洲各國有約其意在限制俄國兵船俄之海軍頗強格於約章不能出入如或入地中海則英之蘇彝士

河不能守險法義兩國海口亦當其衝茲土王甯特派官輪載美公使入都不令美兵艦違約恐俄國藉口也 因按歐洲各國限制俄國兵艦由地中海已久聞之蓋各國之善於防俄也茲於土王派輪一事見其善於守約也凡交涉之事當慎於始如各國之防俄是已當防於微如土王之於美是已細針密縷否則必受挾持焉

二十五日 晴時見霽雪

謁上議院紳見寒得沁地甫司果勒門三人因相隔遠戍正而返聞德國之克虜伯廠與格虜純廠齊名近合而爲一克廠善煉鋼造巨礮格廠善造鋼甲鐵甲又善造穿甲之彈均爲絕技今互相

日記

卷十三

二十五

考核更期日益精云 因按歐洲諸富強之國非僥倖富強也其上下所講求者日以通商興利開礦設廠爲務均有專門宜其富也其水陸之軍日以操演測量爲務亦有專門宜其強也其國中各廠林立日以煉鐵煉鋼製礮製船製甲製彈爲務既以自用又以售人宜其強且富也大抵人之聰明日用日出用之於有用與用之於無用其用相同將何以使天下之心思均用之於有用哉是在乎轉移風氣者

二十六日晴

上議紳果勒門來答拜談久言近日法國以兩國交兵連調最忌麻木戰場之上尤貴號令靈捷方能將之於兵如身使臂而臂

使指近武員中有留心考究者知用電氣至為便捷另備一種收發電音之人其裝束與兵異以頭戴小帽為誌取其一望而知置電機於身并帶電綫計長三里有餘重不過六磅云 因按電氣之用泰西漸推漸廣德國用以生力俄國用以行火車美國用以行舟行車至以遞書信傳言語代燈燭則各國已恒有近電學家又用以代煤而烘茶惟其心思不窮故其用法亦不盡也至於疆場用中號令自為靈捷先儒呂新吾云事前優游事至慌亂凡事不宜兵家尤忌泰西用心其知此道夫

二十七日 陰未後大雪

謁上議紳巴麻不誅批化下議紳巴堅士好布堅司加來兒馬丁

日記 卷十三

二十六

等談次知二十五日伯林來電言德主赴西馬林安城觀羅馬尼亞國之太子成婚禮此地距法疆甚近遂附火車聲稱赴喀爾司路埠乃到該埠不住即往司脫拉士堡城此城為德法交界要隘德有重兵駐守德主意在出其不意察看情形而駐防將卒僅於數分鐘時率兵嚴陣以逐德主見軍容整飭知無隙可乘甚悅云 因於此而歎陳之宜亡也高穎破陳之日於後主榻下得陳將告急文書蓋猶未啟封也亦於此而知漢之宜興也高祖馳入韓信營中奪其軍符而韓信不覺也野史載威繼光備邊將士點名大兩粹至植立肅然無一人離伍者此其所以百戰百勝也德主所行德將所能聞者頗為驚異而不知中國已有其人也

二十八日 大雪

伯林來電言俄國向章建造鐵路不准在他國購買材料所以保本國之利也惟現在方興大工又求速成而本國所產實不敷用茲俄政府擬變通以求速准其購之異國德國聞之甚喜以德俄比鄰可得此項利益云 因查歐洲各大國無不欲自保利源亦無不欲興造鐵路購材料於異邦則土產棄於地惜經費而不造鐵路則利源不能興二者皆有所失也俄造鐵路向禁取材異國其策誠是今以材料不敷而弛禁則權其輕重而出之也與其防漏卮而利不興不如興利之為愈矣嘗見窮乏之家非不儉嗇而畢世饑寒者惰累之也力田服賈自奉常豐而尚有蓄積者勤為之也此言雖小可以喻大

日記 卷十三

二十七

二十九日 晴

謁下議紳見寒得遜葛累堆二人問美國貨船由北邊之湖駛出海口必經英屬之河英稅關常與為難美國屢次照詰英人置之不理上年美議院遂一而議開河道使船由湖直達海口一而亦以限禁英船抵制英商苦之茲英屬改除舊章凡美國貨船由英河入海者稅關概不留難云 因按萬國公法地球通行而弱與強之勢不同即從與違之情各異大抵強者自扶藩籬但以公法繩人而不以自律也惟抵制之法則使之不得不平如楚子木欲屈齊而晉以朝秦抵之楚成王方圍宋而晉以分曹衛制之外洋

交涉亦如是耳試即以近數年之事證之德奧義三國聯盟俄法亦聯盟德君聲言兵力足以勝俄俄亦聲言兵力足以勝德法人以為兵力足以復讎德人亦謂兵力足以一戰此以責言相抵制也造鐵艦者以防礮彈而制鐵艦者又造水雷造水雷者以轟鐵艦而制水雷者又造鐵網此以機巧相抵制也美英為祕林之案互捕漁船法日為新約未成互增稅則美加墨西哥入口稅墨亦加美國入口稅英欲制俄之佔巴美爾俄以取印度抵之法欲制英之脅埃及英以突尼斯之礮臺抵之此以報復為抵制也綜觀各國交涉之道援公法者十之一用抵制者十之九且援公法者必有抵制以為之繼否則我望以就範人視若弁髦我自言而人

日記 卷十三 二十八

自行將何所底止哉英稅關與美為難美知駁詰無益即以限禁英船抵制一舉措間而英即改除舊章此明效大驗也  
三十日晴雪漸化

美駐古巴副領事布冷格來來謁談次言古巴虐待華人前此伊與陳蘭言之中國遂與駁詰得除苛禁今華人出水火矣因謝之欸以茶果又聞瑞士國現舉之副總統富萊之前遊歷美國大書院學兵法有成值南北花旗搆兵即投効軍營充當兵弁事靖返瑞迭膺重任四年以前兩充駐美公使今又為副總統云 因查二百年前俄主彼德少時曾充英國兵船水手近德主威稜第一亦先充奧國兵官美之華盛頓格爾脫皆由兵官而為總統者

上年勃爾加釐亞之君哈吞腦亦起自行間不足異也英王孫現充鐵甲船主俄儲遊蹤幾徧各洲奧儲又將遊歷歐洲羣雄角起逐鹿爭先風氣使然亦藉以增長見識也

十二月初一日晴

至美紳布冷格來寓答拜又赴上議紳富施士茶會聞埃及國所派外部大臣白茂英廷以其並未相商立飭撤任查埃及因欠英國巨欸英與埃及約歸英保護國事須商之英必英允准方行此次更換部臣竟不與英商議或謂係聽俄法兩國之慫恿也英駐埃使阻之不從故英廷電飭埃王限於十二時辰之內立將外部撤任云 因查外國之所謂保護者實即干預也許其保護即許其

日記 卷十三 二十九

干預終必奪其權易其君臣踞其土地而後已俄於諸回部英於緬甸法於越南皆前事也埃及有俄法之爭權故不至於驟替然終亦必亡如芬蘭之為俄德分裂而已

初二日晴

十一月三十日柏林來電言德之敵國首推俄法然一旦有事又必有附俄法者二十年前德國曾以重兵伐丹奪其二省之地懷恨已久今俄主又係丹王之婿俄德開釁丹必助俄不可不防云 因按昔穆姬嫁於秦而秦虜晉惠公晉懷公娶於秦而秦殺晉懷公婚媾不足恃也俄主為英后之甥而屢欲奪英之屬地俄之婚媾尤不足恃也晉假道於虜以伐驪還師滅驪交好不足恃也



俄約羅馬尼亞以伐土耳其其選師奪羅馬尼亞之地交好於俄尤不足恃也丹國未必助俄俄亦未必資丹之助但德之謀國者自當未雨綢繆耳 赴上議紳可六茶會

初三日晴

謁梅律師聞美外部近接墨西哥消息言墨國近立新例於各國保險公司之設於其國者必須向墨政府領照方准開辦又資本二百萬者須以自之一交政府收存仍另收照費云 因按外洋各國之稅重矣其征他國之稅至重者所以保護本國利權也其征本國之稅亦有重者所以激勵游惰也其收煙酒之稅尤重者所以限禁糜費也惟不徵出口之貨稅所以暢銷本國之產不使

日

記

卷十三

三十

棄於地也所以使物產之成本賤於他國以奪他國之利也其中間有征出口稅者則以其物爲本國所少或本國所需故限制之使其不盡出口也英屬印度之於鴉片征稅極重則以鴉片爲本國所獨產又與中國有約不憂他國之奪其利也此孟子所謂孽孽爲利也然而風氣使然不如是則削也滋甚矣

初四日晴

美國近來藉口防疫凡歐洲各國商船入口者必停口外二十日驗明後方准入口以致客貨來美阻滯無利可圖故各公司暫停運載三等艙搭客而此項搭客每於數月之前先期買票茲仍持此票向德海口附船船主不收德俄奧三國貧民進退維谷無可

設法云 因按萬國公法各國條約惟弱者守之其強者任意解說陽奉陰違非一日矣美國禁華人入口則令領照禁歐洲人入口則云防疫其行法有剛柔皆背約也俄奧諸國雖未允其禁工而不能駁其防疫使其船不即入口則往來滯而無利可圖船主自然不載此種貧民而來者自阻矣美人狡矣其實各國皆如是也

初五日晴寒度似皖省美國人以爲極寒矣

謁梅律師商議由議紳請將本使署歷年照會請總統交議院詳閱又聞南墨洲之海代國有監禁美國商人米士案美公使辨駁海代國置之不理美使因事返美美此次特派兵艦送美使赴海

日

記

卷十三

三十一

代嚴責以賠海代國以爲美廷恐嚇可厭仍置不理茲美廷擬添派兵船云 因按交涉之事雖千變自熟於此者視之直以爲依樣葫蘆耳大國之陵小國其常也稍不如意則肆索詐其常也索詐不遂繼以兵船其常也戰局一開索賠益鉅其常也海代國何以不知耶則以天下如是而美國以前尙不如是也今非昔矣

初六日天煖冰釋

昨日伯林來電言奧國向本國富商貸款茲已成議銀行以九二折交政府而以九四折出售民間一挹注問銀行每一百萬得二萬云 因按歐墨洲國家貸款多有折扣其無折扣者英美德法而已俄之貸款有六折者且貸諸他國故其兵強而用不足英法

各國國債雖多而實貸之於本國之民其利不入他國故國不貧中國貸款向山滙豐銀行其集股與奧之銀行相似且內有中國富商之股惟貸入者不受扣而折扣於貸出之股商其法不同且所出之息滙豐亦不全與股商共利大矣夫貸款何以必由滙豐以利授他國銀行應思所以挽回之術也

初七日晴

上議紳黨參之女來見葛累堆之房東來談逾時問俄法聯盟以防德奧義德奧義聯盟以防俄法非一日矣茲德以奧義之貧弱不足恃俄因巴拿馬開河之事亦以法之無政不足恃德派俄君舊所悅之公使威德以駐俄俄主甚悅茲德君之妹不日于歸俄

日記

卷十三

三十二

君特派其太子屆期躬詣德國觀禮以示至好德國官民間之大喜以為此舉可見兩國解讎釋怨之徵云 因按富與富合貴與貴合此恒情也而強亦必與強合強不相若則合之必不堅俄之於法德之於奧義是已強而相若則離之亦不久俄之於德是已孫武子曰勇怯勢也強弱形也形勢相當者不輕啟釁其不相當者雖朝聘不絕玉帛在途終不免於吞并宋之於江南於蜀元之於宋是已

初八日晴

智利都城佛爾巴來蘇來電言智廷近訂稅例於巴國進口西貨物均增重稅巴西駐智公使即駁其例謂智國如必重稅巴國亦

將效之并禁智國貨物入巴西云 因按智利與巴西接壤南墨洲之國智利最強近因內亂經年各國索賠以致入不敷出又監於美之兵船挾制大修武備兵餉不足則以加稅彌補巴西壤地雖廣而人口凋殘久為智利所玩故加稅之例先於巴西巴西公使以此事不能不駁又慮空言不足取勝故以抵制要之意其必稟政府之意而出此言也蓋稅則本國之內政各國可以自由我駁之而不聽從則彼之可以自由者我亦可自由也此物此志也

初九日晴

謁上議紳見宣文地甫司及布生三人美國考據家統核歐洲各國兵費甚鉅按年計之英合國用百之三十七俄合百之二十九

日記

卷十三

三十三

法合百之二十七義合百之二十二德合百之十八奧稍減於德至各國債息以入款計交息義需四成又四奧需二成又九法需二成又八英需二成有七俄需二成又六德需一成 因按英之每年入款約銀四萬萬兩以三十七分之則每年兵費一萬四千八百萬兩矣義之入款約銀三萬萬兩以四成分之則每年債息一萬二千萬兩矣益以兵費百之二十二則銀六千六百萬兩矣兵費債息合之為一萬八千六百萬所餘僅一萬一千四百萬兩以為各項國用宜其不敷歐洲重斂暴征所入雖多而國用尤鉅皆相持不下為之也至葡萄牙國以所入交債息猶且不敷更無論矣

初十日晴

接福州將軍希 閩浙總督譚鍾 信言美駐閩領事葛某和平并屬查銅鉛之價 比利時國鐵路公司與法公司合訂火車改用電氣以期迅速每一時辰行一千里準兩月之內一律變換云  
因按電氣之用漸推漸廣輪船火車駛行向用以火灼水之氣今改用電則無需用煤矣每一時辰行一千里由法至比不過六百餘里不必一時即可到矣地球之徑只九萬里以電車繞地球不過八日即可徧矣且兵船航海每患無埠添煤此則亦無患矣前聞俄奧兩國已行茲法與比又行之風氣既開勢將徧及各國正不知何所底止焉

日

記

卷十三

三十四

十一日晴陰

初十日倫敦來電言英國商輪之數甲於天下百餘年來獲利極巨近日商船無貨可運停泊各口者計四百七十九艘計容八十五萬六千噸另九十九艘在歐洲各口候貨亦無貨可載商務之陡衰殊所不料云 因嘗閱使館舊案當陳任時中國庫平銀一千兩可滙美銀一千五百四五十圓鄭任之初亦如是至交卸時則減至一千二百圓至張任交卸時又減至一千一百零五圓今年又減至一千零十三圓冬十一月減至九百九十七圓前後十四年之間中國銀價之落已逾七折亦可見外國之專利矣  
十二日小雨

北墨洲之地本屬法國嗣為英踞只存數小島法民於此捕魚者船數百艘法政府為寓兵於漁之法無事則任其捕魚為生有事則用以當兵効力為養育水軍人材之計故每年派兵艦三四艘隨漁船往以資保護且於其所獲之魚按百磅津貼銀一圓又加征他國運魚入口之稅使本國之魚易於出售云 因按此舉有三善焉為貧民裕生計一也為水師儲人材二也為國家塞漏卮三也區區布置亦富強之一著高碁焉且其地之為其所踞者未嘗不思奪回惜英之水師方強未敢輕舉耳兵艦漁舟既伺其側沙綫既熟浪颶亦諳一朝有罅則唾手收回所失之地無難矣  
十三日晴

日

記

卷十三

三十五

謁外部科司達告以美國駐閩領事辦事公正敦睦商民安之茲接福州將軍閩浙總督書極為嘉獎該領事如能蟬聯必於兩國有益科司達曰美廷現不撤該領事後任則非所知因又告以十月二十四日照覆已將此文呈諸總署徐待後命惟領照限期已迫屆時華民必不領照應勿逼迫以顧前約科司達曰此事前已申明例為議院所定總統所准不能不行因謂然則本使署應再照會駁詰科司達曰本部照覆既呈貴總理衙門何不少待且應領照監禁與否非外部所能主應由律政部容與相商云因遂辭出

十四日晴

日斯巴尼亞屬地格羅林島與小呂宋近向不准各國教士在彼傳教去年美國教士之在該島傳教者爲島民所逐美政府照會日國答以向不接待教士嗣美又備文駁詰日廷至今無回文想不允美廷所請也 因按教士之於亞洲可謂猖獗矣其實在歐洲之教士殊無能爲也最嚴者莫如德俄俄於教士除通都大邑外不准深入內地且限其說教之時刻不得過半時德於天主教之干犯國例者予罰不貸無可罰者則予監禁義則去年以天主教士唾紀功碑事遂不准教士出門教王之令不出於王宮之外今日人又逐之矣然則教士之猖獗護教之國之要求固不能行於強國也

日

記

卷十二

三十六

十五日晴

十三日俄都來電俄國西比里亞地方各金礦所採之黃金近日分載十三馬車運至俄都有重兵護解云 因按京北奉天黑龍江興安嶺一帶產金最旺西比里亞卽毗連之省故採金如此其多也近聞越南臺灣均產金沙越南金沙由山澗中流出土番依山音鴨中國戍兵購其鴨宰之腸中每有金沙土番不知採也故法人窺伺之臺灣金沙向歸官辦招民自採官給其值而收購之現承辦之員請於上司願每年繳銀六萬兩歸其承辦則漸有把握矣

十六日晴

酉刻與梅律師商撰照會以新例不久將滿華人不願領照屆期不得監禁以符前約律師云此事彼不能允亦無辦法也蓋一月之內總統部臣均易彼自知權不我屬置之而已不如俟新總統接任後辦理云云因從之 聞俄國政府估計現年經費約五萬萬餘羅卜入款亦五萬萬餘羅卜查俄國向來出入二款未有如此巨者蓋入款漸增而出款亦遞增水陸軍餉需二千九百八十八萬七千羅卜云 因按俄國曠土漸闢糧產日多棉花日盛煤油日出金礦日開此五者年有所增而稅又加重此入款之所以巨也出款以興造鐵路爲巨軍餉次之移民實邊又次之皆富強之計非若土耳其之糜費正供也可畏哉

日

記

卷十二

三十七

十七日晴未刻見細雨即止

赴上議紳圭茶會又謁英吉利士二人皆不附新例者 十五日倫敦來電言英國議院開時英主諭議院以英國屬地徧天下政繁事冗交涉事宜議院應悉其隱微調劑盡善現最宜速議者爲埃爾蘭島該島離倫敦僅一海峽原不必另設議院但其人民與英世儕僅備於英之強並非心悅誠服其故因全島土地爲英所奪土人耕田須向英人出租承領動受挾制生計無賴貧極思亂宜創議院革除苛政俾安島人之心云 因按歐洲強國日夕經營不過瘠人肥己英尤甚焉何忽爲仁義之言體恤一小島哉查美國數十年來客民入境以埃人爲最多蓋逝將去汝空國而徙

矣今則美立新例禁歐人入境日益加嚴英既不便請於美以失國體計惟有稍寬虐政以安其心而免其遷非真能不侮不奪也十八日晴

美國新式鐵艦名威蘇魏阿士其式獨異中有氣礮三尊專放炸藥彈子此種氣礮向有武員決其不能命中故水師部特派員一試驗近日驗得該礮出彈正直於三四里之遙命中甚準尙擬再驗如始終如一則水師部擬照式再造一二艘云 因查光緒十年直隸廣東均電美使館屬購氣礮終以不能試驗未成五年後英國曾購一尊美國亦間有置於戰艦者而究未聞試驗命中今居然命中矣 因又考從前中國定購立合同時四寸徑者彈及

日記 卷十三

二十八

六七里六寸徑者彈及八九里八寸徑者彈及十里蓋至小者亦不止及三四里矣今僅及三四里如八寸徑者則不符甚遠即四寸徑者亦照原議減半然則購辦軍裝可不慎哉

十九日晴是日封印中夜雨雪

上議紳英吉利士來見欸以茶煙談最久詢中國民數最多每年入欸若干因答以近一萬萬紳曰何以少耶因曰中國不言利故稅甚薄取之於民者甚輕紳曰中國入口稅輕故外國以中國為利藪而中國之工藝多失業美國稅於本國之民亦薄且出口之貨並不收稅惟重稅入口之貨及無益之物耳美國上下皆不諱言利總統諭議院必諄諄於國庫之盈虛商務之衰旺民產之增

減稅入之多寡部員議紳莫不有恒產即如議紳之俸歲僅四千而恒產所入有十倍百倍者不諱言也歐墨兩洲之國其公舉議紳與謀國事者皆有定章非身家殷實不舉蓋以能治家者必能治國也因曰如此不畏與民爭利奪民之利乎紳曰天地自然之利無窮何須爭奪彼出其才以執利權為民興利民富而國亦富計此二十年中美國上下之富幾二十倍於前此明效大驗矣因答曰是或一道辭去已午正矣

二十日陰雪已化矣

倫敦來電言俄地近北極海口交冬即冰船不能行兵艦船隔與修均礙故常欲圖南垂涎於土耳其波斯印度朝鮮等國思得其

日記 卷十三

二十九

海口以便兵船也英人畏其蠶食則嚴防之凡俄人有事於土耳其英必設法以伐其謀甚且發兵助土或聯歐洲各國以制之近數十年非一次矣土耳其深知此意亦瞻就英自光緒五年英派兵駐土之屬國埃及土國疑忌日甚英初以救災為辭謂埃及亂靖即當撤兵近已十年兵猶未撤近日法國屢次詰問俄亦附和土則陰助俄法三國既合英人非得德奧義之助恐力不敵矣 因按今日之天下一弱肉強食之天下也俄遠交而近攻其長駕而遠馭俄之版圖得地球六之一英之屬地徧於五洲而其心猶未變也前七百年元世祖混一地球其時亞細利加澳大未幾而仍分裂足為好大喜功之監今英與俄鬪智鬪力戰則糜爛其民

而勢無兩全不戰則鴉蚌相持而勢將俱斃民生之禍亟矣豈氣數使然耶

二十一日晴謝神

赴議院紳而來多茶會 泰西一千八百九十三年即光緒十八年各國鐵路計以英里美國十六萬七千七百五十五里卡拿大一萬四千八十三里墨西哥阿鎮丹共五千六百二十五里秘魯智利甚微不計此在墨洲者也德國二萬六千七百九十里法二萬四千三百十里英三島共二萬二千六百八十五里俄一萬九千三百四十五里此在歐洲者也印度一萬六千八百七十五里俄沿海邊岸八百六十五里和之屬地八百五十里法之新疆六

日記

卷十三

四十

十五里葡之屬地四十五里中國一百二十五里波斯十八里此在亞洲者也阿吉利亞突尼斯共一千九百里好望角一千八百八十里野雞大山九百六十五里那太彰三百四十一里其餘小國約三百里此在非洲者也特辣浦二千七百三里南威勒士二千三百七十五里昆思蘭一千六百四十五里南澳大利亞一千八百七十五里西澳大利亞一百六十五里太司默尼亞四百一里新吧蘭一千五百九十里此在澳洲者也 因按此紀五洲之鐵路而亞洲之日本歐洲之比利時均不及焉或以其少而遺也美最多英合屬地計之亞於美次則德法俄此五國者其國勢何如耶

二十二日晴

卡拿大鐵路公司來謁即前賽可倫比亞會時相遇於兵船者談及美國水師提督安民當前南北花旗慶戰時身經百戰兵船利鈍久已瞭然近創造一衝頭鐵艦長二十五丈闊處四丈三尺高二丈一尺入水一丈五尺容二千一百五十五噸每一時行一百一十六里其衝頭為鋼質重十噸餘僅費九十三萬圓云 因按自鐵艦創而各國競出心思以圖巧究之各有短長未有有利而無弊者頭等戰艦質堅礮巨然苦於笨滯而不能避水雷巡海兵船來往迅速又苦於質薄而不能當巨礮衝船之式英法德皆有之其創始實原於奧奧創斯式戰於大洋當者立破各國皆派員

日記

卷十三

四十一

往觀遂傳其法十年前英之兵船名阿爾及爾行於大洋衝船公甲駛於其後不相期而相觸公甲之衝頭衝入阿爾及爾船身裂孔八尺當時即沈英人喧傳謂如強弩之穿魯縞今美國又師其法並非新奇大約該提督亦深知此式之能制勝也

二十三日晴

戊刻奉 總理衙門電云二十二日奉 旨楊儒以四品京堂候補出使美日祕瀛 智利國以俄國兵船到境詢問駐智利俄使俄使答以並無他意不過查探各口商務情形耳聞俄人實欲向智利阿鎮丹二國借一口岸修築埠頭以為兵船添煤之計云 因營疑俄於太平洋岸議設船塢有覬覦墨洲之心今漸露端

倪矣墨洲之北監札加地方久為俄有俄之兵船又於祕林海爭  
權則其不讓英美之意可見蓋墨洲開闢未久曠地極多美國而  
外率皆小國其地本易取而取其地又可以耕且地氣中和不似  
俄之苦寒開墾移民均為有益然則過此以往墨洲其不靖乎

二十四日晴夜雪

梅律師來謁言上議紳可六請將中國歷年駁詰苛例照會案件  
交議院公議總統已允發交議院惟議院諸紳只能向議院公閱  
不能帶回難知其詳請刊印二千本除分送議院按名二本外餘  
者分送各省公正官紳官紳閱之必有公論則新任新議院到時  
可以再議如以為可則此刊印之費須由使館自籌因允之又聞

日

記

卷十三

四十二

檀香山所派之員到此已數日外部科司達本將告退又為此事  
所羈絆美國咸謂此事重大殊難決斷日內外部與檀員所議甚  
為祕密外人不得而知大約檀國願歸美國保護而美國亦垂涎  
於檀蓋以檀國現在攝政之人即係美人故想當然耳然英國必  
起而爭之美廷之不敢決者此也

二十五日微雪陰

近古巴之三德明哥島國所借他國錢債甚巨向由威善多布銀  
行交息今該銀行將此權利帶與美商業已成議即於一千八百  
九十四年三月將關稅由美商收以為交債息之用并准美商興  
添鐵路以收運載之利以五十年為期不准他國攙越誠者以為

該國將為美所并云 因觀於此而得為邦之利病焉泰西各國  
皆有國債其借諸本國者其息楚弓楚得不至於貧如英德法美  
各國是也其借諸外國者日賤月削必至於匱如荷土墨西哥三  
德明等國是也英法德美四國於本國之鐵路既興凡他國之未  
興鐵路者則欲代為之興且不願他國之攙奪彼何為哉蓋利之  
所在也然則欲富強者當以興鐵路為先而以借國債為戒

二十六日陰

謁梅律師上議紳傅喜士之女亦到聞近來歐洲各國於馬兵步  
兵之外又增輪兵蓋泰西所創獨輪車以大輪行以小輪為舵定  
所向上有一座人坐其上以足踏機迅如快馬英國因設學堂以

日

記

卷十三

四十三

此訓兵居然可用德法義等國均派員赴英學習遂即創設輪隊  
美國各省今亦仿之以為便捷查輪隊與馬隊不同馬隊利於陷  
陣輪隊利於調兵調兵貴速此輪每一時辰能行三四十里已試  
驗矣 因按古者師行日三十里今之輪隊十倍其速鐵路百倍  
其速蓋古尚持重今尚便捷也禹貢九州相距遠者只千餘里春  
秋列國犬牙相錯只數百里晉人襲鄭即云鄙遠其實山西河南  
實鄰近耳今之戰者皆戰於數千里之外甚且數萬里以古法行  
之必緩不及事矣美國南北花旗之戰北無鐵路屢敗迨鐵  
路成而遂勝之此兵貴神速之大驗也

二十七日陰

美國希卡果明年賽會已由德國人造電氣燈一座設機器於房  
另以氣球升電氣燈於空中然後發光其光可抵一萬六千萬枝  
燭光六十里內照耀如同白晝途人相逢髮髮可數詢為奇異云  
因按電氣之用愈推愈廣近謂電氣可以祛疫則通於醫又謂  
電氣可以生物則通於稼泰西百年前有奇人焉言泰西之運盛  
極將衰有詢其衰在何時者則曰鐵行於水面而不沈光燭於宵  
深而不夜此其時也其言果驗則泰西之運其將衰乎

二十八日晴

金山商董所延大律師博郎來會為駁禁工苛例也當即偕至梅  
律師宅面商辦法梅律師謂議院即日將散中國使館公文雖由

日記

卷十三

四十四

總統交議院倉卒未必議成須待秋冬議院開時方可就緒耳又  
聞美國女教堂設在土國麥羅沙省土人以共有觸犯官長之事  
焚毀之教士訴於地方官不理美駐土公使函請德國駐麥省領  
事查明緣由再向土廷詰問云 因查民教不和之事各國常有  
德之於教士也或予罰鍰或予監禁俄之於教士也或限其設教  
之地或限其宣教之時西班牙土耳其於教士皆焚逐之義大利  
則禁錮之教士皆無以報復焉至亞洲則不然其故何耶

二十九日晴

西報紀日本下議院呈遞日廷奏章一扣茲譯其略云為請旨議  
改條約四端以圖振興而收利權事竊查一千八百四十八年至

十九年大權旁落外侮沓來遂致有城下之盟立此不公條約藩  
王逞雄海內強鄰逼境中明治初年是以有兵戎之舉所可惜  
者前與外國所立不公之約未能改換耳查俄國有自主之權凡  
外人托庇宇下自應歸我管轄稅務亦應在我權衡今為條約所  
限不可措手殊失國威臣等每一思維歎歎欲絕外國人在我國  
旅居不諫我國權治祇受彼國公使領事治下一如在本國然我  
日人往彼國何以須遵彼之管束至稅務又格於條約不得我行  
我法我國貨物至彼入口則任彼重稅是我有權彼則奪之彼重  
征我則依之此我商務技藝之難以振興國庫之所以日削者職  
是之故雖皇上深宮劫悲勵精圖治亦未由振發也推其初與外

日記

卷十三

四十五

國訂約不深慮於日後而苟安於目前想當日秉鈞之員未深諳  
外國情形率爾立約致有此掣肘之患臣等請嗣後遇換約之期  
宜為彌縫補苴之計所有牽掣我國之款亟圖改換謹將議就四  
端敬為我皇上陳之一請外人在日本國居住者必須由日國管  
轄二稅務如何征收皆任我朝自立主意外國不得預聞條約不  
能限制三有約之國通商口岸我國均沾其利不得畸重畸輕四  
我國政治外人不得干預以上四款伏求 皇上睿智如神允  
他年條約更換之期望將四款增入云 因按日本議院所陳確  
中亞洲立約之弊故錄之以備參考非僅泰山土壤河海細流之  
義亦受病相似而同病相憐也且中病之藥也



三十日晴

二十六日巴黎來電言俄人多詐將有求於德則籠絡法國將有求於法則籠絡德國近日俄主意似向德非真與德好也不過又將有求於法云耳 因按法人所以詆俄者有似憤懣然亦誅心之言也俄之所以處德法者有似狡猾然實縱橫之術也俄主之意以為過與為好則相與玩之過與為讎則羣起謀之皆非計之得者也我意向法則法喜而德懼我意向德則德喜而法懼一喜一懼而喜者為吾之援懼者不敢為吾之敵吾乃可乘間而逞吾志焉莊子曰譽吾道者欲與吾交皆吾貨者欲與吾市春秋之撰伐列國之縱橫胥是道也

日記

卷十三

四十六

光緒十八年日記成因就各國之交涉而論之德奧義三國聯盟俄法二國亦聯盟英國外為中立而內實欲德奧義之合俄法之離蓋以德奧義所志在昇平而俄法所志在攻取也德與俄時疏時親兩君時相見而仍時有責言其於奧義則時時為好會情意相洽且休戚相關矣埃及新君之立俄法頗有責言於英其人若不聞而俄法亦不敢先動英魯埃及以易外部俄因勃國以詰土耳其其義與巴西有違言日本與葡萄牙不洽皆以強而懾弱英不助阿富汗以敵俄美不取夏威夷以結英皆以強而讓強俄世子至奧而奧主躬迎法海軍至英而英后躬勞皆以禮意聯邦交若夫美輸粟以振俄飢而俄逐美遊歷之士一似以怨敵惠其實美

日記

卷十三

四十七

禁俄人入境俄徵示其幾耳入款則英美均近四萬萬圓德法俄奧義日入不敷出德法貸於本國俄貸未成奧義貸諸他國日斯巴尼亞則不讓貸而讓開源節流亦補救之善策此三十年中美之民產增至六倍英之民產所增不及一倍美之礦產值銀三萬萬餘圓煤油值銀四千四百十九萬餘圓殘兵郵款本年需銀一萬二千餘萬圓出入甚鉅英之洋藥值銀五千萬餘圓又征稅一千九百餘萬圓則中國之盡也入口之稅各國膠擾無休英美以卡拿大比鄰兩國入口之稅時相齟齬即時相抵制法日修約商議彼此入口酒稅終不成議而至於互增美於古巴哥司答立憂訂報施之約而出口之貨驟增美增布帛入口之稅而英之紡織失業哥司答立憂增美貨入口之稅美抵制之美增墨西哥貨物入口之稅墨亦抵制之尼格拉增入口之稅以補不足法國新訂稅則征英德奧土四國為輕征義日葡三國為重又加煤油入口之稅或曰防火災也英屬新金山加美國入口之貨稅卡拿大加華人入口之身稅至於煙酒之稅德國一加再加美與俄亦議加蓋加其所可加也軍政則俄法屢增兵德亦增兵奧與義始因費細而不欲增兵終仍增兵則騎虎難下之勢也英與美未聞增陸兵而戰艦則遞年而增蓋勇夫重閉之心也造船以英為最速頭等戰船其成僅需二年有餘巨礮則英之阿姆斯脫耶廠與德之克虜伯廠各擅其長煉鋼之法德與美均同其堅而德之長尤在

於能巨法以電綫爲旗鼓德以氣球窺俄營以巨礮電燈賽會美  
創新式之炸彈思新法以添煤以藥衣禦槍彈以衝頭破敵艦以  
分節而造鉅礮以鏡光而測敵船以沈水之船水底之礮爲攻守  
造開河機器至十四萬六千匹馬力皆新法也驅事則法已滅非  
洲之達河味國踞格羅力殺島德於非洲戰事先敗後勝又擬以  
資購葡國所屬之莫三鼻給島英義日三國謀分裂摩洛哥而終  
不成英已踞畢太力太島吉白海島紐西蘭島又規愛立斯島喬  
士頓島蓋開疆拓地小國漸不能自存矣俄之陸隊時逼波爾時  
臨德境奧境且已加兵於阿富汗歲歉民饑道殣相望而兵不戢  
其斯爲北方之強與商務向推英今自美加入口稅倫敦紡織各

日

記

卷十三

四十八

廠之失業者數萬衆自金磅日漲商船之置閒者數百艘似已不  
加昔日惟新金山之利日與緬甸之鐵路漸建印度之產漸盛防  
漸固蘇彝士河之船稅日旺股票之價亦日增尙不至失之東隅  
法國近日留心養蠶蠶絲日興將奪中國之利其通國工藝至一  
千餘萬人似乎重末輕本然而富矣德之制礮日巨制槍日精增  
輪船公司於大西洋以分英法之利其俗勤勞而儉樸則氣象方  
新也俄國荒地日闢煤油日多農務日興礦產日盛西比里亞出  
金日旺將來鐵路成後移民既便不思人稀曠土可開不思人滿  
固將運笨貨以出口驅大隊以開邊富強之謀殊可畏矣美國商  
務之盛全山國家爲之開源以前所建鐵路由大東洋而達西洋

一萬餘里凡經過之荒山僻壤其所產者皆能運出故利日興今  
於荒土播種之後又慮穀賤傷農爲之開水道浚內河增分支鐵  
路俾易於轉運出口故其剗遂至於徧給五洲視越南緬甸暹羅  
米粟雖多而未興鐵路利權之操於人者不同也國中船廠林立  
而國家立例不准取材異國亦不准商人購船於他邦其有向歐  
洲購船者則重其稅幾埒於成本又禁其用美國之旗故利不外  
奪而內海內江之運載又不使他國之船攬越其間故利無所分  
近年之禁各國工人入口者卽此意也日本自創輪船以後此十  
年中獲利銀二百餘萬圓惟爲夏威夷國內亂力爭保護幾致與  
美不和近亦與葡不洽然考其所言本國與泰西立約之事切中

日

記

卷十三

四十九

時病國有人焉中美交涉惟禁工爲錯節盤根自陳任以來每下  
愈況近議紳中南黨日盛如可六安多羅火街好德等均持正論  
而總統亦信其言可六已上書請將中美交涉文牘交議院再議  
總統已如所請將來秋冬開議院時或可除苛華民庶有豸乎

出使美日秘崔日記

光緒十九年正月初一日晴

中華書局影印

朝賀辰初設麪申正設醮 查美國入口稅自一千八百九十一年即光緒十七年至今擇有關係者詳列之計白米每磅征稅銀二分大麥每磅征稅銀二分豆餅每原本銀一圓征稅銀四角五分豆每原本銀一圓征稅銀四角五分燕窩每原本銀一圓征稅銀二角無花瓷器每原本銀一圓征稅銀四角五分有花瓷器每原本銀一圓征稅銀六角布疋每原本銀一圓征稅銀四角綿衣每原本銀一圓征稅銀五角絲綢每原本銀一圓征稅銀六角綢帽每原本銀一圓征稅銀六角絨帽每原本銀一圓征稅銀六角

日記 卷十四

火腿每磅征稅銀五分墨每原本銀一圓征稅銀三角熟洋藥每磅征稅銀十二圓紙張每原本銀一圓征稅銀貳角五分絲綫每原本銀一圓征稅銀三角帽結每原本銀一圓征稅銀五角生絲未織者每原本銀一圓征稅銀五角辨綾每原本銀一圓征稅銀五角絲巾每原本銀一圓征稅銀六角綢鞋每原本銀一圓征稅銀五角酒每加倫征稅銀二圓五角另每玻璃瓶一箇征稅銀三分 因查中國每米一石重一百五十斤以每斤十六兩乘之為二千四百兩以每磅十二兩分之為二百磅每磅征稅銀二分則每米一石征洋銀四圓已過成本矣中國若以美國之征米稅者征美國之麪稅名正言順也布疋原本一圓者征稅銀四角方今

美國之布入中國者奚啻成本銀二三千萬兩中國即以美國所征於中國者征美國之布稅亦名正言順也

初二日雪

查光緒初年中國貨物運入美國者每年白米二百零五十三萬三千包每包五十磅生油八萬三千二百八十箱每箱八十磅雜貨四十五萬一千九百五十件洋煙四千五百九十箱每箱五百兩至光緒十七年則白米六十六萬六千五百包生油三萬三千九百一十箱雜貨一十四萬七千三百一十九件洋煙一千五百六十二箱 因按米每包五十磅每磅征稅二分合銀一圓二百零五十三萬三千包即征二百零五十三萬三千圓洋煙四千五百

日記 卷十四

百九十箱每箱五百兩即征銀五百圓共征銀二百餘萬圓此二項者已征銀七百餘萬圓益以他項之稅當可過一千萬圓中國所征入口之稅統各國而計之不上銀二千萬兩美國所征於中國一國者已如是其多宜其足用也至近年之米入美口者較前僅六分之一洋煙則三分之一又可見粵人之嗜好焉

初三日晴中夜大風如吼

考見在軍務言防則需鐵甲礮臺一臺以銀數百萬計百噸之礮千磅之彈一礮以銀十萬計一試演以銀數百數千兩計言戰則水師需萬噸之艦一艦以銀數百萬計新式水雷船一船以銀萬兩計陸軍用槍一槍以銀十餘兩計養兵需百萬或二三百萬人

卽以百萬計之俄法德奧義皆每年需兵餉銀三四千萬兩而軍械馬乾仍未計焉其調兵以鐵路鐵路一里以銀一萬兩計夫古之行軍者水戰不過艘艘下瀨陸戰不過弓矢戈矛築砦不過土石守隘不過城濠調兵不過數萬其軍費視今千百分之一耳今則千百倍之非國帑充盈安能次第興舉然則居今日而欲挽積弱之勢杜外侮之來振自主之權洗從前之恥母爲高論但蔽一言苟欲圖強當先圖富

初四日晴

二十六日伯林來電言俄國政府擬派水師一隊屆期赴美國會操之約已有諭旨道經法國海岸不必入口停輪德國聞之甚喜

日記 卷十四

三

而法人甚不快云 因按德法爲讎敵德之國勢右法而左俄俄與法合則兩面受敵以一德而敵法俄實慮兵力不足故與義奧聯盟又慮義奧不足恃故德主謀增兵額以自固乃俄法之交適離此德之幸也法無俄助則力不足以勝德平日搶攘爲傑者乃終不能復讎其情難堪宜其心不快矣

初五日晴中夜大雪

謁上議紳可六聞巴拿馬開河事中較後美商卽於尼格拉姑中墨洲小國開掘事在必成而墨西哥之提灣地辟地方自西至東計二百五十米合中里八百里前三十年英商曾築鐵路因其地低處積水高處重厓畏難而止數月後接辦者僅造成數米亦

中止近美國希卡果富商又復開造人衆工速已成二百一十米計三月內可以竣工此路成後巴拿馬鐵路公司不能專擅其利矣 因於鐵路一事留心者二十年昔之所聞今之所見證以美國公正官紳之所言及其听夕之所圖維紳商之所竭力共爲裕國裕商信而有徵誠富強之第一策也

初六日晴中夜大雪

謁副外部華頓查問前此所商總察院展期散院一節華頓云業已函商又詢美國既開尼格拉之河又造墨西哥鐵路不畏多費耶華頓云美國太平洋一帶土宜播種收成甚豐如不運出則穀賤傷農若運往歐洲而由紐約則火車一萬里運費太巨成本已

日記 卷十四

四

重何能銷售此兩路通後則東西洋無阻隔舟至香港較山蘇彝士河可省路一公里較環南墨洲可省路八公里較環阿非利加洲可省路四千米水程迅速則百貨流通而利源浚矣 因按美國之所籌如此宜其富也太平洋一帶土宜似與四川相似地廣人稀又與東三省西藏相似因願以美國之所籌者爲四川東三省西藏籌之民可使富也

初七日晴

梅律師來言科士達明日赴歐洲約同送行因答以已擬必往又言美水師部新造鐵艦所需鋼甲六千七百噸已由議院議撥銀四百萬圓招商製造現惟資省比士堡埠之家尼記及畢司里岸

兩鐵廠能造其價值則鋼甲每噸計銀五百二十五圓至六百七十五圓不等云 因按古之言治者謂兵事不休四民失業似強之有礙於富也因以為當今之世其言實不盡然蓋鐵艦鐵路槍礮戰事所必需花費又甚鉅其購諸他國者以銀易鐵久則國貧斯言是也然使開礦以煉鐵設局以造船械鐵路槍礮利之與於地者無盡製造之資乎工者益多既無曠土遊民矣復以其餘售諸他國若英美若德法固強富相兼焉且國有製造之廠軍械取諸宮中不資於人則敵國畏之不敢侵侮是并以保昇平增富庶又何至患貧哉

初八日晴

日記

卷十四

五

赴外部衙門送科士達行見華頓又至車廠送行則歐墨兩洲各國公使均集因與德使火把根談最久以其能為華言也因言科士達此行為祕林海事可謂盤根錯節事其濟乎火把根言殊不易也或幸而濟非半年不為功且必有報施方可耳又聞美國以英屬卡拿大苛征美民身稅貨稅去年亦以此例報復卡拿大商民苦之議廢舊章本日已見諸英公使暨美外部來往公文知卡省實已革除苛例美國報復之例亦革除矣 因按交涉之道不外抵制報施以怨報怨為抵制以德報德為報施弱國有不言抵制者苦於弱也強國有不講報施者恃其強也此中機械無國不有無時不然先事講求而後臨事有把握也

初九日晴

謁梅律司又謁金山華商所延之大律師博耶告以總察院展期散院事已託外部轉商博耶答云以前數日布置少暇今漸安矣又言中國地利未開商務未興故患人滿其實人即生財之本也美國人數日益地利日興每兩月中即增客民十萬何至難容十萬華人共所以不容者工黨妒之耳美初興鐵路時材料購自英國以後能自煉鋼即不取材異地向產棉花運英織布復載回美今亦自織俄國版圖數倍於美而禁糧食出口美之麥麪徧行歐亞兩洲由地利興而鐵路廣耳中國之民雖游惰者多然亦半由無業若鐵路成地利開鼓舞而作興之彼游惰者皆化為勤即庶者可加以富又何必遠適異國而為人所厭憎哉 因答曰然歸而誌之

日記

卷十四

六

初十日晴西刻小雨

初三日巴黎來電言德法為讎相持未決而英法交涉又多齟齬因埃及國主更換部臣英人以勢迫其撤退法政府以英無理詰問英廷英人自知理屈不能回覆乃引他事詰問法國蓋法國近於地中海卑疏達地方創建礮臺其地與義國對岸義廷業已詰問茲英國助義國會同詰問共意欲使法國應接不暇耳 因按此抵制之法也古之人有行之者楚國請晉楚之從交相見晉國答以秦君朝晉則齊君朝楚此兩強之相抵也晉徵鄭朝而鄭以

翦爲仇讎對之此弱之抵強也魯欲與會而晉以南崩子仲恐之此強之抵弱也至於秦索趙地而趙亦索秦城合縱成而秦兵不出關連橫成而六國遂日削春秋戰國之世大抵如是數之不能終焉

十一日晴

英屬卡拿大地方與美毗連向例於華人入口按名征身稅銀五十圓本年議紳創議征稅按名加至五百圓及至會議則不以加稅爲是者多於加稅之紳一名遂止 因按華人至卡拿大爲入美地步故英人藉之以爲利凡到境者征身稅五十圓既後離境而重來者仍征稅如舊行之久矣自美國倡領照註冊之例華

甲 記

卷十四

七

人觀望不前到者遂寡故又議加稅以期所征之不減於前乃以議紳意見各殊而止然度此例終必行也無抵制故也

十二日細雨竟日

赴上議紳海耳茶會海耳不附工黨者也總察院設不徠之福夫婦等均到聞墨西哥公使日內亦可到美又聞美國之民在墨國謀生者甚衆與土民極相安其業以造鐵路開礦爲大宗鐵路之事美商十居八九又購荒地開墾以種茄非均獲利焉 因按美國不患人滿而其民願赴墨則墨國之有利可知願始易而守成難美國草昧初開資華人如手足及各國之民萃集本國之利已興則又議禁逐華人以獨有其利免死犬烹鳥盡弓藏此前

事之可鑒者然則墨國招徠華人華人羣趨墨國誠不可無約以善其後免至鵲巢成而鳩佔之也

十三日晴

赴副總統莫屯茶會此會專爲宴新副總統夫婦而設因亥初往見兩副總統夫婦又見各國公使回車已子正矣聞英國船廠新制成大輪船二艘已成其一計長六十二丈寬六丈五尺容一萬二千噸中分十六隔艙雖偶受傷亦不至沈將以來往大西洋云 因於是見機器之用大也凡造巨物非人力所能施一噸而重百噸一船而容萬噸一鐵鏈而重萬斤一鐵板而厚三尺皆非機器不能製造非機器不能運用也因嘗以驗槍親歷各廠見其鋸

甲 記

卷十四

八

鐵如鋸木剪鐵如剪紙槍面之陰文洋字非鑿非鑽直以鋼戳作小圓輪以機器之力壓於槍管之上輪一轉而字已成矣

十四日晴

墨西哥公使來見言立約之事且云聞新使將到此約應需後任成功因答以先商規模可也 美國向例守局外凡遇各國戰事均不干預查上年七月南墨洲之閩都拉國內亂美有商船名卑薩地者以購香蕉爲名至閩國改爲兵船既爲轉運官兵軍火並助攻擊叛黨轟沈叛黨兵船一艘聞亂遂平惟未奉美廷之命擅川美旗助戰殊違美國國例該船現已被控查辦云 因按美國國例無所偏袒固甚善也但墨洲情形今已殊昔南墨洲小國自

主之後英法覬覦終必盡之爲美計者與英法爲鄰不如與小國爲鄰也檀香山今年亦以內亂願隸美國版圖聞總統外部已允而議院多有不以爲然者未知作何處置也 副總統辭行遂赴副總統宅送行

十五日晴中夜雪

各國公使見美總統是日爲時不久見後僅由義公使作周旋語卽各散十二日巴黎來電言雲南瀾滄江上下已爲法有惟米江尙屬暹羅江右屬越南境有議紳名衣丁尼者建言謂宜踞爲法屬十三日又有電言印度洋之客吉島向由法人覓得近日法兵艦已在該島建旗示爲法屬因該島產煤云 因按自各國分裂

日記 卷十四

九

阿洲後而風氣又不同英法德各國競佔小島爲已有卽美之不貪他國土地者亦欲購聖駝馬島借海代國埠爭檀香山地矣蓋自英之屬地徧於地球而商務遂甲於各國天下莫強各國知其然也遂起而效之雖以俄之向恃陸軍稱雄者亦亟亟焉以增強水師爲事過此以往小弱之國先亡愈小弱之國愈先亡亦猶周之春秋將并而爲戰國矣

十六日大雪

是日爲西歷三月四號向例美國總統四年一換本年適屆四年之期外部於先三日來函并送到入議院門票訂公使參贊繙譯等員同往觀禮隨員學生不與焉已正往至議院門驗票後導入

客廳此廳以花紋石造成如大理石棟梁柱礎牆壁一律各國公使均到至午初入議院堂上下議院紳均齊集各屬則坐樓上舊副總統已先到正中南面坐新副總統由左升座舊副總統與言國事新副總統唯唯言良久舊者退自右下新者乃入座亦正中南面坐至午正舊總統與新總統並行而入並坐於臺下右爲總統院九人左爲各部長坐定教士於臺上右偏宣讀舊章言新總統應接任視事兩總統均無言逾時新舊總統四人先出議院頭門衆隨之至門外已搭臺臺下民萬人臺外兵五萬人四總統一總察院入中堂均坐惟新總統立而語臺下謂伊爲民所舉當以保民爲心所欲與聚所惡勿施本此義而行之甚長約半時總察

日記 卷十四

十

院起立以耶穌教本授新總統新總統受而矢誓乃散兩總統同車兩副總統同車皆四馬至總統宮兩新總統入宮兩舊總統返宅兩新總統遂出宮門上臺閱兵各國公使與焉閱畢各散已交戌初天色昏矣義大利西班牙俄羅斯朝鮮各公使均不赴閱兵之會中夜於養兵院跳舞新總統亦到無論何色人均可到因未赴

十七日晴

泥格拉中墨洲小國也兩面瀕東西洋國中有大湖水程極便爲通商孔道鐵路輪船之利甚厚各國均欲之茲聞該國現已將此項利益准英人獨佔云 因赴祕魯道經厄瓜多國知墨洲小國

英人多操其利權祕魯國入款已准英人收六十年以還國債厄瓜多國商利英人霸之茲泥格拉又拱手而與英人矣方今時勢與昔迥殊其并人之國也不削其位號不強其服事不爭其朝貢惟藉通商以奪其利權賤其脂膏利權去而空名自不能存則拱手而讓之間有不願而拒之者則無餉可籌其兵亦不能戰兵艦一臨如發蒙振落耳吁可畏哉

十八日晴

美國駐華兵艦名麥林巡海至琿春查得俄主之於琿春埠極意經營不惜鉅貲築城濬濠次第興舉其造西比利亞之鐵路亦爲將來疆場之事使彼德堡與琿春聲勢相連大約五年之內必可

日記

卷十四

十一

成功琿春礮臺水師兵房均不准外人往觀故不得其中詳細該埠之兵四千人皆按日操練可稱勁旅埠外有兵艦六艘駐守云因觀於此而歎琿春地方已爲俄國之重鎮也俄人造西比利亞鐵路揚言於衆以爲通商因卽不信蓋苦寒之地所產無多安有大利可興惟其國勢兵力偏重歐洲而歐洲無隙可抵故興鐵路使通兵力於亞洲然後左顧右盼便其蠶食之謀爲之鄰者當思所以備之矣

十九日晴

謁梅律師商照會外部事聞新總統新派各部大臣已由議院議准外部葛禮山戶部位來爾兵部拉門郵政部皮才爾律政部渥

耐水師部黑白內部司米甫農部馬頓 因按新總統爲南黨所川部臣皆南黨惟葛禮山爲北黨然亦乘北黨而歸南黨者也美國向例總統易則各部皆易不獨南北黨之不相假借卽新舊任同一黨亦不用舊任之人也總統之位如傳舍部臣之置如弈碁而其國不亂者則以立政之權歸議院守政之權歸察院議院之紳舉自民不由總統察院必老成碩望始充是職受職以後則終其身於位而不遷移故其人皆無所希冀亦無所阿附此兩院者實美國之根柢綱維其長治久安者此也

二十日晴

赴新派各部長處道喜至墨公使宅答拜 美國考究家考得歐

日記

卷十四

十一

洲各國練兵制器精益求精共知共見而國有軍務不獨良兵良將淬厲在先卽餉項亦須先備因考德國所蓄之款其藏諸柏林都城司班刀礮臺中者計銀三萬萬圓法國則銀四萬萬圓俄雖頻年饑饉而所儲最巨計銀四萬二千五百萬圓奧則一萬五千萬圓皆非軍務不得擅動義無所蓄須籌於臨時苟有戰局難久支持云 因嘗考歐洲戰局法國拿破侖第一以八十萬人攻俄幾於隻輪無返俄土之戰殺人七十萬德法之戰殺人五十萬南北花旗之戰殺人三十萬以其殺人之衆卽知其兵數之多以其兵數之多卽知其餉項之巨矣武王伐殷車三百兩士三千人而管楚城濮之戰已增至車七百乘平邱之會又增至四千乘秦王



滅楚則增至六十萬人始終八百年間風氣卽已迥異則墨守之見不足與論時也

二十一日卯刻雨已初見日

外部訂見各國公使人員午正各公使均到葛禮山一一握手爲禮查葛禮山業律師當南北花旗戰事會充兵官槍彈傷其右脛故行時微跛云 因按新總統基利芬卽四年前之總統自光緒十四年退位遂充律師光緒十七年曾至華盛頓爲人駁例而不得直此次退位之總統哈利順亦係律師退位後充書院大教習前任外部長科士達以律師而充外部卸任後仍充律師赴英法辦祕林海峽案今外部長又以律師而任是職美國之重律師如

日

記 卷十四

十三

此以其熟於國家掌故并諳交涉之事也

二十二日晴大風夜雨

上年十二月三十日馬得力來電言日廷因入不敷出力求節省因減出使之費駐墨洲小國之公使可撤者撤之駐美公使之隨員可裁者裁之又裁去駐巴爾底馬黑利法刻士二埠之領事本月十七日南墨洲之烏拉乖國亦以經費支絀裁撤駐各國之使館厄瓜多國現以貧故議將太平洋卡拉佩戈士之諸島賣與德國爲德國兵艦添煤之埠云 因嘗言當今之時如周之春秋將變而爲戰國也自通商之局開小弱之國不能閉關自守如中人之家日與豪門鬪富鮮不傾矣明者知其然故急謀與利練兵以

自固計此一百年間若美若德皆勃然而興若義若日則弛然而弱法則時振時蹶英則日富日強俄國強而未富然其入欵猶與英德美法頡頏且日興鐵路辟土地亦可畏哉盛衰相倚伏盛者非無故而盛衰者非無故而衰也知其所以然則盛者不衰而衰者可以盛矣

二十三日雨

昨日伯林來電言接東阿洲信德國駐游壬曾拉國之兵與土民接戰獲勝斃土民甚衆奪獲軍器甚多德兵傷亡僅數人焉查一千八百九十一年德兵爲土人所敗亡三百人兵官亦歿軍器悉失如是者非一次一處德人遂視爲畏途此次大勝後軍氣已壯

日

記 卷十四

十四

土人懾服矣 因按德國陸兵素稱勁旅乃屢敗於阿洲則阿洲非無人焉又查前此德兵之敗實因阿洲土人有其將施且來爲之主謀益以主客多寡之形故不能敵自德與英說合謀定後動而土人遂不支乃知新練之衆不能敵久練之軍而將兵者非其人亦不能操勝算然則練兵不易而選將尤難非籌之有素必不及矣

二十四日晴

上議紳英吉利士來辭行年七旬餘矣係英人入美籍因以其不附工黨立往答拜相見後言本日酉刻卽附火車回本省回省後亦必駁論禁華工例也因謝之又言上月二十六日倫敦來電英

國政事下議院之權日重上議院雖屬有爵位之家竟不能與爭  
權甚至羣詆上議院謂其不知民事而欲廢棄云 因按地球各  
國有君主者有民主者有君民共主者亞細亞洲若中若俄若土  
耳其若日本若朝鮮皆君主也土耳其其版圖向跨三洲而近年日  
削在亞洲者已微日本新改爲君民共主而究其權仍在於君至  
於墨洲之國則皆民主歐洲之瑞士法蘭西亦爲民主若巴西若  
檀香山皆新改爲民主者法則變革不常自爲德所挫後復改爲  
民主焉若英若德若奧若義若和蘭若比利時若瑞典若那威若  
葡萄牙皆君民共主者大抵君民共主與民主之國其大權皆在  
議院惟君民共主者君意與議院歧可以散議院而令再議民主  
之國則不能此中又有分別矣

日記

卷十四

十五

二十五日晴

照會美外部駁詰禁工新例是夕赴梅律師處屬其默託戶部且  
勿拘人又聞三十日倫敦來電言向來由美赴英之輪船以英國  
利威布海口爲總滙之區乃近年以該海口不如受漢頓海口之  
近倫敦遂改於受漢頓海口總滙茲英國防美公司堅斷將奪其  
利權特設火車凡輪船之滙於利威布者所載搭客即由火車迅  
赴倫敦以冀便捷云 因按趨利乘便者人情之常不能禁也孫  
武子云善戰者因其勢而利導之管子云政在順民心美國輪船  
改由近倫敦之海口附船之人自便之則利權爲所專矣英人不

能禁之而思所以爭之則惟有更求便捷之法美自不能專其利  
焉今地球各國立約均以通商爲名夫曰通商固必有通商之道  
也彼等皆鬪智鬪巧者此其一端耳

二十六日晴

二十四日秘魯來電言俄世子坐羅達兵艦已抵祕國又言俄國  
現造西比利亞之鐵路最爲上緊一以利便軍務一以遷徙貧民  
亞洲內地沃壤多荒既有鐵路徙各省窮民於此使之開墾可以  
足食將來糧產豐盈運之出口亦易其鐵路所過之地無高山大  
川每一米祇需銀二萬九千圓云 因查俄世子已遊歷歐洲亞  
洲今又遊墨洲矣西比利亞鐵路俄人自言益於商務他國均謂

日記

卷十四

十六

便於行軍平心而論商務固非全無益也惟俄好兼并爲之鄰者  
均有戒心且其鐵路通至琿春已臨中國邊界亞洲各國又爲俄  
人素所覬覦俄人又好左衝右突不耀德而耀兵各國謂其便於  
行軍實誅心之論矣願其事煩重非可遽能指麾如意故於軍事  
未見端倪稽之往古漢武帝之通西域晉王濬之造樓船其意何  
居可徵諸前事焉

二十七日晴

上議院紳麥化順訂於本宅見副總統因借繙譯於戌初往至則  
副總統已到議紳陸續而到各國公使惟見英德日本及墨洲各  
國數人有名撒拉芬者自言昔充兵艦帶兵官曾至天津見李傅

相極荷傳相相待之優參化順向詆蓋力禁華工之例以為違約并詢中國已興鐵路信否因答以京北現已開辦直隸省開礦之處久已興造現亦推廣此外湖北河南通京之路方議合辦尙待興工參化順曰中國民數至多曠產至富民俗儉樸而耐勞如能大興鐵路不過六十年必能立致富強冠於地球諸國又中國災祲屢見議鑄鐵振報不絕書究之振鑄之補苴不足拯救於萬一如有鐵路利之出於地者日闢民之食其力者日多戶有蓋藏何至遇偏災而不給哉因領之回館已亥正矣 因按鐵路之富國足民實無疑義且其益并不止此會疏陳矣美國富強之驟實本鐵路凡公正官紳憤苛例之違約者皆為因剴切言之此又其一

日記 卷十四 十七

二十八日晴 昨晚上議紳及布生可六等均係向詆禁工者語言最久言日本政府以俄人造西比利亞鐵路格外趨緊以為可慮上年曾派駐德使館之隨員武弁由德都乘馬自陸路赴西比利亞沿路察看并照會俄廷保護該武弁已行抵瀕東洋之烏拉地尚司鐸海口云 因查俄造西比利亞之鐵路各國均有戒心光緒十六年英德各派兵船至瑣春十七年美國亦如之上年日本又派武員至西比利亞蓋英人防其爭亞洲之形勢奪蘇彝士河之利權美則以烏拉地尚司鐸近瀕大東洋德日係近鄰一慮其調兵轉餉之

易一慮其蠶食之易也且日本之唐太島已為俄所據矣其能無戒心哉

二十九日大雪至地即化樹上稍留寸許

俄戶部會計今年出入兩欸出欸溢二百兆羅布無可彌縫擬節省水師經費二十兆鐵路經費三十兆仍短一百五十兆則擬加征內地稅項整頓鹽課又恐大饑之後饑民不堪重稅則擬借貸惟歐洲各國富商多係猶太人俄人近年待之太刻招怨已深猶太人已相約不肯借貸現籌措頗難云 因按俄之入欸亦計銀三萬萬餘兩與英法美德頗頗而入不敷出者則以建鐵路與戰艦增兵額為費太多也交國債之息太鉅也其強雖亞於英其富

日記 卷十四 十八

實不敵諸大國蓋祇知兼并開邊而不知持盈保泰此國用所以不給也然猶幸其國用不給不能逞欲以肆其封故民生之禍稍緩否則為之鄰者防不勝防矣

二月初一日晴雪已消盡感冒

中初各國公使見總統義大利墨西哥兩公使資格最深總統與立談數分時又與英公使立談一分時其餘握手點首而已聞正月二十六日俄都來電言中國將派兵赴巴馬爾境俄亦派步兵二隊礮兵一隊於西歷四月趕到巴馬爾境英國以俄已佔巴馬爾特於印度邊界之氣拉土城建造礮臺添兵駐守蓋氣城實由巴馬爾赴印度之要隘也該地土人羣起攻英為英所敗傷斃二

百名云 因按俄羅巴馬爾境已閱一年度非空言詰責所能止也印度者英之外府即鴉片一項每年賸削中國者計銀四五千萬兩其地近俄此俄人所垂涎者此外若新金山若卡拿大均隔大海俄水師弱於英力不能及亦不覬覦然則熟審彼己之勢俄之所欲得者印度英之所恐失者亦印度也

初二日晴

美國賽會德國以極大電燈赴會前已聞而誌之茲聞克虜伯廠已造成巨礮一尊由輪船運赴會所查此礮重一百二十四噸合中國十九萬餘觔口徑一尺九寸長四丈六尺二寸及遠十二米合中國三十六里有餘容火藥七百磅彈重二千磅三十里之

日記 卷十四

間可洞穿厚二尺之鋼板其彈子一顆需費一千五百圓每放一次需銀一千六百圓云 因按德國前曾以重百噸之鐵塊赴英賽會今僅十年而礮之重又過之足見其製造之日進矣地球各國惟俄國克龍斯達的礮臺鐵甲厚四尺八寸餘無間焉則此外之臺均不足當其轟擊矣戰船鐵甲太厚則沈是現時鐵艦亦未有能當之者矣百噸之礮價銀十萬兩茲又增巨則價必過於十萬矣試放一次需銀一千餘兩欲其命中非熟不能則試演之費又巨萬矣苟非國帑之充安能給於用哉

初三日晴

美外部新准美國駐墨西哥公使電文言墨廷於上年六月出示

凡粟豆兩項向免入口稅者今復征收又威內薩國於美國運入之下等豬油均加重稅云 因按墨西哥處北墨洲威內薩處南墨洲一極貧一極弱墨之民數不及十兆威尤少矣乃其於收稅均有自主之權故稅可以減可以增可以減而復增蓋以物產之豐歉無常國用之盈虛難定有心者必維持調護於其間乃不至以利權予敵國而使敵國操利權也如以務財用者為小人而鄙而不言是任他人之賤削而以為無關痛癢可乎哉古人有言曰磨礮砥礪不見其削有時而盡吁可畏也

初四日陰

上月二十三日可俞國來電言英國駐哥打城公使傲狼無禮侮

日記 卷十四

辱其民各塾學生散館稍失禮貌即批其頰國人恨之近日乘英使騎馬出遊勒令下馬辱之二十八日倫敦來電言美國駐摩洛哥之領事出遊為人所毆幾有性命之憂摩政府贈銀五百圓作為養傷之費二十九日羅馬來電言義都美國使館為匪人炸藥所轟公使巴打幸未傷斃云 因按近年公使領事不洽之案層見疊出光緒十四年英國駐美公使以干預保舉總統事為美斥回法參贊調古巴為美國醫生所控扣留行李比利時公使以避暑至遠村馳馬為巡捕扣其車瑞士公使以避暑處鄉村為婦女所控逮交巡捕美駐智利國公使伊干智利以兵圍其使館派赴日國加羅爾島領事日國不肯接待法國日報詆辱公使而德國

遂撤回其使各國公使亦有責言自通商局創而交涉之事多齟齬之端亦多兩強相遇尙得其平若一弱一強則鮮有平允者蓋陽示和好而陰肆欺陵耳

初五日 陰夜雨

美外部送到限制歐洲客民入境新例一冊其中查察之法較前加嚴大抵名爲防疫實係禁錮於未上船之先查明籍貫年貌有無資財有無疾病男女有無室家其赴美國有無親戚有無事業是否作工八口之後再由稅關查勘不合例者不准登岸又載此例專爲限制歐洲各國入口窮人與華工無涉云 因駐美國三年又半美國限制客民入境之例無年不與大抵限歐人寬而限

日記 卷十四

二十一

華人嚴其從寬者防其抵制也然十年以前美國之禁華工亦未嘗不寬也彼固嘗試云耳敵人之犯境也可入則入可深入則深入必不可入則卷旌收隊而退美國限制之例亦如是焉已矣各國聽其所爲則將加嚴不聽其所爲則將從緩或顯予抵制而使美國之商民教士不安於各國則惟有反汗而已祕林海峽捕魚卡拿大墨西哥加稅其前鑒也

初六日 小雨

接美外部來文言所請致意律政部將來於西曆五月散院之期少緩半月俟華人之被拘者提案上審以評新例之是非律政部業已允矣外部葛禮山答拜聞近來墨洲各國殊少昇平智利內

亂又因殺美兵船水手幾致決裂賠結案今又與玻利斐亞爭界不和泥格拉國與哥司答立曼國爭界失和山度明哥之民以其總統以國內利權授美爲亂巴西內亂城多失守迫勸亂黨入阿鎮丹國竟與阿國邊兵接仗以致決裂又與義國齟齬義已派兵船臨境恐之海代國以拘禁美商爲美所脅瓜的馬拉以亂民擊傷英公使之子英船封其海口吉白海島國已爲其所滅檀香山島國已爲美所有墨洲事日亟云 因按墨洲除美國外餘皆小國能自立者惟智利耳餘則自鄙以下承平之日尙可支持蠻觸相爭亦或無恙乃歐洲各國環而垂涎美亦不能不動則將如漢陽諸姬矣

日記 卷十四

二十二

初七日 晴

美國水軍武員名費士克留心輪船海面駛行欲知敵人之船離本船之遠近近創一機器精巧異常以之測量不差分寸用之戰艦其益甚多蓋能知敵船相距之分寸則彈藥無空發而開花砲并可從空而入煙通矣現在歐洲兵艦購此器者甚多美國家已獎以金牌矣 因查春坎砲彈自上落下恒以砲口之斜度爲落下之處之度衝船之衝必熟審兩船相距之遠近作勢然後可洞敵船之脅惟海面寥廓目力失常以意度之殊不足準有鏡測量自有把握矣賞以金牌所以勸後也

初八日 晴

昨日伯林來電言近年歐洲各國軍械制作日精槍彈所及無堅不破弁兵雖有護身鐵甲均不能當茲德國之閱寒埠有人思得妙法新創藥水以此水油透戰衣槍彈即難透穿經德國兵部試驗置此衣於三百英尺之外然槍擊之均不能透惟三百英尺之內彈之銳氣所及衣雖不穿人雖不斃恐亦難免受傷德兵部以爲可用已令照造備用云 因嘗聞雲南深崖產一種草編之爲牌可禦槍彈又閱紀文達五種言古董家瓷器一片可以避槍或試之而不驗或并不敢一試大抵皆空言也德國新創藥水未必如是之奇然以電綫氣毬等用推之當非誑語但使能阻槍彈之力則民生之劫數亦輕因深願其言之驗焉

甲

記

卷十四

二十三

初九日晴

美國派充各國公使以二等爲止本年議院改章以各國駐美公使有願派頭等者美國亦派頭等以爲報施茲英國駐美二等公使彭士芬已由英廷改爲頭等次日法國駐美之二等公使亦改爲頭等查各國駐美公使以義使法伐資格爲最深故爲首領其次則墨使羅麥羅自英使改爲頭等不復與二等比資於是各國公使赴英使館道喜時義公使已在廣衆之前告退首領云 因按頭等公使有徑見所駐國君之權體至崇任至重也惟民主之國向所未設故美雖大國而派往各國之使與各國派來之使頭等公使皆闕如今美既改章英法遂即改章將來俄德奧義亦必

改章而頭等公使遂多矣

初十日晴

初八日倫敦來電言英國議院紳士向無薪俸近日改章每人每日給俸銀三圓六角云 因按每日三圓六角每年共一千三百圓較美國議紳僅三之一耳因查美爲富國外外部大臣每年銀八千圓副者四千圓又副者二千圓西班牙國所派頭等公使俸四千圓另公使公費一萬六千圓頭等參贊二千八百圓二等二千圓三等一千四百圓隨員六百圓共駐中國爲二等第一公使俸銀三千圓公使公費七千五百圓頭等參贊一員俸三千員三等二員共三千二百圓繙譯一員一千八百圓總領事一員三千五百圓領事一員二千五百圓副領事一員一千五百圓均按年計川資信資電費館舍鋪陳另計實不爲豐豈中國之費用輕歟然其於歐墨各洲亦如是焉

十一日晴

接總署電云已飭滬道撥銀六萬兩蒸 初九日巴黎來電言義國本爲歐洲強國然尙不能與英俄德法比肩故不能獨立一職自守局外之分近年與德奧聯盟增兵購械既費巨資仍無益於民生國計義國因欲背德奧之盟然亦不願附於俄法如得英國保其自守局外則決與德奧解盟云 因按此法人之謀欲解德奧義三國聯盟之局也義之強雖遜四大國然德奧合之則可以

敵俄法義不與合則德能敵法奧必不能敵俄俄法合兵則德奧難敵矣德奧義三國知彼知己故聯盟久而不渝惟義國近年以國用不足籌費甚艱雖心尚堅而力實絀正當進退維谷之際苟得一策能不聯盟而可不削弱自然樂從則惟有自處局外而得英人之保此策也義或求之英或允之則德奧勢衰矣故以為法人之策也

十二日晴

美國水師部人員講求兵艦精益求精以近來各國廠所造槍彈猛銳無前雖有鋼甲亦難抵擋惟有制成一宗兵艦可以隨意出水入水無事則浮於水面遇敵則沈水伏行潛攻敵艦近已思

日

記 卷十四

一十五

得兩式由水師部撥款製造云 因按可沈可浮之船西班牙曾為之法國又為之似法國之制尤精也然僅欲安置水雷以備守口之用故其式甚小取其便於進退浮沈若用以出洋遠適異國或相戰於大洋海面斷不能壓巨浪而不失常也今美之制之也其仿水雷之式歟抑仿鐵甲巨艦之式歟如仿鐵艦之巨固足以應戰重洋然出水入水又未必能靈便二者果能兼乎

十三日晴

謁外部 十一日巴黎來電言俄君親降諭旨催趨西比里亞鐵路工程又言俄國向有保護勃爾加釐亞國之權 介俄土之間小國近來勃國不遵俄約束交涉之事一切自主俄以保護為各國

會議於伯林時所准茲特備照會分致各國政府言俄國斷不肯廢棄保護勃國之權而勃國肯之此事有礙歐洲昇平之局請予公斷云 因於是見俄之心也營西比里亞鐵路則志在亞洲爭保護勃國之權則志在歐洲究之歐洲之利不易爭也前此俄土之戰俄軍已薄土耳其都城唾手可得英人護之終不得志且佔巴馬爾之地欲窺印度終不敢與英決裂前事可知然則俄人豈勤而無所哉其所欲逞志者從可知矣

十四日

昨至美外部處謁見者計有德義各國六公使外廳談次聞英國新造一至大商船貨物載滿計重一萬九千噸船舵以整鋼一塊

日

記 卷十四

一十六

鑿成以期堅固惟英船廠無此種壓鋼巨器乃由德國克虜伯廠代造又言英國泊斯默得船廠造至巨鐵艦僅需兩年八箇月法國船廠則需七年云 因營涉大西洋所坐之船計七千噸據船主言此船壓浪尚不如一萬噸者之穩也今增至一萬九千噸自又穩矣然非至大之船廠機器不能造船廠之大實推英國為首鋼廠之大應以德國為最造船鍊鋼非由機器必不能日漸擴充蓋人力有限而機器之力無限也

十五日晴大風

美國新創博物院於山場上年共總辦會招往遊覽以事冗未赴今年又函請往遂乘車赴約行五里許到院宅以石砌成不甚高

敵以其因山勢為周法以棲家鳥獸不專於院中故也入院門見  
一鳥如鵲僅一足獨立甚穩鸚鵡兩種綠翅紅頸白背其色之  
鮮畫工不及野牛與尋常牛同惟脊上有峰如駝獅與法日所見  
形同惟軀幹甚巨如牛猴種甚多小者僅五寸許頭如鴨卵目灼  
灼視人似有知識鱷魚大者一尾長八九尺平臥碎石上小者長  
一二尺游泳水中形如蜥蜴惟蜥蜴之皮光而澤此則有刺如疥  
癩耳聞其善噬雖獅虎不能敵院外各廠狐狸狢狗豪豬豺狼虎  
豹象熊鹿鳴鼻孔雀鶴鶴分棲狼形全是犬惟尾最巨鹿如牛角  
之長者五六尺新脫角者頂上茸如茄皆往來於草地巨象二共  
一院豪豬披毛如骨簪作白黑紋虎毛作黑斑為一字紋豹斑為

日記 卷十四 二十七

星紋熊所棲之地另依石崖鑿壁為之穴如巨室外圍以鐵欄有  
白黑二種其形如犬最巨者幾如牛鳴鳥面如貓惟其口仍露耳  
孔雀之雌者尾為花翎有時展其尾則圓如輪其翎滿輪層疊相  
間謂之開屏歸而記之

十六日晴

博物院總辦來見言天氣漸煖獅子畏熱將徙赴山村避暑矣又  
言英國阿母司脫耶廠近造大礮至一百十噸可放重一千八  
百磅之彈有大鐵艦三艘均安此礮快礮兩種一名哈徹司一名  
峯而飛容三磅六磅之彈每分時可出三十彈今又成快礮一種  
重四千一百磅彈重四十五磅每分時能出十二彈兵艦有此礮

三尊則可碎水雷船近又造成快礮一種彈重百磅用無煙火藥  
每一分鐘可出七彈最準其礮架均用水力機器運動升降旋轉  
悉隨人意以電氣施放只需一人而已 因查英之阿母司脫耶  
廠與德之克虜伯齊名惟鍊鋼不及焉又聞克虜伯廠已造重二  
百噸之礮而未成如其能成則仿克龍斯達的礮臺設以此礮守  
以重兵施放以諸習之人鐵艦雖堅無所用之蓋一百二十四噸  
之礮已遠三十六里二百噸者必及遠五十里可以從容而制敵  
也雖然其費甚巨籌之殊不易也

十七日晴

英海部大臣募造魚雷艇者以每一時能行一百八十里為度且

日記 卷十四 二十八

長不得逾十六丈重不得逾二百噸以期進退靈捷云 因查英  
於水師極為認真他國兵船皆以水手充兵丁英國不然近年德  
奧義諸國均留心於水雷以三雷船即可破一鐵艦權其價值多  
寡相懸故多制鐵艦不若多製雷船之合算也美國創造可沈可  
浮之兵船即此意也

十八日晴

德國以俄法二國整頓武備增添水陸軍額實逼處此不可不防  
擬添陸軍六萬人此項兵費商之議院又以官辦之鐵路入款無  
多擬於煙葉重稅照舊稅加征百之三十五云 因按泰西各強  
國蓋無一日而忘危者矧德之介於兩大耶其民皆習戰陣其廠



自制軍械兵費雖巨而金銀尚無滯厄所以能持久者此耳加征煙葉稅自之三十五蓋向之征一百圓者今征一百三十五圓所加雖驟而煙葉非民生必需之物尚不病民其中固有深意存焉十九日晴

未刻江海關來電滙到經費外部葛禮生訂見因借繙譯往見外部言蓋力所定之例太苛擬商戶部通融辦理以期兩國和好因答曰本署照會已屢言領照註冊照相三者均屬違約必不可行外部言照會已見但可通融辦理領照之事亦不能廢因曰如此兩歧不足為守約也外部曰此事由議院所議總統所定外部不能擅廢仍當聽議院主張耳又問公使田貝如非中國所喜將另

日

記 卷十四

二十九

派人因日請函查之不敢質言餘皆寒暄語

二十日晴

謁梅律師考美駐各國公使每員每年俸薪駐英俄德法墨各一萬七千五百圓中國日本奧義日巴西各一萬二千圓土耳其智利阿鎮丹可俞祕魯各一萬圓巴拉圭檀香山比和瑞典那威丹馬威內薩各七千五百圓朝鮮兼總領事七千五百圓玻利斐亞厄瓜多各五千圓夸的馬拉圍都拉二國共一萬圓瑞士五千圓泥格拉哥司答力夏利耳瓦多耳三國共一萬圓希臘羅馬尼亞蘇佛三國共六千五百圓以上均係二等公使波斯葡荷牙暹羅海代各五千圓駐海代公使并兼辦三德明哥事理白利公使兼

總領事四千圓以上為三等公使美駐各國參贊每員每年俸薪中國英俄法德日本二等參贊各二千六百二十五圓英法德三等參贊各二千圓中國日本須請所駐之國語言文字奧義日土巴西墨西哥三等參贊各一千八百圓智利祕魯威內薩朝鮮各一千五百圓美駐各國繙譯俸薪每員每年中國土耳其各五千圓日本波斯兼總領事朝鮮兼總領事一千圓暹羅五百圓日國寫字人一千二百圓

二十一日小雨仍曇天氣驟熱

上議紳富施士來見又考美駐各國領事每員每年俸薪駐倫敦巴黎利華埠夏灣拿巴西四國各六千圓駐上海香港格耳葛打日 記 卷十四 三十

各五千圓駐美爾巴尼四千五百圓駐柏林檀香山曼拉曼滿得厘耳英屬加拿大墨西哥巴拿馬各四千圓以上為一等駐黑利法維也納各三千五百圓駐廈門廣東鎮江福州漢口天津法國之哈華埠祕魯之嘉里約埠各三千五百圓以上為二等駐中國之甯波薩摩島之受比駐君司但丁厄瓜多法蘭福亞得劃羅馬彼德堡奧之潑拉記比之安都智利之佛爾巴萊蘇野羅貴之滿脫佛都法國之巴地刻司德國之拜名英屬之字耳發布拉福地茂拉荷萊士哥更士頓滿旗士打星加坡日本之長崎大阪黑哥墨國立佛拉刻羅古巴之墨炭石瑞士之倍西爾可俞之箇龍各三千圓以上為三等駐尼佛拉來多二千五百圓駐阿鎮丹

之白拿阿萊士奧之釐清伯比之普羅士丹屬之聖大麥士法之  
拉安與麥西臘士德之阿內白阿刻西拉卡倍布萊門布龍士會  
氣母尼得萊騰黑巴麥引司希臘之阿神士英屬之白明夏騰地  
釐甫拿丁黑西非奪吞士太域多利亨特士非墨之巴刺地拿日  
之新勿過聖底哥地口巴瑞士之散格利士屬之司米拉各二千  
五百圓以上為第四等駐炭階奧之脫利士得巴西之白拿白哥  
可倫之白藍口拉哥司答力曼之聖嘉士法之利母士散愛丁德  
之哥羅克列法大西多釐希紐萊伯司脫曼松尼白麥地潑英屬  
之卡地甫氣達哥刻特部林騰弗林黑米頓利次那沙巴羅士巴  
司日釐聖都麥士聖嘉司希布羅雪梨都龍土蘭都拉之地格西

日記

卷十四

三十一

格伯義之伯拉馬馬達曼司曼之太麥推甫墨之阿客潑甫毗特  
拉士尼爾拉士和之羅拉達尼格拉之慢拿記聖舊地那俄之亞  
地利刺耳瓦多之聖利耳伐多日屬之伯萊哥小呂宋聖舊恩利  
吉拉爾藍瑞士之好琴石力氣土屬之皮勒旗勒刺萊威內薩之  
麥拉開婆各二千圓以上第五等駐巴西之白西巴拉散多士比  
之利旗佛肥士卡羅林島之巴南丹之哥內海涇法屬哥內格地  
羅麥丁尼口尼士德之布萊士老記耳慢西母門尼氣英屬之阿  
姆黑司波安的吉亞刻蘭白培大司白墨達布力士多布落刻佛  
蓋潑富壳底可昔耶嘉羅地當刻力頓福愛釐哥特力氣吉字拉  
耳打蓋甫庚司頓崙頓麥打馬力士白紐開士得爾安丁口倍皮

多巴火巴利尼巴司日萊潑萊司可沙達頓聖海崙拿散嘉散司  
底分士司脫萊福三江華萊西伯溫沙溫尼倍華司多野毛甫義  
之開士脫來美刻炭尼勿老崙司吉拿利亨美新拿密藍內白耳  
士墨之麥太馬拉茂力大拿蓋爾士推畢哥和之鴨姆士打大日  
牌西龍尼卡地士卡膝內司膝尼麥拉曼瑞士之琴尼佛各一千  
五百圓以上第六等駐比之萊脫巴西之拉亞爾藍地大沙法屬  
之阿耳及士南地司阿非力加格益埠之商董德之司脫丁英屬  
之孟買格士白生西拉釐安脫刻島溫沙義之文尼士各一千圓  
以上第七等

二十二日 小雨仍霽

日記

卷十四

三十二

美駐各國公使及隨使人員因詳考而志之其公使之俸不同者  
以所駐之國事之繁簡不同也至多者按年一萬二千圓至少者  
四千圓且有一使而兼兩國三國者其俸薪亦不多蓋事簡也參  
贊分爲二三等至多者二千六百餘圓少者一千五百圓繙譯一  
途所設不多者以歐墨兩洲多同文之國公使自諳其語言文字  
可無須也惟亞洲各國有之以語言文字不同也多者僅兩國少  
者至每年五百圓繁簡殊也領事分爲七等由六千圓遞減至一  
千圓不但駐此國者與駐彼國之俸不同即同駐一國而俸之多  
少亦不同如駐上海香港之領事則五千圓駐福州廈門廣東鎮  
江漢口天津者則三千五百圓駐甯波者則三千圓蓋量地而用

人仰量材而受祿之豐殺視其缺之繁簡而分其不強同者正所以求其當也

二十三日 小雨天煖夜雨

檀香山國內亂之時日本曾有兵艦一艘巡泊該口聲言美國如保護檀香山他日或薄待日本流寓該島之民日本必以力拒近日日本又續到兵艦一艘方美國未允保護檀島時日本駐檀之員與該島政府商為保護且昌言該島儻不歸美國保護日本政府願任保護之權云 因嘗聞美國官紳言保護之事非同兒戲以美國之密邇檀島尚須審慎以出者恐力有不逮則得而復失將貽笑於人也且現在之欲得檀島者為英國日本內度兵力與

日記 卷十四

二十三

英孰強外度英人肯拱手而讓乎況美曾以兵艦攻日本矣日本不能自保何以忽有餘力以保護人耶誠莫解矣

二十四日雨

梅律師來商議照會外部之稟請將以前工黨焚殺華工之案一查明年月增入稟內 查美國礮廠國家設者二處一水師大礮廠在華盛頓城水師廠內一華打威利益大礮廠在紐約省威士頓的來商家設者七處一威士頓特杯煙特風地利大礮廠在紐約城沽路司內冷一修甫波士頓大礮廠在馬薩朱普省修甫波士頓一壳蓋司阿特南司公司小礮廠在華盛頓城邊施溫尼阿街一的力司阿特南司公司小礮廠在華盛頓城十四街一威林

加南布晏順司小礮廠在邊省費城一布拉城威特尼公司小礮廠在幹置地葛省哈富城一格林礮公司小礮廠在幹省哈富城槍廠國家設者一處一司內令斐特螺紋槍並壳蓋司螺紋槍在華盛頓城軍械廠製備 商家五處一沽路特槍廠在幹省哈富城

日記 卷十四

三十四

一溫者士打連响槍廠在幹省紐希溫城一李槍公司在紐約城一布拉地威特尼槍公司在幹省哈富城一林明敦槍公司在紐約省衣利安船廠均商家所設共二十九處一林加南布晏順士船廠公司在邊省費城一天仁埃仁華克士船廠在嘉省珊藩普士哥一巴甫仁華克士船廠在緬省巴甫地方一哥倫比亞埃仁華克士晏杜禮篤船廠公司在馬理蘭省波地摩城一高離士煙占尼阿令船廠公司在紐約省布祿連城一埃阿華埃仁華克士船廠在埃阿華省都卜克一山廟路摩兒晏順士船廠公司在紐進西省衣禮沙拔甫林一西地杯煙特華克士船廠在馬省修甫波士頓城一阿爾的埃仁華克士船廠在馬省波士頓一黎司頓埃仁晏洛甘摩弟甫華克士船廠在嘉省珊藩普士哥一紐林紐司涉卑丁晏杜黎篤船廠公司在華前尼阿省紐林紐司埠一馬理蘭士弟路船廠公司在馬理蘭省司巴羅士杯煙特一地拉威兒里華埃仁涉卑丁船廠在邊省者士打一沽拉布埃仁華克士船廠在阿埃阿省基利夫倫城一布西晏尊士船廠公司在地拉威兒省威明頓城一者衣治大洛煙賤船廠公司在紐進西省甘定

一尼非晏黎威船廠 在邊省費城 一地代杜禮篤船廠公司 在米  
施根省地代埠 一基利夫倫涉卑丁船廠公司 在阿埃阿省基利  
夫倫城 一天仁杜禮篤船廠公司 在紐約省巴法羅城 一煙衣市  
巴麻船廠公司 在紐約城 一理治門洛甘摩地甫華克士船廠在  
華前尼阿省理治門城 一修甫華克浮煙地理晏馬先船廠公司  
在邊省費城 一渣里士列他晏順士船廠 在馬理蘭省波地摩城  
一哈蘭晏賀令司華富船廠公司 在地拉威兒省威明頓城 一渣  
里士黑路門涉晏煙踐卑丁船廠公司 在邊省費城 一舍路杜禮  
篤晏涉卑丁船廠公司 在華盛頓省舍路埠 一標接爽煙賤尼令  
華克士船廠 在華盛頓省砵當勝埠 一洛活滿紐法朱令船廠公

日記 卷十四

三十五

司在馬省衣士特波士頓城

二十五日晴

美國船廠檢廠分計若干設於何地已詳之矣因論美國家上  
年製造鐵艦巨廠不由國廠而由商廠言商廠之價較廉也地球  
各國檢廠以德之克虜伯規模為最大工作至六萬人富可敵  
國英國阿姆司脫郎次之皆商廠也凡事之經官辦者弊多而商  
辦者弊少西洋各國亦然顧有商廠以相形容則官廠尙不至過  
於壟斷亦不敢十分舞弊若無商辦而僅由官辦雖有廉明之大  
員稽查亦必不能無弊也

二十六日小雨

法國與阿洲之達河米國構兵屢為所敗法廷以該國均係黑人  
安有智謀必有歐洲人民為之謀畫迨平定後查得實有德國商  
人為購軍火已有實據遂逐出境本月二十二日巴黎來電言法  
廷以德人一名在魯安埠偵探地方官拘之監禁該德人於監中  
稟德國駐法領事及公使為之伸雪而法之書信局不即為寄及  
至法員查明該德人實係無辜釋放後始行送到茲德公使已向  
法廷詰問云 因按此二事之虛實難明而二國之芥蒂可見如  
二事全實則為德之讎法如二事全虛則為法之讎德且私售軍  
火暗行偵探各大國皆有之法之於德何獨不然但未遽收漏耳  
若法為弱國則必不敢嚴辦若德係弱國則必不敢徑行蓋以弱

日記 卷十四

三十六

當強則弱者之理不能直伸而強者之勢且可反噬今皆係強國  
則無可設施不過敷衍息事而已

二十七日晴

赴大將軍史戈飛茶會見德國俄國朝鮮及墨洲各公使下議紳  
司斌介聞美總統近日所派出使各國諸員名約士底駐法國倫  
勇駐德國力斯萊駐丹國拜亞駐英國為頭等公使布羅海駐瑞  
士脫力激駐奧國阿拉克散大駐羅馬尼亞希臘蘇佛諸國愛溫  
駐比國泰拉駐日國脫利耳駐土耳其國已交議院議准云 因  
查美國更換總統之年凡欲得總統者必有助之之人為之招徠  
保舉事成則以各缺為酬勞故總統更換各處之缺均多更換也

使其之拜亞即基利芬前為總統之外部今為頭等公使然則德俄法義奧日諸邦彼此均將改為頭等矣又聞新派駐奧之領事名澤德者為猶太人奧國不願接待謂從前美所派駐之公使其妻為猶太人奧不接待有舊案存美廷將改派矣

二十八日陰子刻以後雨

自上年以來墨洲諸小國紛紜多故檀香山為美所佔巴西何鎮丹民變海代國因監禁美商美國調兵艦以脅賠償祕魯國人焚劫美使館美廷業已詰責吉白海島國英已踞之威內薩國拘逐義人三德明哥國以關稅由美國權收而民變尼格拉國與哥司答立憂國爭界失和可憐國既侮英使又值歲饑其勢岌岌憂拉

日記 卷十四

二十七

憂國與閩都拉國業已決裂交兵矣 因查亞墨利加一洲四百年前榛榛莽莽既無史乘莫由知其治亂若何自可崙比渡大西洋而來風氣日開遂不能閉關自守始為西班牙屬國繼乃自主今又不能自主英法德美各國或為保護或令入貢或佔其海口削其版圖連雞之勢不能俱飛團沙之情不能合縱數十年內可決倍亡計共開關至今僅四百年彈指滄桑殊可慨也亦可畏也二十九日晴

外部葛禮山請赴衙門商議公事因借繙譯往晤葛禮山言二十七日所來照會已領悉惟屬勿拘拿華人一節此應俟總察院斷定此例之當行否如以為不當行自然不能拘拿因答曰美國秀

民本惡華人今政府創為拘拿自然益無忌憚但恐釀成焚殺之禍如以前洛士內洽諸案總統新即位貴大臣新到任似不願見此宗變故故請勿拘拿以冀息事留人外部曰將來行例必當如貴大臣意格外從寬且總統頗不以此例為然諒總察院斷無不駁似可放心因曰向來總察院散院之期正值行例之日所請稍緩十餘日以俟判斷之說自然必確外部曰已與商矣但尚有一事相詢究竟田貝在中國聲名如何因曰聞諸傳言有以為是者亦有以為不是者已發書詢實在情形矣外部點首曰不日當有覆文遂散

三月初一日辰初大雨雨止而晴

日記 卷十四

二十八

日斯巴尼亞聞三得明哥國稅歸美國代收又以古巴一島相距甚近恐美國之吞并即調兵艦赴古巴保護嗣據美國駐日公使照會日廷言美無覬覦古巴之心乃調回所撥兵艦云 因於光緒十八年春赴古巴查古巴一島與美鄰較檀香山尤近日國前四百年所開墨洲之地以後或由地主自主或為他國所踞其尚存者惟古巴耳而古巴之民常苦日國苛斂故前此揭竿謀逐日員而自主終以不勝仍降於日日廷恃為外府而終不恤其民之思亂久矣如古巴所鄰者為歐洲強國久已顧而之他特美國尚率創國舊章不願佔他國土地故剝果猶存耳然日之國勢漸衰而古巴之積憤已久如不整頓終必如墨洲諸地轉屬他人焉

初二日晴

二月二十一日檀香山來電言日本國聞檀島內亂派兵艦二艘來檀駐泊適有日本人之犯重罪逮繫者逃赴日本兵艦隨由檀政府照會日本駐檀公使請交逃犯日本公使覆以萬國公法內載各國兵艦無論下旋何處均照本國土地例視該犯既逃回兵艦日檀兩國無互交逃犯之約未便交回當俟本國政府明文辦理又聞美新總統不願保護檀島已於二月十二日派下議員外交處紳布郎赴檀察看情形二十九日來電言留心訪查該島民情實願自主因將美國旗號收回并撤水師兵弁回船仍由該島官民自治亦不准他國保護云 因按美國處置古巴檀香山事

日記

卷十四

三十九

頗有合於仁義之道日本所為則未免霸氣也美國力可為而不為日本力不可為而強為兩國海軍強弱昭然益以越國鄙遠彼己之勢不待審度然則美如保護檀島日本固難與爭美不保護檀島日本亦難獨佔也

初三日晴

英國自兼并緬甸後駐防之員察得地方大害以鴉片為最業已嚴禁私相買賣惟向來吸食者勢難立時戒斷現已定章必須先赴衙門聲明掛號給憑方准吸食云 因嘗聞法國駐越南之兵英屬印度之民近皆沾染鴉片則其難於設禁也明矣又聞英國禁鴉片會以中國之加鴉片稅而各散則其重於利國也明矣又

查本年德國增兵之費計近千萬即取諸菸草之稅美國呂宋煙稅每磅征銀四圓菸稅如此則鴉片可知矣美國煙膏之稅每磅征銀十二圓則視成本已三倍矣窺其用心大抵於事屬當禁而又難於禁者即以不禁之中寓禁之之意其從吾禁也固可以裕民其不從吾禁也亦可以裕國其於緬甸鴉片一物不准其私相買賣則必權稅無疑又令吸煙者掛號領憑則權稅亦無疑可以知其用意矣

初四日晴

德人辦理朝鮮稅關者名果克來謁 巴西國征剿叛民追過烏拉乖地界甚至騷擾烏國人民至於失和其兵船之泊巴拉圭者

日記

卷十四

四十

與地方齟齬輒開砲轟擊其都城巴拉圭國向巴西政府詰問巴西不理且另調鐵艦一艘至巴拉圭吶喝云 因於是而歎海軍之不可缺也南墨洲皆小國智利稍強其前此勝祕魯亦如邾之勝莒耳巴西不如智利而恃其兵力凌轢極小之國墨洲風氣漸器張矣昔日本恃其兵艦以侵臺灣今亦覬覦檀島風氣如斯積漸實非一日申公巫臣與莒子言勇夫重閉蓋亦識時務者乎

初五日雨

英公使來函言已遞頭等公使國書是夜亥正見客因借繙譯往見并陪美外部葛禮山戶部愷來爾之夫人大將軍水師部大臣各國公使惟法國公使未到 奧國步軍向分二十五隊茲因德

已增兵今於每隊增一百四十四人礮兵則增二十八隊增兵之費初年需一千萬圓以後則按年五十萬圓本月德國政府向本國商民貸銀一千三百萬圓周年納息三釐收銀照八六折願貸者溢至三倍云 因聞德主因俄增兵額商之奧義兩國亦擬增兵而義以餉絀不能增德主乃為自增之計今奧國亦從之不得已也德之軍械取諸本國之廠其貸款籌諸本國之商雖八六折而納息甚輕且此項為軍餉之費則仍散之本國之民國用雖費而非等漏卮也然則居今之時當擾攘之局偃武不能為緩急亦常有惟有設廠自製軍械講信以孚民心庶利源不耗於外國耳

初六日晴

日記 卷十四

四十一

巴馬兒事前聞俄人願與中英兩國分而立約不願三國合而立約俄人又謂中國注意巴馬兒急修邊備遂亦調兵赴巴上月二十二日印度來電言俄造鐵路直達印度一旦有事數十萬眾可呼吸而至長驅犯邊茲英亦造鐵路直達俄界以禦之又於隘要修築礮臺工程漸次告竣將來俄軍犯界進戰退守肆應裕如運糧調兵諸臻靈便此後可高枕無憂云 因於此窺強俄之用心亦於此得防俄之善策俄不願與中英合約者防中英勢合則俄受牽制也否則三國分界自應三國共商如美與英法爭秘林海界清界之舉固合三國而公議也俄造鐵路以達印邊英亦造鐵路以達俄邊調兵轉餉咄嗟可辦迎而拒之要而擊之庶不至緩

不及事也 因於光緒十年已疏陳矣

初七日晴 中夜微雨

謁外部戶部之夫人 二月二十六日倫敦來電言英國今年添造頭等鐵甲二艘二等一艘較以前之鐵艦尤速安置重六十七噸之鋼絲新式礮及造破水雷之快船六艘每一時辰行一百八十里造成後試驗合用則添造十四艘共需銀一千四百二十四萬零一百磅其頭等鐵甲每艘需銀九十七萬磅又卡達麥船廠所造之鐵艦一艘容一萬四千噸馬力一萬三千匹每一時辰行一百二十里其礮亦照以上之新式云 因按英國今年所增之兵艦共需銀一千五百餘萬磅合中國銀七千餘萬兩古之所謂

日 記

卷十四

四十二

糜餉者未若是也即今時各國之所謂糜費者亦未有如是之甚者也然其材料取諸本邦其工匠集諸本地其價值散諸本國之商廠此七千餘萬兩之銀雖出於國帑仍毫無漏卮且藉以勸百工而製造日精武備日盛敵國隱消其覬覦誠計之得者矣

初八日晴

二月初五日馬得力來電言日國前派兵艦以防美之攘奪古巴嗣知美無此意隨即調回茲聞法國派兵至三德明哥登岸日廷驚駭擬即調兵艦往探矣二十五日巴黎來電言法國接駐越南總督電文法兵於二月十八日已據暹羅米江中之哥恩海島暹羅不敢與爭又聞阿洲之摩洛哥國東鄰法屬之阿爾枝理地方

近法人於其邊界造鐵路以達摩洛哥云 因聞法得越南後墾地通商哥壘麥座利根三埠房屋日增荒土日闢氣象新矣英人本垂涎暹羅徒以暹主修好於英未忍削滅茲法爲戎首英人未必肯讓暹羅危矣摩洛哥國地當阿洲要隘英德法義日五國久已覬覦莫敢先發者慮爭之者衆也今法人於毗連之地興造鐵路一日調兵奪隘猝不及防摩洛哥豈能力拒但未知英德義日四國皆肯拱手而讓否耳

初九日晴

上議紳佳黎生訂見日國水師提督亥初往見總察院各部各國公使惟英法德朝鮮未見歸時已子正矣 美國議院去年議增

日記

卷十四

四十三

淺水兵船茲已繪圖發廠照造又因水雷購自他國緩急難恃既不敷用且慮銀錢漏卮已於黑立發刻土地方創設造水雷廠以備兵艦之需且期精益求精云 因按光緒十年中法開釁粵省於美國購黎槍美廠不敢運粵僅交香港臺灣所購之槍將到時爲法國兵艦追查乃盡棄之海中則緩急難恃之證也方今邊防日亟倭武無期槍礮兵船水雷諸械購自外洋有限鎔銖去而不返漏卮之弊長此安窮譬如久病之人元氣日虧體質安能強健美國所策其有所見於斯乎

初十日小雨

日本輪船由橫濱赴舊金山載有妓女多名日關偵知即拘留上

岸從嚴訊辦二月二十六日馬得力來電言接小呂宋總督電文所屬太平洋之毗琉海島近爲日本兵船所踞亟請設法增兵查此島在小呂宋與格羅蘭島之間太平洋之北距小呂宋四百五十米居民萬人地尙膏腴云 因查日本商船向往來上海長崎橫濱近年至檳香山又至美國之金山漸推漸遠商務漸擴矣海軍之力似不敵西班牙而居然佔踞其屬島此未必確或者毗琉一島始爲西班牙所得繼而棄之如荷蘭之於澳大地亞則人棄我取不能指爲日本之侵吞然西班牙既有權衡以兩國海軍之強弱日本似難終踞焉

十一日晴

日記

卷十四

四十四

卯正與辰初飯飯後啟行赴紐約中正到晚飯畢即往謁大狀師蓋別阿物士利亞頓商請蓋別利亞頓於西五月八號赴華盛頓公堂駁例以阿物士在紐約提調諸事又慮美員騷擾華民另請狀師文阿倫專護華民如其至期有巡捕拘拿之事則由文阿倫阻止阻之不能則向公堂保釋候審商議妥帖回車已戌初矣因至諸狀師辦事處其街爲紐約稅關及稅庫兩衙門所在觀其工料堅固之至自地至頂均用徑方六尺之白石砌成玻璃窗甚小仍以鐵棍縱橫爲格水火盜賊無從損傷自非地震當可屹峙數千年矣

十二日大雨



卯初與辰初飯飯後借繙譯巡捕赴會兵船已離海畔各國公使陸續而到惟未見朝鮮使臣耳英俄兩使均乘本國兵船赴會者為代辦墨洲各國半攜眷屬歐洲惟葡使挈其夫人午正出海總統攜后并各部長為一舟各國公使共一舟總察院上議紳各部副員為一舟而總察院不願到云將散院亟須清理積案故也午初設醮甚豐水師弁兵伺候一切午正醮畢展輪出口則各國兵艦星羅碁布未見起碇名為操演實未操演也惟本舟過時則聲礮耳火藥之煙彌漫海面至兩船不相見回舟已酉正矣又至大狀師處訂定屆期提案至華盛頓總察院衙門訊駁

十三日晴

日記 卷十四

四十五

辰正附火車返署查昨日各國赴會兵船英國頭等鐵甲四艘一名壁立容九千噸馬力二萬匹每一時辰行六十四海里裝煤一千五百噸兵頭三十四名兵五百二十九名此船為至巨至速一名柯士耶容五千六百噸馬力八千八百七十六匹每一時辰行三十七海里一名麥知辰容二千九百五十噸馬力九千二百六十二匹每一時辰行三十八海里一名拖打容一千七百七十噸馬力三千八百二十四匹每一時辰行三十四海里又半二等鐵甲一艘名白列 容七百五十噸馬力一千三百零二匹以上共五艘皆亦 內所成法國頭等鐵甲一艘名真白容四千一百六十噸馬力七千八百四十六匹每一時辰行三十六海里木戰船

一艘名亞利儒士容三千六百噸馬力四千一百三十二匹戰船一艘名下賽容八百八十噸馬力七百八十七匹以上共三艘有前十年以外者惟頭等係新成德國頭等鐵甲名開沙柯容六千零五十二噸馬力一萬二千六百匹每一時辰行四十海里係新造戰船師亞拿容一千八百八十噸馬力二千七百匹每一時辰行三十二海里以上共二艘俄國頭等鐵甲五艘一名總拿千麻容七千七百八十一噸馬力八千二百匹每一時辰行三十四海里一名巴茂亞華容六千噸馬力一萬一千五百匹每一時辰行三十八海里一名衛地舟士箇容五千七百九十六噸馬力七千匹一名真亞糜盧容四千六百零四噸馬力四千四百七十二匹

甲 日記

卷十四

四十六

一名連打容二千九百六十五噸馬力三千匹每一時辰行三十二海里頭等戰船一艘名黃帝爾可拿事容九千四百七十六噸馬力八千四百匹以上共六艘巴西國頭等戰船名亞幾打半容四千九百五十噸馬力六千二百一十二匹二等鐵甲一艘名地寶北地容一千三百噸馬力二千四百匹每一時辰行三十四海里戰船一艘名太倫頓士容八百噸馬力一千二百匹以上共三艘義國兵船一名依拿容三千五百三十噸馬力七千五百匹每一時辰行三十四海里一名記柯還依波新容一千一百二十噸馬力六千四百五十六匹每一時辰行三十四海里一名當高利容二千八十八噸馬力七千六百匹每一時辰行三十八海里以上共

三艘均爲頭等鐵甲日斯巴尼亞頭等鐵甲名衣拿衣真天容四千七百五十噸馬力一萬一千五百匹每一時辰行四十海里戰船名煙芬打依士波容一千一百五十二噸馬力一千五百匹水雷船名新呂宋容五百七十噸馬力二千六百匹每一時辰行四十海里以上共三艘和國戰船名環士排容三千四百噸馬力二千五百三十二匹計一艘拉巴拉他頭等鐵甲名新地諸瑞容三千五百噸馬力一萬四千五百匹每一時辰行四十四海里又七分計一艘美國水師提督鐵甲坐船名飛拉得爾飛容四千三百二十二噸馬力八千八百十五匹每一時辰行三十八海里第一隊戰艦六艘一二等鐵甲名烏獲容四千零八十三噸馬力八千

日記 卷十四

四十七

八百六十八匹每一時辰行三十八海里一二等鐵甲名亞輪打容三千一百八十九噸馬力三千三百四十五匹一二等鐵甲名三夫蘭借士哥容四千零八十三噸馬力九千九百十三匹每一時辰行三十八海里一二等鐵甲名巴的馬容四千六百噸馬力一萬零六十四匹每一時辰行四十海里零二分一二等戰船名班林頓容一千七百噸馬力三千四百三十六匹每一時辰行三十五海里一練兵船名板可壺容八百三十六噸馬力一千三百匹一二等鐵甲名希卡果容四千五百五十四噸馬力五千八百四十四匹一二等兵船名若檀容一千七百噸馬力三千三百九十二匹每一時辰行三十二海里一二等鐵甲名渣士頓容四千零四

十噸馬力六千六百六十六匹每一時辰行三十六海里又二分一炸藥船名威數威容九百三十噸馬力四千三百六十六匹每一時辰行四十二海里一二等兵船名干戈容一千七百噸馬力三千四百零四匹每一時辰行三十七海里一防海兵船名萬爾安容三千九百九十噸馬力四百二十六匹一水雷船一艘名苦臣入水三尺五寸容一百三十二噸馬力一千七百二十四匹每一時辰行四十五海里兵頭三名兵役二十名一磅礮三尊水雷三箇又可倫比初到墨洲所乘之舊式帆船大小三艘一美總統與各部所坐坐船一艘名打獵分容一千四百八十五噸馬力二千一百八十八匹一各國公使所坐兵船一艘名壁立容三百五十噸馬力二千一百七十七匹一議紳坐船一艘名萬某係遊船非兵船以上兵船凡一時辰行不過三十海里者均不記所行里數英國船爲最巨式且新美國船新者亦多而巨者少當讓英國首屈一指矣

日記 卷十四

四十八

十四日小雨  
上月伯林來電義國庫款支絀無可設法已向德國銀行貸銀六千萬佛郎又馬得力來電日國歷年虧空至今共短七千萬佛郎近竭力整頓以加稅爲開源以蓄用爲節流現已由節蓄項下彌補三千萬佛郎尙不敷四千萬即由議院議定於加稅項下所收彌補云 因按義日兩國爲補不足之計日之所籌似勝於義

為借貸之舉本係剝肉醫瘡且又貸諸他國之商殊失計矣日以  
畜用加稅為計畜用則量入為出加稅則量出為入歐洲各國恒  
如是且入口之稅居多尚不得為病民也

十五日晴

梅律司送到照會外部似欠切實即為更定 聞東三省鐵路已  
造至灤州三四月間關內可望竣工此後即可設局關外逐段興  
造云 因於輪船鐵路二事考究二十年決為富強之本自出使  
後賴於美之官紳延訪其老成練達者皆言美國富強之驟實由  
鐵路之多且有比較各國鐵路之多寡有無以知其國之強弱貧  
富者若美若英若德若法若俄所謂頭等之國者其鐵路之多亦

日記

卷十四

四十九

居頭等若奧若義若日二等之國向之稱富強者今漸不及究其  
鐵路實居二等若和蘭若比利時其鐵路又減其國勢亦殊至於  
印度波斯阿富汗埃及賽爾斐亞羅馬尼亞諸國或鐵路由他國  
代設或竟無鐵路其國勢更昭然共知蓋各國之強弱貧富不可  
掩者也鐵路輪船之多寡有無尤不可掩者也亦如中國孔子之  
道得全者昌失全者亡捷於影響耳因聞鐵路日興欣然而喜因  
憶其言而志之

十六日 小雨已後霽

德國議院擬大興鐵路添造新路七條并展造舊路六條務使火  
車四通八達無處不到以利用兵而使商旅計鐵軌車頭坐車貨

車各費需銀一千二百四萬一千餘圓又德國各處駐防之兵以  
冬春多雪操練為難因改用雪鞋操兵行動較為便捷云 因按  
德為布魯士盟邦之一以前無所表見三十年內日臻富強度其  
英君賢相凡所規畫必有大過人者因駐美三年與德公使時相  
見虛心詢之乃益信張國之勢在練兵制械足國之道在通商惠  
工而輪船鐵路則為二者之樞紐蓋無事之時運載利便有事之  
時調動神速地球各大國其皇皇營謀如不及者非虛偽也凡以  
富強之謀固未有勝於此者耳 照會外部為駁領照例也  
十七日 晨小雨仍霽

日記

卷十四

五十

舉行新例俟楊使到後再商田覆已於初七電外部刻接電覆謂  
此新例非必立刻照行須俟總按察司核與本國例相符方能照  
辦看此語意當可從緩云希酌辦并傳諭金山王商董事云鴻條  
准此當即轉電金山矣 美國水師人員留心戰事謂水雷為破  
鐵艦之利器而不易奏效者因敵船能見其來而防之也欲求敵  
船不覺莫如水底潛行已思得一式由議院撥費二十萬圓試造  
合容一百二十五噸其駛行以電氣汽機均可又俄國駐美公使  
以美國講求水師年精一年請於本國派水師人員藉資考鏡前  
日已派兵官名麥佛哥到美 因查地球五大國若英德法三國  
接壤比鄰陽相好而陰相尤武備自不能弛如俄美二國一則環

北冰海一則處北墨洲畫地足守比鄰又無強國似可不以武備爲急且俄尙有拓地之心而美向守開國舊章不准覬覦他人土地似可以休兵息民者而講求水陸兩軍皇皇如不及焉何也中公巫臣曰勇夫重閉古語云虎豹在山藜藿不採當今之世畏戰者戰事必多以狎而侮之者衆也能戰者戰事必少以畏而敬之者多也然則欲求休兵莫如練兵欲求息民莫如勞民此機緘也美國之所經營者卽此意也

十八日晴

上年准北洋大臣咨開天津洋報向來山水綫公司發寄泰西者每字價洋兩圓四角四分今由俄發去僅洋一圓四角四分每字

日記

卷十四

五十一

可省洋一圓則官綫每年大可得進款今將在滬與包辦處所訂合同詳譯並通知各局價目公電及知照各士商詳細擬定每字以洋銀計價由津八角八分由估八角山蘆山關由錦由旅由邊均七角八分由營由金山奉均七角六分由威八角八分以上係至俄國山津一圓四角四分山沽一圓四角山蘆山關由錦由旅山邊均一圓三角八分山營由金山奉均一圓三角六分由威一圓四角八分以上係至歐洲山津一圓八角四分山沽一圓八角山蘆山關由錦由旅山邊均一圓七角八分山威一圓八角八分以上係至美國 因查美國電至天津每字價銀二圓四角四分外洋不以四碼爲一字而中國向用四碼外洋遂作爲兩字之

價是每字四圓八角八分矣因以勻碼之法勻四爲三每字亦需銀三圓二角五分二釐準以美國近年銀價卽合中國四圓有餘誠不可不設法但其章程僅有由津至美之電而無由美至津之電豈未與美電公司訂定歟本月初三日倫敦來電謂中國與俄國所接之電已經通行其價雖減而往往遲至數日是以發電者均不由此綫云云豈發電之法未盡善歟抑他族妒之歟又查問美國電報局電至中國何以不照此價尋據復稱海綫達中國者三路一曰衣士頓一曰印度一曰那甫頓那甫頓卽由歐洲西比里亞之俄境三路電費均同一律惟由華盛頓電澳門每字需銀二圓一角二分共電臺灣每字一圓九角九分微不同耳此信存檔

日記

卷十四

五十二

十九日晴午後大雨

歐墨兩洲通商水路由大西洋徑一萬里僅需七日出產日盛現有輪船不敷運載近德國和國各新創一輪船公司專爲紐約來往云 因聞美商欲於大西洋分歐洲各國輪船之利不令獨攬利權正籌集股創設輪船公司而德和兩國已先爲之所謂明者所見略同歟又查中國土產苦於出口稅重不能與各國爭利而又無出海商船以致運載之利又爲異國所專卽近鄰如日本者兩國通商人民貨物往來亦僅由日本之船而無中國之船日本自謂與中國通商所獲利者甚鉅此共聞共見也

二十日晴

二月初一日倫敦來電言英皇借伯爵羅司伯赴義國發老力士城會德義兩國之外部長初七日義國發老力士城來電言英皇已到義主派其姪往迎并送至巴爾媚城三月初六日羅馬來電言義主成婚二十五年之期各友邦均慶賀德主借后率宗室親臨行禮到時義主借后親待於車廡相迎至格黎那宮開齋教王則派相臣馬星尼其世子是日亦到十四日羅馬來電言德主借后到義數日義主與后每日借往各處遊覽極形親洽德主借后擬明日返國云 因按周禮所載觀遇朝宗之禮於泰西見之蓋顯以示友邦之和好而隱以消敵國之覬覦也百年之間英人於拿破侖之攻西班牙俄軍之攻土耳其其皆力保全之近年於德奧

日 記

卷十四

五十三

義之聯盟則隱願其合於俄法之聯盟則不欲其成而於德之欲開釁於法則婉阻之其用心可知矣今則赴義而會德義兩國之外部并親臨義主之吉禮度其深心蓋慮德義之交不固而招外侮之來故為聯之以保歐洲昇平之局也

二十一日晴

接外部照覆言必保護華人 上月馬得力來電言日國治古巴與波都歷古兩島向不得法故常民變茲日政府擬改其苛法准兩島自設議院以通上下之情而免隔閡又英之埃爾蘭亦苦英人苛待民心屢變茲又不靖管理該島人員現出示禁連軍火入口以防之云 因查泰西各屬國皆苦於重斂美之於英即前鑒

也願其國家雖重斂而尚能維持其商務民之不至重困者此也日之屬島僅古巴小呂宋二處而民均不靖英之屬地徧天下而埃爾蘭近在肘腋之間民亦不靖乃所以治之之道一用柔而一用剛其不同者何也則國勢不同也日之兵力弱而屬地遠鞭長莫及威力不足以備之故利用柔英之兵力強而埃島近緩急可恃威力足以備之故利用剛地球各國共處置本國之民與與他國交涉均此意耳

二十二日晴

謁梅律師聞外部戶部分電各省不准拘拿華人有阿利干省總督覆電不以為是痛詆總統及兩部又聞美國於一千八百九十

日 記

卷十四

五十四

年六月即中歷光緒十六年五月所添頭等鐵甲三艘由費城略拉姆撥船廠承造者今已成功試水命名陳拿美總統各部上下議紳水師人員士民約萬餘人臨觀其鐵甲厚處約八寸長三四丈八尺至闊處六丈九尺入水二丈四尺容一萬二百噸裝煤一千八百噸將架十三寸口徑大礮四尊八寸口徑八尊六寸口徑四尊速放礮二十八尊水雷六管價三百零二萬圓 因查美國於本月初與厄瓜多國訂約請以厄國之格來巴哥海島作為美兵船蓄煤添煤之地厄國總統已允交議院議矣美之水師向無聞焉數年以來籌造兵艦礮雷不遺餘力日盛月新其所以易措手者則以船廠礮廠林立各邦鋼鐵金銀煤礦儲庫咄嗟可致

無廣採購鄰封也詩曰迨天之未陰雨徹彼桑土綯繆厲戶美國有焉

二十三日晴

美國管理內地稅員造成月冊已報戶部計自上年西歷七月至本年三月共九箇月收國內稅銀一萬二千零五十一萬零零十六圓九角五分其所收之稅大抵煙酒兩項爲多其次則假牛油此外甚少云 因於美國煙酒之稅之所以重者蓋屢言之不復瀆矣且非僅美國爲然蓋中國以外固無不然也 因嘗取其煙權之其大枝者每十枝重一兩三錢中等之價需銀一兩其小枝者每十枝重三錢二分中等之價需銀二錢隨使員中有嗜之者大

日記

卷十四

五十五

枝日需五枝小枝日需二十枝蓋中人十口之家日用之費矣香水酒之沽於市者每瓶需銀四五圓其價之費因其稅重故也泰西各國於煙酒玩器各項之無益於民及女閭博局鴉片之有害於民者悉以重稅苦之蓋有深意存焉即其於作奸犯科罪不至死者亦以罰鍰科之而不用鞭撻笞杖即此意也 因又聞和國判斷錢債之案有足稱者凡債主之控欠戶也官司即提欠戶查其所欠屬實即予監追其監追之法則但監而無追惟欠戶之日食須由債主供給欠欸一日一清則欠戶不能出監債主之供給日食亦不能缺但缺三日則欠戶鳴於官官即釋之矣蓋錢債一事固有有意不願償者亦有無力不能償者其不願償者必有身家

決不願久於監禁以廢時失業其不能償者日食不給今得監禁而轉免飢寒自安之若素矣且欠戶之身家能償與否債主盡知官司如此辦理債主於必不能償者亦決不控於官蓋原壁已不能歸而供給又將虛糜也泰西好用機巧此皆無形之機巧歟

二十四日晴

拜發保獎隨使人員一摺又片三 希卡果狀師昨日來電以華優二百餘人赴會美國稅關阻其登岸請照會外部今日投刺謁見因却之 德國陸軍一律改用無煙火藥以其施放之後不發槍管臨陣之時無煙障目故美國上年製造甚多當時試驗實係合用近日試之則又不然蓋幾不能送彈出管矣 因查火藥之

日記

卷十四

五十六

配合硝取其速然礮取其炸力而礮之煙最重欲其無煙則必以有炸力而無煙者代之樟腦是也顧樟腦之性辛香善竄與麝香同凡香竄之物皆香氣團結而成氣散盡則質亦盡故蓄麝香樟腦者必用毫不洩氣之器防其散也今美國火藥既以樟腦代硫礮則當防其氣之走洩今仍以蓄火藥之法安放及其累月經年則樟腦已化氣走散宜其無用也事之初創者本難盡善精益求精自然釋回增美矣

二十五日晴

駁例狀師利亞頓來見言總察院於今日會審西刻大狀師羅剔伊物士阿士頓來見言已與總察院駁論且看總察院之意如何

又言美國每屆舉總統之年欲舉者即以禁華人爲總統之券上年又值總統求留外部布連又與爭奪故其禁例愈嚴而不料其皆不得也徒貽笑柄云 二十二日伯林來電言德主擬添兵額

交議院公議議院不准德主遂令散院通諭國人另行公舉議紳又聞德相宣言於議院言奧爾賽司鹿林兩省本爲德國土地今既收回將來有爭之者無論如何勞師糜餉決不以尺寸與人云

因查奧爾賽司鹿林兩地乃二十年前德勝法時法割以與德者也歐洲風氣大抵不敢示弱所謂戰勝於無形也德法各國土地犬牙相錯其界尺寸不可踰越其勢尺寸不敢讓人其立國以練兵爲急其籌餉以通商爲先且必有至鉅之餉項儲積於平時

日

記

卷十四

五十七

不待張羅於臨事焉若土耳其若丹馬諸國向之所稱爲大國者數十年來其土地爲各國割裂過半遂至一蹶不振日就衰弱亦猶人之肢體摧殘廢痿斷未有能久存者也

二十六日晴

接金山電言駁例事即覆電 二十二日倫敦來電言俄國之保關一省介德俄奧三國之間向爲川武之地其中猶太籍者一百五十萬人俄之苛待猶太人無所不至猶太人之恨俄已深現時俄與德奧外修好而內積怨觀釁而動果有戰事猶太人必爲內應甚且倒戈俄政府亦深知而防之二月間出示通諭所有保關省猶太人之散處各村者一律遷入城鎮俾官府得以約束云云

其實欲以轉徙不安者迫之出境此項猶太人又必來美美國宜設法禁阻云 因按古之固邊防者嘗拒異國之民然拒之於初來之時非逐之於安業之後也虞書曰安民則惠曾子曰有人有土聖賢之訓乃不可以例今之時嘗考亞墨一洲歐人踞之而逐其土著今則歐人日多而土著日窮馴至無可棲身避入山僻數百年後種類絕矣中國黔滇粵邊地苗獍猺獠之類異種甚多迥古以來不聞驅逐然則我 國之寬大誠莫與京矣

二十七日晴

接金山華商電云總署有無來電覆以未接來電 昨日馬得力來電言西班牙國庫欸入不敷出已經多年昨日戶部大臣布置

日

記

卷十四

五十八

來年經費送交議院查核算入爲出仍餘五萬二千餘圓此日國近年所未見議紳喜形於色查其中開源節流計省費六百四十萬圓云 因查義大利西班牙古稱富強之國今漸衰貧義大利今年雖貸得鉅欸而非貸諸本國將來必有流弊又聞希臘國入不敷出本月向法國富商告貸未允又求諸英商英商亦卻之各部大臣無可設法遂均奏請開缺埃及國則以所貸英銀四萬萬餘久無歸結其政柄遂由英人主持此二國者於國中之利未見其興徒恃借貸又貸諸他邦始也急何能擇今則顛而難扶西班牙之及早圖維其謀國有足取焉 是夜金山來電云請電總署力爭

二十八日晴

卯刻接金山電云案已提駁雖有公論彼以約准設法禁工為辭且有誤視寬大意察院現定本月十五號批斷岷心堅持趁機屬田使電美毅爭必轉或電崔憲離美國體一振俾易就範決無意外恐已斷定照行再商無及矣乞裁工商萬叩此電已電北京因即於辰刻發電云華商請電貴署撤因離美請示因 上月美國漁船水手自大東洋返美言在漁船捕魚泊俄國之格梧格地方上岸遊玩甫入俄境為俄兵拿解至高萊蘇地方坐監又押至琿春金礦處作工幸美國駐俄水師員聞知照會俄廷始釋又昨日奧京來電言奧國議紳有產業在俄之保爾省親往料理為俄

日記

卷十四

五十九

地方官驅出境奧國政府現與理論云 因謹按昔孔子言柔遠今地球各國立約均言和好其實中國仍守柔遠之經各國全無和好之實也美國禁華工英法俄各國皆效之西班牙秘魯和爾則招華人而又苛待之然猶曰此所以限制貧人防奪土人之生計也乃俄國驅逐猶太人出境限制德人不許於俄置產驅逐奧紳之入境料理產業者則又曰德奧聯盟俄人防之也美隔大東洋向與俄敦睦誼俄之飢也會運糧集資以振濟之固前日事也乃不久而即逐美之畫師揚秘林海之漁船監漁船之水手豈以怨報德耶弱國出此有不與師問罪索賠者乎因固知無敢問罪索賠於俄者也強也

二十九日晨起細雨辰正見日

二十七日奧京來電言奧國大軍按時操演以求精銳茲秋操之期在邇中西歷五月即德國之君與俄世子均訂屆時至奧閱操查俄世子此行實期與奧修好奧君亦願結好於俄俾以前相畏相防之心彼此消釋此舉有關歐洲昇平之局故德主亦欲與會云因按古語云一日不朝其閔容刀然則好會之典匪僅以聯邦交亦可以消嫌隙也德奧義之君時時相見修好報不絕書德主又常迎見俄君於途往見英后於國較奧義之君尤為勤慎非好勞也所處之地不同也共國介俄法兩強之間非結好奧義不能分支兩國非結好於英不能消法人之覬覦外修好而內增兵欲戰則戰此形格勢禁之機也子曰知幾其神乎是故君子安而不忘危治而不忘亂是以身安而國家可保也易曰其亡其亡繫於苞桑其德君之謂乎

日記

卷十四

六十

三十日晴

奉總理衙門電開來電悉同日接金山商董商有或電崔憲離美國體一振俾易就範等議查本署月初照會田使請其電外部暫緩行新例俟楊大臣到後再商初十日田使覆稱外部覆謂須俟按察司再核當可緩辦云該商所請目下無此辦法亦非工人等所可擅請至工商電稟應由使臣領事代陳逕電本署無此體制希飭禁世當即覆總理衙門電云總察院謹蓋力例者多仍行新



例又金山來電云聞判新例仍行黎稟當即覆電云奉總署電以後金山工商勿再率電總署美察院仍判行新例因金山商董所延大律師阿士頓利亞頓來見言總統頗有廢例之意而察院不從察院共八人以爲當廢者傅爾斐路不綠瓦三人以爲不當廢者布郎不來之福穀森矢拉矢截脰生五人惟傅爾等三人資深望重既謂當廢將來議院再議必有轉機云

日 記 卷十四

六十一

出使美日祕雀日記

四月初一日 小雨竟日

中正梅律師阿士頓利亞頓來見梅律師言請電達總理衙門此例須待議院開時由議紳再議以有上議紳可六之請總統已將案牘發交議院自必再議故也阿士頓言中國一聽客之所爲而毫無抵制近日議紳之持公論者皆屈而不伸以後不敢昌言多奪氣矣雖有再議之舉恐難期其秉公中國若照美國新例即令美人之在中國者皆領照註冊皆由中國地方官判案此美國所不能駁而各國皆以爲然者似可照行因答曰我 國向恥違約而以柔遠爲心故不欲行容當以此意轉達於總理衙門利亞頓

日 記 卷十五

言總察院既不敢反議院之議公使宜照美外部令其暫緩行例以俟十月開議院時再議因答曰照會緩行苛例前兩月已履行文外部外部已有覆文且我總理衙門先已照會田貝轉電外部俟新使到美再議外部所覆之意亦許緩矣似亦不必重申仍俟三思而行可也談久而散已酉正矣

四月初二日晴

謁外部本擬面詰新例而外部葛禮山已正專函來請因即趨赴值英公使先有事見因待至午正見面將欲有言外部先言謂新總統先時示意緩行新例不照相不覓保華人不領照者亦不拘拿本示以廢例之意方謂總察院必以廢爲事矣不意有附前總

中華書局  
館藏書

統者居然批行總統甚歉仄不以爲然而又無廢例之權昨日傳各部員相商已示意仍不拘迫華人領照以表兩國和好之意因答曰貴大臣所言如此但恐各省官員藉此蹂躪華人則多事矣外部言斷不縱令各省蹂躪華人但中國亦勿輕動使美民之寓華者或遭焚殺請電政府因答曰因必電政府保護美民美民之在中國者因當力任保護華民之在美國者貴大臣當力任保護二人分任不得推諉異言外部欣然允許且密告曰此例總統必示意議院於冬初開院時必當議廢不但如貴大臣所欲且有喜出望外者惟勿漏泄耳談久辭退當即電達總署云謁外部外部傳總統意仍緩行例且求保護寓華美人又發書二函分呈總署

日記 卷十五

北洋

四月初三日晴

金山來電云美官公論已見例難辦必緩行現屬律司立新案再與堅持必轉華商乞轉電毅爭民安靖黎當即覆電云昨日已電總署 三月二十八日伯林來電言德主謂議院不允添兵不過以籌餉維艱之故今擬整頓煙葉稅項即可補庫欸之不足議院自無所藉口云 因營查美國煙酒兩稅收欸甚鉅其稅則亦甚重壬辰之春曾赴古巴查古巴捲煙之業計千餘家美國上議紳士丹佛言金山一省設酒肆者計四千六百餘家亦可見泰西人之嗜好矣泰西煙酒其價甚費不可以中國之價例之出使人員

之尙西洋煙酒者每日所費可抵中人十口衣食因譏之洋人之知大體者亦深惡之故泰西各國煙酒之稅至爲繁重非必好爲苛征亦冀以節斯人之嗜好耳德國整頓煙葉一項之稅即足以敷增兵之費驟而聞之斷不信也親歷者自知之

初四日晴

已初金山商董來電云察院擬議院情面五員批行三員批否例定行僑氓惶急此間心力已竭非列憲設法難挽現按例即押驅民等以有財產二千萬電戶部存案教會防報復求緩總統有歉心以驅載須鉅資有難意惟國例成工黨囂恐難阻若中國教爭俾有詞決可挽此例正大官商皆不服屬華人再辨現已擬案再

日記 卷十五

駁值賽會萬國皆切窺中美交涉之事能急持諒不敢肆情急籲乞謹再冒瀆罪甚工商叩乞已正總理衙門來電云任既回華勿再給資田員在此中國并無不悅告知外部并探其間及之意支當即發德律風至外部衙門訂與外部大臣相見時刻即據覆云外部已出門候回衙門定奪中正又接總理衙門電云尊電以察院擬基利仍行新例昨華商言謁外部外部傳總統意緩行例確否即電覆察院判語速譯寄家又接外部德律風言明日午正相見

初五日晴

江海關來電云二萬庫平緝 午正赴外部衙門見外部大臣葛

禮山因先言曰貴大臣所詢中國是否悅田貝及傳總統之意言  
察院雖批行例仍擬緩行并保護華民又請中國亦保護美民因  
均已電達茲接總理衙門覆電云云為外部誦之葛禮山答曰田  
貝出使已八年詢中國之悅與否者所以商定去留也即此見美  
與中國和好之意總統不以禁工例為然而察院自行其意然總  
統無廢例之權英例國例議院例故須俟冬初開議院時再議  
今年議院已定早開故屬外部戶部緩行此例仍護華人以表兩  
國和好之意又恐中國不鑒此忱成有決裂形迹則誤大局故請  
電中國政府也因答曰以前布連好為欺飾之語故總理衙門懲  
前此後屬詢貴總統貴大臣之意確否庶彼此推心置腹以期不

日記 卷十五

四

至決裂葛禮山曰余非布連比也現在之所行者如不照相不覓  
保不領照者亦不拘拿已見端倪議院之開不過百三十日耳期  
非遠也他日請證余言欲先言之未必見信且亦不便先言總之  
觀余所行可耳因謝之遂辭出

初六日晴酉正雨

三月二十九日伯林來電言德國大軍擬於交秋操演擇於附近  
法國疆界各邊省大耀軍容較之以前尤為壯盛德主已函達奧  
義兩國之君及英世子請屆期臨覽云 因謹按前侍郎殷兆鏞  
上疏言始終不忘戰今於歐洲各強國見之也夫所謂不忘戰者  
乃蒐軍實講武事汰惰弱演陣法考求中外強弱情形非僅以備

武員具兵額而已也亦非欲開釁於鄰國也泰西各國常規敵國  
之勢以為向背之機即商書兼弱攻昧之義也即兵書攻瑕不攻  
堅之機也往年粵捻回匪之亂其攻城掠地凡飽所欲而颺去者  
無不復來凡被創而逃者決不再至凡於庸將疲卒所屯之處則  
必趨之凡於湘淮霆軍所來之路則必避之雖擾攘二十年而前  
後一轍焉歐洲各國無論德與俄法相為敵讎即與德聯盟之奧  
義二邦二十年前即有戰事我強則讎者亦親我弱則向者亦背  
鑿乎鼓之軒乎舞之精華已竭蹙裳去之德主其知之矣其耀兵  
於法界而請奧義之君憑軾而觀匪特可遏法人報怨之心并可  
堅奧義聯盟之局其不忘戰正所以止戰焉

日記 卷十五

五

初七日晴

歐洲各國增兵耀武相持不下以致庫欸支絀而終不敢罷兵者  
恐敵乘其懈也教王蓄目傷心深思補救之術擬約會各國息爭  
戰而講農桑以為各國如以爭地為心欲其不爭莫如於彼此交  
界地方留一甌脫無論何國不得在此用武或可不啟爭端云  
因按此亦禁鴉片之類徒託空言耳禹會諸侯於塗山執玉帛者  
萬國至於東周而存者無數十焉彼時有天子之控制猶不能禁  
其并吞也泰西數百年間元世祖會混一之羅馬亦曾混一之乃  
不逾時而即以力自雄各王其地此古時不能不爭之明驗也中  
國粵捻回匪相繼為亂幾徧天下中間尚有外侮乘之此近四十

年中事也泰西南北花旗德法俄土智祕之戰殺人近二百萬此近三十年中事也宋向戎爲弭兵之會當時卽有子罕之論魯莒之爭彼時晉楚猶可駕馭列邦今強國非止一二矣度英俄之勢能駕馭德法奧義四國乎竊以爲當今之世而欲偃武勢必不能惟有黽勉自強使敵國不敢犯焉創興製造使軍械不外求焉開涖利源使物產不棄地焉講求交涉使金銀不漏卮焉亦治安之策而人力所能爲者爾

初八日晴

初一日羅馬來電言天主教王向居羅馬從前義國政府深惡教王其待之也無異囚虜教王亦自斂飭通諭入教之徒勿干涉義

日記

卷十五

六

國教事如逢公舉議紳凡入教者不操選舉之權亦不入選舉之列由來久矣近教王以教勢日衰欲准入教者與舉議紳或充當議紳以冀教勢復振義廷知之卽屬議院立例不准教士干預國事以限制之已成議矣 因於此而歎義國之善制教士也俄德之制教士因嘗疏陳之矣墨西哥之教士作奸因又詳論之矣教王盤踞義都較墨國之遠隔重洋其限制之難易顯而易見乃難者易而易者難於此可知兩國之得失焉夫權之所在可以制人而人不能制中國之入教者皆倚教士有袒護之權也揣其用心與墨國之民一轍因願仿義廷之法以制之凡入教者但與僕隸同科則從之者少矣或曰是不畏決裂乎因謂美國之入天主教

者不入選舉未聞決裂也或曰中美二國勢不同也因謂中國之制教也弊在暴躁故釀禍階等於僕隸不齒而已非將燔逐之也外國之於兇犯但治以應得之罪均無縛拽鞭笞之刑中國每以暴躁債事啟釁啟釁之後又以賠卹示弱必使官民咸知此意其庶幾不輕舉驟發乎

初九日晴

中正總署來電內開電悅外部允緩例保工所緩所保有無年月條款或僅空言卽電復本署無不堅持駁論希傳諭金山華商佳查前此阿力根省之民黨大會於工廠議行章程二款一謂該省總督噴拿治譏美總統與外部大臣同謀助華所譏甚是一係怨

日記

卷十五

七

總統外部大臣之失策又述總督噴拿治論及華人不領照之故以爲必係總統等與中國公使私相商定否則如總統等決意欲行新例華人安敢不遵而何以不領照註冊也是處初聞阿司多利埠華人所黏六大會館告示美民不知所措設有不虞將惟總統是問總統等不欲行例顯係中國公使導之使然而中國公使亦既獲罪亦可控告也云云 因查美國工黨之勢日盛官紳徇之者多今總統外部戶部內顧中美之約而外懼工黨之勢不得已而緩行例以待議院再議此其用心甚苦而可共諒若必迫之使其昌言不准行例是顯與工黨爲讎美爲民主之國總統斷不能與民爭勝且議院已袒工黨而總察院又袒之總統部員已成

孤立度勢量力總統決不敢與通國相違似宜從其所請以俟議院轉機為妥未便迫之使變計也梅律師以為然遂止

初十日晴

電總理衙門云外部顧邦交而畏眾口屢求勿泄難責實據現安靖因 朝鮮代辦使臣李采淵借赴會之員鄭顯敏來謁因詢以朝鮮鬧教之案知已無事又詢朝鮮以歲歉禁五穀出口此內政也日本何以齟齬又何以索賠朝鮮又何以竟賠銀十萬圓美外部言之鑿鑿誠有其事否李采淵答言實有賠銀之事至何故齟齬尙未知其詳細也談久而去 因按日本之魚肉朝鮮也由來久矣明季平秀吉入寇據其國都非中國派兵為之奪回朝鮮幾

甲 記 卷十五 八

於不祀近數十年來又習以立約大院君之家難日本樂禍幸災幸賴中國兵力弭患蓋其欲肆志於朝鮮久矣因又聞俄君近日派其儲為西比里亞鐵路監督鄭重其事以冀早日竣工其通籌東三省朝鮮固顯而易見也因又聞俄世子遊歷日本被刺之事日本內不自安宣言於眾謂異日俄有事於朝鮮日本必處局外則是日本與朝鮮為比隣而不與朝鮮為唇齒也因以為日本非但不與唇齒相依且必效德奧之於波蘭願與俄分裂其地耳明者見事於未然此之不可不早計者也

十一日晴夜雨

答拜朝鮮代辦及赴會之員 律師利亞頓來見梅律師攜到戶

部章程即飭繙譯譯出其文云本部於本月四號諭飭各員凡華人有不遵一千八百九十二年五月五號所行禁止華人來美各例欸者非有後論一概不准拘拿等因在案現在凡例得在美之華人未經照蓋力例第六欸領照者仍須照前本月四號諭飭遵辦又查華工違背一千八百八十四年七月五號增修一千八百八十二年五月六號之例與一千八百八十八年十月一號所行之例來美者為數甚多其中係冒充華商并冒他項人等及由他國偷入美境之人甚眾自應照一千八百九十二年五月五號禁例之第一欸第二欸第三欸第四欸第五欸此各欸者均係仍前一千八百八十二年八月十四年八十八年限禁華工來美之舊例

日 記 卷十五 九

載明例應審訊監禁載回按例不准在美居住之華工者自應照舊例辦理於凡華工來美不能將例得來美之據相示者自宜拘拿查辦特此通飭此文由梅律師交到梅律師云前半段係聲明不行蓋力領照註冊拘拿之例後半段係聲明仍照舊例於由英屬卡拿大及墨西哥國偷入美境者按例辦理蓋新例之第一欸至第五欸實重中壬午甲申戊子限禁華工之舊例故戶部以此摺塞而第六欸則係蓋力特創最為苛虐有礙居美之華人此欸不行則蓋力之例實已不行但以已經上下議院議准故不敢顯言廢棄耳居美華人可無事矣因仍屬梅律師而見戶部大臣體來爾詢其果否的確然後電達總署

十二日晴子刻雨辰霽夜雨

已初梅律師來見言於午初至戶部謁戶部大臣禮來爾據云出門待久查諸總辦始知戶部大臣實未出門因近日來訪者過多故託辭避客也遂請見梅律師曰中國公使前兩日接總理衙門之電詢問領照註冊拘拿之例是否緩行如何緩法急須覆電禮來爾云章程已刊出矣蓋力所定之例前五款係聲明舊例但禁由鄰國之境而偷入美境者於現在居美之華人無傷也其第六款於已居美之華人迫其領照註冊否則監禁拘拿中國政府致意美使田貝中國公使於上月照會請緩行例保護華人前來外部商之總統律政部戶部已電覆田貝及中國公使必保護華人

日記 卷十五

矣以前本已電飭各省不准迫華人以領照及監禁拘拿各節適因總察院意見各歧因恐各省之員以爲卽當行例故又重言申明耳所詢緩行之年月如無意外之變準定緩至開議院時其條款卽照八十二年四年八年舊例耳無新增者云因詢以開議院時又將如何梅律師云以前上議紳可六請於總統將中美兩國來往公文交議院再議前總統已交議院將來開議院時自當再議毫無疑義微窺新總統之意爾時必密示意議院議廢蓋力之例現總察院之齟齬各省之詆訾總統不言而心銜之愈以堅其廢例之意耳利亞頓亦以爲然因當卽發電至總理衙門云戶部通飭緩行蓋力領照拘拿之例因

十三日陰夜雨

前十日巴黎來電言上年秋英兵船在非洲東南之馬達加斯加島遊弋遇法商船疑爲販賣黑奴令其停駛法商船卽升法旗英兵船不信仍派員過船查勘後方放行嗣法廷以此舉詰問英廷言法國向不以兵艦攔海搜查商船爲然況馬達加斯加島由法保護而英艦乃於法國所屬海面查收法船有違萬國公法至販賣黑奴雖係公法准行而法國自有兵船查禁此舉殊謬英廷自知理屈姑覆以英艦之查無損法國國體惟嫌過於認真當通飭兵艦以後勿搜法船法廷以英既認錯現向英廷請賠爲商船餽洗而已 因按上年法兵船大隊至英英主親勞之并備欸一萬

日記 卷十五

圓設宴以饗之禮意隆矣英兵艦之搜查法國商船意在禁販黑奴其用意非有傷於法國而法國卽有責言何其不念前情不少寬假耶因以爲此交涉之機也易曰履霜堅冰至象曰履霜陰始凝也馴至其道至堅冰也老子云涓涓不息將爲江河熒熒不滅炎炎奈何言慎之於微也言慎之於始也若曰微者不慎其大者將至矣始之不慎其後欲救而無及矣交涉之道其立約皆言兩益其用心實利己而損人當立約之初乘我不知要求於始及立約之後出我不意狎侮於微馴至隨事皆失均平隨時皆肆要挾積習既久直以爲例應爾焉強大之國固然卽弱小之國亦無不然殊可扼腕觀法國所爲可知交涉之竅要矣

十四日 時雨時陰

俄國於猶太人逐之出境禁其入境由來久矣茲有籍隸美國之猶太人擬往俄國遊歷向俄駐紐約領事請給護照領事不允該猶太人遂聯名請於美政府向俄理論謂美國商民俄應接待何以歧異而肆限禁美外部已允行文矣又俄國亞洲屬地地廣人稀從前曾招猶太人居之允為保護業已安居樂業茲俄國亦已下令逐之出境云 因按地球各國無不存自私自利之見利之所在專之而已雖蒙不韙之名而不惜也英日荷三國屬地華人到者必抽身稅法人近亦效之英於新金山日於小呂宋均不願中國設領事尤不均平美國於華人雖准設領事不抽身稅而時

日記 卷十五

十一

時以限禁苦之均悖約章而存自私自利之見耳美拒歐洲之工人俄亦拒美國之猶太人并於猶太人之久隸俄籍在保護之列者亦羣驅之所謂信義者安在乎當今之世各國競事富強而富又為強之基故必專利而防他國之攘奪遂不免有畛域之心固出於不得已然因此而自乖信義豈王道哉

十五日 陰雨中後見日晴

巴西土產以茄非樹膠糖為大宗近巴西各茄非寮需工孔急緣以前所用黑奴待之無德自前巴西王下令赦黑奴後黑奴遂逃入山變為野人不願傭工於寮以致上年所產茄非無人摘收者近百萬包約虧銀八九百萬圓巴西政府因竭力招徠德義兩國

之民其應招而來者乃不願作工另謀生計茲聞巴西政府擬派使赴中國并設領事招工現有富商嘉賴爾由金山附船往中國擬招工數萬名載回巴西分撥各寮云 因按前此卡拿大輪船公司來謁言將為巴西國赴中國招工請為行文當路因答以入美籍之猶太人應巴西之招而往者困苦不堪因求美駐巴西領事為之措資載回美國此前鑒也嗣詢諸載回之人則謂巴西國之待工人至為苛虐所作之事如伐水掘土諸工最勞苦者每日工價不上銀二錢以給衣食尚不能敷然則此陷穽也焉可使吾民輕往乎該公司無言而去今觀黑人尙不能堪則巴西各寮實與祕魯相似上次船期已有所聞即達諸總理衙門矣

日記 卷十五

十三

十六日 晴

本年二月美水師部大臣以美國上下留心海軍僅此十年之間兵艦固按年加增而海軍人才惜未留心造就以致兵艦造成而開置船廠數月未駕駛既無以講習沙綫亦無以保護遠商亟宜設法儲才為第一著茲於四月初七日議定章程所有統帶兵艦出洋之員定期三年即當瓜代俾未帶艦出洋者得以出洋學習庶諳練之員日多海軍方為可恃云 因按海軍管駕機器諸職固有水師學堂教育之矣然欲其諳沙綫習風濤實非久於海船者不能也英之商船法之漁船其數皆甲於他國實備兵艦之所取材其人畢世以航海為事童而習之壯而行之不知其苦而常

覺其樂有不可一日離者真所謂少成若天性習慣成自然矣因生長山村見入山採藥爲業者其行削壁懸崖如履平地望者寒心而採藥者不以爲險值粵匪之亂見黑龍江馬隊之勦賊其人與馬一氣呵成進退周旋無不如志因嘗詢其顛搖之苦罄控之能彼則曰樂此不疲無所謂苦也從心所欲無所謂能也詢以所乘之馬儻爲槍礮所傷能步戰否彼則曰無馬則無命矣然則其人與馬固已合而爲一宜其善於馬戰也中國方興海軍而商船無出海者往來津滬不足爲大洋也閩浙津粵亦有漁船而少有度重洋者然則此項人材似宜早爲之計矣

十七日雨

日記

卷十五

十四

十三日香港來電言墨西哥國在中國招工現中國地方官已出示嚴禁俟中墨兩國有約後方准與辦以招工之事墨洲各國當其需工孔急始則恐華人之不來及見華人來者日多又欲驅華人而使去美國之事即前鑒也故嚴禁華人出洋云 因查從前美國甚惡黑人時時羣議驅逐自南北花旗之戰美廷立例准黑人入籍與操保舉總統議紳地方官之權遂無議驅逐者然則華人之不容於美乃以不入美籍自誤也美之官紳持正論者言埃利士黨之不安分過於華人而美國不言其惡一則由於入美籍一則由於英美有互交逃犯之約也因又查美與英法日三國均有互交逃犯之約近日美俄亦訂互交逃犯英國丹國均與美有

准客民入籍之約將來中墨立約似應於此二者訂明方少後患因又查泰西各國於入口之稅均可任意輕重非若中國之一成不變變則外國挾持之也中貨入美納入口之稅有過於成本者有值百抽六十者準以中國所收入口之稅幾至十倍二十倍此亦不可不先訂者此三者訂明後患必少庶幾中國可稍紓人滿之慮而外國可不效驅逐之尤如果華民出洋而身安中國地產之出口者必日多而銀錢之漏卮者必日少亦救時之一策焉

十八日大雨時止申後晴

梅律師來見言總統致意外部大臣葛禮山屬總察院長傅爾入見爲察院所判新例甚不謂然仍堅守前議緩行新例待開議院

日記

卷十五

十五

時再議又言墨西哥國似有振興之象其總統勤於政事凡於便民通商之政均實力講求於交涉之道力顧利源不願爲他國所奪其礦產向連美國煉者今則改爲自煉美國希卡果之會已派親信之員赴會詳考以資效法又言尼格拉<sub>中國</sub>內亂海防極嚴美國輪船名紐約者由巴拿馬赴金山途經該國哥林都海口停泊上落貨物搭客該國派員上船查驗有無接濟叛黨軍火適美國新派駐該國之使臣乘坐此船赴任亦不攔阻惟俟查畢然後登岸因謂美船主即聽其搜驗乎梅律師謂公法如此雖大國不能不遵且美國商船前實有干預他國戰事者此案美政府已按公法提該船主訊問治以違例之罪今正欲其查明免至違例



生事也談久辭去 因按此可以比例英人美生之案也此可以證英國辦理美生之案之不公也此可以見泰西各國之於亞洲有歧視之心而不照公法也憤何如之

十九日晴  
美國新成巡海快兵艦一艘命名紐約初八日水師部試驗每一時辰能行一百四十里為向來快船所未有查歐洲各國頭等戰艦外包厚甲內載巨礮形同水面礮臺笨重而不便捷但可守險難以攻戰以紐約快船當之雖不能對敵而其進退靈捷斷不致受損或被擄云 因查近二十年來泰西各國講求海軍其尚巨重者謂輕艦不能當大礮其尚靈捷者謂巨艦不能趨利便二者

日記 卷十五 十六

相詆實相濟也苟無巨礮何以破敵國之堅艇礮臺苟無輕艦何以擄敵船而奪險要二者不可偏廢兼收並蓄非至富之國不能惟英國兼而有之若不以鄙遠掠地為心而以完守入保為事則萬頓之礮似不如鐵甲礮臺而輔以快船水雷其事易為而其費亦省至於試驗船礮之法則須船廠礮廠之風氣日開日事講求自得其竅要古人所謂閉門造車出門合轍又謂百聞不如一見否則以膠柱鼓瑟之見而測月異日新之機未見其中肯也

二十日晴  
查祕魯出使各國公使隨員俸薪按年計之使英二等公使英銀二萬圓使法二等公使法銀二萬圓使美二等公使美銀一萬四

千圓三等公使一萬二千圓實任代辦使事一萬圓頭等參贊四千圓頭等參贊暫行代辦使事八千圓二等參贊二千圓二等參贊暫行代辦使事六千圓隨員一千二百圓以上係指出使英法美而言凡出使何國者即以何國銀計出使墨洲各國除美國外俸薪均給祕銀亦按使計二等公使一萬二千圓三等公使一萬圓實任代辦使事八千圓頭等參贊三千六百圓以上係指巴西智利墨西哥玻利斐亞四國而言除此四國外頭等參贊代辦使事六千圓頭等參贊三千圓二等參贊代辦使事五千圓二等參贊二千圓隨員一千二百圓武隨員則照在營所得之俸發給其次於隨員者亦照武隨員發給 因於美日兩國出使人員之俸

日記 卷十五 十七

已查記矣今又查明祕魯出使人員之俸而記之其中出使英法美三國公使得俸似優然多以代辦充則費亦減矣其他出使墨洲各國以祕銀計祕銀一千圓核以美銀尚不及六百圓則自公使至隨員其俸尤為減矣又查美日祕三國出使人員之俸以中國較之公使不甚相遠而參贊以下中國實較三國為優中國創辦之時較之今日尤優蓋當時未考各國章程故也

二十一日晴  
地球各國產煤油以俄美二國為最多俄國內地行船早以煤油代煤取其價廉而適用也惟遠涉重洋之船向未聞有以煤油代煤者本月有歐洲輪船一艘到美國之費城在途試用煤油實為

利便自此以後煤油又增一銷路矣 因按美國新以電氣行車進退使捷較馬爲速 因常見之此以電氣代馬力也聞瑞士國之火車改用電氣較用煤者尤速是以電氣代煤矣化學家謂火輪舟車將來可不用煤即以化學分水之淡氣代之是水氣亦可代煤矣煤油與煤同質用以代煤固意中事俄國煤油向不能比多於美近年竟至與美頡頏蓋凡物產於地而取之者實在乎人中國臺灣亦產煤油且聞甚旺探得其法使足給中國之用則美國之煤油自難入境或亦塞漏卮之一端乎

二十二日 兩時見日

赴梅律師處查各省華民事知尙安靖聞初十日橫濱來電言日

日記

卷十五

十八

本政府整頓軍務惟日孜孜近日調集國中陸隊似有戰事或疑日本意在與葡萄牙決裂以近日葡國駐日之員不肯約束本國商民以致葡民犯法屢次漏網習以爲常故日葡兩國齟齬日甚一日其實日本察看陸軍特以調動試其緩急可恃否耳 因按葡萄牙自稱爲大西洋國其方輿不及中國二百分之一其民數不及中國百分之一其商輪船不及二十號其歲入僅銀三百餘萬磅除交國債之息僅餘銀一百餘萬磅其陸軍僅三萬餘人其水師輪船僅二十餘號不知其所謂大者何所取義也或亞洲未遣使以前不能深悉其國之實在情形彼自以爲大者人亦以爲大歟或一百年以前英俄兩國壤地尙未極廣民數尙未甚多故

不致相形見小歟因嘗詳考其國債皆貸自近百年之中然則一百年前該國雖不爲大而尙不爲貧今則貧弱交迫借貸無門至於露地日本深知其國勢故不受其牽制而與齟齬亦所謂識時務者也 因料葡萄牙之無能爲也 戌初外部來文訂於二十三日午正赴衙門商事

二十三日晴

午初借繙譯赴外部衙門英法公使均已見現見者爲瑞士公使因於午正見面葛禮山言費城地方官援一千八百八十四年例於近日華人之由卡拿大潛入境者拘五人訊問此不過應故事而已因答以昨已聞之此五人者實非潛越入境已屬梅律師先

日記

卷十五

十九

問戶部亦擬商之費大臣葛禮山曰果非潛入境者必不多事中國美商尙相安否因曰我政府既任保護必不失信尙望貴大臣克踐前言葛禮山答以自應踐言然證諸近日見聞似亦可相信矣因謝之遂辭出卽至梅律師處詳述之律師允往見戶部并言近日華盛頓省關吏查出域多利輪船名海代者常私載華人及洋藥由卡拿大偷入美境訊出上年十二月十六號曾運入煙膏值一萬圓華人八十五名今正九號運入煙膏值一萬八千圓華人三十三名二十四號運入煙膏值銀三萬圓華人五十六名二月十七號運入煙膏值四千圓華人十七名關吏已將該船扣留矣

二十四日晴

美國駐墨西哥之公使黎安現已瓜代回美言墨國礦產五金地土膏腴實為富強之基如得其人可以立起貧弱墨國土產牛運入美銷售其入口貨則美國較他國為多美墨如立報施之約美國可奪他國入口之利而墨國亦有益云 因觀美使之言知使者之所事事也其所駐之國在墨則考究其礦之多寡地之肥磽墨與美毗連則考究其入口出口之貨物如美國之土產入墨難銷於墨則必思所以調劑之如墨國之土產入美有礙於美則必思所以限制之今見美貨之入墨者較他國為至多則思與墨立報施之約報施之約成則他國之貨入墨尤少美國之貨入墨更

日記 卷十五

二十一

多可以奪他國之利而自專其利此皆利己賤人之見也然為本國謀者固應如是也

二十五日晴

美廷以萬亞洲及南墨洲之商民時遭不測亟需保護因定造小兵艦容一千二百噸者三艘為駛行內江之用不日與工共一艘以鋼作船身其二艘以木板作船身外以銅皮包裹緣美水師部驗得銅底之船入水未久即有海蟲附著於底積厚則船行遂遲不如銅底之無垢而行速而銅底又苦價貴故不全用銅而用銅表木裏其價適與鋼等云 因謹按周禮冬官言智者創物創誠未易言也泰西之創輪船近百年矣其初創數十年猶不適於用

也兵船之鐵甲亦屢更改鐵甲易而為鋼甲鋼甲易而為康邦康邦今又易為白鐵 卽尼克爾求其堅而又堅也昔中國向德國船廠所造兵船英廠詆之其實製造之理精益求精欲其毫髮無憾必不能也海蟲附著船底減行船之速力十年前已聞之當時謂有一種藥物抹於鋼面可以却之今久不聞用豈其用之而不效歟然則事非親歷誠未易言也

二十六日晴 腹痛

倫敦來電言法國加兵於暹羅肆其蠶食初意以為不血刃而可得地先聲所至暹羅自然降服不料屢次接仗法人不敵暹羅而屢敗遂疑英國私助暹羅前此法駐英使開缺回法以後至今尙

日記 卷十五

二十一

未派使云 因謹按越南緬甸暹羅三國毗連而緬甸暹羅又外與印度毗連自法取越南英取緬甸而暹羅岌岌惟暹羅向結好於英故英遲遲未忍滅之法亦以暹羅親英之故而未敢遽滅之查地球小國本有藉大國牽制而存者如檀香山則英與美相牽制比利時則德與法相牽制摩洛哥則英法義日四國相牽制波斯阿富汗則英與俄相牽制土耳其則歐洲各大國合而與俄相牽制其不亡者以此也今法人垂涎暹羅內江之地英恐其全折入於法必踵緬甸之故智即不滅亡暹羅斷難自主矣

二十七日晴

日斯巴尼亞近年查點民數計男八百六十萬七千名女八百九

十四萬三千口共十七兆五十萬人現在未見增加也高居日國之客民約三萬五千人日國兵額無事時計十一萬五千人有事可增至一百零八萬三千人內有撥各屬駐防者四之一男子過二十歲例當兵三年以後有戰事仍應募水軍八千五百三十人水手一萬四千人云 因查日國十年前民數僅十六兆此十年中增一兆矣土非甚廣也民非甚多也從前查理第五稱霸者何也豈得人而興歟抑發憤為雄歟墨洲之地係日國所開闢豈勤遠略歟惜其兵力不足以守之而為強國所攘奪則因本國之勢不盛如樹之根柢不深者其枝葉不能暢茂也現英國之勢頗似日國之前共三島之地褊小與日地相似而海軍之強則大過之

日

記

卷十五

二十二

就日之往事以論英然則英之盛衰當視海軍之盛衰為消息乎二十八日晴

美報言日斯巴尼亞今為君政之國然光緒七八年間曾舉開士達拉為總統越二年而退位今其人尚存為日國所重然年已老邁無志富貴矣 因查日斯巴尼亞遵依薩伯拉之變求義國王子為君旋告退而國人公舉開士達拉為總統爭戰頻年仍改君主此前事也地球各國制度不一瑞士國竟不設總統此真民政也法國君政民政時時變更墨洲向惟巴西一國非民政今巴西亦改章則皆民政矣合而論之各國君政民政雖異而設議院則無異惟亞洲之國向無議院日本新設議院章程未備人情未習

頗有囂張之氣其弊有甚於法然議院之道下情同衆欲雖小疵而實大醇也

二十九日晴

葡萄牙以本年量入為出不敷銀一千七百五十萬圓擬由議院定增稅則凡一切日用之物無有不增凡本國及他國商民在境內所設之大小銀行公司均按所獲之利照一千八百九十一年稅則再加一倍征收凡嬰職承產人等及房飯飲食所需無有不加以期彌補云 因查歐洲各國稅歛之重中國數千年來所未見也葡國所定稅章之苛又歐洲數十國中所未見也其本國不亂者何也則議院之力也議院通上下之情如極貧之家鬻子女

日

記

卷十五

二十三

典衣服并日以食而不怨者其情通也其他國不爭者何也則公法所准行也稅則為內政自主之國應自主之非他國所能干預也或曰不慮其病商病民乎不知商有病而無利則公司可以不設貨物可以不來其進退綽有餘裕也地球之上凡強大之國皆以商務賸削小國如中國之所謂盤剝故富者愈富而貧者愈貧尚幸有稅則以調劑之如稅則之權不自操則茫無把握矣可畏哉

五月初一日晴

義公使新作為頭等公使因往道喜又赴巴西專辦公使祕魯參贊處答拜聞英國以麻六甲國殺斃英人一名勒令賠卹麻六甲

國主久未照覆英人將下哀的美敦書限以二日不覆則用兵云  
 因查麻六甲為亞洲南洋小國華人流寓甚多久已歸英保護  
 矣顧法人保護越南而旋滅之英人保護緬甸亦旋滅之泰西所  
 謂保護者猶云係我之所有而管攝者也而保護之地與藩屬又  
 不同藩屬之地則由我設官以治其民保護之地仍由本國之君  
 治其民而我得管攝其國事故泰西各國不以越南琉球緬甸暹  
 羅為中國屬土者此也麻六甲已歸英人保護英之滅之如發蒙  
 振落列為屬地則與印度治法相同聞廓爾喀亦已歸英保護不  
 及二十年其將與緬甸越南同亡乎

初二日晴

日記

卷十五

二十四

英國兵籍一千八百九十二年可用之兵共二十一萬三千五百  
 四十人內馬兵一萬九千七百零五人礮兵三隊一為馬隊三千  
 七百四十人一為平原隊一萬四千三百零八人一為山隊一千  
 二百七十七人駐守要隘之兵一萬六千五百三十六人工匠隊  
 七千四百五十八人侍衛隊五千九百四十九人行伍步兵十三  
 萬三千一百零十人外藩隊四千三百八十七人運糧隊三千四  
 百九十二人軍火隊八百十三人兵衣隊三百七十七人醫藥隊二  
 千四百三十二人武職大員七千六百五十三人小員一萬三千  
 三百三十一人以上兵隊駐英者十萬六千一百十五人駐各屬  
 地與埃及者三萬四千二百四十人駐印度者七萬三千一百八

十五人兵之年歲在十七以下者一千三百零三人在十八十九  
 之閒者過半在二十以上者不及三之一云 因嘗聞德國陸兵  
 天下莫強其法令民年十六以上者當兵三年然後各事其業仍  
 備調遣此通國皆兵也其兵制則當兵者之年齒必年十六以外  
 四十以內過四十者則除其名卽有精力尙強行伍諸習者再展  
 五年但至年四十五雖精力可用亦不用矣今觀英國兵制亦與  
 德同戈登嘗言當兵之士必能浹旬不眠并日而食而不疲病此  
 非少壯者萬萬不能中國營規老病者多充數似宜以此矯之

初三日陰小雨

日記

卷十五

二十五

查本年各國駐美使員人數英國頭等公使一員有室參贊二員  
 水師隨員一員法國頭等公使一員參贊二員武弁一員文案一  
 員義國頭等公使一員有室參贊一員隨員一員墨國二等公使  
 一員有室參贊二員隨員一員武弁一員和國二等公使一員士  
 耳共二等公使一員參贊一員奧國二等公使一員謀士一員尼  
 格拉國二等公使一員有室參贊一員可倫比國二等公使一員  
 有室參贊一員朝鮮代辦一員瑞士二等公使一員參贊一員隨  
 員一員比國二等公使一員隨員一員葡國二等公使一員參贊  
 一員瑞典二等公使一員參贊一員丹國二等公使一員有室日  
 本二等公使一員有室參贊一員謀士一員水師隨員一員武弁  
 一員巴西二等公使一員有室參贊二員考究博學專使一員有

室參贊二員德國頭等公使一員參贊一員考究博學隨員一員  
文案正副各一員夏威仁國二等公使一員威內薩國二等公使  
一員有室參贊一員隨員一員俄國二等公使一員參贊二員海  
代國二等公使一員參贊一員祕魯國二等公使一員參贊一員  
隨員一員日國二等公使一員參贊二員隨員一員武弁一員巴  
拉圭國二等公使一員哥斯答力愛國二等專使一員有室阿鎮  
丹國代辦一員有室智利國代辦一員隨員一員

初四日晴 小女得疾甚劇以橘紅薑蔥汁灌之而甦

考地球各國所派出使駐美人員全備於是英俄德法奧義歐洲  
六大國而多者不過五員少者僅止二員亞洲之國如朝鮮日本

日記

卷十五

二十六

朝鮮僅代辦使事一員日本則五員墨洲之智利阿鎮丹二國皆  
派員代辦使事僅一二員統計地球派使各國中國而外共二十  
八國使館人員無有過五員者志之以備參考

初五日晴

是日設醮 四月十七日丹國來電言丹國與德國接壤從前兩  
國構兵丹敗遂割列司威克省與德以和計二十餘年矣此省民  
人至今不忘丹國近日聚眾公議欲背德國而復隸丹國云 因

查丹國民數十八兆入欸銀一千萬餘兩陸兵三萬八千餘員名  
兵船三十餘號馬力無及一千匹者蓋小弱之國也自與德構兵  
不勝而割地以和所割之地并都城而棄之蓋其國勢之難振與

土耳其共同而又甚焉近年所以不遽削亡者以俄君之后為丹主  
之女俄不覬覦而德亦不便侵佔以防與俄齟齬也民思故國固  
足見其純良然琉球越南之民豈一日忘中國即上年阿洲被夷  
之國太平洋被佔之島其上下均不甘心所無可如何者兵力之  
細耳傷哉

初六日晴

義國政府擬為為國出力之兵丁受傷而不能力食者籌欸給其  
衣食俾終餘年議紳以本國入不敷出此項養贍之費非八千萬  
佛郎不敷事遂未成云 因查美國養贍殘兵有房屋有園池歲  
費銀一萬八千萬圓較之義國所籌逾十一倍而按年取給焉則

日記

卷十五

二十七

二國之貧富相懸可見矣近日戰事非復古時未戰之先而籌攻  
守鐵艦之費礮臺之費槍礮火藥之費水陸糧餉之費均以百千  
萬計非貧弱者所能籌也既戰之後而籌養贍如美則按年需銀  
一萬八千萬圓歐洲諸國舍英法德俄四國無能籌此鉅欸者矣  
即如義國亦需銀一千六百萬圓舍二等之國其他亦不易籌然  
則處今日之勢富強者恣其所欲貧弱者坐以待亡欲如周禮之  
大小相維豈可得哉

初七日晴

查現在美國辦事處自總統以至各衙門人數總統處正副參贊  
各一員文案二員書辦四員上議院紳八十八員參贊一員教士

一員總辦一員文案二員書辦十員下議院紳三百三十二員教士一員總辦一員書辦一員外部大臣一員副外部三員律師一員總辦一員管理出使事務官一員管理領事事務官一員繙譯一員內部大臣一員副內部二員總辦一員書辦七員戶部大臣一員副戶部三員總辦一員幫辦一員書辦五員稅務總專員一員幫辦一員書辦四員派往各埠專員二十五員看驗各稅關專員五十一員派往巴拿馬看驗專員十一員華人禁例事看驗官二十七員兵部大臣一員副兵部一員總辦一員書辦四十六員水師部大臣一員副水師部一員總辦一員書辦十六員郵政大臣一員副郵政三員總辦一員律政大臣一員總狀師一員

日記 卷十五

二十八

員副律政部四員幫律司六員總辦一員總委員一員律務書辦二員赦犯事務書辦一員又書辦十四員農部大臣一員副農部一員參贊一員總辦一員書辦二十三員總察院衙門首領一員總察院八員書辦一員錢債衙門總察院一員察院三員總辦一員幫辦一員書辦三員

初八日晴

又查美國出使各國人員數目出使中國公使一員參贊二員繙譯一員總領事一員領事八員使英公使一員參贊二員總領事六員領事七十三員商董二十二員使法公使一員參贊二員總領事一員領事十五員商董八員使德公使一員參贊二員總領

事二員領事二十員商董四員使俄公使一員參贊二員總領事一員領事五員使奧公使一員參贊一員總領事一員領事三員商董一員使義公使一員參贊一員總領事一員領事十員商董一員使日公使一員參贊一員總領事一員領事十五員商董六員使和公使一員領事七員使比公使一員領事四員使日本公使一員參贊二員繙譯一員總領事一員領事二員商董一員使朝鮮三等公使兼總領事一員參贊一員使祕公使一員參贊一員領事一員使葡三等公使兼總領事一員領事四員商董一員使暹羅三等公使一員使瑞典公使一員領事四員使瑞士公使一員領事五員使墨公使一員參贊一員總領事二員領事十七員

日記 卷十五

二十九

員使巴西公使一員參贊一員總領事一員領事五員使丹公使一員領事二員使夏威仁公使一員總領事一員此外遣使尚有二十二國非中國所注意者不載

初九日晴

美國開闢僅四百年而富甲於地球因嘗至其議院觀其議政而知其簡也今又考其內治外治之迹則各部衙門堂官三十二人總辦以下如中國之郎中員外主事一百四十三人書辦一百三十一人如是而已遣使共四十三國所設之官僅三百三十員者其設官之權衡而知其注意於商務并知其注意於行銷本國之土產商務之盛以英法德義日為最所設領事至一百四十四員

墨西哥雖小國而與美毗連美之土產易於運出其公使參贊僅各一員而領事多至十九員可知其用意之所在矣亞細亞洲中國最大行銷煤油洋布麵粉最多故公使以外參贊繙譯僅三員而領事多至九員俄雖為大國而本國自產煤油麵粉遣使而外所設領事尚不如中國之多若朝鮮若暹羅則皆以三等公使兼領事朝鮮僅二員暹羅竟一員以其地小而美國之土產不足以行銷也至於葡萄牙則亦以三等公使兼領事美國設三等公使者共五國曰葡萄牙曰朝鮮曰暹羅曰海帶曰列伯里朝鮮為中落暹羅不能自主海帶列伯里民數不滿一兆入款不過五十萬磅比而論之而葡萄牙之國勢可知矣 因嘗謂葡萄牙為貧弱

日記 卷十五

三十

今證以美之遣使而益有徵又各國之遣使駐美者其法為頭等公使有參贊三員而無隨員俄有兩參贊亦無隨員日國亦兩參贊德國義國參贊皆一員奧國竟無參贊公使之外僅謀士一人又地球各國之遣使均無所謂副使者今因考究而始知之

初十日晴

亞洲內地俄屬西達地阿省之他時干地方上年所產棉花多而且美保蘭省布商在該處購辦棉花十八萬石又俄國東南各省所產煤油近年運出愈推愈廣獲利愈鉅今俄與法商俄國願減法國貨物六十種之稅法國願減俄國煤油入口之稅已成議云因聞埃及種棉得法所出之花已美俄國種棉以前尚不得法

今亦漸精可分美國之利亦猶印度之茶法義之絲舉中國者奪中國之利矣煤油之利向為美國所獨近十年來俄產日多居然抗衡信乎人力可用而風氣宜開也至於彼此訂稅以期土產之行銷皆為防本國貨物之棄於地源之奪於人地球各國共所以謀國者大抵如斯而未有不如斯者矣

十一日晴移居樓下北房

上月十八日倫敦來電言歐洲大國分為兩盟戰守相助其餘小國各有所附惟英國處局外而獨立有識者論時度勢咸謂英國陰向德奧義而不與俄法但未顯露痕迹昨議院有以此意詢諸外部者外部並不明言但謂英與德奧義三國交涉之事共見共

日記 卷十五

三十一

聞云耳 因按英皇以保歐洲昇平為念久已聞之若英向俄法而不與德奧義是使歐洲各國無一日得昇平也俄并奧而法并德俄法將強於英英介兩強之間是英亦不得昇平也今英不與俄法俄法有所憚而不開釁於德奧義英向德奧義必不憚德奧義以開釁於俄法則各大國無敢為戎首者而大局昇平矣惜乎日本之不知此意也歐洲各國方合志以廢創亞洲所立之約均與公法相違日本不與中國為輔車相依之計而為同室操戈之謀誠莫解其意之所在矣

十二日晴五更雷雨天明雨止

巴黎來電言歐洲各國二十年前兵額過百萬者惟德俄法三國



今奧義土亦然現各國有戰事時德能集兵五百萬人法能集兵四百三十五萬人俄能集兵四百萬人義二百二十三萬六千人奧一百九十萬人土耳其一百十五萬人英重水軍而輕陸軍僅六十萬二千人此外各國能出數十萬人者尙多較之二十年前已三倍云 因查德法兩國之民僅八千萬婦女居半老幼居四之一精壯男丁度無過二千萬人矣而當兵者近一千萬人此亦振古未有之創局也顧德法之國勢實處不得不然德介法俄而法介英德故也土耳其於十年前俄兵壓境國雖不亡而版圖之爲各國分裂者過半懲前毖後故亦勉力增兵爲防俄計如早籌之則無削地之事惜其亡羊而後補牢也中國民數極多集兵數

日記 卷十五

三十一

如德法二國之額易於反手然而餉無可籌則商務未興之故也十三日晴夜雨

英屬澳大利奧各省分治稅則未能畫一茲各省官紳會議內地貨物彼此往來均不納稅惟外來貨物則照各省議定之稅則納稅又義國近年大旱五穀歉收有建議減稅以招徠五穀入口者政府以入款不充未允倫敦來電云美與巴西訂立報施之約巴西准美國之布入口免稅查美國所織之布向不如英之細故英布易銷乃自免稅後美布價賤於英英布遂難銷售云 因卽今日所見聞者比而論之一言以蔽之曰皆注意入口之稅與土產之銷而已澳洲免內地之稅者注意入口之稅也義國不以歲款

而招徠五穀者注意入口之稅也但不恤民飢未免財聚民散然上年俄之歲款已如斯矣英電所言則注意土產之銷而恨其爲美所攘奪也巴西免美布入口之稅美國於巴西入口之貨亦必有免稅者所謂報施也惟英電祇爲英布之難售立言故不暇牽及耳

十四日陰

上月二十四日柏林來電言奧國外部宣言本國政府現有與俄復修舊好之意德國官紳聞之謂奧之詐虞不足恃不如卽與絕交與日國瑞士國聯絡查奧雖爲歐洲大國而民種紛雜不和故外與德聯盟而民之附俄者仍不少奧君亦無可如何本月十二

日記 卷十五

三十三

日又聞德奧之交近日益離奧君亦漸露痕迹云 因聞此而歎曰怨毒之於人甚矣哉二十年前德國伐奧奧敗而割地以和共時德奧勢均力敵城下之盟非所甘也迨德法構兵俄以重兵壓奧境奧雖欲助法報德而力不能至德挫法而霸歐洲共勢已盛奧自問難與角勝不如親之以息事甯人然舊怨終未釋也今法之元氣已復而又與俄聯盟奧附俄則俄強而德義兩國之力決不能與俄法奧三國抗衡歐洲其將有戰事乎

十五日陰

上月二十七日巴黎來電言德奧兩國政府近日不惜巨款將所用之槍改造以求格外便利茲法國亦擬改變擬撥款一萬佛郎

云初五日美國官廠新成大礮一尊可在水中施放暗擊敵艦之  
底上年所成者試驗尙未盡善此次係加工改造者較爲合用擬  
卽日在紐鉢埠試驗云 因觀歐洲大局軍務日亟戰具亦日新  
昔之師行日數十里者今以鐵路調兵日行數千里矣昔之用刀  
矛弓矢者今一概易而爲槍礮矣匪特此已也德國以氣毬偵俄  
營之虛實俄亦擬以氣毬拒之過此以往將有以氣毬合戰者矣  
法日兩國已創水底行船美國現亦興造然不過爲施放水雷計  
也今乃創水底施放之礮夫水有阻力礮彈之行將控泥帶水而  
前豈能迅速豈能及遠卽中敵船又豈能深入是必有善法避此  
數端然後可用也陸戰用氣毬是陸軍不必交鋒於地面水戰用

日

記

卷十五

二十四

泗船是水軍不必交鋒於水面鬪智炫奇而民生之禍亟矣

十六日 陰時小雨

又柏林來電言德國事勢以添兵爲至計因其地介法俄兩國素  
好多事又無高山巨浸之天險開隔敵人可以長驅直入兩面夾  
攻德國雖強安能首尾兼顧且法國與德毗連之一面礮臺相接  
鐵路相聯地底電綫暗通消息若兩國構兵德國卽勝亦不能闖  
入法國內地以法之礮臺足以扼要堅守也俄國與德毗連之地  
雖不若法國礮臺之多然其重兵藉布鐵路四通一旦有事可以  
立刻調集兵將數十萬人越過德界是以德國熟籌形勢不敢粉  
飾宴安惟有朝夕淬厲選將練兵以防敵國兼并云 因嘗讀易

傳云危者安其位者也亡者保其存者也亂者有其治者也夫差  
之亡亡於盟晉勝越之後後唐之敗敗於繫燕函梁之終所謂宴  
安酖毒也士會慮楚人之乘我卒以全軍相如防澗池之劫盟卒  
以全趙所謂有備無患也綜觀今日事局地球各國搶攘之勢迥  
古所無名爲陸鄰實則同隙稍與欵洽則肆要求偶有齟齬則肆  
迫脅今日遣使明日可以絕交此種狡獪惟不敢施於英俄德法  
四邦其餘均所難免愈弱之國愈不能免惟德國所處之地爲最  
難幸其兵力尙強足以杜敵人之窺伺耳

十七日陰

謁梅律師於公事房遇上議院紳可六言今年開議院現已定議

甲

記

卷十五

二十五

提早於西歷九月四號卽中國之七月二十四日也中美交涉之  
事華人領照之例當再議矣因謝之又言俄將謁巴美兒地方前  
英員之往探者被俄將領驅逐經英政府詰問俄廷雖將該將領  
撤回而俄主召見該將領特深嘉其膽識俄與英議願撤兵出巴  
美兒境地與英派員會清地界而聞俄兵實仍駐巴美兒境地且  
築礮臺英已派員赴巴美兒驗其虛實俄人之言殊不可信中國  
似宜設備因答曰中國已調兵赴該處矣談久而別 因按論地  
球大勢則英法之鯨吞小國可畏論歐洲大勢則俄人之蠶食鄰  
國可畏論亞洲大勢則俄英法三國之逼近環伺尤可畏蓋俄人  
犯歐洲英人必拒之且必合德奧諸國以拒之俄人無能爲也亞

洲之勢則不然東三省新疆與俄接壤西藏雲南與英接壤廣西與法接壤一國發難則兩國坐視此必然之勢矣且非惟坐視也乘我之急以收漁人之利此可預知者矣為今之計惟有興鐵路以合南北之勢增船塢以固水陸之防無可緩也

十八日晴時見雨點

日國向來入不敷出聞其首相進盤籌畫開源節流居然取給當即函屬駐日代辦使事查其節目今始寄到亟為錄出計共入款一收旧房牲畜稅銀上年三千二百四十九萬七千五百四十八圓本年短收銀一百五十五萬七千五百四十八圓此項短收之故係由該三項俱係按所出之款以輸稅課目下酒價房值俱形

日記 卷十五

三十六

低落又兼牧場被旱牲畜養較難也一收貿易稅銀上年八百二十七萬一千二百七十圓本年長收銀五十二萬八千七百三十圓此項長收之故係由前被蒙混今則核實也一收承業稅銀上年八百一十六萬零七十五圓今年短收銀四十萬零七十五圓一收新封及承襲爵秩稅銀上年一十六萬圓本年同一收人稅銀<sub>即身</sub>上年一百八十萬圓今年長收銀一十萬圓此項長收之故係由將數省人稅包與人承收故盈於國家自征之數也一收俸稅銀上年三百八十萬圓今年長收銀八十萬圓此項長收之故係由按俸薪之大小而遞加稅項也一收支出官款城款稅銀上年一百三十七萬四千八百七十三圓今年短收銀一十三

萬四千一百七十三圓此項短收之故係由納俸稅者免輸此稅也一收施與教堂尼院財產稅銀上年六十萬圓今年長收銀六萬八千八百圓一收私家馬車稅銀上年無今年長收銀二十萬圓此項前經裁免茲復征也一收斐士加亞等四省包稅銀上年一百三十二萬五千一百九十五圓今年長收銀四十萬圓此項長收之故係由約定如他省稅款加增該省等亦應將包解之稅照加也一收進口稅銀上年一千八百八十萬圓今年長收銀三十萬圓此項長收之故係由稅則新增也一收出口稅銀上年二千圓今年長收銀一十九萬八千圓此項長收之故係由稅則新增也一收上貨稅銀上年九十萬圓今年長收銀四萬圓一收下

日記 卷十五

三十七

貨稅銀上年七十萬圓今年同一收搭客稅銀上年五萬圓今年同一收關口查驗貨物粘貼標記費及馬頭捐銀一十四萬圓今年同一收進口船隻檢疫費銀上年二萬二千圓今年短收銀二千圓一收罰款銀上年一十四萬圓今年短收銀二萬圓一收常欠關稅之息銀上年三千圓今年短收銀二百圓

十九日陰

梅律師來見 一收住各國商民人等所捐之領事經費銀上年四十六萬五千四百圓今年長收銀一萬五千四百圓一收城稅銀上年一千五百七十四萬八千二百一十九圓今年短收銀七十四萬八千二百一十九圓此項短收之故係由日用之物稅課

較前稍減也一收烈酒加稅銀上年一百五十九萬三千七百六十一圓今年短收銀五十九萬三千七百六十一圓此項短收之故係由各商知稅則將增而先期多運進口也一收糖稅銀上年四百五十萬圓今年短收銀四十萬圓查此項糖斤多係運自古巴前此統列屬地進口貨內嗣與本國糖寮稅項專作一欸本屆之所以短收者亦由於稅課未加之先運來頗多也一收火車捐銀上年二百四十萬圓今年長收銀一十萬圓一收土單進欸銀上年一千零二十八萬四百六十圓今年短收銀六十二萬四百六十圓查土單一項新例無論何項約據均須粘用而收數反較前稍減者一由生意淡薄一由事多而訂不動紙墨也一收紙牌

日 記 卷十五 三十八

稅銀 上年無今年長收銀一十六萬圓一收售賣火藥稅銀 上年無今年長收銀八萬圓一收土巴姑公司租欸銀上年一千八百七十二萬圓今年長收銀四十八萬圓此項長收之故係由吸食者多而銷數較旺也一收火柴公司租欸銀 上年八十萬圓今年長收銀五萬圓一收彩票進欸銀 上年四百八十萬圓今年長收銀六十萬圓此項長收之故係由彩票增添也一收鑛銀局羨餘銀上年六十萬圓今年短收銀四十萬圓此項短收之故係由上屆羨餘銀太多本屆須酌減也一收代滙本國各處零欸滙費銀上年八萬圓今年同一收官報進欸銀上年八萬圓今年長收銀一萬圓一收各國信局攤派信資銀

上年三萬二千圓今年長收銀八千圓一收各國電局攤派電費暨新設德律風進欸銀上年九萬圓今年長收銀一萬圓一收售賣犯人所製之物進欸銀上年二萬八千圓今年同一收陀乃非愛喝鹽場進欸銀上年三十萬圓今年長收銀一十五萬圓此項長收之故係由將該場包與人承辦也一收阿馬丹水銀礦進欸銀上年一百七十二萬圓今年短收銀三十二萬圓此項短收之故係由水銀價低落也一收利拿來鉛礦進欸銀上年四十萬圓今年短收銀七萬圓此項短收之故亦由鉛價低落也 二十日晴

日 記 卷十五 三十九

一收加來尼亞島海口稅銀上年九萬圓今年同一收官產租欸銀上年五萬圓今年短收銀二萬二千圓一收河稅銀上年二十萬圓今年長收銀四萬圓一收售賣官家樹木進欸銀上年二萬圓今年同一收收回之官產進欸銀上年五千圓今年同一收收回之教產進欸銀上年三萬二千圓今年短收銀三千圓一收捐免禁止禁日食葷照費銀上年五十三萬四千圓今年短收銀九千圓一收鐵路公司繳監察經費銀上年二十四萬二千五百六十圓今年長收銀二千二百四十圓一收負欠官欸之息銀上年五萬圓今年短收銀八千圓一收各省認捐看路經費銀上年二十萬五千六百圓今年長收銀二萬七千二百圓一收各省認捐學校經費銀上年四十萬圓今年短收銀二萬圓一收官權量進

款銀<sup>立係</sup>上年無今年長收銀五萬圓一收半成城稅加款銀上  
 年無今年長收銀二十萬圓此項加款向山府尹征收茲山國家  
 征收是以提取半成也一收施與教堂等產業一成進款銀上年  
 一萬七千圓今年無一收收回之書院產業進款銀上年二萬圓  
 今年長收銀一萬六千圓一收公地二成租款銀上年七萬零二  
 百圓今年短收銀二千圓一收林場一成租款銀上年無今年長  
 收銀四千圓一收押款進項銀上年一萬五千零五十圓今年短  
 收銀二百七十四圓一收樂助官書局款項銀上年一萬四千五  
 百圓今年短收銀九千一百圓一收售賣官產分年呈繳價銀上  
 年一百二十六萬八千四百圓今年短收銀一百五萬八千四百  
 圓

日 記 卷十五 四十

圓一收售賣水師廢棄之物進款銀上年二十萬圓今年無一收  
 賜產贖款銀上年六萬圓今年同所有賜而未經收回之產皆例  
 之一收售賣雜物進款銀上年二萬圓今年無一收捐免富兵進  
 款銀上年一百八十六萬圓今年同一收舊欠官款銀上年三十  
 六萬圓今年同一收官棧棧租銀上年一萬九千圓今年長收銀  
 一千圓一收溢收各款銀上年一十六萬圓今年同一收官款存  
 息及折扣銀上年九萬五千圓今年短收銀一千圓一收屬地貨  
 物稅項銀上年二百二十萬圓今年短收銀一十萬圓總結一千  
 八百九十二至九十三分計收銀一萬四千九百五十九萬二  
 千一百一十一元一千八百九十三年至九十四分計收銀一萬

四千七百四十九萬五千二百七十一圓短收之款計銀六百七  
 十三萬六千二百一十圓除以長收之四百六十三萬九千三百  
 七十元相抵外仍較上屆短收銀二百零九萬六千八百四十圓  
 二十一日晴是日為西歷七月四號乃美國改為民政之日  
 計共出款一宗室項下上年計銀一百九十萬圓本年節省銀二  
 十萬圓此項節省之故係由攝政君后自願將王俸裁減也一國  
 債項下正債息銀上年五千四百五十四萬三千一百六十三圓  
 本年節省銀二萬七千七百七十一圓浮債息銀上年三百六十  
 一萬七千五百一十六圓本年多用銀三百六十七萬九千九百  
 零四圓一上年不敷銀一百二十圓本年多用銀三萬一千圓一

日 記 卷十五 四十一

上下議院項下上年計銀三十四萬四千八百五十二圓本年節  
 省之數尚未議定一津貼收回賜產項下上年計銀四十萬四千  
 六百四十一元本年節省銀四萬一千一百九十五圓一恩俸項  
 下上年計銀一千零九十五萬零二百四十圓本年節省銀二萬  
 零二百四十圓首相衙門項下一本衙門暨軍機處等經費銀上  
 年一十九萬五千六百一十圓本年節省銀八萬零二百六十圓  
 一舉行閣龍會經費銀上年二十四萬圓本年無外部衙門項下  
 一本衙門人員俸薪銀上年八萬六千三百圓本年節省銀四千  
 圓一本衙門雜用銀上年一萬六千六百九十三元本年同一出  
 使人員俸薪及公費銀上年四十六萬二千九百八十五圓本年

節省銀三萬零七百九十五圓此項節省之故係由裁減駐德之漢伯格駐南美洲阿鎮丹國之坡愛羅士崖乃士駐奧之特立士特駐比利時之安特沃卜駐美之紐饒林及紐約駐阿非利加洲屬法之亞及利亞之亞及愛士駐法之包朶及馬賽駐英之直布羅陀及立弗埠及倫敦駐葡之立士本都名領事署公費銀六千三百零五圓裁撤駐荷蘭之使署以駐比利時公使兼使荷蘭銀五千五百七十圓裁撤駐義大利使署二等參贊銀一千五百七十圓改駐瑞士之二等公使為三等公使銀五百圓改駐墨老哥二等公使為三等公使銀五百圓裁減各使署公費銀四千五百一十五圓裁撤駐義大利之克立亞立駐中美洲薩法島國之森非生太駐

日 記 卷十五 四十二

德之丹督克駐土耳其之康士旦丁羅卜爾都駐美之查士登駐之海立非格士駐義大利之乃港駐法之陀羅士等領事署銀一萬四千一百三十五圓降駐中美洲夸的馬拉國之森唐姆士法之梅揚等領事署銀一千圓共銀三萬四千零九十五圓除加駐磨洛哥使署繙譯銀二百圓及設駐阿非利加洲之三習把領事與英國議定設經費三千一百圓淨共節省銀三萬七千九百十五圓一出使人員房租等費銀上年七萬四千九百九十五圓本年節省銀四千七百六十圓一出使人員川資電費信資新聞紙費以及修理官房資助在外國之日國難民等費銀上年一十八萬四千四百七十圓本年節省銀一萬七千五百圓

二十二日晴

一 教法院經費銀上年三萬圓本年同一津貼者羅色難教會銀上年七千二百五十圓本年同一津貼在外國之教堂書塾暨教士川費銀上年一十一萬二千三百九十圓本年同一上屆不敷銀一萬九千七百九十九圓本年無刑部衙門項下一本衙門人員俸薪銀上年一十二萬一千七百八十圓本年節省銀三萬一千八百三十圓此項節省之故係由裁減人員也一本衙門雜用銀上年二萬七千六百九十四圓本年節省銀九千零九十四圓一各省刑司俸薪銀上年一百二十一萬一千八百八十七圓本年節省銀四十二萬七千三百一十五圓此項節省之故係由裁併刑署也一各縣刑司俸薪銀上年五十四萬六千一百八十六圓本年多用銀一十六萬九百一十四元此項多用之故係由添派人員巡按地方也一各刑署雜用銀上年九萬一千四百四十九員本年節省銀二萬九千七百六十四圓一看監人員等俸薪銀上年九萬四千九百二十四圓本年節省銀一萬四千六百圓一監獄雜用銀上年五十五萬九千六百二十圓本年節省銀七萬八千九百二十圓此項節省之故係由裁減犯人食用等費也一監獄印書等雜費銀上年三萬八千四百二十一圓本年節省銀二萬圓一官房修理費在外國與訟費用以及一切雜用銀上年二十二萬六千圓本年節省銀一十六萬六千圓此項節省之

日 記 卷十五 四十三

故係由裁革給見證人之費也教堂項下一教士等俸薪銀上年五百八十八萬五千五百一十八元本年多用銀六千四百零八圓一書院及書樓經費銀上年二十六萬四千八百五十圓本年同一教堂雜用銀上年二百零二萬七千五百三十一圓本年多用銀五千二百四十一圓一教堂修理費及房租銀上年一十二萬六千七百六十六圓本年同一上屆不敷銀六萬五千四百二十四圓本年節省銀三萬八千六百二十二圓兵部衙門項下一本衙門人員俸薪銀上年七十六萬三千四百七十六圓本年節省銀一十萬五千八百一十二圓此項節省之故係由裁減監察人員也一本衙門雜用銀上年六萬七千八百圓本年節省銀五千六百圓一

日記

卷十五

四十四

千六百圓一大將軍俸薪銀上年三萬七千八百圓本年無此項俸薪改列將弁俸薪款內一各省武衙門人員俸薪銀上年二百一十三萬六千六百六十六圓本年節省銀三十一萬八千七百零二圓此項節省之故係由裁併汎地也一各省武衙門雜用銀上年七萬五千一百四十二圓本年節省銀一萬六千五百圓一將弁兵丁等俸餉銀上年一千四百一十萬五千九百六十六圓本年節省銀一十五萬六千零二十八圓此項節省之故係由裁撤兵丁約九千名暨備調將弁僅予半俸也一兵房雜用兵糧及兵醫院等經費銀上年三百九十萬七千五百七十六圓本年節省銀四十七萬七千二百七十三圓此項節省之故係由裁兵所

致也以兵監經費銀上年一萬五千六百六十八圓本年多用銀三千七百三十六圓一移兵運械等費銀上年二十萬六千二百圓本年同一購馬養馬等費銀上年四十萬一千五百三十圓本年節省銀一萬九千一百三十二圓一購製礮火經費銀上年八十三萬五千二百七十二圓本年同一購置機器經費銀上年七十七萬四千八百八十圓本年節省銀一千一百八十四圓一召募新兵經費銀上年一百一十五萬四千圓本年節省銀一十五萬四千圓一房租息餉以及一切雜用銀上年一十八萬一千一百七十八圓本年節省銀一萬一千一百七十六圓一防軍將弁勇丁等俸餉馬乾銀上年三百三十六萬九千七百四十一圓本年節省銀一萬五千五百二十九圓一防軍雜用銀上年一千圓本年多用銀三百五十圓一上屆不敷銀一十萬五千六百五十二圓本年節省銀四萬九千六百八十六圓

日記

卷十五

四十五

二十三日晴  
海軍衙門項下一本衙門人員俸薪銀上年一十八萬零五百零一圓本年節省銀六萬二千九百四十一圓此項節省之故係由裁減人員也一本衙門雜用銀上年一萬九千圓本年節省銀二千圓一將弁兵丁水手等俸餉銀上年二百六十三萬一千三百二十三圓本年節省銀一十五萬五千六百八十一元此項節省之故係由裁減軍器局等人員也一各水師衙門及軍器局等雜

用銀上年一百二十八萬六千二百八十九圓本年節省銀一萬一千四百三十三圓一格致院人員俸薪銀上年六萬六千二百零五圓本年節省銀二十二圓一格致院雜用銀上年二萬三千零六十四圓本年節省銀三千八百五十圓一備調將弁俸薪銀上年一十三萬八千零六十七圓本年多用銀一萬一千零一十三圓一保護海濱船隻駕駛人等俸餉銀上年二十萬七千三百九十一圓本年節省銀三萬五千一百七十三圓此項節省之故係由裁減巡船也一保護海濱船隻雜用銀上年一十七萬一千九百八十四圓本年節省銀二萬零二十九圓一上屆不敷銀五萬六千九百七十四圓本年同吏部衙門項下一本衙門人員俸

日記

卷十五

四十六

薪銀上年一十二萬一千一百圓本年節省銀一萬九千六百圓一本衙門雜用銀上年九萬三千二百圓本年節省銀二千六百圓一各省巡撫等衙門雜用銀上年六萬四千八百四十圓本年同一各省巡捕俸薪銀上年六十萬九千三百二十一圓本年節省銀五百圓一各省巡捕雜用暨房租銀上年二十四萬九千二百六十九圓本年節省銀五千一百三十四元一各善舉經費銀上年一十八萬一千七十八圓本年多用銀二千一百圓一保安局人員俸薪銀上年七千二百五十圓本年節省銀二千三百五十圓一保安局雜用銀上年二萬六千六百八十五圓本年節省銀一萬九千八百八十五圓此項節省之故係由裁減防備時疫

經費也一各省保安局人員俸薪銀上年七萬一千四百五十圓本年節省銀七千九百五十圓一各省保安局雜用銀上年四萬七千五百七十六圓本年節省銀一萬六千四百八十八圓此項節省之故係由建千多海口檢疫院將竣工也一郵政局人員俸薪銀上年四十二萬六千一百九十圓本年節省銀二萬五千圓一電報局人員俸薪銀上年一百四萬二千七百九十圓本年同一郵電兩局獎賞銀上年一十三萬八千圓本年同一郵電兩局紙墨費銀上年七萬零七百八十四圓本年多用銀二千一百七十圓一郵電兩局轉遞函電等費暨雜用銀上年一百七十七萬五千零二十圓本年節省銀六萬九千五百七十七圓一郵電兩

日記

卷十五

四十七

局印單費銀上年一萬六千圓本年節省銀四百五十四圓一郵電兩局房租及修理官房費銀上年八萬四千一百圓本年節省銀三千一百八十九圓一郵電兩局傢私費銀上年三千圓本年同一津貼電綫公司暨購送信車輛經費銀上年二十六萬二千八百八十四圓本年節省銀七萬八千七百五十元此項節省之故係由停給加來尼亞島海綫津貼暨裁減送信車七十輛也一上屆不敷銀一十萬四千九百三十圓本年節省銀九萬二千七百三十三元二十四日晴

美國駐巴拿馬領事阿丹信向能保護華人因爲奏請賞給寶星



上議院已議准佩帶而下議院尙未議因謁外部商請速於開院時議准外部允之 農商工學部衙門項下一本衙門人員俸薪銀上年二十三萬零二百圓本年同一本衙門雜用銀上年二萬零五百二十元本年同一各省署人員俸薪銀上年八萬八千零五十圓本年節省銀七萬四千八百圓此項節省之故係由裁撤各省總辦僅留司事一人也其總辦所辦之事悉改歸各該總理署經理一各省署雜用銀上年九千八百二十六圓本年無一總理學校事務人員俸薪銀上年四萬七千二百圓本年節省銀一萬九千八百五十圓此項節省之故係由裁減監察官五十員也一經理學校事務署雜用銀上年四萬二千九百四十圓本年節

日記 卷十五 四十八

省銀一千三百七十圓一小學校人員俸薪銀上年二十二萬八千八百二十四元本年節省銀一萬五千二百五十圓一小學校雜用銀上年一十二萬四千五百一十七圓本年節省銀四萬三千六百零七圓此項節省之故係由停給各鄉塾津貼也一中學校人員俸薪銀上年六十九萬六千八百九十三圓本年節省銀二千六百一十四圓一中學校雜用銀上年九萬三千六百九十九圓本年節省銀一萬六千一百七十圓此項節省之故係由停給私家技藝及貿易學堂津貼也一大學校人員俸薪銀上年五十七萬八千三百三十一元本年多用銀二萬四千二百四十五圓此項多用之故係由不添教習等人員也一大學校雜用銀

上年八萬零四百二十圓本年節省銀三千八百零五圓一醫學等館人員俸薪銀上年三萬八千九百六十三圓本年節省銀五千七百一十一圓此項節省之故係由裁撤獸醫館二所也一醫學等館雜用銀上年一萬零四十圓本年節省銀五百二十圓一精技館人員俸薪銀上年一十一萬六千六百六十七圓本年節省銀一千八百三十四元一精技館雜用銀上年六萬二千零四十五圓本年節省銀三萬一千五百五十五元此項節省之故係由本屆無賽畫會也一博物院暨各書樓人員俸薪銀上年計一十五萬零五百八十五圓本年節省銀一百圓一博物院暨各書樓雜用銀上年二萬六千四百三十七圓本年節省銀二千一百八十

日記 卷十五 四十九

五圓一格致書院人員俸薪銀上年二萬八千四百三十二圓本年同一格致書院雜用銀上年三萬八千三百零七圓本年節省銀一百零七圓一官房經費銀上年六十萬零二百三十六圓本年多用銀三萬九千二百四十九圓此項多用之故係由新建本部衙門暨正音學館也一辦理農桑事務人員俸薪銀上年六十一萬五千六百四十三圓本年多用銀一千一百六十七圓一辦理農桑事務署雜用銀上年二十四萬二千四百十六圓本年節省銀六萬八千八百八十五圓此項節省之故係由裁減農政局獎賞也一辦理工程事務人員俸薪銀上年一百一十一萬三千零四十圓本年同一工程署雜用銀上年四萬九千八百四十圓本

年節省銀一千圓一修築道路經費銀上年八百二十二萬一千九百二十二圓本年節省銀九十八萬六千四百三十四圓一監察鐵路人員俸薪銀上年一萬九千四百五十圓本年同一津貼鐵路公司銀上年二百三十七萬一千四百一十五圓本年節省銀一百四十六萬二千圓一辦理河務人員俸薪銀上年二萬三千七百二十二圓本年節省銀九千一百四十圓一修濬河道經費銀上年四十八萬九千八百七十圓本年節省銀六萬八百七十圓一管理燈塔等人員俸薪銀上年一十萬六千一百五十圓本年節省銀二百圓一修建燈塔口岸等經費銀上年一百二十四萬四百三十二圓本年節省銀四萬四千九百一十七圓一與

日

記

卷十五

五十一

地局人員俸薪銀上年二十四萬二千六百六十六圓本年同一與地局雜用銀上年一十三萬二千四百三十五元本年同一上屆不敷銀六萬八千七百九十七圓本年節省銀一萬五千五百八十三圓  
二十五日 酉刻大雷雨  
戶部衙門項下一本衙門人員俸薪銀上年八十八萬一千九百二十五圓本年節省銀一十萬八千五百二十五圓此項節省之故係由裁撤總理產業事務局暨更改戶務刑司也一本衙門雜用銀上年六萬七千九百四十圓本年多用銀九千六百四十圓一各省署人員俸薪銀上年一百七十二萬六千三百六十七圓

本年節省銀六千零七十五圓一各省署雜用銀上年七萬九千八百四十一圓本年多用銀四千七百一十一圓一辦理水銀礦鉛礦及鑄錢局造土單局等人員俸薪銀上年七萬八千九百八十五圓本年節省銀八千三百六十圓一鑄錢局造土單局等雜用銀上年三千二百三十五圓本年節省銀二百九十五圓一部稽查人員川資銀上年二萬圓本年多用銀四千圓一解銀費銀上年一萬七千圓本年同一冊籍費銀上年三萬五千八百圓本年節省銀六百圓一修置傢私費銀上年一萬六千圓本年節省銀六千圓一房租暨修理官房費銀上年一十四萬六千二百圓本年節省銀五萬五千三百圓此項節省之故係由多用官房

日

記

卷十五

五十一

作辦公處也一切意外用款銀上年九萬四千二百圓本年節省銀四萬一千圓一上屆不敷銀一萬三千二百四十一圓本年節省銀九千四百三十三圓雜款項下一征收產業稅經費銀上年六十萬圓本年同一征收工作稅經費銀上年一十一萬六千圓本年節省銀一萬圓一造身紙經費銀上年八萬圓本年節省銀四萬圓此項節省之故係由將數省身稅租出與人承辦也一造土單費罰款獎賞暨土巴姑行代賣土單用錢等項銀上年四十九萬九千九百八十四圓本年節省銀五萬六千三百零一圓此項節省之故係由上屆估計太多也一造彩票費賣彩票用錢暨助各善舉等項銀上年六十四萬五千六百一十三圓本年節省

銀二千三百七十二圓一土巴姑行代匯本國各處零星款項川錢銀上年五萬圓本年同一鑄錢經費銀上年二十萬一千三百圓本年節省銀五萬八千八百圓一開阿馬丹水銀礦經費銀上年三十二萬五千一百四十圓本年節省銀四萬六千圓此項節省之故係由裁減工人也一經理官產經費銀上年三萬圓本年同一關口巡兵經費銀上年二百八十六萬九千三百九十五圓本年節省銀一萬零三百六十八圓一房租官房修理費以及一切雜用銀上年七萬二千五百四十七元本年節省銀三百八十六圓一刷印稅單費銀上年一萬三千三百圓本年同一上屆不敷銀三十二萬一千一百三十圓本年節省銀二十三萬九百二十九圓

日 記 卷十五 五十二

十八圓一費難多坡島經費銀上年一十三萬一千圓本年同統計宗室項下本年節省銀二十萬圓國債項下本年多用銀三百六十八萬三千一百三十三圓上下議院項下本年無可節省津貼收回賜產項下本年節省銀四萬一千一百九十五圓恩俸項下本年節省銀二萬二百四十圓首相衙門項下本年節省銀三十二萬二千六百六十圓外部衙門項下本年節省銀七萬六千八百五十四圓刑部衙門項下本年節省銀六十四萬二千六百四十一圓兵部衙門項下本年節省銀一百三十五萬四千三百三十六圓海部衙門項下本年節省銀二十八萬一千一百一十六圓吏部衙門項下本年節省銀三十三萬九千九百四十圓農商工學部

衙門項下本年節省銀二百八十一萬三千六百七十二圓戶部衙門項下本年節省銀六十七萬二千三百九十二圓費難多坡島經費無可節省統共節省銀三百零七萬八千五百一十三圓二十六日晴中夜雷雨

朝鮮代辦李承壽來見告以帶見外部飾辭推卸未便相強聽之而已 查日國入款身稅即人稅分別貧富以定等差別焉二則第一則分十一等每年進項在六千圓以上者納稅銀二十圓以次遞減至第十等每年進項不及一百五十圓者納稅銀二角其婦女及無職之人下至僕役亦納一角極貧者不能免惟以乞丐度日者免之第二則則視其所居之房屋亦分十一等其所居之房每年值租銀一千五百圓者為一等納稅銀二十圓以次減至第十一等其房租每年不值銀十圓者納稅銀一角苟非居無房屋皆有應納之稅則倖免者希矣紙牌即賭具收稅至重河稅則於可以行舟之河道凡舟楫往來均視其大小以征稅城稅則按日用之物納稅凡陳設之具以及車馬下至貓犬亦征之呂宋票章程每月一萬號每號收銀五十圓共收銀五十萬圓派定中彩之票計五百十三號應付與中彩者共銀三十五萬圓尚餘銀十五萬圓即為入款每月於本國中國小呂宋各開一次如號數不敷則下月可增數千號如號數積滯則下月可減數千號近行銷日廣有增無減故入款亦遞增焉

日 記 卷十五 五十三

房每年值租銀一千五百圓者為一等納稅銀二十圓以次減至第十一等其房租每年不值銀十圓者納稅銀一角苟非居無房屋皆有應納之稅則倖免者希矣紙牌即賭具收稅至重河稅則於可以行舟之河道凡舟楫往來均視其大小以征稅城稅則按日用之物納稅凡陳設之具以及車馬下至貓犬亦征之呂宋票章程每月一萬號每號收銀五十圓共收銀五十萬圓派定中彩之票計五百十三號應付與中彩者共銀三十五萬圓尚餘銀十五萬圓即為入款每月於本國中國小呂宋各開一次如號數不敷則下月可增數千號如號數積滯則下月可減數千號近行銷日廣有增無減故入款亦遞增焉

二十七日晴有美午刻發熱子刻始退

美國整頓海軍製礮造船日有所益水雷一物近始造成業經試驗可用惟其中奧妙精微非熟習有素不能得力茲於紐鉢埠創設水雷學堂以便訓練云 因按水雷種類甚多有伏雷送雷行雷之別而茲三類者又復分門別類考究甚易而施用甚難其自轟與轟人分別祇在呼吸之間較之施放炸彈其難不啻百倍非專門名家練習有素斷不能適於用也 因嘗乘舟長江見網魚船呼之使來買魚論價久而不定當因船乘風破浪之時且行且言漁人櫂舟並行兩手按槳其船行遲速與我船同而又近不至觸離不至遠進退左右毫不費力古人所謂得之於心而應於手者

日

記

卷十五

五十四

漁人實得之於手而無須用心竊意用水雷者手法之熟能至如此則百發百中百戰百勝矣專設學堂訓練共知此意乎

二十八日晴天氣亦轉和平

內人等及有泰有美附火車於已正啟行赴金山 美國設水師學堂造就人材安擊報利埠最多近來每年挑選聰穎子弟學業有得者給以經費赴歐洲各廠學習造船駕駛等法博採兼收以求集益本月已派四人啟行矣 因查船廠以英為多商船兵船亦以其為盛商船盛故富兵船盛故強海軍之勢誠為地球第一縱橫莫當顧其陸軍實不逮俄俄於印度陸路可通即陸軍之力可及何以觀觀有年而終未嘗加兵印度自因窺之則仍畏其水

師之強而不敢妄開釁耳俄如加兵於印度未必唾手即得而海軍之分散各口者必為英船所傷此可慮也美國雖富而水師不強上年頗為英義兩國所迫脅急於講求蓋不甘受制也

二十九日晴中夜雷雨

初五日巴黎來電言俄德二國商訂通商條約業已多時迄無成議而俄法訂約歷時未久已各情願昨日兩國議約大臣均已簽名自一千八百五十九年以來於今三十四年俄法通商此為第一次約云 因觀於此而歎立約之難也兩國立約其措辭皆言兩益其用心實利己而害人惟強與強遇則熟審兩國所獲之利足以相當而後允准否則不從如現在俄與法德立約是也若一

日

記

卷十五

五十五

弱一強則利必歸強而害必歸弱此不可枚舉矣甚至有不諳他國強弱之勢而誤以弱為強甘受其制而因受其害者則洋務之不可不明也居今之世苟能閉關自守不相往來誠為至善而必不能者則強國之迫脅故也彼何為迫脅哉則用心可知矣

六月初一日晴戊刻雷雨

謁梅律師 美國近年布置海軍不遺餘力曾屬梅律師司訪查現在兵艦共計若干水雷若干兵弁若干昨日始查到即飭繙譯譯出因記其略計二號兵艦十一艘最巨者容四千六百噸馬力一萬零六十四匹最小者容三千噸馬力六百八十四匹三號兵艦三十艘最巨者容二千七百噸馬力九百六十四匹最小者容一千零

二十噸馬力三百六十五匹四號兵艦六艘最巨者容九百三十噸馬力三千七百九十四匹最小者容四百二十噸馬力四百二十六匹以上兵艦共四十七艘水雷三艘大者容八百噸馬力六百匹次者容一百一十六噸馬力一千七百二十四匹又次者容三十一噸馬力三百五十四匹尚有動工而未成者二十三艘內容一萬噸以上者三艘馬力過二萬匹者二艘水雷一艘均於三年內次第告竣官員自提督以至糧臺共九百五十一名又美水師部收到定造之水雷正在分發各艦備用而水師人員講習施放水雷者其人甚鮮水師部大臣仰通諭水師人員擇年力強壯者分班赴紐鉢埠學習施放水雷之法每班六人十日更換周而復始因

日記 卷十五

五十六

聞諱疾者難愈諱亂者難治諱共短者難濟誠哉是言也英地僅三島短在版圖乃與海軍以長駕遠馭而屬地徧五洲俄地處極北短在苦寒乃練陸軍以蠶食鄰封而拓地之廣至居地球六分之一德間於兩大短在倭介乃創通國皆兵之法而俄法皆不敢覬覦日本大將軍擅權短在守府乃收回太阿之柄而國勢遂振此已然之事也日斯巴尼亞入不敷出短在貧匱乃開源節流而國用以足美僻處墨洲同洲無敢與競者而歐洲強國好迫脅之則短在海軍頻年興造戰艦戰艦具而鮮能施放水雷之弁則短在水雷又與水雷學堂分班以練習此本年之事也人莫不有所短知其短者尙不乏人而去其短者卒鮮此強國之所以不多也

初二日晴戌刻大雷小雨

伯林來電五月初三日德王味爽而起馳往保山埠直入駐防該處之營自稱勞軍領兵各員不知德王之來未能豫備迎接然於兩刻之間各營兵弁均按隊排列行伍整齊軍容甚壯德王閱之甚喜慰勞有加云 因聞天下雖安忘戰必危德王誠可謂不忘戰矣滬池之會秦王知趙有備而不敢動兵田悅假道於薛嵩薛嵩曰毋妄言吾有以待爾田悅遂止前此法耀兵於德界德前王遣人語之曰師丹之役貴國其將報復我乎請待君於來因河上俄之於德於英英德於俄均不諱戰不知者以是為啟釁之媒其知者以是為止戈之策也蓋觀其所行而知之二十年來各國之

日記 卷十五

五十七

兵無有敢加於強敵者但聞日本縣琉球法滅越南突尼斯河米英滅緬甸俄滅浩罕基窪布哈爾殘破土耳其歐洲諸國分裂阿非利加洲太平洋諸島國為英法德所踞而已禮記所謂強者脅弱者暴寡智者詐愚勇者怯怯兵法所謂攻其無備也則備之不可以已也德王誠知所備哉

初三日晴

外部大臣訂見至則有紐阿連省人名緩法山外部大臣介紹握手言將來使館晤談因允之又阿利干省律師於前月十六日來電言有華人六十五名乘船潛入美境為稅關巡差所獲搜其船載有煙膏華人均無護照乃沒其船入官查拘船主歸案定罪而

船主已逃逸華人不能登岸又不能乘原船而返且無人供給飯食請速設法因即請梅律師往見戶部戶部隨電該省飭令據實函覆昨日覆到即咨外部外部故訂晤商葛禮山曰日本大臣言不拘拏監禁驅逐華人此等華人即在蓋力例所定拘拏監禁驅逐者地方官已不肯行願華人輒以資糧俱絕為辭美政府安能給以川資供其衣食貴大臣既為詰問請作如何處置因答曰華人既帶煙膏非盡落魄之輩應由地方官查明可入境者准其入境不可入境者令其折回勿令進退維谷葛禮山曰華人無便船載回亦無去志又無護照入境不能去又不願除非貴大臣出資給其衣食為之籌資派員押送出境方不失所因思此事萬不能行

日

記

五十八

川資一項約銀四千五百餘兩尚可為措派員押送如其中路脫逃嫌於失信且似同謀又此例實不可開華人之由卡拏大各處潛入美境者每年七八千人卡拏大政府每名收身稅銀五十圓歲至數萬以後如均由本使館送回其費需銀五萬兩安能為繼遂答以中國本不准華人潛入美境且貴國開議院在即請熟籌之給資押送一節應毋庸議葛禮山頷之遂辭出

初四日晴

拜發奏摺各國戰船均外設鋼甲以禦礮彈惟船底及入水之處往往以礮彈所不能及而無甲近日水雷之用即專自船底及入水處蟄發以價數千兩之水雷而破數百萬兩之鐵艦一轟即碎

即貧弱之國亦易購置設防美廷現查防水雷之法惟有以鋼網圍船如君水雷之來但觸鋼網則不能入茲山水師人員於紐鉢埠試驗鋼網用法云 因按古語云亡羊而補牢未為晚也先儒

呂坤云人生最追悔者既往最悠忽者現在最希冀者將來三念循環而畢生無自新之日矣蓋既往即昨日之現在也將來又明日之現在也現在悠忽則畢生悠忽而已矣日月易邁秦穆之所憂心也美國前此之忽於海軍其追悔宜矣而現在者不肯悠忽故增鐵艦建礮臺作育水師人材派員赴歐洲船廠學習試鋼甲造水雷驗鐵網設立水師水雷學堂堂皇焉如不及可謂知所急矣詩云迨天之未陰雨徹彼桑土綯繆牖戶其斯之謂與 酉

日

記

五十九

正金山來電言眷屬於卯刻抵金山均平安

初五日晴午刻雨仍晴

梅律師來言華人由英屬可倫比亞倫入美境事又言該省居民多業捕魚向例不准客民攬業近來中國日本民人寓該省者未滿三年即向地方官領入籍之照以便捕魚土民生計已為所奪又該省裝罐魚公司三十二家所僱工人均係中日兩國之人士民憤怨聚眾公議聯名呈請議院禁止客民攬業云 因按入籍之利大矣寓美華人前此之不入籍者誠失計矣可倫比亞入籍華民與土人攬業土人雖嫉惡之不能效美國之燔逐也僅求議院禁其攬業而已議院亦未必從也或挾其未滿三年之短則地方

官分任其咎地方官亦未必認錯也入籍之異於不入籍者此也  
初六日晴未刻雨仍霽

南墨洲各國近年外憂內患相尋鮮有久享太平者各國憂之力  
思補救茲威內薩可倫比厄瓜多三國擬共聯盟一國有事則兩  
國相助以期弭患云 因嘗言近年弱小之國難以圖存此足徵  
矣南墨洲之國除智利外均不能自立內憂可平而外患難弭也  
英法商人隨地皆有開礦鐵路諸務多為壟斷固已攬其利權矣  
阿鎮丹僅為半主基阿拿已屬英尼格拉鐵路全歸英人祕魯鐵  
路古阿罕歸英商收三十年利權既去而名號空存猶人之精氣  
日亡而軀殼安能久耶且非僅南墨洲已也歐亞阿三洲之埃及

日記

卷十五

六十

希臘波斯阿富汗暹羅磨洛哥諸國莫不如是即葡萄牙土耳其  
將來亦必如是亦如春秋之世將變為戰國僅存其強者大者而  
已

初七日晴

大西洋運載之利向為歐洲商人獨佔美不與聞自本年春初美  
國設立公司自運書信及人貨來往大西洋貿易日盛美商見有  
利可圖又在克蘭布船廠添造巨速輪船五艘每艘計銀二百萬  
圓冀與歐洲各商共大西洋之利云 因查地球各國商船以英  
為至多次則美次則法又次則德而富之等差亦如之瑞典那威  
瑞士比利時版圖雖狹而商船頗多故其國亦富亞洲之日本其

版圖抵中國十之一其民數不及中國十之一而入款及中國之  
半則以其商船之多也萬國公法內江人貨不准外國商船駛行  
運載用意至深中國則一視同仁無分畛域不脛言利而利之漏  
卮者遂多否則以中國民數之衆甲於地球方輿之廣過於德法  
美三國何至入款尙不及三之一哉

初八日晴

法得越南未十年今又與暹羅構兵暹羅自知力不能敵特派專  
使於五月到美求美排解美外部以為法暹構兵美居局外若兩  
國均願局外之國判斷美國自可代為調處茲僅暹羅一國相求  
而法國並無願請調處之意未便與聞云 因查法君拿破侖第

日記

卷十五

六十一

一加兵於日斯巴尼亞英人援之俄加兵於阿富汗土耳其英人  
亦援之此非同恤相惡之義實為唇亡齒寒之憂也顧智利加兵  
於玻利斐亞而祕魯援之幾至亡國則唇未亡而齒先寒矣美於  
亞洲無屬土向又自守安肯願暹羅而有求於法哉然暹羅版圖  
本小加以喪師失地國幾亡矣暹羅立國已千年可謂舊國自輪  
船暢行涉歷重洋如履平地海軍之強者威加於數萬里之外遂  
使弱小之國不能自存風氣如斯可勝慨哉

初九日陰辰刻小雨仍霽

法國近日造成水雷船一艘命名蘭士克訥長英尺十六丈五尺  
四寸寬一丈五尺八寸入水四尺三寸容一百三十八噸有雙螺

輪馬力二千八百匹水師部人員已於五月試驗每一時辰能行六十英里云 因按每一時辰船行六十英里合中里二百里每日行二千四百里可謂速矣水雷效驗惟聞南北花旗交戰時北花旗曾以水雷轟破南花旗戰艦智利祕魯之戰祕魯鐵艦圍淺而敗非敗於水雷也近來各國競事水雷而究未試其效不過關智爾巧戰勝於製造而已此近時風氣也戊正接上海口電云欽差從官眷屬跟役共八十二人附加力來美請照會美政府莫

初十日晴

撰照會送外部 五月十四日巴黎來電言法人名土耳其實創造新式軍器一種能轟礮臺各國現在至堅固之礮臺亦難抵當擬

日 記 卷十五 六十二

請國家試驗後給予執照俾得專業出售云 因聞英國造重二百噸之礮試驗之時能洞厚一丈八尺之石壘直穿而過力誠猛矣然未試以鐵甲尚不知其能穿鐵甲若干尺也俄國克龍斯達的礮臺鐵甲厚四尺八寸前此英法各國合力攻之不破今法人新造之器以爲至堅之臺尙難抵當則俄之礮臺失其固矣或者今之炸藥其力甚猛有同是藥而力加至四十倍者若以此藥入彈內深入鐵甲一尺然後發炸因并所未入者而亦炸裂其理尙可信也

十一日晴

阿非利加洲之南各國多歸英國管轄保護有脫爾威士國者產

金最饒和蘭人先到英人以保護爲名踞其全土每月所產之金值銀二百萬圓其約翰尼士堡地方六年以前不過屋舍數間自開金礦後人民麇集現有八萬餘人鐵路日興地方日盛又相近之金布地地方每年所出鑽石值銀二千萬圓云 因查現時金價較二十年前增至十分之五或以爲銷耗多而出產少使然非也金之出產非少乃外國以金爲錢用之者太多耳鑽石之價又數百倍於黃金外洋婦人首飾不尙珠玉而尙鑽石其質之剛無堅不破礦之堅而難開者恒用之其洞石也如錐入木而鋒不礙蓋天下之物無有比其堅剛者矣

十二日晴

日 記 卷十五 六十三

伯林來電言德主前欲添兵議院阻之遂散議院飭國人再舉現已舉定各議紳中以添兵爲是者二百五人不以添兵爲是者一百九十一人將來可添兵矣 因按德國地勢東連俄西連法俄法皆佳兵之國而法與德又有深讎法與俄且已聯盟不待智者而知德國所處之地爲危險矣歐洲名人盱衡時局莫不謂各國必有戰事而晏然者逾二十年因默揣今日之勢而歎歐洲之難久寢兵也各國兵數日增餉項亦日增雖相持莫敢先發然餉實難於久籌爲戎首者當在俄法英如不牽掣法國德國恐難支持添兵之舉實萬不可緩者也

十三日晴



伯林來電言俄德兩國商訂通商之約久而不成其故以俄國政府意存窺伺以爲蕪斷如德議院終不允添兵則德國君臣必生畏意既有畏俄之見則於通商之約必有就俄之心俄人可以多得利益今德議院既願添兵德國君臣無庸存畏俄之見決不就俄俄人亦知之因請和衷與德商訂此約云 因觀此而知立約之難也弱國之受強國蕪斷不待言矣即兩強相遇而其國勢稍有等參即其存心隱有區別如俄德二國是也德不添兵則勢不敵俄即不得不畏俄畏俄而俄人即因其畏意之心以行其蕪斷之計所商之約苟非俄之得利十倍於德俄必不允行也德既畏俄又不得不讓利於俄而歸害於己也一時讓而時時如斯一事

日記

卷十五

六十四

護而事事如斯以後與他國立約他國亦以此心相待而立約遂無平允之日殊可危矣德既添兵俄亦就範幸哉

十四日晴未刻暴雨仍霽見口

伯林來電言俄德兩國通商條約未成之故因俄國稅則所定入口之稅分爲兩種一種稅輕一種稅重而稅重者多係德國土產此俄國之爲挾制德國起見也德國既無可避亦無可駭惟有設法抵制報復而已 因按此俄之有意苛待德國也德國土產不能不入俄國行銷則無可避稅則爲各國內政權由自主而非他國之所能干預則無可駭所可能者惟有抵制報復而已竊嘗綜觀各國交涉之道膠膠擾擾數不能終筆不能罄一書以蔽之曰

抵制報復而已其不敢過於苛待人者防人之抵制報復也其不畏人之過於苛刻我者我可以抵制報復也兩念循環而交涉之道庶幾持平此道廢而交涉不能持平不能持平而事事棘手矣

十五日晴

美國農部大臣爲整頓本國農務特派專員赴歐洲察看各國情形查美國土產五穀乾肉菸葉各物本國用之不盡必能出口行銷方不致棄於地亦不致賤而傷農云 因按世常謂外國逐末而忘本其言不盡然也英法各國地狹人稠無可務本自不得不逐末耳若俄與美曠土尚多自應務本故二國運出五穀爲至多古人謂穀賤傷農知其傷農必思所以調劑之法非空言可調劑

日記

卷十五

六十五

也美可謂能調劑矣爲之疏通轉運出境即以羨補不足之意也而彼此均獲益矣嘗考地球之上穀價之賤首推越南暹羅計銀四錢易米一石由其商務不講商船全無故運載出口之利全歸他國而穀之價又爲他國所壟斷宜其貧也

十六日晴

上月奧國政府派員來美查美國火車鐵路辦法現到華盛頓言奧國火車鐵路歸官辦者計六千二百餘米商辦者計七千四百餘米扣至一千九百五年則全歸官辦矣又言美國火車鐵路造法工料精於歐洲惟保護人命則遜歐洲各公司云 因查奧國疆宇四塞皆不近海頗與中國之雲貴陝甘相似故輪船少而鐵

路多合之中國里數蓋四萬五千餘里矣製造各廠火車鐵路不盡由官而與民同之歐墨兩洲風氣皆然匪僅奧國至於美國火車之保護人命尙遜歐洲上年美總統諭議院文已切言之則美國亦已自知所短當必設法以求盡善而奧員亦可爲留心者誠不辱君命矣

十七日晴

倫敦來電言埃及國常有英兵駐守情同英國保護惟其國王自以爲土耳其藩屬按年納貢不甘爲其所制請土耳其國君派兵至埃及以抵英兵並請土廷告於英廷撤回英兵並英國駐土之公使云 因論之曰埃及國王誠可謂昧於時勢者矣其先貸英銀

日記

卷十五

六十六

四萬萬餘兩但快目前之揮霍不顧以後之債臺此最失計者也自此以後國君之廢置各部之更代利權之操縱悉由英人蓋太阿之授人久矣何忽然不甘受制而亟欲改圖耶且其所欲改圖者不思自奮而冀援土耳其以抵英夫土耳其之衰弱仰庇於英以求存非一日矣度土耳其必不派兵即使派兵亦必不能抵英告於英廷請撤英兵英必不允不過多一番煩擾耳否則如石晉之於契丹自速其敗亡而已

十八日晴

前葡萄牙人在日本犯法葡員不問日本遂照會葡廷以後葡人犯法照日本例治罪葡國不照覆即撤回駐日本之領事官日本

亦不問此後遂以日本例治葡人葡國既知啗喝無益又以萬日之民歸日員約束有傷國體遂派澳門總督兼署駐日本公使赴日本都城與日政府會商約束葡民之法云 因以從前葡日齟齬而早料葡人之無能爲者今果如所料矣葡自稱大西洋國以啗喝亞洲而不知遣使以後亞洲早知其國勢也今猶虛張聲勢庇犯法之民而不問置鄰邦之文於不覆且撤領事以示絕交方謂日本必誠惶誠恐急轉圖矣而日本即舉所告於葡廷者毅然行之葡人至此方知啗喝之全無用也於是設法轉圜派員謝過商議約束已民之法蓋黔驢之技窮矣孫武子云勇怯勢也強弱形也日本惟深知葡人之形故能因其勢而用之耳

日記

卷十五

六十七

十九日晴已後小雨竟日

南墨洲威內薩國地當赤道炎熱異常各國輪船載冰往售行銷至多得利亦巨茲本年自設冰廠製冰以收回此項之利惟防輪船載來之冰攪奪故立新章凡他國入口之冰每磅征稅銀五分云 因查威內薩爲墨洲至小之國軍額甚微又無兵艦上年內亂至今甫平庫帑已空民力亦竭無法籌費僅向歐洲貸銀六百萬圓以濟急用度其兵力斷無以禦外侮無論何國兵船壓境均不能當而何以不畏敵費而征向所未征之稅哉且冰之價值每磅售銀不過五分而即征稅五分明明苛斂各國請責尤爲義正辭嚴彈丸小國何以堪此而毅然行之者則以稅則爲各國內政

也

二十日陰

墨西哥國近謀開闢興利而創火車鐵路開鑛無款可籌現美英德三國之商代為興辦自一千八百九十年正月即中歷光緒十六年至今三年之內德商共費銀六千三百七十五萬圓英商共費銀二萬一千三百五十萬圓美商共費銀三萬四千五百三十一萬圓英商以貿易耕植為多美商以製造開鑛鐵路為事云因於此而歎美英之富也亦於此而歎墨之貧也凡貧弱之國多以利權授人如歐洲之埃及墨洲之秘魯海代阿鎮丹等國是也利與於地以地權授人不啻以利授人矣當其授人之時或出

日記

卷十五

六十八

於不得已實有不得不然之勢所可恨者其先之泄沓自安於財之源流生之無道用之無節耳墨國前貸法國之債而失信不償幾於決裂故此法商無過問者鑒前車也近向中國求准招工中國知其貧賤鑒其失信而立約嚴防之其庶幾無弊乎

二十一日晴

前法國博士都爾賓創造至猛之炸藥者近又創造大礮一尊堅利無比每一刻時可放四次彈子飛射計二萬五千枚礮臺戰艦均莫能當人馬更無論矣法國政府已派員查驗如果可用則法國武備天下無敵矣 因按凡礮之欲及遠者其礮身必長彈之欲洞擊者其彈必巨即賈誼所言寬牌之所非斤則斧此一定之

理也今以一刻時而出彈二萬五千枚此即卷筒群子格林礮之類用以守險防敵人之沖突奪隘可耳乃以為能摧礮臺穿鐵艦未免張大其辭殊難信也

二十二日晴

倫敦來電言埃及國王不甘受英挾制擬往歐洲各國商請合力令英撤回所駐埃及之兵英國全不介意亦不阻止料其無用故也且大權在英廢立易如反手如必囑強則廢棄之或如緬甸哲孟雄等徑取其地而已 因嘗歎當今弱小之國漸不能自存也阿非利加全洲已為歐洲各國分裂突尼斯布哈爾越南緬甸暹羅又為英法俄諸國所滅十年之內滄桑忽焉埃及之將亡尙有

日記

卷十五

六十九

自取之道借英鉅款至銀四萬萬餘兩宜其受挾制也若阿非利加一洲與突尼斯布哈爾越南緬甸暹羅諸國實無可加之罪不過弱之肉強之食耳而埃及之亡且後於諸國者以有法俄牽掣之也英國布置周密之後他國所不能牽掣之時則必一舉而覆亡之埃及為五千年自立之舊邦而亦不能自存此宇宙一大變局也

二十三日晴已刻小雨

送上議院紳可六禮六色 歐洲各國馬牛所食之芻草歉收各國駐美公使多向美農部探聽芻草收成并其價值計上年收成尙豐價值計頓易銀自四十五圓至五十圓不等擬即運赴歐洲

出售美國上下以歐洲飼畜無芻將來馬牛必難蕃息本國牛羊極多又可出口行銷云 因查地球各國美俄均重農事美之地氣溫煦較勝於俄故農務亦勝之青草一物各國皆歉而美獨豐因留心農事故也以每頓一千六百磅折爲一千二百斤售銀五十圓則百斤可售銀四圓較之中國米價已兩三倍矣農人以一畝之地生草即可溫飽以十畝之地生草即可富家衣食易謀宜各國之民趨之若鶩也

二十四日晴

北墨洲之紐芬蘭向爲法屬後爲英屬兩國漁船往往以爭界起釁法政府特派水師提督揆拉磨納帶兵艦往察情形與地方官

日記

卷十五

七十

商令和洽以息爭端於五月底抵紐芬蘭地方官以六月初係法國改爲民政之期訂以設筵具樂相款而同時適有法商運貨入口匿稅致被稅關充公該提督爲之求免稅關不允遂不赴席起旋徑去而英國所派兵艦適到亦不挽留云 因查地球諸強國每以盛氣凌人皆好勝也施之弱國固受之而不言即施之強國亦不虞決裂者勢相當也勢既相當終以敷衍息事而已近三年中如祕林海峽一案英美互拘漁船法拘英之漁船俄拘美之漁船是也俄德兩國之君不諱交戰法於德不諱復讐德於法不諱再戰義於美爲紐阿連之案不諱絕交而終無戰事者兵力相敵不敢操必勝之權也弱國出之禍不旋踵矣然則公法何足恃所

可恃者必在自強

二十五日晴中刻雨

倫敦來電言英國派兵駐埃及實非不得已因埃及形勢爲英與印度往來所必經之地如英之門戶也且蘇彝士河已爲英之產業如爲他國所據則英與印度隔絕印度不能保矣埃及之兵決不能撤法與土耳其雖屢詰問決不能從如埃及國王爲難廢之而已無他策也 因讀湯誥至推亡固存讀史至逆取順守未嘗不歎興王之所見略同也孔子曰裁者培傾者覆聖功王道一以貫之矣埃及蹈爲傾爲亡之機英人爲逆取順守之策故於印度則固存於埃及則傾覆雖似霸氣實合機權然非綢繆之早不及事非兵力之足不能行越之沼吳也教訓二十年德之報法也練兵十餘載英人謀埃及暨蘇彝士河深心遠慮尙不止如斯矣

日記

卷十五

七十

二十六日晴

卯刻率參贊隨員等恭行 朝賀禮辰正設麪中正設讌 初三日比利時來電言比國創國例不言管轄屬邦之權惟阿非利加洲有孔果國者爲比屬國業已多年茲議院擬立新例以便管理屬國與各大國一律云 因查孔果一國與桑給巴爾接壤版圖甚廣商務尤盛國中鐵路四通八達有方輿之氣象比國得之如設施有道可與英之印度比肩蓋外府也 張領事會詔山紐約來

二十七

美國公司開辦尼格拉河道興工業已數年所需用項為數甚鉅均山該公司籌款接濟近因金銀價值相懸太遠銀根遂緊竟致無法籌款所刻出借券無人承受經費遂竭不得已停工矣因查美公司所開尼格拉河道即巴拿馬界分東西洋之地也法人勒伯西往年開歐洲之蘇彝士河達地中海商船使之獲利甚鉅遂以其術試之巴拿馬費銀數千萬圓工不成而中止美公司乃於相距不遠之尼格拉國興工開挖冀奪其利而享其成茲又以費絀而止豈天之限東西洋不欲人穿鑿耶因於光緒十七年赴祕魯時途經巴拿馬由西洋至東洋必踰陸地而過舍舟

日記

卷十五

七十一

登車約行兩時許計近百里洋人所言二十八里者蓋英里也以百里之峽而以人力開通古人所謂愚公移山者不過寓言今乃目見之焉 照會美外部請奏總統諭議院再議蓋力新例又託議紳設法參贊彭光譽借繙譯容揆赴希卡果

二十八日晴

羅馬來電言銀市日壞義國國家銀行倒閉政府查出議院有受賄之事上議紳受賄者計一百二十名下議紳約一百人此種議紳為公論所不容必迫之出院云 因按自上年以來金價日漲而銀價日低各國銀行紛紛倒閉至今尙未已也美國銀行章程一律用金得拉即金錢凡數及一百圓者收銀之家非金得拉不

收其銀錢僅用以計奇零之數耳自金價日昂而美國金錢之出境者上年計值四萬萬圓今年庫中所存僅一萬萬圓以償銀幣有絀無贏而銀根遂為之緊矣使館滙銀為經費光緒五六年陳任時每庫平銀一萬兩收美銀一萬六千餘圓自光緒七年至十一年此五年中由一萬五千餘圓減至一萬二千餘圓自光緒十一年至十五年又由一萬二千餘圓減至一萬一千零五圓自十五年至今中間偶有漲至一萬二千餘圓者然為時不久今竟減至九千圓且不滿九千圓由磅價之日高故也

二十九日晴

美國前駐巴拿馬領事來謁云此來專為叩謝中國

日記

卷十五

七十三

皇帝賞給寶星之恩數年以來極力保護商民冀以圖報此次卸任中國商民扶老攜幼送行者數百人多至泣下已亦為之垂淚又言該處政事不修官府不知惠遠現在總督尙能保護華商以後亦不可必上年華商被土人公司除借銀至九十萬圓至今倒閉正當控追又言美現任總統及外部之意甚不以蓋力所創之苛例為是將來或可望廢因均謝之款以茶果是晚即往答拜并贈繙巾一盒細茶二瓶明日即附火車回本省矣

三十日

外部衙門遞到前駐巴拿馬總領事阿丹信來函即飭繙譯譯出云敬呈大清欽差大人閣下前荷

大皇帝恩獎賞給二等第三雙龍寶星一顆並牌照一道阿丹信昨日已親赴外部恪遵

旨意恭謹拜領矣伏查牌照內敘阿丹信前在可俞比國巴拿馬埠任內曾經料理華人事務因此故給予獎賞等因竊思阿丹信不過稍効微勞乃竟辱承

貴政府垂念及此以致膺茲重賞殊出意外實屬榮幸之至感激奚如惟所歉者以時事之變遷不克聯任再効馳驅上以報

皇仁於萬一下以振興華人之利益耳惟祝大人福壽康強是所切禱肅此謹請代達六月二十八日西曆八月九號阿丹信押因觀美外部及領事待巴拿馬之華民而知美國上下之惡華人非

白

記

卷十五

七十四

其本心也中國於外部求其公使領事之駐可俞比巴拿馬者保護寓居彼處之華民既慨允矣而又於因之行爲作書以先容若唯恐其與因不浹洽而保護之不認真何其誠也領事阿丹信於巴拿馬土人之妒華人微有形迹即爭於地方官必使土客之勢兩平又何其誠也今阿丹信言其回美時華民相送而依依不捨者數百人彼亦爲之墮淚古所謂循吏愛民與民之愛上何以逾此然則華人非工黨之妒美官紳非求工黨之保何至於議禁哉

出使美日秘崔日記

七月初一日元吉晴未刻雷雨

伯林來電雲德國政府近接俄國來信謂俄將調海軍一隊赴德國之都倫海口暫泊然後直往地中海之東岸各處遊弋與駐該處之法國海軍聯兵遇事相助以敦俄法友誼云 因按此必爲法與暹羅構釁而欲助法以制英也夫前事之不忘後事之師也法人窺印度則英以水師中途要之俄人攻阿富汗則英以陸軍遏之英人攻美則法與和蘭脅和以止之所以防鄰愈厚而我愈薄也今法急圖暹暹不敵法必滅於法暹滅而法逼緬甸則印度之西多一強鄰此可危之勢英之所欲爭也英海軍勝於法可以阻法人之兵力使不滅暹否則亦可瓜分尙不失便宜也今俄助法則英之海軍以一敵二遂不能當法人庶可得志於暹得志於暹則英屬印度之地東偏於俄而西偏於法或可以望瓜分乎初二日晴

日

記

卷十六

一

伯林來電言接本國駐土耳其公使信謂土耳其國君以埃及國王將來覲見不過以待屬國之禮過之共請派兵挾制英國不過却之斷不從非救人云 因按埃及立國四千餘年可謂舊矣初屬波斯繼屬羅馬終屬土耳其中間惟拉墨塞一朝差能立國其餘皆依人以存如宋之南渡後耳今其勢將屬英雖有善者亦無如之何矣況其全不審彼己之勢耶大抵不能自立者其弊猖於

荷且倫安印度亦然未聞其有人才奮起也

初三日晴

巴拿馬來電言南墨洲之基阿拿國英屬也近日查得其地產金最多較美國之金山英國之新金山及所屬之阿非利加洲之金布利國尤多各國人民現赴基阿拿開礦者絡繹相繼云 因嘗聞人言美國產金英之屬地多產金宜其富也顧南墨洲亦產金阿非利加洲亦產金何以不富而貧澳大利亞即名新金山產金至多而自古至今土人不聞開礦乃留以貽英人然則天地本有自然之利必得其人而後興耳今歐洲之國多巨富而德國以外不聞產金其故何也嘗讀蠶婦詩曰君看羅綺者不是養蠶人言

日

記

卷十六

二

商之奪其利也然利權之操於商豈僅中國為然哉地球蓋莫不然矣

初四日晴

伯林來電言德主志在添兵盡力設法新舉議紳到院會議僅數日即議准德主大喜即飭散院不必久羈聞此舉專賴首相卡布威推誠襄助之力云 因查八十年前法主拿破侖第一雄才大略已霸歐洲稱為日耳曼帝普國之君與戰三次不勝而割地終合俄奧瑞三國破拿破侖入巴黎斯廢拿破侖流之荒島二十年

法與德固世讎也志豈須臾忘報復哉查第一次歐法之軍俄普各國共一百萬而英軍之守西班牙者尙未計焉第二次之軍僅普一國即五十萬是其所以取勝者固在兵精而尤以多操勝算矣德主添兵之計誠非得已蓋觀於往日之戰而知之 新使楊

抵金山

初五日晴中夜小雨

伯林來電言德主偕其後乘官輪由啟爾埠頭赴瑞典國與其國君相見云 因按啟爾埠頭即從前德法構兵時法國兵艦至此以為天險不攻而退者蓋據形勝之全者也於此知興築船埠之宜度形勢焉瑞典與那威地近北冰洋古之所謂使鹿使犬之國

日

記

卷十六

三

者似之八十年前法主拿破侖第一殘破歐洲英俄普奧各國合縱以敵之瑞典亦與焉然則瑞典雖編小其武備亦有足稱者德主以聯盟之局與志不堅故欲糾合日斯巴尼亞與瑞典諸國以壯軍威今之往瑞典者必為此也君子曰備豫不虞古之善戒也德主有焉

初六日小雨

倫敦來信言接加爾格搭信法以兵力凌轢暹羅暹羅自知不敵求印度相助並接濟軍械印度政府不允告以如暹羅願屬英印度方允行云 因嘗料暹羅難於圖存今果然矣查暹羅近年以來頗結好於英且易歐洲服色自以為可無虞矣而不知并吞之

風氣已開弱小之國斷不能久東周列國之時滕文公宋王偃皆有志振興者而終於不祀此前車也歐洲小國現尙不致滅亡者以各大國之勢均力敵相爲牽制耳將來勢有不均力有不敵一國發難而旁觀袖手如今日之亞洲則小國將必不免卽大國之凌替者亦終不免發難之國其在俄乎次則英也 電金山詢新公使楊帶若干人赴華盛頓應需客棧房若干

初七日晴

謁外部初坐定葛禮山卽言赴外埠昨日始返始見照會議院雖已開現議銀價事紛紜難定必俟此事議定後方能及外交也又言近晤各議紳向之以蓋力新例爲是者今皆不以爲是蓋見例

日記 卷十六

四

不能行皆有轉圜之意將來當可議廢否則屆期必不行也因謝之因言中國新使楊公已抵金山不日到美都見總統遞國書總統避暑未回故先於貴大臣處查問葛禮山曰總統近得疾醫者謂宜避靜養故暫居鄉僻處十餘日內恐不見客矣應請稍待又詢暹羅事又詢中國兵制因一一告之談久而出

初八日晴

查光緒十八年中日兩國互市日本入中國貨物值銀六百三十萬兩較上年增銀五十餘萬兩中國入日本貨物值銀一千二百萬兩兩相比較中國實多入銀六百餘萬兩商務漸盛矣 因查十年以前日本兵船勝於中國故有臺灣之役日本商務亦勝中

國中國招商局輪船初到日本日本畏奪其利卽肆詆毀今閱十餘年商務軍務已駕而上之者何也中國地大物博向也不言功利一變計焉如有本原泉擴充固易甚也日本之功效如婦人所言傾囊倒篋而出之者本難爲繼也楚莊王謂鳥不鳴者鳴則驚人泰西以中國爲昔睡今醒似有合焉

初九日陰

比利時國來電言本國議院紳士向來無俸惟不居都城者每月有俸銀四百二十三佛郎茲改章程以後無論所居何地每年均給俸銀四千佛郎其不居都城者則來往車費一律免收以示體卹云 因查比利時向合和蘭爲一國以後分爲二國其國版圖

日記 卷十六

五

甚小而商務實盛且歐洲各大國皆認爲局外之國故無兵事而民數易增國儲亦足其議院紳向例無俸則歐洲各國類然日斯巴尼亞是也卽英議紳之俸亦甚細微此足證矣其不居都城者每月給銀四百佛郎僅值銀八十圓以供火車之費而已今一律給俸每員亦僅銀八百圓蓋比與德鄰國小而儉無侈靡之習故用易給也

初十日大風晴

大西洋海介歐墨兩洲之間有羣島名阿梭爾向屬葡萄牙而距葡甚遠消息難達呼應不靈葡國欲創海電而苦無資近與英公同訂設海電由葡都達該島已立合同均簽押矣 因於是見葡



之貧也又於是見葡之失算也不自設電而以授人本國之利已漏卮矣彼固以貧而出此下策也度葡國之設電以通屬島之消息固防他國之佔其屬島而欲以是維持之也而不知將來佔此島者卽英也以英人佔此島而由英公司爲之告急其消息依舊不達呼應自必不靈甚且虛者實之實者虛之且聳島人以叛葡開門以延英皆意中事耳秦以杞子戍鄭鄭使掌北門之管而遂招秦以襲鄭焉此前鑒也 古巴總領事譚乾初到

十一日晴

俄國政府近立新例不准各鄉村人戶出賣產業與外國人以免外人侵并本國人失業云 因接此例有三善焉土地爲衣食之

日 記

卷十六

六

源寶而守之可免凍餒一也外國民人入內地管產業土客不協易起釁端可以防之二也外國教堂尤易起釁彼不能購土地自不能建教堂三也一舉而三善備焉

十二日小雨

德國領兵官約束部下極嚴近有兵丁六名以爲太苦逃亡而入法界願隸法隊爲法効力法員納之遂訂合同飭赴馬賽海口附船赴阿非利加洲法屬地矣 因於此歎嚴之難行也少時治家尙嚴課讀尙嚴今出使亦尙嚴而頗有怨望者然子產嘗謂寬難武侯亦求法立明代威繼光治兵至嚴其軍律實爲後人師法則嚴之有益也明矣德國陸兵天下莫強而約束極嚴可於此得治

兵之道焉其以爲太苦者乃不肯兵丁不受約束此亦人類中之必不能無者故法員雖知之而仍屏之阿洲其用意可想矣中國兵政以湘淮兩軍爲嚴卒平粵捻回匪之亂其明效可徵矣嘗過天津聞淮軍之延德國兵官訓練者頗苦其勞嗚呼此德國陸軍所以無敵也夫

十三日晴

巴黎來電言法國有事於暹羅俄國政府將派水師一隊迅赴暹羅以助法人而符聯盟之意英政府初有救暹之意茲見俄法兩國聯兵不便妄動矣 因按俄法聯盟之舉誠得計矣今猶小試其端耳而英已畏之孫武子云勇怯勢也強弱形也形勢不敵則

日 記

卷十六

七

勇者亦怯強者亦弱今日之英是也 因嘗論地球海軍之勢俄與法合則英不能敵今果形見勢絕矣因以爲此事初見端倪而尙非究竟也苟充俄法兩國大欲之所存全力之所及則歐亞兩洲必將有大被蹂躪者爲可虞也昔者拿破侖第一求合於俄而歐洲之不靖者二十年殺人二百二十萬非俄法之交中離英俄普義之聯兵合戰未易勝其殘也

十四日晴

瑞士國來電言美國與智利國賠款之案積至千餘起茲立約各派員秉公商辦以清積牘美派員名古德智員卽駐美公使名嘉拿瑞士派公道人卽瑞國駐美公使均在華盛頓於六月十四日

起議約六箇月爲期云又聞美與英祕林海峽捕魚一案歐洲公道人所斷美國理細將輸於英而美賠英之銀數頗鉅云 因駐美三年見美國所行多用霸氣禁工之事爲背約報施之約好佔鄰國便宜覬覦檀香山又違公法戕殺義國旅美之民而置之不理專祕林海峽之利而擄英漁船不獨各國譏之卽美之公正紳耆亦多譏之幸新總統外部均不直前任之所爲一一矯正或能收之桑榆僅舊主聯任布連不死則美國之禍未艾也夫

十五日 陰辰後見日

美報載今春各國兵艦來美賽會事竣後已星散惟俄艦尙留近陸續又到數艦合前所留竟成一隊其故因南北花旗爭戰之時

日記

卷十六

八

俄人無左右袒事定後美國曾派水師一軍赴俄言謝此次俄廷亦以相報云 因按此語不盡然也南北花旗之戰已二十年此時言謝則已遲矣且既欲言謝何不於賽會時聲明而於三四月之後忽爲補農之雞乎大抵近日地球各國無不誇耀海軍以期威遠俄之水師近已強於往年祕林海峽一案俄人曾擄美之漁船美人曾力爭之俄人又漸欲蠶食墨洲故以是爲先聲之奪以後收迎刃而解之效耳 至阿林頓訂房公使一處上下三間按日銀六十圓餘分主僕主每日銀五圓僕每日二圓半如不赴餐房之饌而於本房飲食者另按人按日加銀二圓半如久寓至十五日以外價可稍減

十六日晴

中正接總理衙門電開十二日奉

旨崔國因補授右庶子欺此

暹羅來電言六月法人以兵船脅暹羅索美江以東之地又銀三百萬佛郎限於兩日內回覆遲則開仗茲暹羅已從命而法國使暹之專使又令暹羅撤退所延丹國人矣 因觀於此而知敵國之心焉因知謀國之道焉八十年前拿破侖第一之勝普魯士則限其兵數十年以前俄國之勝土耳其則索其兵船智利之勝祕魯則限以不築礮臺不添兵艦不購槍礮今法之制暹羅則限以不用他國人才查丹國卽瀛環志略所紀之噠國又名大尼日本

日記

卷十六

九

譯萬國史記以爲丁林中國以爲丹麥五百年前向以海船劫掠各國爲生曾劫英人入貢後漸衰微蓋其水戰有足稱者法人防暹羅之蹶而復振故以是制之然則蹶而欲復振者反各國之所以脅制他人者而行之則庶乎其可矣 十七日晴午後小兩大風雨微夜 是日黎明卽起設香案行三跪九叩首禮撰謝 恩摺

伯林來電言近日俄國於德國貨物入口加抽稅銀德國政府現議報復所有俄國運入德國之貨一概加抽稅銀五成云 因按稅則爲各國內政例可自主而不憂其太過者則特報復一節足

以備之也蓋我國土產入他國之口稅之重輕他國主之他國土產入我國之口稅之重輕我國主之如交以道而接以禮則彼此均不爲賤削之事如有狡猾者必欲賤人以肥己則以其人之道還治其人固毫不費力也以各國自主之權而卒不至於太過者恃此也

十八日 大風晴

自美國創設頭等公使以來英法義三國已改駐美公使爲頭等茲俄國亦改爲頭等德國則另派公使更換 美公使之駐尼格拉孤者值尼國內亂都城接戰外攻之兵駭彈及使館幾於傷人美公使即通知亂黨謂圍攻都城不先通知局外之國殊違公法

日記 卷十六

十

現電撥兵船一艘由秘魯至尼國以保護美國官商云 因於是而歎公法之不可不知也歐洲各邦論立國育才之道曰讀書則智不讀書則愚智則強愚則弱誠有味乎其言之也德國之民讀書者百之九十五美國之民無不讀書宜其強富如是之速也阿洲之民未聞讀書者宜其全洲爲各國所分裂而曾無一人一國出一成一旅以圖存也前智利之議院黨不直其君而不敢違公法以逆美國之兵船今尼國之爲亂者竟違公法以殃及各國之使館曲直不同則成敗自異智議院之事成尼亂黨之事其敗夫亥正新任出使大臣楊 到因率隨員迓於車廠至亞林頓客棧設案恭請

聖安談至子初返館

十九日晴

上月倫敦來電言歐洲如英俄德法各國其兵按年大操或一次或數次不等所以重武備也惟英國所重者不在陸而在水以其地勢四面皆海拒之於海陸自無虞今年水師部議以本國兵艦分爲兩隊以紅旗藍旗別之紅旗隊內鐵艦爲多藍旗隊內雷艇爲多作爲交戰之形以試鐵艦之於雷艇二者孰優孰絀且觀其進退攻守離合之勢以期精熟庶幾臨時有把握云 因嘗論俄之陸軍英之海軍皆天下莫強焉今觀英之所籌畫者而益信也八十年前拿破侖第一蹂躪歐洲各大國無不被靡惟以陸軍攻

日記 卷十六

十一

俄則敗以海軍窺英亦敗其時俄人猶須堅壁清野英之三島晏然無事信乎拒之於海陸自無虞也孫武子云兵因地而制勝俄英二國之軍是也一百年前英之海軍尙有見挫於法日二邦之時近百年內則無敢與爭鋒者可謂無敵然俄德法義諸國日夜淬厲以增鐵艦而俄法又已聯盟此英之所遠慮者故訓練以備不虞也

二十日晴

前月馬得力來電言日廷擬改稅關章程不用銀錢而用金錢嗣以各國不允而罷倫敦來電言俄廷欲與奧國訂立報施條約先詢奧廷奧國允照最優之國相待但與義賽兩國之報施五穀入

口係格外利益則不能也 因按奧日兩國措施比而論之則奧勝日日改圖法暗中取利其名不順奧之答俄以禮而有限制俄人難與強爭矣 因嘗論各國交涉之道其私誼甚優而公事不可假借奧君與俄世子之過境自任爲東道主人躬親迎送下榻宮中意隆禮備而於報施之約所言公者仍公言之非忽然不欲結好於俄也不如是則各國之要求無所底止也 出使大臣楊西刻接印

二十一日 晴辰刻雨

美國費城新造成兵艦名明義巴利士長四十一丈英尺闊五丈八尺英尺喫水二丈二尺容七千三百五十噸馬力二萬一千匹

日記 卷十六

十二

船身用鋼製成所裝之煤可行一萬五千米合中里五萬里其行極速所以爲交戰時擄敵國商船之用也 因按歐洲各國以商爲本斷無有不恤商者擄商船之謀所以遏敵國之輕易開釁也往年拿破侖第一禁各國與英通商英人亦禁各國與法通商由共兵力足相抗也中法越南之釁法以兵艦阻中國漕船無以抵制遂至竭蹶美國此舉其爲未雨綢繆也夫

二十二日 晴

美國費城新兵船動工已命名布落克林容九千一百噸馬力一萬六千匹鐵甲不厚而礮爲多蓋爲攻敵川也法廷新造巡船全仿美巡船名紐約之式蓋因法員見美紐約巡船船身之堅機器

之靈實爲利用故而仿之各國皆稱美之造船未逾十年而他國卽有以爲師法者由其講求日精也美廷聞之亦自喜焉 因嘗論美之講求水師苟充其力之所及十年以後可以敵英惟歐亞兩洲絕無添煤之埠其所短在斯耳查船廠廠首在人材次在物力非講求有素則無人如無師之學也非庫欸甚充則無財如無米之炊也無人而借他國之人當起釁宣戰之時必不得力以公法限之也此俄王彼德所以微服而充船廠之工也無財而貸他國之財作剝肉醫瘡之舉必致終窮以漏卮累之也此歐洲各大國所由以開闢利源爲本也 午刻謁見總統辭行總統許竭力願全中美交誼

日記 卷十六

十三

二十三日 晴

辭行出使大臣楊 至使館寄請

聖安美戶部查本年六月一箇月內出口之麪值銀一千五百九十一萬二千七百五十一圓較之上年六月多三百四十餘萬圓又查自上年七月至本年六月止此十二箇月內出口之麪共值銀一萬八千八百九十八萬一千九百二十二圓較之又前一年實短銀一萬萬圓云 因於是歎美國之能興利也麥麪一物入欸已近銀二萬萬元前年且至三萬萬圓可謂百姓足矣嘗讀漢書紀文帝之世太倉之粟陳陳相因至紅而不可食今則移食於他國合海外爲一家有無相通米粟雖多不置無用之地其謀國

也不可謂非計之得也世嘗謂古今人不相及豈其然乎

二十四日晴

午初啓行赴火車廠出使大臣楊儒參隨各員送行梅律師亦到

十五日金山來信言日本人四十九名由英屬域多利假道來美稅關查得近年日本人之赴域多利者甚多此數月中混入美境者已三百名均爲稅關阻回矣 因按美國禁工之令已行於歐洲斷無不行於亞洲也惟歐人之入美境者皆直截而來亞人之入美境者多紆折而入爲不同耳美外部大臣爲因言自銀價驟變而各礦停工工人之失業者數十萬人遂致不靖每與地方官爲難不僅與華民爲難也然則美實患人滿矣日本人尙欲入境哉

日 記

卷十六

十四

二十五日晴

午正至希卡果換車於亥初開車 十四日俄國彼得堡來電言俄國近日於開採金礦一事詳加考究故所採金數年有加增一千八百八十五年所採之金值銀一萬四千羅卜至今未及十年現在所採之金每年值銀三千六百六十餘萬圓云 因按中國鑒於有明之季世視開鑛爲畏途遂至棄地寶而不取而爲高論者或以爲啓天地之藏其立言誠大矣然當今之世羣雄角力我如能閉關自守拒使不來若桃源之自爲世界豈非盡善而無如不能也陸防之外又有海防製船製械軍需所費不止百倍

將何以籌資哉外洋開鑛之舉未可盡非也

二十六日晴

昨日至希卡果換車因開車尙待五時稍至各處遊歷見石房至高者地面約十八層合之地下當二十層可謂高矣又至一處則銅鑄人像兩男像爲紫人卽美國土著之煙甸人也一婦人一小孩像爲英人則二百年前初到美國者也一紫人舉斧以斫婦人另一紫人以手格之斧未下婦人則以右手入紫人腰際抽其短刀已將出鞘蓋欲奪刀以刺紫人也小童則駭極張口而號情神逼肖距銅像二丈餘許有枯樹一株無枝葉蓋當時之物已二百年生氣盡而未刪伐特留之以誌此事之顛末也

日 記

卷十六

十五

二十九日午刻抵金山黎領事等及商董相迓於火車遂入館署八月初一日晴中華會館設席餞行

初二日雨昭一會館設席餞行

初四日午刻上槎那輪船眷口共五人何汝霖隨行領事黎等送上船舟行向西每日約行一千二百至三百里甚穩

終

# 出使日記

光緒十五年  
壬辰  
季春  
開  
序

出使英法義比四國日記 序

光緒十五年為

今天子親政之初福成奉

命出使英法義比四國未及行越明年二月始抵巴黎

由巴黎至倫敦四月至伯魯色爾又明年至羅馬既已

奉宣

德意並撮其事機之大者入告於

朝廷亦以咨謀詢度之餘為日記六卷大較由攷覈而

得於昔者十有五六出見聞而得於今者十有三四也

義比新造之邦未遑遠圖英人通商法人傳教已徧通

內地交涉紛競視他國為甚其分屬英法之緬甸越南

出使日記 序

尤逼吾南服我不能閉拒阻遏也夫人而知之矣知之

而不圖所安非所謂狃於積習粉飾自欺者歟大抵今

古之事百變應之者無有窮時平天下者平其心以繫

矩天下知我之短知人之長盡心於交際之閒往者荷

蘭英吉利屢以商困人國法蘭西俄羅斯則常以教侵

人國然亦有效有不效何也禦之者有方制之者有道

彼有大利亦有大忌操縱之權固在我不在彼也至於

風俗政令之閒亦往往有相通之理試觀其著者其餘

教規模有合於我先王故籍之意者必其國之所以興

其反乎我先王故籍之言者必其國之所以替即其技

藝器數之末要亦隨乎風氣之自然適乎民情之便利何新奇之有焉吾聞管子之言曰善射者厄於野善游者厄於梁凡國之亡亡於所長然則天下之善知人長者又卽善於知人之短者哉海外之國崛起者五六虎視而鷹睨殆未有所定或者形格勢禁憚於發難先動者得禍故莫敢妄舉邪孟子曰及是時明其政刑誰敢侮予福成以爲時不可失者無有切於今日者矣凡斯編所言要有所致意然太史公譏張騫使西域不能得要領庸詎知我所謂至要人固以爲非要我所謂非要人固以爲至要乎是則非福成所敢測矣光緒十七年

出使日記 序

二

十月朔日

欽差大臣出使英法義比四國二品頂戴大理寺卿無錫薛福成自序

欽差二品頂戴大理寺大堂出使英法義比國大臣薛 爲咨呈事竊查接管卷內光緒四年八月十六日貴衙門咨行具奏出使各國大臣應隨時咨送日記等件一片內稱凡有關繫交涉事件及各國風土人情該使臣皆當詳細記載隨事咨報數年以後各國事機中國人員可以洞悉不至漫無把握况日記並無一定體裁辦理此等事件自當盡心竭力以期有益於國等因光緒三年十一月初一日奉

旨依議欽此欽遵在案本大臣於光緒十六年正月十

出使日記 杏文

一

二日由上海起程一路訪察外洋各埠情形隨所見聞據實纂記茲任以後馳驅英法義比四國又逐事攷求於各國形勢政事風俗觀其大略編錄成帙惟日記雖體例不一而出使情事無甚歧異

查 前出使英法大臣郭及

前出使英法大臣曾俱有日記所紀程途頗已詳備若但仿照成式別無發揮雷同之弊恐不能免此一難也出使之職固在聯絡邦交至如覘國勢審敵情貴能見其遠者大者而事之真偽虛實得

失利病本不易辨或拘於一隅而不能會其通或震其一端而不能究其極若但掇拾瑣事見其粗而遺其精羨所長而忘所短津津鋪敘舍己芸人無關宏旨此二難也中西通好本係創舉非絮四千年之史事觀九萬里之全勢無以通其變而應其機偶有論說抑揚稍過恐失其平或致議者之反唇或敢遠人之藉口必斟酌夫理之當然勢之必然權衡輕重不可稍有偏倚此三難也有此三難最宜審慎本大臣奉使之餘據所親歷筆之於書或采新聞或稽舊牘或抒胸臆之議或備掌故

出使日記

咨文

二

之遺不敢謂折衷至當要不過於日記中自備一格始於庚寅正月迄於辛卯二月分爲六卷用西洋糖印法飭員楷錄印訂六冊由文報局附郵賚送相應咨呈

貴衙門謹請查照須至咨呈者

右咨呈

欽命總理各國事務衙門

光緒十七年十二月二十日

凡例

一日記及紀程諸書權輿於李習之來南錄歐陽永叔于役志厥體本極簡要後世纂日記者或繁或簡尚無一定體例竊謂排日纂事可詳書所見所聞如別有心得不妨隨手劄記則亭林顧氏日知錄之例亦可參用一郭筠仙侍郎有使西紀程曾惠敏公有出使日記大抵詳於所歷程途開抒議論既抵英法之後即皆戛然而止此書以出使英法義比四國日記爲名必俟徧聘四國之後乃可終卷自庚寅正月起至辛卯二月底止併閏計之凡歷十有四月述事之外務恢新義兼網舊聞

出使日記

凡例

一

凡瀛環之形勢西學之源流洋情之變幻軍械之更新思議所及往往稍述一二一日記爲出使而作揆之體例似當但就四國所見聞隨事詳書然中國所以遣使之故在默察西國之情勢亦期裨益中國之要務也若未能開拓心胸綜攬全局既乏審機觀變之識更蹈舍己芸人之議殊失出使本旨是以此書於四國之外所聞關繫中國之事必詳記之即所聞關係各國之事亦詳記之以示使職所常留心者實非一隅一事可盡一顧氏日知錄之例凡詰經評史以及論時務攷掌故



偶獲一義皆可纂錄此編既為出使日記自不能不稍示限斷必與洋務關涉者始筆之於書即有偶讀邸鈔閱新報而記之者亦因其事關繫時局不能不錄

一英法兩館存卷自光緒丙子以逮庚寅中外交涉儘多關繫重大之事爰竭數月之力發而觀之摘其大凡隨筆纂錄所以此書首尾雖僅歷十有四月而交涉要件之可攷者則已閱十有五年使職固非一端亦可稍知梗概

一凡事有一定格式得其格式事乃易辦中國遣使本係創舉求之古書並無成式可循茲編於

出使日記 凡例

二

國書頌辭無不詳載以存體制至與外部往返洋文照會書信開亦譯登一二用示格式並可徵中西文法之稍有不同

一所記

國書頌辭意在備存格式所以遇君主等字樣均照原式擡寫此外如君主及伯理璽天德等字皆可不擡以此書專備吾華人記覽並無與彼國人交涉也詳玩約章意自如此

一凡關繫出使典禮除呈遞

國書外如恭逢

皇太后

皇上萬壽及冬至元旦皆望

闕遙賀使臣初到時前任使臣跪請

聖安前任使臣回華時使臣寄請

聖安皆謹誌之以資攷證又如主國君主及伯理璽天

德延請燕會暨朝紳會朝眷會聽樂會觀舞會亦必記

其梗概用昭從俗從宜之義

一日記雖排日編纂然一歲之中或值酬應繁冗公務

緊要未必能整日閒暇或積數日並無見聞亦無新義

若必按日勉為纂記非失之贅即失之虛茲編往往於

出使日記 凡例

三

一日中記至一二千言或閱一兩日無所記今並仍其舊以昭覈實

一陰晴風雨隨地不同况外洋之晴雨更屬無關緊要

然此為行役者之難易苦樂所由分故凡在塗之日所

值陰晴風雨皆詳誌之迨抵巴黎後則不記即由法至

英至比至義輪路迅捷多擇晴明之日亦可毋庸贅記

出使英法義比四國日記目錄

如皋顧錫爵延卿

新陽趙元益靜涵參校

鄭 張美翊讓三

上海王豐鎬省山

嘉定吳宗濂挹清

歸安胡惟德馨吾

鄞 陳星庚鈞侯

桐城潘承烈景周繕錄

無錫薛福成叔耘纂著

卷一

光緒十六年正月十一日至閏二月二十九日

出使日記

目錄

卷二

光緒十六年三月朔至五月二十日

卷三

光緒十六年五月二十一日至八月初十日

卷四

光緒十六年八月十一日至十月二十日

卷五

光緒十六年十月二十一日至十二月三十日

卷六

光緒十七年正月朔至二月三十日

出使英法義比四國日記

卷一

光緒十六年庚寅正月十一日記

光緒十五年四月福成奉出使英法義比四國之

命五月二十一日陛辭請

訓並奏准

賞假兩月省墓六月初一日出都道出津滬皆小作句

留二十三日始抵蘇垣是時因無錫無房屋可居故眷

屬暫寓蘇垣也而伯兄撫屏因中風不語已奏請開副

都御史缺亦於五月杪出都六月十五日抵無錫福成

出使日記

卷一

於二十八日回錫則伯兄病已革矣七月初二日遂至

不起趕為料理喪葬事宜並至仁村寺頭各鄉省墓以

九月杪歲事方擬十月初旬出洋而瘡疾遽發調治彌

月甫經痊愈新病之後溼熱乘虛下注兩腳腫痛異常

又醫治旬餘適以十一月十四日力疾抵滬酬應稍煩

感受新寒復於二十一日大吐大熱勺水不能進口者

五日皖人周汝誠字道明良醫也延之製方頗見明效又

善調理以培養本原為主方擬於十二月十四日乘坐

法公司揚子輪船啟行已購船票矣忽接前任出使大

臣劉芝田中丞來電云德法時疫正盛英亦傳染望明

正起程為妥同時李傅相亦接是電遂為電奏請旨接准電開奉

旨李鴻章電奏請旨已悉薛福成著准於明正起程欽此因復居滬靜養一月購定法公司伊拉瓦第船票以是日戌刻登舟眷屬同行者內子與第二女也參贊則候選知縣許珏靜山隨員則廩貢生顧錫爵延卿舉人趙元益靜涵直隸候補縣丞錢恂念劬優廩生張美翊讓三浙江候補鹽大使楊振鏞叔平江蘇候補縣丞沈翊清通梅候選通判左運璣子衡候選府經歷潘承烈景周繙譯學生則舉人胡惟德馨吾候補千總王鳳喈

出使日記

卷一

二

儀亭附生王豐鎬省山同文館學生世增益三監生郭家驥秋坪供事則候選直隸州王錫庚鵬九武弁則趙占魁王鐸也其餘尙有家人二名庖丁二名成衣一名整容一名女僕二名婢一名復有參贊二品頂戴分省補用道黃遵憲公度繙譯候選直隸州知州那三華祝籍隸廣東隨員內務府員外郎聯豫建侯赴粵省親皆訂明在香港守候隨員補用直隸州知州王詠霓子裳在丁憂期內訂明俟明年服滿出洋學生舉人陳星庚鈞侯俟會試後出洋 伊拉瓦第船能載三千五百三十二噸在公司船中號為中等其大者能載四千三百

噸聞法國公司船在中國海面者共有十餘號約計成本五六百萬金攬俄客貨所入尙不敷所出由國家每年津貼一千三百萬佛郎蓋其意在練習水手俾熟諳海道沙線為用武之備也 伊拉瓦第一作伊魯埃提又作厄勒瓦諦即緬甸大金沙江之別名在暹羅湖南河之西印度恆河之東南流入馬爾達般海灣法公司船大抵以地球諸大江為名如揚子等船是也船長一百二十七法尺每一法尺即一邁當合工部營造尺三尺有一寸廣十三法尺有半馬力二千四百匹氣力氣力即壓力得馬力四分之一吃水七十二法尺每一點鐘行十四海里每三海里抵中國十里

出使日記

卷一

三

船主布禮戴乃法國水師中之有官級者派充公司船主其管事及水手等並係水師中員弁兵士俾在海面練習風濤沙線駕駛測量等事其用意亦深矣法公司船行澳大利亞及馬達加斯加者八行中國日本者十三行安南者五行大西洋者六行地中海者二十五共五十七艘已有船名造而未成者五艘

十二日記

晴已初展輪已正二刻出吳淞口南行申初入浙江境望見諸島西名果臘夫近普船主至此始自能識塗不須引港人矣西正過鎮海口兩山對峙形勢自雄舟右

視虎踞山塔燈甚近入夜風浪較大

十三日記

晨微雨午後晴午前舟頗簸蕩暈者吐者較多舟南行偏西二十七度午正在赤道北二十六度三十一分北京偏東四度八分即巴黎偏東一百一十七度十七分戊正初刻舟右諸山縣互已抵福建泉州境蓋當臺灣之西北云自昨日午正至本日午正共行三百三十二海里寒暑表六十三度每日寒暑表但記午正

十四日記

晨大雨午後晴風浪平靜辰正過汕頭已刻舟行偏西

出使日記

四

七十四度舟右諸山隱見午正在赤道北二十二度四十八分北京偏西一度二分即巴黎偏東一百一十三度五十七分自昨午至本日午正共行三百四十一海里寒暑表六十七度復行一百二十七海里戊正抵香港下旋在赤道北二十二度十五分北京偏西二度十七分由上海開行越六十點鐘而達此計程八百七十海里 香港與九龍山對峙山勢四面迴抱極占形勝英人以為絕好哈勃誕既已久哈勃者譯言航海避風處也道光壬寅年為英所據初祇一荒島耳周圍僅數十里英人招徠墾闢盡力經營遂成巨埠洋樓攢倚山嶺如蜂窩有上環中

環下環之名其內大街名維多利亞尤為貿易總匯度貨駁集閱閣雲連居民凡十二萬人船戶三萬人綜計十五萬人內西洋人僅有三千其餘皆華民也又水陸操練兵三千由英調來 香港為閩粵通逃藪雖與粵垣相距咫尺而華洋隔絕中國官不能拿問必須設一領事官嚴緝奸宄保護商民既合公法最於中國公事有益然前任使臣屢爭之不能得也此事當相機待時而行之

十五日誌

晴寒暑表七十四度繙譯那三華祝隨員聯豫建侯由

出使日記

五

粵省來登舟余遣那華祝世益三先赴英總督署中告以將訂時往拜午正二刻英署以小火輪來迓抵岸英兵約七八十名排隊作樂為禮礮臺聲礮十五以轎迎余至署余與總督傅衛廉相見各道寒暄數語傅君言仰慕已久渴欲一見並言駐港二年身體不甚舒暢擬附下次法公司船回國養病申初三刻傅君率將弁澳屏繙譯官梅埃來船答拜坐談片刻款以酒果而散香港有學堂有監牢郭筠仙侍郎已記之又有兵房有大花園有博物院隨員等皆往觀之香港對面有船鴨似另建一小島上蓋與九龍山相近余欲往觀而未得暇

望見之焉

十六日記

晴寒暑表七十四度參贊黃遵憲公度攜一子一僕由嘉應州來登舟午正一刻開行未初二刻出口風順舳舻平水見黑色西士傅蘭雅纂格致彙編介趙靜涵請序於余余以滬館事冗即屬靜涵代擬一稿已爲點定送交傅君矣茲者風和日麗舟平如砥復取前稿諷玩數徧酌加刪潤附誌於此序曰格致之學在中國爲治平之始基在西國爲富強之先導此其根源非有殊也古聖人興物以前民用智者創巧者述舉凡作車行陸

出使日記

卷一

六

作舟行水作弧矢之利以威天下所謂形上形下一以貫之者也後世歧而二之而實事求是之學不明於天下遂令前人創述之精意潛流於異域彼師其餘緒研究益精競智爭能日新月盛雖氣運所至亦豈非用力獨專歟方今海宇承平中外輯睦通使聘問不絕於道西國之討論中外經史者不乏其人而吾儒亦漸習彼天文地輿器數之學涉其藩若浩博無涯浹究其奧則於古聖人作述之原未嘗不有所見焉甚哉格致之功之不可不窮其流也西士傅蘭雅先生英國之通人也航海東來二十餘年矣通曉中華語言文字於繙譯西

書之暇取格致之學之切近而易知者彙爲一編按季問世不憚採輯之煩譯述之苦傅君之用心可謂勤且摯矣顧吾謂中國數千年以來材智迭興固未嘗無好學深思之士造乎其極者第自周禮冬官一書既佚而採藝者師心自用擅其片長以眩於世學士大夫又鄙棄工藝而不屑道而古先聖哲所作述之絕學遂亡詎知泰西各國殫億兆人之智力潛闢造化之靈機奮志經營日臻富強以雄視宇宙邪閉嘗攷其大凡其齊動力之輕重疾徐而製器者曰重學即攻木攻石攻金之工也剖別物質各殊其劑以程材者曰化學即冶人升

出使日記

卷一

七

人之業也以火化水使積力而生動者曰汽學即蒸釜酒龍之製也凹凸晶鏡令光點遷就而利視者曰光學即陽燧銅鑑之各適其用也其他磁石引鍼琥珀拾芥即電學之權輿也一尺之棰日取其半萬世不竭即幾何學之妙用也吾華讀書之士明其道者忽其事工師之流習其業者昧其理多未明曉西法故不能互相引證抉其精要然其學未嘗不可攻而能也傅君彙編出而人知格致之實用庶幾探索底蘊深求其理法之所以然風氣既開有志之士鑿而不舍斷使古今中西之學會而爲一是則余之所默企也夫

十七日記

晴風順浪平舟行偏西一二十度昨夜已過瓊州已正入越南境自昨午至今日午正共行三百四十三海里寒暑表七十四度在赤道北十七度二十五分北京西五度二十四分水見翠藍色 日本人重野紹一郎與學生王豐鎬談據稱日本駐法公使曰田中不二磨駐英公使曰河瀨真孝日本國皇名睦仁

十八日記

晴風順浪平舟南行偏西一二十度水見綠色辰刻後舟右諸山或遠或近連綿不斷者數百里其崖皆童其

出使日記 卷一

八

土或赭色午初所過者曰平頂山屬越南順化府境自昨午至今日午正共行三百五十四海里寒暑表七十六度在赤道北十一度四十九分北京西七度十二分巴黎東一百六度五十七分未初過白大蘭海角譯文派達有大魚在舟右約十丈外浮沈隱見傍船而行駢然躍起長三四丈揚鬣噴沫有自得之意或曰輪船行處必有小魚隨之俟船上擲下食物而食之此魚大者蓋來食小魚者也或曰昔安南有王子溺水兩鯨魚翼而起之由此土人奉鯨魚為神相戒不敢捕故鯨魚尤大斯始鯨魚也亥初舟右見塔燈蓋距西貢日近矣

十九日記

晴子正進西貢日舟折而北西望水面數十里沙水淺阻不能暢駛惟順東岸山麓曲折緩輪而行入口里許半山凹處有法國兵房礮臺頗占形勝寅初二刻停泊碼頭自昨午至進日共行二百三十二海里由香港至日共行九百十五海里又行十五海里而停泊焉土人云此口有七十二灣與大沽口彷彿其盤旋極狹處祇容一輪法人於此睥睨已久咸豐同治間越南殺教士之案起法兵艦始往攻順化不克而退遂入此口凡啟毀兩次割地六省設西貢總督治之越南有此險而不

出使日記 卷一

九

能守宜其弱也西貢出口貨為麻豆米糖錫象牙胡椒棉花榆樹檀香石油樹膏檳榔玉桂燕窩進口洋廣貨鴉片茶葉而洋廣貨為大宗上年價至洋銀八十萬員民奉天方教者即同居多土人男女蓄髮跣足女子長衣窄袖頸足飾圈錫喜食檳榔居民二十萬內有華民五萬印度人數萬其餘皆安南土人法駐防兵三千礮兵四百越兵一千二百法商二三百人馬路四關洋樓昆連距此十里有巨市曰隄岸粵人貿易之舊街也土人憚與洋人往來必藉粵人居其間故土貨廣貨蒼萃於斯乃開鐵路以火車載客每一時往返一次余先乘

馬車往遊大花園地極寬廣樹木蒼老多百年物廣蓄禽獸水族百餘種有虎豹猓熊猩猩象猿狼羊鹿田鼠山貓箭豬袋鼠孔雀鸚鵡鳩鶴鷹鶴鱷魚穿山甲之族其花木則有木棉秋海棠梅榆蕉竹檳榔之族法人自得越南後以西貢巡撫轄南圻六省設東京巡撫轄北圻十三省又設一巡撫名為保護越南轄越南十二省而柬埔寨一國已服屬於法亦設一巡撫名為保護柬埔寨轄五十州其原設之西貢總督則改為總督四處往來西貢東京之間該總督現往東京余乃於午後帶那世兩繙譯往拜巡撫述暖一譯作淡能爾而法館繙譯則呼之

出使日記

卷十

十

日達 逮君先遣其武員以馬車來迎復導遊花園及總督署然後與逮君相晤須臾即來答拜各敘談片時而別逮君人頗誠懇惟接任未久不嫻外務並未聲微相迎為失禮焉余因諒其非有意慢余也戊刻香山人道街兼辦招商局務張需霖以馬車迎余及參隨等赴隄岸美南樓聚談述西貢近事頗詳需霖字沃生居西貢三十年以商致富有十子兩子已舉於鄉沃生為人誠篤款中國過客尤殷摯云 西貢在赤道北十度四十六分北京西九度四十六分進口港與瀾滄江下游名東埔平行相距甚近其地舊名柴棍西音譯轉為西貢

而越南土音謂柴曰隄謂棍曰岸故其內街又名隄岸有公所五日廣幫潮幫瓊幫嘉應幫閩幫凡華民五萬而分居法屬各省者尚有二十餘萬人土產以米為大宗餘則燕窩魚肚檳榔豆蔻等物法人徵稅凡六項曰進口稅地基稅招牌稅身稅貿易稅房稅華人身稅分三等上等每年八十五員次四十員次九員半出口貨無稅惟米有稅每石洋銀一角半上年出口米至一千八百萬石之多而鴉片煙稅每年徵一百二十萬員酒稅每年收六十萬員 柬埔寨有五十州地約二千里從前入貢越南暹羅兩國在西貢之西暹羅之東今法

出使日記

卷十一

十一

既設官保護幾已夷為法之屬地國王坐食廩祿而已土產多魚米棉花象牙犀角豆蔻之屬 柬埔寨國土音轉為金波乍國又因金波之音轉為金邊國或曰該國建都金邊埠因其俗尚佛教多建高塔飾之以金故又名金塔國亦曰甘李智國實即古之真臘國也又因地產棉花土名高棉國而地圖或遂訛寫為高蠻國由西貢至柬埔寨輪船二日程由柬埔寨至暹羅輪船四日程

二十日記

寅正一刻展輪辰正二刻出口舟南行偏西十五度午

正寒暑表八十度船左見小島數座自展輪至午正行九十九海里在赤道北九度二十九分北京西九度三十二分未初舟右見山蓋柬埔寨角也船在西貢添法國換防回國兵百五十名皆居三等艙蓋彼戍兵二年一換班也兵頭袖口有金線四條是日晴風逆舟蕩午正陰

二十一日記

晴風順船平寒暑表八十六度自昨午至今日午正行三百四十五海里在赤道北四度四分北京西十一度十一分巴黎東一百零二度四十七分偶閱瀛環志略地圖念昔鄒

出使日記

卷一

三

衍談天以爲儒者所謂中國者乃天下八十一分之一耳中國名曰赤縣神州赤縣神州內自有九州禹之所奠九州是也不得爲州數中國外如赤縣神州者九乃所謂九州也於是有裨海環之人民禽獸莫能相通者各爲一區乃爲一州如此者九乃有大瀛海環其外爲天地之際焉司馬子長謂其語闕大不經桓寬王充並譏其迂怪虛妄余少時亦頗疑六合雖大何至若斯遂聞鄒子乃推之至於無垠以聳人聽聞耳今則環遊地球一周者不乏其人其形勢方里皆可覈實測算余始知鄒子之說非盡無稽或者古人本有此學鄒子從而

推闡之未可知也蓋論地球之形凡爲大洲者五曰亞細亞洲曰歐羅巴洲曰阿非利加洲曰亞美理駕洲曰澳大利亞洲此因其自然之勢而名之者也亞美理駕洲分南北中間地頸相連之處曰巴拿馬寬不過數十里皆有大海環其外固截然兩洲也而舊說亦有分爲二洲者卽以方里計之實足當二州之地是大地共得六大洲矣惟亞細亞洲最大大於歐洲幾及五倍余嘗就其山水自然之勢觀之實分爲三大洲蓋中國之地東南皆濱大海由雲南徼外之緬甸海口溯大金沙江直貫雪山之北而得其源於是循雪山蔥嶺天山大戈壁以接瀚海又由瀚海而東接於嫩江黑龍江之源至混同江入海之口則有十八行省盛京吉林朝鮮日本及黑龍江之南境內蒙古四十九旂西盡回疆入城暨前後藏剗緬甸之東境括暹羅越南南掌柬埔寨諸國此一大洲也由黑龍江之北境訖瀚海以北外蒙古八十六旂及烏梁海諸部西軼伊犁科布多塔爾巴哈台環浩罕布哈爾哈薩克布魯特諸種自鹹海迤裏海以趨黑海折而東北依烏拉嶺劃分歐亞兩洲之界直薄冰海奄有俄羅斯之東半國此又一大洲也雪山以南合五印度及緬甸之西境兼得阿富汗波斯阿刺伯諸

出使日記

卷一

三



國土耳其之中東兩土此又一大洲也夫亞細亞既判爲三洲余又觀阿非利加洲內撒哈爾大漠之南有大山起於大西洋海濱互塞內岡比亞之南境幾內亞之北境尼給里西亞及達爾夫耳之南境延袤萬餘里直接於尼羅江之源此其形勢殆與亞洲之雪山蔥嶺界劃中外者無異尼羅江又曲折而北以入於地中海是阿非利加一洲顯有南北之分矣今余以志略所稱北土中土者謂之北阿非利加洲志略所稱東土西土者謂之南阿非利加洲此又多一大洲也而南洋中之噶羅巴婆羅洲巴布亞諸大島則當附於澳大利亞一洲

出使日記

卷一

七

夫然則大九州之說可得而實指其地矣雖其地之博隘險易不同人民物產之旺衰不同然實測全地之方里謂其八十倍於昔日之中國自覺有盈無縮所謂裨海者若紅海地中海皆是矣卽有沙無水之瀚海亦可謂之裨海卽中國東隅之黃海渤海有日本三島障其外亦可謂之裨海是裨海與大瀛海殆一而二二而一者也而彼所謂大九州者在鄒衍時豈非人民禽獸莫能和通者乎至於禹迹之九州要不出今之十八行省若福建廣東廣西貴州諸省則禹貢並無其山川今以置余以上所敘一州之中約略計其方里要亦不過得

九分之一然則禹迹之九州實不過得大地八十一分之一而禹貢所詳之一州又不過得大地七百二十九分之一其事殆信而有徵也舟中無事觀大海之汪洋念坤輿之廣遠意有所觸因信筆書之

二十二日記

丑正到新嘉坡停輪候潮卯正進口泊碼頭在赤道北一度二十分北京西十二度三十八分自昨日午正至此行二百海里距西貢六百三十七海里領事官暨運使銜分省知府左秉隆子興率其姪隨員卽選知縣左棠樹南來謁御亮紗袍褂緯帽翎扇據云終歲衣服如

出使日記

卷一

五

此左君在此爲領事九年精明幹練熟諳洋語與英官皆浹洽辦事頗稱穩愜蓋領事中之出色者已初以馬車迎余及參隨各員登岸行四五里到領事府譙敘午正余率領事及繙譯那華祝往拜英巡撫施密司未刻施君帶一武員來領事府答拜施君在廣東多年熟悉中國之事人亦練達頗致殷勤云須於出口時聲礮相送有頃辭去英國官制駐香港新嘉坡等處者謂之辦物納猶中國巡撫也駐印度者曰辦物納萃乃蘭猶中國總督也巡撫管理新嘉坡檳榔嶼麻六甲全境其下有按察司輔政司管理民事水陸兵房二所約有兵丁

三千有機器廠大小五所書院三所而中國亦有一所  
曰萃英書院者商人陳金鐘所創也設領事於此者凡  
十六國中法荷意德美日本西班牙八國係特派俄奧  
比葡瑞典挪威巴西暹羅八國係商人兼充新嘉坡南  
北十四洋里東西倍之舊名息力本柔佛國地嘉慶二  
十三年英以兵船奪據之其王退居近島今國王頗有  
能名通英法語言文字善於酬應常遊歐洲廣交英國  
名公巨卿及各國領事所以英不廢之認爲自主之國  
然與他國交涉仍須聽英之命英人不稅進出口貨物  
以示招徠由是商船雲集十五六年前華民居此者八

出使日記 卷一

六

九萬今則十五六萬矣此間人民最雜約有十數種如  
閩粵瓊州嘉應州印度暨噶羅巴所轄諸島如西里百  
爪哇今亦稱爪華吉甯言語格不相入除華民外巫來由族  
及印度人約有十萬英人三千巫來由土著最舊其人  
鰲黑蠢陋如鹿豕男女同蓄髮赤足腰短禪而披紅袂  
右鼻孔恆穿一銅環耳輪則穿六七負物皆以頂戴無  
肩荷者運重以雙牛挽車英人於山南山北皆設兵房  
礮臺因山壘壘絕居形勝今祇抽洋藥稅酒稅每月可  
得八十五萬員貿易之盛歲值至千餘萬員土產錫鉛  
蔗糖檳榔胡椒椰子沙藤紫菜甘蜜羣環志略謂之甘  
蜜即檳榔膏用入

藥犀角象牙降香蘇木江珧柱燕窩翠羽螺蚌文具之  
屬不生五穀棉花俱由他埠運來地氣極旺最宜養生  
爲南洋羣島之冠余偕子興等往游胡家花園前領事  
黃埔胡璇澤故園也園中多蓄珍禽異物郭侍郎使西  
紀程已略誌之故不復贅 新嘉坡麻六甲檳榔嶼全  
境英總名司曲來脫舍脫門此司曲來脫譯言海峽舍  
脫門此譯言埠也各國領事皆兼三埠中國則專司新  
嘉坡事緣設領事之初忘敘及兩埠然麻六甲檳榔嶼  
華人有事亦有來告領事者但與英官辨論較多周折  
耳此事當俟機會更正之 英巡撫近奉本國政府檄

出使日記 卷一

七

以新嘉坡出款浮於入款欲籌養兵之費俾商民任四  
之三本國任四之一巡撫舉華商之公正者爲董事福  
建五人廣州二人潮州四人瓊州一人欲令商辦籌餉  
事聞商民尙未允也 閩商候選道兼暹羅領事官陳  
金鐘來謁金鐘字吟音原籍海澄居新嘉坡數世矣以  
商致富數百萬金其祖若父並受暹羅顯職金鐘頗疏  
財好義卽創萃英書院者也丁丑晉賑捐銀十餘萬係  
丁兩生中丞派人來勸者及左文襄公勸辦海防復捐  
萬金年六十餘有子子尙中國衣冠惟言語不通須用  
人傳話自稱不忘中國日後有事極願効力余頗獎勵

之以備他日之用西初一刻啟旋礮臺相距較遠遙望見冒白煙風又不順諦聽似有十數聲是日晴午後雨即止寒暑表九十二度

二十三日記

晨雨旋晴風微舟平寒暑表八十六度自展輪至今日午正行二百六十二海里在赤道北三度二十九分北京西十六度十五分巴黎東九十七度五十四分舟向西北過麻六甲海峽蓋右麻六甲而左蘇門答臘也水見淡藍兼黃色

二十四日記

出使日記 卷十 末  
黎明薄霧頻響氣筒不一刻即出霧界舟西北行午正在赤道北五度四十七分北京西二十一度四分巴黎東九十三度自昨午至今日午正行三百四十一海里寒暑表八十六度船右見山樹木蔥翠洋人名之曰滑船左島上有塔燈乃蘇門答臘之西北盡處西名勃臘司也過此入印度洋矣是日晨大雨旋晴屢逢陣雨風逆舟蕩

二十五日記

乍雨乍止舟指正西風大舟甚蕩嘔者極多寒暑表八十四度昨午至今午行三百三十一海里在赤道北六

度四分北京西二十六度三十一分巴黎東八十七度三十八分

余與同人談及昨所經之香港新嘉坡等埠五六十年前皆荒島也洋人藉經營商務闢荒島為巨埠而英人尤擅能事以英人於商務最精也當締造之初必審其地為水陸要衝又有泊船避風之澳有險要可以扼守有平地可以建屋於是招致商民創闢市廛未幾而街衢橋梁闢園林無不畢具又未幾而電線鐵路礮臺船塢無不畢具寔至商稅之旺民物之殷輒與中國之上海漢口相頡頏夫商為中國四民之殿而西人則恃商為創國造家開物成務之命脈迭著神奇之效者何

出使日記 卷十

末

也蓋有商則士可行其所學而學益精農可通其所植而植益盛工可售其所作而作益勤是握四民之綱者商也此其理為從前四海之內所未知六經之內所未講而外洋創此規模實有可操之券不能執中國崇本抑末之舊說以難之因思神農氏日中為市交易而退各得其所以王天下齊太公勸女紅管子正鹽筴而諸侯斂袂朝齊是商政之足以奔走天下古之聖賢有用之者矣蓋在太古民物未繁原可閉關獨治老死不相往來若居今日地球萬國相通之世雖聖人復生豈能不以講求商務為汲汲哉

二十六日記

乍雨乍晴舟仍西指風微舟稍平寒暑表八十四度昨午至今午行三百十三海里在赤道北六度七十七分北京西三十一度四十八分巴黎東八十二度二十一余觀火輪舟車之迅捷因念人心由拙而巧風氣由樸而華固係宇宙開自然之理自開闢以後不知幾何年古聖人始創為舟車為弧矢乃閱四千數百年以迄於今弓矢變而為槍礮舟車改駛以火輪從前中國小說家言有所謂騰雲者有所謂千里眼順風耳者謂不過荒唐悠謬之言斷難徵之實事今則乘氣球者非所謂騰雲乎

出使日記

卷一

辛

電線德律風傳數萬里之報於頃刻不更捷於千里眼順風耳乎即輪船日行千餘里輪車日行二千餘里雖騰雲之速當亦不過如是蓋世事遞變而益奇昔之幻者今皆實矣夫古聖人制作以來不過四千數百年而世變已若是若再設想四五千年或萬年以後吾不知戰具之用槍礮變而益猛者為何物行具之用火輪舟車變而益速者為何物但就輕氣球而論果能體製日精升降順逆使球如使舟車吾知行師者水戰陸戰之外有添雲戰者矣行路者水程陸程之外有改雲程者矣此外御風御雲御電御火御水之法更當百出而不

窮殆未可以意計測也

二十七日記

晴風小舟平正過包恩得葛拉似即會侯日印度之記之巴德夾東南境也卯初舟右見來無塔燈蓋錫蘭東南境山巒起伏障海而西午正抵錫蘭島之克倫伯一作格崙坡會侯日記謂應作科自昨午至此行三百五十三海里寒暑表八十七度埠無碼頭橫舟海中錫蘭一島長二百五十英里闊百五十英里周圍得二萬五千方英里人丁二百五十萬克倫伯其大埠也距新嘉坡一千五百九十七海里人丁二萬有奇種類約有六等英吉利人新嘉坡人

出使日記

卷一

壬

印度人名探末爾一名麻矮司新嘉坡人荷蘭人惟新嘉坡人最舊昔有新格里王居開殿城初為葡萄牙所吞併繼屬荷蘭嘉慶元年英又奪踞之墾築招徠迄今克倫伯有礮臺兵房教堂書院鐵廠醫館監獄關署花園博物院鐵路自山頂地名挪拉里至開殿山之中開自開殿至克倫伯埠南擲野止計程二百英里居民本崇佛教近則天方耶蘇天主各教皆有之英法德荷奧阿刺伯巫來由各種人皆備而印度人尤多其人民處陋與新嘉坡等克倫伯海面寬闊水勢湍激英人以西門土築隄約長一里以障洪濤始能泊舟渡船抵岸亦臻平穩工程始於

侯出使時至今始成土產洋藥為大宗及寶石象牙玳瑁加非桂皮檳榔香蕉波羅蜜椰子油出米亦多近兼種茶西北海灣麥那兒尤饒蜃蛤英有官駐克倫伯職視知府其大酋駐開殿譯音似作激從即使西紀程所謂高諾者也英人稱其大酋曰格浮男譯之猶曰管理人中外人稱之曰總督或曰巡撫皆以意會之云爾其香港新嘉坡等處亦然奉佛教者名刹有三一曰開來南廟譯音似作坎壘尼阿廟一曰考脫海拿廟一曰梅旌開恩殿廟開來南廟距岸七英里余與繙譯隨員等乘馬車往游焉廟有如來臥像一尊長二丈外僧云百五十年前所塑又侍者坐佛

出使日記

卷一

三

二尊其一云係二千四百年前所塑入廟者皆脫帽獻花為禮此地當即古之獅子國為釋迦如來佛成道之所或係涅槃之所而非釋氏生長之地也巨塔一座高十餘丈闊四五丈謂係釋氏真身所在或曰爪也寺僧約十餘人經文旁行皆以貝葉繩貫而版夾之余購貝葉經數部每部或百餘葉或六七十葉或二三十葉不等院內有菩提樹大可逾抱高三四丈相傳佛氏降生時先棲此樹亦二千數百年前舊物今人呼之為聖樹云凡登岸赴廟者必過一浮橋以船聯成名曰船橋此江名開來南江江水頗深寬四丈許馬車價每輛一點

鐘一羅比渡船價四人一羅比每英磅易十三羅比有奇每一馬車過浮橋英人收稅洋一角

二十八日記

子初開行至午正行一百七十五海里在赤道北七度三十二分北京西三十九度三十一分巴黎東七十四度三十八分是日晴風小船平寒暑表八十四度自過香港以後歷觀西貢新嘉坡錫蘭島諸埠雖經洋人壟斷經營閩閩雲連環貨山積而其土民皆形狀醜陋與鹿豕無異仍有榛狂氣象即所見越南緬甸之人及印度巫來由阿刺伯各種之人無不面目黝黑短小蟲蠢以視中國

出使日記

卷一

三

人民之文秀與歐洲各國人之白皙魁健者相去奚啻霄壤余因思南洋諸島國自古未聞有傑出之人才無不受制於人今乃為歐洲諸國所蠶食蓋地在赤道以下有暑無寒精氣發洩終歲無收斂之時所以人之筋力不能勤神智不能生頽散昏憊無由自振即如五印度地方萬里物產豐饒在昔未聞有強盛之國元明以後蒙古翦之近者英人併之至瞿曇氏之所生長竊意當在中北兩印度離赤道稍遠之地雖錫蘭亦有佛跡恐係游蹤偶到或曾在此住持而已大抵地球溫帶為人物精華所萃寒帶之極北則人物不能生熱帶之下

人物雖繁而不能精而溫帶近寒帶之地往往有鍾毓神靈首出庶物者則以精氣凝斂之故也

二十九日記

晴寒暑表八十三度昨午至今日午正行三百三十九海里舟西北行浪靜風微海天如鏡午正在赤道北八度三十一分北京西四十五度二分巴黎東六十度九度七分

二月辛未朔記

晴西行少北舟平如砥寒暑表八十三度昨午至今日午正行三百四十海里在赤道北九度四十九分北京西五十度三十五分巴黎東六十三度三十四分

出使日記卷一

初二日記

晴西行少北風小船平寒暑表八十一度昨午至今日午正行三百四十海里在赤道北十一度十二分北京西五十六度八分巴黎東五十八度一分

初三日記

西行偏北昨午至今日午正行三百四十六海里寒暑表八十一度在赤道北十二度三十四分北京西六十一度四十八分巴黎東五十二度二分舟左傍沙各脫臘山使紀程作蘇是島亦隸英國長六十洋里闊二十洋里土著約四千人俱阿刺伯種也山脚有一德國輪船擱滯

淺沙幾及兩年規模尚未全損西人因言由此山起至呵非利加之山角名曰嘉特分止海底沈沙倏忽聚散行船者俱有戒心焉 是日晴夜半舟微蕩

初四日記

舟指西北水深藍色昨午至今日午正行三百三十九海里寒暑表八十度在赤道北十二度四十五分北京西六十七度二十九分巴黎東四十六度四十分海面兩飛魚飛入船中長不盈尺背有兩翅呂氏春秋菴水注菴水之魚在西極名鯨其狀若鯉而有翼殆即此耶 是日晴風小舟平

初五日記

出使日記卷一  
真正抵亞丁灣進口下旋在赤道北十二度五十二分北京西六十七度三十分巴黎東四十六度四十分克倫伯至此計程二千一百七十七海里由昨日午正至此行二百三十海里童山不毛奇峯壁立水深綠色英人建屋東南山麓為往來舟艦接濟煤水之所本阿刺伯海口山後故城在焉道光十八年西歷一千八百三十八年為英人所據締造經營建礮臺三座於山上開山鑿徑由山脚以至山頂盤旋曲折築石城設鐵門置巨礮徒印度犯罪人於此令修礮臺山頂有蓄水池近行蒸水之法以海水化為淡水焉道上頗多駝驢牛馬駝小而矮背皆獨峰馬皆

精壯雄健蓋阿刺伯馬素有名者也土人鰲跣而齒奇  
白女則蒙面穿鼻男女項間均掛佛珠民人約有二萬  
大約多奉回教均阿刺伯印度種也英官知府一員駐  
此屬孟買巡撫戍兵約有二千土無所產僅產加非及  
駝鳥卵羽而已海面有沈舟一名愛納特者去年七月  
法公司兩船相碰失事於此而其一無恙云辰正大兩  
約一刻止聞此閒從前二三年一雨今則半年一雨而  
余此日獨遇雨焉殆偶然歟自西貢至亞丁土人皆駕  
獨木小舟並見羣兒戲游海面如魚如蛙因郭侍郎紀  
程曾侯日記已詳著之故不復贅午正寒暑表八十五

出使日記

卷一

美

度酉初啟輪子正入紅海口海頸名勃白爾門又名哭  
海頸中國地圖兩山南北矗立以海面望之約三洋里  
然水底皆有礁石中間可行者僅一洋里也由歐洲入  
中國者此頸壞船最多故以哭頸名之南山名丕立姆  
英人亦設礮臺有兵百餘扼守兼設塔燈二座行五六  
洋里初入紅海兩邊尙見岸左阿非利加而右阿刺伯  
也

初六日記

晴風小舟平寒暑表八十三度午後八十七度開輪至  
午正行二百八十九海里舟右見小島突出海面皆沙

石無草木午正在赤道北十五度十八分北京西七十  
四度三十四分巴黎東三十九度三十五分海水不見紅色仍深藍  
色兩面不見涯岸

初七日記

晴寒暑表七十九度最涼時七十三度昨午至今午行  
三百三十三海里在赤道北二十度北京西七十七度  
三十七分巴黎東三十六度三十二分入夜風大浪涌

初八日記

晴舟指北少西東北風大顛簸殊甚寒暑表七十三度  
最涼時六十九度舊云紅海炎熱而此次氣候獨涼蓋

出使日記

卷一

毛

因北風來自歐羅巴也倘南風從阿非利加而來必熱  
矣兩洲空氣冷熱懸殊風之激盪挾空氣以俱來也昨  
午至今日午正行三百零七海里在赤道北二十四度  
二十五分北京西八十度十六分巴黎東三十三度五十三分自入  
紅海以來兩邊並不見岸海水由深藍變深青色日光  
所映翻出波浪亦閒有似淡紅色者惟諦視之則非耳  
偶與黃公度談及美國限制華民之事公度言前為  
舊金山領事時查銀行滙票總簿華民每年滙洋銀至  
廣東者多則一千五六百萬員少則一千餘萬員四年  
扯算每年洋銀入中國者可一千二百萬員然此僅就

舊金山言之耳他如古巴秘魯西貢新嘉坡及南洋諸  
巨島華民不下數十百萬其商備所得之銀輸回中華  
者奚啻數倍於是蓋近年通商以出入貨相準華銀每  
歲流出外洋者約二千餘萬兩惟出洋華民商備所得  
以之相抵尙覺有贏無絀近聞新金山有華民四五萬  
英人援美國之例亦有限制苛待之意此事終恐棘手  
必不得已祇可另籌抵制之法

初九日記

子初過來北賴燈塔辰初過阿要臘非燈塔已進蘇彝  
士海灣矣船左右皆有山羅列直接至新開河止海面

出使日記

卷一

天

闊僅十餘里或二十餘里不等昨午至今日午正行三  
百二十海里寒暑表六十八度午後七十五度申刻後  
日光斜照浪無微紋如蕉之翠如鏡之清時有水母浮  
沈海面此處爲土耳其之埃及總督所轄埃及即麥西  
也麥西古稱名國觀其山水清華人亦明秀頗有江浙  
景象宜其開西洋文物之先聲矣惟地多沙漠尙近紅  
海之尾每東南風一起挾阿非利加之空氣以俱來令  
人異常煩熱耳午正在赤道北二十八度四十三分  
東三十度又行七十九海里酉初抵新開河即蘇彝士  
距亞丁一千三百二十八海里有小輪舟來收進口稅

是船能容三千五百噸應納稅洋銀七千員又船上約  
有人五百應納稅洋銀一千員計納八千四百餘員合  
三萬五千佛郎其費可謂重矣然經理此河者費用亦  
鉅河中挖泥機器船分布各段恐浮沙之淤積也岸旁  
電線相接十里設一電局見有來船則電告前船使停  
泊以相待以兩船不能並行也又於江路窄處懸球於  
桿大如瓜以爲表識與電線相表裏者也入夜紅綠燈  
沿河排列紅左綠右恐黑暗不能見浮筒也所收之稅除費  
用外各股主均分其利每歲不下數百萬鎊聞賴賽樸  
斯一作里勃斯開河之時每股分票一紙五百佛郎者今已

出使日記

卷一

天

漲至三千佛郎矣戌初進河口河長入十七海里廣  
七八丈深約三丈  
初船主導觀電燈及羅盤星圖地圖之屬從前禁止夜  
夜間並不停泊電燈在蘇彝士埠乃新開河之南口也  
有市鎮貿易頗盛距口入里通以鐵路在赤道北二十  
度五十七分北京西八十三度五十七分埃及總督本  
屬土耳其今立爲附庸之國故亦稱王歲納貢稅而已  
埃及有海口三日達每太日蘇彝士日亞勒散得

初十日記

晴舟甚平寒暑表八十六度水翠綠色乍行乍止因來  
往舟甚多隨處停避且緩輪而行夾岸沙灘晝時適值



南風熱氣隨風沙撲而令人躁悶難受此河之東為阿刺伯西為埃及地

十一日記

子正舟抵波賽一作蘇蘇亦名波脫賽德波脫譯言卑賽德其地名也在赤道北三十一度北京西八十三度五十九分為蘇彝士河之北口距南口八十七洋里是處有大湖出口即地中海也泊舟甚多居民約三萬有奇其西為達每太又西為尼羅江口又西為亞勒散得按尼羅為地球大江之一與蘇彝士河並行相距約九十洋里發源阿非利加南境盤屈曲折而入埃及北流入地

出使日記

卷一

辛

中海蓋天下大江以美之密昔昔比一作密昔為最長四千四百洋里入墨西哥海灣次南亞美理駕之阿美上入大西洋次尼羅江長三千六百洋里次俄之遠尼舍入北冰海次中國之揚子江長三千三百洋里實中國之萬一千里入太平洋停波賽三點鐘寅初解纜入地中海舟指西北午後為薄霧所迷舟人測水淺深知西行太過復撥舵而東申初二刻始抵亞勒散德埃及總督駐此下旋在赤道北三十度九分北京西八十六度三十五分居民十萬餘人洋房毘連帆檣雲集近岸處東西長限各一以障風濤瞭臺塔燈參差羅列土耳其所屬一

大口岸也波賽至此約有一百八十海里寒暑表七十五度水翠綠色是日逢土耳其國王誕辰各舟皆滿懸彩旗為賀西初小雨即止展輪復行有公司行派運淡水來船之小火輪攏掛船尾未及解放被撞頃刻沈沒幸未傷人足見行海之險

十二日記

晴風大舟蕩向西北行昨酉至今午正行三百三十九海里寒暑表六十八度在赤道北三十三度三十四分北京西九十度二十四分巴黎東二十三度四十五分戌正舟右橫山一帶塔燈熒然乃土耳其之開恩特島也一作康第島在希臘

出使日記

卷一

辛

境自入地中海後水淡藍色驟望之似黑色蓋深故也日光耀之或作淡綠色入夜舟蕩尤甚嘔吐者十有七八

十三日記

晴東北風仍大昨午至今日午正行三百十六海里寒暑表六十一度在赤道北三十六度五分北京西九十五度五十五分巴黎東十八度十四分酉初風息船平

十四日記

清晨船向西北過枚息那海峽左為昔昔利一作細島其巨鎮曰梅新右為意大利之南省卡臘勃來一作勃山

其巨鎮曰而愛及兩岸皆山火車往來如織叢林滴翠樓閣參差嶺頭積雪未消舟人謂春夏之閒花放滿山香聞百里誠勝境也昔昔利島之南約六十海里即英屬之麻爾太島其北一島中有火山恆騰煙霧望之在舟之右昨午至今日午正行三百四十四海里寒暑表五十八度在赤道北三十八度四十五分北京西一百零一度五十二分巴黎東七十二度十七分午後大風雷雨約逾時止入夜風浪尤惡船傾側時至二十九度半邊輪盤但聞乾響船外波濤震撼之聲與船內器皿毀壞之聲終夜不止令人心悸丑正過意大利之拿波利海口昔許

出使日記

卷一

三

竹筴星使由此登岸乘火車至伯靈拿波利西北一百二十洋里即意大利之羅馬都城也

十五日記

晴黎明風漸息昨午至今日午正行三百十五海里寒暑表五十八度在赤道北四十二度四十八分北京西一百零六度四十一分巴黎東七度二十八分船左望見考息卡島山巔積雪高與雲齊乃法之屬島也入夜西北風大作同人皆驚暈嘔吐狼狽不堪惟余尙無恙

十六日記

晴卯正抵馬賽計昨午至今凡行二百三十二海里在

赤道北四十三度十七分北京西百十一度七分距亞勒散得一千四百零八海里馬賽開地最古攷西歷前五六百年希臘人由亞細亞而來者先至是處遂成都會以後法人得阿爾及耳在馬賽對岸隔地中海阿非利加地西一千八百三十年法而商務日盛開蘇彝士河而帆船又加多焉駐法二法等參贊陳季同敬如由法館前來相迓並照料一切辰刻登岸進客店名稱項戴特馬賽譯言馬賽之大客店也一譯店名稱蓋恩化探而稱蓋恩即街名而路拿愛利店房在二十六號樓七層層層精潔華美馬賽海口居民四十餘萬規模雖稍遜巴黎然街市繁華在上海

出使日記

卷一

三

租界之上洋房俱六七層寒暑表六十度

十七日記

晴寒暑表如昨午後法國工部所派管理橋道工員二人邀余觀馬賽海口二人蓋陳敬如友也余約敬如及黃公度許靜山胡馨吾王省山同往車至河濱易小輪舟沿岸而西至老海口兩岸礮臺南北對峙一名納可來一名其恩復折而北河面甚窄在新築長隄之內過水柵四皆有鐵橋機輪開合甚爲便捷最後一柵河面較寬鐵橋亦最巨係前年造成長七八丈闊二三丈重一千四百噸此爲歐洲橋工之最大者以水壓力運動

開合中一樞紐鐵練盤轉橋即橫瓦余入觀其機器房一人以羊角吹之機器即能吸水灌於橋下兩大鐵管練自運動橋即與之俱動矣百餘萬斤之力一人可以運之可謂至巧新築長隄兩道形如曲尺用障海中風濤兩端一指西一指南長一千一百十丈以塞門土雜以小石築成隄砌石街闊近一丈闊法人經營長隄鐵橋用費一萬二千萬佛郎謂之新海口而老海口遂僅泊帆船矣自築新海口後各國公司輪船以其停泊穩便多集馬賽關稅大旺歲入至六千萬佛郎云又觀起重機器亦用壓水機器運轉之水力至極處可標二百

出使日記 卷一

畫

丈又觀船塢不甚廣大祇容四艘又至一山頂大禮拜堂山脚至頂共一百七十九級馬賽全繞一覽無餘矣東南北三面皆山西面即地中海口外燈塔一座正對山之西巔離岸約五十洋里

十八日記

晴酉初二刻余挈眷屬及參隨繙譯等乘馬車至火車橋坐半時許酉正二刻登火車又十五分展輪馬賽鐵路處處通行遙望之幾如蛛網東至意大利至蘇彝士東北至比國之勞而林北至梅恩西北至巴黎西至勞而來脫至開埃西南至開恩脫而至愛維隆一路行車

過各鎮皆停輪共停輪五六次每次停五分鐘多則十分鐘丑初三刻抵一鎮名培弗脫市肆繁盛燈火輝煌丑正抵里昂又名立塘為法國第二雄富之城水陸通衢商賈輻湊

十九日記

卯刻大雨辰刻晴巳初二刻抵巴黎火車棧旋易馬車至使館前任使臣新授廣東巡撫劉芝田中丞在館設香案跪請

聖安然後再行相見禮談使館事甚悉酉正中丞邀余及參隨等赴功邸那達爾飯莊喫大餐 巴黎在赤道

出使日記 卷一

畫

北四十八度五十分北京西一百十四度九分在北京之北八度五十七分在倫敦之東二度二十分

二十日記

劉芝田中丞寓居客店余往答拜適洪文卿星使自柏林至巴黎亦往訪之暢談良久而散馳觀巴黎風景其街道之寬闊閭閻之閎整實甲於地球有石表巍然矗立拿破侖第一伐埃及時所得豎之道中以旌其功者也高二十七丈

二十二日記

辰正接受

大清欽差出使大臣銅質關防並法館文案卷宗余亦派參贊陳季同將木質關防一顆送交劉中丞接收以便帶回呈繳總理各國事務衙門循舊章也

二十三日記

拜發行抵法國接印日期叩謝

天恩一摺及移交木質關防一片

二十五日記

留總兵銜福建補用副將陳季同仍為駐法二等參贊官知府銜候選同知吳宗濂仍為法文三等繙譯官是日聞法議院因土耳其修約事議員與外部尚書

出使日記

卷一

美

司畢賴等各持一說大相爭鬧外部及政府等紛紛有告退之勢

二十八日記

法之首相氏哈及外部尚書司畢賴等果皆已告退朝局一新茲將銜名照錄於後法總統噶爾諾新簡首相兼兵部尚書弗來西尼上議院紳內部尚書恭斯唐前內部又任中國外部尚書李寶下議院紳戶部尚書魯維埃公使上議院紳學部尚書布耳次亞下議院紳刑部尚書范里埃下議院紳海部尚書巴耳貝上議院紳農部尚書德維里下議院紳工部尚書渠伊烏下議院紳商部尚書

書羅熱下議院紳藩部侍郎愛持恩下議院紳

二十九日記

法與英隔海相望沿岸列礮臺五處曰哈富曰白海士登曰削浦曰羅淑佛曰羅里溫梭梭齒齒蓋不特防英亦防俄也其南多耶臨地中海各國舳舻往來要地防守更嚴其礮臺分為三等一曰常練之臺日夜防守者也一為有礮無兵之臺臨時調派者也一為有基無礮之臺臨時方造壘設礮者也海港內既有石壩臨時填塞復有沈雷纍纍分布其臺統共三十餘座由海口環上山巔首尾相接法國出產古以鐘表為大宗今各國皆能自製其利遂分惟葡萄酒以保朵所出為最各國樂用之尚可得息然農務久廢黍米稻麥須由美購來煤炭亦須購於比國其餘里昂之絲盧恩之布織造雖佳出口有限一切材料亦少所仗者製造耳製造有二織布造糖玻璃瓷器時樣衣飾奇巧器物尚其小者船礮機器其國所製種種皆佳不讓於英之安蒙士唐德之克鹿卜諸廠國人生計恃此一著鋼甲之廠無地不有最鉅者為科魯蘇廠有瀛錐力一百噸天下罕有其匹所鍊之北斯邁爐鋼質純而堅性勻而脆各國製機造礮咸喜購之謂其不亞於克鹿卜之確鋼也造船

出使日記

卷一

美

官廠五曰多郎曰白海士登曰羅淑佛曰羅里温曰劑浦所製快船礮船但供國用不轉售也鐵艦則屬民廠

曰地中海廠曰保榮廠曰哈富廠曰馬賽地中海分廠曰盧華河廠五廠之製各有所長各國多取資焉造礮

官廠二一名布呵次一名盧愛里造槍官廠名汕答個向俱為官專造槍礮不准私授外人近因軍需已足工

匠賦閒遂下准代他國承造之令未及四年也此外尚有民廠皆須請官准示方能承領他國工程官藥亦然

除爆藥有限制章程外其餘火藥均准造售魚雷為奧商懷德脫祕製法人得其訣較早然尚以購者為便宜

出使日記

卷十

美

故至今無製雷之廠雷艇僅足守口不能出洋雖可攻鐵甲然鐵甲可施鐵網以隔其穿又有電燈以阻其進復有荷礮以使之沈彼雷艇裝煤無多經浪不起固非持久之具法人知此遂不多製近來英德製造與法並駕齊驅分其厚利法人嫉之常假他事與相齟齬

三十日記

法之國債共三萬三千兆佛郎每年勻還並納息金法國每月入口之貨食物為最材料次之製造之物又次之其值三百二十五兆佛郎出口之貨製造之物為最材料次之食物又次之其值二百四十餘兆佛郎其全

國稅課每年約估可得三千零二兆六萬九千零八十一佛郎合庫銀五百兆二十九萬三千零十三兩

閏二月辛丑朔記

候補繙譯武巡捕守備銜候補千總王鳳階前以出洋學生從陳荔秋星使赴美國學堂肄業八年英文英語皆能精熟又在天津水師學堂當教習八年去年咨調出洋派充武巡捕兼候補繙譯詎意舟到錫蘭時即因遇風寒抱病及抵馬賽病漸沈篤既到巴黎延醫調治無效遽於是日申刻奄逝從行於數萬里之外席未及暖一病不起良可憫也西刻往拜法外部尚書李寶訂

出使日記

卷十

美

以初四日五點鐘遞國書

初二日記

比利時國與法接壤其人長於製造於礮臺工程尤為著名其司來地方有鋼鐵大廠曰廓克立耳包造輪路火車諸料及兵商輪船汽機等物兼製小鋼鐵廠地依山山有煤礦挖煤鍊鐵鍊鋼皆萃於一地西國為克虜伯廠之次英法名廠尚無此宏博也其安佛斯爾地方有陸路礮臺二處其制外為斜坡內為有水之濠其內為外堡堡內有濠內為內堡工料皆用磚而牆外牆

面均蒙厚土一丈數尺以禦敵礮海口有鐵甲礮臺夾岸對峙每臺三座每座二礮

初三日記

西國製造皆有驗器之器大要船則驗之駛行槍礮則驗之演放機器則驗之旋動惟鍋爐不准試燒則以水代火驗之驗船之法以平水測定海里之地推其速率以指力表計其馬力以漲表定其湯氣漲力其至密者以實試側度較其擺心重心距數驗槍之法量其口徑審其準尺與槍管中線是否平行既放後拆卸後門機簧察其藥氣之滲漏挺針之堅軟驗礮之法合礮耳礮

出使日記

卷一

早

膛中線以觀角度合礮身礮柱以觀垂線演放時九響應試昂俯各度應配鋼鐵各彈測以電線表尺而得速率漲力重積力燭以電火回鏡而觀螺線抽其後門環托而觀藥氣驗火藥之法秤以定其重力烘以定乾溼化分以定各種相宜之性分演槍礮以定速率漲力驗鍋爐之法以機壓水入鍋試其漲力以砝碼較其平門挺力驗子彈則以大小鐵規試其圓周槍彈每一千箇抽五千礮彈驗機器之法則試以尺寸合符關振靈便而已

初四日記

法國伯理璽天德囑爾諾於四點半鐘派其接引大臣

穆拉以雙馬朝車及副車率馬隊來迎余恭齋

國書率參贊官陳季同隨員聯豫繙譯官吳宗濂學生世增於五點鐘詣其勒立色宮宮門外陳兵奏樂余入門鞠躬伯理璽天德免冠握手鞠躬肅立余宣讀頌辭呈遞

國書伯理璽天德躬親接授宣述答辭慰勞殷勤禮成而退茲將

國書及頌辭答辭照錄如左

國書云

大清國

出使日記

卷一

早

大皇帝問

大法民主國

大伯理璽天德好

貴國與中國換約以來夙敦睦誼茲特簡二品頂戴候補三品京堂薛福成出使為駐劄

貴國欽差大臣親齎

國書以表真心和好之據朕稔知該大臣忠誠素著明練有為辦理交涉事件必能悉臻妥協朕恭膺

天命寅紹丕基中外一家固有歧視嗣後願與

大伯理璽天德益篤友睦長享昇平諒必同深欣悅焉

頌辭六

大清國欽差大臣薛福成欽奉

簡命出使

貴國恭維

大法民主國

大伯理璽天德勳高望重深得民心使臣久有所聞實所欽佩今日親奉

國書上呈尊覽以為永敦和好之據惟冀

大伯理璽天德體中國

大皇帝之意彼此益加輯睦永享隆平使臣不勝慶幸

出使日記

卷一

聖

之至答辭云承送

國書欣知

大清國

大皇帝派貴大臣為

大清欽差出使大臣駐劄敝國具見

大皇帝意在永敦和好實深感荷敝國自當仰體

大皇帝之意益加輯睦庶兩國往來日加親密永享承

平敬煩貴大臣轉為奏

聞至貴大臣駐劄此邦凡一切交涉公務敝國必竭誠

優待贊成大功以副

大皇帝厚望焉

初五日記

中國自在法設使館以來十餘年中出使大臣已六易任積存文卷頗多關係重要之件茲於從公之暇發而觀之或日閱一二卷或一二日閱一卷因摘其要領隨手錄之以備尋釋查舊卷法國前伯理璽天德葛賴飛於光緒十三年十月退位是月十九日由上下議員公舉噶爾諾為伯理璽天德

初六日記

查舊卷光緒十二年十二月十七日前任劉大臣接總

出使日記

卷一

聖

署電云使費支絀本署新奏定限制除電費仍另款核計外餘費每年限定英俄九萬德法等國八萬美日祕十一萬明年元旦為始因文函太緩故先電知各使館可將本年銷冊截至除夕止並可豫定明年各員薪俸裁減之法或一律減成或有少減多減之分或得力者不減聽使者自酌

初七日記

未刻率參贊往拜會上議院首領魯亞耶及意大利國頭等公使梅那貝土耳其國頭等公使愛薩德魯亞耶言中法方睦如有公事交涉願竭誠相助義使言為本

國首相及外部多年今老矣本欲退閒藉出使事稍簡可以休息又言中國最爲有名大國教化最盛亦最古且聞中國派駐英法使臣向皆係有名之人夙所仰慕其禮意尤爲殷摯云土使則歎息痛恨於英俄諸國之恃強相陵大抵謂今之時勢一鐵艦槍礮之世也未有勢不強而可立國者蓋王道之不講久矣所謂公法條約者皆不過欺人之談耳奚足恃哉其寄慨之旨如此

初八日記

未刻率參贊往拜會英國頭等公使及法國下議院首領福祿格西班牙頭等公使加司氏烏俄國頭等公使出使日記

卷一

署

摩亨海得英使人似老成聞係有學問者福祿格亦云將來如有交涉公事願相幫助西使曾爲外部尙書自云公使事簡稍資休息俄使年老而話頗煩然其性敦厚交誼亦似殷摯

初九日記

未刻率參贊往拜會奧國頭等公使烏衣烏教皇所派頭等公使婁德禮奧使意頗殷拳教使之服飾談論與中國和尙相似

十一日記

拜發暫駐法國呈遞

國書日期一摺及留川前任使臣所派參贊繙譯各員一片

十二日記

未刻率參贊往拜會伯理璽天德之夫人寒暄三十餘語而別申刻拜會德國頭等公使閱思德據云首相畢士馬克今年年七十有五頃雖因年老告退然德皇之意凡畢相所規畫設施一切當仍舊貫不稍變也

十三日記

飯後偕世益三往觀東方博物院內中國日本越南東埔塞波斯印度羅馬之物各分一室其物有佳有不

出使日記

卷一

署

佳非必皆精美者中國室中有圓明園玉印二方一曰保合太和青玉方印一曰圓明園印白玉方印

十五日記

壬午癸未以前越南未屬法國之時其全境分南北左右四圻以廣治廣義兩道爲左右圻此外二十八省以清華父安河靜宜光廣平甯平南定興安河內興化海陽廣安北甯諒山太原山西高平十七省爲北圻以其在橫山廣平關之北也山之南卽富春省國都也都城以南廣南富安廣和平順邊和嘉定安江河仙永隆定祥十省爲南圻以其在國都之南也邊和嘉定安江河



仙永隆定祥六省已早為法踞南圻所存不過四省而已紅江上源在雲南過洱江其色變黑為紅故稱紅水江亦稱為洱江兩岸即山西宜光興化三省轄地江流自西北合宜江之水東南流又合洮江之水東南流故亦稱為三江三江合眾小水流至河內之西匯為浪泊湖亦稱西湖又分流環繞河內趨海陽入海江北止宜光高平諒山廣安海陽北甯六省其餘北圻十一省一道均在江南 越南地形如杵南北極寬中有高山橫亘西界緬緬暹羅山北至山南不下千里皆係野人向無行人來往山之東頭至海山嶺為廣平關關北為廣

出使日記

卷一

吳

治道其北十七省皆北圻也 咸豐八年法兵船突至廣南之漢沱汛未能逞志轉向南圻同治元年攻取嘉定邊和定祥三省強與越和六年襲取安江河仙永隆三省仍迫與立約光緒八年復襲取河內甯平海陽南定四省因遂脅服為屬國

十六日記

法國東界比利時日爾曼瑞士意大利西界大西洋北界英吉利海峽南界地中海西南界西班牙地土肥沃天氣溫和產麻絲棉花金線絨繒寶石瓷器酒則有葡萄白蘭地兩種為土產葡萄酒滋養胃滋生白蘭地提神化

食巴黎跨賽納一譯作教尼江上閱整鉅麗稱於歐洲教堂技藝館博物院藏書閣無不美備而服用之精器具之巧為他國所效法里昂居民大半業繅絲抱度一譯作保采產酒金龍產藝馬賽臨地中海為法國第一貿易口岸泰西立國有三類曰謫姆派牙譯言王國主政者或王或皇帝曰愷痕特姆譯言侯國主政者侯或侯妃二者皆世及日而立撥勃立克譯言民主國主政者伯理聖天德俗稱總統民間公舉或七歲或四歲而一易法向稱侯國咸豐二年拿破侖抱那怕脫之姪拿破侖第三始稱王改國制至同治九年又廢王改民主焉

出使日記

卷一

吳

十七日記

法國幅員西北至東南六百六十洋里東北至西南六百十五洋里共二十萬三千立方洋里海岸一千二百洋里所轄海面則有鼻斯開海臂英吉利海峽在地中海則有里昂海灣地角則有荷里拿辣好克備豆蘭是海島則有猶尼拋坦猶雪在白立坦乃之極東備雷斯而宥而雷奧拉奧皆在鼻斯開海臂其山界意大利者曰安而浦界西班牙者曰非來尼界瑞士者曰忙脫付臘在境內者則有舍尼痕高五千英尺奧佛高六千英尺佛柔高四千英尺最高處五千英尺其江則有賽納

發源北界過巴黎流四百七十洋里入英吉利海峽曰  
洛阿而發源舍尾痕山流六百洋里入鼻斯開海臂曰  
辦阿奧痕發源南界過非來尼山流三百六十洋里入  
鼻斯開海臂曰郎痕發源東南境流五百三十洋里入  
地中海

十八日記

查舊卷乙酉十月總理衙門奏明自辦理海防以來一  
切軍器各省委員赴上海等處購買洋行既居奇擡價  
或華人居中說合剝蝕愈多有以賤價收積年存貨而  
詭爲新製者有賤價販自外洋而浮冒報銷者若不豫

出使日記

卷一

哭

杜弊端漏卮何所底止近來船隻槍礮軍火等物購自  
德美英三國之廠居多此皆有出使大臣駐紮請令各  
該大臣就其參贊隨員內選派熟悉製造精通汽機之  
學者每國一二人平時常與製造廠講求探討各省有  
采買之件由該督撫籌款知照南北洋大臣轉行出使  
大臣卽飭專管此項之員徑向該洋廠購辦議價訂限  
包運來華尤須出使大臣親驗是否適用以專責成並  
於上海天津等海口設局驗收萬一造成之際略伏瑕  
疵應由出使大臣親驗時駁回另造若運送抵華中途  
傷損卽由海口驗收局員指明具報或扣付價值或責

包送洋人重修候南北洋大臣酌奪辦理

二十日記

許竹簣同年於泰西製造之學勵志研求上次出使德  
法諸國經辦船礮故其攷之尤詳查舊卷竹簣於丙戌  
二月條陳海軍船礮應辦事宜一疏頗多精要之語茲  
錄其大略云一大沽海口宜設鐵甲礮船也西國巡海  
快船而外另有礮船一類其大者亦能行遠小者專以  
往來淺水扼守口隘英國號曰蚊子船俄美等國護以  
鐵甲號曰瑪尼托耳船吃水不過十英尺內外船置巨  
礮或一或二力能洞擊鐵甲嗣德國以蚊子船無甲易

出使日記

卷一

完

爲敵礮擊毀瑪尼托耳船係旋臺舊式不合近製乃造  
威斯伯等船改用露臺水線帶之式法國近造胥塞等  
船亦仿其製蓋海口阻淺之處敵人往往用吃水甚淺  
之船襲逼灘岸必有鐵甲礮船遊弋策應乃足增礮臺  
之聲援濟大艦之不逮查大沽北塘一帶距口二三十  
里開有攔沙界隔水深三四英尺潮汛大時亦祇十三  
四英尺現在新造甲船喫水最淺如濟遠者祇能懸泊  
口外該處屏蔽畿疆形勢最關重要而內口空虛不能  
收鐵甲之用似非所宜擬請仿法德新製增設鐵甲礮  
船六號或四號合以舊有蚊船四艘足成一軍設遇戰

事以鐵甲船快船鑿逐海中以礮船蚊船專扼內口並附近狙擊庶幾重關疊鎖屹若金湯一鐵甲船快船喫水不宜太淺也中國海岸不如外洋之深廣船身喫水須有限制然所限尺寸取其可以收口而已若過於求淺則煤斤不能多裝鐵甲不能厚護汽機艙不能寬深船遇風浪擺側較多放礮不易取準大沽海口僅容十二三尺之船若造外海戰艦無論如何節縮斷不能辦至旅順一口二十尺以內之船可以乘潮駛行近時攔沙挖深出入尤便此外煙臺吳淞福州廣州諸口則視旅順爲深是鐵甲船快船喫水之數應但準旅順口爲

出使日記

卷一

辛

度無庸過爲縮減轉致利不償病上年七月間李鴻章致臣書商榷船制謂喫水不可深於十六尺至十八尺實斟酌得宜之論擬請嗣後造次等兵艦應限船載全重時喫水不得過十八英尺造一等戰艦應略準定遠鎮遠等船喫水之制則造船既得展舒屯船仍無窒礙固兩利之術也一鐵甲船式宜分別仿製也泰西鐵甲競求新製船式屢變其初列礮船之中腰周環以甲謂之礮房嗣於船面環甲爲臺下有機輪使臺礮俱轉謂之旋臺其後又有水線帶鐵甲堡二式而改旋臺爲露臺水線帶者通船水線上下圍甲如帶也鐵甲堡者船

中腰圍甲爲堡前後參用穹面平甲者也近時漸有全用穹甲以兼快船之用者除穹面舊式不論外現式又分爲二兩旁爲斜坡中作平頂高出水線以上者英船用之就平面爲弧形其穹處略與水線相等者德船用之以上諸式旋臺費甲過多新式長礮難於安置礮房不如臺礮之靈便此二式者各國近漸停造其餘三式則兼施並行各有所取惟作鐵甲堡者費較水線帶稍省作穹甲者欲增汽機之力則用英製欲取斜度之少則用德製擬請嗣後造船照外洋近用各式審擇訂製一海軍礮位宜一律也西國從前鑄造大礮皆用熟鐵

出使日記

卷一

辛

後乃以鋼爲內管熟鐵爲外箍英國阿姆斯脫郎廠最爲著名但鋼鐵殊性冷熱漲縮不能融洽演用歲久或致箍管鬆離之病德國克虜伯廠始創鋼管鋼箍之法近阿姆斯脫郎亦改用鋼箍並稱利器惟三廠之礮後膛門塞各殊礮架用法全異其口徑相同者以藥彈連力參差度尺亦不能合一切測算之準演放之程迥若分門別戶若一軍之中船各異礮既難通力而合作亦恐遷地而弗良臣經涉諸國詢悉義國則陸礮用阿姆斯脫郎船用克虜伯和蘭則船礮新改克虜伯奧則小礮自製水陸大礮均用克虜伯方今整練水軍礮爲當

務之急擬請嗣後兵船專用克虜伯礮而陸路參用阿  
姆斯脫耶礮使將卒得以專門練習至兵船應備連珠  
小礮舊有美之格林英之虜登飛二種口徑太窄均不  
及哈乞開司之良嗣後亦應一律購配方爲周密一船  
廠機器局製造宜由漸擴充也十餘年來各省廠局講  
求製造正宜開拓規模廣營新製以爲自強根本然謀  
之太亟亦有二弊西法製造全藉機器而成一求其備  
則增購機器之款先已不貲其弊在於糜費鐵甲船推  
測重心謀算速率雖本學術亦資閱歷後膛大礮鍊鋼  
套雜洋廠各有祕法勉強爲之不適用於其弊又在於

出使日記

卷一

聖

無術竊計目前辦法宜在外購料而自我舉工宜就小  
者試爲而後及於大者福建船廠造巡海快船均係鐵  
骨木板現在外國新製多用鋼鐵以取輕利船之下船  
另覆鋼板以護汽機近時又有穹面之式宜令嗣後改  
造新式其鋼板片角條等料仍暫在外洋購買無庸自  
製其鐵甲宜用康邦式應暫與船料一并購買北洋前  
年在德廠購造魚雷艇數號係令拆運到華雇洋匠合  
攏頗省運費若仿式自製當更簡便該艇汽機精巧如  
廠匠未能猝辦應訂定速率暫在洋廠包造至快船鐵  
甲船所用汽機如輪軸曲拐等件洋廠皆非一一自製

試造之始如遇廠內機器不及應用者亦可酌量購買  
此擴充造船之大概也上海機器局曾仿阿姆斯脫耶  
式造鐵籠鋼管前膛大礮金陵局曾用熟鐵仿造克虜  
伯式後膛小礮此類礮式外洋均已停造是各局造礮  
亦須仿製純鋼後膛方能得力查克虜伯自鍊罐鋼既  
祕爲獨得即他廠所用西門士與別色麻鋼亦難驟精  
其法應就英法名廠定購鋼料先造克虜伯式十生的  
以內後膛小礮必俟所造確有成效再造十二十五生  
的等礮再推及二十一生的以上之礮此擴充造礮之  
大概也至刷次考甫之魚雷哈乞開司之五管礮及烏

出使日記

卷一

聖

哈威育司式之鋼銅礮各種或工細而繁或需用非亟  
均暫無庸自製庶免驚博不精之失一山東之膠州灣  
宜及時相度爲海軍屯埠也外國屯紮水師必不與通  
商之埠同在一口則有事封港無所牽掣其規擇形勝  
必取外口嚴密內澳深廣蓋先令我之師船屯藏安固  
乃可蓄銳以擊敵船兵法所謂自立於不敗者也西國  
兵船測量中國海岸無處不達每豔稱膠州一灣爲屯  
船第一善埠該處爲大小沽河膠萊南河會流入海之  
處前明於此設立衛所東曰浮山所西曰靈山衛以資  
控扼其外羣山環抱口門狹僅三四里口內有島中峙

實為天然門戶周灣之地約數十里水深八九拓至四  
拓不等當煙臺未開口岸時航海商船湊集頗盛本非  
散地荒陬可比且地當南北洋之中上顧旅順下趨江  
浙均一二日可達若酌抽北洋江南海軍合以山東一  
軍繁聚大枝則敵艦畏我截其後路必不敢輕犯北洋  
尤可為畿疆外蔽其膠萊南河與北河海口通連元時  
海運曾由此取道避成山大洋之險將來濬治於淺使  
雷艇小輪船在內通行則與直隸海面號令策應更為  
靈捷棚自浙之温州以北至於青齊濱海各處非口門  
坦漫即港路淺狹惟該灣形勢完善又居衝要似為地

出使日記 卷一

語

利之所必爭應請漸次經營期於十年而成巨鎮

二十二日記

法國於同治二年與土耳其所立條約今年期滿另議  
修約外部以其約與各國不同稅則無常議改為一律  
做照一千八百二年第九款條約而上議院不允其為  
首辯駁者曰賈來儀首相氏哈偏護外部力與爭論院  
中是氏說者百十七人是賈說者百二十九人繼又有  
二人議率由舊章為是允之者百六十三人非之者八  
十五人於是氏相及外部司畢賴告退厥後李寶繼為  
外部尚書與議院辯明此事仍照司畢賴之議立約

二十三日記

與世益三同登法國新造之鐵塔高三百邁當合中國  
之一百丈乘機器而上凡四換機器而至頂每高一層  
則下見川原虛舍人物車馬愈小一倍俯視巴黎全城  
在目飄飄乎有凌虛御風遺世獨立之意 法國陸兵  
近六十萬戶口三千六百萬

二十四日記

赴蠟人館觀蠟人其法以蠟仿製生人之形自王公卿  
相以至工藝雜流無不可留像於館或立或坐或臥或  
俯或笑或哭或飲或博無不畢具凡人之髮膚顏色態

出使日記 卷一

語

度長短豐瘠無不畢肖殆所謂神妙欲到秋毫巔者聞  
其法係一老嫗創之今盛行於歐洲各國未百年也又  
赴油畫院觀普法交戰畫圖其法為一大圓室以巨幅  
懸之四壁由屋頂放進光明人入其中極目四望則見  
城堡岡巒溪澗樹林森然布列兩軍人馬雜遝放槍者  
點礮者擎大旗者挽礮車者絡繹相屬各處有巨彈墮  
地則火光迸裂煙燄迷漫其被轟擊者則斷壁危樓或  
黔其廬或藉其垣而軍士之折臂斷足血流殷地偃仰  
僵仆者令人目不忍視仰視天則明月斜挂雲霞掩映  
俯視地則綠草如茵川原無際情景靡不逼真幾自疑

身外卽戰場而忘其在一室中者迨以手捫之始知其爲壁也畫也皆幻也夫以西洋油畫之奇妙則幻者可視爲真然普法之戰逾二十年已爲陳迹則真者亦無殊於幻矣

二十五日記

距使館里許濱賽納江之南有巨院曰安佛里特法前王拿破侖第一陵寢在焉其旁有歷代兵器博物院武庫二所列銅鐵鎗子甲千餘件件各異製刀矛弓劍分映玻璃有洋槍手槍各一徧嵌百寶精石礮臺一座兵房瞭臺悉具庫之中又有二院一爲歷代兵卒蠟像院

出使日記

卷一

葉

草昧之初衣皮張革以衛身削竹礪石以禦敵其人率非巨鼻深目故攷古者謂西人之種實來自東方迨數世之後服其水土始漸變其形狀云進內一室所列之像始有彈弓刀鎗身服甲冑或僅露一目或半遮面或脫上服持盾以爲扞至火槍之製距今僅二百年耳一院之中古今並列於以驗兵器之沿革焉一爲五洲兵卒蠟像院地球人種有四白種黃種黑種紅種也其族有十五陪而陪族黑人族北美印度族中美印度族南美印度族柏布族愛斯既馬達族歐洲印度族烏拉朵阿爾堆格族蒙古族愛拿族排思格族達拉惟弟愛吳族

巫來由族阿刺伯族也紅黑種類形極醜惡所操兵器亦尚銛利末室列中國楚軍馬隊一人鄉勇一人綠營兵一人營將一人一院之中五大洲之人物具焉於以攷兵器之優劣軍事烏有不精者乎

二十六日記

法屬越南之南圻本占城國地初併於真臘繼入於越南今屬於法原分六省曰嘉定曰邊和曰安江曰河仙曰永隆曰定祥光緒初年改爲四鎮一曰西貢鎮屬縣五曰嘉定西甯三月邊和伯利二曰美荻鎮卽定祥屬縣四曰美荻隄岸壩港西灘三曰永隆鎮屬縣四曰永隆

出使日記

卷一

葉

文德茶永沙田四曰白沙鎮屬縣七曰朱篤河仙東川荷濠芹苴叔井北柳凡四鎮二十縣攷其戶口總册越南人一百六十七萬有奇東埔寨人十四萬有奇華人七萬有奇洋人四千有奇苗番雜夷二萬有奇此兼男女老幼言也度支歲入洋銀七百五六十萬員歲出不及七百萬員歲入以出入貨稅爲大宗約得洋銀四百萬員次地丁兩稅次工商稅次雜稅次華民身稅及進出口稅寄居執照稅歲出以俸餉爲大宗

二十七日記

南圻出產以米爲大宗商務亦以米爲關鍵歲產米除

供民食外出口米價約可得銀洋一千二三百萬員均係運往中國與南洋各島售米經華商手者十之八九故南圻米市之利華商獨擅之法人論南圻事者有舍粟米無出產舍華人無生意之說米麥麻豆之外產皮革材木魚鹽木棉骨角毛羽漆絲靛椒燕窩魚翅之類歲得出口價約洋銀四百萬員進口貨以洋布魚網為大宗次五金之屬次煤次雜貨

二十八日記

越南之北圻今歸法國保護仍列越南版圖除清華文安河靜三省改屬中圻外其餘區畫大致如舊河內省

出使日記

卷一

彙

為北圻總匯水陸要衝轄四府一道十七縣海陽省轄四府十九縣南定省轄四府十七縣北甯省轄四府二十七縣山西省轄五府十八縣是為北圻之五大省興化省轄四府九縣十一土州宣光省轄二府六縣二土州太原省轄三府九縣二州諒山省轄二府三縣四州高平省轄二府五縣廣安省轄二府四縣二州興安省轄二府八縣甯平省轄二府七縣河內之西甯平之北為壽伯省置二府二州二縣乃新開蠻孟土司之地也是為北圻之小九省凡近海之甯平南定海陽興安廣安河內北甯山西八省江河縈繞為川澤之地俗名江

套者也近山之興化宣光太原諒山高平五省崇峰峻嶺茂樹深箐為山林之地俗名上東京者也越南向於大省各置總督小省各置巡撫歸總督節制如甯平壽伯隸河內興安隸南定廣安隸海陽興化宣光隸山西太原高平諒山三省隸北甯是也自北圻歸法保護後越王添設北圻經略駐紮河內各省督撫咸受節制法置總都護使或又譯為巡撫於河內稽察北圻一切政務仍歸華印總督節制華印總督即昔日之西貢總督此外河內海防海陽北甯諒山高平保勝山西山羅在興化省十城各置都護正使海甯興化壽伯興安陸南在北甯省甯平廣安太原宣光美

出使日記

卷一

彙

德在河內太平在海陽省白石設新十二城置都護副使越南之北圻經略以下不過承法官指揮而已

二十九日記

北圻戶口約分三種耕耨力田傭工服役者越人也通貨懸遷開礦採金者華人也漁獵為生兼務農事者蠻孟人也越人約一千萬有奇蠻孟人約十二三萬華人約七萬有奇其計北圻民數在一千一百萬之譜至土產則歲得稻米三千萬石除供民食外每歲出口約五六十萬石蠶絲歲得一萬七八千石出口者約二千石至甘蔗白糖油煙燕窩魚翅鹹魚竹漆之屬除民用外

均資盈餘爲出口之雜貨近山各省五金之礦甚多上  
游諸山所產木料如檀烏蘇楠硬杉以及黃松紫榆檳  
榔諸木三十餘種均由華蠻之人採取順江流浮送各  
埠法人視其優劣與尺寸酌定官價以收稅課焉度支  
就地籌款每歲不敷甚鉅歲入約洋銀七百五六十萬  
員以地丁雜課爲大宗洋藥稅次之關稅又次之工商  
身稅郵政電局各款又次之歲出約一千三百萬員以  
武職俸餉水陸兵費爲大宗文武俸薪次之工程經費  
又次之出浮於入者約六百萬員由法國國家彌補者  
三百四十萬員由南圻經費彌補者二百六十萬員此  
出使日記 卷一 卒

卒

其大較也

法國官紳每議北圻之事皆以汰兵額節經

費廢總例便商賈爲言蓋兵額不減則糜餉耗財無所

底止總例不廢則商務停滯稅課減色也况中圻瘠苦

向仰給於北圻今利權悉歸法人之手中圻更有坐困

之虞矣

出使英法義比四國日記

卷二

光緒十六年庚寅三月庚午朔記

日耳曼各國兵權餉權用人之權近數年來已被德皇  
德相設法收盡其各國兵政皆由德派武員經理關稅  
則由德設統關始名爲總收分給今則用以支給兵餉  
吏俸亦由德爲之經理其用人則由議院議之而德國  
核定之各國舊王皆已無事不過在柏林議院爲議員  
食王爵之俸惟巴華里國即通商條約之拜曼國向稱  
強大尙未盡削其權許其自派公使往駐各國各國亦  
出使日記 卷二 一

可派公使往駐其都

兵政雖由德派員代爲經理而統

關代巴華里所征之稅尙給還巴王俾自發兵餉吏俸

波蘭國爲俄奧德三國所分該國幅員本大共有三

十二兆人民而俄分得其人民十四兆

初三日記

法人稱德國爲阿里曼英人則稱爲日耳曼其土人則  
目稱爲德意志名異而實同也中國繙譯英書最早故  
瀛環志略猶沿日耳曼之稱海國圖志作耶馬尼乃日  
耳曼之轉音至咸豐十一年與中國通商立約始知其  
爲德意志然其時尙未合眾爲一攷通商約章云大布



路斯國暨德意志通商稅務公會各國至同治十一年其使臣奉其國命來告德意志變更情形自是改稱爲德意志合眾國云蓋布路斯者昔爲德意志公會中之一國後以國勢漸強推爲領袖自戰勝法國後各國遂戴之爲其主近者各國王侯之權日削月陵而德意志之全勢將歸併於布路斯一國布路斯志略作普魯士圖志作普魯社皆單舉言之或不與於日耳曼列邦之數或不入於耶馬尼總記之內者皆誤也攷德意志三字本非地名及一種人民族類之總稱蓋歐洲之人分爲三大類曰羅馬人種曰希臘人種曰德意志人種德意志者所以別乎羅馬希臘兩種人而言之不限以地也凡歐洲中部北部人民皆此一族故奧地利荷蘭比利時瑞士從前皆在德意志列邦之內奧普兩國最大故先後迭興爲之盟主至德意志南北之分因普魯士初強時惟北方諸邦附之是爲北德意志聯邦公會迨後南方近來因河之四邦亦入公會遂去南北之畛域號爲德意志合眾國云偶按地圖北方諸邦皆參錯於普國境內間以郡縣雜居而治始有一合不再分之勢南方四邦皆足自立去普稍遠後來之分合尙未可知也

出使日記 卷一

二

初四日記  
余在法呈遞  
國書後久欲馳赴倫敦因芝田中丞兒女數人皆染痧證不可以風驟難遷讓使館茲於初一日先令參贊許靜山隨員錢念劬沈通梅學生胡馨吾王省山由法赴英余於本日率同眷屬及參贊黃公度繙譯那華祝隨員趙靜涵楊叔平供事王鵬九等乘馬車至火車北棧遂登火車行二百洋里至葛賴司一譯作坎來海口易輪

出使日記 卷二

三

舟渡海峽約一點鐘零十分行二十洋里至英國之多甫一譯作都發海口仍坐輪車行七十八英里抵倫敦之維多利亞車棧芝田中丞已在此相迎遂與同坐馬車至使館 由法赴英渡海有兩口一由葛賴至多甫僅行一點鐘有奇峽稍窄而濤浪掀激船易顛簸一出法之布倫海口至英之福克司敦約行兩點多鐘峽稍寬浪亦稍平 倫敦在赤道北五十一度三十二分北京西一百十六度二十九分按北京在赤道北三十九度五十三分則倫敦在北京之北又十一度三十九分矣以經度推算倫敦午正應遲北京午正七點鐘三刻五十六秒北京午正實倫敦丑正十四分四秒也

初五日記

接受英館文案卷宗及移交應辦各事英館舊員余留  
用三人爲二等寶星總領事銜英文二等參贊官英人  
馬格里二等繙譯兼隨員二品銜候選道張斯栴供事  
王文藻

初六日記

嘗攷火輪船之權輿乾隆元年英人或議造小火輪船  
連行之力不用水氣而用風氣船頭置輪船尾置機以  
大繩運轉其輪欲拖大船使出海口未成三十九年法  
人造一水氣火輪船因輪力不足亦未成明年法人造  
一可抵一馬力之汽機安於船上施二輪於船之兩旁

出使日記 卷二

四

轉於水中船雖成而行甚遲四十八年美人用汽機安  
於船中以代人力用棹以代輪然船行亦不能甚遠且  
速五十二年美人造一船長五丈船頭汲水而上出於  
船尾出水之力用汽機加於汲水筒上一點鐘能行十  
二里美國富商遲疑不用其人遂適英國勸英富商用  
之是時蘇格蘭有三人精究輪船之製十餘年矣一日  
迷羅耳者創用旁輪之法以助風力之不足其友代路  
耳以太費人力擬改用汽機而輪轉船行可以加速代  
路耳之友曰塞明敦者又變通其法使汽機內上下起  
落活塞之力以爲旋轉運行五十三年塞明敦造一

機安於迷羅耳雙船之上船輪在中汽機在此一旁蒸  
釜在彼一旁氣管寬四寸每點鐘行十五里明年三人  
又造大十二倍馬力之汽機其船每點鐘行二十一里  
而迷羅耳家資已罄矣嘉慶八年美國人富羅敦詢造  
船之法於塞明敦返至紐約造火輪船其製益精迄今  
英國頗用其法汽機安於船內無在船上者二十三年  
蘇格蘭造成一輪船可抵三十馬力往來於蘇格蘭阿  
爾蘭之間常行海外之火輪船自此始自後船多改用  
尖頭遇有巨浪直衝而過其行尤穩且速道光十八年  
英人造一大火輪船載貨一千四百噸開行十五日內

出使日記 卷二

五

可抵美國之紐約是爲輪船出大西洋之始咸豐二年  
始造鐵船即遇颶風可免迸裂沈沒之虞後又有隔艙  
之法以防滲漏自是輪船之製全備蓋此器由創造迄  
於今日僅及百年暢行無阻不過三四十年耳殫無窮  
之財力積數國奇智異能之士之苦心經營有美必備  
無間不尋然後無遺憾矣英國創製輪船較早其收利  
亦最遠用爲商船則貿易獨盛用爲兵船則水師尤精  
然則握富強之樞者豈非以輪船爲第一要圖乎

初七日記

火輪車之製締造初在輪船之後先是康熙年間英人

羅哲爾諾爾德著書謂英北境之煤窰用馬車運煤以抵河干所經之路可隨轍安木俾與土齊作木軌以約車輪輪之四周鑲以鐵瓦俾與木軌相合以利其行後有用其法者而運煤果便後又於近窰之地兼用鐵木以修路後又多鑄鐵條接續鑲於軌道是爲以鐵代木之始道光五年英國北方有煤窰鉛礦之處初開鐵路貿易益盛然皆用馬車也是年始設公司議行用火輪車專造鐵路以運之十年鐵路告成車行愈駛旅客愈多人始知鐵路火輪車之大利於用也當其行駛之時汽機內蒸氣出入計一秒中往來二十次蒸氣筒外時

出使日記 卷二

六

間有極速呼吸之聲卽蒸氣鼓動之力也輪寬八尺一秒中旋轉五次每次車行十丈有餘神速無比矣自火輪車興而四馬所駕之大車三十減去二十有九然歧徑僻路火車所不能至者仍須用馬車旅客由火車卸裝分往各處亦須用馬車火車既盛馬車亦益繁小民之生計轉益便焉今則每至一富庶之區鐵路六通四關始如蛛網數十年來智能之士研精經理日臻美備殆亦集思廣益而成非一人所能專其功也夫西人之所以橫絕宇宙而莫之能禦者火輪舟車之力爲最多而皆發軔於英且其締造不過在百年數十年之內宜

其獨擅富強之效歟

初八日記

泰西之士講求郵政殫精竭智以求傳信之便捷五六十年前始得電氣傳信一法昔人見雲中電光閃爍常以比作事之速從未有知取而用之者迄今能將雷電收置器中俾爲我用可謂探千古未發之秘然格致家考察電氣亦已匪朝伊夕古人始以琥珀摩擦令熱能吸輕物後人以玻璃火漆等物摩擦亦能吸輕物若質巨氣足則見有火星爆出尋知五金之屬皆善引之又以瓶內外黏貼錫箔蓄其氣放之則有光如電作聲如

出使日記 卷二

七

雷能震人擊物乾隆三十年美人弗蘭林驗試遇雷雨時以紙鳶放空際初見繩上絲縷蓬然豎立繼則氣隨繩下盛之充瓶用一鐵匙稍近瓶口則火星躍出迸然有聲始知向用玻璃琥珀等物所出之氣實與雷電無殊電學由此漸興此種電氣皆由摩擦而生謂之乾電至今電報所用之氣由意大利人嘎刺法尼暨佛爾塔二人究得一法係以強屬與金屬相感而生謂之溼電其法用紅銅白鉛薄片數對重疊每對隔以強水浸透之厚紙復以銅絲二條聯之卽能生電佛氏旋因其紙易乾則機無力乃以玻璃杯爲電池後又有人造長箱

內以磁片分爲數十格箱蓋下安銅鉛薄片數十對以銅條聯之每對入一格箱內儲以強水用時但加蓋於箱則二金自然相感生電最旺於是溼電之學大興或以輔化學或以佐醫學然尙未得寄信之法嘉慶二十五年丹國人倭斯得始著書論電氣與磁石之氣無異驗之之法於南北設一銅絲以定南鍼近之則其鍼與絲俱相平無所吸移俟電路一合而電氣運行於銅絲卽見鍼改向而指東西觀電氣南北運行使此鍼橫於東西卽知地球本有電氣東西運行故令鍼橫於南北定南鍼之所以指南北卽此理也倭氏既創磁電二氣

出使日記

卷二

八

合一之說法國有阿拉格與安貝爾二人復以銅絲繞成螺螄形電氣過之每繞一匝則力增倍以鐵爲心沾電力而能吸物與磁石無異是謂磁鐵電學由此益精道光十八年英人惠子敦設電線於倫敦二十四年法人設電線於巴黎是年美人莫爾斯設電線於華盛頓其法係以電運筆而畫字由是妙法百出有以電運鍼而指字者有以電變色而傳字形者甚有以電運印書機立時將所傳之文字印出者近更有以電傳聲爲德律風者而傳信均用號碼以審厥字尤爲明顯而畫一迄今泰西各國郡邑村鎮電線密如蛛網雖在一城之

中相去二三里如有要信卽發一電邇來大東公司新得保護海線之法尤爲精審遂能沈線海底東至中國日本南至新金山西至美國雖數萬里外通傳要信捷於影響邇於戶庭奇妙至此神乎技矣眞令人不可思議矣

初九日記

劉芝田中丞啟程歸中國蓋將由巴黎赴馬賽登法公  
司輪船也余在館設香案寄請  
聖安然後送至車棧執手而別

十一日記

出使日記

卷二

九

余率馬清臣參贊往拜英首相總理外部尙書侯爵沙  
力斯伯里外部副尙書克魯外部侍郎山特生沙侯前  
爲外部尙書光緒四年俄土搏兵之役定計分遣水師  
扼據津要以掣俄勢廢俄土已訂之約力保歐東大局  
此次又爲首相兼外部四年矣英人皆稱其諳練各國  
事務學問優裕絕有本領惟旣爲國相攝事較多交涉  
要端皆由克魯經理沙侯總其大綱而已相見握手互  
敘寒暄而別

十三日記

昔郭筠仙侍郎每歎羨西洋國政民風之美至爲清謹

之士所舐排余亦稍訝其言之過當以詢之陳荔秋中丞黎莼齋觀察皆謂其說不誣此次來遊歐洲由巴黎至倫敦始信侍郎之說當於議院學堂監獄醫院街道徵之同人有人談美國風俗之純厚者余謂泰西諸國在今日正為極盛之時固由氣數使然然開闢之初戶口未繁元氣未洩則人心風俗自然純厚蓋美洲之開闢後於歐洲歐洲之開闢後於中國而歐洲各國之中開闢又有先後故風俗亦有厚薄美利堅猶中國之虞夏時也俄羅斯猶中國之商周時也英吉利德意志猶中國之兩漢時也法蘭西意大利西班牙荷蘭其猶中國

出使日記 卷二

十

之唐宋時乎若法人之意氣慕張朋黨爭勝則幾似前明之世矣或曰美國之埃利士人肆其伎忿迫逐華民古道何在答之曰三代之世夷羿寒浞桀紂幽厲亦有亂時豈必盡軌乎道

十五日記

西人之恪守耶穌教者其居心立品克己愛人頗與儒教無其歧異然觀教會中所刊新舊約等書其假託附會故神其說雖中國之小說若封神演義西遊記等書尚不至如此淺俚也其言之不確雖三尺童子皆知之余偶遇西國積學之士與談耶穌教旨似皆已覺之而

不肯明言亦竟有言一二百年後西國格致之學日精必多鄙棄教會諸書者及論孔子之教則皆同聲推服並無異言雖西人亦雅善酬應然余察其辭色似出於中心之誠然蓋聖人之道不偏不易深入人心以耶穌之說比儒教不僅如水晶之比玉雖洋人未嘗不知從前中國之楊墨佛老非不鼓動一時積久已自衰息孔子之教則如日月經天閱萬古而益明歐亞諸洲不與中國相通則已通則其教未有不互行者余是以知耶穌之教之將衰儒教之將西也

十七日記

出使日記 卷二

十一

外部前日函訂英君主於今日三點鐘在溫則行宮延見余率同參贊黃公度馬清臣先乘馬車至火車棧外部侍郎弗爾克生已在此相候遂同乘火車行三十英里至溫則宮外一二里君主豫備對騎馬車來迓入宮先赴朝堂宴飲畢禮官及弗爾克生引入便殿余見君主鞠躬黃參贊以

國書遞交余手余宣讀頌辭呈遞國書君主手受

國書訖宣讀答辭慰勞周至皆由馬參贊譯傳一徧余遂鞠躬而退禮官復導余遊宮殿規模極闊麗有該

國歷代君主后妃及名臣名將畫像石像暨古今彝器  
國書云

大清國

大皇帝問

大英國

大君主五印度

大后帝好朕誕膺

天命寅紹丕基眷念友邦言歸於好茲特簡二品頂戴

候補三品京堂薛福成出使為駐劄

貴國欽差大臣親齋

出使日記

卷二

三

國書以表真心和好之據朕稔知薛福成忠誠素著明  
練有為辦理交涉事件必能悉臻妥協惟願推誠相信  
俾克盡厥職以與

貴國益敦友睦長享昇平朕有厚望焉頌辭云

大清國欽差大臣薛福成欽承

簡命駐劄

貴國恭維

大英國

大君主五印度

大后帝德化懋昭治功顯著為遐邇所欽仰使臣親奉

國書上呈

尊覽以為永敦和好之據惟冀

大君主

大后帝體中國

大皇帝之意萬年輯睦同享隆平使臣不勝慶幸之至

答辭云本君主敬問

貴國

大皇帝好本君主深願

貴國派一有名之人來駐本國聞貴欽差學問極好著

書頗多我意亦甚欣悅

出使日記

卷二

三

貴欽差所宣

貴國

大皇帝之意旨與本君主之意相同本君主益喜兩國

永敦和好共享昇平

十八日記

拜發抵英呈遞

國書日期一摺酌派參隨各員分駐英法一片暫留主

事承厚駐法以備任使一片

十九日記

余遇英士之研精化學者稱英倫三島煤礦尚可供一

千年之開挖余詰以英之商務所以汙於地球者恃煤鐵也若一千年後恐英之商務竟至衰歇將併輪船輪車無以駕駛矣英士曰一千年後駕駛船車似可不必用煤蓋輪車之改用電氣今已有行之者化學家又研思化水之質用水之法若此事通透將來可激水力以駛舟車用代火力夫水取之不盡用之不竭比之開礦挖煤難易懸殊以水代火若有把握實為宇宙間日用民生之大益英士又言人之年壽若調護得法可活至二百歲方今西人考究醫術不過十得二三若到一千年後醫學日精調攝合宜雖不能人人活到二百歲約

出使日記

卷二

五

二十一日記

英太子先於十七日在森哲模斯宮代君主行朝紳會余偕各國公使皆往會焉是日君主復在柏金韓模宮行朝眷會余偕各國公使先入見君主皆鞠躬而過鞠躬者實不過點頭而已宰相及各部尚書繼入然後命婦繼之通國命婦朝君主者至千餘人之多命婦見君

主皆屈一膝請安凡公侯之夫人君主皆與握手而退婦人裙皆曳地數尺裙之外復有拖裳在後曳地一丈以外蓋以愈長為愈敬云 泰晤士報云印度加爾各搭報稱中國升大臣於西五月初三日中三月十五日離大吉嶺往拉薩西兵聲礮排隊相送 攷英國每噸合二千二百四十磅合中國一千六百八十斤又每立方四十英尺為一噸約合六面方不過中國三尺高闊

二十二日記

余率馬清臣參贊往拜會俄國頭等公使狄斯大爾狄使人頗謙謹意亦殷摯 中國茶之到歐洲始於明萬

出使日記

卷二

五

歷四十年荷蘭之東印度公司攜歸少許以供玩好國朝順治八年荷蘭始載茶至歐洲發售越十年茶市益行英京始立稅茶之律當時甚為珍貴饋送王公不過一二磅而止又越三十年茶務益盛英京始多收茶葉之稅

二十四日記

余率同馬清臣往拜會法國頭等公使華亭登德國頭等公使伯爵哈子飛爾意國頭等公使伯爵多尼利海風最有益於人之身體西人凡值盛暑嚴寒及有疾病者皆居海口頤養歐洲各國頗忌東南風以其由阿

非利加洲沙漠吹來受之每易得病或挾瘴氣以俱至也喜西北風以海在西北得其溫煦滌蕩之氣也中國則適與相反喜東南風之和藹以海在東南也畏西北風之嚴厲以其由西北塞外而來塞外多沙漠也惟南風溫煖北風寒涼則中西相同所以然者赤道之遠近爲之也

二十五日記

率馬清臣往拜會奧斯馬加國頭等公使伯爵狄姆土耳其其國頭等公使洛司丹余詢洛使以土耳其國情形所答甚詳備錄如左土國近來產絲及酒頗多自用之

出使日記

卷二

六

外尙可運售他國其餘五穀棉花等物亦自用有餘祇因運道不便故其民之種植尙未能盡地力邇年創築鐵路漸多將來運售較便則出產自亦漸廣其民皆食米飯此其風俗與中國同者也全國疆域極大半在亞細亞洲半在歐羅巴洲而阿非利加洲地亦有之自俄土交兵在柏林訂約之後歐阿兩洲之地頗多分裂今歐洲之希臘羅馬尼亞塞爾斐亞布加利亞皆爲新立自主之國論地則羅馬尼亞最大布加利亞次之希臘又次之塞爾斐亞又次之此四國本皆土耳其之屬地後因土國中衰各大將及總督皆據地自擅浸至尾大

不掉漸列爲附庸入貢之國及俄之攻土也俄人使告四國曰汝若起兵助我將來議和時當立汝爲自主之國且使土人割地與汝於是羅塞布三國皆以兵助戰而土人力屈受盟希臘本欲起兵助俄而英法德三國止之曰汝若助俄我當伐爾希臘遂按兵不敢動及定柏林之約俄人勒令土人割膏腴之地兩省以畀羅馬尼亞及塞爾斐亞布加利亞皆爲自主之國希臘亦遣使告英法德人曰我悔不助俄攻土於是英法德三國復判斷土人割兩省地以畀希臘希臘雖前已自主然小國也旣得兩省地其疆圍乃稍擴云又有埃及一國

出使日記

卷二

七

卽古時之麥西在阿洲境內其地山川秀美文物卓著土產亦饒向稱名邦爲土耳其屬地已久邇年所派之埃及總督亦據地自擅稱王於境內寢成附庸入貢之國又以欠借英債甚多英國派員代爲經理隱收其政權餉權兵權而土耳其之權在埃及者蓋寡似已漸折而入於英矣

二十六日記

洛使昨言土國兵皆以奉回教者入籍奮勇能戰甚屬可用祇以官員經理不善遂致衰弱卽如俄土之戰土兵勝多而敗少但迫於英法之勸和不能不受虧損然



所立自主之四國向來回人無多土國不選為兵今土  
耳其通國尚有勝兵六十萬人不稍減於舊額也又云  
土耳其與中國形勢相似將來必有謀害我兩國者頗  
有同病相憐之意如兩國能訂和約結為友邦實屬兩  
有神益蓋隱懼俄羅斯也馬清臣亦云土耳其與中國  
獨無條約以向無商務往來也俄之水師如出黑海必  
過土之君士但丁峽始能入地中海土與英法等國皆  
有和約如俄之水師過境將與其友邦為難土可援照  
公法守局外之例不許俄船過其海峽若俄所攻非土  
之友邦則不能矣故中國當與土立和約但結為友邦

出使日記 卷二

七

不必立詳細條約以向無商務又無交涉故也此言亦  
甚有理

二十七日記

土耳其公使洛司丹意大里公使多尼利俄羅斯公使  
狄斯大爾來答拜 北洋李傅相電開接總署電聞朝  
鮮議借洋債此端果開後患無窮請知照外部轉諭紳  
商言朝鮮貧而浪費償款維艱各國紳商不宜與該國  
訂立合同付以鉅款將來如有借債不償之事中國不  
為擔保若各國因欠款而抵據朝鮮海關中國決不允  
許豫為聲明以昭睦誼此事業經本署會同北洋奏奉

俞旨務即遵辦外部覆語如何仍希示悉等語是日辦  
文照會英法二國外部

二十九日記

近聞恰克圖邊外俄人穴地取金邊境一帶小山有登  
陟者聞地下有斧鑿聲恐是俄人越界取金據俄國礦  
師云俄金漏入中國歲在九萬兩上下緣各廠金砂悉  
應交官由官爐鎔鍊再運俄都鑄錢鎔運之費什一之  
稅計耗十分之二就近售與華商即少耗折故由本廠  
私賣者十之七八由礦夫竊賣者十之二三本廠私賣  
大率遣送華界與巨商大賈相交破案者少礦夫零星

出使日記 卷二

九

盜竊未能徑送華界華人於金廠附近開設店舖陽售  
雜貨陰購金砂積有成數乃運華境中途被劫被獲者  
十之三四得脫者十之六七金砂既至恰克圖就地傾  
鎔以入張家口運京者十之三四運津者十之六七復  
有流轉入外洋者又聞東三省內外蒙古地方產金最  
盛兩國邊界山脈連屬河流貫通即如土謝圖汗部與  
俄國接壤東西數百里到處產金恰克圖遼東之切貴  
河分流諸水金砂尤多俄人在切貴河挖金往往侵入  
華疆或鑿山或淘河晝還夜往習以為常

三十日記

俄地向不產金有明中葉吞併烏拉嶺諸部尋獲金礦  
建議開採萬歷九年爲俄人設廠取金之始三百年來  
拓地日廣據有東西悉卑爾全境阿爾泰山譯義爲金  
山東幹北幹縱橫數千里山重水複處處有金故俄呼  
悉卑爾爲金穴於是招礦師設礦學置礦官頒礦律凡  
產金之區由官丈量聽民開廠自行熬鍊金砂送交官  
鑪鎔化再運俄都錢局提淨范爲金輒以十分之九鑄  
錢幣以十分之一作器皿業主願得金輒金錢者如數  
領取否則請領金票聽民交易稅收什一轉運傾鎔之  
費亦什一皆於業主取償開礦之地分爲八部一曰撒

出使日記

卷二

三

爾穆部烏拉嶺東西金廠隸焉一曰鄂蘭布爾部烏拉  
嶺東南附近裏海金廠隸焉一曰西悉卑爾部葉尼賽  
何以西鄂蘭布爾以東金廠隸焉一曰東悉卑爾部葉  
尼賽河上下游東西境金廠隸焉一曰拜喀勒斯克部  
黑龍江以西喀勒湖以南金廠隸焉一曰牙庫特斯克  
部外興安嶺東北金廠隸焉一曰黑龍江部尼布楚以  
東及黑龍江上下游金廠隸焉一曰東海部黑龍江東  
南沿海金廠隸焉通計八部金礦共設廠一千一百四  
十六所常用礦夫七八萬人俄都錢局歲得淨金九十  
七萬九千二百餘兩約值銀二千餘萬兩此係據官冊

而言歲產之金實不止此官商朋比偷漏私銷恐皆不  
免現在採河金者十之七八採山金者十之二三河金  
多而施工易故廠木較輕

四月庚子朔記

歐美兩洲各國勃焉興起之機在學問日新工商日旺  
而其絕大關鍵皆在近百年中至其所以橫絕地球而  
莫與抗者不過恃火輪舟車及電線諸務實皆創行於  
六七十年之內其他概可知矣今之議者或驚駭他人  
之強盛而推之過當或以堂堂中國何至效法西人意  
在擯絕而貶之過嚴余以爲皆所見之不廣也夫西人

出使日記

卷二

三

之商政兵法造船製器及農漁牧礦諸務實無不精而  
皆導其源於汽學光學電學化學以得御水御火御電  
之法斯殆造化之靈機無久而不洩之理特假西人之  
專門名家以闡之乃天地間公共之道非西人所得而  
私也中國綴學之士聰明才力豈遜西人特無如少年  
精力多糜於時文試帖小楷之中非若西洋億兆人之  
奮其智慧各以攻其專家之學遂能直造精微斯固無  
庸自諱亦何必自畫也上古之世制作萃於中華自神  
聖迭興造耒耜造舟車造弧矢造網罟造衣裳造書契  
當鴻荒草昧而忽有此文明豈不較今日西人之所制

作尤為神奇特人皆習慣而不察耳即如堯典之定四時周髀之傳算術西人星算之學未始不權輿於此其他有益國事民事者安知其非取法於中華也昔者宇宙尚無制作中國聖人仰觀俯察而西人漸效之今者西人因中國聖人之制作而踵事增華中國又何嘗不可因之若忱他人我先而不欲自形其短是諱疾忌醫也若謂學步不易而慮終不能勝人是因噎廢食也夫青出於藍而勝於藍冰凝於水而寒於水巫臣教吳而弱楚武靈變服以滅胡蓋相師者未必無相勝之機也吾又安知數千年後華人不因西人之學再開造化之

出使日記 卷二

三

靈機俾西人色然以驚畢然而企也

初二日記

晚十點鐘率同參贊黃公度馬清臣許靜山張聽帆赴柏金韓模宮觀跳舞會十二點半鐘回館 查舊卷前任劉大臣代張蔣帥在英倫柏辣德公司訂織布整花紡紗提花各機器議定價值英金六萬七千一百十二磅十一仙令五本土而軋花機器尙不在內又在喜克哈葛里甫公司定購布機需用之汽機鍋爐等件議定價值英金一萬七千二百七十六磅六本土又織布廠內所應用之鐵水溜玻璃通氣筒火磚火泥西門士熱

氣管引電機等件共需英金三千二百六十五磅尙未定購又柏辣德廠所開拉散帶子花機器二副雙軸軋花子機二十具及車牀旋竿等零件共價一千四百十七磅十三仙令本土又喜克哈葛里甫廠所開軋花汽機鍋爐等件共價一千零十四磅均尙未定購又英工師博次廠所開布廠樑柱間架生熟鐵鋼料共價英金九千二百三十九磅十仙令又在諦塞德公司定購鍊鐵鍊鋼機器共價英金八萬三千四百九十八磅

初三日記

英君主維多利亞以西五月二十四日為誕期今日為

出使日記 卷二

三

西五月二十一日先三日開游燕外部尙書沙侯代為主人邀各國頭二等公使赴其家宴會晚入點鐘余往赴焉有比利時國王在座十點鐘宴畢遂至外部赴沙侯所請之茶會 查舊卷前年粵省所定鑄錢機器其價英金五萬二千五百磅

初五日記

印度幅員之廣積計一百五十萬英方里居民二百四十餘兆其歸英官管轄者十之三其餘歸土王土司分治而統轄於印度總督其商務自咸豐八年歸英主政後一切皆聽命於官迄今地方饒富百勝於前書院生

徒幾二百萬鐵路電線日接日廣出口最多之貨有三  
大宗一爲米麥及生牛皮一爲棉花苧麻羊毛一爲各  
國土產如中國之茶葉南洋之加非祕魯之橡樹呂宋  
之煙葉印度皆取其種而分植之

初六日記

英俄兩國形勢最關緊要者黑海至地中海中間海峽  
而已此峽自黑海東北至西北直達地中海峽分三段  
兩岸皆土耳其屬地其自東北通黑海之處曰波斯福  
爾一譯作波羅士自西南下達地中海之處曰他大尼里一譯作達得羅士中間較寬處曰馬爾馬拉海一譯作馬拉海按土耳其

出使日記

卷二

吉

其跨歐亞兩洲爲國其都城建於歐洲之羅美里曰君  
士但丁對岸即亞洲之美諾曰斯居得利中隔海峽黑  
海之水入焉峽名波斯福爾亦曰君士但丁峽歐洲一  
岸長三十二啟羅邁當亞洲一岸長三十八啟羅邁當  
寬自六百邁當至三千二百邁當惟歐亞兩岸徽臺之  
間寬祇五百五十邁當深二十七邁當至五十二邁當  
水流速率每小時約有五千邁當皆自東北而至西南  
黑海之水過此諸島馬爾馬拉海因其中有馬爾馬拉  
島得名過此海則爲他大尼里海峽長六十七啟羅邁  
當寬一千二百邁當至七千五百邁當深五六十邁當

礁多流駛船不易過祇可魚貫而進不能方舟並行兩  
岸亦有礮臺可以對擊是爲黑海及君士但丁鎖鑰由  
是入於額力西卑耳海譯言希臘羣島海以注於地中海焉泰  
西人稱君士但丁峽爲金角以其都城爲天下形勝第  
一也地爲土耳其之地海爲土耳其之海似與英俄兩  
國無涉然土既衰弱不能自守故兩國得倚以爲重輕  
焉土存則英恃爲拒俄之屏障土亡則俄因以撤英之  
藩籬兩雄不相讓兩策不並行也城在赤道北四十一  
度十六分北京西八十七度二十九分巴黎東二十六  
度三十八分

出使日記

卷二

吉

初七日記

自中國航海至歐洲凡海口緊要之地若香港新嘉坡  
錫蘭亞丁等處無不爲英人所扼據蓋英人以通商爲  
性命而又善審地勢有水師以爲之先導數十年間瀕  
海要害之區幾無不入其囊括者歐洲各國以地中海  
爲門戶英之所以能獨占地中海之形勢縱橫出入而  
莫與抗者則以其斷守毛爾塌島一作麻爾太及日巴拉爾  
大峽一作直布羅陀也毛爾塌島東距新開河口西距大西洋  
海口輪船約各三日程此島居地中海之中而稍近南  
岸四面環海周週約可百里地勢絕佳嘉慶年間與法

王拿破崙戰勝而得之得此島則地中海之全勢在其掌握東道不至阻絕矣日巴拉爾六峽長八十里闊五十里有一海港寬約五六十里狹處僅十餘里從此而入則為地中海出則為大西洋海兩岸皆有高山儼然石柱對面雙峙其地三面居海中惟其迤北與西班牙國地相連康熙年間得之於西班牙屢敗之餘厥後議和盡歸侵地而此峽不返山勢彎環迴抱宛如天生城堞水師停泊可避風浪英人三面築礮臺多座高峻鞏固山麓鑿成街道置兵數千守之西班牙嘗與法蘭西會師來攻大敗而去英人遂扼地中海及大西洋之咽喉矣

出使日記

卷二

美

以上二地英人累世營繕不遺餘力十餘年前增建鐵甲礮臺又得土耳其之徐卜洛一譯作昔羅斯島邊派大員築臺置戍此島在毛爾嶼之東南距紅海口不遠三地之中惟斯為大有三千五百八十四英方里居民十萬六千有奇然後知五大洲內衝衝要津名埠雄關凡可以屯水師保商路者皆英人所注意經營者也

初八日記

西洋各國陸軍以德國為最勝水師以英國為最精固已然不必英與德也余觀各國營伍無不步伐整齊操

練精熟多有一定步驟非可尺寸踰越其所以驟勝中國之故厥有兩端一則中國三代以前文武原未嘗分途漢唐猶存此意宋明以來右文輕武自是文人不屑習武而習武者皆係廩材積弱不振外侮迭侵職此之由泰西各國選將練兵皆出學校武備一院選聰穎子弟讀書十數年再令入伍習練雖王子之貴皆視為急務歷練既深又多學問故無不精嫻韜略夫西人選擇精讀書久閱歷深而始能當一兵其所以制勝者在此一隸營籍則平日見重於閭里如中國諸生之列膠庠卽年滿告退亦有半餉以贖其老所以能使樂於從事

出使日記

卷二

美

不憚致其畢生之力而將才亦因以輩出也一則兵事不尚空談貴乎實練中國兵法之有專家始於戰國之時厥後漢之韓信唐之李靖皆有兵法傳於世蓋此中竅要非可鹵莽宜有心得也宋明以後漸失其傳非鳥合之眾僥倖於一勝卽疲弱之卒糜餉於平時耳岳武穆不盡依古兵法斯其天資卓絕非可強幾後惟戚南塘氏束伍練兵著為專書曾文正公頗用其法覈定營制而楚軍淮軍相繼並起懋著功績然亦因與粵捻諸寇相持稍久故能練之益精也歐洲各邦以戰立國一二千年矣上下一心競智爭雄目見耳聞濡染已久又

復互相師法舍短集長凡陣法之變化號令之疾徐船械之良楛槍礮之利鈍無不罄其祕要確有程度非若中國之承平稍久或并古所習之兵法而失其傳也以二者彼之所以獲此成效本非易易中國雖不必盡改舊章專行西法但能明其意而變通之酌其宜而整頓之未始非事半功倍之術也

### 初十日記

西國博雅之士論及創制每推中國如新報之仿邸鈔化學之本煉丹信局則採李羅之記印書則爲馮道之遺煤燈之本於四川火井考試之本於歲科取士至於南鍼火藥算學天文之開於中國更無論矣惟西國日求其精中國日失其傳耳

### 十一日記

嘉慶十九年俄普奧三國裂分波蘭之地留克喇各末一城爲局外之國約以鄰國不得攻之道光二十一年此城爲波蘭民之逋逃藪奧乘法國之亂攻取此城波蘭遂亡俄普幸波蘭之不復生亂也均各無辭 普白敗法稱帝日耳曼各邦皆統屬焉一切水陸軍政賦稅章程各邦商務以及鐵路電報有關軍務者均歸普皇統制列邦互相爭競並由普皇割斷按日耳曼向分南

北二會南會推奧北會推普爲盟主自同治五年普勝奧後普爲南北盟主奧不與會

### 十三日記

余購土耳其國地圖見其歐洲舊疆已去三分之二因查光緒四年俄土兩國會同各國所訂柏林之約俄立土耳其之附庸三國羅馬尼亞塞爾斐亞與門的內哥皆爲自主之國惟門的內哥壤地褊小故雖稱自主而至今不能遣使於各國又立布加利亞爲半主之國其地尤大境內之事俄皆得與聞按俄土未戰之先土國所屬歐洲之地原有九千四百六十七德方里自割地

### 出使日記 卷二

美

以界各國則所存之地僅有二千八百二十七德方里且往往與土京隔絕不相毗連羅馬尼亞舊地二千二百德方里新得多布魯卡一省加二百四十德方里割去貝沙拉比亞一百五十四方里不過多得八十六方里塞爾斐亞舊地七百八十三方里新得一百五十四德方里居民二十一萬六千門的內哥舊地七十八德方里新得九十八德方里居民四萬五千多布魯卡之地係土國割與俄者在多惱河之南居民十九萬四千而俄人轉界羅馬尼亞以易其貝沙拉比亞之故地咸豐六年英法助土攻俄之役在巴黎立約以俄屬貝沙

拉比亞南界濱於多惱河之地割歸羅馬尼亞蓋防俄  
人有事於多惱河上也俄人欲廢巴黎之約而此地未  
復根蒂猶存放以新得之地易之又立布加利亞為俄  
附庸其地二千五百六十三德方里居民三百八十二  
萬自此以後土國之地在歐洲者僅有二千八百二十  
七德方里耳而且分裂懸隔聲氣不聯按每德國一方  
里約中國一百八十方里因德國每一里等於中國十  
三里有奇也土國餘地僅存三處一為魯米利亞省一  
為薩羅尼啟郡一為阿耳巴尼亞並巴斯尼亞南北兩  
處

出使日記 卷二

十四日記

三

柏林之約非特使土耳其割地以封四國也又割波森  
利牙及赫次戈偉納兩省歸之奧國因土疆三面環海  
惟北面與奧昆連所有兩省及布加利亞諸國之地均  
在土境深恐俄人要求無厭侵逼不已土人無以禦之  
故各公使會議歸奧屯兵鎮守而各國亦歸與保護又  
割徐卜羅斯島徐卜羅斯一譯作賽薄師歸之英國此島在地中海  
極東長五百里廣百六十里居民二十餘萬距新開河  
不遠俄人如有事於蘇彝士水陸必經此島故讓英屯  
兵守之又割土屬特薩耳及矮皮魯斯兩地圭利脫一

島歸之希臘并立為自主之國又割巴統一作罷通及阿  
達亨卡爾斯其三地歸之俄國惟德法兩國與土非接  
壤並無所割義國亦欲割土屬地以廣幅員羅馬教王  
力為排解乃止迫溯前事始知衰弱之國一啟兵端非  
特彼之仇敵不得利益不止也即名為相助之國亦不  
得利益不止識者於是歎公法之不足恃也

十五日記

恭讀邸鈔閏二月二十五日奉

上諭戶部右侍郎曾紀澤才猷練達任事勤能由蔭生  
部屬承襲一等侯同治年間

出使日記 卷二

三

特旨以四品京堂用朕御極後迭加遷擢洵陟卿貳簡  
任出使大臣聯絡邦交熟悉一切情形辦理悉臻妥洽  
嗣在總理各國事務衙門行走並幫辦海軍事務均能  
盡心職守日前偶感微疴賞假調理方謂即可就痊長  
資倚畀忽聞溘逝軫軫殊深加恩賞給太子少保銜照  
侍郎例賜卹任內一切處分悉予開復應得卹典該衙  
門察例具奏伊子蔭生曾廣鑾著俟服闋後由該部帶  
領引見兵部主事曾廣銓著以員外郎補用以示篤念  
盡臣至意欽此竊思曾侯奉使八年其豐功偉略在駐  
英俄二國時為多年未中壽遠爾論謝瞻懷時局為之

愴然飾終之典如此其隆益見其平日之忠勳有以  
上乎

宸眷矣

十七日記

凡乘舟車自西而東不啻迎日而行亦即背日而行由  
上海東行經日本越太平洋抵美國之三藩謝司戈城  
即舊金山計程二萬二千一百餘里舟人測日度準時刻每  
日日遞早十七分有奇上海午正三藩城已交戌正再  
由三藩城東行一萬七百十五里抵美國之費地里費  
城則三藩城午正為費城中正較上海約差六時矣再  
出使日記 卷二

由費城涉大西洋又一萬一千七百餘里為英之倫敦  
則費城辰初英已午正再由倫敦東行出地中海過新  
開河歷紅海渡印度洋抵香港而回上海計程三萬六  
千七百餘里則英始卯初上海已午正較費城亦約差  
六時水陸共八萬二千三百餘里故凡環行地球一周  
較之常住一處者必增多一日非真多也其按日時刻  
較短積之而歲一日也若自東而西環行地球一周不  
啻逐日而行較之常住一處者必減少一日非真少也  
其按日時刻較長勻之而縮一日也

十八日記

道光年間南亞美利加諸國叛西班牙而自立求援於  
美美人辭之及西班牙無力遠制美乃與之立約待以  
與國近百年來歐美各國干與他國政事者約有三端  
或為保護商利如英之助土攻俄美之阻西班牙是也  
或為保護同教如俄因布加利亞之教民受害而興師  
攻土是也或因關係大局如西班牙立君未定而有普  
法之戰是也英俄主利而普法主名

二十日記

中國近議就唐山已成之路透迤達山海關入沒溝營  
計程不過五六百里李傅相於恭辦

出使日記 卷二

畫

陵差入都時與海軍總理衙門王大臣商定具摺奏陳  
已蒙

俞允

二十二日記

已初二刻率參贊陳季同學生王豐鎬武弁王鐸及扈  
人一名乘馬車至車林克洛司車棧已正火車開輪午  
正抵多甫海口計程七十八英里未到多甫之前先過  
福克司登停車五分  
時候此處亦英法往來之海口易比國輪船行四點鐘  
也自此傍海而行即抵多甫  
時候計程約六十四洋里申正抵比國之澳斯唐脫海  
日又乘火輪車約行八十五洋里酉正二刻抵北車棧



復換馬車西正三刻抵客店樓房三層頗軒敞精緻地在王宮之後街名拜來比國都城名伯魯色爾在赤道

北五十度五十二分倫敦東四度零二十分北京西一

百十二度九分街道亦闊整精潔在歐洲有小巴黎之

稱雖限於國勢不能如法都之壯麗然煙戶繁密頗與

法之馬賽相若蓋亦一都會也此城志略作不魯拾拉

二十三日記

俄國上海領事爾來停來謁據云駐滬二十餘年矣頗

諳華語此次告假回國過此特來一見寒暄數語而別

午後往觀油畫院有奇骨兩具名壹塊農長約二丈餘

出使日記 卷二

頭足如獸尾如魚其頭昂起似長頸鹿係從煤礦中挖

出骨上黑色如煤蓋數千年或萬年前物也遂遊城外

大樹林曰蒲槐待賴崗坡周約一二十里蔚然蔚然較

之英法之樹林另具一種風景蓋英法之林整而疏比

國之林繁而密也及既入城有直街一條亦長十餘里

兩旁巨樹分行排列其整齊又與英法相似矣

二十四日記

率參贊往拜外部尙書喜梅侍郎兼總辦郎貝爾芒

白蒙總文案司達臘登榜多三人者皆其姓也中國風

俗皆以姓名並行六朝唐人多有以姓字行者而滿洲

譯

蒙古漢軍但以名行西洋之人則以姓氏行余前所載

外洋往來之人大抵皆其氏也喜梅本一小邦之名今

已併於比利時其子孫遂以國為氏然猶存侯爵舉入

議院仕為尙書蓋以族望貴也惟性健忘於外部事不

甚經意一切交涉事務皆郎貝爾芒主之喜梅畫諾照

行而已郎貝爾芒貌頗不揚而學問素優於天下各國

之大局均能精心研究出言近理一切公會皆推舉之

總理比國外部近三十年俱臻妥協自云二十五六年

前國王方為太子伊隨之遊歷中國行至上海聞前王

得疾而返然於中國風俗教化心欽慕之不忘又言比

出使日記 卷二

國工藝及製造軍械船廠不後於英德諸國若中國垂

顧各該廠必能格外盡心而其價較各國不過八九折

耳實於兩國均有裨益頗勸中國設領事於比國專司

采辦即未設領事或設招商局於比國以輪船往來運

貨而比國商會亦設公司於上海承辦軍械并能與奧

意諸國貼招商局歲費云 往觀刑部衙門其規模之

闊壯稱歐洲刑部第一川費五千萬佛郎去歲甫經落

成其監工繪圖構思凡十六年未及歲工而卒今雕石

像於門首又觀上下議院雄鉅不如英法而修整不讓

焉又觀一古塚臺內有古時軍械及上古墓碑石棺之

屬又觀七百年前所造之教堂稍參希臘舊式規製亦壯然已與新式不同又觀一千二百年前之古堡樸陋無甚足觀不過以其古而存之耳

二十五日記

觀萬恩尼織紗廠女工二千餘人皆散在民家居廠者數十人而已所織摺扇衣料手巾披巾之屬均極細緻然價甚昂貴中國所弗尙也而歐洲婦女皆珍重之行銷歐洲各國爲比國土產之一大宗又遊臘根花園園王之行宮也鳥語花香樹林深蔚地頗幽曠登一石塔高十丈餘供前王賴烏布耳第一石像於其中比利時

出使日記

卷二

壬

爲自主之國自此王始迄今甫五十餘年今王賴烏布耳第二卽其子也年五十五歲又觀一天主堂規制亦鉅前王之柩葬在堂內堂右有一大墓凡富貴人皆葬於此上有石碑圍以鐵闌植以花卉而棺柩尙與其隆起之墳相去稍遠蓋在其下一層之窟室中云晚遊蠟人館觀阿刺伯回人跳舞而回 比國共有三百七十三立方洋里長一百六十洋里廣一百十五洋里東面多高岡外江曰茂斯江長五百五十洋里內河曰賽恩河繞城以通外江人民共有六百萬都城中有四十八萬乘筆記云三十二萬蓋二十餘年前之數也土產織紗銅器槍礮玻璃洋布糖

之類電線鐵路四通八達縱橫交互殆如蛛網

二十六日記

先是比國外部來函約於今日未初二刻呈遞國書屆時有朝官以雙馬車二乘來迎余率陳敬如王省山同往至宮門與其朝官數人皆握手爲禮其宰相代外部來陪亦與握手少頃朝官引入內殿國王東嚮肅立余入門鞠躬國王亦免冠鞠躬與余握手余宜讀頌辭呈遞

國書國王躬親祇受口述答辭慰勞股摯立談移時復與敬如省三各寒暄數語禮成而退朝官復以馬車送

出使日記

卷二

壬

余返店遂辭去

國書云

大清國

大皇帝問

大比國

大君主好

貴國與中國換約以來夙稱和睦茲特簡二品頂戴候補三品京堂薛福成爲欽差出使大臣前往

貴國都城通問並令親貴

國書以表真心和好之懷朕稔知該大臣老成練達公

正和平辦理交涉事件必能悉臻妥協朕恭膺

天命寅紹丕基中外一家罔有歧視嗣後願與

貴國益敦友誼長享昇平朕有厚望焉頌辭云

大清國欽差大臣薛福成欽承

簡命出使

貴國恭惟

大比國

大君主前曾遊歷中華與我

中朝最稱親睦勸學識超越尋常內政外交蒸蒸日上使臣親奉

出使日記

卷二

三

國書上呈

尊貴以為永敦和好之據惟冀

大君主體中國

大皇帝之意益篤邦交互求裨益使臣不勝欣忭之至

答辭云蒙貴大臣來遞

大清國

大皇帝國書不勝欽感本君主前經遊歷中華見其風

俗政治知為教化最先之國而人民繁盛物產殷富實

甲於地球今雖事隔二十餘年本君主追念前遊未嘗

不神往也做國以局外立邦丁口稠密藉可勤求製造

如中國有采辦軍械事件深願効勞做國亦可漸習中

國之教化以補其不及煩貴大臣轉奏

大皇帝表我此心實於兩國互有裨益

二十七日記

觀鑄銅機器廠皮酒廠 亞細亞洲極北近冰海之地

有所謂使犬使鹿之邦者而比利時之人常驅三大拉

一車或駕一犬於小車之下使之挽車而一人在後推

之其亦使犬之意歟 色稜廠前總辦薩端來謁年七

十餘近已告退該廠規模本不甚大薩端為之整頓擴

充遂成巨廠專辦鍊鐵開礦鐵路之屬 比利時駐中

出使日記

卷二

三

國京都之使館參贊米師麗來謁甚諳華語自稱嘗兩

署公使今告假回國秋間尚須前往中國去年余在京

都嘗與晤敘兩次

二十八日記

往見國王之弟年五十餘耳已聾矣而意氣和靄詳問

中國冠服之制展玩久之握手而別 往觀花會又往

觀馬會馬皆肥碩臙健有重至一千五百斤者較常馬

高大倍之皆壯馬也惟比國有此巨馬善牧者以重費

養之每歲售與各國為種價高者可鬻至一萬數千佛

郎各埠購得一二馬以歸俾與化馬交所生之子亦皆

肥碩而臙色已稍弗如三傳之後則復同常馬矣故各國必來購種大抵用之耕田者爲多 國王設讌會先一日發帖邀余與陳敬如王省三於六點鐘赴宴屆時乘馬車至宮門入宮須臾王出免冠握手爲禮王及王弟宰相尙書朝官暨外部各官會者二十一人合賓主共得二十四人設一長案以次列坐洋餐味皆適口王酬應周到禮意殷拳且謂余曰前月在英國同席見貴大臣不甚下箸恐中西口味不同若意所不欲喫者不必勉強乃於養生之道爲相宜宴畢王與其弟攜手同行導賓入別室飲加非皮酒之屬皆立而飲之賓主任

出使日記

卷二

學

意所欲與談者或二人或三人皆立談良久耶貝爾芒與余談天下大局謂舊金山新金山土人日強一日數十年後必各自立一國不復服屬於美英美英之勢當稍衰而中國又多兩強國之交涉應付當稍費手又曰方今地球各國名相以畢士馬克爲第一而中國之李中堂亦當在二三之間聞其所注意經營亦偉人也嘗候辦理外務亦頗有名惟在此不久而歸歸亦未聞別有建樹今已逝矣真爲可惜中國教化最好民物最殷但能參用西法便可立致富強方今外交之道既不能免非謂謀國當自忘其本卽如日本之自改服式我西

人亦非笑之中西政俗要在集所長而去所短耳願貴大臣留意焉將別國王復與余握手而祝曰願貴大臣在歐洲身體安和爽健願貴大臣諳究我歐洲政俗願貴大臣聲望勳業隆然日起余肅謝而退

二十九日記

未初一刻余率參贊學生等由比都啟行先乘馬車至北棧換坐火輪車過明司停三分鐘街市繁盛比國之大埠也過分呢爲比法交界之地停二十分鐘亦極熱鬧有法國海關在馬車上人紛紛持行李往驗惟各國公使祇遣人送照一看概不查問循舊例也過雙諦

出使日記

卷二

學

大樹林樹木茂盛一望無際西正二刻抵巴黎之火車棧換乘馬車戊初一刻抵使館是日共行三百一十一英里

五月己巳朔記

查得小呂宋入口貨物由華人自香港運往銷售以米爲大宗每年價洋銀二百餘萬員至三百萬員不等因土人性懶不肯耕種之故麵粉每年五六十萬員其餘中國物產如紬疋油蠟食物紙張之類祇銷三十萬員以內洋布入口最多則由歐美各商運到而華商爲之運銷全島各內埠每年價自五百五十餘萬員至七百

餘萬員不等至出口貨物以白糖煙葉兩項為大宗每年價自四百餘萬員至五百餘萬員不等其次加非出口每年銷至二百餘萬員又白麻繩索每年銷價數十萬員或百萬員不等以上貨物運售歐美各洲洋人居十之六七華人居十之二三而白糖加非則皆運銷內地者也為洋商經紀者華人居多此小呂宋近年出入口貨物之大較也至海關出入口稅餉每年共得二百十餘萬員此外華人店稅每年納銀六十餘萬員華人丁稅每年三十餘萬員小呂宋省城即馬尼喇大埠也

初二日記

出使日記 卷二

望

已正由法館乘馬車至火車棧換坐輪車午初三刻抵阿明停二十分鐘未正抵布倫海口亦有法國海關街市繁盛上輪船未正一刻啟旋渡海面二十八洋里申正一刻抵英國福克司登海口又有英國海關乘火車開輪西正一刻抵采令克路司即車林車棧換馬車西正二刻至使館計由法館至布倫海口皆法界陸程二百五十四洋里由福克司登至英館皆英界陸程七十一洋里

初四日記

恭讀邸鈔三月二十四日

上諭李鴻章奏已故大員勤勞卓著請將事蹟宣付史館立傳一摺原任戶部右侍郎曾紀澤奉使各國克勤厥職嗣在總理衙門行走辦理中外交涉事宜悉遵妥協幫辦海軍事務一切規制贊畫頗多著將生平事蹟宣付史館立傳並加恩予諡用示篤念蓋臣有加無已至意欽此厥後諡為惠敏飾終之典至優極渥矣英國官紳與余談及皆謂曾侯得此無愧若代為欣慰焉

初五日記

湖北織布廠初擬樑柱閒架全用鐵料據英國工師博次廠開價內生鐵大小各柱及水溜重六百零四噸計

出使日記 卷二

望

英金四千零三十五磅熟鐵大小各枋樑重二百十四噸計三千零五十磅鋼製大小各樑重二百十二噸十四亨德威計一千八百零七磅十九先令鐵釘鐵螺絲重二十噸計三百四十七磅合共需價九千二百三十九磅十九先令嗣改為彈花房紡紗房織布房必須用鐵者始用鐵料計鐵柱鋼樑水溜價合六千七百五十磅此價包括彈花房又洋匠德金生自武昌徑電博次廠託定建造織布廠所需物料七種合價三千二百六十五磅內水溜等件七百九十二磅玻璃一千二百四十四磅西門士三百七十五磅熟鐵一千二百四十四磅西門士三百七十五磅熟鐵一千二百四十四磅氣管三百五十磅引電機十八磅以上兩大合共需

英金一萬零零十五磅又經余與博次廠議減五百磅計需九千五百十五磅已訂定於數月內工竣運鄂鍊鐵廠做鋼路之機爐現定可做每碼重六十磅及七十磅之兩種拉軸

初七日記

西人皆知輿地之學每村塾中童子七八歲者先讀輿地諸書四壁懸地球諸圖塾師隨時指示迨十三四歲後則又擇輿地書之精者讀之蓋凡爲官爲士爲兵爲工爲商皆當周知輿地惟其童而習之所以無人不洞悉形勢諳練世務西士每言地之衰旺須察其氣之冷

出使日記

卷二

望

暖卽如丹國所屬之吉蓮蘭者在美洲北境一絕大之島也其地實在寒帶從前海中有熱水一股自南洋來環島北趨所以島中民物繁茂而其地大於丹馬本國不止十倍丹人恃之稍稱富強近數百年來海水趨向忽改地氣頓寒民物衰耗寢成荒島而二十年前丹又爲德人所敗割其本國之大半并其都城割去遂爲歐洲最弱小之國矣至英倫三島本在溫帶之北已近寒帶亦因赤道下之海水一股由南亞美利加洲之墨西哥海面北趨環繞三島所以入冬不甚寒冷地近寒帶又四面皆海常有海風吹送所以入夏不甚炎熱邇來

倫敦民物之殷阜實已甲於地球則海水趨嚮爲之也大抵地球精華所萃以居溫帶之中者爲最善如中國及美國是也其次則地勢雖偏而得海水溫煦之氣但海水有時或改所嚮而軌道積久亦當變易余因問西士英倫三島地氣何時當冷據云約在四五千年之後又問中國地氣何時當冷據云約在二三萬年之後

初九日記

湖北擇定織布廠地在大江之南武昌府城之北城外本有護城河又有河一道引江水以入護城河廠地適跨是河之上向來江水夏漲冬落其高下相去以三丈

出使日記

卷二

望

六尺爲度惟二十年前夏逢大水竟有較水落時高至五丈六尺者今廠地擬較二十年前大水所到之處再填高一尺

初十日記

拜發馳赴比國呈遞  
國書日期一摺擬請照例  
優卹候補繙譯千總王鳳喈一片

十一日記

余抵倫敦已兩閱月至此酬應稍簡因繙閱英館積年文卷仍隨手摘要錄之查舊卷英君主於丁亥年值在

位五十年之期舉行慶典總理衙門奏請致賀奉

硃批依議並頒

國書一道禮物各件計開玉如意一柄紫檀木鑲瓶盒

一分盒內玉香爐一件玉香玉山一座有官窰瓷確一對

有官窰青花白地瓷果盤一件有白緞繡花挂屏二懸

白緞繡花圍屏十四幅香茗二桶 又查舊卷英外部

於丁亥年咨送兵部尚書節略詢取中國

國樂樂譜以備兵丁譜奏之用前任劉大臣照覆云查

中國樂章譯為歐洲宮商可合泰西樂器之用者僅有

一闕名曰普天樂相應將樂譜一冊備文照送查收按

出使日記 卷二

吳

普天樂者曾侯所製也

十二日記

查舊卷乙酉三月曾侯咨總理衙門云英國佔據朝鮮

濟洲東北之安島一事當即遵電往外部詰問旋接該

外部伯爵尚書葛蘭斐爾密咨聲明佔據韓墨爾登海

口緣見別國有佔踞此島之意不得不急於下手英廷

甚不欲有損中國聲望願與中國相商立約以保中國

之權利等語查韓墨爾登海口以中國字之地圖對其

部位似是安島今與外部談論即以韓墨爾登立言又

咨云該島既為英俄兩國爭據在我不能禁止該二國

均不佔據俄人若據該島則與混同江口及海參崴等

處呼吸相通其不便於中國較之英人據之為尤甚外

部既稱不欲損中國聲望如能議訂一約保全中國上

邦之權尚不至大傷中國體而按所云安島者實巨文

島也 丙戌三月又咨云前遣馬格里告外部云駐北

京俄使屢問總理衙門英廷佔踞巨文島之意並云倘

英軍永遠佔據則俄亦欲於高麗佔據一地侍郎克蓄

咨云李中堂及總理衙門曾與英署使歐格訥言及退

出巨文島之事

中朝能否擔保必無歐洲別國佔踞該處倘

出使日記 卷二

望

中朝不肯擔保英廷亦不欲久佔此口頗勸

中朝請俄國及各國會商公訂一約擔保不取高麗之

地英廷甚願入會簽名約內並願立即退出巨文島

十三日記

查舊卷丁亥八月李傅相咨朝鮮國王文開朝鮮係中

國屬邦向來兩國官員往來文牘皆有體制今貴國派

員赴東西洋各國通好查泰西及日本各國中國均已

派有大臣駐紮彼此往來文牘自應循照舊章與朝鮮

立約時照會本旨勿相違背所有朝鮮派駐各國之員

無論何項職銜遇有公事與中國駐各國之大臣交涉

應用呈文往來用銜帖中國大臣與朝鮮駐各國之員  
遇有公事均用硃筆照會以符體制旋於十一月奏明  
遵

旨與朝鮮國王籌商派使各國未盡事宜酌擬三端一  
韓使初至各國應請由中國大臣挈赴外部一遇有議  
會交際應隨中國大臣之後一交涉大事關係緊要者  
先密商中國大臣核示並聲明此皆屬邦分內之體制  
與各國無干各國不得過問

十四日記

英國印度總督所駐之都會名噶爾格達一譯作加刺

出使日記

卷二

哭

吉打又作甲谷他即孟加拉之省城也 查舊卷乙西  
之冬曾侯與英外部商議緬甸事宜其商務界務二層  
則答以須先定界務乃能論及商務侍郎克雷談及潞  
江以東之地自雲南南界之外起南抵暹羅北界西濱  
潞江即薩爾溫江東抵湄江左右其中北有南掌國南  
有揮人各種咸歸中國或留爲屬國或收爲屬地悉聽  
中朝之便曾侯咨總理衙門云南掌本係入貢中朝之  
國倘英人果將潞江以東讓與我似宜受之將揮人南掌  
均留爲屬國責其按期朝貢并將上邦之權明告天下  
方可杜後患而固邊圉刻下本爵大臣所爭論者係索

八募之地八募似即雲南張撫部院所稱新街也該處  
在雲南邊界之西怒江即厄勒瓦諦江上游之東龍川  
江下游之北大盈江即雲龍江下游之南形勢據怒江  
之上游屹然可爲重鎮若中國得之爲通商之埠則邊  
防較爲鞏固收稅亦扼要隘所惜英破緬甸之後英人  
之在緬甸在倫敦者咸論八募形勢之雄恐英廷爲其  
所搖未易讓我耳 外部侍郎克雷後告馬格云英  
於揮人地方之辦法仍照初次會議之情形英廷意見  
謂自緬甸歸英國之後英國所管各揮人之地中國如  
有權於該地者中國願行其權儘可仍行其權也又云

出使日記

卷二

哭

英廷已飭駐緬之英官赴太平江穆雷江中間一帶勘  
驗地方以便允中國能否在彼設一埠頭按太平江即  
大盈江亦即橫榔江下游也穆雷江在太平江之北又  
名麻里江

十六日記

綜攷今天下君主之國凡二十有六民主之國凡二十  
有五民主國之在南亞墨利加洲者凡十有六 晚借  
張聽帆赴禮成園觀蒲丹尼會花燈蒲丹尼譯言植物  
也又赴翰林院畫館觀油畫遂赴埽司金星墩大博物  
院之茶會倫敦信局通行一本士信資印票適屆五十



年故設茶會以慶賀之也

十七日記

查舊卷丙戌之春英外部尙書伯爵勞德伯力照覆曾侯大略云沙力思伯里侯前曾論於緬甸立一教王或喇嘛辦理十年遣使餽送儀物之事經印度總督查探萬不能行今擬由英廷吩咐駐緬之大員接辦十年遣使之事英廷將管理緬甸境內潞江以東揮人地方之一切權柄讓與中國今閱來文知

中朝可允接受此權至論其在西之邊界英廷雖不能允劃界循厄勒瓦諦江之東岸直至瑞麗江匯流之處

出使日記

卷二

辛

及八募統歸中國然已商問印度總督或可聽中朝設一船埠於厄勒瓦諦江上爲中國通海之埠英廷盼望駐緬甸官員於此節速有回音並望商議如何可使中緬商務日見興旺按瑞麗江卽龍川江下游也 譯外  
部所送印度報單云潞江以東揮人之地北緯度自二十度起至二十四度止東經度自九十七度起至一百零一度止東以湄江又名東埔寨大江爲界閒有數處越過湄江者北以雲南爲界南邊初以紅嘎鄰地爲界後以湄江爲界揮人各國頗獻貢物於暹羅然緬甸常有上邦之權於其全地地勢高低不平有大山自北至

南條互不斷略依湄潞兩江形勢兩江中段之地亦卽爲湄南江又名暹羅江之發源處潞江皆係石岸水流頗急因由山隘經過故也兩岸居人極少據云小船可行至北緯二十度四十分且可入雲南湄江形狀大概同潞江惟江面較寬水勢較大其在中國境內一段則甚窄有數處可架鐵橋而過 江洪地方之江面寬五十四丈深一丈五尺底皆礁石兩邊石岸寬一百六十二丈可行小船頗危險 湄江昔有行船貿易五十餘年前已停止因暹羅毀壞雲章地方故貿易不行 各山皆居有野人老撾之人偏地皆有揮人以此類人爲

出使日記

卷二

壬

半教化土番之後裔其人善治農事種靛青甘蔗木棉又能打鐵製造刀槍身矮貌陋最大及自主之士番皆居孟林之北

十八日記

印度報單揮人節略又云嘎規人卽山中之番人江洪及江東地方皆有之老獠人居湄江東者常入貢於江洪又野陰番藤木番藤奴番及別類番各處皆有又藤木藤奴人皆緬語或其祖由緬遷居於此又湯兵及泰尼等處近中國邊界者皆種茶之地其人勤敏和藹善染顏色爲木匠鐵匠短小壯健而白色衣服與揮人同

以上各種土番皆寄居各山中及荒野海面甚高天氣  
溫和滿山皆杉木其木之茂盛南抵上貳納色林省至  
與槽方相近處槽方者山中專產槽木者也天氣寒冷  
冬季田中不能種稻者皆種煙及落花生山溪之間多  
裝水磨用水力運輸機以製糖有數處田盡墾闢不見  
樹木人戶富饒所出牛羊牲口極多 英屬緬甸之撥  
郎奈特茅及別處所出穀米足敷食用惟出產不勻須  
資貿易以通有無茶葉一項爲緬甸貿易之大宗其貿  
易大路一出納的克及別口至緬甸都城莽達拉及上  
緬甸厄勒瓦訶江上之各大鎮二由泰尼至雲南之西  
出使日記 卷二 聖

國惟距中國官憲太遠耳  
十九日記  
揮人節略又云揮人共有幾國殊難查攷緬人云有九  
十九國此其常用之數已滅亡之孟良孟養兩國亦在  
內又有輕馬梅明者係潞江外極北之國兩國聯盟合  
爲一國輕馬乃九城之一此國土地廣大入貢緬甸該  
處田地灌溉極美居民力農最眾博東吉大銀礦從前  
地圖誤以爲在潞江之西湯兵相近處者想必在此境  
內梅明地方出銀之外又有銅鐵錫及石鹽麝香又丹  
尼與輕馬中間又有一小國曰明田國中有一大寺寺  
出使日記 卷二 聖

南三山納克的克古吉或再迤南各口至湯古或至撥  
郎四越巴黨及箕柯嶺至湯古五由卡勒尼至木緬  
緬甸國家有極大權勢足以駕馭潞江以西之各地主  
王及大臣有廢立地主之權緬軍大隊常駐猛乃以鎮  
轄之木比江上巴亞貢地方之噤臺亦紮緬軍至潞江  
以東抵景東及其附庸各小地則緬甸權勢稍減矣  
揮人各地之君雖入貢於緬而其起居排場則與緬王  
無異駐紮揮地之緬官名曰博模民塔亦駐猛乃揮君  
位係世傳由緬王於君家擇賢而立揮人皆不喜緬甸  
人心皆向英國惟不欲將繼嗣一道革除揮人亦慕中

間相隔而已此鎮內有雲南與揀地及暹羅各處通商要路一道江洪鎮坐落湘江之西居民僅四百家有宮殿一所係中國式樣極華美而堅實入貢緬甸之物不過金杯一隻金銀所製花各一朵又有紬緞及他物皆小頭目及總頭目所預備江洪備緬甸調遣之兵五千人 景東鎮在湘江潞江之中其地之大幾於兩江相接包括莽甯江駝及他國從前皆係自主者江駝在湘江上昔爲最要之地景東有城城內六七百家緬人呼爲剛人呼其地爲剛人之三十二城景東有兵三萬人備緬甸調遣者五千人景東經緬甸王阿耶僕拉於一

出使日記 卷二

語

千七百六十五年克復後中國軍由八募丹尼兩處攻緬甸三次卒未獲勝三十餘年前暹羅進圍景東亦爲緬軍擊退兩國由此不和又景東屬部曰江墾係極東之小國與緬甸有來往其鎮在柬埔寨江即湘江之邊

二十日記

按後漢書西南夷傳揀國西通大秦則揀人一種由來久矣揀境之東有南掌國其弱小不過如土司而會典列之入貢九國之中詳核各種圖記又謂之老撾蓋南掌實老撾之轉音也海國圖志謂之老掌

出使英法義比四國日記

卷三

光緒十六年庚寅五月二十一日記

英御前大臣奉君主諭於前三日請余赴柏金韓模宮觀跳舞會余因事冗未往是日復請各國公使至森哲模斯宮赴朝紳會余往會焉英官有曾遊歷中國之天山者爲余述天山諸嶺風雲幾絕路徑難通高處有二千餘丈支嶺皆由此而分嶺下有潤潤多大水嶺頂有雪積而不化嶺如壁立潤中有金珍禽奇獸不一而足

二十二日記

出使日記 卷三

總理衙門來函云接巴西國外政布大臣照稱巴西爲君主之國近因本國陸兵水師以及民人通同諭令將君主之政改爲民政設立暫秉國政公會國民公舉秉政大臣刻向前皇啤度路聲言請其偕眷離國前皇亦卽允從遂頒詔國中此後巴西改爲合眾民國茲秉政大臣於一千八百八十九年十一月十五日傳諭所有前皇與各國互立和約及各項合同並國債均仍舊辦理現暫秉國政公會首領卽將軍馮式嘉至外政事務卽歸本大臣管理深願貴國認本巴西國爲合眾民國是爲厚望等因查君主改爲民主泰西原有此例惟

各自主之大國若不明認未爲定局本衙門未便遽行  
照覆即希詳爲訪察英國國家是否認允速覆以便酌  
辦可也余查巴西改爲民主係出兵部海部一兩人之  
私謀意在擅權劫脅君民前王亦並無失德業已遜位  
迄今一年亦未將此事交議院公議現惟法美二國已  
認法美本皆民主也其餘如英俄德意皆未認允英於  
巴西公使雖仍以客禮相待惟不使與朝會亦不受其  
國書余因函覆總理衙門請暫緩認

二十三日記

週年以來中國整頓海防兼及江防頃閱邸鈔光緒十

出使日記 卷三

年皖省籌防案內在安慶東門外造明暗礮臺各一座  
石營一座欄江礮臺突起江中洲上造明礮臺二座石營  
一座南岸造明礮臺一座土營一座西梁山造明礮臺  
四座石營一座土營二座臺左右各建築彈兵房前後  
築駁岸護隄東梁山造石城礮隄各一道並築彈兵房  
護以駁岸做法均照外洋式樣現因風濤震撼土鬆岸  
塌根脚多有刷洗下空樁折牆塌岌岌可危沈仲復中  
丞奏明籌辦西營餘兩設法修理或拆卸截改酌量移  
建

二十四日記

中西醫理不同大抵互有得失西醫所長在實事求是  
凡人之臟腑筋絡骨節皆考驗極微互相授受又有顯  
微鏡以窺人所難見之物或竟飲人以悶藥用刀剗人  
之腹視其臟腑之穢濁爲之洗刷然後依舊安置再用  
線縫其腹敷以藥水彌月即平復如常人腿脚得不  
可治之症或傾跌損折則爲截去一腳而以木脚補之  
驟視與常人無異若兩眼有疾則以筒取出眼珠洗去  
其翳但勿損其牽連之絲徐徐裝入眼疾自愈此其技  
通造化雖古之扁鵲華陀無以勝之然亦間有不效者  
如曾惠敏公之喪其一子黎蕪齋之損其一目人頗咎

出使日記 卷三

三

其篤信西醫之過余謂西醫之精者其治外症固十得  
七八但於治內症之法則得於實處者多得於虛處者  
少其用藥但有溫性而無寒涼斂散升降補瀉之用以  
視古醫書之精者如張仲景孫思邈王叔和之方金元  
四大家之論近代喻嘉言陳修園之說其深妙之處似  
猶未之得也惟中國名醫數世之後往往失其真傳外  
洋醫家得一良法報明國家考驗確實給以憑照即可  
傳授廣遠一朝致富斷無澹廢之虞所以其醫學能漸  
推漸精蒸蒸日上也其他諸學之能造深際率恃此道  
又不傳醫學也

二十五日記

海里六十等於洋里即買六十九又半此但用於行海日記簿至海道圖及船主每日牌示仍按洋里非海里也英國如此不知他國如何 每洋里即買合五千二百八十英尺即一千七百六十碼每碼三英尺也每海里合六千零八十六英尺又十二分之七 英國人工巡捕每年七十四磅養老資三十四磅陸師每年四十八磅養老資十九磅水師同修路工役每年六十七磅送信夫役少年每年五十五磅壯年每年七十八磅養老資二十五磅自十八歲至二十五歲為合例充役之歲滿二十一年為

出使日記

卷三

四

滿限滿限者給資至老

二十七日記

查舊卷丁丑三月前大臣郭筠仙侍郎奏稱西洋傳教一節最為中國人民所深嫉近年河南福建安徽四川教案疊出甚至與居民互相仇殺地方官辦理多未如法正以西洋行教本末無能周知故也查天主教創自摩西耶穌基督始立教名數百年而阿刺伯回教興又千餘年日耳曼路得演立西教而耶穌教興希臘為西洋文字之祖亦緣飾基督之教為希臘教其原皆出於摩西各教教規互異而禮拜誦經敬奉天神實同天主

教傳自猶太而盛行於羅馬西洋奉之以為教皇實在各教之先慎各教之互起爭勝也遂一以行教為業求使人宗主其教以示廣大積久而奉耶穌教者亦倣而行焉蓋西洋立教各有宗主法義日比附近羅馬皆習天主教德瑞以西至英美皆習耶穌教土耳其以東習回教俄國最北自習希臘教截然各立界限或君民異教強使從之輒至滋生事端如土耳其本天主教地而習回教各部時有叛者然同在一城之中建立禮拜堂必歸一教無相僂亂獨中國聖人之教廣大精微不立畛域是以佛教衍於漢初天主教回教傳於唐世演習

出使日記

卷三

五

流傳在所不禁唐初大秦國阿羅本來獻經像因是立大秦寺而有景教流行中國碑寺僧景淨云其教起自拂菻則正摩西生長之猶太也所奉祆神即天主其時佛教方盛洋教傳入中國信從者鮮至明季利瑪竇東來徐光啟舍宅為天主堂其教始遍行於天下國初猶准洋人營建天主堂而禁民人入教所以然者由洋人立教招中國人民從之於義無取也是以雍正初并天主堂禁之而回教禮拜堂不禁則以自為教與強民人以從其教其事不同耳竊揆摩西立誠之旨禁人之欲勸人之善與聖教初無歧異咸豐九年始開天

主教之禁而法國實祖天主教以護教爲名恃其權力以縱庇之於是作奸犯科一倚教堂爲抗官之具至有身犯重罪入教以求庇者有與人爲仇依附教士以逞其毒者府縣廳鎮一建天主堂地方輒至顛沛不能安其生而教士之勢乃張川黔兩省此禍尤烈是以各省人民一聞天主教之名莫不懷憤思與爲仇誠有以取之也臣愚以爲各種教士傳習異教之國西洋所必不能行者也中國不禁異教可以勉強行之縱教民爲姦惡動輒挾制地方官枉法寬容以屈抑良民亦現立之條約所必不能行者也亟應設法補救以求與人民相安除夫彼此猜嫌之見伏懇

出使日記

卷三

六

皇上通飭各省督撫明定章程曉諭所屬地方一應教民人等無得歧視各州縣交涉教案據理爲斷稍有徇庇立于參辦洋人犯案應依洋律處理中國人犯案應依中國律處理不得因習天主教稍分輕重抑臣聞西洋教士傳習天主教者謂之神甫傳習耶穌教者謂之牧師其人類皆博學多能勤勤向善凡傳教中國者皆神甫也其傳教以人數多少爲課最盜賊奸民能招致多人卽授以神甫之名所收姦民愈多則良民亦愈以爲恥稍有知識皆遠避之是以傳教二十年所立神甫

徒爲士民所賤惡并懇

敕下總理衙門會商駐京公使斟酌妥議必保傳教信士確守教規不至恣行奸惡始准充爲神甫庶使地方昭然於教堂勸善防惡之心不生嫌怨若無故干犯教堂地方官亦得按例懲辦責成賠修其與百姓爲仇者但能照案輕重處理不得託辭賠修以相詰難臣爲各省教案交涉繁難起見是否有當

二十八日記

余自香港以至倫敦所觀博物院不下二十餘處常有詩經所詠爾雅所釋山經所誌鳥獸草木之名爲近在

出使日記

卷三

七

中國所未見及至外洋始見之者頗足以資考證惟獅子一物中國詭爲難得而外洋處處有之其形狀不過與虎相等非若中國舊圖所繪之雄猛蓋西人豢養獅子演戲爲業者常取初生之獅飼之必養之三代而其性稍馴然後可以演戲可以鞭撻驅使然皆其雌者耳其色黃其頭頂上無拳毛若雄者則頭頂皆有拳毛波斯之種有灰色有青色尤爲威猛殆非人間所能畜也至若鹿之有麀也狼之有狽也牛之有犀兕也魚之有鯨也鱉也飛也比目也鳥之有鵠也鷓也爰居也獸之有拂拂也猩猩也覆父也均於博物院始見之此外殊

形異狀不可殫述即以犬論已不下數十百種惜外洋譯音詰屈無從與古書印證果使得暇諦審其形聲詳稽其種類則詩經爾雅山經之名當可十得五六然余竊謂宇宙間之物古無而今有者甚夥即古有而今無者當亦不尠也

三十日記

代鄂省在伯辣德廠訂定拉散帶子花機器二副雙軸軋花子機器二十具及車牀旋竿零件共價一千四百十七磅十三先令十木士又在喜克哈葛里甫廠訂定軋花汽機鍋爐價一千零十四磅又鄂省布廠現改全

出使日記 卷三

八

用鐵料除前所訂鐵水溜鐵柱鋼樑價六千七百五十磅外今託博次廠向各廠代訂鐵片瓦鐵間架等件加價五千五百磅

六月己亥朔記

泰晤士報云英屬印度已測量地道欲於緬甸創建鐵路兩條一西路接至茂芝山谷及輕特文江長九十英里一東路撒恩之地長一百五十英里此路造成運銷英貨大有利益又於厄勒瓦第江謀造鐵路至班馬即入是緬甸中間要地由此接至太平路麻明陽村及雲南此路造成緬甸可稱大埠惟中間有一百英里山道

為中緬相連之界應當設法開通

初二日記

雲南礦務開辦有年以相隔甚遠未悉梗概今閱邸鈔喜其漸有成效節錄如左巡撫銜督辦雲南礦務唐炯奏稱宣威會澤交界之煤山已設廠開辦其餘各廠亦日有起色距巧家廠二百里之小水井經公司接濟鄉民油米俾自開槽洞百餘口數年後可望成一大廠威甯鉛廠日有起色現築塘蓄水以備淘洗礦砂修建爐房以備煎鍊並於水城梅花山等處相度推廣開辦所購外洋機器尙未到滬又奏據公司稟稱開辦銅鉛各

出使日記 卷三

九

廠除巧家威甯兩大廠外魯甸永善平彝宣威甯州河西石屏凡產礦之區俱已開辦鉛廠除威甯州外又於水城采擇開辦總計募丁開銅購器僱馬已用工本六十餘萬金皆係集股及重慶漢滬商號挪借擬請借發工本俾趕辦銅斤無誤京運等情今已提銀十萬兩發交公司勒限二年繳還俾得趕辦京銅

初四日記

西人多以姓氏行余略誌之矣亦有以姓繫名後者如前明萬厯年間意大利人利瑪竇以傳教至中國西人之顯名於中國者自利瑪竇始按瑪竇其姓也利稽

其名也彼於其名去一稽字而以冠於姓之上名在前而姓在後西人用此例者頗多又如英國駐華公使曰卜魯士曰阿禮國曰華爾身皆其姓也額爾金世襲伯爵亦姓卜魯士額爾金則其所封爵之地名也若威安瑪則威其姓妥瑪其名巴夏禮則巴其姓夏禮其名然威巴二使之姓亦各有三字彼但用其首一字而割去其下兩字也若德使巴蘭德法使李梅則皆其姓二使在中國又以上一字作姓下兩字一字作名矣

初五日記

近聽英法官紳議論多有聯絡中國之意不復如昔年出使日記卷三

十

之壹意輕藐推原其故厥有數端一則越南一役法人欲索賠償竟不可得法人咸咎斐禮之開釁恨其得不償失各國始知中國之不受恫喝也一則十餘年中冠蓋聯翩出駐各國漸能諳其風俗審其利弊情意既洽邦交益固也一則中國於海防海軍諸要政逐漸整頓風聲所播收效無形且近年出洋學生試於書院常列高等彼亦知華人之才力不後西人也乘此振興之際遇有交涉事件相機度勢默轉潛移庶幾有裨大局

初七日記

張蔣帥所訂鍊鐵鍊鋼機器及紡紗織布機器各全副

原議俟鐵布兩廠造成後各分五批運赴廣東適辦帥調任湖廣勘地未定築廠需時而布機皆細巧之件若無廠屋存儲恐致鏽壞是以電商辦帥暫緩運鄂惟織布鍋爐六座及鍊鐵機器兩批並築廠物料業已陸續運送蓋鍊鐵織布兩大端若果辦理有效風氣大開每歲中國之銀少漏入外洋者當不下四五千萬兩惟鍊鐵必與開礦相濟為用若數端並舉事體宏鉅恐非一省之物力才力所易集事耳

初八日記

英印度之大吉嶺副巡撫保爾自印度告假回英來訪

出使日記卷三

十一

與談移時始知英文所謂西金者即哲孟雄也哲孟雄為印藏間一小國而英人割其南面之大吉嶺一隅設官治之大吉嶺距印度省城本需二十餘日程既造鐵路僅行二十三點鐘即到山下無鐵路登山再行兩日可抵大吉嶺今亦須漸築鐵路焉

初十日記

余聞西土之精礦學者稱地中之金玉銀銅鉛鐵錫煤等物多係太古以來所含孕非若五穀草木之隨取隨產也余於是知宇宙開闢日久人民日多攻取日繁千萬年後必有銷竭之時即就中國而論古之諸侯營



築宮室椅桐梓漆皆可就地取材今則中原千里濯濯未聞有巨材可伐東南數省民間營造皆用江西閩廣之木遠者運自南洋諸島足徵腹地之無材漢蕭何造未央宮規模闕麗而終南山鉅木用之不窮不過藉民力伐之運之而已明代營造宮殿始采木於黔楚川滇諸省迄今觀明舊殿有歎其無從再得此巨材者竊恐數百年後川滇黔楚以及江西閩廣采伐又將罄竭矣古者圭璧璜琥禮數綦詳雍州貢球琳琅玕梁州貢璆而大夫士皆佩玉若不產於中國豈能供用如此之廣今徧稽十八行省未聞有產玉之地惟雲南尙出翠玉

出使日記

卷三

三

此外玉料則須采之緬甸和闐矣禹貢荆揚三州貢金三品今則湖廣江浙等省未聞有著名產金之地戶部鑄錢專恃滇銅倭銅而西洋鋼鐵之歲運中國者至值銀六百餘萬兩山西湖南雖稍出鐵甚屬寥寥昔漢惠帝娶宣平侯女聘以黃金二萬斤夫二萬斤則今之三十萬兩也當時寶幣之充羨若此迨平帝立配一依孝惠故事然黃金似已不足以錢代之爲錢至二萬萬夫二萬萬則今之二十萬緡也若論近今三十二萬兩之金價約可得錢一千萬緡其價之高下懸殊又若此竊意二千年來中國出金甚寡僅以前古所有輾轉相

值而銷磨鎔鑠日用日少日少日貴勢所必然其尙不至於罄絕者或以新舊金山及俄羅斯與南美洲諸國出金甚富外洋時有流入也又如鶴之爲品易與詩屢稱之衛懿公好之歷代高人逸士亦多畜之殆非難致之物江南之華亭江北之葦蕩古稱產鶴今皆歇絕余在甯波時託友購鶴一雙久之始得自朝鮮用費百金尙非佳者古之時恐不如是也夫鶴固羽族之靈物往來無常或因今人好之者寡不能多致固未可知若寶物之稀蓋因中國開闢最早取之愈盡用之愈竭雖西洋礦師謂中國寶藏甚富然其上層古法所能取者殆

出使日記

卷三

三

已罄竭無餘若用機器開挖之力則中國未洩之寶氣猶多於外洋蓋因千餘年來升政不修轉得藏富於地之道邇來窺覷者多勢難久閱是礦務必將陸續興辦再到四五千年後當有告罄之勢而外洋則必已先罄彼時物產精華中外並耗又將如何此余所以不能不爲地球抱杞人之憂也

十一日記

前聞英人與美人擬合製氣船可從空中來往茲閱新報稱該公司會議數日須湊集資本英金二萬磅興工製造該船但用兩人駕駛其底與洋船一式船身用礮

石之類須質輕而堅韌價又便宜者船旁張兩翼如氣球傘以防不測翼角有葉如火船上之車葉可升可降船頭有撥以主進退船尾有舵以主前後另有小舵一具可左可右坐人房船前有空地爲引路人坐處有軌置彈弓打電氣船上舵及撥俱用電氣行使脫有不測立即拆散舵還舵撥還撥飲翼如氣球傘下墜並無窒礙即使墮落洋海亦可飄浮海面如在陸地更爲平穩該船攷究多年因欲覓得磐石之類製練始能成功其第一訣竅在此此外新式俱屬輕巧加以電氣之力控御山人第一號竣工之日先須邀同友人試遊然後由

出使日記

卷三

十四

太平洋開行五日可以周行天下以後陸續製造每六十日可成一號新報之言如此余謂此次氣船公司或集議而未必遽成或勉造而尙難盡善俱未可知要之就此法而精思之合羣力而互營之則奇肱氏之飛車必有乘雲御風之一日其在百年或數百年之後乎

十二日記

查舊卷乙酉二月總理衙門會同翰林院吏部議覆御史謝祖源請派員游歷外洋一疏大略云竊惟周髀九數嚙人命官攷工五材庶士分職班固志前代藝文於經典外列敘兵書術數方技諸略此皆專門利用之學

聖人不廢近世士大夫囿於見聞語及環球各國交際之通例富強之本計或鄙夷而不屑道夫外洋測算符自中法制器相材原於攷工營陣束伍乃古者司馬法步伐進退之遺開採五金仿於周禮井人之職測繪地輿亦晉人裴秀成法禮失求野豈彼智而我獨愚特中土習爲游談其平日留心講習者良少耳是以欲周知中外之情勢必自游歷始然各國事理與中國不同彼藉游歷以傳教者無論已其他或默計中裔相通道里或私繪山川形勢或考求物產盈虛或測探煤鐵礦苗非空勞跋涉者目前我之所亟惟在察敵情通洋律諳

出使日記

卷三

十五

製造測繪之要習水師陸戰之法講求稅務界務茶桑牧礦諸事宜應請

敕下出使各國大臣隨時分飭參贊隨員游歷境內考核紀載分門講求並督出洋武弁學生等學習各項技藝董勸並行以收實效至翰詹部屬中如實有制器通算測地知兵之選堅樸耐勞志節超邁者可否請旨敕下翰林院六部履實保薦並咨送總理衙門考核再行奏請發往各國游歷

十三日記

查舊卷丁亥四月總理衙門奏定酌擬出洋游歷人員

章程十四條一設法節省出使經費每年四萬餘兩以  
供派員游歷之費除繙譯外當以十員或十二員為定  
額一除翰林人員由本衙門咨送外其各衙門人員俟  
保送名單彙齊後由總理衙門定期考試以長於紀載  
敘事有條理者入選一京官四品以上及有緊要職事  
者屆時請

旨方定行止五品以下每月薪水銀貳佰兩准僱請繙  
譯生一名月支薪水伍拾兩一往返船價及游歷火車  
價准開公項每人給二等船價每官一員准帶僕役一  
名工價自備仍給三等船價僱船僱車責成文報局使

出使日記

卷三

六

署領事署經理一游歷至久以二年為限往來程途均  
在限內過限即自備資斧過一年半後先歸者聽一各  
員准豫支薪水六箇月公項銀一千兩其或不敷准在  
各使署借支一船價車價由各員分兩次造冊報銷一  
各國可游地方應支車價若干可於使署領事署詢問  
一游歷應將各處地形要隘防守大勢以及遠近里數  
風俗政治水師礮臺製造廠局火輪舟車水雷礮彈詳  
細紀載以備查攷一各國語言文字天文算學化學重  
學電學光學及一切測量之學格致之學各員有性情  
相近者自能審擇學習亦可以所寫手冊交總理衙門

以備參攷一各員游歷回華將所習何業所精何器所  
著何書呈明後應擇其才識卓著之員奏請給獎一由  
總理衙門給文牘護照寫明由出使大臣領事官照料  
一各員可先後具報啟程不必齊幫同行免致游戲微  
逐就誤公事一各員如因父母老病不願出洋者准其  
呈明免行倘在洋聞訃丁憂俟期滿回華後補行守制

十五日記

倫敦日報譯錄中國近事云天津鐵路公司前由部頒  
鉅款兩次七十萬金清償積欠嗣又陸續發到五十八  
萬金業將洋款償清並無帶欠所領部款於光緒十七  
年起每屆臘月還三萬金十年之後每年還四萬金並  
不計利二十年後如有起色每年還五萬金以掃數為  
度而山海關鐵路亦已有成議矣

出使日記

卷三

七

十七日記

昔人攷俄羅斯源流者或曰即漢之北丁零堅昆奄蔡  
或曰即康居大宛大月氏烏孫或曰即條支或曰即北  
魏時之烏洛侯唐時之黠戛斯骨利幹其稱烏洛侯者  
謂侯為侯之譌以國名轉音為證然細審彼音稱其國  
曰嚙西牙稱其人曰路斯格其崛起歐洲之酋名祿利  
格中國之言俄羅斯皆自荷蘭英吉利人遞譯難免訛

外按嘉慶十一年兩廣總督吳熊光奏查明路啞國來廣貿易嚙啞國即俄羅斯也禮部則例亦有路啞此皆就其本國語音譯之蓋路斯格三字急呼之即路啞也詳稽載籍參以見聞則前人攷為吐蕃之裔者較確况其說出自西人必當有據蓋俄羅斯崛起於唐季正值吐蕃衰亡之際其部落溢出散處蔓延歐洲東北荒僻之土固理勢之當然其初分居波羅的海之東南黑海裏海之東北及烏拉嶺以西者族類甚繁俄羅斯不過眾族中之一耳厥後炎炎日長各族皆被吞併隸為臣僕前明晚季俄人始逾烏拉嶺圖悉畢爾得頭曼冒頓

出使日記

卷三

六

之王庭堅昆丁零烏洛侯黠戛斯骨利幹鞞鞞室韋之故墟漸次開闢東傳於海而止近數十年來俄人吞併中亞細亞如布魯特哈薩克布哈爾諸部皆已括入封內則如以上所稱諸國固無不隸俄版圖者但不過兼有其地而未必即其苗裔也

十八日記

嘉慶初年俄法兩國會軍七萬人將有事於英屬之印度法軍道出普境俄人遣使來訂師期導法軍溯多惱河入黑海達阿魯加河泛裏海趨波斯疾走長驅直指印度適俄法皆有內憂中止越七年拿破崙以兵殘破

普國俄人救之不及兩國合盟復謀印度遣使乞師於波斯且假道焉又因歐洲多故中止自法為普蹙黑海毀盟俄軍縱橫於中亞細亞收服諸回部若再得波斯之助則印度西疆無甯歲矣俄人由中亞細亞進兵以窺印度厥路有五然英俄印亞之勢尤以波斯為輕重得助者勝曩者俄人之取基窪結阿富汗未必不注意於波斯也議者謂為英國計宜聯結波斯為印度之屏蔽此亦自然之形勢抑聞英人慮俄之窺印度猶我中國慮俄之睨朝鮮中英之交合則朝印之勢自固故邇來英廷之計與議院之謀頗以親睦中國為兢兢也

出使日記

卷三

六

二十日記

近聞湖北大冶縣一帶鐵礦豐饒擬即開採委員五人駐紮縣境勸導鄉民大約礦地皆給官價丈量照算如願入股不領價者照礦務章程每百兩為一股官給憑據每年領息三年一派花紅鄉民頗樂從之 赫德所刊光緒十五年各關貿易總冊外國入中國口貨價共銀一百十兆八十八萬餘兩較之十四年少一千三百九十萬餘兩中國出口貨價共銀九十六兆九十四萬餘兩較之十四年增四百五十四萬餘兩入口之貨漸少出口之貨漸多是中國之起色也

二十一日記

英國所出之洋布光緒十四年在本國所銷者值英金七十二兆磅印度所銷者值二十一兆磅中國所銷者值六兆五十萬磅德國美國所銷者各值二兆五十萬磅英國所銷瓷器共值英金三十六兆磅內印度所銷者五兆五十萬磅法銷三兆磅俄銷一兆七十五萬磅中國銷七十五萬磅

二十二日記

查舊卷光緒十二年六月准兩廣總督張蔣帥咨開南洋各埠華民商務情形現經奏派記名總兵王榮和內出使日記

卷三

三

閣侍讀候選知府余瑞前往小呂宋蘇祿衣耶祿奈新嘉坡麻六甲檳榔嶼仰江卑力新金山雪梨噶羅巴泗里末三寶龍般烏西貢等處訪查體察詳細稟陳等因茲將王余二委員先後所稟開見實情摘錄如左 新嘉坡舖戶房產田園足稱饒富除英官衙解公產之外華人實業入成洋人不過二成閩省漳泉幫貿易甚大粵省潮幫次之廣幫又次之通埠華眾有十五萬人近年英設華民政務司專理出入華工事宜定章尙稱公允而華人招工客館作奸欺騙之事尙難杜絕由此西北至麻六甲輪船十二點鐘海程又至檳榔嶼輪船三

十六點鐘海程三埠相連華人商業房產居多檳榔嶼繁盛足與新嘉坡相埒麻六甲生意不多不過商人住宅田園而已十一年前附英之巫來由種如石那阿國之吉攏卑卑力國之鱗律埠華工採錫礦者十餘萬因其國王貪詐屢啟戰爭被華眾削平土地英官入而代之拔山通道保護華人征收錫煙酒稅華工均利賴之今吉攏鱗律等埠商務亦與三埠相表裏至嶼埠巨買甚多兼通仰江米貨生意就近各小埠物產亦皆彙集於此即坡埠市面亦聽嶼埠號商信息也鱗律埠錫礦甚旺開礦華人約有三萬而屬粵人鄭貴者三分之一

出使日記

卷三

三

二十三日記

仰光即仰江亦謂之南緬甸出口貨物甚富米爲大宗去年出口九萬餘噸值洋銀四五百萬員每包納稅銀一錢八分約十一包方足一噸每噸稅銀二兩零此外玉石棉花油木牛皮類甚多收稅更重田稅亦重於新嘉坡等處每年入項除本埠支用外聞尙溢出金錢三十萬磅解送倫敦此地一望平陽可英里二百餘至三百邁現墾熟田未及三分之一足稱沃壤英乘其無備而取之經營三十五年竟滅緬甸今駐英兵由華城至新街密邁騰越大爲近憂仰光緬人尙守舊歷朔望

頗宗唐風衣服與中國無異華人在此者三萬有奇英德兩商最大華商次之 爪亞即爪華即占爪島內之噶羅巴三寶龍泗里末等埠皆屬於荷蘭此島甚大瀛環志略統謂之噶羅巴而洋人則謂之爪亞島云荷蘭有總督駐噶羅巴該處有華民七萬有奇衙署在茂物山頂總督兼轄三寶龍及疏羅及麥里芬及泗里末及噠架等處皆荷蘭屬地華民共二十餘萬 華商華工在仰光者三萬餘人閩商居三分之一生意較大粵人雖多而生意次之此埠距騰越最近由仰光坐淺水輪船溯流而上六七日可到華城又陸行三四日可到

出使日記 卷三

三

新街又逾野人山不過三四日可抵騰越現英人襲據華城收餉設戍直駐新街矣仰光粵商以新甯人為最多建有甯陽會館此外建立合省公司名目舉董收費以備延請狀師及保護同鄉等事至此埠英官向設頭等委員為最大屬於加刺吉打總督

二十四日記

北般島一埠英國設總督駐之此處僅有房屋四百餘間華人千餘土產金沙燕窩冰片及沙藤等項而鹽為最貴以其每擔納入口稅洋銀兩員也拉畔灣一埠近北般島亦屬英全係華人舖戶華人在此開埠貿易逾

五十年至道光三十年英官得此地於文萊島主遂將埠內外三十英里全割歸英精英設禮時典一員管理地方今埠內有華人五六百名生意未甚興旺出口貨物穀米沙藤冰片樹膠煤炭最多其省城曰山打根埠內華人不過數百散處內地作工者千餘人土產有堅木冰片沙藤樹膠燕窩海參等項近年又在詩家媽河覓出金礦但開埠僅六年地廣人稀全未開闢水土尙有毒氣伐木華工多染腳氣等症是以未甚暢旺政治之壞真如設立賭稅又山打根本係英公司租地所租在般島全島不過四分之一地勢偏北號北般島周圍

出使日記 卷三

三

有十萬方里而山打根本港內地河道甚多宜於種植港門外一河長四百五十里左右兩岸皆金沙也

二十五日記

新金山之雪梨地方官有請中國速派總領事之議美利濱之英總督有勸中國賽會並派兵船巡行之說亞都律及衮司倫兩省華民見中國委員如睹漢官威儀均甚歡悅蓋英屬新金山共有五省均設總督巡撫布政司及水陸提督其各埠各島已經查看者曰紐所威路曰雪梨曰紐加士均屬紐所威路省曰域多利亞曰美利濱曰叭拉辣曰仙大市即金山曰必治活曰旺加拉

打均屬域多利亞省曰裘司倫曰庇釐市橫曰洛坑頓  
曰勃大啤曰麥溪曰堅氏曰波德噠利市曰湯市噉路  
曰谷當均屬裘司倫省曰亞都律即南澳土地  
利亞省城曰砵咁  
穩均屬南澳土地利亞省南澳土地利亞省亦曰亞都  
律省又有西澳土地利亞省 砵咁穩埠華商華工約  
有千餘在坑內掘金者亦千餘合共不過三千餘人埠  
開不久商務未旺所收華人米稅甚重每噸英金九磅  
每擔約稅洋銀三員有餘其身稅每人十磅因華人裹  
足不前已除之矣 紐所威路稅餉以煙土為重鴉片  
土每箱收英金四十八磅合洋銀二百八十餘員呂宋

出使日記 卷三

三

煙每十二兩收仙令六枚合洋銀一元半米稅每噸收  
英金三磅華人新到者每人收身稅十磅 雪梨粵商  
二十九家華人商工共四千其在內地開店及種植者  
亦六千餘其苛政尤無理者華商由雪梨往美利濱又  
須重收身稅十磅往裘司倫省重收三十磅域多利亞  
總督駐紮美利濱按雪梨距中國約二萬里輪船二十  
餘日海程南極之區晴雨不齊寒風肆至巨浪拍天船  
其顛簸距赤道四十三度夏時天氣如中國仲冬時候  
至冷之日可御重裘土人云若到六月寒氣更甚也山  
砵咁穩至雪梨海程二千七百英里由雪梨至美利濱

火車路五百四十英里由美利濱至亞都律火車路五  
百五十英里澳土地利全洲五省即瀾環志略之澳大  
利亞西人又謂之新金山縱二千英里橫三千英里  
雪梨美利濱英商最大美商次之近年金礦漸稀惟馬  
牛羊生意甚盛出口以羊毛為大宗每埠歲得金錢五  
百磅入口以鐵為大宗紐約運來木板亦不少粵人在  
此兩埠共二萬餘口亞都律裘司倫及近島紐詩倫美  
市打聶等處尚有二萬餘人商業少而傭工多來貨旺  
而出口少雪梨華商運售茶葉荳油居多視美利濱較  
大埠內華人種植煙葉者近年稍有起色又叭拉辣埠

出使日記 卷三

三

為美利濱英督所轄地多金礦礦深者六百尺至千尺  
不等華商工人約七百餘名散處挖金種植者亦數百  
人亞都律埠中不過二百餘華人新到者須各納身稅  
十磅大金山亦多金礦華商十餘家挖金種植者千餘  
人必治活埠屬域多利亞省華商僅數家種植及挖金  
者七八百人此處與大金山及叭拉辣三埠向時金礦  
最盛華人約逾三萬今金礦已稀又加身稅華人艱苦  
甚矣惟犯案者英官以其不知英例多從輕辦理

二十六日記

紐加士埠屬紐所威路省華人二百餘名市丹塔埠屬

衮司倫省華人開錫礦及開店者七八百人庇釐市檳  
卽衮司倫之省城埠內華人二三百名合計該省共有  
華人萬餘散處洛坑頓及湯市噶路谷當等埠自二三  
年前增收身稅每人三十磅續到者七十二人耳進口  
貨亦漸少稅務日減色矣湯市噶路埠有華人三四百  
附近採錫種植者又五六百波得噠利士埠有金錫鐵  
等礦華人六七百種植居多當埠屬衮司倫省華商  
華工約千餘身稅與該省無異 南洋諸島各埠林立  
商務工務均賴華人爲骨幹合英荷日斯巴尼亞各屬  
埠暹羅屬埠所在華民或經商或傭工或種植園圃或

出使日記

卷三

表

開採錫礦統計約有三百餘萬而尤以新嘉坡檳榔嶼  
爲要衝其荷屬蘇門答臘之日裏埠每歲所到華工以  
八九千計皆從英屬埠華人猪仔館分僱前往猪仔館  
之人半由拐賣荷之園主虐待華工往往終身爲奴非  
英屬地華人僱用華工可比園主弊端有四一違例虐  
毆二令工頭縱賭誘工人輸銀三縱賭爲害年年借欠  
永無脫工之日四官定條例亦尙平允園主不肯張掛  
華工出口每歲十餘萬人由汕頭來者十居七八由厦  
門來者十居二三而總會之區實在香港然關繫南洋  
地方利源不淺所以英人在新嘉坡特設護工司衙門

以衛護華工

二十七日記

北般鳥係英國商人丁地等聯集公司於光緒七年與  
般鳥島主議定將北般鳥三省之地割歸英公司管業  
任從開埠及種植每歲納般鳥王地租洋銀一萬五千  
餘員又與蘇祿王議定將東般鳥一省之地割歸公司  
管理開埠種植每歲納蘇祿王地租洋銀五千員四省  
地形相連周圍方里共有三萬二千英里比之英倫蘇  
格蘭尙盈餘二千英里自英公司稟准英廷在山打根  
開埠並請英廷派官監理港務不過六年華人數百板

出使日記

卷三

表

壁鋪戶二百餘家生意未見繁盛察看北般鳥英公司  
四省之地此時全未開墾卽西般鳥沙拉窪係英人拉  
乍布碌之地華人雖逾二萬僅種甘蜜胡椒所開不及  
十分之一此二處地土肥饒開墾之利必賴華工英官  
皆能知之 澳土地利四省華人約有三萬六七千附  
近英屬島紐詩倫等埠約有華人六七千綜核澳大利  
亞全洲民人共三百六十七萬二千有奇華民族居各  
地者共四萬九千七百餘人

二十八日記

謹率參贊隨員等恭設香案望



謁叩頭遙賀

萬壽晚間使館圍欄皆懸五色小燈又使自來火公司以鐵管為範而引火焉為四大字曰

天子萬年光燭數里洋人聚觀噴噴稱頌

三十日記

噶羅巴城為爪亞全島之都會亦即荷屬南洋各島之都會流寓華人七萬有餘多衣洋衣隸荷籍荷擇其賢能者為馬腰甲必丹等官專理華人事務而審斷之權仍操自荷人華人往巴貿易須有荷領事執照方許留

住一年既留一年即勒令入籍

南洋諸島某布星羅

出使日記

卷三

无

除澳大利亞一洲外其最大之島有四曰婆羅洲曰蘇門答臘曰爪亞曰西里百四者之中各有大埠若昆甸若馬神此婆羅洲之大埠也若日裏若亞齊若茫古魯若叭噶若巴鄰傍此蘇門答臘之大埠也若噶羅巴若三寶龍若泗里末此爪亞之大埠也若望加錫則西里百之大埠也以上皆屬荷國皆為華人流寓之區似應在噶羅巴設一總領事而各埠選派商人充當領事噶羅巴本巫來由部落明季為荷蘭所踞遂占臺灣為泰西人入我中國之始近來荷蘭開闢亞齊蠶食漸廣招募華民充兵勇入西籍 日裏埠約有華工六萬餘

人

七月己巳朔記

近聞粵省虎門漁珠沙角各礮臺連日排隊操演甚勤中流砥柱礮臺及海珠礮臺為省河屏障因沙土尚未結實規模不盡合宜須仿洋式改建已估工矣 基隆煤於機器輪船最為合用供南北洋及閩廠要需然老井煤源愈開愈少從前礦井俱在八斗以近海口轉運便也距獅球嶺五里地名暖暖者礦苗之旺倍於八斗惟水口稍遠是以未經開採今鐵路開通便於裝運有粵商稟請官商合辦以二十年為限現議集官款洋銀

出使日記

卷三

无

十萬員商本洋銀二十萬員自七月朔開辦 黃埔船廠造成兵輪一號命名曰廣金閩廠造成鋼甲輪船一號命名曰龍威

初二日記

總理衙門戶部奏定整頓土藥釐稅詳查妥辦已通行各省巡撫勒限三箇月各將原定辦法迅速覆奏破除情面實力稽核按季專款開報不得於百貨釐金內籠統聲敘以免牽混

初三日記

查舊卷光緒乙酉正月福建借洋款一百萬磅廣東借

洋款七十五萬磅均係匯豐銀行經手其七十五萬磅後改爲五十萬零五千磅合銀約二百萬兩開款百萬磅合銀約四百萬兩廣東後又添借七十五萬磅約銀三百萬兩周年利息八釐五毫分作十年還清本利

乙酉二月神機營與怡和洋行訂立合同借洋款一百五十萬磅合銀約五百萬兩以外周年七釐起息分作十年還清本利

初四日記  
現聞西藏布達拉札什倫布三大寺內共有喇嘛二萬餘人合境約有番兵三千五百餘人其軍器不過弓箭

出使日記

卷三

三

鳥槍之類 自煙臺條約有許英人遊歷西藏之款光緒十三年英人馬克蓄帶兵三千人定欲入藏總理衙門因緬甸之事與英使立約不許入藏遊歷並禁止傳教只准在藏南界外通商藏番未得此信但聞英人入藏之說遂於邊外隆吐山修築礮臺派兵防守英印度總督以其地在哲孟雄境內欲遣兵驅逐英使來催將隆吐防兵速撤總理衙門行文駐藏大臣開導藏番不聽十四年三月被印兵逐回四月十三日藏兵三千餘人出攻日納宗之英寨戰十點鐘之久敗歸互有傷亡蓋日納宗係哲孟雄轄境印度兵設卡駐營於此以哲

部已歸印保護而藏番則謂實係藏屬也今已議定條約彼此息兵印藏從此綏謐矣 柔佛一國居麻刺甲之西南與新嘉坡僅隔一水由坡至佛僅兩點鐘地頗寥闊華民在彼貿易種植者十餘萬

初五日記

昨奉電傳

上諭總理衙門奏英使華爾身代其君主賀萬壽等語著薛福成即赴外部致謝欽此今日遵於三點半鐘至外部見其侍郎克蓄據云當轉告沙侯奏聞君主法總統遣其水師副將外部尙書李寶遺其總辦於二十六

出使日記

卷三

三

日先後到駐法使館賀萬壽業經據參贊來函電達總理衙門是日亦奉電傳諭旨著即赴法外部傳旨致謝欽此當即函告參贊往謝焉 印藏條約入款經駐藏幫辦大臣副都統銜升竹珊呈使會同總理五印度執政大臣寶星上議院侯爵蘭士丹於二月二十七日在孟加臘城繕就華英文各四分蓋印畫押以兩分送北京五月十三日鈐用御寶由總理衙門交赫德轉寄昨日稅務司金登幹北洋海軍編譯夏立士交來余與外部侍郎克蓄訂定於十二日互換查約內第一款藏哲之界以自布坦交界

之支莫攀山起至廓爾喀邊界止分哲屬梯斯塔及近山南流諸小河藏屬莫竹及近山北流諸小河分水流之一帶山頂為界第二款哲孟雄由英國保護督理即為依認其內政外交均應專由英國巡辦該部長暨官員等除由英國經理準行之事外概不得與無論何國交涉來往第三款中英兩國互允以第一款所定之界限為準由兩國遵守並使兩邊各無犯越之事第四款藏哲通商應如何增益便利一事容後再議務期彼此均受其益第五款哲孟雄境內游牧一事彼此言明俟查明情形後再為議訂第六款印藏官員因公交涉如

出使日記

卷三

三

何文移往來一切彼此言明俟後再商另訂第七款自此條款批准互換之日為始限以六箇月由中國駐藏印度執政大臣各派委員一人將第四第五第六三款言明隨後議訂各節兼同會商以期妥協第八款以上條款既定後應送呈兩國批准隨將條款原本在倫敦互換彼此各執以昭信守

初六日記

拜發察看交涉事宜一摺密諭外洋交際禮節一片代湖北購運鍊鐵織布機器一片 攷康熙年間南懷仁官欽天監後贈工部侍郎凡內廷召見

聖祖皆許其侍立不行拜跪禮雍正年間教王遣使到京

世宗許行西禮且與之握手乾隆五十八年英國遣使馬格里來華禮臣與議禮節彼以觀見英主之禮為言仍願演習禮式禮臣據以雙請奉

高宗特旨准行西禮筵宴日

上親賜以卮酒嘉慶中英使復來接伴大臣未與言明禮節

仁宗命由通州馳驛進見及抵宮門

上已御寶座告以須行拜跪禮英使司當冬遂辭以疾

出使日記

卷三

三

召副使亦辭以疾

上甚不憚停止筵宴賜物并於賜英王書中敘及之後召見兩廣總督孫玉庭詢以英使不肯行禮之故孫公陳其源委頗晰

上始釋然此皆散見於諸家紀載者蓋道光以前西使來華祇此數起英人亦著之筆記謂拜跪之禮萬不能遵故天津條約載明遇有礙於國體之禮斷不可行即指此也

初七日記

查舊卷光緒七年十二月總理衙門奏定寶星章程頭

等第一專贈各國之君第二給各國世子親王宗親國  
戚等第三給各國世爵總理各部大臣頭等公使等二  
等第一給各國二等公使等第二給三等公使署理公  
使總稅務司等第三給頭等參贊武職大員總領事官  
總教習等三等第一給各國二三等參贊領事官正使  
隨員水師頭等管駕官陸路副將教習等第二給副領  
事官水師二等管駕官陸路參將等第三給各緝譯遊  
擊都司等四等給各國兵弁等五等給各國工商人等  
頭等用赤金地法藍雙龍第一中嵌真珠金龍金紅色  
帶第二中嵌紅寶石中嵌光面珊瑚俱銀龍大紅色帶

出使日記

卷三

書

二等用赤金地銀雙龍中嵌起花珊瑚黃龍紫色帶三  
等用法藍地金雙龍中嵌藍寶石紅龍藍色帶四等用  
法藍地銀雙龍中嵌青金石綠龍藍色帶五等用銀地  
法藍龍中嵌碾碾藍龍月白帶頭等寶星式尙方計營  
造尺長三寸三分寬二寸二分二等以下寶星式尙圓  
二等徑二寸七分三等徑二寸五分四等徑一寸九分  
五等徑一寸六分其上皆有環首頭二等帶均長一尺  
三寸寬一寸五分兩頭有穗絲繩束結三等帶長一尺  
三寸寬一寸五分四五等帶均長五寸寬一寸一分凡  
頭等第一二三暨二等第一雙龍寶星均可佩用斜絡

大帶大帶絡於右肩寶星垂於身左其斜絡大帶顏色  
花紋悉照原定小帶圓式酌量展放合宜尺寸自製佩  
帶

初八日記

哲孟雄所轄僅有七千餘人本西藏屬部也六十餘年  
以前哲部爲廓爾喀所滅英人伐廓爾喀大敗之廓人  
求和英與立約俾以哲地復封其部長以後廓哲兩國  
有事均須聽英主持歸英保護然仍許其有自主之權  
厥後英人向哲部借一地造兵房以便戍兵養病哲酋  
指大吉嶺與之本荒地也既而洋房建造漸多貿易頗

出使日記

卷三

書

盛閱三十餘年英之遊歷哲孟雄者二人爲哲官所拘  
禁英人伐哲又連敗之自是立約割哲部南境之地以  
附益於大吉嶺設副總督治之屬於印度總督而哲酋  
僅有半主之權矣英官於大吉嶺左右尋出野茶樹甚  
佳益購種播植講求採製之法由是販茶種茶者皆來  
居其地富商及食力之傭工日眾竟成重鎮哲酋豔其  
富也欲向英官索還大吉嶺之地英許每歲以數百金  
界之謂之租費今已歲增至數千金矣

初九日記

北洋水師洋員提督銜琅威理本係英水師遊擊在中

國當差數年恐於本國水師官階升轉有礙經前任劉大臣於去年二月照會外部咨商海部准免扣資又北洋水師學堂管輪洋教習霍克爾希耳順二員自光緒十年九月到華去年九月已屆五年恐照英例休致旋商外部咨准海部飭司員將該二員之名列於英國駐華統領兵船冊內七日俾不至移入休致人員冊內魚雷水雷學堂教習羅覺斯光緒十三年正月到北洋水師行營合同以三年為期每月俸薪三百五十兩雷匠威廉在英雇募教授北洋水師施放水雷一切用法並裝配拆卸修理水雷等事合同以三年為期每月薪水

出使日記

卷三

美

一百五十兩操礮教習雷登費納甯賴世錫倫司希勤司古伯爾共六員於光緒十二年十一月到營合同以三年為期每月薪水各一百三十兩魚雷教習紀奢貝孫海麥爾共三員於光緒十三年正月到營合同以三年為期每月薪水各一百三十兩

初十日記

鄂省所雇鎔鍊鋼鐵總匠首一名曰亨納利賀伯生先在英國北境得蘭福太音江熱羅地方之巴麥廠為匠首學藝頗精於選地建廠安機鎔鍊各事均甚諳練辭退巴麥廠事本年六月抵鄂合同以三年為期每年薪

水英金一千五百磅據賀伯生稱應雇匠目六名鍊生鐵廠二名鍊貝色麻鋼西門士馬丁鋼廠二名鍊熟鐵及軋板拉條廠二名每二名中正副各一每年工資正者六百磅副者四百磅均以三年為期須歸伊在英豫為選訂將來到鄂呼應始靈

十一日記

廣東去年設西藝學堂考究礦學電學化學公法律例學植物學共五種須延洋教習五人延得倫敦律例學堂之律例師赫爾伯特充公法律例學教習之任本年正月到粵每月薪水英金七十磅又在英國干白雷池

出使日記

卷三

美

堪斯大書院延得植物學教習葛路模每月薪水四十一磅十三先令四本土本年正月到粵又在英國阿克司福穆大林大書院延得化學教習駱丙生每月薪水如葛路模本年正月到粵以上三人合同皆以三年為期又託英國礦學大掌教選覓在義國開礦之礦師巴庚生鋼鐵錫礦學化學皆精係學堂出身開礦有效每年薪水英金一千磅先訂兩年合同客冬抵粵由粵到鄂惟電學教習未經延雇又訪訂管輪機洋教習一員託英國格林尼址書院掌教藍博德訪得向在海部供差之愛得門次每月薪水七十五磅去年九月到粵合

同以五年爲限 廣東初議設織布局需用洋匠十名  
先訂匠首一名託工師博次在英國曼者司得省訪雇  
熟悉建造織布廠工程之監工匠首德金生每月工資  
四十四磅暫訂合同無年限去年冬間抵粵由粵到鄂  
光緒十三年廣東雇用鑄錢局熟悉蓋廠工程匠首  
衛安每月工資五十八磅六先令八本土合同以二十  
四月爲期又選雇副匠首遏温司每月工資五十磅鎊  
治匠開耳軋片匠司叨答爾每月工資各四十五磅十  
六先令八本土三人合同皆以二十一月爲期衛安期  
滿後又留用一年

出使日記 卷三

美

十二日記

申刻赴外部互換哲孟雄西藏條約 總理衙門議奏  
保護朝鮮事宜一摺營口至吉林議開鐵路鄂省專籌  
大冶等處採鐵造軌蘆漢一路停辦戶部所籌鐵路經  
費每年二百萬兩由部撥百二十萬兩十六省分攤每  
省五萬合八十萬兩今年二百萬兩先儘鄂用

十三日記

驗收鐵甲船之要有三一在考究全船究重心之斜正  
隔堵之布置碰鋒之堅利舵機之靈捷破位之運動及  
機器水缸水門藥彈船駁臺魚管等處位置一在講求

礮械德國克鹿卜大礮製成先川滿藥試放藉審礮身  
之堅及貫甲之力德國水師俱川克鹿卜礮械雖操法  
與英國大同小異而專用是器者定臻精密一在慎重  
試洋俾知輪機之滿力轉圜之大小舢性之左右礮彈  
之遲速

十四日記

光緒十二年北洋在英國雅羅廠定造一百二十五尺  
長水雷艇一隻價英金六千磅另購艇內應需電燈礮  
位雷筒燐銅水雷各項器具統共支用英金一萬九千  
一百五十七磅 英海部驗收雷艇章程於水雷浮橋

出使日記 卷三

美

岸置木表相隔一邁之遠將船裝滿臨陣時應需物件  
然後艇走兩格間順流逆潮各走三匝岸上木表各置  
一人記明時刻如是合法之後仍須開洋滿汽運駛三  
點鐘以水程表計算若干邁前後所得之數每點鐘均  
不得少原約二十六英邁或二十二英海里倘驗收不  
及此數可將原艇退還試驗北洋所造雷艇每點鐘行  
二十三海里八八二合英里二十七里半又照二點鐘  
久行試驗每點鐘行二十二海里九四零合英里二十  
六里又十分之四又將該艇駛入船塢用木架起拆驗  
船壳內外船身船底及輪機鍋爐均無瑕疵

十五日記

查舊卷光緒十一年六月電傳

諭旨著照濟遠穹甲船式在英德兩國製造鋼面快船各兩隻備臺灣澎湖之用其在英國阿模士莊廠製造者係曾大臣承辦曰致遠曰靖遠其在德國伏耳鏗廠製造者係許大臣承辦曰經遠曰祿遠致靖兩艦價英金三十六萬四千一百十磅外添兩船所帶小划上安置特製水雷之霍習記士小機器即荷乞價八千九百五十磅除大礮六尊在克虜伯廠另購外又與該廠添製兩船應配六寸徑旁礮四尊又旁礮及正礮共十

出使日記

卷三

望

尊之架及一切機礮雜械電燈燐銅水雷等件價共七萬八千餘磅自立合同之日起第一船十八箇月造成第二船二十一箇月造成每點鐘行十八海里經徠兩艦第一船價德銀三百萬馬克第二船價又減六萬馬克仿各國通行善式詳擬中腰水線處圍厚甲九英寸半上覆平銅板前後覆穹板用雙層底礮臺令臺全護厚甲比前定式加寬長礮可加多喫水仍淺每船加價四十七萬馬克自立合同之日起第一船十八箇月交收第二船二十箇月交收每點鐘行十六海里 曾侯派員考究造船之法先請抱士穆斯海口次由卜利門

司至里次暨紐卡塞爾海口各廠詢訪情形知英國造船大廠二十餘處有專精機器者有專製鋼料船壳者有講求燒煤鍊鐵者有專製爐火礮彈集上等物料者皆係承造國家船械之廠分門別類製造一船必須分購各廠材料及原廠匠人經手承辦始能成功惟造船壳及礮則推阿模士莊為最

十六日記

英德兩國之廠勢不相下中國濟遠快船德廠所造也而英廠頗嘗議之固多過當之論然亦有裨船學按阿模士莊廠匠師槐特說帖云濟遠船內有數處不及同

出使日記

卷三

望

時兵船之造法一則分艙禦水之法未妥也尤可慮者穹甲下之各艙如鍋爐艙長約佔船身三分之一若於其下面薄鐵板處打一孔水即入之或至全船沈沒近時戰船無此造法又輪機房一間長四十四尺倘下面板穿水入輪機俱不能動矣一則穹甲艙面雖極堅固然全裝於水面之下其浮力與平穩均無有焉倘戰時船邊有水處擊穿則水入船內穹甲之上甲未損而船或沈矣一則舵柄未經保護也蓋裝舵柄及擊舵機於穹甲艙面之上可受各種礮子之擊即令船不能行駛一則無妥當望臺難保護駕駛之人也此處高出於眾

船本易受礮子之擊此房鐵甲之厚僅足禦槍子不能抵礮子一則前面兩礮臺及煙通艙口風艙口輪機艙口等處周圍不宜用直甲保護也今用之價值既貴斤兩又重不獲相等之益是虛糜巨費矣若將水面下之穹甲船面築高於水面之上則船邊有水處既可保護而輪機鍋爐等艙口周圍可不用直甲板矣至前面甲板礮臺造法亦設緣穹甲船面如是之低而欲使其礮高出水面相應之度其勢不能豈知保護轉輪礮盤不須一半之深即足矣一則八寸徑六寸徑礮之轉輪礮盤皆有薄鋼片之旋轉遮蓋禦彈不足反招災險也炸

出使日記

卷三

望

彈入之必於其內轟發貽害甚巨不如無此遮蓋礮子可飛越而過也一則煤艙應加大也一則礮臺上所用厚重之直甲片既多有上重下輕之勢也且戰船有時須加猛火力趕緊速行彼時易遭覆沒即尋常行駛亦難平穩該船轉舵時及移動重砲較準船身斜側時必覺搖動不定想船上人皆知之矣以上皆槐特之言也夫外洋匠師務求相勝亦猶自古文人之相輕雖有佳文欲指其瑕不患無辭製造之學求一利或生一弊乃理勢之自然濟遠船上重下輕之病誠不能免厥後聞有補救之議似已稍改其式矣惟槐特閱歷既深語多

心得余故摘其大要以備後來造船者之參攷

十七日記

阿模士莊廠匠師新任英海部驗船官槐特建議造新式兩艦即致遠說帖云新船長二百五十尺闊三十八尺喫水前面十四尺後面十六尺船邊中段離水面高六尺三寸船身佔水之地位約二千三百噸速率每點鐘十八海里輪機馬力五千五百匹船中人手連兵官一百八十名係英國最新最上之造法名曰蜂巢法有夾層底自此邊直達至彼邊即為積水艙內分許多小間雖遇擱礁及水底攻擊不至沈下又有雙邊由船邊

出使日記

卷三

望

下面直至穹甲處皆有禦水直格艙即為煤艙之邊如此則保護機器及鍋爐之法更妥蜂巢法亦裝於穹甲艙如直隔板並煤艙由穹甲艙面直至上層艙在水面上六尺禦水共有十橫格分艙平面艙板亦多用禦水法每副鍋爐皆有禦水分間裝開即一邊被水漏入亦無懼也即使船底外層受損尚有裏層艙底水仍不能入鍋爐房倘裏層底被損尚有彼邊鍋爐可發水氣令船行走輪機裝法亦然各有禦水房間穹甲下之禦水分間亦裝建極妥火藥炸彈各房俱分開存儲穹甲上之分間亦甚多戰時可用甲板蓋護各艙口且周圍有



斜板保護即口開而水亦不易入至穹甲船之中段高出水面之上各艙口皆開於此能令其船有浮力且平穩煤亦裝於穹甲艙而並兩邊空處兩邊斜而之上用四寸厚之甲板以護輪機鍋爐前面望臺建以三寸厚鋼板船主居之內裝把舵輪船之前後俱有高艙遇風時行駛加快置礮亦高可以與敵相攻船頭高艙上離水而十九尺有二十一生的礮二尊有二寸厚鋼板之厚可與礮盤同轉用以保護礮手並有水力機器可以裝藥送彈放礮其機裝於穹甲艙之下船尾高艙上裝六寸徑礮二尊與船頭一樣船之中段亦擬加礮二尊

出使日記 卷三

器

分裝兩邊凸臺上離水面約十尺可以擊遠又擬加霍芝紀司之急放礮六尊裝於極好地段所有大礮之藥彈皆儲於船之下段穹甲之下備水雷礮四尊水雷十二箇四尊雷礮以一尊裝船頭一尊裝船尾又兩邊各一尊電火查察燈亦不可不備輪機備一種三倍漲力機器用煤極省煤櫃裝煤四百五十噸可行二百四十點鐘之久至船之平穩即加猛火力亦無搖擺之慮其礮位藥彈霍芝紀司礮機器水雷傢伙電氣燈一切軍器均在船價之外總論新船與濟遠異同之處一外而形狀雖相似然新船首尾二端及礮位出水面較高

二軍火無殊或添六寸徑礮三尊亦極要緊礮架裝法亦勝三造法遠勝處在蜂窠法之分間四穹甲同一堅固而新船浮力平穩五新船不用直甲板無濟遠上重下輕之弊六新船可保護把舵機七保護船主之望臺八新船輪機係行海之最上者既可省煤且鍋爐房皆有隔間九速率加三海里馬力亦兩倍十裝煤三倍濟遠 造船之事以監督工料為最要材料之良窳製造之精粗全恃監驗之員隨時稽察遇物揀擇乃不至有苟且搪塞之工料儻屨其間

十八日記

出使日記 卷三

器

曾侯在克虜伯廠定購致遠靖遠兩艦所用之三十五口徑之二十一生的邁當後膛螺紋大礮六尊準頭裝全備礮及淨礮用各零件六副各種彈子三百箇內平常鎗十箇鋼炸彈三十箇石榴鋼炸彈三十箇鑽炸彈九箇甲炸彈一百三十八箇盒彈十二箇火藥三百包炸藥若干包配彈子三百箇之用記時引線及擊撞引線亦照彈子配齊自來火四百箇共計價銀四十九萬九千八百十三馬克除每八分扣七分半淨計實銀四十六萬二千三百二十七馬克 曾侯與阿廠所訂草合同兩艦正價係英金二十八萬五千磅與續訂正合同兩艦計三十六萬四千一百十磅數目不符者初訂

時僅議製造兩船正價其後兩船添配六寸徑之旁礮四尊又正礮旁礮共十尊之架與一切機礮雜械電燈燐銅水雷係燐銅所製之水雷等件各價併入船價攤算故有此數

### 十九日記

講求礮學之進益在察火藥之性及礮膛前段後段之大小並火藥彈子之分兩多寡 阿廠總辦云克虜伯礮之後膛關門處用梢子一法不合用料之理而且礮尾必至加長礮後多佔地位在船上最有關礙礮廠後膛礮之裝法用中心螺塞不佔礮後地段亦能保護礮

### 出使日記

#### 卷三

癸

手 船價內有克虜伯礮六尊之架及各項機器共價一萬七千六百磅六寸徑後膛螺紋阿模士莊大礮四尊連準頭礮架並藥彈引藥自來火一切零件共價九千八百八十二磅六磅彈種智紀士急放礮八尊連架及藥彈鋼盒礮車一切零件共價一萬三千七百十六磅百分寸之四十五徑格林急放礮六尊連架及車及藥一切器具共價七千三百三十二磅馬丁尼韓利螺膛槍四十桿梅花手槍十五枝連皮帶藥包藥彈火箭一切零件共價一千二百四十磅水雷礮四尊十四寸徑燐銅所製刷次哥甫白頭自行車水雷十二箇連抽氣

機器淨氣積氣器禦水開水管雷氣放水雷機發號機安置水雷板鐵路轆轤繩索木椿配件一切零件共價二萬零二百四十磅水雷應配各件共價三千一百八十磅電氣查察燈兩盞玻璃球電氣燈一百五十盞連輪機發電機水氣管氣門裝設架子等件電鑰回光鏡電纜銅線共價五千九百二十磅 統計致靖經徠四艦及礮位各項定價用費除撥神機營所借洋款銀二百四十八萬兩外又續撥銀一百萬餘兩初次匯至英館銀二十一萬一千磅匯至德館銀十四萬八千磅後又找匯英館銀十九萬五千磅又抵付克虜伯廠息款二

### 出使日記

#### 卷三

癸

千餘磅找匯德館銀二十六萬二千磅  
二十一日記

拜發互換印藏條約一摺 緬甸舊都阿瓦城在大金沙江西岸大金沙江者中國圖志謂其上源即雅魯藏布江曲折經行西藏數千里流入番境又流入緬甸境爲大金沙江南行數千里入於南海而洋圖謂之厄勒瓦諦江又謂即怒江之別名然按中國舊圖則以怒江爲潞江之上源夫潞江在大金沙江之東洋圖所謂薩爾溫江者也今攷緬境最大之江薩爾溫與厄勒瓦諦並流南下東西相望然則謂潞江即怒江或謂大金沙

江卽怒江者必有一誤余意怒江源流不在中國境內從前圖志或攷之未審若洋人之圖則皆躬親涉歷或精心測量不僅恃傳聞影響之談則潞江似與怒江絕不相涉而謂大金沙江卽雅魯藏布江之下流者又未必盡然且攷洋圖雅魯藏布江自有入海之口或其枝派流入番境變其名曰怒江再流入緬境謂之大金沙江固未可知總之大金沙江之上源雖洋人亦不甚明晰蓋由藏入番中間有千數百里之地人跡所不能到者也 光緒乙酉粵督張蔭桓電購阿模士莊廠八寸徑後膛螺紋新式鋼礮五尊 每尊價二千五百二十六磅 連苗頭及

出使日記 卷三

吳

二十二日記

西洋各邦立國規模以議院爲最良然如美國則民權過重法國則叫囂之氣過重其斟酌適中者惟英德兩國之制頗稱盡善德國議院章程尙待詳攷英則於八百年前其世爵或以大臣分封或以戰功積封聚而議政謂之巴力門卽議院也其後分而爲二凡世爵大者富者輔君治事謂之勞爾德士一名比爾士卽上議院

員紳也其小者貧者謂之高門士卽下議院員紳也宋度宗元年英廷始令都邑公舉賢能入下議院議事而上議院之權漸替上議院人無常額多寡之數因時損益曰王曰大教師曰公侯伯子男曰蘇格蘭世爵每七年由其院之爵首以時更易至阿爾蘭世爵則任之終其身世爵古有專職今止存其名上議院之讞獄皆以律師之賢者封爵以充之不得世襲政府必有世爵數人故上議院中皆有政府之人宰相得舉百官之有才

出使日記 卷三

吳

人之數可增反是則或減或廢舉而不公亦廢其例使不得舉英倫與威爾司分五十二部舉一百八十七人大邑百九十七舉二百九十五人有國學之邑三舉五人蘇格蘭分三十一部舉三十二人大邑二十二舉二十六人有國學之邑四舉二人阿爾蘭分三十二部舉六十四人大邑三十三舉三十九人有國學之邑一舉二人上議院世爵多世及無賢愚皆得入故其人多守舊無故不建議下議院所議上諸上議院允者七八百者二三其事簡下議院爲政令之所出其事繁西例每七日一禮拜則休沐禮拜一二四五日議事時長禮拜

三日議時較短禮拜六日議否不定每歲大暑前後則散議院議紳皆避暑居鄉訂於立冬前後再議然使國無大事則常俟立春前後始再開議院云議院人無早暮皆得見君主上議院人獨見下議院人旅見凡議院坐次宰相大臣及與宰相同心之官皆居院長之右其不同心者居左其有不黨者則居前橫坐世爵不在議院及各國公使入聽議者皆坐樓上余於前月嘗往聽一次焉

### 二十四日記

福建船廠所造龍威鋼甲兵輪船前經北洋副統領琅

### 出使日記

#### 卷三

辛

威理驗視駛回閩洋照兵船新式增修鑲配約有百數十件之多工竣後接北洋電歸併北洋操演改名平遠閩省於青洲地方創設石塢以備修理鐵甲巨船前因費絀停工今又於二月開辦備北洋兵船避東南下及時修整之需議以閩關六成項下兩箇月六萬金作為按年籌辦船塢之資

### 二十五日記

越南之中圻濱海沿山形勢狹隘初分九省蓋併南圻舊存之四省在內自屬法後復以北圻之河靜又安清華三省割隸中圻遂為十二省日廣德省居適中之地

為建都之所城名富春地稱順化領一府六縣曰廣治省領二府五縣九州曰廣平省以廣平關為南北咽喉稱天險焉領二府六縣曰河靜省領二府八縣曰安省領七府二十八縣曰清華省領五府十九縣此廣德以北沿海五省也廣德之南為廣南省領二府六縣曰廣義省領一府三縣曰平定省領二府五縣曰富安省領一府二縣曰靖化省領二府四縣曰平順省領二府四縣此廣德以南沿海六省也有大山自北圻蜿蜒而來貫中圻全境而入於南圻名曰橫山中圻形勢以橫山為綱維山之西為苗疆山之東為越境各省地介山海之間東西不過三四百里南北二千五百餘里諸水皆發源橫山東流入海最著者四曰清華省之雙馬河河靜省之雙匯河廣德省之漢江又名惠河廣南省之漢瑯河此外枝流不可勝數而沿海港澳之深闊者皆在廣南之南惟漢瑯港四面環山泊船最便距富春百六十里水陸皆通為越都南面門戶敵船所必攻者也至中圻以北山路崎嶇關隘甚多然今之時勢趨重海疆則陸險竟無足恃矣

### 二十六日記

中圻戶口越民約五百萬苗民眾十餘萬未入版籍但

通有無向以化外視之華民不滿萬人經商者十之七  
開礦者十之三其設官則平定置總督富安置巡撫隸  
於平定又安置總督河靜置巡撫隸於又安他如廣治  
隸於廣德廣義隸於廣南平順隸於靖化皆於本省置  
總督屬省置巡撫其專置總督而不兼圻者惟廣平清  
華二省蓋以本境遼闊也中圻雖歸法保護而內政之  
權操之越王法道總都護使於富春監察朝政督理外  
務歸華印總督節制惟廣德之順安口已割為法地矣  
賦稅與北圻大致相同有法官代徵者關稅船鈔是也  
有越官自徵者地丁土貢雜課是也有華商包辦者礦

出使日記 卷三

奎

租鹽課洋藥等稅是也地丁雜課歲徵洋銀約一百五  
十萬員例禁之物如肉桂鹿茸燕窩象牙洋藥寶石礦  
產之屬大半華商包稅開採歲交稅課共一百萬員稅  
關十有一處皆由法設稅務司儘徵儘解悉輸越王歲  
得二十餘萬員地瘠民貧入款不過如此至於山海之  
利頗產金銀銅鐵鉛煤多用華商開採山中藥材亦為  
華商利藪而沿海之鹽場海島之燕窩亦多由華商包  
辦今法人苛徵華商限制華船華民生財之道漸遜矣  
出口貨歲值一百五六十萬員肉桂絲棉為大宗鹽糖  
燕窩竹木果品之屬次之進口貨歲值二百餘萬員粟

米為大宗洋布洋藥次之中國紙茶陶器又次之此食  
貨出入之大較也

二十七日記

羅馬尼亞國本土耳其邊省瓦拉蝦志略作襪拉幾及穆爾達  
費亞之地即萬國公法中所譯第三卷第一章第三節  
所稱屬國半主之國瓦喇加馬喇達二邦舊境光緒四  
年俄土構兵兩省兵民叛土助俄事定不能復隸土國  
而歐洲各大國又不許其屬俄於是柏林大會各國公  
立兩省為羅馬尼亞國立德皇之姪沙勒爾第一為君  
光緒六年彼國駐法公使勾嘎勒尼薩諾將該國王所

出使日記 卷三

奎

皇上一書封送曾侯請為轉遞情詞極為恭順蓋即位  
之後普發國書明告地球各國將以樹立聲名鎮服民  
庶也明年國王從官紳之議晉加尊號稱為君主又送  
國書一通請曾侯轉遞又賽爾斐亞國係歐羅巴洲東  
方舊部界在奧斯馬加之南土耳其之北羅馬尼亞之  
西明初土耳其征服之列為屬地厥後土國勢衰賽民  
叛土血戰二十餘年遂議和約作為土國屬邦光緒四  
年俄土之役賽爾斐亞兵民倒戈助俄迨俄土議和不  
願復屬土國於是柏林大會各國同盟底定歐洲東界

事務公立賽爾斐亞爲自主之國立密則爲國君都柏  
格拉城八年二月該國駐法公使馬利諾韋治照會曾  
侯稱其國君已晉加王號特具國書奏明  
大皇帝請爲代奏等語情詞亦極恭順

二十八日記

查舊卷光緒六年印度加爾各達王騷林德羅門他果  
耳獻所著樂譜及本國所用樂器託英國駐京傳署使  
送交總理衙門代爲呈進旋又函致曾侯稱冀求  
賞賜品物以爲希世之寶總理衙門奏請  
賞給頭等金寶星一景泰密藍花瓶一對 光緒九

出使日記

卷三

畫

年英前任香港總督新授麥來修總督亨乃西致書曾  
侯稱自製鑾金花飾一座敬獻  
至聖先師孔子神座前曾侯爲轉寄北洋由李傅相專  
弁咨送衍聖公代爲供獻

二十九日記

江南創設水師學堂在儀鳳門隙地擇址興工招募聘  
穎子弟一百二十人分駕駛管輪兩班學習每六十人  
爲一班五年後咨報海軍衙門考選 貴州潘偉如中  
承前年在諦塞德廠訂購鑄鍊鐵機爐全副計價英  
金六千八百三十五磅又另訂鍊貝色麻鋼爐價一千

九百二十七磅又訂軋造鋼鐵條板機牀價一千四百  
七十五磅又訂軋造鋼鐵條板所用汽機等件價二千  
三百七十三磅 前年臺灣在英國哈湯廠所訂駕時  
斯美兩艘皆係搭客淺水快船每船機器馬力三百匹  
載貨淨七百零四噸五六長二百五十尺半寬三十四  
尺二寸中深十八尺輪機艙長四十八尺每點鐘行十  
五諾脫有奇 前年北洋訂購阿模士莊廠九寸二分  
三十五倍口徑後膛升降活架地阱鋼礮二尊用電線  
演放三次礮架運動升降甚靈

八月戊戌朔記

出使日記

卷三

畫

查舊卷光緒庚辰索還伊犁一役總理衙門南北洋由  
大北公司發往外洋電報字數計遞俄國者一萬字遞  
各國者六千字收到覆電共八千字通共往來二萬四  
千字報費洋銀五萬二千八百員若大北不取報費祇  
出他電之費則但需報費一萬九千五百員 光緒丙  
戌續派第三屆出洋津閱學生共三十四名核估經費  
三十萬兩

初二日記

五金之礦鐵之爲用遠勝於金銀銅錫古者以鐵爲甲  
兵爲農具爲釜甌夫人而知之矣今者泰西各國航海

以鐵爲船濟渡以鐵爲橋行火車以鐵爲路通電報以鐵爲線作書記以鐵爲筆以鐵汁爲墨治血症以鐵爲藥其爲用也尤廣英國三島煤鐵之饒甲於五洲數百年來研求經理風氣日開坐擅富強之業故鍊鐵之學惟英國爲尤精其法從化學悟入治鐵之要自辨別砂石始砂石體質不同約有四類紅者黃者黑者黃而兼黑者英國出鐵甚多黃者居十之九皆在產煤之地體含三質乃炭氣養氣與鐵也更有土泥與煤攪和燒鍊較難其法於未入爐之先卽以自來之煤燒之全山烈火逾月始熄煤淨而炭氣盡散所存黑質仍含泥土乃

出使日記

卷三

五

更設爐重燒二次爐寬二丈高五丈中若葫蘆以不灰木爲裏配以煤炭而以灰石搭配鐵砂從上納之灰與泥土在爐內合爲一質輕而上浮卽從上開一竇洩出所成生鐵重而下沈亦從下開一竇收於模內此爐既大鎔鐵又多須以烈風吹火舊法恆用冷風近乃多用熱風以風熱則出材多而省費也其法用火輪機爲蒸釜以生力爲汽笛以行機爲風箱內有活塞往返催風上下左右有合葉使風出入爲風櫃以積風爲風管以引風於熱處爲旁爐俾風管穿之而熱風熱至六百餘度以入大爐斯鐵化愈速矣生鐵既成於是由生而熟

由熟而爲鋼則須更燒一次其爐式橫而臥與前爐豐而高者不同爲火櫃於爐前以置煤炭爲煙筒於爐後中爲置鐵之所鐵與煤炭稍隔俾熱力透而融之火既熱極鐵如汁沸隨以鋼條挑撥轉動則鐵中之炭悉化而隨煙出矣出爐後俟其退涼團爲鐵丸是爲柔鐵然其質散而不堅必加以錘然後可堅可柔可折爲熟鐵從前多用水碓以運錘英人納斯米創爲火輪機運錘之具而輕重不能由人後又置小機於旁專爲可輕可重而設其重擊千鈞之石可立碎其輕擊雞卵而止傷其皮遂爲汽機運錘之善法至熟鐵製爲條片亦有軋

出使日記

卷三

五

鐵汽機以鋼礮二具一上一下而以熟鐵置其間機行礮轉鐵隨壓力而引之隨引隨長如欲極薄則以油敷鐵面折之乃更軋之更折更軋至於五倍十倍幾如薄紙更有隨軋隨割如刀裁者方圓大小粗細一經運軋無不如式吁神乎技矣茂以加矣然非萃億兆人之精力積數百年之攷究耗千萬磅之金錢孰能驟臻斯詣哉余謂乘今日而傳其學研精竭誠罄其秘要究屬創難而因易矣

初四日記

查舊卷光緒十二年著洋監督師恭薩克稟曾侯云查

閩廠初次續次出洋學生除改充出使差事者陳季同馬建忠羅豐祿三名不計外實有學生四十五名內能造船者九名能開礦者五名能造火藥者一名通曉軍務工程者二名能造礮者一名能充水師教習者一名能充駕駛者十三名能充匠首者九名調往德國肄業無從考察者二名病故者二名其節略云製造船械學生九人除梁炳年病故外考試以陳兆翔魏瀚爲最出色可與法國水師製造監工並駕齊驅鄭清濂楊廉臣吳德章次之林怡游李壽田陳林璋又次之鄭清濂林怡游堪勝船廠總監工之任亦可派製造軍器楊廉臣

出使日記

卷三

美

吳德璋堪勝總監工之任亦可管理造礮之事李壽田陳林璋堪充總監工或造船或造水師機器礦務學生五人考試以林慶昇池貞銓爲最優張金生羅臻祿林日章次之池貞銓羅臻祿可派查看地勢製造木炭並設廠鍊鐵林慶昇張金生可派管理鐵廠并添設鋼廠林日章可派管鐵廠之化學學堂水師管駕學生二十人以劉步蟾林泰曾嚴宗光蔣超英爲最出色薩鎮冰方伯謙何心川葉祖珪次之林永升林穎啟江懋祉黃建勳又次之劉步蟾林泰曾知水師兵船緊要關鍵足與西洋水師管駕官相等均堪重任不但能管駕大小

兵船更能測繪海圖防守港口布置水雷嚴宗光於管駕官應知學問以外更能探本溯源以爲傳授生徒之資足勝水師學堂教習之任薩鎮冰葉祖珪林永升勤敏穎悟歷練甚精均勝管駕官之任方伯謙可謂水師中聰明諳練之員何心川因病回華蔣超英林穎啟江懋祉黃建勳堪勝水師管駕之任藝徒劉懋勳凡上等匠首應知之藝皆能通達可充鑄鐵局匠首或派繪畫船圖郭瑞珪始終勤學可派充汽鍋局匠首或繪畫船圖裘國安大致同郭瑞珪而沈靜稍遜之王桂芳任照吳學鏗可派入拉鐵廠充當查工或在機器局襄助三

出使日記

卷三

美

人以王桂芳爲領袖陳可會學藝可觀堪充製造戰船匠首張啟正聰明稍次可爲其副葉殿傑與張啟正相同以上學生二十六人藝徒九人皆於光緒二年第一屆出洋者也又製造學生除陳伯璋陳才鎔調往德國王慶端因病身故外黃庭王迴瀾李芳榮三人以黃庭爲最優宜充學堂教習而不能在營練兵李芳榮聰明而好動可在軍營當差或製造槍礮王迴瀾派管製造軍器火藥各廠必能勝任並與黃庭皆通曉礮臺工程王福昌派管火藥爆藥棉花藥各廠必能勝任魏暹堪勝造船監工之任惜其未竟所學因病回華學習駕駛



學生僅李鼎新陳兆藝二人皆學有心得李鼎新尤明決嚴重有管駕大船之才陳兆藝謹實可靠能勝管駕二人兼可充船學礮學及礮臺學教習以上共學生十人皆光緒七年第二屆出洋者也

初五日記

去年監督肄業事宜福建補用道周懋琦稟稱第三屆出洋津閩水師學堂官學生分赴英法各國三年學成拔案請獎據開清摺學習測繪海圖巡海練船兼駕駛鐵甲兵船者三員陳恩燾賈凝禧文武兼資最為出色馬獻琛於練船用颶駛風之學尤肯不憚勞苦習操放

出使日記

卷三

卒

大礮槍隊陣圖大副等學兼駕駛鐵甲兵船者八員劉冠雄黃鳴球邱志范王學廉鄭汝成陳杜衡沈壽堃鄭文英考試皆屢列高等學習兵船管輪機者一員王桐考試甚優習水師兵船算學格物學者三員伍光鑑最為出色陳燕年曹廉正次之學習水師海軍公法捕盜公法及英國語言文字者三員張秉圭羅忠堯較優陳庚次之習海軍製造家算學化學格物學者二員以下皆在法國日鄭守箴林振峰習海軍製造之學者四員陳慶平李大受可勝輪車鐵路總監工之任陳長齡盧守孟可勝輪船監工之任百萬國公法以及法文法語等學

者六員林藩柯鴻年許壽仁王壽昌考試均列上上等高而謙游學楷列上中等均取中律科舉人又病故未卒業者陳鶴潭一員撤回者維忠銘一員考不入格者楊濟成一員

初六日記

英國海部兵船測量定章自船主以及生徒每日早五點鐘起工晚六點鐘止工凡距海岸三十里外者則駛大船同行若近在二十里以內祇派小輪前往或測遠角必開路刊林或驗潮汐必厲深樹表或占日星以定鍼度或循沙脈以探伏礁每遇風急浪涌不但保護儀

出使日記

卷三

卒

器恐稍遺失亦必詳誌漲痕以備比較蓋小輪時有掀翻尤極艱險晚間作為說帖更費研求全年甄別一次或薦調或留學或撤退示賞罰焉北洋定遠兵船大副陳恩燾光緒十二年出洋毅然請學海圖由英海部派上依紀理亞兵船學習由地中海駛入印度海測出前圖未載礁石兩處又駛入亞洲南洋各島由噶羅巴測至太平洋得一新島島中無土番無大獸林木蒼翳禽鳥囑伏持械裹糧隨山刊木因涉其巔苦搜山泉不得繞島一周約二百里行經馬達加斯加爾島折而東循赤道南四十度行至四十二度五十四分倫敦東一百

四十七度二十一分始望見河北鎮山中國謂之新金山坤輿圖所稱澳大里亞洲也自新加坡開行至此凡歷三十七晝夜海程一萬三千餘里不見一山不遇一船悉憑緯度以定羅盤凡遇狂風大雹十有二次陳恩燾自用大索縛身桅柱間隨同船主占鍼揆度測海駛風從容料量不爽毫釐蒞事而返期滿甄別出考給照竟列上等派赴海圖房觀刻圖等法學成回華

初八日記

總理衙門奏籌辦重慶通商停止輪船上駛一疏略云光緒十三年六月英國使臣華爾身照稱英商立德自

出使日記

卷三

奎

置小輪船擬由宜昌試行上駛重慶請照煙臺條約給發准單並轉令沿途地方官員彈壓保護等語條約既有明文本無辭可以阻止當經咨行四川總督派員前赴宜昌與英領事會商行駛防碰章程四川督臣屢次來電以輪船入川民情惶急萬不可行旋經總稅務司赫德從中調停將煙臺條約中輪船上駛一節酌量變通改議專條自宜昌至重慶准其用川江常行船隻運貨通商而罷輪船之議蓋洋人在重慶本已早有貿易今即允其作為口岸在彼不過有開設行棧之益在我亦無所損而輪船不行可免多少枝節惟立德所買固

陵輪船必須設法安頓因囑總稅務司電商立德仍以十二萬金買留船棧先在出使經費項下墊付以了此事英使遂將重慶專條節略開送前來臣等復與北洋大臣函商酌加刪改又與英使反覆商議訂為六條第一條言明雇川華船及自備華式船隻則川江往來既無撞碰之患船戶水手仍用華人亦可資其生計第五條聲明俟有中國輪船往來重慶亦准英輪駛往一節其權操之自我此時中國未用輪船入川彼自無所藉口其餘各條亦與歷屆條約相符似可就此完結所議續增專條一重慶即准作為通商口岸英國自宜昌至

出使日記

卷三

奎

重慶往來運貨或雇用華船或自備之船均聽其便一凡此等船隻自宜昌至重慶往來裝載貨物與輪船自上海赴宜昌往來所載之貨無異即照條約稅則及長江統共章程一律辦理一凡此等船隻所執船牌旗號應領貨照及擬運宜昌以上貨物如何拆動另裝並宜自至重慶貿易之人應遵守一切規則俾獲保護利益之便一凡雇川華船在宜昌重慶兩處完納船料其有能懸英國旗號之華式船隻應照條約章程完納船鈔所有英人雇用華船及自備華式船隻由宜昌至重慶往來運貨者務須在海關承領船牌關旗倘無海關所

發船牌關照均不准享此次利益並禁華人船隻冒用英國旗號一俟有中國輪船販運貨物往來重慶時亦准英國輪船一律駛往該口一現在議定此項續增專條應與煙臺條約視同一律

初九日記

歐洲立國以商務爲本富國強兵全藉於商而尤推英國爲巨擘列國雖欲與之頡頏爭衡而終不及其心計之工規模之遠也英與法最近其通商亦與法最先唐肅宗至德二年與法王查理曼立商人之約英法同盟始見國史元武宗至大元年始用銀錢匯票與西班牙

出使日記

卷三

查

葡萄牙兩國通商英宗至治三年與威聶士立約通商明太祖洪武十七年始設商船律法嘉靖九年始至亞美利加洲之白來齊通商二十九年與瑞典合約通商三十二年始與俄國通商萬曆二十二年始設銀號商人便之

國朝順治八年始定市舶賦稅頒定律於國中康熙三年瑞典曾據亞美利加洲地英人取之名曰新瑞典令居於新地者不許與他國通商商人咸怨是時荷蘭西班牙兩國商賈日興英人嫉之特遣水師提督伯拉格統兵船往西印度海取西班牙屬地曰買加並奪獲西

班牙採金之商船至此又遣約克丟伐荷蘭此爲爭通商用兵之濫觴康熙五年始販中國茶葉至英始設保險之法雍正十三年與俄國立通商之約乾隆二年西班牙虐待英之商賈二國兵釁將自此構王及大臣皆欲戰惟瓦爾波不可強之乃發兵五年遣安勝至南太平洋劫西班牙商船十五年仍與西班牙和始製毛氈五十二年與法國重申通商和約道光二年英迦甯爲相羅賓森掌度支墨斯基遜掌商務謀除苛政令四方食貨流通四年英人經營美洲不遺餘力於是南亞美利加諸部久不奉西班牙人約束至是英遣領事官往

出使日記

卷三

查

復立通商之約於墨西哥五年與丹馬立約通商六年與瑞典結盟任英船出入瑞典所屬海口英人專志於行商蒸蒸日上十年之間國中富商貸資本於他國王家者計三千六百萬兩英建輪船公司往來各處十年輪船初至印度水師總統納白爾始至中國之廣東雖未必有心於窺伺然其謀肇於此矣十八年輪船始度大西洋商人之行賈於外者於海道益稔與奧國美國俱立通商條約而創設英公司於暹羅置戍兵於紅海之亞丁埠凡行旅之經此海口者得資保護二十年與德邦擬立約通商是年方以販運鴉片啟釁英人有戒

心焉二十二年

中朝與定和議許英人在上海廣州福州廈門甯波互市通商二十五年與昔西利立約通商當此之時通商船艦三萬八千艘水手二十九萬人其富如此迄今數十年來經營開拓又加倍焉自有地球以來商務之盛未有如英今日者也

初十日記

查舊卷光緒八年十月曾侯咨呈總理衙門及北洋大臣云英國前任香港總督亨乃西密交其寫呈羅馬教王之外部神父札克畢呢節略之稿內稱上年與北洋

出使日記

卷三

李

李大臣會晤談及華民與耶穌教民相處情形始終不能和洽欲復康熙年間之舊必須教王遣使駐京按照接待各國駐京公使之禮一律接待教王之使等語甚有遠慮近年教師在中國各省設立教堂傳教與華民爭論之案層見疊出而天主教歸法國保護流弊尤多蓋法人自待教民甚爲苛刻而於教士之在他國者則藉保護爲名陰以濟其覬覦挾之詭計也教王管轄各國之教民恃其本人之信心皈依各國朝廷管轄其本國隸籍之教民專恃政刑以鈐制之相提並論則教王之權勢尤重若與教王徑相交涉不令霸國干預其

事不以兵戎商賈之事攙雜其間則遇事可以理折可以情商未必非交涉之一助也節略後段又云一二百年前英國所設之東印度公司始將鴉片引入中國繼因強賣鴉片屢與中國構釁旋定和約約內將通商利益與教士應享權利混在一處按照條約中國應將崇奉天主教之民交歸法國保護凡此一條實於行教中國大有妨礙在那破命第三倡行此條之日其事已屬不善近來益見頹敝當外國未干預之前中國崇奉西教之民數溢百萬今中國奉西教者僅有四十餘萬耳中國大臣言及耶穌一教則謂其鮮行於中國洵不足

出使日記

卷三

李

觀英使威妥瑪亦謂耶穌教士雖在中國多費錢文而所得奉教之華民不能滿四千之數總之外國國家外國條約動輒干預中國之事致傷教務是以實奉天主教者已少五十萬人而所添之四千崇奉耶穌教者亦多盜虛聲非盡真奉景教之士也

出使英法義比四國日記

卷四

光緒十六年庚寅八月十一日記

總理衙門五月十四日咨開准北洋大臣咨據北洋海軍提督丁汝昌文稱去冬奉令巡洋抵新嘉坡各島目擊流寓華民交涉懋遷尙稱安謐惟未設領事之處多受洋人欺陵剝削環求保護未便壅不以聞查新嘉坡附近英屬各島曰檳榔嶼曰麻六甲曰柔佛曰芙蓉曰石蘭莪即石郎曰白蠟即卑華商亦頗繁多新嘉坡領事既無兼管各埠明文亦遂無遙制各埠權勢擬請以

出使日記 卷四

新嘉坡領事改爲總領事其餘各島設立副領事一員卽以華民公正殷實者攝之統轄於總領事每年經費若干由總領事查明樽節議章稟辦仰祈咨商核辦等因本衙門查外洋各屬境添設領事均須先與彼國外部商定核給准照方能次第籌議相應摘敘原文咨行貴大臣酌度情形試與英國外部商議如能辦到實於華民有裨須至咨者

十二日記

余查中國從前與各國訂立和約但有彼在中國設領事之語而無我在外設領事之文蓋因未悉洋情受

彼欺朦郭前大臣初設新嘉坡領事時與英國外部文牘往來互相辯詰殊費周折曾惠敏公擬設香港領事行文數次英國外部以咨商藩部爲辭藩部以官民不便爲說管禿辱焦終無成議余與參贊等籌商以新嘉坡旁近各島華民固須保護而香港一區尤爲中外往來咽喉凡華洋各商貨物均先至香港然後運轉各省而交涉事務之緊要者一日逃犯一日走私一日海界粵省每出巨案派員至港祇以未設領事聲氣隔絕動多扞格所以粵東全省政務往往爲香港一隅所牽掣此處添設領事萬不可緩其次則新金山及緬甸之仰

出使日記 卷四

江亦須相機推廣逐漸設員惟是設立一處商議一處枝枝節節徒費唇舌尙難確有把握英文參贊馬格理請先辦文照會外部按照公法及各國常例聲明中國可派領事分駐英國屬境暫不必指明何地且日本暹羅等國皆已有領事在香港而彼獨堅拒中國本不公允今但與之泛論通例彼必無辭以難我一經答允則無論何處領事惟我所派矣余以爲然因屬馬參贊代擬英文照會稿照會英國丞相兼外部尙書侯爵沙力斯伯里

十三日記

馬參贊呈送英文照會稿余屬張聽帆譯漢文閱之其  
 立言頗中肯綮惟中西文法往往不同者中國文尚簡  
 明而彼則必須煩複且多前後倒置之句法否則閱者  
 轉茫然不解茲特錄之雖其文法已多經譯者刪潤亦  
 稍見外洋公牘之體其文曰為照會事照得華民寓居  
 英屬各地者極多中英往來交情日加友睦日增緊要  
 而中國領事官仍僅新嘉坡一處本大臣欲告知貴爵  
 部堂漸除此等立異之見稍合各國親睦之道並體我  
 中國

朝廷惠顧寓居外國華民之意本大臣是以奉總理衙  
 門來文屬與貴爵部堂相商中國設領事官於英地之  
 事從前議設中國領事官於新嘉坡之時一千八百七  
 十八年四月十六日貴爵部堂致郭前大臣照會內曾  
 云中國與各國往來係照特定和約之章非遵各國通  
 好之道况中國向未盡准洋人入內地各處洋人商務  
 亦未慮處開辦是以不能援引別國之式准派領事官  
 分駐英地之等因此事於一千八百七十八年或有  
 此等情形但於近日觀之實無此等情形中國並未不  
 遵萬國公法辦理而近十五年之內更覺按照萬國公  
 法辦事中國雖尚未將內地各處盡准西人通商然即

中國所做之事論之亦足令中國有請准設領事官駐  
 紮英地之理中國是以望英國允派領事官駐紮英地  
 照英國許各友邦派領事官分駐之例一律辦理中國  
 有二十餘處地方准令外國人民居住經商其收稅之  
 輕為各有約之別國所未有計有二十二處英國曾派  
 領事官駐紮其地本大臣請貴爵部堂審量本大臣並  
 非恐英廷不肯答允之意不過為貴爵部堂一講解之  
 一千八百七十八年貴爵部堂繕寫照會時煙臺條約  
 尚未核准約內已言中國有派領事官至英地之權又  
 一千八百六十四年十月二十四日條約中曾明言英

出使日記 卷四 三

出使日記 卷四 四  
 國願認中國有派領事官至英國各處之權此約雖未  
 經照行本大臣提及此者欲告知貴爵部堂英廷已早  
 有允設中國領事官之意而其約之未經批准者係由  
 別事之故耳本大臣又欲向貴爵部堂言明如此事商  
 妥中國並非欲一時徧派領事官分駐於英國各處地  
 方因有酌量派設之處並為以後陸續派領事官時請  
 給文憑之事而已相應照會貴爵部堂請煩查照須至  
 照會者右照會英丞相兼外部尚書侯爵沙  
 十四日記  
 印度煙土販入中國至今已七八十年英國統收印度

諸部略地數萬里在此三四十年內販運者英商而裁種製造則皆印度人印度煙土散入南洋及諸回部不過二三分販運中國常七八分荷蘭所屬南洋諸島近皆以栽罌粟為業多販運中國 印度西藏往來商務漸見暢旺西藏出口貨以硝砂羊毛鹽為大宗

十五日記

今年英國陸師之數凡陸兵二十一萬一千四百六十二名馬二萬五千五百七十八匹額外陸兵五萬五千二百名民團農團十五萬五千八百四十八名馬一萬四千一百匹義壯兵者二十五萬七千八百三十四

出使日記 卷四

五

名馬五百匹差捕兵一萬二千七百五十七名馬四百匹陸師經費一千六百七十萬零三百磅以上係專指英倫三島而言又英國水師凡鐵甲船二十八艘巡緝船三十一艘一枝桅船十八艘大小礮船六十三艘大小魚雷船一百四十八艘兵船一百十三艘國中遠商雇川兵船一萬七千七百二十三艘篙工四萬九千六百名水師步兵礮兵一萬三千名額外步兵礮兵二萬二千名在船司理各人約共二十萬二千五百名水師經費英金一千三百零八萬二千八百磅以上係兼指英倫三島及印度新金山等各屬地而言

十六日記

余遣參贊馬清臣赴外部探問南洋各島設領事官之事授以辭義而往且告以余意頗不憚筆舌之煩不參游移之見若英廷未允必當據理力爭雖至三四至六七不厭也清臣晤外部侍郎山特生問前送照會英廷之意云何山特生曰中英和約究無中國在英境設領事之明文所以從前議此事者每多阻礙清臣曰和約有准英國在中國設領事之明文舉此見彼原是一律若必一一詳載則約文不免太繁且中英方睦若於此等事件不稍通融友誼又將隔閡非大局之益也山特

出使日記 卷四

六

生曰他處建設領事或易商辦香港逼近廣東盡係華人所居若再設華官難免喧賓奪主之虞新金山官民與華民不能相安新設禁例方滋口舌此二處似不易商清臣曰新金山稍緩再議自屬無妨但吾聞使館此次辦文注意專在香港蓋因逃犯走私關繫廣東全省政務之故且日本暹羅皆已有領事在香港而獨不許中國此理殊難解釋凡於理說不去者即於勢不可行所以特來奉勸請力顧大局以重邦交山特生曰中國風氣初開恐為領事官者不自知其職守有侵權越分之舉實於兩國均無裨益清臣曰新嘉坡領事左秉隆

初到埠時與英國官員不甚浹洽今則熟習華洋情事辦理恰如分量遠近均無間言若香港設中國領事開當調左秉隆任之開辦一切必可如法山特生沈吟久之曰來文已呈沙侯閱過我等之意原謂可行但必須商之藩部方能定議耳清臣私告山特生曰吾聞中國欲設香港領事此意甚決若英廷不允尙當據理力爭雖至三四至六七而不厭恐英廷終無辭以拒之今香港既有各國領事再添一中國領事於英並無所損而可以聯絡邦交何憚而不速允譬之杯酒待人苦勸而飲之已覺乏味不如先自舉觴之爲愈也山特生曰善

出使日記 卷四

七

吾當力勸沙侯與藩部玉成此舉告以兩月內當有回音遂別

十八日記

總理衙門保獎出洋遊歷人員一疏略云兵部候補郎中傅雲龍戶部主事繆祐孫刑部主事顧厚焜兵部主事程紹祖禮部主事李秉瑞兵部主事劉啟彤等各呈有劄記及繙譯編撰之冊傅雲龍所著遊歷日本等國圖經八十六卷纂述較多徵引尙博實屬留心蒐輯堅忍耐勞繆祐孫劉啟彤亦採訪精詳有裨時務除未回京報到各員屆時察看辦理外其已到各員請分別給

獎以示鼓勵傅雲龍劉啟彤請發往北洋差遣委用

二十日記

今天下戰守之具曰槍曰礮而置礮以守者則有臺礮礮以戰者則有艦防巨礮之轟擊而亦能自用巨礮者則有鐵甲船五者戰守之具之大較也若夫工價廉於巨礮較之築臺造艦之費更減十倍其功用則與礮臺鐵艦相若或尙過之者莫如水雷水雷有三項曰伏雷曰送雷曰行雷伏雷有三種一曰伺發之雷以電線通於岸舍須藏礮臺中或各用弧鏡朝夕電燈窺伺用三角測量之理敵船一至急聯電線轟發不待其觸也於

出使日記 卷四

八

潮汝高下懸 操縱由我最爲穩當然有三弊一恐敵分殊處尤宜 派小艇撈割電纜一電線總散頭緒繁多風浪易於衝斷一窺望不真難以命中也一曰觸發之雷不必通至岸上祇有玻璃管電池相連有觸必發不必伺察不必定設於礮子所及處可多設於沿岸以防舳舻旁流以防抄淺水以防結及已船不到處或已船亦到而中留一路另設浮表以免誤觸此雷有五便一省伺察二省電纜雖撈不過一枚三逐日移置敵難辨虛實四無總散電線輻輳風浪不至衝斷五各雷不聯起落較易常可查看修理然有六弊一敵用破船先發二潮高不易觸



三風浪移動浮表我船易於誤觸四撈起放落偶不留心即致誤發五已發者不辨其處不易補入六設雷之處不便常以已艇巡邏也一曰伺觸兼用之雷祇以電線通至岸舍晝派人伺察敵船將到則聯其電一觸即發夜則常聯之有觸必發矣然於伺發之雷三弊之外又有二弊一潮浪太高去船太遠則難觸發一敵人夜放破船先發其雷大船即可長驅直入也以上伏雷三種相需為用不可偏廢又宜多設浮表疑雷以誤敵人送雷亦有三種一曰桿雷即雷船所用有艇首桿艇旁桿單桿雙桿之異一曰拖雷用長索拖於艇後之左右去艇三四一丈駛送於敵船之下英人哈氏所創一曰

出使日記

卷四

九

二十一日記

魚雷乃行雷中之一種奧國人懷胎脫所造法國得其秘法較早然向以購者為便宜故法無製雷之廠十餘年前日意格代中國與奧商訂議至少須購五十箇每箇一萬二千佛郎中國若欲仿造又需舊法之價數十萬佛郎惟德國伯靈之刷次考甫廠仿其意而修改更

精用燐銅以代銅不生鏽而更準李丹崖星使遂代北洋定購二十箇每箇一萬馬克外加裝射各器不索售法之價允許中國仿造惟此器機簧繁密斷非倉猝所能試用故北洋設魚雷營於威海衛以練之又德國射魚雷之艇長二十七邁當與法國同由士且丁廠承造

二十二日記

水雷有魚雷伏雷浮雷撞發點發機發藥發電發各種而電氣又有吸鐵化電摩電淡電濃電名目繁多水雷之殼浮於水中者常作圓錐形內容棉藥一百磅上連藥水電池五枚大約每箇價五六十金又有伏於水底

出使日記

卷四

十

二十四日記

者其形如龜用藥五百磅至二千磅每箇價百金數百金不等夫置一水雷豈必盡能得力然價如此其廉不妨多備以收其效即使獲什一之效百一之效而其效勝於礮臺鐵艦多矣是故有兵船之責者不可不防水雷有守口之責者不可不知水雷之用 法國地中海水面射雷之艇每隻價合規銀二萬二三千兩

外洋銀錢之流入中國者向惟日斯巴尼亞所鑄華人名之曰本洋咸豐年間始行墨西哥銀餅以其面鑄一鷹呼為鷹洋近來廣東購機器鑄銀錢已有成數所鑄

銅模將洋文改鑿蟠龍文外正面改刻廣東省造等字  
一由善後局陸續撥給紋銀本年四月開爐試鑄每  
一員重庫平七錢二分配九成足銀次則三錢六分減  
配八六成足銀再次則一錢四分四釐七分二釐三分  
六釐三種均減配入二成足銀陸續解還善後局搭用  
今津關等處均已行用

二十五日記

英人於咸豐八年盡收印度隸入版圖其大政統於議  
院特設專部領之斯時小國尙存一百五十有三皆臣  
屬於英今攷英屬印度之境計八十三萬一千九百六

出使日記 卷四

十一

十三英方里居民一百八十四兆歲入之款五十兆磅  
成兵十八萬七千印度土酋所轄之境計五十六萬五  
千一百有六英方里居民四十八兆歲入之款十五兆  
磅兵丁三十一萬五千人礮五千三百尊均統轄於印  
度總督 英屬南緬甸之都會譯音曰藍貢又曰漾貢  
海國圖志作耶昆又曰仰光曰仰江曰蘭江曰瓊丹  
埠緬都曰莽達拉一作門得利又曰曼德來

二十六日記

英屬香港洋人不及華民十分之一然華民亦歸英官  
治理英設總督一員統屬文武譯者遂以總督或以巡

撫稱之其副爲輔政司代行案牘職如古之長史次爲  
庫務司又次工務司又次理刑司次巡理廳華民政務  
司次總緝捕官又有船務廳香港地價每一畝值洋銀  
三四萬員至六七萬員不等每畝歲收地稅數十員至  
百餘員不等沿海各船編列字號每歲收稅十八員至  
十二員不等此外有房屋稅票稅而鴉片煙稅極重歲  
入之款除津貼兵船外其餘作本處公用如官俸巡役  
工食修理街道衙署等費故稅雖重而人樂輸商務日  
旺焉

二十七日記

出使日記 卷四

十二

英屬新嘉坡礮臺因山建築有外斜坡以護壘牆避敵  
彈之擊壘牆與外斜坡皆用泥土不用三合土始可任  
擊不壞與中國沿海各礮臺以三合土作太平面之牆  
顯露於外者不同此法滬局所譯之書已詳言之英臺  
規模極大牆有三重臺內兵房寬敞精潔火藥庫七八  
座軍械庫數座共費銀三十餘萬兩此舊臺也光緒五  
六年間又於西面添建新臺其工程更鉅更堅凡四五  
年而後蒞事共用經費銀七八十萬兩云

二十八日記

暹羅自乾隆以後入貢中國咸豐年間因道路梗塞貢

使被劫遂不復入貢然非暹王意也願以缺貢既久恐被責問故不敢來光緒五年三月接到中國催貢劄文乃由駐暹英領事轉遞者或曰是年英官以戰船假中國旗號偽云責貢之師以脅暹人使之求助於彼則劄文虛實似尙未可知然暹王向其臣下具道所以歷年欠貢之故因貢表內前用跪具字樣近已改用西禮不無窒礙蓋其意未嘗不思轉圜也然卒莫為代達於中國者故不能不與英人倍加親密云先是暹王因勢孤意怯下令臣民俱易西服大臣日夜泣諫王太后出為調停許以下半體衣裳仍其舊制今亞洲各國仿效西

出使日記 卷四

圭

法者東洋則有日本南洋則有暹羅暹羅王城在曼谷亦曰船城彈丸之地也城外地名班考克為通商巨埠十餘年前闢境華民約有三十萬人商務樞紐大半歸之其地每值夏令有黃水自海中來及時播種水退苗熟不事耕耘穀米之豐甲於南海每米一石價銀二三錢故自康熙以來閩粵等省皆賴暹米接濟其國史所紀自魯襄公時起迄於今日鑿鑿可攷也

三十日記

西人之善築隄者曰荷蘭之來因河馬斯河美之密昔西比等河洶湧澎湃從前頻年泛決今始得其法久慶

安瀾其築隄也寬讓河流之勢築之於距口數里之外料實工堅五六里外又築一隄此外更築一隄每相距約五六里每河必有隄三四層此直隄也復於隄中見方五六里築一橫隄如方罫然平時無礙樹藝偶遇衝決一二方罫當之可一面力為堵禦不致徧地洪流無從取土無從著力

九月戊辰朔記

本年長江各埠所出新茶計英商美商采買比往年少英權六百萬磅俄商采買比往年多英權六百萬磅適足相抵運英之茶一千七百三十一萬九千餘磅運美

出使日記 卷四

古

之茶二百七十六萬五千餘磅運俄之茶二千一百六十六萬五千餘磅蓋印度種茶日旺而美商又往日本采買致奪中國利益也 西人論日本近數年來造器日精出貨日多種植製造蒸蒸日上即如洋關權收稅務租界設立巡丁皆以本國之人為之西人莫敢誰何此則已勝於中國矣

初二日記

閩邸鈔督辦礦務巡撫銜唐炯奏稱前飭公司次第推廣開辦銅廠迤西以道遠暫緩今迤南各屬陸續見效而迤西之維西麗江順甯龍陵騰越凡屬夷地民間私

挖運出邊外現另籌辦法搬運西道陳席珍督飭紳耆尹朝安等於適中之下開設店收買由官給價轉運省城湊供京運出示曉諭土司無論漢夷皆准開辦但須報官不准走私所獲銅斤赴下關呈繳領價俾窮民藉資生活盡力開采數年之後利源日闢亦可杜外人覬覦維西一處距省尤遠十兩三錢之價民間僅敷工本請將迤西民辦銅廠暫免課耗二年以示體恤而廣招徠又片稱公司所辦巧家廠自三月以來每月出銅七萬數千斤其餘各廠每月共出銅二三萬斤會澤宣威民開礮碓與公司接濟油米者其銅歸公司收買每月

出使日記

卷四

十五

一萬數千斤不等計在途在廠銅已三十餘萬斤所有九起二批京銅五十萬斤七月可齊抵瀘州至十起頭批五十萬斤趕飭於年內解齊

初四日記

英屬北般島海關去年五月底總結一歲進口各雜貨稅洋銀二百二十四萬五千餘員出口煙稅四百零八萬七千餘員今年五月底總結一歲進口各雜貨稅二百九十萬九千七百餘員出口煙稅五百十三萬六千餘員 美國向不種茶咸豐八年執政購中國茶秧一萬株發給農民厥後愈購愈多歲發茶秧至十二萬株

今均有收成然僅供自用

初五日記

綜計地球之上約共有一千五百十兆二十八萬人中國人數約四百兆內外大抵不外儒釋道三教其從耶穌教者係歐洲北方與北亞美利加各國並澳大利亞洲如英德荷蘭瑞士瑞典挪威美國共一百三兆人南方各國亦略有此教從天主教者歐洲南方與南亞美利加各國如法西葡意奧比巴西祕魯智利等邦共一百九十兆人從希臘教者最大之國為俄羅斯尚有諸小國共七十五兆人凡天主教耶穌希臘等教皆奉耶穌

出使日記

卷四

十六

為宗主統名之曰救世教又名基督教合計有三百九十七兆人此外從印度教者一百九十兆從回教者一百八十五兆從猶太教者七兆從日本神道教者二十兆雜教不在此數釋教行於中國日本西藏蒙古緬甸暹羅錫蘭其人數不易稽核印度教一名婆羅門教又與釋教不同凡地球受教之人一千一百六十兆作為一百分計算內救世教有三十四分回教十六分印度教十六分儒釋道及日本神道教三十六分此外尚有三百餘兆人未受教化或雜教不足比數者也 是日接准總理各國事務衙門電開九月初二日奉

旨薛福成補授光祿寺卿欽此

初六日記

英國自乾隆五十八年始遣使臣馬格里到中國然事畢即返道光季年始派使臣常駐中國己酉庚戌間其公使曰文翰咸豐五六年間其公使曰包冷皆駐香港七年始派全權大臣額爾金來華調兵攻入廣東省城挾兩廣總督以去及庚申之變糾合諸國進至京都遂定天津條約英人謂額爾金有大功於其國同治初年調為五印度節度大臣而以其弟卜魯士為中國駐京公使其後繼之者曰阿禮國又繼之者曰威安瑪又繼之者曰巴夏禮又權公使者曰歐格訥又繼之者曰華爾身 福建省城內有烏石山九仙山屏山謂之三山居民指為龍脈所鍾風水所關自光緒初年烏石山教堂被燬滋事以後閩紳以三山附近之地向無完糧稟請大吏禁民盜賣私租以杜教士之侵佔由出使大臣照會各國外部

初七日記

英國國家著名之廠製造軍械者有二一在烏理治一在根德爾威此在倫敦東南一在拋此毛吳司在英倫極省志略所謂蘇二廠皆以地名名之商家製造軍械者當波敦省隔海

名之廠一在紐堪塞爾在諾爾東北爾名阿模士莊一作阿姆一在滿痕切司脫在蘭加斯德爾名同特活德一譯作毀二廠以造槍礮為大宗一在裴明罕姆在窩脫或司省名潘立塞以造各種礮彈為大宗 英國沿海礮臺不可勝數幾至每英里即有一臺半係舊式僅為瞭望海面備海船失事之用著名堅固之礮臺在泰晤士江一譯作達內者則以烏理治體而勃為最瀕海之處則以都發在根德拋此毛吳司司不舍特在罕待岡拋脫在泰馬江口潑來毛吳司奔不羅喀密爾妨特皆在羅喀在馬舍江口省立佛普而在蘇格蘭海為最

出使日記 卷四

初九日記

英國上下議院有公保兩黨迭為進退互相雜制公黨者主因時變通裨益公務保黨者主保守舊章勿使損壞兩黨勝負之數視宰相為轉移保黨為宰相則保黨在院皆居右而公黨皆居左公黨為宰相則公黨居右亦如之今之首相侯爵沙力斯伯里實保黨也沙侯若退則公黨必有為相者一出入循環無窮而國政適以劑於平云

初十日記

拜發恭謝

天恩一摺 雲南蒙自關稅務司哈巴稟總稅務司赫德稱蒙自城建於雲南之高處約高過海面英度四千五百尺四面有大山環繞無樹木其城橫計英路二十里直十二里形勢與美國之咸湖相仿雲南一省四圍有連珠大山中央之平原高地層疊而成地仍肥澤中央地盤之至高者高過海面英度六千九百尺至低者過海面六千四百尺雲南府大理府均建在內地之河濱洋貨入雲南之路有五 一由漢口至洞庭湖經湖南貴州陸路至雲南省城行程需四十日內以騾馬負貨之日過半輪納經過關卡之稅釐甚重二由川江入永

出使日記

卷四

九

甯河已需水程十九日起貨永甯城外由陸路運至雲南省城又需二十日三由長江至宜昌起旱經施南至永甯此路經行者尙少四由北海起程十四日至南甯十七日至百色三日至保義八日至廣南十二日至雲南省城此路共計行五十四日五由越南海防附輪船運貨一日至河內又附越南民船二十日至保勝又附民船七日至蠻耗又以騾馬負貨三日至蒙自九日至雲南省城此路共需行四十日不但路程稍近且稅釐較輕入口洋貨係每值洋銀百員抽稅五員土貨在蒙自納進口稅一次較在通商別口減十之三若由蠻耗

順流至河內只須十二日或十五日而已華貨除鴉片煙外由雲南廣西出口經東京運往香港各處者法國海關概免抽稅

十一日記

今外洋各國設中國領事官者英國有新嘉坡領事官一美國有舊金山總領事官一紐約有領事官一日斯巴尼亞國有古巴總領事官一馬丹薩領事官一祕魯有嘉里約領事官一嘉里約領事暫駐利馬併居駐祕參贊署中俟中祕議有招工善章再令專駐海口稽查拐販日本有長崎橫濱神戶理事官各一箱館等處副

出使日記

卷四

十

理事官一

十二日記

西人造器以火輪舟車電線爲最獲實用其器之較小者則顯微視遠二鏡亦爲用無窮顯微鏡有裨於光學化學而醫學之獲益尤多視遠鏡有裨於觀星之學測地之學而行軍之獲益尤多

十四日記

英國富強之業始自乾隆嘉慶年間創造火輪舟車之後當其初開鐵路時國人亦相與疑阻以倫敦蘇士阿摩登海口往來車運用馬三萬餘匹若用汽車慮妨小

民生計也迨車路開通用馬乃至六七萬匹蓋以道途便利貿易日繁火輪車祇行幹路其枝路歧出不窮相距百里內外來就火輪車者用馬愈多也迄於今日鐵路六通四關如蛛網之縱橫相接乘汽車者益眾而馬車之生意亦更旺歐美諸洲各國皆然人始知汽車馬車之互相為用也

十五日記

海軍衙門於京都藍靛廠鳩工庀材創築鐵路一道七月間告成計長八里由外火器營達健銳營沿路築垣牆以護之 基隆煤礦有圓井方井之分圓井於法人

出使日記 卷四

圭

入寇時業已衝壞方井每日可出煤五六十噸自改歸商辦後商人以方井中石開太多且煤層愈採愈深殊多不便乃於暖暖地方新開一井 臺灣清丈田畝去年一律告竣此後每年可徵田賦銀七十萬兩較舊額溢出四十餘萬兩臺地分省稍可自立

十七日記

緬甸於漢為朱波唐為驃國至元始為邊患世祖成宗征之不克明初立緬甸孟養木邦為宣慰司蠻暮孟密為宣撫司勢力本相敵也厥後諸土司稍稍服屬於緬正統間以麓川思任發遣緬酋歷問以緬酋莽瑞體入

寇兩次用兵連年不解

國朝順治年間吳三桂以兵臨緬李定國走死孟良緬人縛獻桂王然未朝貢也滇邊斜袤四千里處處與緬連界大金沙江即洋人所謂厄勒瓦諦江也由西藏貫緬甸全國入於南海海口富魚鹽緬人載以上行十餘日抵老官屯新街蠻暮驚之而江以西為孟拱土司地出琥珀江以東為孟密有寶井多寶石又波竜山者產銀華人出邊商販及屯聚開礦者常數萬迤東有茂隆廠亦產銀乾隆十年葫蘆酋長以獻遂屬內地然與緬地犬牙相錯十八年廠長吳尚賢思挾緬自重始說緬

出使日記 卷四

圭

入貢貢馴象塗金塔其冬緬酋麻哈祖為白古夷人撤翁所敗擒而沈之江撤翁據阿瓦五年緬屬之木梳頭蠻藉牙起兵攻白古走之遂王緬甸漸以兵脅服諸土司於是東至整欠景邁孟良孟勇西北至蠻暮木邦孟拱均為緬屬西南邊外曠然多事矣滇督劉藻楊應琚皆以失機獲罪傳文忠阿文成諸公屢興師征之不能克也緬雖納貢議和不過羈縻而已後數十年英人先攻奪其傳海南半國之地即今洋圖所謂南緬甸者光緒十一年乘緬王之昏暴及中國因法越事厭兵之際一舉滅之蓋藉藉牙傳國數世已一百二十餘年矣

十八日記

閱王蘭泉侍郎征緬紀略緬人致書求和其書云暹羅國得楞國得懷國白占國一勘國罕紀國結夢國大耳國及金銀寶石廠飛刀飛馬飛人有福好善之王殿下掌事官拜書領兵元帥等語所敘各國雖不盡可攷然緬勢方強各國為緬所脅制概可想見蓋緬酋孟駁於乾隆三十六年攻滅暹羅國王詔氏竄迹他所四十二年暹羅遺民推其遺臣鄭昭為主起兵盡復舊封進侵緬地四十六年航海來貢緬酋孟雲懼不能支乃東徙居蠻得即今所謂莽達拉城也暹羅掣緬甸之肘過其

出使日記

卷四

十一

方張之徵實有功於中國自是列於朝貢之國至今王暹羅者尚屬鄭氏實華種也咸豐年間因道路阻塞貢使遂絕數十年來暹羅宗尚西法與英法諸國交誼頗親國勢尚稱完固蓋東洋諸國力摹西法者日本也南洋諸國力摹西法者暹羅也南洋各邦若緬甸若越南若南掌或亡或弱矣而暹羅竟能自立不失為地球三等之國殆西法有以輔之然則今之立國不能不講西法者亦宇宙之大勢使然也

十九日記

乾隆十八年緬甸始入貢一次厥後國內擾亂而甕藉

牙之兵起吞滅諸部勢益橫雖武臣精卒徵調半天下而緬終不服傳文忠公征緬之役雖與議和退師而貢使終不至迫暹羅與而緬勢稍替五十二年緬酋孟雲畏暹羅之逼也遣官齎金葉表文貢金塔一馴象八寶石金箔檀香大呢象牙漆盒諸物五十四年復具表祝萬壽並請封號願十年一貢請開關禁以通商旅乃封為緬甸國王

賜敕書金印及

御製詩章珍珠手串用示優異由是按期入貢自道光

出使日記

卷四

十二

二十三年入貢後因道路梗塞貢使久停光緒元年又入貢一次十一年冬英國印度派兵襲滅緬甸明年六月總理衙門與英署使歐格訥議約五條第一條內緬甸每屆十年向有派員呈進方物成例英國允由緬甸最大之大臣每屆十年循例舉行所派之員應選緬甸國人當時中外注意專在申明成例惟未計及緬甸應於何年入貢大約須在光緒二十一年矣

二十日記

明萬歷間緬甸諸部并臣木邦木邦蓋在大金沙江之東新街之南蠻暮隴川下崖孟密諸上司獨孟養再破緬而卒併於緬遂



為貝葉書與中國自稱西南金樓白象主與敵者惟南  
掌暹羅景邁古刺諸國

國朝雍正九年景邁求入貢不許景邁者古八百媳婦  
國也居景邁城者為大八百居景線城者為小八百在  
緬甸國東戶十萬明世與緬同為宣慰司中滅於緬旋  
恢復緬偵其貢見御輿兵攻之併地日廣兼有十三路  
南路近海為洞吾古刺似即今之仰光等處北路為孟  
密在大金沙孟養孟拱孟拱在大金東路為木邦孟良  
絕長補短約三千里其孟密之蠻暮新街老官屯為大  
金沙江達阿瓦之道直虎踞關外明桂王舟行入緬之

出使日記 卷四

庚

路也其東木邦孟良在耿馬土司滾龍江南直普洱邊  
外地稍平李定國吳三桂趨阿瓦之路也傅文忠公征  
緬之役初議出九龍江又欲出白小皆不果遂出萬仞  
關由戛鳩而進又議曰元伐緬甸由阿禾阿昔二江進  
兵今其蹟不可攷矣意為大金沙江無疑前聞騰越之  
銀江下通新街南甸之檳榔江流注蠻暮兩江皆在萬  
山中行石礮層布舟楫不可施也余按銀江殆即大盈  
江亦即檳榔江之下游而蠻暮新街本係一地然則兩  
江實一江也

二十一日記

乾隆年間緬甸猖獗之時滇督楊應琚移駐永昌遣軍  
一路駐宛頂進剿木邦一路由鐵壁關進駐新街提督  
駐杉木籠山居中調度而賊勢益橫乃議大舉分兵五  
路進剿東路由孟良及木邦錫箔中路由孟密西路渡  
南大金沙江由孟拱孟養水路從新街下阿瓦議未用  
旋獲罪將軍明瑞之征緬也自宛頂木邦進渡錫箔江  
至象孔糧盡而還又一路兵至虎踞關由孟密至新街  
水路進攻老官屯弗能下傅文忠公之征緬也經略由  
江西戛鳩路阿柱由江東孟密路阿里衮由水路會軍  
進抵老官屯用大礮擊賊賊懼請和乃班師而阿文成

出使日記 卷四

庚

公嘗奏稱蠻暮木邦孟密三土司外始有緬人村落距  
邊已二千餘里偏師不可以深入若出近邊則所殲戮  
者乃野人濮夷無損於緬綜此觀之則滇緬中間之形  
勢大略可觀矣水道提綱曰雲南通緬甸諸夷水路世  
但知有大金沙江可通大舟不知潞江車里一派可通  
擺古瀾滄鎗龜一派可通八百交趾皆可舟可航之水  
此又西南水道之形勢也

二十二日記

騰越為自滇入緬必由之路亦為至西南各土司境總  
匯之區由騰越城南六十里為南甸土司由南甸左行

百十里爲杉木籠山三十里爲蠻隴六十里爲隴川百四十里爲孟卯山南向右行百四十里爲干崖八十里至盞達三十里至太平街三十里至銅壁關由隴川八十里至腊撒而戶撒在其北三十里由腊撒八十里至鐵壁關左行二十里至蠻等七十里至虎踞關一百十里至天馬關又漢龍一關在孟密土司境內亦騰越八關之一也又由隴川西南十程至孟密轉達緬甸由隴川東道十程至木邦轉達景線國又出天馬關三百六十里可至孟密土司又百三十里至尼孤又船行兩日卽至阿瓦此則水陸兼行最便捷之道也又由騰越西

出使日記

卷四

三

行十八程抵孟養境又由干崖四程至盞達蠻哈山十程由蠻暮至孟密二十七程至緬甸

二十三日記

越南北圻江河之源流以山脈爲樞紐北圻諸山皆自雲南發派分南北兩幹橫亙數千里南幹循富良江上游蜿蜒於興化山西壽伯甯平之間直達中圻北幹亦循富良江上游盤繞於宣光太原北甯廣安之間至廣東欽州而止兩幹之分脈在山西興化之境紅江沱江諸水屬南幹太平江洮江諸水屬北幹兩幹同宗三面環抱爲中越天然界限北幹之外山嶺之陰爲諒山高

平二省皆在山脊東北數十里之下若援分水嶺爲界之例則二省當屬中國不應劃歸北圻也

二十四日記

越南南圻水道最多水利最厚尤著者有四一曰湄江一譯作母江卽瀾滄江發源衛藏歷雲南暹羅東埔寨入南圻分爲二支其一南流入海爲後江其一東流入海爲前江前江入海之處又分四水通舟者二淤塞者二而後江一氣貫注寬廣深闊爲暹羅東埔寨市舶必由之路二曰溶奶江發源南圻之東北境西南流匯西貢河南入於海三曰西貢河發源南圻之北境東南流匯溶

出使日記

卷四

三

奶河以入於海今西貢出海要路卽溶奶河也溶奶河與瀾滄江實爲南圻之命脈四曰渭河發源東埔寨東南流入海諸河上游多巖石險灘不利舟楫下游近海之處始無阻隔而支派繁衍洑港紛歧又有運河縱橫其間儼然澤國水田之利甲於南洋惟地勢低窪潮溼蒸熱水土之劣亦甚於他方山嶺之正幹全在中圻此不過旁脈耳故不著稱

二十六日記

總理衙門文開本衙門具奏出使大臣將屆期滿先期請

旨簡放一摺七月二十五日奉

上諭二品頂戴候補翰林院侍讀許景澄著充出使俄國德國奧國和國欽差大臣欽此又奉

上諭二品頂戴江蘇候補道李經方著充出使日本國欽差大臣欽此

二十七日記

倫敦九達之衝有大石表巍然矗立與巴黎石表相同蓋土耳其之埃及總督所贈取來未二十年也當時特造機器浮海運送甚費周折談者謂埃及地氣和暖此石閱三千餘年不磨不泐一存舊觀倫敦地氣常寒入

出使日記 卷四

壬

冬多雪恐不及百年鏤字即須剝削矣

二十八日記

近聞張蔭帥電致海軍衙門已擇定漢陽府之大別山造鍊鐵廠期以二年畢工至大冶之鐵則取之無盡藏云 日本隨員蔣子蕃余在甯波時崇實書院課生也來書云頃著日本東西兩京賦將竣因思劉子政說苑有奉使篇欲於史漢通鑑中採錄奉使專對不辱之才如蘇武鄭眾之使匈奴班超之使鄯善于窋燕梁琛之使存秦魏李順于什門之使涼燕後唐姚坤之使契丹富弼之力爭獻納洪皓張邵朱弁三人之不辱命自漢

而唐而宋元明至

國朝同治光緒以來關涉洋務諸書無不廣輯擬次為行人錄一書俟回甬後再纂述也

二十九日記

張蔭帥來電云大冶鐵礦極旺燐僅萬分之八賀伯生等稱加孟鐵儘可鍊鋼附近與國州即產孟鐵甚旺又云礦石係海麥太德即鐵養其色紅與麥泥太德即吸鐵石之類相和之質內含硫磺一百分之六即一百分之六釐燐光一百分之十二即一百分之十二釐又電云礦鐵每百分計六十三分半燐金每百分計一百分之八非是燐酸

出使日記 卷四

辛

又電云大冶礦詳細攷驗每百分中得鐵六十四分燐百分之八硫磺百分之三紅銅百分之二十七中國熟諸機器者謂可鍊貝色麻鋼 會辦湖北鐵政局徐建寅來信云四月間於大冶之沿江地方名明家灣勘得真煤層蔭帥委員試開六七月間竟得煙煤其質極佳與英國之上等煤足堪匹敵既無硫氣又不夾石質而煤層之厚有三四尺足供應用矣

十月丁酉朔記

洪文卿星使來信云遼金元三史人名地名乾隆年間全經更改欲攷原文須閱語解更有語解亦未載原作

何字者則須閱監本元史如行冥塗諸鉅儒有志搜輯而津筏罕得撰述爲難不料西人所攷有足證明元史者有足補所未及者非西人勝華人也元成宗時宗王合贊令波斯人修輯國史自元帝先世譜牒成吉斯汗初業開基以及西征之師三藩之事悉入紀載其書根依蒙古國史最稱詳覈惟係波斯文字華人所不能譯此外私家著錄多係回文近六十年中西人譯述其書今乃得假途西文裨我掌故始知朔方備乘等書都非可信前月覓得俄人所譯之書皆元太祖始起時事今計尤赤諸王察合台諸王旭烈兀諸王皆爲之補傳此

出使日記

卷四

三

三藩也太祖本紀則爲之補證蒙古氏族則爲之補攷西域之師七年之久則爲補西域上下傳此外地名有攷中土之通泰西實始於元亦有考又紀元事者中土有親征錄元祕史宋孟琪蒙達備錄邱長春西遊記耶律楚材西遊錄皆須一一爲之註釋有志於此欲罷不能須回華後再竭年餘之力甫能脫稿中土於輿地一門長於考古而短於知今詳於中原而略於邊外繪圖測地狃於開方計里之說斷圖爲方萬里之遙便不能合前見俄有中俄界圖精細之至爰於俄館展拓摹譯閱兩年餘而始告成上海所譯四裔編年表等書音既

不合事亦不明蓋與地族類名稱各殊考義釋名大費稽覈也

初二日記

泰晤士報云聖彼得羅堡來函稱俄國擬造西伯利亞鐵路三條一由茲拉托烏斯特在烏拉嶺下起至多木斯克省城二由多木斯克經義爾古德斯科至東海濱省西北之荷哥德斯科城並沿阿比江葉尼賽江勒拿江各要口岸三由薩拜喀勒省譯言跨拜喀爾湖省也別爲至黑龍江譯音阿穆爾並西伯利亞沿海各地以上鐵路係欲開通環春海參崴商務非僅調兵運餉也

出使日記

卷四

三

初三日記

英屬五印度疆圍極廣英官之在印度者有總督一亦稱五印度節度大臣蓋以東印度總督兼轄中西南北四印度也一年中或駐噶爾格達省城或往來各省城不常厥居按噶爾格達即孟加臘之省城孟加臘乃東印度也巡撫一一在麻打拉薩一在孟買副巡撫三一在孟加臘一在印度東北省一在潑及勃總委員四一在阿薩密一在印度中省一在上緬甸一在下緬甸仰

初五日記

緬甸物產棉花頗多次則碧霞私翡翠玉紅藍寶石琥珀其玉石等物雲南廣東售賣較多近年英人據有全緬整頓商務以厄勒瓦諦江爲運貨出入之樞紐賦稅之旺雖不如印度猶勝於新嘉坡等處出口以米爲大宗楠木火油玉石棉花牛皮等次之 越南中南北三圻除南圻爲法地外其餘用人行政理財之權歸越王主持者在北圻不過十之四五在中圻可得十之七八無如中圻地尤磽瘠萬難自立也

初六日記

倫敦惟四月至八月天氣較爲清朗九月以後直至三  
出使日記 卷四

卷四

三

月幾於無日不陰無日不霧雖有時天氣稍晴而日爲煙霧所遮但見紅輪晃漾其光不甚明亮蓋英倫三島四面皆海本多白霧而倫敦五百萬煙戶之煤煙又爲霧所掩不能衝霄直上聚爲黃霧往往白晝晦冥室中皆燃燈火方能觀書寫字冬春尤甚每五日中必有兩三日晝晦者蓋天氣稍冷則人皆擁爐又多五百餘萬人終日夜焚煤之煙非特竈突之煙也大抵倫敦爲地球第一繁盛之區洋房幾無隙地又多三層四層之樓平房之下尙有地室已不啻五六層矣是不啻以一倫敦化爲三四倫敦也所以英之官紳每至夏冬必移居

鄉間一兩月名爲避暑避寒實則欲換吸新氣謂可卻病養身蓋煤炭薰灼之氣與人身臟腑之濁氣惟倫敦爲最盛也此人煙過於稠密之患也

初七日記

新嘉坡領事左秉隆稟稱南洋英屬各地除香港仰光薩拉玉北慕娘納閩文萊暨澳大利亞各埠暫置不論外其歸新嘉坡巡撫統轄者若檳榔嶼麻六甲皆全屬英者也若白蠟石蘭莪芙蓉彭亨皆歸英保護者也柔佛名爲自主之國實陰受英約束者也其距新嘉坡道里柔佛不及一邁麻六甲約一百十邁芙蓉一百六十

出使日記 卷四

卷四

三

邁石蘭莪二百三十邁白蠟三百二十邁檳榔嶼三百八十邁彭亨二百邁各處華民之數新嘉坡約十四萬檳榔嶼及其附近屬地共約十萬麻六甲約三萬白蠟約八萬石蘭莪約十一萬芙蓉彭亨各約二萬柔佛約十萬通共約六十萬人如欲設官統轄宜先與英外部議請以新嘉坡領事爲新嘉坡檳榔嶼麻六甲暨其附近保護諸國之總領事並准其酌派領事或副領事等官大約檳榔嶼麻六甲應作一起辦法白蠟石蘭莪芙蓉應作一起辦法柔佛作一起辦法彭亨新歸英國保護生理尙不甚旺似可從緩檳埠宜派正領事麻埠可

派副領事至白蠟等國半屬英國半屬土酋須兩國允准方能派員該國各有華商一人充當甲必丹既爲華民素所仰望如飭兼充領事或可允從

初八日記

旅順興辦船塢大工丙戌夏秋間由法人德威尼包辦工程計價一百二十萬金現屆四年大工甫竣工料尙稱堅實惟機器房與船澳昆連基址用磚石西門土築成磚石縫中有水沁入尙須設法至其規模宏敞實爲中國陽澳之冠 唐山向有煤礦一所井口在街前深一百六十餘丈井底有極大吸水機器兩副又有入

出使日記

卷四

五

風之機器筒井內上下分四層每層深四五六十丈有東西大街約二里許又分無數小巷出煤之槽洞甚多井內有馬車六七兩及騾馬運煤不息誠中國第一佳礦也 數十年來洋煙貽害於中國最甚邇日印度之人多嗜之者印度產煙之地得其利自應受其害浸至美國日本之人亦或吸之法國之人亦吸之僑居越南東京之法人多嗜洋煙始則猶恐人知今則不復隱諱且其癮更甚於華人每日吸至一兩數錢之多其成越之兵頗多沾染猶自解曰越南水土不佳不得不藉此以辟瘴氣也 土耳其戰船名鴉都羅路者去年奉國

王命駛赴日本贈日皇以寶星因與日本新訂和約也停泊香港時識者見其船身過舊均謂恐遭危險今夏始抵日本秋間在橫濱海面遭風失事沈溺死者五百二十七人遇救者僅六十一人

初九日記

泰晤士報云住居中國之義大利大主教接得義國駐華公使傳諭謂義國教士須遵照中義兩國於西曆一千八百八十年十二月八日所定條規辦理向賴他國指法 官員保護者此次須領義國護照方昭妥協法報頗贊議之且謂各教士仍願法國保護云 法人於越南與雲南通商之水道近尋得一捷徑據稱可由紅河直達附近滇邊之桃架地方此乃通商居中之路海防運貨到滇祇須二十六日較舊路可省十四日英人聞之甚爲著急擬由緬甸築鐵路直達崑崙渡以通滇緬之貨云

出使日記

卷四

五

初十日記

恭逢 慈禧端佑康頤昭豫莊誠壽恭欽獻皇太后萬壽謹率參贊隨員在英館望 闕叩頭行禮 拜發英屬南洋各島擬添設領事官保

護華民一摺香港擬設領事官一片 聞俄國西伯利  
等省鐵路擬分三段建築每段估費須俄銀三萬五千  
萬羅布該戶部擬請政府商借民債

十一日記

中國駐英稅務司金登幹送到光緒十五年通商各關  
貿易總冊計其徵收各項稅鈔二千一百八十二萬三  
千餘兩較之十四年約短銀一百三十四萬四千餘兩  
較之十三年約贏銀一百二十萬二千餘兩內分七項  
計進口正稅三百五十八萬五千八百餘兩出口正稅  
八百二十一萬三千九百餘兩復進口半稅七十九萬

出使日記

卷四

七

四千二百餘兩洋藥稅二百二十八萬三千三百餘兩  
船鈔三十二萬六千四百餘兩內地半稅四十一萬六  
千餘兩洋藥釐金六百八萬五千二百餘兩至洋貨進  
口價值共一萬一千三百二十六萬九千餘兩內除轉  
運出洋之數計洋藥價三千四十四萬四千餘兩棉  
布紗類價三千六百十三萬五千餘兩呢羽絨氈類價  
三百九十七萬五千四百餘兩雜樣布類價十二萬三  
千一百餘兩銅鐵類價六百七十二萬八千三百餘兩  
雜貨類價三千三百四十七萬六千餘兩計共進口貨  
價一萬一千八百八十八萬四千餘兩土貨出洋價值共九

千六百九十四萬七千餘兩內以絲茶二項為大宗紬  
緞次之棉花次之糖紙又次之草帽縲爆竹又次之牛  
羊皮骨毛及皮貨瓷窑器藥材又次之以入抵出此年  
中國之銀應耗去一千三百九十三萬七千餘兩今以  
所徵進口貨稅及洋藥稅釐抵之其數乃無甚出入若  
無洋藥之浸灌則中國之銀固可年多一年而無如此  
貨驟難拒絕也從前中國以絲之出口抵洋布洋紗之  
進口以茶之出口抵洋藥之進口均尚有贏無絀今者  
絲茶貿易日衰以抵紗布洋藥歲各不敷數百萬兩然  
補以所徵洋藥釐金約略足以當之果能多購紡紗織

出使日記

卷四

七

布機器勸導華民廣開風氣暫勿過重土藥稅釐而於  
民之嗜此者徐徐設法禁戒以杜其源再於育蠶繅絲  
種茶製茶之法講求整頓則中國之利源尚不至見奪  
於外洋也他若多購機器教民製造則呢羽絨氈之利  
可漸收也振興礦務則銅鐵之利可漸收也能於腹地  
興造鐵路俾土貨運銷日暢出產日多則一切意計所  
未及者如天津草帽縲等物之利亦可漸收蓋草帽縲  
在三十年前土人視為棄物今乃歲售得銀二百餘萬  
兩此商路通暢之故也又查各關所徵稅鈔釐之總數  
江海關箱穀長江之口又有名為代鎮蕪潯漢等關徵

收之銀故爲最多徵銀至五百六十八萬一千餘兩次  
粵海關徵銀二百三十九萬八千餘兩次江漢關徵銀  
二百一萬三千餘兩次閩海關徵銀一百九十二萬三  
千餘兩次汕頭卽潮海關徵銀一百四十二萬八千餘  
兩次浙海關徵銀一百十五萬五千九百餘兩次九江  
關徵銀一百十二萬八千餘兩次厦門關徵銀一百六  
萬五千餘兩其餘各關則皆在數十萬兩以內而淡水  
打狗兩口則合徵至九十九萬餘兩頗有蒸蒸日上之  
勢粵海關近兩年所徵視舊徵之數加倍而又過之汕  
頭徵數亦倍於舊皆以歸併洋藥釐金覈實徵收之故  
也

出使日記

卷四

五

十二日記

英國三島豪紳富商尤萃於英倫英倫當隋唐之世分  
爲七國互相戰攻唐德宗貞元十六年始併爲一宋高  
宗時攻得阿爾蘭島然蘇格蘭島猶別爲一國與英倫  
各守險要時相侵伐明萬曆三十一年英女主以利撒  
畢一作以將卒大臣問所欲立女主未嫁無子命立前  
王顯理第八女弟之後曰熱斯給一譯作熱斯給方爲  
蘇格蘭君主英人迎以嗣王位由是蘇格蘭遂與英倫  
合爲一國然猶各立議院政教號令不能畫一乾隆年

間始將蘇格蘭議院歸併倫敦由是三島合壹而英日  
以強盛惟阿爾蘭之民墨守天主教與英倫之耶穌教  
不同其地產稍瘠民貧俗悍將弁多出於此腴田多爲  
倫敦紳富之產業土人不過爲其佃戶更多貧苦其流  
徙至美國之舊金山等處者曰埃利士人性喜生事卽  
忌華民之奪其傭工者也

十三日記

上海製造局創造八百磅子新式後膛大礮暨仿造曼  
里夏連珠快槍均已有成或稱是槍駕乎德國毛瑟槍  
美國黎意槍之上其槍靈便堅利開放時不惟無煙而

出使日記

卷四

五

力量能及三十碼之遠穿透二分厚之鋼皮如再能由  
此研求利病造到一律精緻洵佳式也向來造槍所用  
槍筒購自外洋近議添設鍊鋼一廠自捲槍筒卽數十  
磅子之礮筒亦可自捲派洋匠柯尼斯赴阿姆斯特郎  
等廠攷究鍊鋼造礮等事

十四日記

泰西各國近於火車鐵路之外創行電車僅於通都大  
邑試辦不過數里或數十里而已蓋火車行於極冷之  
地必使煤火永無間斷稍一停燒水管等件爲寒氣所  
侵必致崩裂且火車笨重無論有載無載而車之大小



多少不能隨時增減電氣則可相機損益况火車之煤煙灰土尤覺可厭以電行車則清潔無比俄羅斯現於北海一帶修築電車鐵路一條長約一千五百里中分數節每節安生電機器核費每里約三千金是經費多寡與行之遲速火車電車約略相等而清潔穩便則推電車吾恐數十年後各國之鐵路火車又將悉改爲電車也 日本與西洋各國議換舊約外務卿擬有七款添入舊約一日本律例無須盡行商訂二毋庸設立外國臬司三准西人雜居內地四海關收稅倘欲加增須與各國商允方可五不准西人購買地段六添開數口

出使日記

卷四

望

通商七此約以十二年爲期

十六日記

黎蕤齋星使由日本寄到自奈良至紀州之新宮訪徐福墓絕句十二首頗有奇氣攷證亦確奈良卽神武天皇始都之樞原或稱南都其地有飛鳥山蕤齋於此訪徐福墓不得乃附輪遶海而南至新宮得之墓在田壩中央並非高冢止平上三四丈耳有古樹二株爲記父老云福初到時在新宮東北海岸七里許故其地名秦須或言福之子孫多姓秦者或言藤澤驛福岡平一郎係福之後人或言有徐姓在和歌山爲醫士云相傳捕

鯨之法得自徐福故今漁船得鯨必至墓前報賽又日本人或寫福作蒂始知前史稱徐市者乃蒂之譌偶脫草頭耳蓋福蒂本同音也

十七日記

泰晤士報稱英之帕米爾屬土與俄之邊界相距不過三日路程中間僅隔以中國之哈拉庫爾也 大湖 及一游牧族名爲局外之地恐未能久處局外也查英俄交界相近之故由堪殺干歸印度後奪據帕米爾地於是辣時幹大利亞沃土盡爲英人所有惟其東北之利衣都拉礮臺爲中國喀什噶爾兵所戍守近日此處並無一

出使日記

卷四

望

人英人甚願中國之守而勿棄免爲俄人所據也

十八日記

英國駐俄公使報外部云中俄通商向由陸路往來俄人獨獲利益自蘇彝士河開通後中俄商務年年遞減去年俄商由恰克圖運入中國貨價較之二十年前不及三十分之一因洋貨均由海道運入中國故也近來俄商集股經營東邊鐵路意在重興恰克圖貿易以便奪復英人刻下所佔俄商之利益 從前禁煙會英國官紳入會者甚多互捐鉅費不時集議大旨以英爲著名大國不應以此毒物貽害中國致負不義之名因相

約設法挽回勸其國家勉罷斯舉意在不能不休嗣因中英定釐稅併徵之約會紳謂山此以觀中國亦非意在必禁且非英之以兵力欺制中國而強之以必受洋煙也况聞中國自種罌粟日甚一日自是會紳散者大半

十九日記

接英國外部尚書侯爵沙力斯伯里照會云爲照會事照得本爵部堂接准貴大臣西九月二十三日來文內開

中朝欲派領事官駐紮英地等因此事已經英廷細心

出使日記

卷四

聖

審量今本爵部堂極喜告知貴大臣英廷願給文憑與中國所派之領事官如給與外洋各友邦之領事官同樣辦理但間有審量地方情形之處刻下或有不能照給文憑者此須由英廷察看情景定奪辦理相應照會貴大臣請煩查照須至照會者一千八百九十年十一月二十九日自外部衙門發

二十日記

余問馬清臣外部照會所稱間有審量地方情形之處不能照給文憑者是否指香港新金山而言清臣謂專指新金山言之香港已在允許之列余乃照復外部稱

其辦事之公道且告以中國應派之領事官首在香港及新嘉坡附近之地今已選得二員候總理衙門核定此二員者歷練有識持己謹嚴接物和平允堪勝任駐香港者擬調新嘉坡領事左秉隆任之駐新嘉坡者擬派使署二等參贊黃遵憲任之非僅爲新嘉坡一處之領事官並爲檳榔嶼麻六甲及附近各處之總領事官其檳榔嶼各處有應選派副領事者俟審定後再當奉聞越數日外部照會辭已領悉並無異言此事大局遂定矣

出使日記

卷四

聖

出使英法義比四國日記

卷五

光緒十六年庚寅十月二十一日記

旅順口門雙峯對峙曰黃金山曰饒頭山如鎖鑰然  
瑋春前造礮臺因安礮拘緊運用不靈經吉林將軍自  
備經費改修完竣 出使俄德奧和許大臣奏調人員  
曰升允潘鴻春順廣厚林怡游羅臻祿巴克他訥王鎮  
賢沈雲麟岳廷彬陳致遠王元筠金采林藩 出使日  
本李大臣奏調人員曰潘恩榮譚國恩杜介弼羅忠堯  
洪遐昌張桐華伍光建黎汝謙呂增祥沈燮郭銘新孔  
出使日記 卷五

二十二日記

出洋以來所見各口礮臺不下十餘處邇來營構日精  
往往不惜工費甚至有以鐵造臺者然嘗攷其源流權  
其利害則臺式究竟明不如暗高聳不如低平鐵石不  
如三合土按丁爾生中丞疏云礮臺宜建於地險水曲  
敵船必旋轉如之字而後能駛行者之前方能使彼多  
受數礮又可從前面後面爲通行之打若臺設於水路  
徑直之地則敵船瞬息即過豈能礮礮中其要害北洋  
惟大沽口水道最曲大江自鎮江以下惟圖山前水勢

迴環均可建築礮臺焦山四面受敵似不如也造臺之  
法極內一層須用灰牆外牆用三合土厚在二丈以外  
高低則視地勢之低昂與水路之中線護牆必須成交  
角而不可成正角斜至五分之一敵礮若來自可斜拂  
而過其礮位及火藥倉上必設太平蓋以禦自上而下  
之礮子下必設高隔堆以禦橫掃之礮子其最下層之  
地隧加築堅固四面俱通溝外之小礮臺大沙堆亦必  
遙邇照應敵用陸兵闖入尚可側轟橫截然使專用礮  
臺而無木椿水雷浮壩等物阻於前則礮臺亦斷不能  
得力也合肥李傅相疏云水師以船爲用以礮臺爲體

出使日記 卷五

有兵船而無礮臺庇護則兵船之子藥煤水一罄必爲  
敵所奪有池塢廠棧而無前後礮臺亦必爲敵所奪海  
口之臺須格外堅厚上置八寸至十二寸口徑新式長  
筒巨礮下藏子藥小庫內包陸兵外築斜坡凡敵船窺  
口我必有三處礮臺倚角擊之各國臺式皆五角六角  
形其舊式之四角菱花樣者久不用矣張蔣濤制軍疏  
云西式之臺不一或尖或圓或蓋或露或作聯堡子堡  
或陸路當衝作大礮壘可以啟閉往來或水路當衝作  
浮礮臺可以迎頭擊敵此兩式最得力而費太重驟難  
仿造至西人之論礮臺甚備其緊要者約有數端一山

劫嶺曲隱蔽擊敵不宜孤露一臺外須作坦坡不宜壁立一扼要處須有數臺倚角不宜聚礮於一臺一連臺多作犬牙形以便兩臺礮力相接夾擊一臺後不宜背山以免敵彈反擊一臺上不宜多人以免多傷將士一臺上礮堂不宜寬以防炸彈墮落一臺後宜有回擊小礮以防敵襲一臺旁登岸處宜作濠隄伏連響快槍快礮以防敵人舢板登岸一臺成後以礮轟試壞則更造合以上三疏觀之而西人造礮臺之祕要大旨已可概見近年英廠新出地阱礮一種坎地爲臺藏礮於中上施鐵蓋適與地平人伏地中其礮以水機升降見敵船

出使日記

卷五

三

至則升礮擊之既可乘敵於不及覺又使敵有防不勝防之慮而築臺工費可省倍蓰是亦出奇制勝之一術也

二十四日記

攷朝鮮與西洋各國相通之始咸豐十年俄羅斯據烏蘇里地遂與咸鏡道接壤僅隔圖們一江同治五年俄兵艦抵朝鮮之元山等處力請通商九月法水師提督魯日率兵艦入漢江抵漢城礮擊多船毀一礮臺而去十月法艦又抵江華島進陷其城掠銀合十九萬佛郎朝鮮募獵虎手八百名襲之乃遁十一年六月美國水

師提督勞直耳司率二鐵艦抵江華島毀礮臺三座報商船擱淺平安海岸被朝鮮殘害之際也光緒元年日本兵艦測算朝鮮西岸國人礮擊之不克二年春日本曾以兵威朝鮮乃與訂立和約仁川元山釜山諸口通商既而中國勸其與西洋各國立約并允代爲主持派員照料七八兩年英法德美等國陸續往訂和約而俄人亦與立約云

二十五日記

余嘗謂泰西耶穌之教其原蓋出於墨子雖體用不無異同而大旨實最相近偶與趙靜涵談及墨子一書導

出使日記

卷五

四

西學之先者甚多因令檢出數條如第九卷經說下篇光學重學之所自出也第十三卷魯問公輸數篇機器船械之學之所自出也第十五卷旗幟一篇西人舉旗燈以達言語之法之所自出也 又按墨子所云近中則所見大景亦大遠中則所見小景亦小今之作千里鏡顯微鏡者皆不出此言範圍 又檢呂氏春秋似順論云漆淖水淖合兩淖則爲蹇溼之則爲乾金柔錫柔合兩柔則爲剛播之則爲淖此化學之所自出也淮南子主術訓曰衆智所爲則無不成也千人之羣無絕梁萬人之衆無廢功西國各學各事之所以能勝人者率

用此術卽其用人行政之有議院工商諸務之有公司亦合眾智以爲智眾能以爲能所以鮮有敗事也紀論訓云老槐生火久血爲燐此卽西人所言原質化合之理亦化學也說林訓曰蔭不祥之木爲雷電所撲此卽西人避電氣之說也墜形訓云北方有不釋之冰蓋卽今之北冰海云

二十六日記

管子一書以富國強兵爲宗主然其時去三代未遠其言之粹者非盡失先王遺意也余觀泰西各邦治國之法或暗合管子之旨則其擅強盛之勢亦較多管子云

出使日記 卷五

五

量民力則無不成不彊民以其所惡則詐僞不生不欺其民則下親其上西國之設上下議政院頗得此意又云事者生於慮成於務不慮則不生不務則不成西國各學之重專家各業之有公司頗得此意又云兵也者審於地圖徧知天下審御機數兵主之事也有風雨之行故能不遠道里矣有飛鳥之舉故能不險山河矣彼之行軍於水陸者似之又云財蓋天下工蓋天下器蓋天下器成卒選則士知勝矣又云致天下之精材來天下之良工則有戰勝之器矣致材若何五而六之九而十之不可爲數來工若何三倍不遠千里彼之殫力於

船械者似之又云上有丹砂者下有黃金上有慈石者下有銅金上有鉛者下有銀上有赭者下有鐵此山之見榮者也彼之礦學化學所以日獻菁華也又云關者諸侯之險隘也而外財之門戶也明道以重告之虛車勿索徒負勿入以來遠人又云商無廢利民無游日財無砥滯彼之通商惠工所以日臻豐阜也此外指歸相同措施相合者尙未易以一二數豈非開關稍遲天地之氣運有不期然而然者歟若夫一二舊國實已盛而復衰及其他弱小諸國皆不得與於此數又有國勢外疆中乾者亦已流弊潛滋矣

出使日記 卷五

六

二十七日記

莊子一書寓言也亦危言也而與近來泰西之學有相出入者外物篇云木與木相摩則燃金與火相守則流此電學化學之權輿也齊物論篇云一與一爲二二與一爲三自此以往巧歷不能得秋水篇云計四海之在天地之間也不似礬空之在大澤乎計中國之在海內也不似稊米之在太倉乎此天算之學輿地之學之鑑觴也逍遙遊篇云野馬也塵埃也生物之以息相吹也天之蒼蒼其正色邪其遠而無所至極邪其視下也亦若是則已矣今之登輕氣球者彷彿見此景象則陽篇

云有國於蝸之左角者曰觸氏有國於蝸之右角者曰蠻氏相與爭地而戰此與列子所謂焦螟羣飛而集於蠹睫者大旨相符今之窺顯微鏡者彷彿見此景象養生主篇云指窮於爲薪火傳也不知其盡也按羅馬等處教門好蓄古時之火有傳之五六百年而不滅者正卽此意又天運篇云天其運乎地其處乎日月其爭於所乎孰主張是孰綱維是孰居無事推而行是意者其有機緘而不得已邪意者其運轉而不能自止邪此則啟西洋談天之士之先聲矣夫莊子當時著書不過汪洋自恣以適己意而已豈知實驗其事者在後世在異

出使日記

卷五

七

域也然則讀莊子者安得概謂荒唐之辭而忽之

二十九日記

歐洲德法等國水師兵丁卽係水手惟英國水師船中有兵丁有水手蓋以其所操之職不同不能不各專其業所以英之水師尤勝於他國也 中國六畜惟牛馬之用爲最鉅馬以行地牛以耕田也西國之馬於御車乘騎之外並以耕田實兼中國牛馬之用而牛獨無事不過加意牧養待其肥碩而宰之耳蓋與中國之豕豕相同然牛之死也甚苦不殺以刀謂恐其味之不美也每將宰牛有力者以巨鐵椎擊牛之首三四擊而牛始

倒下復連擊之乃死西人養生之具大半恃牛苟非甚貧苦者皆啖牛肉嬰兒始生多飲以牛乳其顏色格外肥白惟極貧者始以人乳哺之豕肉則謂其損人之處甚多食者頗少云

十一月丁卯朔記

昔年各國多用前膛槍其一律改尙後膛至今未二十年也英國先有恩費爾來福兵槍馬槍美國有司不林飛兵槍皆前膛也英國之後膛槍曰士乃得同治年間英人士乃得以前膛兵槍改作今則精兵皆不用矣曰亨利馬梯尼同治九年英人亨利作槍管馬梯尼作機

出使日記

卷五

八

簧厥後軍中一律改用機簧細巧易於損壞美國畢撥的廠及瑞士國仿造甚多售於土耳其各國而美國並不自用彈重藥多透力稍大是其長也機件較繁艱於攜帶是其短也法國之後膛槍曰沙士鉢一譯作薩司浦普法交仗之時法匠沙士鉢以前膛改造始用紙捲子藥繼用銅壳底有小孔皆係刺鍼灼火後改用銅帽撞鍼曰格拉光緒五年法國通行試槍以後改定之式其用法與毛瑟相似而機簧稍異腔徑稍寬用藥稍多德國之後膛槍曰得來斯子藥亦係紙壳槍用刺鍼勝法以後換用毛瑟而得來斯廠又作新式等於毛瑟而機簧稍

簡然軍中未換用也曰毛瑟至今通國精兵用之然平日操演仍用得來斯鍼槍節糜費也美國之後膛槍曰司百林飛有前膛所改者其膛徑大有專造者其膛徑小往時軍中所用以此為多曰林明敦此槍有邊鍼中鍼兩種美國軍營現用中鍼至西班牙法蘭西從前購而未用者不少然皆老式也曰法者士得槍係雙筒一筒置子十三顆一筒施放美國將弁馬上用之而兵丁則不多用曰哈乞開司一譯作喝治基司槍托之內有管能容五子製甚精巧曰黎意能連五響致遠雖稍遜於哈乞開司而穩定不搖則過之俄國之後膛槍曰大

出使日記 卷五

九

來福係前膛改造者其子徑與士乃得相類彈春迤北之兵多用之曰俾爾達嗽一譯作白洛屯同治十一年所換之式俄國精兵用之其法創自美國而槍亦購造於美國者也以上五大國所用之槍權其利弊究以亨利馬梯尼哈乞開司二者為最精之品此外商廠之槍式及各小國之品類名目甚多難以枚舉惟無論何式擇其一而精用之皆可得力萬萬不可夾雜蓋各國用器皆求一律器異則所用之藥彈亦迥然各殊有事之頃藥彈二者須常製常儲若皆一律則頒給各處亦可通有無而備緩急不致因錯雜貽誤有柄鑿不相入之

慮故邇來英槍悉用馬梯尼德川毛瑟美用林明敦不稍歧異也

初二日記

泰西五大國之礮英國用前膛來福大礮烏理治官廠所造也大至一百噸子重一千磅內鋼而外熟鐵其前膛銅礮膛內三稜又有阿姆斯脫耶商廠所造者一曰阿模士莊亦曰阿穆士唐製法與烏理治廠同小礮間用後膛亦阿模士莊所造也此外商廠曰瓦瓦司曰回特活德皆專造鋼礮法國大小礮後膛居多其前膛者有來福六楞鋼礮其後膛者皆係全鋼其承造之官廠

出使日記 卷五

十

曰羅乃爾作盧曰布呵次德國大小礮皆係後膛純鋼克鹿卜商廠所造也亦曰克魯伯環地球之鑄鋼者以此廠為最博洪廠之工料稍次於克鹿卜而大至二十一生脫即不能製矣又有斯邦道官廠葛羅松商廠皆製堅鋼礮美國大礮曰巴勒得曰回得隊得曰布魯曠斯曰德里氏曠皆官廠所造之舊式也並無著名商廠俄國大小礮購之克鹿卜者為最多其餘皆自造老式間以前膛以上五國之礮以英德為最新最精而克鹿卜尤著北洋購備數百尊多用至十餘年並無瑕疵丁雨生中丞云從前礮後開門僅用左右雙劈近則用

整塊圓劈又用藥演放千數百次腹內始加鋼圈鋼底彈則加以鉛壳比膛略大腹有螺旋三十二轉必使彈由腹中相摩相盪宛轉而後出口此漲力所以加大速率所以加快也但無論如何大礮其命中須在一里內外過遠則彈子本體之墜重力與空氣之阻攔力皆足以累之恐攻堅不能有勁矣至美國之格林礮管多放速有同魚貫蟬聯或欲越山越城而擊不能望見之物則用十五寸徑口以上之麼打礮昂其首而用高弧之度自上而下可以炸物焚營此殆揣摩有得之言竊攷用礮之法不外臺礮船礮行營礮三種船礮輕於臺礮

出使日記

卷五

十一

行營礮又輕於船礮臺礮皆以身長擊遠爲貴可於克鹿卜及阿模士莊擇一用之若洋兵陸戰專恃礮隊而槍隊次之以槍禦礮長短懸殊勝負立形故行營礮尤不可緩如克鹿卜車礮之六生脫七生脫半口徑者南北皆宜之八生脫口徑者北方平原以及守營攻壘宜之其機器購之德國葛魯孫廠又有烏拉秋司行營鋼銅礮內用鋼管外用銅套雙層緊束以水力壓擠性純質輕亦可參用其機器購之德國奧國各廠連珠礮則那登飛哈乞開司兩種皆良而哈乞開司加爲二寸徑之礮彈可穿雷艇其用精其機器購之德國力拂

廠又有分截行營各礮分摺合放利於踰山行遠克鹿卜廠有之又有田雞礮製模價廉利於憑城據嶺夾船英德廠皆有之以上各種中國之廠皆可仿造總之大小前後膛各礮外洋諸廠標新領異業已無美不臻然用之亦宜畫一不可夾雜庶免藥彈混淆手法錯亂之患矣

初三日記

總理衙門本日電開光緒十六年十一月初一日內閣奉

上諭各國訂約以來重書通問歲時不絕和好之誼歷

出使日記

卷五

十一

久彌敦駐京各國使臣均能講信修睦聯絡邦交深堪嘉悅上年正二月間疊逢慶典欽奉  
懿旨命總理各國事務衙門設宴款待寰海聯情洵稱盛舉茲朕親裁大政已閱二年在京各國使臣誼應親見允宜仿照同治十二年成案並增定歲見之期以昭優禮所有各國駐京實任署任各使臣著於明年正月由總理各國事務衙門奏請定期親見即於次日在該衙門設宴款待嗣後每歲正月均照此舉行續到使臣按年覲見至國有大慶中外臚歡並著該衙門屆時奏請筵宴用示朝廷修好睦鄰有加無已至意所有應行



禮節著該衙門先期具奏欽此即希照會英法義比外  
部並轉電洪大臣照會俄德奧和崔大臣照會美日秘  
國

初五日記

日本當德川氏之末造俄兵艦駛入大坂入唐太即庫頁島  
英美兵艦又入下田賀浦箱館長崎諸口往來無定舉  
國騷然旋以唐太歸俄而與英美立約修好倭人遂幡  
然改圖創議維新為變法自強之策 邇日俄人注意  
東方大興鐵路限五年成事自提烏門至額爾庫特斯  
克渡拜克爾湖繞黑龍江北岸達烏蘇里至海參崴距

出使日記 卷五

五

俄京森彼得斯堡有二萬八千華里

初六日記

邇來德義等國自行保護教士而法國藉端陵人之箴  
稍衰可以杜其朦混侵權之弊於大局甚有裨益丁亥  
七月總理衙門咨行各省將軍督撫有案茲將咨稿照  
錄如左為咨行事光緒十四年六月二十日准德國巴  
使文稱日昨在貴署面議德國天主教士若領有德國  
欽差公署所發護照其應為保護及應沾利益之處應  
與法國教士領有法國欽差公署所發護照無異等因  
本衙門允其所請於六月三十日照覆在案查德國天

主教士在內地各處傳教游歷住居者若執有德國欽  
差護照自應與法教士領有法使護教者一律看待其  
應為保護及應沾利益之處亦應毫無區別相應咨行  
轉飭地方官查照遵辦毫無厚薄優劣之分可也再前  
據義使照稱該國人民前往內地游歷居住者亦由該  
國自行給照由地方官蓋印如有他國給與義國屬民  
護照視為廢紙等語本衙門亦已准其所請並希轉飭  
一律辦理須至咨者

初八日記

電傳南洋大臣兩江總督曾沅浦宮太保薨於位一年

出使日記 卷五

五

之中老成彫謝如彭雪琴宮保楊厚庵宮保曾劄剛少  
司農皆動望爛然推為

國家柱石沅帥尤以中興偉績坐鎮東南不數月間遠  
皆淪逝愴念時局豈僅私交之慟 九月二十一日已  
刻安徽太平府城東門內火藥局不戒於火猛震一聲  
如天崩地裂居民死者甚眾數里內屋舍蕩然上南門  
夫子廟及府縣署均摧為平地知府吳潮被壓而殞夫  
西洋各國火藥局多在空曠寥廓之區無在城市稠密  
之地者彼赴桓之武員但圖取攜之便不復顧及民生  
豈知貽害如此之鉅哉似宜明設例禁凡各防營之火

藥局不准設在城市違者嚴予處分則造福無涯矣

初十日記

越南之紅河上通蒙自下接北海向來商賈雲集自歸法人管理後征權較重羣商裹足不前運貨者多避而  
出於北海之一塗而北海關稅日以暢旺光緒十一年  
北海關征銀僅八萬二千九百餘兩厥後年旺一年去  
年遂征至三十三萬七千八百餘兩此其明驗也 法  
人賴賽樸即從前開通蘇彝士河者後復糾股集款欲  
開通美洲之巴拿馬海頸耗費不貲迄無成效遂已中  
輟近有美國人集款復於去歲開工擬以六年後歲事

出使日記

卷五

五

計費約須七千萬金未知果能觀厥成否也

十一日記

是日爲長至日謹率參贊隨員等向東南望  
闕叩頭遙賀 比利時國人錫伯乃麟來謁據稱曾爲  
墨西哥海濱領事官僑居墨國已三世九十七年矣所  
購海濱之地共有六千方里計費價二十餘萬英磅內  
有大河十七條居民二千餘家皆係領地承種按畝還  
租而收租者復歲輸國家之賦稅然其地之田畝亦未  
盡墾闢也又稱墨國幅員極廣大於歐洲德奧法意四  
國之地祇以戶口未繁大半未經墾闢而原隰肥衍天

氣溫和可稱樂土其國總統四年一任今總統爲眾心  
所推服已聯任四次去年英商在其境內興造電線鐵  
路等有益之事用金已四千餘萬英磅所以國中工商  
農礦等務不久即可見大旺云

十二日記

有至精之火器無至精之火藥以爲之用則其器猶不  
精也是故外洋各國於造藥之法研之甚詳既求力猛  
且防漲裂蓋有炸藥棉藥餅藥之名體製不同施用亦  
異英廠之礮向用一孔餅藥德之克鹿卜礮向用黑色  
餅藥自杜屯考甫廠創製栗色餅藥而其用益彰創法  
出使日記

卷五

六

之初係本慢燒黑藥究得新理因其炭不全枯其色淡  
於黑藥故以栗色稱之每一藥裏之內緊靠引火處有  
黑色餅藥數塊作引藥譬之魚雷用溼棉花藥中必有  
乾棉藥作引也據德海部及克鹿卜廠歷年試驗栗藥  
與黑藥比較其益有數端一新礮膛加長配藥增重若  
仍用黑藥必逾礮質所受漲力之量非惟來復線路易  
蝕且恐誤事栗藥漲力較小可以保礮一栗藥燒勢先  
緩後速出彈較穩取準獨密一栗藥出煙輕淡易散便  
於測望一栗藥受燃無轟裂之禍收儲較易西國蒐討  
軍實精益求精故德國於新製長礮及舊式二十二倍

口徑以上之礮悉已改用栗藥英國與杜屯好甫廠立約購其祕法設廠自造日本亦與約仿製奧荷義等國亦均用之法國官廠自造栗藥均可爲舍舊圖新之證蓋大礮之用栗藥幾爲各國通行之具矣近來德國製造栗藥諸廠大要漲力求小速率求多而其妙處尤在視礮身長短口徑大小及彈重數目就藥裏輕重推算每一天氣漲力所生重積力恰好送彈出口而又毫不耗費爲能事光緒十二三年北洋議購造法杜屯好甫廠居奇特甚每百敢羅索價三百六七十馬克如購造藥祕法必須購藥價至二百五十萬馬克方肯指授自

出使日記

卷五

七

造海岱邁廠者本與杜廠合爲一家索購栗藥至二百二十五萬馬克可傳祕法又有閩勃來脫廠所製栗藥歷經兵部試驗速率漲力亞於杜廠索價亦廉每百敢羅需價二百五六十馬克但購五十萬馬克之藥即可指授造法矣

十四日記

兵輪商輪形式截然不同凡運貨之商船貨重必置下艙則出洋安穩中層亦全裝貨物無須置礮上層則分置房間謂之客艙船身略短而中寬故食水不深兵船艙而置礮既恐其上重下輕而暗輪宜在水線之下以

避轟擊故船身較長而中狹艙下多壓重物食水較深輪船置貨不若夾板船之多以其所置機器鍋爐煤艙幾古全船三分之一也故商輪宜大不宜小以二十五丈至三十丈外者爲宜又輪船以煤炭爲性命有一種暗輪兵船其輪能起能落遇順風則提起輪葉祇用風帆或於駛輪之外加張風帆以助輪力均省煤炭之一法也

十五日記

行船最畏觸礁不獨鐵甲船爲然鐵甲船隔艙之法在船旁鐵甲之下者所以禦水雷魚雷在首尾無鐵甲處

出使日記

卷五

六

者所以禦礮彈在船底作夾層而隔成多艙者可以免小觸礁之患而仍無救於大觸礁之險也蓋既有夾底隔艙則雖觸礁而成大孔仍可行歸修理不致沈沒若遇驚天之風捲海之濤駛行不慎而致觸礁則全船擊成齏粉雖有隔艙亦無所用然此等風浪究係罕逢之事近聞有一鐵艦由海參崴駛赴北洋觸礙摩拉押山嘴外之石此船本有夾底及隔艙近船首之外層已破其內層亦插入石骨尙能駛入塢修理則隔艙隔底之效也然則此爲外洋造船之要訣而兵輪鐵艦尤不可緩禦礁之法舍此竟無他術矣

十七日記

外洋水師屹然能成一軍者必須有鐵甲船以扼中權有快船以便迎敵有碰船以作衝鋒有蚊船以守海港有運船以接濟餉械有書信船有暗接電線之船以靈通消息有雷艇而行雷可以出奇伏雷可以致勝又必有礮臺以作靠山有島澳以屯全隊有廠塢以修巨艦而後海軍乃無缺陷一旦有事可進可退可戰可守矣蓋鐵艦無碰船快船為輔佐必轉為敵之碰船快船所困是直孤注而已而碰船快船又必得鐵艦數號始足壯聲威而資坐鎮蚊船礮大船小舢淺底平可作守港

出使日記 卷五

九

利器但行駛既緩風浪宜避祇能在海口及沿岸淺水處馳逐接戰難為洋面制敵之具一中礮子即有沈破之患碰船亦有蒙鐵甲者船稍小而甲厚專為衝陷敵船而設謂之鐵甲衝船快船有巡海快船鋼壳快船二種首尾設大礮二尊船前喫水之下暗設衝頭可以碰壞鐵艦每點鐘行四十五里洵稱迅捷總之以上各器凡經營大枝海軍者缺一不可合之則相濟為用離之則獨立無功至西國水師擇地建關其要有六水深不凍往來無阻一也山列屏障可避颶颶二也路連腹地易運糧糧三也近山多石可修船塢四也濱臨大洋便

於操練五也地出海中以扼要害六也兼此六要者其惟北洋之旅順口及威海衛乎

十八日記

南洋各島星羅棋布較之東西洋各邦形勢尤與中國切近華民往來居住或通商或傭工或種植或開礦不下三百餘萬人凡荷蘭所屬之地應專設領事者三處曰蘇門答臘之日裏埠曰噶羅巴曰三寶壠兼轄泗里末等埠日斯巴尼亞屬地一處曰小呂宋法國屬地一處曰西貢英國屬地四處曰香港曰新金山曰緬甸之仰江曰印度之嘎爾格達此外各埠可相機設法或以

出使日記 卷五

十

就近領事兼攝或選殷商為紳董界以副領事之名略給經費統計全局祇須設領事十數員大勢已覺周妥加以略有添派歲費當不過十萬金而中國之隱獲裨益奚止十倍百倍即如新嘉坡一埠設立領事已十三年支領經費未滿十萬金然各省賑捐海防捐所收之款實已倍之而商備十四五萬人其前後攜寄回華者當亦不下一二千萬兩然則保護華民之事願可緩乎

二十日記

西國數目字之源流不外兩種曰羅馬曰阿喇伯羅馬即漢書之大秦古為歐洲一統之國阿喇伯即唐書之

大食厥境東西萬里為回教之祖國兩國強盛之時跨據歐亞阿三洲之地故其所用數目字迄於今皆流傳不替羅馬之法取臘丁二十五字母中之六字以六字分六數曰一也五也十也五十也百也千也羅馬創之凡天主教耶穌教希臘教等國皆用之如書中之章數西歷之年分鐘表日晷之時刻是也阿喇伯之法原於印度漢時天竺國已用之既而流行於其毘連之國迨謨罕默德創興回教所用數目字分東西二式亞洲之回教用東式歐洲之回教用西式至北宋時西式字漸傳於歐洲諸國遂以阿喇伯數目字名之凡回教諸國

出使日記 卷五

三

及數學中咸重之其法與中華算術字碼蓋同類云

二十一日記

今泰西之代數學即所謂借根方法也阿喇伯語謂之阿爾熱巴喇蓋其學亦閱千百年愈研愈精始臻此詣非一時一人之智力所能為也康熙年間其法始入中國梅文穆公一見即悟為古立天元一之法立天元一者九章算術中加少廣章借一算以為隅方程章別正負以為用實已為之嚆矢至宋秦九韶著算學九章始列立天元一之法於大衍術中厥後元郭守敬朱世傑皆屢述之樂城李氏著測圓海鏡始合少廣方程為一

舉立法意而暢言之其加減乘除之例與正負相消之理足以盡奇偶和較之變凡諸法所不能御者皆能御之是中國立天元一之法秦氏肇其端實闡幽微而李氏暢其旨尤為精妙西人借根方法適與相合梅氏於所著赤水遺珍中詳解之並謂阿爾熱巴喇者譯言東來法也中國之攷古者遂謂中法流入西域一變而為謨罕默德之回回術再變而為歐羅巴之新法而西人之明算學者則力辯之謂譯阿爾熱巴喇為東來法者實係譯者之譌且云千餘年前希臘印度等國已傳其法但不必如今日之精耳余謂研精究微之學乃宇宙

出使日記 卷五

三

間公共之理不必辨其孰為傳習然中國之有此法亦既千年矣夫誰謂中國之人才學士不逮西人之智力哉

二十二日記

查舊卷光緒十一年御史趙爾巽奏請將俄人前進書籍檢交同文館繙譯鏤板等語總理衙門覆陳一疏略云道光二十五年俄國君主因肄業換班學生入都繕進其國圖書三百餘種計七百餘冊奉旨交理藩院收存咸豐八年

文宗顯皇帝御筆圈出四十一種皆地輿圖書之書進

呈

乙覽其餘遂移存

方略館同治八年復移存總理衙門書庫茲檢俄文書籍圖說計現存六百八十二本當即傳同文館洋文總教習會同俄文館教習先將書目繕譯旋據總教習丁遵良申稱單內天算地理格物醫學等書或六十年前或百餘年前所載不如新書之詳備且俄書之立論大抵遜於英法故俄人常從各國譯書而各國譯之俄人者其魁等語竊惟西藝新法風氣開自泰西諸國其書已由上海製造局譯出五六十種天津機器局譯出兵

出使日記

卷五

三

陣火器書二十餘種同文館先後譯出各國史略西學諸法近二十種皆新出推勘較密之書俄國偏居北徼風氣較晚且道光中所稱彼土屬部地形與今日開拓形勢迥然不同彼時金山以南機窪浩罕以西呼蘭伯力以東猶未屬彼轄境安得云帖克斯川及塔城北境如能譯出彼圖即可瞭如指掌乎且各國輿地兵陣之學法日改而藝日新如利瑪竇推步之學國朝修明史律歷志用之而後來臺官測算愈捷以後出者為精故知俄人進書事在四十年前其時沿用舊法未必有裨時務應請無庸置議

二十四日記

總理衙門咨開本年七月十八日英使華爾身來署齋到英國君主致賀大婚國書暨自鳴鐘一座當經具摺奏進並照復華使聲明應復國書俟請用御寶後寄交出使大臣親赴外部代遞茲由軍機處領出國書一道咨送祇領仍將領到及齋遞日期咨復備案可也

出使日記

卷五

三

二十五日記

談地球各國之幅員者向以俄國第一英國第二中國第三美國第四巴西第五今則俄國英國之地各皆八百餘萬方里中國與美國之地各皆四百五十餘萬方里巴西之地三百二十五萬方里蓋近十年中英人在阿非利加州多闢新土甚為廣遠故其地驟能與俄國相衡美國亦在亞美利加一洲闢地漸廣故能與中國之地相埒然俄國雖地跨兩洲二三萬里聯為一片而其中多荒曠不毛之土但其居高臨下之形勢為可慮耳英以其本國之英倫三島及五印度最為菁華所萃

其次則澳大利亞一洲墾闢招徠必可漸臻繁盛又其次則美洲之北冰疆及阿洲新闢之土雖地偏五洲然勢極散渙不能不藉輪船電線鐵路以通聲氣若其海道四通商務殷繁水師強盛則固遠出俄國上矣中國神皋沃壤縱橫各萬餘里物產最豐聲教亦最先而戶口之眾尤甲於地球諸國若合內外上下之力精心整頓各國未嘗不心畏之美國雖新造之邦天時地勢與中國略相彷彿其經營富強之業則固不後於英俄巴西則僻處南亞美利加州與祕魯接壤狃榛初闢草昧經營當觀其效於數百年後今固未能齒於上國也

出使日記 卷五

圭

二十六日記

大東公司大總辦本特及其幫辦海司大北公司駐倫敦之總辦尼爾生來謁暢論電務闡發頗為精詳本特年七十餘洋人並推服其才智當電線初行之時僅有陸線間欲設線於海中或斷或蝕往往不能經久本特思得包線之法安線之法漸推漸精漸積漸長乃設海線至數萬里之遠東抵中國日本南抵新金山西抵美國今英人所設海線公司股本共有英金一萬四千萬磅之多而本特皆為其總辦凡英國與南北美洲相通之線共有五公司英人居其二美人居其二法人居其一

一 英國三島及各屬地商務最繁盛之口岸以倫敦為第一埠利文浦為第二埠在英倫葛蘭司戈為第三埠在蘇格蘭香港為第四埠在英倫

二十七日記

接李傅相電開

醇邸二十一薨逝

上期服臣民無服又接總理衙門電開

醇賢親王薨逝林署使奉其國主畫押電音弔唁應照會外部傳

旨致謝余奉此音耗與參贊等酌定禮節擬照會英法

出使日記 卷五

圭

義比四國外部並下牛旗十日從西俗也

二十八日記

近來中國海關每年進口洋藥約有七萬三千餘箱而內地所種之土藥銷售者當加四倍統計每年所銷洋藥土藥當不下三十六萬箱是每日銷一千箱也每箱以百斤計算則一千箱當得一百六十萬兩牽多搭少以每人每日吸煙四錢計之是有四百萬吸煙之人也合十八省男女老幼人口不下四百兆是吸煙者百人而得其一然以余所見有此癮者似斷不止百中之一則或者土藥之銷售尚不止四倍洋藥也然即以洋藥

價值計之每歲出洋之銀三千萬兩以三十年計之則九萬萬兩此九萬萬兩之銀皆一往而不還者宜中國之日趨於貧也吁可不惜哉可不懼哉

二十九日記

拜發保獎期滿人員一摺新嘉坡領事鹽運使銜分省補用知府左秉隆請以道員分省補用並加布政使銜吏部主事承厚請以員外郎補用並加四品銜又附一片陳明擬由倫敦移駐巴黎

十二月丙申朔記

英國新嘉坡附近各島於光緒十一年定其總名曰海

出使日記

卷五

毛

門凡海門所統轄之地曰新嘉坡島曰麻六甲省與城麻六甲即明史滿刺加國也曰丹定斯羣島曰檳榔嶼曰威利司雷省暨其屬部曰科科斯羣島內分二十小島以上各地共有四十二萬三千餘人內有華民十七萬四千三百二十七名其歸海門保護各邦曰白蠟共十一萬人內華民六萬餘曰石蘭莪共四萬六千餘人內華民一萬二萬八千曰松蓋芙蓉共一萬四千餘人內華民一萬此皆五年前之民數也

初二日記

午初余率隨員供事數人至車林克路斯棧乘坐火車

未初一刻至都甫海口坐輪船渡海風靜波平未正二刻至法國之加利海口復坐火車酉初七分至阿明成初至巴黎又換馬車約兩刻至使館先是余在倫敦連日大霧者已兩閱月倫敦數百萬戶燃煤之煙爲霧所罩猝不能散往往白晝晦冥煙氣四塞受之者無不咳嗽余頗不能耐亟欲避去是日亦煙霧蔽塞詎知出倫敦未及十里則旭日晴朗天無纖雲余以數月未覩此景神氣爲之一清比入法境亦覺天高日晶惟氣候較倫敦稍冷云

初四日記

出使日記

卷五

毛

洪文卿星使來函云前接粵電

醇賢親王薨奉

諭悉遵

高宗漢議等因敝館適擬臘月中宴會主國官紳因電詢總理衙門此舉應否停緩并遇西國朝會應否往赴茲准覆電云

上編素十一日百官一切照常西國朝會可往宴賓可緩至臘月初三日後同役海天事從一律用特布達

初六日記

駐紮巴黎之頭等國使凡八國譯查外部今年印冊羅



馬教王公使曰婁得力一作婁土耳其公使曰愛薩巴

沙薩一作愛義大利公使曰伯爵梅那布一作梅奧斯

馬加公使曰伯爵瓦猷一作鳥俄羅斯公使曰男爵莫

恩汗一作摩德意志公使曰伯爵米斯代西班牙公使

曰夏斯底一作加英吉利公使曰伯爵李棟二等公

使除中國外共二十九國曰比利時丹馬波斯曰兜米

尼志略作三曰瑞士曰墨西哥曰尼夏阿格志略作尼

曰羅馬尼亞曰亞勒桑丁志略作拉巴拉他今曰荷蘭

曰希臘曰葡萄牙曰卦得馬拉志略作危曰祕魯曰哥

斯得爾黎加曰暹羅曰日本曰智利曰可倫比亞一作

出使日記 卷五 五

畢曰桑薩爾瓦多耳一作散曰塞爾斐亞曰美利堅曰

玻利非亞曰摩納哥一作穆曰烏拉乖曰委內瑞辣曰

瑞典挪威曰海地一作阿曰巴西三等公使一國曰南

阿非利加民政國代辦公使亦稱四三國曰勝馬里虐

馬一作散曰盧森不爾厄一作呂克曰巴威葉志略作巴

初八日記

總理衙門初六日電開

醇邸薨逝都中循例照常辦事

皇初三日已釋縞素初十初祭十六大祭百官齊集

外洋各使館宜於此兩日酌申哀意祈轉電洪崔一律

初十日記

西洋各國經理學堂醫院監獄街道無不法良意美紳  
有三代以前遺風至其所奉耶穌之教亦頗能以畏天  
克己濟人利物為心不甚背乎聖人之道所設上下議  
院亦合古之刑賞與眾共之之意惟流弊所滋間有一  
二權臣武將覬竊魁柄要結眾心潛設異謀迫令其君  
退位如近日巴西智利之事而數十年前則此等事尤  
多頗如孔子未作春秋以前列邦情勢此其君臣一倫  
稍違聖人之道者也子女年滿二十一歲即謂有自主  
之權婚嫁不請命於父母子既娶婦與父母別居異財

出使日記 卷五 五

甚者不相聞問雖較之中國父子賊恩婦姑勃谿者轉  
覺稍愈然以骨肉至親不啻推遠之若塗人國家定律  
庶民不得相毆子毆父者坐獄三月父毆子者亦坐獄  
三月蓋本乎墨氏愛無差等之義所以舛斃若此此其  
父子一倫稍違聖人之道者也西俗貴女賤男男子在  
道遇見婦女則讓之先行宴會諸禮皆女先於男婦人  
有外遇雖公侯之夫人往往棄其故夫而再醮不以為  
異夫有外遇其妻可鳴官究治正與古者扶陽抑陰之  
義相反女子未嫁每多男友甚或生子不以為嫌所以  
女子頗多終身不嫁者惡其受夫之拘束也此其夫婦

一倫稍違聖人之道者也夫各國當勃興之際一切政教均有可觀獨三綱之訓究遜於中國即洋人亦或推中國為教化最先之邦似未嘗不省悟及此然一時未能遽改者蓋因習俗相沿之故余謂耶穌當西土鴻荒初闢之時啟其教化魄力甚雄然究竟生於絕域其道不免偏駁失之毫釐差以千里不信然歟

十二日記

總理衙門寄到謝英君主致賀

大婚國書已於初一日赴英外部傳

旨致謝并請其轉遞君主矣茲錄存

出使日記

卷五

三

國書底稿云

大清國

大皇帝問

大英國

大君主兼五印度

大后帝好前以朕躬慶典

貴國使臣華爾身恭傳

大君主雅意申賀茲復由

貴國使臣華爾身齋到國書並白鳴鐘一座良工巧製

十二時備致嘉祥吉語遙頒億萬年永膺福祚原刻鐘上祝辭

云日月同明報十二時吉祥如意天地合德慶億萬年富貴壽康接閱之餘莫名欣悅我兩國

國家和好有年益敦睦誼今特派駐劄

貴國大臣薛福成恭齋

國書親遞致謝從此邦交永固共享昇平朕實有厚望

焉光緒十六年九月初九日

十三日記

馬清臣鈔送英君主前年謝賀登位五十年國書底稿

茲譯錄其書云維多利亞奉天承命英吉利愛爾蘭君

主五印度后帝請

出使日記

卷五

三

中國

大皇帝安今接得

大皇帝來函賀我登位五十年之喜並贈物

大皇帝函內友睦之意及慶賀之辭與本處所接別國

君民同式賀函令我極為欣忭曷勝感謝又惠贈珍物

以誌此番盛事見

貴國工藝製造之精美尤深感謝我想此必由於貴使

臣遊

大皇帝之諭辦理得法仰邀

大皇帝之悅豫我趁此機會表我極睦之誼並深祝

大皇帝萬壽無疆洪福齊天神明保佑耶穌降世一千八百八十七年即登位之第五十一年十二月初一日自溫則宮發

十五日記

新嘉坡太唔士日報云荷蘭領事開列華人先爲傭於坡埠而後就鬻於別埠者之總數前年共有十六萬四千餘人去年共約十五萬人所以較少於前年者緣近日荷蘭駐華之領事知會華官准由汕頭裝載華傭直往日裏埠不必如前者到坡之後而始折往也由斯以觀荷蘭南洋各島之不能不招華傭明矣抑聞荷人苛

出使日記 卷五

畫

待華工甚於英法等國華人往往不得其所且迫之入籍所以多去而少還而荷人之不願中國設領事官者亦實由此然領事之設實爲要著儻彼不允我設領事我亦不准彼招工彼斷無不就範之理若但用文牘往商口舌辯論殆無益也

十六日記

科魯蘇廠法國著名之鉅廠也在巴黎東南一千餘里乘汽車行八點鐘可到地居萬山之中有煤井鐵礦法民司內德設大廠於此開煤鍊鐵造成各種機器汽車並代各國造鋼甲鋼鐵廠內工匠共一萬五千名每日

造成之物極多皆由鐵路運出又有山沙孟製造廠較科魯蘇稍小工匠共約萬人所造亦鐵甲大礮並汽車各機器而鍊鋼之法則與科魯蘇相異而更妙巴黎以外沿路稍小之鐵廠煤井不下數十百處工人數百至數千名不等

十七日記

今環中國四面皆有鐵路英由印度北行且踰廓爾喀而抵克什彌爾一路抵西藏外之大吉嶺一路由緬甸之仰江以達阿瓦由阿瓦以達新街已距滇邊不遠矣俄越烏拉嶺造數百里將至塔什干而抵浩罕現復

出使日記 卷五

畫

議興大工經西伯利亞循黑龍江濱東越烏蘇里以通琿春海參崴矣法取越南已探富良江之源經營滇邊通商之路其大道則將由順化河內直接於諒山矣環中國之四境凡有陸路毘連之處將無不汽車電掣鐵軌雲連一旦有事則彼從容而我倉卒彼迅捷而我稽遲彼呼應靈通而我進退隔閡吁其可不早爲之計哉

十九日記

巴黎育盤會教習郎都來謁近來西國經營盤務先以顯微鏡視蠶身之有黑點者卽知其所生之子皆不可用凡蠶子亦可以顯微鏡辨其有用無用各國設有養

蠶學堂講求日益精微即如法國向不產蠶絲近始育蠶數年以來業已增旺五倍耶都研此甚久談之甚精據稱中國數年前寄到蠶子皆已有病此等蠶子約重八兩所出之蠶計可收絲二十五斤現在意法等國揀擇精良其蠶子約重八兩所出之蠶計可收絲七十五斤最多有收至百斤者夫飼蠶桑葉之費育蠶人工之費中西相同而中國收絲僅得西人四分之一者以蠶子未經揀擇也不但此也蠶子之病者不去則次年所出之蠶有病即所產之蠶子亦皆有病一以化百百以化萬恐中國之蠶務日漸衰息數十年後將如印度之

出使日記

卷五

五

歇絕無餘矣欲救其弊莫如每年多寄蠶子到巴黎育蠶會中代為查驗精揀然後寄還分給江浙民家並勸令各購顯微鏡一具華民果能漸自辨別且知其實有明效則互相傳習風氣益開中國蠶務方可保也或謂以中國蠶質加重工本則抽絲必更精良此則可以不必緣中國絲質較輕價亦甚廉惟其價廉故西人皆願購之而銷路益廣若絲質更良則本重而價亦必昂價昂則西人之購者更少而銷路絀矣耶都之言如此實能切中時務又攷法國之立塘一鎮戶口殷富家家以織紉綿緞縐為業與中國之蘇杭相等實為歐洲絲業

舊萃之區歐亞兩洲蠶絲皆先到立塘織成細緞然後售銷各國耶都又稱每歲立塘絲市可銷蠶絲價值七千萬佛郎其五千萬佛郎皆係中國日本之絲二千萬佛郎則意法二國所產之絲意絲得六分之五法絲僅居六分之一云

二十日記

前因柏林醫生寇赫新得療治癆症之法係用金鏽製成藥漿可殺癆蟲且能不使此蟲復生各國皆遣醫官往習其法洪文卿星使來書謂英德兩館宜各派一醫官往學並當派一德文繙譯為之傳話若果得其秘要

出使日記

卷五

五

行之中國從此華人患癆症者均有起死回生之望其意甚美余派醫官趙元益靜涵馳往柏林派繙譯學生王豐鎬省三件之同往並令詳記路程及所見聞以資攷證省三先由德返英由英隨余來法昨將日記送閱茲特撮錄其程途形勢政俗之梗概焉由倫敦之車林克路斯火車棧啟行二十分鐘抵倫敦城內之鉛能斯脫里脫車棧又一點二十五分鐘抵愛虛福特又三十分鐘抵福克斯登又十分鐘抵都甫鎮又二十分鐘抵都甫海口以上所紀之候并停留時在內每處停留不過三四分也登舟行兩點鐘始渡海峽抵法國之加利

海口赴海關查驗行李竣乘德國之寇倫火車行經加利鎮經商大梅車棧經矮材字羅克車棧各停二三分鐘共閱三點鐘至利勒法國大鎮也又行兩點鐘左邊見高山一帶樹影參差詢之知比利時都城伯魯色爾也又行三點五十分鐘抵利雅許此鎮係比國製造槍礮之所亦要地也又五十五分鐘抵維爾威業停二十分鐘又二十分鐘抵德國邊界曰海爾維斯他爾又赴海關查驗行李停二十五分鐘又三十五分鐘抵愛克塞拉沙貝爾又兩點半鐘抵寇倫寇倫爲德國有名之鎮上產香水甲於歐洲此處須換車稍爲停留車棧對

出使日記 卷五

美

面有大教堂名曰杜姆卡先特勒爾歐洲推爲第二教堂高與深均五千三百二十尺能容七千人堂上之尖頂大小共五千云由寇倫開車約行四十五分鐘過來因河上之長橋抵杜就爾對甫鎮又所過之地曰杜愛斯伯來曰澳白好成曰陶脫明曰喊姆曰明度各處稍有停留共閱六點半鐘抵海挪威卽漢諾威故國也是處爲英法各國必由之路亦稱名勝焉又所過之地曰勒爾德曰斯湯特爾又過易北河上之長橋至斯邦道共閱四點半鐘遂抵柏林之弗理特里許斯脫拉賽車棧中國使館在黃大海斯脫拉賽十八號居德京之西

偏斯脫拉賽者譯言街也大約由英至德經行英法比德四國之境約需三十點鐘以內可到併各處停留在內其道里無從查攷若以中國里數計之當在三千里以外矣

二十一日記

德京天氣寒於英法而晴明爽朗令人心曠神怡民情敦厚俗尚勤儉無論貧富每七點鐘必起辦事地瘠故街道闊民貧故日用輕其自強之道有三一舉國皆兵國中風氣視武職爲最榮人人皆願當兵或三年或六年然後改爲他業平時兵額四十萬一旦有事調集新

出使日記 卷五

美

舊兵可得三百萬最多可得五百萬一鐵路六通四關五六日間通國之兵可盡集邊界一餉有專款不必臨渴掘井兵之所至餉卽隨之二十年前法國所償巨款至今存儲未動非若他國籌餉須待議院會議也有此三者所以歐洲各國皆畏之德皇每親自閱兵演礮排隊如臨大敵大將軍毛奇精於輿地之學從前克法有大功者年逾八旬依然矍鑠前相畢士馬克年約七旬近雖退位依然不忘國事夫普魯斯本日耳曼之一國耳三十年來敗丹敗奧敗法遂爲最强之國與英俄相抗衡皆畢相經營之力也畢相綢繆國計專行霸術始

係管商一流人物民雖微怨其征歛之繁而仍推服其智勇之略入其國中有整齊嚴肅方興未艾氣象

二十二日記

克魯伯廠歐洲製造槍礮著名絕大之廠也往觀者由德京禽獸博物院開車約需四點鐘抵海挪威鎮又五十分鐘抵明度又二點鐘抵喊姆又三十分鐘抵陶脫明換慢車開行約兩點零十五分鐘抵愛森廠主之樹林及住宅皆在焉松柏茂密約長里許廠中所用木料皆取諸此愛森一鎮近來因河其南有溫水流入天氣和煦勝於他處此鎮煤礦甚多有四礦屬克魯伯廠每

出使日記

卷五

完

日出煤四千噸足敷廠中之用此外各礦屬他公司者亦不少德國定制無論何礦所出之煤每百抽十以供國家之用廠主住宅周圍數里闕敞可比王宮鎮前後數里皆工人所居亦廠主之房屋先是老克魯伯祇一鐵工耳思得鍊鋼鑄礮之法與同時工作者六人創興此廠是爲克魯伯第一其子爲克魯伯第二工人已有二三萬之多三年前病卒今廠主爲克魯伯第三年約三十以外計各項工人及其室家仰食此廠者共有六七萬人廠主富可敵國德皇亦常莅廠中觀造槍礮焉由愛森乘馬車約行四十五分鐘可抵克魯伯廠一廠

之中分爲子廠者數十百所大抵各事其事不相聞問所以其業能專然地大而廠多非盡一兩月之力不能窮其勝也遊觀者往往限於日期未必能徧閱各所茲姑撮敘其大略凡來觀者先至演礮廠其十二邁當之全鋼後膛小礮長約七八尺裝以鐵座先入彈子後實以火藥約重五六磅後膛門口之鋼以最硬之鋼門之關閉既緊門有小孔卽入引火之銅帽帽背接以銅線遠約二丈以線牽動礮雖小而聲甚大近處必須掩耳是礮放出可抵五百七十六匹之馬力有彈子房大小新舊各式齊備其開花彈兩面分開中實小彈頭有尖

出使日記

卷五

半

銅蓋以螺絲釘旋緊卽合爲一開花礮彈之舊式一變而爲尖式善矣再變而大礮之中實以無數小礮則更善焉礮長二丈餘者彈高二尺餘者羅列不知凡幾彈子房皆玻璃造成四面有鐵管以送暖氣蓋恐彈子遇冷裂壞也有造礮所礮大小不一有琢磨之機器有鑿孔之機器共三十四邁當之礮長二丈圍一抱者已覺笨重而意國前定造一百二十邁當之大礮歐洲推爲巨擘卽本廠亦祇造過此一尊據廠人稱礮之合用究以三十餘邁當者爲最遠可禦敵近可守營運之不甚費力造之輕而易舉所以近來西洋各國銷售頗多若

意國之大礮究嫌呆笨也有鑄鋼板所約六七寸厚四五尺方之鋼板火中取出欲令其薄有鐵機將鋼板滾出滾進兩邊工匠而單鐵絲網腳穿木鞋手持鐵絲帚以水刷之數十次鋼即漸薄又有工人以鐵尺量之適可而止然後移置大鐵錘之下錘用鐵機升降其機四方四人各立一角以手挽其樞紐其機自然升降打下一次聲震如雷五六尺之鋼未幾即薄矣有造鐵路鋼條所內多各國所定之貨車盤大小不一火中取出鋼條長約丈餘用鐵鉗鉗住其鉗亦有機器移東移西任意所嚮即有切鋼之機器雖鋼厚二三寸不啻昆吾刀

出使日記

卷五

聖

切玉如泥焉有鍊鋼所先以鐵在爐鎔化後由溜槽流入鍋爐下有空氣以透之爐內似放爆竹繼放火燄似煙火然每三十分鐘可出鋼六噸云

二十三日記

伏爾鏗德國造船著名之廠也廠在柏林東北濱臨波羅的海由德京乘馬車約行四十五分鐘抵斯塔汀火車棧換火車行約兩點零二十分鐘抵斯塔汀已在波羅的海邊矣又乘馬車行一刻鐘抵廠廠中機器房所造船身中之機器高與屋齊約有丈餘建方德國所定戰船機器也其小件各式機器房有鑿孔之機有琢光

之機有磋磨之機有切斷之機又有造鍋房凡戰船用者其鍋更堅大小不一其鍋周圍鑿孔孔處用銅補之如銅帽釘然有造銅喇叭所船上所用以收風入船內者有造船中木料所如門窗壁架櫥櫃之類有畫圖房專繪各式船樣有造船模式房小戰船一隻礮位水手旗號無不畢肖其價須英金一百餘磅又有德皇遊歷各國之小輪船適在廠修理房艙位置與中國海晏船相似又有新造運貨輪船一日康恩脫一日畢士馬克其行甚速七日可抵紐約又德國所造戰船兩艘甫造船身內外鋼約各厚一寸許

出使日記

卷五

聖

二十四日記

法人斯各賴脫新出真地圖說以緬甸暹羅越南三國謂之中國印度而東埔寨一譯作南掌即老撾各國揮人野人各種亦包在內其地雖非悉屬中國而地勢與中國相連故以別於英屬之五印度也茲撮錄其梗概如左據所攷史事云安南之屬中國始於秦始皇三十年耶穌降生以前印度之佛教亦同時而入迨齊明帝永元二年耶穌降生五百年當時佛教自錫蘭傳至白古下緬甸漸入緬甸暹羅東埔寨又百年即至南掌國蓋安南之佛教本自中國來然未嘗盛行也東埔寨者

古稱真臘國唐德宗貞元十六年西八百年真臘始強大循海以至南掌皆為屬土立國亦最久康熙三十九年西一千七百七十年以後真臘始衰其改國號曰東埔寨或在已衰之後嘉慶年間西一千八百一十年後南境各省皆被安南侵奪即今法屬之下安南也即西貢等六省西面各省亦被暹羅據而有之漸削漸弱至今乃歸法保護矣西人之至中國印度據有其地在近百年間道光四年西一千八百二十四年英人據新嘉坡明年據麻刺甲明年入阿拉岡及台訥蒐力母咸豐二年取白古及下緬甸光緒十一年西一千八百八十五年遂滅緬甸暹羅於康熙年間遣使至法國通好法人自

出使日記

卷五

聖

同治元年奪據下安南三省六年又奪得三省為今西貢等六省光緒十一年越南歸法為屬國

二十五日記

法人圖說所謂中國印度者幅員之廣其約地面二百一十一萬四千啟羅邁當每一千為啟羅邁每二尺有奇為七百九十三尺每一華里邁當每啟羅邁當合中國二千七合法國五百七十八邁當比較法國五十三萬六千四百零八啟羅邁當方里幾大四倍其中大江有五一曰伊拉瓦第江即怒江亦曰大金沙江發源西藏流至布婁莫分為兩派在西曰巴線河在東即伊拉瓦第江至入海處散為汶港無數二曰撒倫江即薩爾溫江發源西藏南流

至緬甸之穆爾門入海三曰湄南江分為兩派一曰湄明一曰湄南過暹羅都城邦勾克一作曼谷或班考克入海四曰眉公江即瀾滄江下流亦曰東埔寨河海國圖志謂之湄南君河西人名之為西貢河發源西藏山西北流至東南水勢盤曲湍流奔駛有時間斷惟江口頗利行船自發源至出滇徼已五千餘里經歷南掌暹羅東埔寨又五千餘里至布農奔之地布農奔一譯作努邦即東埔寨忽作兩岔新江名巴撒克在西舊江名天在東此兩派江流及其餘支河總匯於下安南過西貢入海五曰富良江河即紅河發源雲南境內近為滇越通商要路流至越南山西山西譯音地方分流稍南與他處之水及太平

出使日記

卷五

聖

河之水合焉此其江河之大略也自西北至東南山嶺狹長而聳峻山峽成峪江流其中由此峪往彼峪甚不易過水土亦迥不相同海濱石山巉巖若連若斷而以緬甸之阿拉岡及孟加臘灣尼格來地角數處為最高阿拉岡山高二千一百六十四邁當山以東即伊拉瓦第江此山直至內格來地角包裹西南一帶曰北古山介在伊拉瓦第江及西當江一作白龍江之間高六百邁當日商山馬山一名奔在西當江之東撒倫江之西高三千一百九十四邁當撒倫江之東又有山名大能通志稍南即與商由馬山合併直趨麻刺甲全境支幹紛歧



此其山嶺之大略也地在溫帶氣候與印度相同其山  
樹木多叢茂其地氣和平人煙稠密之處以伊拉瓦第  
江湄南江眉公江富良江下游一帶為勝文教亦最盛  
至於諸山礦苗甚旺如鉛鐵金銀銅錫之屬多產其地  
而以麻刺甲各地產錫為最盛每年所得皆過八百萬  
佛郎緬甸多玉石北圻多煤礦近在阿拉岡山東面尋  
得火油來源已設法開采矣人民約分五種一曰安南  
南掌暹羅緬甸為一類其人略與中國相同惟緬甸西  
境逼近印度故稍與印度人相雜此種人身材稍小膚  
黃髮重眼小而略斜二曰東埔寨為一類頗與印度人

出使日記 卷五

聖

相似三曰野人為一類散處內地無人知之在安南者  
曰莫夷曰冥在緬甸者曰哈肯莫能詳考也四曰麻刺  
甲番人為一類此種蓋內格來人同族然多有與馬來  
人相彷彿者五曰馬來一譯作巫來由人為一類不但  
在麻刺甲一帶即暹緬越南亦有之地產五穀以米為  
大宗尤以緬甸下安南北圻三處為最多此外緬甸產  
茶北圻產棉花製造之物則緬之南境如緬緞毯金  
銀象牙皆有之北圻亦織綉緞仍以鑲嵌油漆器具為  
最精此其民生物產之大略也

二十六日記

暹羅今為自主之國南掌亦歸附之麻刺甲之地有數  
小國亦為自主其餘或為暹羅屬國或為英國屬部茲  
將法人所表地面大小民數多寡摘其大略法之量地  
皆以啟羅見方里數起算緬甸阿拉岡及英屬台訥蒐  
力母六十八萬七千方里七百七十萬人英屬馬尼布  
一萬九千五百方里十二萬五千人愛賽母之東之南  
自主各地六萬五千五百方里二十萬人暹羅七十二  
萬六千八百方里五百七十萬人越南北圻四十三萬  
方里一千八百三十萬人東埔寨十萬方里九十萬人  
麻刺甲自主各地括柔佛彭亨八萬一千五百方里三  
十萬人麻刺甲英屬各地括新嘉坡檳榔嶼等言之三千七千方里  
四十萬人以上惟南掌一國暨法屬南圻六省未著里  
數民數似尙闕而未備余又聞東埔寨實有一百八十  
萬人則法人所表容有未覈者姑誌之以備攷

出使日記 卷五

聖

二十七日記

緬甸北境有要城曰八募在厄勒瓦諦江法音譯作伊  
之東岸大盈江洋音譯作達奔之南二啟羅邁當此係  
緬甸防中國極邊之要鎮商務最盛輪船亦至此而止  
八募城中有一街市中國人呼之曰新街均係滇商收  
買棉花玉石洋貨洋鹽之地八募城名稍有轉音呼曰

蠻暮蠻暮者譯言造瓦器之地也八募之東尚有兩座  
舊城遺址一曰舊八募在大盈江右岸一曰昔之藏波  
能勾佛語呼為張巴那嘎係揮人之舊都為新坡人所  
毀矣自八募至厄勒瓦諱江口多有緬甸古蹟其間有  
四大城曰薩良曰阿瓦曰阿拉馬布拉曰莽達拉法音譯作  
曼德 四城皆緬甸所嘗建都其都莽達拉為最後而都  
阿瓦為最舊自元順帝至正二十四年至  
國朝道光二年有三十五王相繼都此後經野番之亂  
始南遷莽達拉焉

二十九日記

出使日記

卷五

七

地球萬國內治之法不外三端有君主之國有民主之  
國有君民共主之國凡稱皇帝者皆有君主之全權於  
其國者也中國而外有俄德奧土日本五國巴西前亦  
稱皇帝而今改為民主矣美洲各國及歐洲之瑞士與  
法國皆民主之國也其政權全在議院而伯理璽天德  
譯作總統無權焉歐洲之英荷義比西葡丹瑞典諸國君民  
共主之國也其政權亦在議院大約民權十之七八君  
權十之二三君主之勝於伯理璽天德者無幾不過世  
襲君位而已英主在英倫三島稱君主而又稱五印度  
后帝則其君權在印度較重其本國所以仍稱君主者

以數百年來為其民所限制驟難更張也法國前稱皇  
帝而今改為民主始稍安謐夫法國人心好動惡靜固  
多事之國也既為民主其權乃散而不登佳兵黷武之  
風其稍戢乎

三十日記

今天下之製槍則有前門後門單響連響之殊製礮則  
有前膛後膛銅鐵純鋼之異礮臺則有明式暗式泥土  
三合土鐵鑄之分戰艦則有蚊船雷船碰船快船鐵甲  
船之異其餘水雷則伏雷行雷桿雷魚雷體製不窮火  
藥則炸藥棉藥餅藥栗藥新奇疊出研精如此費財如

出使日記

卷五

八

此造物幾無以供其雕鑄然風氣盛開即在此二三十  
年之內而此二三十年中攻守戰爭之事轉少於昔年  
者何也各國皆憚於先發也蓋二三十年以前泰西有  
三大戰一曰英法助土攻俄之戰一曰南北花旗之戰  
一曰普法之戰此三役者或搆兵連年或震動大局而  
拿破侖第一之佳兵好戰動以全國為孤注又無論矣  
近年則如俄土之釁智利祕魯之爭或鄰邦為之勸和  
或構難而即講解故烽塵之警稍靖焉即兵民之禍亦  
稍紓焉大抵昔之籌攻具戰具守具也較易故其視攻  
戰守也亦較輕今之籌攻具戰具守具也較難故其視

攻戰守也亦較重且其費至繁傾數十年之蓄積以僥倖於勝負不可知之數即使偶勝尤覺得不償失智者所不為其術至酷偶一設想猶為之心悸而神驚若一朝逞忿一念喜爭糜爛數百萬生靈之命仁者所不為是故今之時勢善謀國者常以精籌攻戰守具為無形之攻戰守初不必見之實事也竊嘗觀英法俄德美諸大國不憚殫其物力窮年累世聚精會神以求槍之靈礮之猛艦之精臺之堅迨各造乎其極而又無所用之非不用也殆以不用為用也夫地球各國平時互相考校於其槍礮艦臺之孰良孰楛無不確有定評一旦有

出使日記

卷五

果

事則弱者讓於強者強者讓於尤強者殆必至之勢固然之理強者於攻戰守早有把握則雖取千百里之地索千百萬之餉而不難弱者於攻戰守尚無把握則亦割地輸幣而有所不靳且弱國即幸而偶勝而弱固不足以及敵強於是慮大國有再舉之師鄰邦有勒和之議終於棄地受盟如光緒戊寅己卯之間土耳其之於俄羅斯是也是故與其爭勝於境外不如制勝於國中蓋必營度於平時然後能操此無形之具若不得已而用攻戰則已出於下策矣然則居今之世而圖國是雖伊呂復出管葛復生謂可勿致意於槍之靈礮之猛艦之

精臺之堅吾不信也若夫修內政厚民生濬財源厚人才則又籌此數者之本原也

出使日記

卷五

事

出使英法義比四國日記

卷六

光緒十七年辛卯正月丙寅朔記

謹率參贊隨員等向東南望

闕叩頭遙賀元旦 歐美諸洲從古與中國隔絕不通歐洲近數百年來稍稍能通中國其往來通行無阻不過在數十年之內然觀各國設官之意頗有與中國暗合者如英法義比等國辦事亦各分厥部每部設一尙書有內部戶部學部兵部刑部工部藩部等尙書內部即吏部學部即禮部藩部即理藩院也又有外部海部

出使日記

卷六

中國近亦仿照其意已設總理各國事務衙門總理海軍事務衙門矣又戶部之外有農部頗見重農之意外部之外有商部殆猶中國之通商大臣惟在內在外之不同耳印度部尙書軍機處尙書惟英國有之又英法義等國有郵部尙書比國有所謂鐵路驛遞電報部者核其義實即郵部近年各國以此爲要務故特設專官也世襲之爵亦有五等譯者即以公侯伯子男稱之惟俄德等國有君主之全權者五等之上又有王爵王有二等無異親王郡王之分丞相祇有一人往往有以首相而兼一部尙書者或內部或外部或戶部或兵部各

視其時所重而兼之亦與中國相彷彿惟出使一途係屬專門隨員可升參贊或總領事參贊總領事可升公使亦有由外部侍郎及總辦出爲頭二等公使者有由宰相外部尙書出爲頭等公使者有由侯伯等爵簡授頭二等公使者必視其嫻習外務者而用之亦間有以王爵公爵而充參贊隨員者則以其自願借途以資歷練也蓋西人平時多好講求公法揣摩各國形勢故凡出任使事多不至辱命焉

初二日記

中國之字以形生義故有一定之形之義外國之字以

出使日記

卷六

聲傳意故凡字不必以形求亦不能以義求往往有以數音拼作一字者有以數字縮作一音者中國之字分喉舌唇齒牙五音而西人之音又往往在喉舌之間唇牙之間或且多用鼻音儘有西人有此音而中國並無此字者故中西之文不能合一天實限之即有繙譯好手祇能達其大意斷不能逐字逐句一一脗合今試以西人之文書書信交數人繙之則句語無一相同即地名人名之字形亦往往不同但能使大意無甚訛舛而已蓋斷不能強不齊者而使之齊也

初三日記

西洋各國教民之法莫盛於今日凡男女八歲以上不入學堂者罪其父母男固無人不學女亦無人不學即殘疾聾瞽瘖啞之人亦無不有學其貧窮無力及幼孤無父母者皆有義塾以收教之在鄉則有鄉塾至於一郡一省以及國都之內學堂林立有大有中有小自初學以至成材及能研究精微者無不有一定程限文則有仕學院武則有武學院農則有農政院工則有工藝院商則有通商院非僅為士者有學即為兵為工為農為商亦莫不有學其書多曲折該備有讀之十年不能罄其奧者平時所見所聞莫非專門名家之言是以習

出使日記 卷六

三

之而無不成為之而無不精近數十年來學校之盛以德國為尤著而諸大國亦無不競爽德國之兵多出於學校所以戰無不勝推之於士農工賈何獨不然推之於英法俄美等國何獨不然夫觀大局之興廢盛衰必究其所以致此之本原學校之盛有如今日此西洋諸國所以勃興之本原歟

初五日記

地球最大之城市有八其一英京倫敦約五百餘萬人其二法京巴黎約二百七十餘萬人其三美國紐約埠約一百六十餘萬人其四中國京師約一百五十餘萬

人其五日本東京約一百五十餘萬人其六德京柏林約一百四十餘萬人其七美國司嘎哥埠約一百餘萬人其八美國費釐爹露費亞埠即費地里費城約一百餘萬人陝甘電桿現已由西安接至安定再接至蘭州又接至嘉峪關均經竣工 廣東現擬創建鐵路自九龍深水浦起抵深州墟石龍所再至十字坳由此過河越大墩村入番禺地面至牛山礮臺出烏浦至省城外天字碼頭止計長三百六十里此事旋聞停止

初六日記

輿地之學本諸象緯地球渾圓界以三百六十度其南

出使日記 卷六

四

北二點正對天空南北二極起度之處各國皆有中線中國以京師觀象臺為中英國以格林威治一作格林尼敦東四天文臺為中法國以巴黎天文臺為中西距格林威治二度二十四分 由是而東而西每六十洋里為一度故天文臺者測量之樞紐也巴黎跨賽納江上其北有亞拍歲候佛篤壤爾天文臺建焉一譯作四字受而余於昨夕率使館各員往觀馬車約行五十分鐘到臺總辦提督馬宜者曾居中國多年款接頗殷先引觀各國古時儀象次觀五星月彗諸圖次展一巨幅為中國渾天總星列次分野之圖紙色樸舊觀其題識知為元代時物

云次觀法前王路易十四所製大地球一具次觀仿製中國欽天監渾天地平諸儀次至機器觀星房一人運動機器能自啟閉中設大千里鏡觀老人星光明如月次至一機器房四旁安輪亦設千里鏡桿下設風輪機器晝夜旋轉蓋因地球與眾星轉移不息若以有定之鏡窺之未免稍縱即逝此風輪機器能使鏡桿常隨所測之星而轉殆不爽分秒也又陟一百數十級遂登臺巔有圓頂鐵室一大間界以三百六十度於子午圈處中豁一線闊約十度如所窺諸曜有不當隙者僅一人手振機器圓室自能旋轉對準諸曜千里鏡桿長十五

出使日記

卷六

五

通當千道為黃道四千萬分之一十五通當即黃道四三釐二毫九絲六忽此鏡桿之長合中國二尺七寸九分國四丈一尺八寸九分九釐四毫四絲四忽五微造尺八分二釐一毫四絲七忽五微窺天狗星其光熊熊更大於老人星又窺婁星中之大星其光與老人星相等四角四星環繞據西人云此四星者皆行星也常繞婁星之大星而行又窺見白光一片蓋無數小星攢聚而成似即所謂星氣者因其相距過遠故并不見星之形象西人云千萬年後眾星合而為一即又成一大世界矣最後移鏡窺月大於尋常所見者約數十倍光所映處紋如冰裂分出無數塊壘西人謂皆月面上

山影也至於沙磧之痕如大戈壁惜月輪未滿難窺全體耳近來西人測天謂地球亦行星之一其繞日而行者如金木水火土五星及地球及天王海王星皆行星也其有定位而不移動如二十八宿者謂之恆星但見恆星之旋轉不知乃地球之旋轉也惟是恆星之旁亦有行星以其離地過遠人之目力有見有不見耳行星之旁亦更有繞行星而行者如西人近測填星內有八月木星內有四月是也惟火金水三星離日較近尙無所見或本無之或為日光所奪隱而不顯均未可知西人之言天文者如此爰追憶而書之

出使日記

卷六

六

初七日記

地球及諸行星皆為日之吸力所吸引而行月又為地球之吸力所吸引而行實則皆日之吸力所統攝者也西人近窺月中謂萬餘年以前或尙有人物今則有山川而無人物以其已無生氣也蓋既不受天空之生氣則不能生水亦不能生水其中成凹形者皆旱海也無水無火人物不生自然之理

初八日記

地球即一行星行星亦一地球自他星上望吾地球固炳然一星也光從何發借日之光以為光也西人測望

五星謂皆有空中生氣即皆當有人物惟水星離日最近受日之熱較地球多七倍以常理測之星中之水當盡變為氣其熱必更甚焉木星離日較遠受日之光與熱較地球少二十五倍土星離日更遠受日之光與熱較地球少九十倍夫以吾地寒暑適均所以人物蕃昌假使於酷暑之時加熱兩三倍則人物不能存矣嚴寒之時加冷兩三倍則人物不能生矣若如水星之熱土木星之寒人物萬無生存之理或者造物位置此等地球別有妙用則誠非吾地球之人所能揣測矣或又謂土木星中皆別有日照之非吾地球所見之日也存之

出使日記

卷六

七

以備一說

初九日記

或問地球在太空之中四無倚著即云為日之吸力所攝引而以周圍九萬里如此重大之物互古虛懸安能不墜乎日之吸力又安能若是之大乎余據西人之說應之曰今人在地球者習見重物下墜此不過為天之壓力所壓地之吸力所吸耳壓力吸力皆趨重地心地心以外上下四旁六面均平並無偏重之處既無偏重之處則雖推之九十萬里九百萬里之大亦如鴻毛之浮於太空耳况再有日力以攝引之焉得墜

十一日記

阿非利加一洲其地三倍於歐羅巴祇以近赤道之下水土瘴毒人民蠢陋數千年來僅迤北迤東與歐亞兩洲相鄰之地開闢十之一二而其內地則草昧未榛終古不與他國往來雖歐洲之人不知其中為何境蓋欲其啟鴻荒為文明也至不易矣近三十年中歐洲各國籌費遣官分往阿洲境內經營墾闢至今英之轄地十九處共二百四十四萬英方里每英一方里合中國十方里人數約三十九兆法之轄地九處共二百七十八萬英方里人數約二十二兆德之轄地四處共一百萬

出使日記

卷六

八

英方里人數約五兆葡萄牙轄地六處共九十萬英方里人數五兆有奇比利時轄地僅剛果一譯作孔戈一處共八十二萬英方里人數十五兆意大利轄地止紅海南口以西共三十一萬英方里人數五兆有奇西班牙轄地四處共二十四萬英方里人數約四十四萬計阿洲之地為諸國所闢者已有十之七八西人皆云洲內水清土腴氣候和平之地亦甚不乏將來即須通電線造鐵路集公司開商埠大抵除瘴癘沙漠之區無從經理外其餘則生聚教訓日啟菁華不難比亞歐諸洲文物之盛當於數百年後觀之夫西人果操何術以致是哉

彼所以能闢棄壤爲神皋變榛蕪爲繁庶者大要在不惜費不畏難不主故常之見而已

十三日記

近聞西人談及旅順口形勢不及威海衛之扼要將來北洋似應以威海爲戰艦屯泊之區而以旅順爲修船之所較爲合宜又聞大連灣業經銘軍新築礮臺六座堅而且精甲於北洋老龍頭一座當敵船之衝三面臨水填築非易和尙山東礮臺徐家山阜礮臺築土取石亦形艱窘此三臺之精堅尤勝於各臺皆總統銘軍劉軍門盛休之所經營也英法兵艦駛閱各礮臺皆嘖嘖

出使日記

卷六

九

稱之 威海衛距了蘆蛇島六十餘里在雙公灘及深水灣之中水土溫和巨艦出入極便門戶有二雙公灘之東西各一均設影燈以照船艘出入城建於近西山麓而西面門戶尤窄水勢甚深蓋威海在八年前不過漁民耕戶所結茅屋耳今則經營周密商旅輻湊有屯營有操場有水師學堂有巨店廣廈有數日一往返煙臺之輪船有通連內地之電線岸上要隘建臺置礮水面建築鐵碼頭爲兵輪停泊之所各輪寄碇皆在劉公島以其水深風靜雖遇東北風大作無虞也此島亦已度地議築礮臺由威海至煙臺水路一百三十里輪船

行四點鐘陸路乘馬約計點鐘可達

十五日記

德自威廉第一始以普魯斯國王爲日耳曼列邦其主晉號德意志皇帝其先固日耳曼列邦之一也然普早爲日耳曼最大之國地方已二千餘里其幅員不過稍亞於奧斯馬加國而國勢常足與抗衡嘉慶十一年法王拿破侖第一以兵殘滅普國盡取其地盟日耳曼諸小邦於來因河上又與俄皇亞力山德第一相會互約俄稱北帝法稱南帝而普王腓哩特威廉第三以失國之君侍立門外執事維謹俄皇憐之頗爲緩頰拿破侖

出使日記

卷六

十

許稍析故地封之而未踐言也會普王之后攜其子赴拿破侖宮茶會以無立錐之地自訴拿破侖乃僅以一郡地封爲附庸小國普王至先王墓誓曰此仇必報然地既褊小法人復定其兵額不得逾所限之數王行寓兵於民之法募兵如額訓練精勤三年後悉數散去更募更練又三年後復如之其散去之兵酌量給資使之爲農爲商且戒以如有戰事須一召卽至久之則通國皆精兵而法人尙未覺也迨俄皇率諸國之師以伐法普以區區之地出兵至七八萬人俄皇許以如躡拿破侖當盡還普故地普兵每戰必爲先驅精悍無前英人



復出兵攻法法人果廢拿破侖悉返各國侵地而普之舊疆一旦驟復王既卒而腓哩特威廉第四即位又卒而威廉第一即位數十年中皆能勤修國政日益強盛是時畢士馬克優於謀略以一出使隨員屢上條議駁駁嚮用洊擢至首相兼外部尚書沈鷺精敏算無遺策伐丹馬敗之割其膏腴之地伐奧復敗之去其共主之名俾日耳曼諸國悉戴普為盟主於是悉其精銳深入法境而拿破侖第三被擒法人割地輸幣以和普之威名震於地球與英俄相匹敵然則德皇洵古之燕昭王越王句踐一流人也余聞西人謂威廉第一無甚本領

出使日記

卷六

十一

不過賴其所用數人以有大功不知君人者不必自雄其才智惟知人善任而才智乃宏當是之時畢士馬克嫻於外務用掌外部兼為首相毛奇長於治軍用為大將軍樂特精於訓練用掌兵部富列打力查魯士郡王智勇善戰用統大軍祇須能用此數人而霸業基諸此矣然則德皇正不必自用其本領斯所以為絕大本領也

十六日記

地球各國人民之數中國第一英國第二俄國第三中國人數在四萬萬以外大約四倍於英五倍於俄余因

攷二千年來以漢平帝元世祖明神宗為戶口最盛之時漢平帝元始二年民戶一千二百二十三萬有奇口五千九百五十九萬有奇元世祖至元二十七年民戶一千三百十九萬有奇口五千八百八十三萬有奇而山澤溪洞之民不與焉明神宗萬曆六年民戶一千六十二萬有奇口六千六十九萬有奇恭查本朝康熙四十九年民數二千三百三十一萬有奇乾隆五十七年民數三萬七百四十六萬有奇較之康熙年間已增十三倍之多

高宗純皇帝諭旨謂以一人耕種而供十數人之食必

出使日記

卷六

十一

致日形拮据有牧民之責者務當剴切化導俾皆儉樸成風服勤稼穡而盡地利共享昇平之福道光二十八年會計天下民數除臺灣未報外通共四萬二千六百七十三萬餘名口則較之乾隆年間又增一萬一千九百餘萬人矣自粵捻苗回各寇迭起弄兵潢池已皆蕩定今又休養二十餘年戶口漸復舊觀余嘗聞父老談及乾隆中葉之盛其時物產之豐謀生之易較之今日如在天上再追溯康熙初年物產之豐謀生之易則由乾隆年間視之又如在天上焉無他以昔供一人之衣食而今供二十人焉以昔居一人之廬舍而今居二十

人焉即攷之漢元明戶口極盛之時又不啻析一人所用以供七八人之用蓋我

國家

列聖相承德威所暨罔閒內外煦濡涵育澤及羣萌民生不見兵革戶口蕃衍實中國數千年來所未有然生計之艱物力之竭日甚一日蓋利病相倚豐耗相因循環之理也今欲籌補苴之策謂中國地有遺利歟則凡山之坡水之澗暨海中沙田江中洲坵均已墾闢無餘抑謂人有遺力歟則因中國人數眾多所以人工之廉減於外洋十倍竭一人終歲勤動之力往往不能仰事

出使日記

卷六

三

俯畜彼知力難自贖則竟好逸惡勞或流爲遊手爲傭丐爲會匪者所在多有蓋倉廩不實不知禮節衣食不足不知榮辱亦理勢之所必然竊嘗橫覽地球盱衡全局而得補偏救弊之術焉方今美洲初闢地廣人稀招徠遠氓不遺餘力卽如墨西哥巴西兩國疆域之廣合計其建方里數較中國尙有贏無絀而其民數尙不能當中國二十分之一其地多神皋沃壤氣候和平不異中國而土曠未墾勤於招致且無苛待遠人之例立法頗爲公允誠乘此時與彼諸國妥訂條約許其招納華民或傭工或藝植或開礦或經商設立領事官以保護

而約束之並須與訂專條彼既招我華民藉以開荒功成之後當始終優待毋許如美國設法驅逐夫有官保護則遇事理論駁其苛例不至爲遠人所欺有官約束則隨時教督阻其不法不至爲遠人所憎華民在此皆可買田宅長子孫或有數世不忘故土輦運餘財輸之中國者如此則合於古之王者有分土無分民之意且不啻於中國之外又闢一中國之地以居吾民以養吾民也於以張國勢厚民生紓內憂阜財用廣聲氣一舉而五善備焉救時之要莫切於此若夫歐洲人滿之患不亞於中國阿非利加一洲鳩荒未盡闢瘴氣未盡除

出使日記

卷六

四

華民之願往者尙寡美國有驅逐華民之舉祕魯一國及荷蘭西班牙所屬諸島或迫之入籍或拘之爲奴而澳大利亞一洲亦有薄待華民之意自當就其舊有之華民而保護之不必導之前往也

十八日記

李傅相來函云琅威理因要求不遂自行告退現擬託藍博德布勒塞二人係英國水師學堂教習另募會充兵船管駕技精品優者爲總教習至琅威理書謂兵船管駕不應專用閩人近日談時務者多論及此黎召民言閩學生如詞林哂其不類材武也然海軍人材必由學堂造就閩

廠開學堂最早故不得不就中擇用曩者臺灣之平海寇之靖閩將輩出赫耀於時誰謂閩人不可用邪但不應專取之一隅耳沿海七千里何地無才而閩開風氣獨先前二十年之學生積資當爲裨將張孝達力言用北將究未求教練之法不足驟領舟師現在津學堂中多取北產粵學堂亦兼用閩廣前移書沅帥謂南洋選士宜在甯粵各處不必專主用閩異時南北教練有成自無偏重之慮矣

二十日記

總理各國事務衙門來書云英使華爾身來議華民入

出使日記 卷六

五

英籍一節緣閩商蔡得喜住居海澄未經出籍而領事謂其生長新嘉坡已入英籍應照英商納稅廈門道未經允許因此華使來署請定華民入籍章程本處以約章所無拒之嗣蔡得喜案外開亦已通融了結英使亦不再提矣商設領事之議緣近年各島樂華工之賤價而又患其不法旋招旋禁無所依歸我欲合此數十萬之華民約束而保護之舍此別無他計前年本處議復香濤摺請先由切要之小呂宋由使臣與日國熟商該外部始允終宥迄無成議現延律師與小呂宋辯論重收華人身稅之事法屬西貢亦應議及

二十一日記

英使華爾身到總理衙門求定華民入英籍章程謂須分三等一生長中華寄居英境呈請入英籍者二生長英國呈請入英籍者三其祖父即住英境年久其子孫呈請入英籍者此三等入如來中國必先英請領執照到口岸呈英領事請驗知照關道便同英民一樣看待但其住華卻分三樣第一等須立在華限期逾限則仍爲華民歸華管束第二等年限可稍寬逾限不同英亦仍歸華管束第三等居英已一二代則不能立限期緣此等與英民一樣也告以昔年與英前使阿禮國

出使日記 卷六

六

二十二日記

羅馬教王昔時權力最大隱操歐洲各國君主廢立之權自法敗於德撤回保護教王之兵意大里國王遂入據羅馬建爲國都盡奪教王產業防制頗嚴教王惴惴然敢怒而不敢言德國多立新法限制天主教民既而

法國立法亦寓裁抑之意二十年來教王之勢大衰矣近聞德相畢士馬克告退以後德之新法頗行不動德國南境天主教民與國家寢不能相安遂議除去新法漸復舊章而法自茹勒斐禮告退以後限制之法亦稍寬惟意國與教王已成不解之仇一旦歐洲有事教王有遷往他國之意

二十四日記

今歐羅巴一洲有頭等之國五曰英曰俄曰德曰法曰奧二等之國四曰意大里曰荷蘭曰西班牙曰土耳其意國雖在二等駸駸乎有欲列頭等之勢三等之國五

出使日記 卷六

七

曰葡萄牙曰丹馬曰瑞典挪威曰比利時曰瑞士又有土耳其分出之四國曰羅馬尼亞曰布加利亞曰希臘曰塞爾斐亞殆皆四等之國也以上共十八國大小相維強弱相制盟約相聯莫能相併今日歐洲之形勢與昔日之中國相衡其猶春秋戰國之間乎此外尚有日耳曼諸邦均已統屬於德其中一二國尚有調兵遣使之權然要不過四等之國且為德所鈐制矣匈牙利即馬加本係大國今已與奧地利亞併為一國故曰奧斯馬加國云

二十五日記

越南之紅江轉運貨物之民船約有一百六十隻其船可載二百石至四百五十石不等沿途行駛或因避劫而停或至市鎮而泊自河內至雲南邊界之保勝譯音開譯音老譯音通計往返程期須六十日雲南土產與河內洋貨往往淹滯不能速運法報謂宜購辦應用各器俾得行船稍速且用竹椿攔水俾船行船之用至紅江上游頗多險處若能興工修治并令換船二次一在陽培一在大喊急溜處則河內至保勝中汛時七日可達小汛時十三日可至再於起旋處用小火輪拖帶民船以達上游估購各種材料約需洋銀十二萬員必於商務大有裨益

出使日記 卷六

八

二十六日記

拜發緬甸分界通商事宜並擬催英員呈進方物一摺一片香港新嘉坡添設領事總領事官調員充補暨擬刊給關防一摺一片 巴西國政改為民主法美二國已先認之因其皆係民主且巴西曾許以分界利益也惟歐洲君主各國未肯遽認今聞英德二國亦有將認之意

二十七日記

英外部侍郎山特生函約參贊馬格里赴外部晤談據

云蒞蘆檔案或有華文要件屬其代認也余屬馬君如有要件可暫攜至英館交張聽帆錄一清稿見示既而馬君來至巴黎告余曰外部有一匣黃綾包裹重疊皮存室中七十餘年矣但相傳由中國寄來並不知爲何物今敢視之則匣內復以黃綾包裹竹筒筒內有函軸展視則嘉慶二十一年

仁宗睿皇帝賜英吉利國王勅諭也係

清文漢文臘丁文三樣合璧余甚閱鈔稿乃與王益吾祭酒東華續錄所載一字不殊當時英使進抵宮門上已御寶座接待大臣告以須行拜跪禮英使司當冬

出使日記

卷六

先

遂辭以疾召副使亦辭以疾不獲成禮而退停其筵宴賜物斥令回國仍派員護送至廣東登舟其國王表文交使臣齎回但將貢物內地地理圖畫像山水人像收納而

勅諭則隨後由粵海關監督交洋商齎寄倫敦並

賜國王白玉如意一柄翡翠玉朝珠一盤大荷包一對小荷包八箇以示懷柔厥後

仁宗召見廷臣始知英使由通州直至朝房行走一夜白云進見朝服在後尙未趕到便服不能瞻謁而理藩院尙書和世泰等含混具奏以至誤事於是下吏部議

予處分降諭有差自是英之貢使不復航海來庭恭讀勅諭辭義正大洵足折服遠人但昔年風氣未開中西語言文字莫相通曉觀其包裹完好久皮外部蓋英廷固無人能讀者實未嘗敢視也

二十八日記

湖北鐵政局先造貝色麻鋼廠及做鋼路廠兩廠所需鐵料諸塞德廠原估價英金一萬九千六百餘磅不肯再減今在英國斯大福省渾司伯里地方貝丁沙甫阿克司爾滴里公司訂定製造貝色麻鋼廠及拉鋼路廠屋頂一切鑄鐵熟鐵料件底板方墊圓柱扁柱橫樑斜

出使日記

卷六

辛

架撐竿水溜水管螺絲釘帽釘彎紋鐵板等件於五箇月內造成計價英金一萬三千七百三十五磅 又接辦帥電請代定機器傢伙房料因查諦塞德廠清單其鑄鐵房樣子房裝配房打鐵房各種製造修理機器之傢具原價英金八千二百六十三磅又鑄錢房裝配房樣子房汽機房打鐵房修理鍋爐房所用之屋頂料件及彎紋鐵板之頂及玻璃又彎紋鐵板之壁及門原價五千五百磅共計一萬三千七百六十三磅今與諦廠再三約核訂立合同每百磅減去七磅半淨價一萬二千七百三十磅十五仙令六本土五箇月內分二批交

貨蓋有此等機器房則鋼鐵廠內之器設有損壞可自修理添補免得動到洋廠購製實萬不可緩之舉也又接鄉帥電在喜克哈葛里甫廠代訂織布廠救火機器價七百七十五磅送棉花機器價三十磅空中懸行起重機器價三百七十五磅惟小汽機管汽機器添油抽筒抽水機器尙未訂定 駐法二等參贊陳季同緣事撤退調駐俄參贊慶常竊堂代之

二十九日記

法報接華盛頓電報云美國管理牛噉潑沙事務之上議院卿白來派爲駐華公使以繼田貝之任中國政府出使日記 卷六

電告崔大臣知照外部謂白來一譯作布爾前往礙難接收

蓋因其挑唆美民不許華工入境也美民怨華工取值太廉攬奪生計甚於怨華民之敗壞風俗白來迎合眾情創立新例禁絕華工實與條約命意相悖中國之不能接收美使原非創舉昔阿爾丟兒爲美總統時奧國亦曾有其事 總理衙門二十六日來電云各使昨日覲見今日筵讌均如禮希達外部並分電洪許崔大臣知照

二月乙未朔記

前奉出使英法義比四國之

命英法比三國

國書已早遞惟義國羅馬都城夏秋多瘴其國王及外部尙書等皆避在外必俟八月以後陸續回國而余去年馳赴英比已在春夏之交迨九月間與英交涉頗多緊要事件急切不能歇手臘月初旬始抵巴黎既到法館又不能不摒擋館事且與法之官紳酬酢稍示停留入春以後余感冒寒氣咳嗽頗劇不可以風今外感雖去而咳嗽未已然赴義之役不能再緩矣義國即意大利亞國瀛環志略及中外譯音多作意大里而中國案牘及條約往往作義大利故今從之余率英文兼法文

出使日記 卷六

參贊馬格里清臣三等繙譯官吳宗濂挹青學生陳星庚鈞侯武弁王鐸並一隨丁於夜八點十五分鐘乘馬車行半點鐘至里昂一譯作立曠車棧登火輪車凡夜行者可買輜軒臥息之車其票價較頭等坐位稍昂九點鐘開行夜半一點四十三分鐘至提從萬國輿圖作宋秩三點三十九分鐘至馬崑屬法國屬 初二日記

黎明五點五十九分鐘至居祿屬法 六點二十八分鐘至愛來培屬法 九點四十二分鐘至馬達恩屬法 穿法義界之阿爾魄士一譯作亞爾伯 山下午一點五十八分鐘至

丟來萬國輿圖作佐利諾屬義國丕厄蒙納省阿爾魄士山勢盤礴劃分義法二國之界東起奧地利亞橫互瑞士南境袤延三千餘里鐵路蜿蜒於山谷中捲簾四望皆高峯環繞積雪彌漫一白無際盡日穿行山洞頃刻即過者約數十處最後穿一洞長十七啟羅邁當約中國三十三里行二十五分鐘始豁然開則山之北為法之馬達恩義國設關查驗客貨於此洞之南口為義之丟來法國亦設關查驗焉既出南口氣候溫和岡巒互絕瀾鳴湍頗饒佳景六點十分鐘至然恩萬國輿圖作棧諾伐德國譯音此處作折努阿屬義國里沽力阿省為地中海要口閩閩帆檣亞於法之馬賽與亞力山德

出使日記 卷六

五

拿波利兩處均稱義國之大埠焉夜十點五十分鐘至必士即往歲二月十一日輪舟所經之波賽也萬國輿圖作薩屬義國拖士下納省由然恩至此鐵路逼近海岸火車遵海而行距水近處僅咫尺耳

初三日記

晨七點鐘至羅馬義國都城也寓大客棧名基里那耳以義國王宮之名名之也臨納徐亞那耳街街形宏整兩旁多新構巨厦直抵阜尼斯場下午遣馬清臣等赴外部遞照會詢以何日可會晤 羅馬在赤道北四十一度五十四分京師西一百零四度巴黎東十度九分

近地中海之濱城跨泰擺江上聯合七山之址故西人亦謂之七山城在昔周之中葉羅馬經營締造日漸强大至漢而武功文治稱極盛焉歐洲大國此為最古厥後國勢衰亂分為兩國西羅馬仍都於此而東羅馬都於君士但丁峽城西羅馬亡於劉宋之世東羅馬則於前明景泰年開始為土耳其所滅蓋自羅馬衰滅而法英俄德諸國始鼎興焉義國則僅得羅馬一隅之地耳其地之大勢已在歐洲之東觀其人民形狀服式似稍與亞洲相近然羅馬城中環貨之充實闐閭之完麗街道之整潔非但不如英法兩國亦并不如比利時且貧

出使日記 卷六

五

苦之民較多推原其故義之通國方里僅逮奧法等國之半而以地勢扼要四鄰窺伺陸防海防皆不能不加意綢繆養兵較多糜餉斯鉅國債日積償息倍繁所以通籌國用常有竭蹶不遑之勢其國雖沃土然物產豐饒尚不如法講求工藝又不如比人精會計善於經商則更不如英境內并無可開之礦茲其所以稍貧也

初四日記

近數百年來義國全境為法奧及西班牙三國侵割分據羅馬及附近諸邑則屬教王其餘數小國稱王侯者地狹權輕均非自主之國也道光年間義地尚為奧所

轄撒地尼亞一譯作撒丁國王阿爾勃脫一譯作甲伯多修政練兵銳意振興國勢會諸小國起兵拒奧為奧所敗而懼傳位於其子伊曼奴核第二一譯作以馬努利第二用賢相加弗爾除弊修教阜財惠工聲譽踴起既而法主拿破侖第一三助撒敗奧稍復舊地先是嘉慶十九年拿破侖第一之敗也法人棄義大利全地諸國王侯皆得復其故土其王國曰撒地尼亞曰拿波利曰威尼斯曰倫巴多侯國曰多加納曰巴馬摩德拿迨撒王國勢日強嘗進圍羅馬教王出走又盡併拿波利王之地咸豐十一年始自稱義大利王同治七年義國議院公議迎立伊曼奴

出使日記 卷六

核第二為義大利國君主合諸小國為一統分全國為六十八州越二年法兵為普魯斯所敗法人調其護衛教王之軍回國義王遂乘機入羅馬據為都城盡奪教王轄地及其所有產業自是教王之勢大衰僅能主持教務而已光緒四年伊曼奴核第二卒國人甚感慕之其子漢恩培德第一一譯作恆字督即位已十有四年矣午後率同人覓嚮導遊城中觀谷祿宵塢義人音作科魯斯博獸院遺址此院原為羅馬前王尼羅花園之池塘漢明帝時羅馬國王弗司排山一譯作士巴山與猶太國戰勝歸造此院未竣而卒其子地朵一譯作度續成之役俘虜數千人

閱數十年而工竣締造之初使罪人與猛獸格鬪百日獅虎五千頭皆從阿非利加運來獄囚一萬餘皆斃焉亦慘酷之政也自是以博獸為歲例閱四百餘年而始停止院周五百二十七邁當高五十二邁當中為鬪場設銅柵啟閉之鬪場之外有大圍牆形如城堡分上中下三層每層夾以遊廊可容觀者八萬四千人當昔全盛之時金鋪玉砌鏤檻雕楹想稱傑構乃千數百年以來迭遭蹂躪折毀傾圮非止一次今其遺模屹然如故可見古時工程之堅緻材料之閎鉅焉又觀一洩水陰溝蓋一千七百年前所造者至今完固如新深廣皆逾三丈濁水

出使日記 卷六

流行甚駛晝夜不息昔城中沮洳之地頗多積水自營此溝而民不苦卑溼穢氣亦有所潔始少疾病水由一古橋下流出涵洞入泰擺江一名提斐里河江源出阿徧乃因士山義國全境由西北至東南中間橫互之山羅馬城蓋跨其下流云又觀柴諾斯稱特利勿龍牌坊羅馬前王賽浮爾第七所造也坊質純用白石形甚堅壯巴黎城中拿破侖紀功坊亦仿此式坊穿四門四壁舊嵌銅像四十八今俱移以鑄錢矣又觀特來昌撫羅特來昌一作刺壤者前王之名羅馬極盛時之賢主也漢章帝時即位撫羅譯言場也四址長廣中有古時通衢一條然低於現時街道約數



丈蓋似爲泥沙所壅後乃在地下挖出者傍衛存巨厦遺址石柱半斷其後有極長圓柱一座柱紋如螺絲盤旋而上蓋紀功碑也鑿當時戰將形狀於旋螺中計二千五百人石柱之基係白石八塊合爲大方鎔銅釘貫之基上以二十三塊圓石疊而爲柱中鑿石梯亦二十三盤一百八十二級直通至巔巔設大石一方范銅肖特來昌之形手擎地球由甚至銅像頂高四十二邁當有奇厥後銅像被人移去教王乃置散比愛耶穌第一銅像於此云又遊拜西阿高阜羅馬人營花園於此以供遊玩樹木陰翳車行綠天中山高四十二邁當路如

出使日記 卷六

七

之字山頂可俯瞰全城有石柱碑甚長矗立其巔焉

初五日記

遊拜雷特擺而安時拜雷者譯言宮也特者語助辭擺而安時者人姓也法王拿破侖第一娶其女爲后外洋例用倒文猶言某氏宅云爾宅在高阜前爲正廳用五采基塊石砌地徧爲人物形工緻如繪四旁各室列古入石像裸立者半之最後見古王石杆一色如瑪瑙長約一丈深中圓底又列石器大小無數皆得自千餘年巨壙中者又遊邦堆塢古廟其屋渾圓對徑四十二邁當有奇從地至頂亦四十二邁當有奇周圍無窗光從

透頂圓孔而入雨至則地平上有細孔洩之四阿之牆厚五邁當有奇通頂有梯百九十級貼圓屋之外爲門屋棟宇宏敞石柱八皆東方美石長條無斷痕高十二邁當有奇圍四邁當有奇礎與承盤尙不在內承盤之石尤佳艾儒略職方外紀曰意大里亞曾建一大殿圓形寬大壯麗無比圓頂悉用磚石上加鉛版頂之正中鑿空二丈餘以透天光顯其巧妙今觀之乃一一脗合此廟爲羅馬王該撒阿台非一作該撒之墳埃穉里拜所造迄今一千八百餘年屋頂銅樑銅椽或已移往教堂或已鎔鑄大礮然而舊構終存建造之精今猶可溯

出使日記 卷六

七

鋪地用白石砌花紋四圍置神龕八昔祠羣神今俱改奉耶穌矣又遊散比愛大教堂散者譯言聖也比愛者耶穌高弟法語作比愛爾當時耶穌教未盛行爲官民所深惡比愛被殺葬此前明時乃建教堂於上推爲地球各國第一而倫敦教堂稱第二焉職方外紀曰伯多瑯聖人之殿悉用精石製造花素奇巧寬大可容五六萬人今觀此堂硬礮高幾層構巍然頗極營飾之美但未知伯多瑯者即殿名邪抑散比愛之別稱邪堂高四十五邁當有奇南北直長一百八十七邁當兩翼東西橫長一百三十七邁當中闊二十八邁當石像無數各

國奉教之民誦經瞻禮皆有分地其神甫無異僧道也

初六日記

拜會首相兼外部尙書侯爵呂提宜與言五六百年以來常有貴國深通學問之人在中國仕至高官焯著名望者是中義兩國交情實在泰西諸國之先呂提宜謂此足徵中國之善於用人實係倣國榮幸之事至今猶覺增光也復寒暄片時而別又拜會外部侍郎伯爵特爾谷其人雅嫻酬應亦頗諳各國交涉事談論稍久又拜總辦麥爾佛拿未晤 羅馬城內之七山曰蒙克比朵爾曰蒙拜賴戴曰蒙基利那耳今義王宮用其名曰蒙押望

出使日記

卷六

无

丹曰蒙賽利亞曰蒙班西夏曰蒙石因斯高者頂雜泰擺江水面八十八邁當低者離水面四十二邁當又有小山三皆培塿也西人謂山曰蒙艾儒略紀七山中有瑪山或即蒙之轉音歟聞克比朵爾山上有大博物院馳往觀焉院內鉅石像甚夥不暇詳攷曲折登樓四壁碑碣多係臘丁文字琉璃廚十數映列古銅器刀匕權衡鐘臺之屬紺碧盎然又至一所儲歷代錢幣及黃金什物大都皆出於古墳云院之對面爲南銳功綏侯博物院大致相同有千五百年前男女骸骨全具齒髮尙存掩心金扣及指環猶貫於骨上蓋皆貴人也又登一

樓油畫數百幅馬清臣謂均係珍品之不易購者又循泰擺江岸之亞斯底大路至散巴爾教堂散者聖也巴爾一作保羅亦耶穌私淑弟子也當時官民憎而殺之其墓在此教王建大教堂於其上千數百年矣道光三年燬於火各國教民捐貲修復乃益闋麗迄今逾五十年尙未竣工其高廣稍遜於散比愛教堂而華美過之講經堂四柱之石色如瑪瑙基用大方綠玉俄王所贈也兩廊白石圓柱八十大皆數圍柱上五采雲母窗二十檻承盤及礎石皆瑩潔如玉其上頂板塗飾黃金橫樑之上四周繪歷代教王神甫像二千三百六十八人堂

出使日記

卷六

无

後一室藏散巴爾之骨映以玻璃匣引者然燈參拜始啟之中設黃金十字架徧嵌百寶到此者必稍有布施余指問堂下散巴爾之墓尙有棺壙乎答云無有蓋其骸骨已被諸教堂分析供奉矣 羅馬係二千餘年舊國古亦重神祇之祀如所謂日神月神雷神火神海神土神穀神財神和合神詩文神各廟往往多有遺址今或荒廢或改爲天主教堂矣羅馬前王之有功德於民者尙有大廟今亦改爲教堂並聞前王有大墓一區今亦發掘而建教堂於其上蓋耶穌之學墨子愛無差等之學也墨子知養生而不知送死其論喪葬以薄爲道

耶穌之教又加甚焉彼謂朽骨無知棄之斯已矣甚至帝王將相之有功德素為西人所稱頌者不難取其骸骨置之博物院中以供生人之觀玩其墓中古器則備學者之攷證焉且彼日夜所希慕稱之為聖賢者亦不難析其骸骨供人玩覽以便生者之稍得布施然則元代西僧楊璉真伽之事士民無不悽愴而在彼則見慣不驚皆厚於生者薄於死者之一說啟之也究其根源不過見理未真而其教之偏僻一至於此差之毫釐謬以千里豈不信哉耶穌之徒又尊耶穌為天主謂人惟當敬天與天主而已由是則一切諸神可廢也由是則

出使日記 卷六

三

祖宗之祭祀可輟也由是則父母之墳墓可棄也知有耶穌而已矣余觀羅馬神祠盡改為教堂不禁為之瞿然為之愀然焉惟余謂西國天主等教亦已早失耶穌之真傳觀其修造教堂之闕後厚斂教民財殫力瘠實與耶穌崇儉愛人之旨大相刺謬而貴賤老幼虔誠趨赴舉國若狂甚屬無謂蓋西人於措注國政之要及講求一切富強之術具有本末不能不謂之智而獨於奉教一事胡不深思其理也吁何其愚也

初七日記

遊伐底岡教王宮宮在散比愛大教堂之後周圍二百

八十邁當名伐底岡譯言米宮叢聚有廳堂走廊書庫及博物等院天井二十六梯二小梯二百博物院範銅為門右為埃及國博物院正中為希臘十字架廳殿宇廣邃推為泰西第一惟無大門藉散比愛大教堂之長廊以壯觀瞻總門之內有整塊紫肝石所鑿巨棺二外鏤人物形希臘人所造石柱六再進為石器室琢成獅子鱷魚駱駝孔雀之形羅列百數又有銅製龍蝦等物室之對面為石像排立之所其下皆教王墓云石柱之質有紋如紅木花梨者不加雕鏤自成文采又有瑪瑙綠玉者進內一室為物因斯之像西國稱為天神者

出使日記 卷六

三

也中鋪細石為五采人物遊廊外俯瞰一池有銅製三桅船一隻仿古式也又一室置五千年以前木棺十餘具皆由埃及運來者古尸二骸骨尚未化想有藥水之故包裹如舊金勒貼於胸前其餘殉葬石人石獸器皿之屬羅列數千百件又一室懸古字橫條二十七幅皆埃及文也亦自右至左但橫書耳細審埃及文字形模已與中國篆書相近大抵會意象形者為多書庫在宮之左每日啟門三四點鐘任人遊覽有常住肄業者自歷代教王搜羅遺籍歲積月增明萬曆十六年始造書庫聚書至二萬五千六百種凡印板之書二十二萬卷

鈔本尚不在內其書廳長六十九邁當寬十五邁當書  
廚傍壁而立計三萬廚高低尺寸皆一式每廚設門二  
扇內又設鐵絲門二扇可通風以免霉爛各有鎖鑰以  
便啟閉其東方各書之內有阿刺伯書九百種波斯書  
六十五種土耳其書六十四種西里愛書四百五十九  
種愛伯來克書六百零九種愛底亞比愛書七十一種  
賽買里丹書一種鈔本七十九種埃而美尼愛書十三  
種伊培里愛書二種印度書二十四種中國書十種俄  
羅斯書十八種書廚之旁頗列各國所贈教王寶器不  
少希世之珍因未暇細觀茲不具載此宮甚大今日所  
出使日記 卷六

覽僅得十之一二也蓋自耶穌沒後卽有教王今在位  
者曰雷容第十三已爲二百五十八世卽從前各國戰  
爭之時皆以其在方外而不之忌故不甚被兵燹是殆  
積千八百餘年之物力集歐美諸洲各大國之贈獻締  
造經營非一時一人之力宜其規模之闊壯若斯也

初八日記

探西比揚阿非利該古壙西比揚一譯作昔比遜者其姓阿非  
利該者其名羅馬名將也嘗大敗漢尼巴一譯作登尼  
國加爾達嶺之大將嘗之軍名震四境瀛環志略曾記  
屢破羅馬軍名城多陷其事後被人誣盜內庫錢流海島以死不得還葬其墓

時漢高后五年也旋有人歸骨於其故鄉距羅馬稍遠  
此其所自營之壙乃爲妻子家人所葬兼燭入其隧道  
勢頗曲折約有棺十餘皆在四壁中壙盡處舊有大門  
門外有大街之迹從前羅馬七次被火愈填愈高此墓  
沒於土中二千餘年迨乾隆四十五年始掘得之石製  
明器盡移於伐底剛博物院矣去西比揚古壙數十武  
有小阜歷級而上爲加隆排底愛火葬古壙道光十年  
始挖得之其壙穴地甃石爲方形嵌壁累石計有九層  
環作橋形而置儲骨之瓶焉鑄名瓶上每層爲橋形者  
十餘壙有三處一爲前王亞格斯多一作屋達斯脫爲  
出使日記 卷六

元徽四年所葬一卽王之從人所葬一按其碑文爲前  
王該撒地必留新莽七年卽位時之字又探城外散綏  
排底愛叢墓周圍十四啟羅邁當合中國二十有二百  
萬人葬此秉燭歷級而下隧道繚曲縱橫相通其大街  
甚闊闊半爲泥壅行處極窄隧旁各室磚石四甃藻繪  
尙在或皮石棺木棺或僅存白骨教王宮所陳最精緻  
之石槨及古物大都由此掘去石鑿巨獅足跡其大如  
箕可徵當時飾壙之鉅麗余行不及十分之一引導者  
興未稍倦且聞其下尙有第二層第三層其曲折廣遠  
亦與第一層無異更未遑旋繞而下余恐久受陰氣或

致疾病且慮火之將滅也亟尋別道而出經阿比野吳  
大道回寓此道自出城後古墓夾路計長六十中里皆  
帝王將相名人之墓也當羅馬強盛時四征不庭翦滅  
歐亞阿三洲諸大國所獲珍器重寶瓌怪之物不可勝  
計其置之墟墓者十有六七厥後國勢衰微法奧俄英  
土日諸國運去大半其平時所搜得者則教王取之今  
夾道之古墓或剗為平地或稍存遺蹟可慨也

初九日記

谷祿胥鳩博獸院之北有羅馬王尼魯宮尼魯一作  
該撒克老投尼羅該撒其創業之王之姓克老投其所

出使日記 卷六

美

嗣之王之姓尼羅其名也西洋立嗣之法傳子而外或  
立義子或立戚黨名為繼世實早易姓尼羅嗣克老投  
以嗣該撒故兼蒙兩王之姓云尼羅為羅馬著名昏暴  
之主漢明帝永平十一年為臣下所逼自刎而死該撒  
朝由此遂亡後十餘年羅馬王地朵一作第度又焚毀  
作底丟斯尼羅所造金殿用土填塞而建宮於其上並為國民洗  
祓之所二百年前人謂地下有硝磺始掘得尼羅舊殿  
因其久埋土中遺址屹然如故法王拿破侖第一曾令  
軍士搜挖積土頗得珍器古物以去然今塞土尚有未  
全發者而垣墉矗立藻繪精良四壁所畫人物猶隱約

可辨迥非時手所及惟古時屋制並無天井但於每室  
之頂留圓隙以放光明入其中者深邃奧折難辨門戶  
則當時宏麗可想見焉宮之西北有高阜曰愛斯既來  
其地本為尼羅花園今已高於舊址約十丈再北即為  
博獸院云余遊覽既畢復觀散帶底愛爾教堂散集抗  
特賴脫耶教堂陳設均極精麗

初十日記

羅馬兵官有遊歷檀香山而返者述及百年以前檀香  
山各島尚有土人四十萬自華民及歐人美人來者日  
多今土番人口僅存十分之一余謂自古以來地球大

出使日記 卷六

美

勢皆如此矣中國春秋之世有赤狄白狄長狄等族錯  
居中原者甚多今皆絕無此種其餘氏羌戎蠻羯貊之  
類近世亦不少概見又如日本之蝦夷美利駕之紅夷  
始未嘗不致死力爭以決一旦之勝負繼乃漸漸驅入  
山谷險阻之境終則衰耗不振在若有若無之間將謂  
專用兵威斬刈攻擊以殄滅其醜類乎非也且果若此  
則上千造物之和遠激異族之憤必致事變頻生豈能  
若是靜謐哉大抵中國之民皆神明之胄最為貴種而  
歐洲開闢不過稍後於中國亦既英僑迭興且溯歐洲  
人類之始頗有謂由亞入歐者故其人之聰明秀拔足

與中國相頡頏外此無能及者即如南北美洲各國開闢不過二三百餘年今其通國士商兵農類皆英人種也否則西班牙諸國人種也各處土番殆已日即銷耗不獨紅夷而已即有土番稍自樹立能列於士商者必與歐人婚姻數世稍變其種類矣余嘗讀氏族譜竊怪天下姓氏皆出自伏羲神農黃帝之後以謂失之傳會果若此則開闢以來之庶民皆將無後矣今而知事雖不必盡然卻未嘗無此理蓋人之種類貴賤不同若各分畛域則其氣固不相錯雜如中國之苗犛獐獠自生自育於深山之中也儻既錯雜羣居則種之貴者不期蕃昌而自蕃昌種之賤者不期衰耗而自衰耗猶之松柏茂則荆棘日枯禾黍榮則蕪穉日萎自然之理也檀香山自華人西人入居僅百年土人祇存十分之一再閱百年將僅存百分之一矣其日就銷亡之故即土人亦不自知其所以然也中國氏羌戎蠻羯類之類之湮沒無聞大率類此亦有十之一二已漸化為華種人亦無從知其為戎蠻羯類氏羌也由此推之臺灣之生番楚粵黔滇之苗犛獐獠若能永踞其山峒則終古可自生自育萬一與華民錯處其必如檀香山之土番無疑也又推之阿非利加一洲經西人墾闢者十有

出使日記 卷六

美

七八再閱一二百年則歐洲諸國之人必日旺土人必日耗無疑也又推之澳大利亞一洲及南洋各島分屬英荷日三國而農商牧礦之事半賴華民再閱一二百年則西人華人心必日旺土人必日耗無疑也或謂華民被各國之人苛待驅逐久矣其他則又何望答之曰此因經理之無法綏馭之無政也若經理綏馭果得其宜則華民與旺蕃盛之機實尙在西人之上 西人傳言丹國近來於都城之外多築營牆約可屯兵十餘萬人聞已與俄訂立密約倘一旦歐洲各國有事則此地借與俄國屯兵其海峽亦可任俄戰艦往來蓋丹自知弱

出使日記 卷六

美

小已甚恐為他國所滅今借與俄屯兵俄皇即丹王之婿必無惡意且可得其保護之力 閱邸鈔李傅相奏稱已故道員李金墉前經奏派辦理黑龍江漠河金礦事務自光緒十三年五月由墨爾根入山勘道披榛伐木皆自古行跡所未經歷四十餘日開路千九百里始達漠河十四年十二月招集股分設廠開工於向無人煙之地鑿險絕幽規模粗具十五年出金一萬九千餘兩十六年正月至八月出金一萬八千餘兩其初礦丁不耐工作旋集旋逃設法駕馭招回民人二三千悉恃曠務以為生計調練防勇藉壯聲威商販漸興兵民相

習查李金墉首倡義賑實開風氣之先創辦各善舉利賴至今而直東之救災吉林長春之治行尤卓然可傳擬請照軍營立功後積勞病故例從優議卹並將事蹟宣付史館仍准在無錫原籍自行建祠以為絕域勤事者勸

十一日記

遊擺而安時油畫院院為義之巨族擺而安時所建前所遊擺而安時之宅石像各極其妙此則集古今最精之畫其價無在英金五千磅以下者凡珍貴難得之品則值至五六萬磅蓋羅馬為教王所居舊時每造一教

出使日記

卷六

茅

堂不惜巨貲以購名畫故畫手之高者咸集焉為泰西精華所萃昔法王拿破侖第一以兵入羅馬盡取古畫運至巴黎英人既敗法兵勒令送還謂此係天下公共之物非一國所得而私法人頗慕得其副本而羅馬各院之畫幸未毀失今英法習畫已成家者必至羅馬一兩年始臻超詣以其有古本可臨也惟彼所最推重者必畫耶穌與耶穌之母及教門諸人余不甚知其妙雖摹繪各狀務竭精能然究嫌數見不鮮若其尋常所畫山水人物花卉轉為有目所共賞焉中國之有畫亦數千年矣然重意不重形後世所推神品者專以超脫高

澹為宗如倪雲林唐伯虎之用水墨作畫惟其寫意斯稱大雅又如王石谷之山水懽南田之花卉雖著顏色而務取遠神顯真趣亦得於處處者為多西人之油畫專於實處見長舊法尚無出色之處四百餘年前義國人辣飛爾一譯作賴創尋丈尺寸之法務分淺深遠近陰陽凹凸不失分秒始覺層層凌空數十步外望之但見為真山川真人物真樓臺真樹林正側嚮背次第不爽氣象萬千并能繪天日之光雲霞之彩水火之形及卽而諦視之始知油畫一大幅耳此詣為中國畫家所未到實開未闢之門徑院中油畫縱橫大小數十百幅

出使日記

卷六

罕

尤以辣飛爾真蹟為貴男婦數輩到此臨習日日有之前歲英人有以英金七萬磅購得辣君手蹟者頗祕為希世之寶云又有以細石合成山水城郭形者有織人物於綉絹者亦甚工緻又遊邦非利捺愛高阜在桑邦克賴徐亞門外一啟羅邁當山水清幽林壑佳勝為玩覽者所必至焉行經義國人喀拉擺爾提一譯作夏與奧法兩國接仗之所義人立坊以旌其功并名其街曰喀拉擺爾提街而喀君之舊宅亦在焉又經引水高梁亦在高阜上周報王五年羅馬城中苦無泉水迺築石隄如梁橫互十六啟羅邁當合中國三引潑雷南斯

脫之水以注城中漢景帝中五年又造引水隄曰麥西亞其源在低復利及蘇排谷中間水流有九十啟羅邁當之長職方外紀云羅馬造一高粱梁上立溝長六十里接遠山之水如通流之河殆指此梁而言惟艾儒略謂係當時所造者意者此梁壞而復修非一次歟然以二千三百年前之遺蹟至今完固可用其積水處瀑布懸流水聲汨汨亦可謂經久矣石梁之基皆以火山淨石砌成云

十二日記

義國功臣喀拉擺爾提本一船主耳當義大利分裂之

出使日記 卷六

望

時國人不服奧人約束羅馬諸邑亦叛教王喀拉擺爾提倡起民兵遙奉撒地尼亞王號令嘗進圍羅馬走教王又與奧人戰敗之復擊敗法兵撒王昇以大將之名攻逐拿波里國王盡併其地以歸於撒迨通國全定撒王改稱義大利國王入繼大統喀拉擺爾提乃辭官爵歸隱小島躬耕以給衣食義王召之不至賞之亦不受十餘年前病卒義人至今推混壹全國之功必曰喀君而又服其志高識遠不受羈束博物院皆製石像焉下午遊拜雷加爾西尼拜雷譯言宮也加爾西尼者人名前教王之姪也洋法多用倒文猶言加爾西尼之宅

云爾為羅馬著名宏敞之宮列室十餘間懸油畫大小數百幅皆稱珍本宮之右為藏書所創於元初藏書一千三百種計六萬冊出中國書十餘種見示焉又遊勿爾南徐吳室本前教王之別墅後為西班牙公爵禮拜兩大所得四壁繪畫皆云出辣飛爾之手鋪設宏麗錦幕四遮亦遊人玩憩之所也

十三日記

己丑之冬余在上海行館或云義國拿波里城有中華書院昔年

聖祖仁皇帝遣華人往習西學特籌巨款為置產業以

出使日記 卷六

望

供負笈者之用費近年義王奪教王權利并將書院公產入官此事應與義國外部理論余深以為然及抵使館查閱接管案卷劉前大臣任內中華書院學長郭棟臣等數人稟稱康熙年間義國教士馬國賢以善繪油畫馳名居中國京都十有三年供奉內廷頒賜大緞馬匹等物並發路引許攜華生五名航海西歸雍正二年抵拿波里城捐貲構造中華書院後得教門善士捐輸院業漸豐定例可留中國生徒二十名土耳其希臘共十二名近二十年來義國朝廷派學政二員會同教士二人經理書院漸欲侵蝕院產本



院教士控之上下各衙門經刑司秉公判斷該學官延抗不遵自繕新例五條謂中華書院宜改名亞州學館或改爲東方學館作爲義人學習東土方言並有益通商之事因議政院意見不同尙未了結擬請據情照會義國外務大臣轉咨議政院首相查照和約悉遵舊章辦理等語余詢法館參贊等劉前大臣何未核辦據云以其牽涉教士未便措辭也此次行抵羅馬余卽遣馬清臣赴教王之外部詳詢顛末始知書院擴充經久實由教門仗助鉅款所致而其所招中國學生專以習天主教爲本業其於格致星算之學不過兼涉昨聞議院

出使日記 卷六

聖

已定議將院產入官不能再改今日郭棟臣由拿波里來謁則其髮種種已改西洋教士服矣據稱馬國賢初造書院時僅集貲三萬佛郎約合銀五千兩大抵在中國所積存者厥後自教王以下迭有所輸院產之本至值二百萬佛郎每年入款約十二萬佛郎用款約五萬佛郎每一華生在院肄業歲給千二百佛郎皆由教王所屬官員致書中國各省主教招致資送余詢棟臣蹤迹據稱湖北潛江縣人先在此肄業十二年回華傳教十三年今再來爲學長又四年矣余問中國人入天主教者其有幾何據稱共有五十萬人江蘇四川兩省最多各有

十萬左右湖北一省約有二萬三千人蓋自雍正年間驅禁以後咸豐十年與各國立約復許傳教迄今僅三十年所以止有此數也余籌思再四書院之產實係教門之產既非中國所籌欲與理論較無把柄且義國之封尊教產通行既久實爲彼大局所關繫計議早定豈能驟改卽令保護此書院亦祇爲中國歲增教民數人無裨實政然既有華人在此環求保護不可無以稍慰其心遂爲繕牘照會外部允爲設法清理焉

十四日記

出使日記 卷六

聖

邁當距海面五十二邁當周圍一千八百邁當古時王宮多在其上余往觀其遺址有亞古司朵卽該撒阿台始稱帝者國人上尊號曰亞古司朵一作奧非係羅馬之古士都譯言帝也立於漢元帝初元三年宮百餘年前法人始發掘得之法王拿破侖第一使精識古蹟者督工開墾歷代舊物攘剔殆盡宮爲樓二層僅存牆腳有無數名畫文石尙見規模之闕敞左有植米尼西愛場爲觀軍士演習超距之所四周門樓石柱尙有存者又有賽浮爾第七立於漢獻帝興平元年宮舊址絕大長廊尙完好又有地必留立於新莽七年宮階砌井闌尙存進歷石梯六級有方廳尙完整五采小石砌地牆上藻飾精美山上

古宮此其僅存者矣又有該撒克力古耳立於漢光武

帝建武十三年宮臘丁史家稱其最極華美石像皆取於希臘廟中

今惟飯廳石梯猶存又有大米山立於漢章帝宮珍物

盡移至物而南時博物院惟存頽垣斷柱又有尼羅宮

基構最大全山不敷居住直通至愛斯既來高阜亦與

初九日所遊之尼羅宮本合為一蓋包谷祿胥鳩搏獸

院於其中也全宮占地約十四中國里今其屋址皆在

地下而地上則大半建造民房且有教王於其宮頂築

土栽樹今成大林矣至賽浮爾第七宮地上四層地下

七層共有十一層之多非其本在地下也年代久遠為

出使日記 卷六

積土所壅也又有壽比堆需廢廟未克朵之戰勝廢廟其

餘名人古蹟甚多而羅馬第一王羅慕路一作六所築

舊城造於周平王十八年尚有遺址在山之西隅古有三門今尚

可認其二一名羅馬那一名慕谷尼亞

十五日記

今泰西諸國文字往往以羅馬臘丁文字為宗一切格

致之學未嘗不溯源羅馬蓋羅馬為歐洲大一統之國

昔時英法德奧皆其屬地制度文物濫觴有素勢所必

然然羅馬文明之啟肇於希臘以其初英辟名臣大半

自希臘來也當希臘開國之始政教之源取法埃及則

埃及文字又為其鼻祖焉嘗攷埃及創國於上古而制

作在唐虞之世希臘創國於唐虞而制作在夏商之世

羅馬創國於成周而制作在兩漢之世彼皆數千年舊

國其間賢智挺生創垂久遠良非偶然夫以埃及之學

與希臘校則埃及為樸略矣以希臘之學與羅馬校則

希臘亦樸略矣以羅馬之學與今英法德美諸國校則

諸國於近百年內迭啟神奇闢造化之靈機擴宇宙之

妙用其勝於羅馬之學者又奚翅十倍譬之造七級浮

圖後來者因前人基址愈積愈高亦自然之理勢然由

英法德美諸國而溯羅馬溯希臘溯埃及其根源有不

出使日記 卷六

可沒者猶之觀水者見黃河下流之浩淼不能謂其非

導源星宿海也埃及在阿非利加洲之北境希臘在歐

羅巴洲東境當時疆域兼涉亞細亞洲之西境羅馬兼

跨亞歐阿三洲之境則諸國學術之由東而西益顯然

可證焉

十六日記

遊邦非利宮前教王之別業也周圍遊廊中有九廳廳

內各分數室陳列石像石棺油畫之屬璀璨滿目又遊

朵羅尼亞別墅亦近城佳勝之處正廳七間巡檐白石

鏤刻極工樓上流丹錯采陳設富麗南臨大園畦徑交

五綠草繽紛方廣約百餘丈中設機器激水四射噴沫  
為雨廳外東西皆長廊由東廊而左叢石像為一空稍  
南四壁琉璃小軒啟焉角觥之所也異卉名葩紛布檻  
外茶花大如杯盃又南出涉草畦數十武而至南廳屋  
頷之脊懸報時鐘響聞數里由此而西為墅之西園編  
樹為牆小石如碁鋪徑皆滿高柏八株矗立亭亭如華  
蓋其北為茂林植巨木數百本蒼鬱陰翳絡聯綴漫  
天皆綠縱覽無際極幽邃之勝林盡處即廳之西廊也  
園周圍可逾百畝百餘年來已五六易主矣 羅馬山  
水清秀天氣溫和向稱福地今值春分節候而已如穀

出使日記

卷六

聖

雨之末立夏之初余到此纔兩日咳嗽即已全瘳蓋倫  
敦巴黎皆距海稍遠而羅馬濱臨地中海人受海氣大  
有裨於養生惟自五月至七月頗有瘴氣大抵阿洲沙  
漠炎熱之風由紅海以入地中海不免蒸為疾癘富貴  
之家多出避之若自九月至四月則天氣較倫敦為清  
朗較巴黎為和煦於養病者尤相宜也

十七日記

拿破侖親王惹陸姆者法前主拿破侖第三之猶子也  
曾經受封親王後乃出居羅馬義王之姊即其妻也惹  
陸姆於初七日病卒義王因係懿親持服十四日又值

巴克節巴克節即耶穌死期西人視為最大內不能見  
客今日接御前掌儀大臣照會稱義王定於二十一日  
午後二點鐘接見實西洋之三月三十日也 義國在  
歐洲之東偏與中國往來最早元明以來多有入仕中  
國者元世祖時威尼斯義屬小國人波羅馬哥為世祖所寵  
任海膺封圻之寄後欲回國世祖不許乃微服由蘇門  
答臘經印度洋涉土耳其而歸尋著一書備述聞見歐  
洲之人始知中國之大厥後利瑪竇熊三拔艾儒略湯  
若望羅雅谷南懷仁等相繼東遊以其格致輿地星算  
醫畫之學取高官著顯蹟大抵皆教會中人自湯若望

出使日記

卷六

聖

南懷仁而外則皆義國人也雍正年間驅禁天主教以  
後西人頗絕跡焉迨咸豐年間立約開禁迄今義國並  
無續學之士來中國者蓋其人才亦稍衰矣

十八日記

自西羅馬亡而羅馬之故家遺族相率遷多惱河上占  
地而居生齒日漸蕃盛屬於東羅馬閱千餘年而東羅  
馬又亡常為土耳其人所陵虐心滋不服三十年前國  
人協力起兵叛土耳其後仍服屬於土為附庸之國號  
羅馬尼亞然猶難免土人之羈輓也光緒初年俄土交  
兵迫立約議和俄人勒令土人立羅馬尼亞為自主之

國并割數地以附益之今羅馬尼亞遣使分駐各邦儼然自立且其地較丹馬比利時諸國爲大然溯其淵源實古羅馬之遺裔也其土俗則古羅馬之遺風也羅馬之氣脈亦長矣

### 十九日記

首相兼外務大臣侯爵呂提宜來答拜敘談稍久觀其爲人才調雖不甚宏而德性純厚故議院左右兩黨皆服之推爲首相未兩月也 歐洲各國英謂中國人曰采宜斯法謂中國人曰細納愛其稱中國之名英人曰采衣納一作怡 法人曰細納又曰興一譯作什依 義人

### 出使日記

#### 卷六

笑

日期納德人曰赫依納臘丁之音曰西奈問其何所取義則皆秦字之譯音也西奈之轉音爲支那日本之稱中國爲支那出自佛經蓋梵音又實與西音相通者余謂秦始皇之時國勢雖極強盛其兵威並未達於歐洲何以歐人稱中國爲秦如西北塞外之呼中國爲漢東南洋各國之呼中國爲唐也揆厥由來始皇迫逐匈奴餘威震於殊俗匈奴逐水草而居其流徙極遠者往往至歐洲北境今俄奧日耳曼土耳其諸國未必無匈奴遺種匈奴畏秦而永指中國爲秦歐洲諸國亦競沿其稱而稱之也後漢書稱羅馬爲大秦羅馬並無大秦之

號且更與秦絕不相蒙則又似因中國之稱爲秦而轉相襲也蓋西人既稱中國爲秦積久遂忘其本義但能知其約略猶曰亞洲大一統之強國云爾中國爲亞洲大一統之國羅馬亦爲歐洲大一統之國東西並立聲勢相等或者歐洲之人以爲羅馬之大足與亞洲之秦相匹而競標大秦之稱東方之人偶至其國誤謂其國號如此而史家亦誤仍之耳追溯源流大抵如斯惟俄人稱中國曰近代斯克短音曰近代卽契丹之轉音蓋俄之創國較晚正值契丹強盛之世其時猶與西洋隔絕彼但知東方最強之國爲契丹因卽以之呼中國也

### 出使日記

#### 卷六

季

### 二十日記

頃接京信知正月二十五日各使覲見之儀以六國實任公使爲一班四國署任公使爲一班一切仿照同治十二年成案辦理茲錄其禮節如左凡實任署任各大臣帶繙譯官一員在

福華三座門外下轎下馬總理衙門堂官相接同行先至時應宮稍憩隨弁在福華三座門外帳房坐落有人接待隨從人役亦於近

處等候俟

駕至

紫光閣總理衙門堂官同各實任署任大臣繙譯官至

紫光閣西行幄稍候俟

駕御

紫光閣總理衙門堂官同各大臣繙譯官由西階進

紫光閣西門以次立

御案前各大臣致辭後各將所奉國書恭陳

御案上

大皇帝答以國書已經接收並

出使日記

卷六

五

溫語慰問王大臣敬謹轉傳各大臣繙譯官仍自西階

下自入門致辭申名並

問答之際至臨退時行五鞠躬禮總理衙門堂官仍偕

各大臣至

時應宮會齊再送出

福華門次日總理衙門遵

旨筵宴禮成 又接友人來書云各使親見之舉夏初

醇邸本有此意未及商辦大疏適至署中九月初十日

代遞奉

旨留中而

聖意因是而決辦法悉照同治十二年成案惟不赴使館議禮以既不繩以拜跪無須議也從前各使所奉國書但將副本陸續送署其正本皆留待親遞初議認國書不認人而此次係酌照外洋賀歲之例故無國書之代辦公使亦得進見此次禮節務使西人容易成禮不致失儀斷不強以萬不能行之事

二十一日記

未刻禮官帶雙馬朝車來迎余恭齋

國書率同參贊官馬格里繙譯官吳宗濂至宮門內下車掌儀大臣導入內殿義王出見慰勞殷勤立談兩刻

出使日記

卷六

五

之久大旨謂義與中國數百年來交誼最先我雖未至中國意極企慕聞貴大臣聲望甚好幸蒙

大皇帝派來本國自此兩國當益親睦矣又云我觀地

圖始知中國之大義國之地不及中國十分之一也因

詢在歐洲幾何年矣英法兩國事務繁簡如何此閒水

土能否服習中國鐵路已否造成余一一答之查照舊

例不用頌辭鞠躬致遞

國書王免冠鞠躬接受復與參贊敘談二十餘語與繙

譯寒暄十餘語余乃鞠躬而退自進至退凡三鞠躬王

復握手不釋者久之且曰又得一中國好朋友也茲恭

錄

國書如左

大清國

大皇帝問

大義國

大君主好

貴國與中國換約以來夙稱和睦茲特簡二品頂戴候

補三品京堂薛福成爲欽差出使大臣前往

貴國都城通問並令親賚

國書以表真心和好之據朕稔知該大臣老成練達公

出使日記

卷六

畫

正和平辦理交涉事件必能悉臻妥協朕恭膺

天命寅紹丕基中外一家固有歧視嗣後當與

貴國益敦友誼長享昇平朕有厚望焉

二十二日記

西例謁見國王致遞國書之後尙須訂期謁見王后前

接王宮來信訂於今日未刻余復率參贊繙譯入宮禮

官導見王后后儀度端詳辭令溫雅酬應亦數十言余

進退各一鞠躬后亦鞠躬迎送焉 距羅馬輪車半日

程有拿波里城亦義國之都會也拿波里之旁約二十

中里古有名城一座近城素有火山光燄常閃爍騰起

二千餘年之前忽一火山迸裂山中湧出無數塵土及

已焚木石之灰飛騰半空霎時間將名城填壅湮沒不

見周圍數十里田疇宮室人民皆沈壓無蹤蓋開闢

以來不恆見之奇災也厥後土人復於所填之上墾田

疇築宮室但相傳其下有古城而不能確指其所在近

時稍挖得其遺址乃相率盡力發掘而古城一座遂顯

露焉城門橋梁街衢廟宇廬舍無不如故有衣冠會集

筵讌者有執鞭策馬馳車者有縫匠手鍼線縫衣者因

猝爲塵沙所埋氣悶而死故其尸並不腐壞並可攷古

時衣服器具之式焉今義人悉留此古跡不稍移改其

出使日記

卷六

畫

古尸皆傳以藥水以便遊人觀玩凡欲入此城者均須

買票集其費爲看守之費惟城中掘得最精之希臘石

像往往分置羅馬博物各院中余亟欲往觀此古城然

往返必須兩日竟無閒暇因憶客秋在倫敦見油畫二

十餘幅即繪此新掘古城景象其法以畫幅分懸暗室

四壁而自室頂炳巨燭透光準對各畫人入暗室自玻

璃外視之則以上所述形象一一羅列幾疑身在城中

不知其爲畫也亦竟無庸親往也余因不暇遠訪特追

誌於此以代遊焉

二十三日記

拜會土耳其公使徐亞培奧斯馬加公使男爵白呂克法蘭西公使皮亞德意志公使伯爵宋納佛爾克惟俄使病甚重英使回國西班牙公使出外遊歷皆未得晤以上七國皆頭等公使也均須三日前訂期往見其餘二三等公使但當過門留刺亦係西國通例 羅馬開國之初曾於近城各地掘得古時兵器如刀箭劍戟之屬有以石為之者有以骨角為之者蓋三四千年以前羅馬人民與野番無異彼時不知用鋼鐵之法而諦審其骨則皆獅虎之骨也上古榛狃初開故野獸尚多於人云 數百年來羅馬財耗民貧頗有彫敝景象國人

出使日記 卷六

畫

皆云自義王入都以後漸見興旺廣廈既多增建商務亦稍繁盛矣詢其何故則謂從前教王管理羅馬絕無教養之政也大抵教王究竟如中國之僧道於所謂牧民治民之法茫無所知而羅馬為其所轄已千餘年但撥拾耶穌之緒餘以愚弄其民其說謂敬事天主即可獲福而一切學問一切本業皆非所尚以致民情偷惰生計日蹙其初教王勢燄烜赫四方獻贈之琛費絡繹而來民亦得藉其餘潤藉以存活者不少迨歷代教王時時增竄私說并大背乎耶穌之旨西人之稍智者亦頗覺之遂有所謂耶穌教者起而與之相角而天主教

之勢已披其半教王知其教之將衰也於是立峻法以防其民諸不在天主教中凡所謂希臘教猶太教耶穌教者皆抑之甚嚴待之頗虐制其婚喪之禮不得齒乎齊民且其言曰上帝委教王天堂地獄之管鑰凡入我教者即登天堂不入我教者即歸地獄奚問其他既見晚近學術大進心益忌之無論農商牧礦製造之法毫無講求即偶談格致星算輿地之學必遭摧折甚至併種痘術禁之大有秦皇愚黔首之意民窮俗敝職此之由嗟彼羣黎豈無知覺始稍受其駕馭繼乃苦其拘制所以二十年前羣起叛之遂迎義王入都羅馬也

出使日記 卷六

畫

二十四日記

前接洪文卿侍郎來信謂三月三日可抵折努阿海口尙思一為羅馬之遊屬余稍待以便晤談余謂公事已竣與其留此久待不如由瑞士繞赴柏林再回巴黎不過多兩日程耳近聞德國有方輿氣象久欲入境一觀申初至車棧登火車行十里許即至阿徧乃因士山之麓蓋義國全境若人股著屐橫展於地中海山乃股之骨也重岡複嶺迎面而起有大溪潺潺蓋泰擺江上流也穿山洞約數十亥初十分至勿羅耶斯屬義之土丑初十五分至蒲珠尼屬義之愛米省蓋已度阿徧乃因士山而

北矣

二十五日記

卯正十分至密蘭諾一譯作迷郎屬義國北境通商之耶拜而底省義國北境通商大埠也東達奧都北通瑞士所出之絲供歐洲各國之用其富庶景象與法之立埔城相伯仲行客至此皆須換車因其暇乘馬車遊密蘭大教堂觚棱轟起峻宇宏深復繞行街衢則洋樓皆六七層塵市雲連樹林陰翳洵稱勝境辰初三十分登火車遙望小山簇峙遠近連亘邨民多纏絲釀酒爲業女桑布野一律翦齊高三尺許柔條初芽行數百里不絕蒲萄支棚互相聯屬已

出使日記 卷六

素

正至果穆義界盡處也遂入瑞士國境抵阿耳魄士山之麓層巒疊嶂積雪皚然一白無際山路由漸而高鐵軌斜上俯視絕壑深杳無底林麓人家蹲若雞峙側道福峽車行亦緩午正至柳街諾一譯作羅卡諾屬瑞士之迭山省萬山之中忽開空曠晴湖如鏡明淨無塵倒影澄碧濱湖萬家閨闈相連蓋各國王公卿相以及文人學士富商巨族無不駕飛車挾重貨僦居數月徜徉於翠嵐綠漪之中亦多有營別墅於此者車行益北路益高峰益峻雪益深景益奇麗火車出入山洞中忽然宵黑忽然開朗霎時之閒明滅百態如圖畫之忽展忽收令閱者應接

不暇凡穿數十洞有行五六秒鐘者有行四五分鐘者

惟山果得捺爾洞爲最長行至二十餘分鐘此處山高

二千一百十四邁當洞當山心南口爲愛羅羅屬瑞士

省卽選出北口過益准而買特又經小洞數十至果斯

雪囊屬瑞士之越利省始穿阿耳魄士山之背矣地勢漸下雪

山萬疊拔地插天又經山洞二十餘濱徂措湖一譯作蘇克湖

及措脫爾缸東湖而行西正度越勒嶺自入瑞士國境

以後車行終日大抵皆阿耳魄士山也山中吐納萬景

變幻不可名狀搜奇挹勝俄頃忽殊縱眺諸峰或遙障

如城墉或巍峩如殿闕或攢簇如列笏或分峙如置茶

出使日記 卷六

素

或雄踞如虎豹或蜿蜒如龍蛇或旋折如蝸螺或昂企如獅象或樓閣如鏡雲或溪澗如轟雷或噴瀑如拖練或漱石如鳴玉或密林如帷幄或吐花如錦繡或麥疇如翻浪或松風如洪濤青靄迎人湖光飲滌宜其名勝甲於歐洲西人羨瑞士爲洞天福地良有以也戊初五十四分至伯勒一譯作巴勒亦作排而伯勒爲四國交衝過客如織凡赴法赴德赴瑞士赴比利時者均於此分道焉又換車入德之新疆挨勒賽斯省關吏譏察嚴密驗照方許入境其地蓋同治九年師丹之役與法國議和之後所得者也



二十六日記

寅初過海奪拉陪爾屬日耳曼列邦之拜晏卯初四十分至法耶克福爾一作佛郎波又作法蘭國屬日耳曼列邦中之海琛海琛一作埃塞又作黑辛地居日耳曼適中嘉慶年間為大都會各國公使昔皆駐此峻宇凌霄大道如砥喬木周列行人不譁街政一端亦可見德國精神氣象焉有大河一道名曰曼恩下流通來因河較巴黎之賽納江廣約倍之跨石梁數座工程鉅麗兩旁鐵柵闊容五車橋下環洞十餘傍岸之洞即火車道也辰正四十五分由法耶克福爾換車啟行沿途漸見平曠電桿林立紛布交錯未初入普魯斯國境

出使日記 卷六

美

繁華不如英法諸國房屋之式亦較儉樸然頗有整靜嚴肅氣象夾道樹林陸續相接枝柯繁密松柏尤多西正至柏林寓培爾巫大客棧臨泡斯帶模斯脫賴恩街詢知中國舊使署在望兒海特脫街一作黃大號洪文卿星使尙居於此新使署在法郎培侯銳街十號許竹篋星使已駐於此余於戌初先往訪洪星使晤談要務至丑正始歸寓

二十七日記

德國都城名百爾靈譯音省一字曰百靈近時公牘每作柏林外洋地名不過譯音本無字義然余自入境以

後直抵德都見其樹林最廣柏樹尤多則核以中國字義謂之柏林誰曰非宜柏林氣候向視巴黎為稍寒而天氣晴朗則過之城街衢寬闊道路整潔望而知為振興之象惟壞貨之闖溢闖闖之富麗不如英法兩國蓋普魯斯雖稱舊邦而其統屬日耳曼諸國僅二十年取未精而用未宏即其巨室廣廈亦多新造者貧民見中國衣冠非但不敢玩侮或往往免冠為禮猶可觀樸實之風氣焉至其學堂林立武備整肅當推歐洲第一余未及周覽僅驅車九達之衢並至皇宮前一瞻眺而已因借洪星使同遊蠟人館捻蠟為人或立或坐懸視

出使日記 卷六

本

與生人無異殆西國之絕技也星使邀余適大館同飽洋餐味甚適口暢談良久而別遂訪許竹篋星使會商要務是晚許星使為洪星使餞行邀余與新舊兩館之參贊隨員同赴洋館設為廣筵酬酢盡歡夜分始散遊數萬里重洋之外而華員雅集至三十餘人之多亦盛事也

二十八日記

午初五十三分發柏林赴火車棧登車起程仍經大樹林而行申初四十五分至漢諾威一作海挪威又名列邦之一同治五年為普所滅亦大鎮也酉初四十五分至阿模

沙而始經山麓居民房屋皆銳其上如刻圭形戊初四  
十五分過一機器大廠徧然電燈鎔鐵所五六處火光  
燭天基址絕大惜未知其何名也戊正十五分至皮斯  
婆克亥初十五分至稠式查夫一譯作杜就爾對甫濱來因河車度來  
因河上之長橋亥初四十五分至果羅尼一譯作寇倫又作科隆  
地當孔道水陸交衝濱來因河德法兩國鐵軌不同於此必  
換車焉又登車前行至俾爾惟愛德界盡處也譏察嚴  
密非護照不能前進即火車伺候之德人盡易法人焉  
火車之由法界來者亦必於此盡易德人否則必遭呵  
禁再西越比利時北境至法之慕耳亞孫入法國界法

出使日記

卷六

空

關亦驗照放行時已夜深所過關隘村鎮不能觀其形  
勝察其利病殊可惜也

二十九日記

辰刻還至巴黎使館征裝甫卸清釐積件復撥冗與慶  
霽堂參贊暢談詢以俄國近事俄之東境與中國以阿  
爾泰山為界阿爾泰山即古之金山延袤數千里俄人  
於山之北麓開礦鍊金特派大臣駐西伯利以經理之  
余既誌其詳矣俄之西境近南者多產米麥雜糧頗供  
德奧義法等國之用每歲出口之價約值銀二萬萬兩  
今俄人治田以三畝抵一畝之用蓋三年中僅以一年

播種而其先兩年則以放青燒枯為肥田之本此惟國  
中多曠土者能用此法今地球各邦米糧出口者以俄  
國美國印度為最旺三國之中有一國報荒歉者則其  
餘兩國必更得善價贏餘不啻倍蓰焉俄之富國之道  
如此大抵本富多而末富少也

三十日記

俄羅斯一國商務之旺不如英水師之盛亦不如英地  
產之富不如法工藝之良亦不如法陸師之練不如德  
學問之精亦不如德然則俄當為英法德諸國所弱矣  
而諸國非但不敢蔑視之且嚴憚之者何也俄之地形

出使日記

卷六

空

廣博無垠以一面制三面有長駕遠馭之威有居高臨  
下之勢且曠土既多以其地之產養其地之人而有餘  
是得地利秋冬結冰入夏始解雖有強兵猛將不足以  
病俄拿破侖第一墨斯科之役乃其前鑒是得天時俄  
之君權特重非若各國有上下議院之牽制且其開國  
較遲所用將相大臣頗有純樸風氣是得人和惟俄之  
立國有與西洋諸國不同者所以一切要務雖多不如  
諸國而諸國終無如彼何且視俄為頭等強國各有睜  
乎其後之勢况俄與西洋諸國政俗略同講求要務數  
十年後商務未必不日旺武備未必不日精工藝未必

不日良學問未必不日新以俄之諸務不如西國尙得最強之勝勢若其一旦諸務與西國相頡頏則若決江河沛然莫之能禦矣此英德諸國所以長慮卻顧而隱憂莫釋者也夫俄不有事於天下則已俄若有事於天下東則中國當其衝西則土耳其當其衝中則印度當其衝而細察俄之隱謀則注意印度爲尤甚然果使印度折而入於俄則中國與土耳其亦豈能一日高枕而臥英之執政知俄之覬覦印度也早已密爲之防余竊聞俄皇之論亦頗躊躇審顧不欲輕動其用意在綏撫其民人輯和其部族壅關其荒地聯絡其邦交沈幾觀

出使日記

卷六

奎

變引而不發固有虎豹在山之威然後以其全力生聚教訓積至數十年之後地廣人眾勢力且十倍英德諸國相機而動縱橫四出誰能阻之昔者戰國之初六國合力擯秦而秦乃閉關息民養精蓄銳者數世迨開關出師六國皆從風而靡莫之能敵俄之機勢大與秦類蓋積之愈厚則基愈固蓄之愈久則勢愈雄今日者俄如多事固天下之患也俄竟息事尤俄國之利也然則中西各國將若之何曰盡其自治自強之道而已矣若俄之所以自謀則非他國所能與聞也

昔征夫原隰詩詠夫皇華使者輶軒語傳夫絕代蓋咨以四方之故定以八月之行諏謀則遠而有光諸俗則採而還奏述征紀事由來尙矣余歷聘四國已踰一年凡舟車之程途中外之交涉大而富彊立國之要細而器械利用之原莫不筆之於書以爲日記總其大略可得而言焉夫習之來南承叔于役爰有述造此其權輿然祇涉歷於寰中尙非地觀於域外若乃香港孤峙今爲百粵之門西貢始通古屬九真之郡尋海崎於頓遜則有新嘉之坡望山嶼於翠藍則有錫蘭之島於是日當天而正赤水沸海而微紅蠶蠶童山浪浪暑雨遂過

出使日記

跋

亞丁之岸復經埃及之河大食荒沙駝鳥能走拂菻瀕水鱈魚善飛其間苦熱於印度之洋遇風於地中之海焉跼跼而下墮颶隆隆以上盤蓋行三萬五千程歷三十有四日始至法國繼駐英京巴黎繁華則瓊貨山積倫敦富庶則巨貫川流義大利之通使最先申其舊誼比利時之置君差後治此新邦舉凡輻輪電軌之馳驅俱入夕課晨書之紀載此行程之可記者也恭膺簡命遠賚

國書所以慎固邦交恪共使職禮也於是敬謁吉日入謁王庭續副旁行語繙重譯君主君后備飭其儀文頌

辭答辭務崇其體制鞠躬則禮簡而肅握手則情摯而殷雖非漢論尉佗陸賈奉書而往差比唐親回鶻殷侖承命以行若夫時際公餘事同私覲聽樂觀舞折簡以招邀酒譙茶會肆筵而款待是蓋風殊中外禮尙往來從俗從宜在所不廢而况酬應既淡情好斯聯天子萬年國主則簽名致賀

中朝元旦外臣則投刺傾誠宛乎縞帶之歡允矣敦槃之盛此交際之可記者也竊嘗遠稽大地四曠之說近覽環球萬國之形沿革必詳廣輪胥準大抵政治風俗易地而不同文字語言轉音而卽異溯海中之交市遞

出使日記

跋

二

過於昔時料國內之勝兵遞傳夫今制故其治國以經商爲本其教民以講武爲基競利爭雄更衰迭盛擬以春秋撲伐而亦重同盟方之戰國縱橫而未聞遊說然而疆弱相制大小相維或約章之所不及遵或公法之所不能限善度地則捷足先得務勝人則不戢自焚坐大者儼若建瓴始強者漸思方駕至於君主民主官紳其治之主爵員武員上下議院之員尊卑混其等差選舉憑以聲望其分曹治事任久而責專其出政施刑令嚴而法簡公會所以成務學堂所以儲材他若種樹專司周衛設表禮誌宿息井樹傳稱治道成梁以古方今

始不之過總而論之其道如墨子故必尙同其政如商君故必變法雖興廢固非一致而締造各逾千年此政俗之可記者也且夫和仲之宅味谷用察璣衡伯陽之至流沙當揣圖籍凡茲西學實本東來故制作因於攷工測算昉於周髀唐一行銅輪之轉效之爲車船元駉馬火器之遺演之爲槍礮由是智勦巧述日異月新火船則鐵裔鋼甲遠勝於木輪鐵路則穿洞造橋較難於平地礮則圓徑殊製槍則速率異宜而且障以露堡暗臺輔之蚊船雷艇悉屬用兵之要允爲制勝之經至於電氣聿興風行殆徧質分乾溼氣薄陰陽以傳郵則萬

出使日記

跋

三

里瞬通以製用則百方咸備織布之器頗便於民生攻礦之機有裨於地寶推之同體異體化學附其精均髮均縣重學衍其緒溯光學之祖判二光與一光考汽學之流別蛻地與蛻水此藝器之可記者也蓋自簡書遠役聞見稍多輒有日鈔藉資勝錄然且間登成案附綴鄙辭事有舊而可循語有奇而非創陳年公牘歐公嘗取以覆觀海外文章蘇子亦據其論議雖云願學滋媿未能嗟乎時事方殷外交宜慎收利權於西國念流寓於南洋並著斯篇當籌厥策庶幾裨謀爲命先資乎獲野之謀騶衍大言無取乎談天之論云爾光緒十七年

長至日無錫薛福成自跋於巴黎使館

出使日記

跋

四

# 出使日記續刻

光緒戊戌  
季夏開雕

凡例

一前編以辛卯二月終卷是編自辛卯三月朔起至甲午五月止併附計之得月四十每卷四月總凡十卷

一日記中文字有已見庸齋文外編海外文編者十餘篇茲不復錄以免重複間存咨文電報與出使公牘互見庶當日辦事情形可以參觀而得

一公奉使以後嘗輯續瀛環志略編譯西史得數十冊屬彙未竟遽爾薨逝論者惜之是編於各國地志採輯不少雖不能如專書之詳細而地球形勢大致略備

出使日記續刻凡例

一傳經樓校本

一滇緬分界事宜與英外部往復辨論管禿脣焦一年有餘始得就緒是編皆詳載之公之苦心任事於此可見

一滇緬界務之外如理論帕米爾坎巨提等部籌設南洋各島香港仰江領事以及爭論教案豁除海禁等事動關大局事雖或就或不就皆公精神所注多有已具奏疏公牘而備述於是編者讀者更可悉其委折則此書實與奏疏公牘相為表裏

一歐洲立國以商為本富國強兵實基於此是編歷論中國商務之不振而於海關貿易總冊每摘其大凡

各國財賦之出入開擷其總數意存法戒非特記數備考而已

一洋文地名人名多本還音絕無意義使館英法繙譯不止一人譯音往往歧出是編勢難改歸一律閱者當自得之

一陰晴風雨前編於中途舟行逐日記載是編歸程詳之猶前志也

一前刻文編諸書句皆有點惟日記無之是編附於文編點句之例以便省覽

一續刻凡例一仍前編茲謹另就管見所及略述一二

出使日記續刻凡例 一 傳經樓校本 冀以表章先志幸大雅教正焉

出使日記續刻目錄

卷一

光緒十七年三月朔至六月二十日止

卷二

光緒十七年七月朔至十月二十九日止

卷三

光緒十七年十一月朔至十八年二月二十九日止

卷四

光緒十八年三月朔至六月三十日止

卷五

光緒十八年閏六月朔至九月二十九日止

卷六

光緒十八年十月朔至十九年正月二十九日止

卷七

光緒十九年二月朔至五月二十九日止

卷八

光緒十九年六月朔至九月二十九日止

卷九

光緒十九年十月朔至二十年正月二十九日止

光緒十九年十月朔至二十年正月二十九日止

光緒十九年十月朔至二十年正月二十九日止

卷十

光緒二十年二月朔至五月二十日止

先君子自同治四年遊曾文正公之幕始有日記嗣是以後未嘗閒也及奉使泰西凡遇交涉見聞諸事皆筆之於書並譯西國史志新報存其大略所記尤夥已刻六卷自庚寅正月迄辛卯二月皆先君子所手定辛卯三月至甲午五月日有纂錄閱時既久卷帙遂繁初擬東歸續刻不意甲午之夏使旋抵滬未及二旬即以積勞得疾薨於出使行臺維時不孝瑩中迎侍左右奉喪而歸泣檢

出使日記續刻

目錄

二 傳經樓校本

遺棄痛不欲生是年冬復丁繼母憂旋又患病經歲久置未刊乃先取海外文編出使奏疏交姊婿蕭山陳君光淞先君子門下士勤張君美翊刻之因日記皆係手彙獨無副本不敢輕付寫官丙申秋疾既愈乃躬自校錄釐爲十卷閱一年而工竣於是出使日記始末完具可備當世君子考覽云瑩中泣念先君子溺苦於學雅好著書自辦公外手一卷不釋出使之時不孝雖未隨侍以往而平日趨庭應對滌几捧硯之役少習焉而心識之者於是編如將見之而今不可再也因泫然流

涕而記之

光緒二十三年冬十月第三男瑩中謹識

出使日記續刻

目錄

三 傳經樓校本



出使日記續刻卷之一

無錫薛福成叔耘

光緒十七年辛卯三月乙丑朔記

法屬西貢暨南圻六省。共有華民五萬餘人。而柬埔寨一國有華民十六萬之多。華商貿易較西貢尤為暢旺。日本報云。公爵三條實美為日本元勳。薨後。日皇不惜帑金。賜以國葬禮。維新功臣之受此隆禮者。惟贈內大臣大久保利通贈太政大臣巖倉具視左府島津至本戶與三條共四人而已。

初二日記

出使日記續刻卷一

一 傳經樓校本

亞洲諸國。酷慕西法者。莫如日本。甚至改正朔。易服色。即西人亦嫻笑之。然二十年來。於富強之道。竭力整頓。頗能大著成效。即如商務一端。已遠勝於中國矣。大抵通商之要。不外四端。曰培物產。工製作。精仿造。廣流通。四者既備。乃可與各國爭衡。中國不知此理。一切聽其自然。絲茶兩宗。本特為出洋鉅款。今則日見其衰。售之西人。西人謂其貨愈劣。若有戒心。日本印度義大利法蘭西。乃起而攘其利。且自洋貨入中國。而華貨之銷於中國者。亦日見沮滯。近且停工不作。洋布盛則土布微矣。洋紗贏則土紗絀矣。細至洋針。洋綫。洋鈕。洋刀。無

出使日記續刻卷一

二 傳經樓校本

不尙西人所製。邇復製造食物。仿織綢緞。精益求精。務奪我利。此中國未獲通商之益。反受通商之害也。日本則不然。國中土產。培植壅護。灌溉翦裁。必求佳種。必令豐收。一切所出。今勝於昔。是物產培矣。銅器漆器。本屬擅長。近如魚鮓。鹿脯。紫苔。果實。無不慎加選擇。味美物美。況如紙料之佳。磁器之美。無不取致遠近。是製造工矣。仿造西貨。率多形似。如所製寒暑針。風雨表。鐘表。機括。具備。價又極廉。西商射利者。轉販東洋之物。指為西洋所造。是仿造精矣。日本地小物稀。曩時通商中土。其貨有限。今則製造日多。且精皮酒一項。西人亦喜日本所釀者。自遠來沽。是流通廣矣。此四者。振興商務之本也。中國有一於是乎。然則講求西法。以奪西商之利者。環顧亞洲。舍日本其誰屬哉。

初三日記

廣東沿海各礮臺。皆係灰石築成。恐難持久。現擬改建鐵礮臺。已有洋員偕同善後局員。馳往海口。履勘工程。海河迴環。繚曲。沙土停淤。凡輪船入水。一丈者。兩年來已不能入口。現擬裁灣取直。以利通行。天津道胡燏棻等。已赴掛甲寺等處。查看地段矣。奉天釐捐。為抵補額餉。收款大宗。以商販外來糧石及本地產糧為主。

雜貨收捐不過得十之一二。自咸豐六年開辦起。歲收釐捐錢約在一百二三十萬千有奇。同治年間亦得百餘萬千。似俱指東近年海禁大開。糧貨雲集。每年轉僅收錢七八十萬千。其故由奉天各河口自開辦河運以來。商民販糧。知城市設有釐捐。取巧繞避。陰赴沿河村鎮。與農民私相交兌。不惟漏釐。卽斗租河稅亦無從徵收。現據盛京戶部侍郎綿宜奏請在奉天牛莊之三岔河口設立補徵分卡。每糧一石補收東錢一百文。雜貨按糧一石之價亦補收東錢一百文。

初六日記

出使日記續刻 卷一  
三 傳經樓校本

日本報云。朝鮮國民分爲六黨。隱然對峙於朝野間。互爭權勢。一曰王黨。二曰大院君黨。三曰王妃黨。四曰支那黨。五曰日本黨。六曰俄黨。惟王黨有忠君愛國之意。尤以妃黨爲擅作威福。自大院君勢弱。而閔妃之族遂得恣橫一時。支那黨則與商務委員袁世凱相聯絡。日本黨卽開化黨也。勢力頗強。與王黨堪伯仲。俄黨另有見解。時思歸俄保護。惟不敢顯受賣國之名耳。

初八日記

閱邸鈔正月二十五日

皇上御紫光閣。各國使臣巴蘭德。田貝。華爾身。大島圭

介。潘薩。費果。孫。署使臣吳禮巴。闕雷明。林椿。米師麗。同於午刻。觀見。因查此次領班者爲德使巴蘭德。其餘則英俄法美日比荷日本義奧等國正署公使參贊繙譯等共三十二人。

十一日記

鴉片煙之類有三。一曰公班。出明雅喇。一曰孟皮。出孟買。一曰紅皮。出曼達喇薩。均由英屬印度製成爲土。運入中國。以每年十萬箱計算。約合價銀六千萬兩。而各省所產土藥。大約九倍於入口之洋藥。以減半之價值。出使日記續刻 卷一  
四 傳經樓校本

十二日記

計算。共計銀二萬七千萬兩。  
亞細亞洲大江無論中國暹羅緬甸印度及俄屬之西伯利亞。江源皆發自西藏之周圍高山。其地勢較亞洲各處皆高。嘗測量之。比海面竟高至千丈。藏地四周皆山。其境最長之處約五千里。寬處數百里。至數千里不等。地形長圓如雞卵。其都會西人名之曰拉薩。蓋卽布達拉城也。

十三日記

督辦雲南礦務唐炯奏稱。滄海各埠股本難招。而各廠

日有起色需用甚繁礦務公司稟請借發銀三十萬兩作爲辦銅底本分十年扣收以竟全功而維京運等因當公司開辦之初自未便以公帑輕擲嘗試又集股正形踴躍商力頗克自支更無庸公家接濟惟迄今將及三年費本七十餘萬幸各廠已有成效乃當喫緊之時商力已竭若不急爲接濟深虞半途而廢既非體卹商情更恐貽誤京運權衡輕重已允所請借銀三十萬兩飭司自光緒十七年起第二批京銅起運以後按批扣收一萬兩公司自顧成本不能不竭力籌辦俾京運逐年加增自亦不待十年即可扣收清楚

出使日記續刻

卷一

五 傳經樓校本

十六日記

電報云德國前大將軍毛奇卒二十年前德法交戰之時謀略以畢士麻克爲最優治兵以毛奇爲最練二人分任將相皆德之元勳也 金陵水師學堂之旁增設一廠以造魚雷魚雷者其形似魚頭身尾各一丈有奇以機關合而爲一中實火藥上有玻璃管沈伏水底遇鐵甲則管破而火發其力之鉅數倍水雷且近來鐵甲前多川鐵網以蔽水雷而魚雷則前有利刃兩柄以破鐵網其功用益宏矣

十八日記

法議院議定加重西貢總督之權以專責成法總統近給西貢總督諭旨云一該督在法屬之印度中華爲法國代掌權柄之人祇該督可行文政府附藩部尙書之信皮中與各署通函若法國駐劄極東方之各公使總領事領事副領事等該督可徑行函達所有交涉事宜該督未奉政府允准亦斷不宜辦二印度中華地方各項事宜由總督佈置派員辦理一應文職亦歸該督遴委惟提督頭等駐劄大臣稽查總辦二等駐劄大臣副駐劄官頭等管事官二等管事官臬司及大事總管須總督保舉請旨簡放儻不稱職而又急無可待該督可

出使日記續刻

卷一

六 傳經樓校本

撤其任惟須立向藩部尙書申明其故三該督可專條議定獨任干係授權於西貢提督及安南東京真臘之頭等駐劄大臣遴委屬員并假該提督等佈置事務之權四該督所轄有提督頭等駐劄大臣統兵官水師統領及各局總管該督可給提督及頭等駐劄大臣全權或幾分之權五印度中華之安內禦外該督責無旁貸是以屯戍之水陸諸兵歸其調度除勢處危急擊退敵人外所有兵事未經總督允准不得擅動但總督無統領兵士之權兵士行動由武職大員辦理申詳六該督應設立練勇在印度中華之法屬地內爲民保護巡緝

其中各項職司亦由該督遴派。七所有駐兵地方。出該管之駐劄大臣及武職大員申報後。該督即行指定其地。武職大員在該地兼辦駐劄大臣事宜。該地方等如以後不駐兵丁。亦由總督定奪。八稽查總辦由總督派察銀錢事宜。及收支人員并核算歸并各帳。至東京安南西貢真臘各項銀錢事宜。亦可由總督派委攷覈。九西貢及保護地方之用款。由總督按照現行律例。每年列款請示政府。撥准後。該督即設法照辦。其有擬辦工程。如各項興作。各種寬典。如給地造火車道等。各式合同。溢過地方經費之外者。該督應候政府批准而定。十一千八百

出使日記續刻

卷一

七傳經樓校本

八十七年十月二十號上諭內一二三款及他款之相反。此次上諭者。概行廢撤。十一首相兼兵部尚書商務製造藩部尚書外部尚書海部尚書承照辦理。此次上諭喀爾拿押。

十九日記

日本出賣貿易始於孝謙天皇神護景雲二年初。唐大曆三年。賜錦帛於左右大臣。使其易買新羅之物。至仁明天皇嘉祥二年。即唐大中三年。始有華船至筑前國。迨醍醐天皇踐祚。禁私買唐物。遂絕邦交。泊乎明治維新。與各國立約。海禁大開。越四年。即同治十年。遣全權

大臣從二位大藏卿子爵伊達宗城至天津。與我全權大臣李傅相訂立修好條規十八則。指定中國通商口岸。與泰西諸國相同。日本則以築池橫濱長崎神戶大坂箱館新潟夷港八口為商埠。中國駐日大臣則何如璋張斯桂副使黎庶昌徐承祖黎庶昌再任李經方先後持節而往。其橫濱神戶長崎三理事由何星使派設箱館。新潟夷港則徐星使始設理事。然仍駐使署。惟以時往巡。日本派來公使。則自伊達宗城後。有副島種臣井上馨伊藤博文。穴戶璣。榎本武揚。大島圭介。分設領事於各埠。而以總領事駐上海。其往來中國之輪船。向祇尾

出使日記續刻

卷一

八傳經樓校本

張丸橫濱丸東京丸薩摩丸四艘。近又添西京丸神戶丸肥後丸為七艘。觀明治十九年海關冊。中國出口運日本貨值銀七百十萬餘兩。日本出口運中國貨僅值銀九萬五千餘兩。迨至去年。日本貨進中國口者。增至七百三十八萬八千餘兩。華貨運日本者。祇四百八十三萬二千餘兩。良由中國但聽商人之自為。而國家不為經理。日本農務商務。則有農商務省以筦攝之。保護之。其署有官房。有總務局。有農務局。有商務局。有交務局。有水產山林地質礦山專賣特許會計叢林製絲製綫諸局。其官自大官以迄技手。有條不紊。秩然井然。日

集善於營運之人采其所長去其所短又仿造各種洋貨精益求精使外洋不能販貨而來且更販仿造者出洋充作洋貨是以能擴充利益商務日興

二十日記

傳電之綫以堅緻為上故能歷久不變近聞法國改製鋼綫經工藝師試驗比舊製更為靈捷其法中用鋼綫外包以銅銅能運電鋼性堅凝以作電綫尤為合式法國驛務署決計拆去舊用銅綫改用鋼綫

二十一日記

俄國創築西伯里亞鐵路蓋有三意一因中國與日本

出使日記續刻 卷一

九 傳經樓校本

皆有海口可以互市通商該國若不築路使與海口相通恐於商務大有滯礙一因太平洋大水迢迢必須築路而後東西貨物可以隨便來往且可保護邊界一見歐洲各國皆以鐵路致富強民皆稱便故竭力仿效不畏其難共計長一千九百六十七英里分為三段西至耳庫池即西伯利亞省城濱臨白哈中至司額屯在東京正北相距東至琿春約需英金一千八百餘萬鎊

二十二日記

香港報云俄國所屬西伯里亞之鐵路自前年籌款興建工程極形忙碌從事其中者有日不暇給之勢近接

琿春等處遞來信息得悉此路已竣本年春間當可載客來往此路由西伯里亞接至歐洲將來由中國日本暨亞洲各國前往泰西較曩時倍形便捷俄人之為此舉固屬不惜浩費尤為殫竭精神其路程計長四千八百一十西里需費三千二百萬鎊途中隔越三大河僅出此建橋以渡則用款更鉅計白鳩工以來斬棘披荆鑿山通海不知幾煩擘畫所經之處不少菁華萃異日駕輕就熟則西伯里亞東方之金銀銅鐵等礦均易於開辦蓋前因開礦機器艱於載運故雖有美礦而未

出使日記續刻 卷一

十 傳經樓校本

暨乳蘇利轄內向多空曠之地因與居民相去遙遠寒煙蔓草一片荒涼幾為人跡所不到既開此路則輻輳銜接不難煥然改觀且該處水土極為得宜與法國佳山水之區無甚軒輊十年以後中日兩國之陸路商務必盡為俄人所奪而俄屬琿春一帶得此為唇齒之依必成重鎮且扼其險要進可以戰退可以守中俄儻有邊釁俄人調兵運餉呼應尤靈不出兩旬可將十萬援兵調赴中國邊界由歐洲往中國僅半閱月即可戾止非若目前多費轉折也

二十三日記

法國新報云俄廷於西伯里亞部鐵路一事定計從兩頭同時動工一在海參崴部及烏蘇里江之間約四百啟羅邁當一在歐洲境內約二百啟羅邁當至中間兩路接頭之處為地甚長經費浩大或令俄商及他國商人承辦

二十四日記

泰晤士報錄仰江電云緬甸蠻幫辦大臣英官報稱雲南蠻暮往來通商之路頗不安靜有大幫華商行至英屬之皮西渡譯音被華境略千人譯音攻劫華官照會蠻幫英官請其保護已即日撥兵前往 俄政府已與法商

出使日記續刻

卷一

十一 傳經樓校本

議定貸國債銀六萬萬佛郎係三釐行息前所貸俄商款二萬五千萬羅布係四釐半或五釐行息

二十五日記

余與慶弼堂等至安佛里特醫院訪法前王拿破侖第一陵寢王以佳兵當嘉慶二十年為歐洲諸大國所廢始放於厄爾磯島在地中海再流於聖海凌那島在阿非利加西南大西洋道光元年王卒年五十二越二十年國人奉柩以歸以皇帝禮葬於此四方官民來會者一千萬人陵係北嚮其基略低須歷級而下合五采石砌地若輪圓徑約五丈周圍鑿字記王戰勝之國也輪心置長方青金

巨石一高可尋丈縱二衡一上置紫肝石式同前惟鑿小其腰又其上卽紫肝石柳上侈下弁兩旁鑿大環四王卒時俄王以此石為購石工琢十二年乃就於其中納王棺焉柳下尚有巨石承之距地可三丈並不入土輪圓地外圍以遊廊白石柱十二枕南一室立王登極時石像生前所御冠劍銅鑼咸在廊之四壁鑿生平事蹟又設王臨陣手舉敵旂若干而北歷級而上範銅為門卽陵門也肖將軍二人守之兩旁鑿鳥石為牆光可以鑑傍門而上為陵之上層飛金貼柱雲母嵌窗日光映射彪采煥發側室置王兄弟之曾為義大利西班牙

出使日記續刻

卷一

十二 傳經樓校本

王者石柳二具中為大圈欄憑欄下視王之柳在焉欄距五采輪圓地計八邁當其上屋頂覆作穹形飾以金頂此陵內上下大較也陵門外為教堂二百六十年前法前王路易十四所造者追拿破侖王葬此乃合為一故將士多瘞其下東西榮徧插將士所舉敵旂有趙字赤幟未知所由來也堂門之外為大遊廊方廣百二十楹北為大門門樓有王畫像與當時建功大將及路易十四像皆在焉又一室以玻璃儲花草樹木欄干等物各少許王流聖海凌那島園內物也 歷代兵器博物院在大遊廊之兩旁養病兵院亦在大遊廊之旁始有

千人近僅三百餘人。拿破侖朝之兵。尚有養至百餘人者。亦可見經理之善矣。

二十六日記

午初二刻。余率隨員學生等。由巴黎赴車棧。登火車。啟行。未初十三分。至阿民城。稍停。申初三十五分。至法國加利。一譯作略雷。又作葛賴。海口登舟。又閱十分。開輪渡海峽。西初十五分。至英國。杜甫爾海口。一譯作都發。換坐輪車。又閱十分。開行。英國之車。向較法車飛行更速。追風逐電。無以過之。戊初三十五分。抵倫敦。采林克魯斯棧。換馬車。至使館。

出使日記續刻 卷一

三 傳經樓校本

二十七日記

英屬印度戶口。現有二萬二千零四十九萬人。較十年前約多二千二百萬。合印度附庸各土邦計之。則共有二萬八千五百萬人。較十年前約多二千五百萬。此全印度戶口之數也。

二十八日記

本年法國稽查土著客籍人數。巴黎一城。有居人二百四十二萬二千九百六十九人。較之一千八百八十六年多十六萬二千零二十四人。法國新簡之中國印度。法人謂越南西貢。總督拉南爽。一譯作拉納桑。定於西五月

三十一日。由馬賽搭坐郵船赴任。同行者為提督來斯德。候升副水師提督。福祿諾。即前在天津定約者。

二十九日記

智利。華十日電報云。亂黨所劫智利鐵艦一號。昨被官軍水雷船轟擊沈沒。死亡甚眾。亂黨已與總統議和矣。美國新簡駐華公使。議紳布雷爾。常在議院持禁止華人到美之論。美政府已接中國照會。不願接布君為駐華公使。行至舊金山。外部電令速回華盛頓。政府並無驚訝之意者。蓋以中國如不願接他國派來使臣。自有此權利也。

出使日記續刻 卷一

西 傳經樓校本

四月甲午朔記

馬尼布。一譯作抹尼。又作滿尼。坡。為印度土邦。在印度之東北。北距阿珊。東南距緬甸。西距克差。其十年前戶口有二十二萬一千餘。有地七千英方里。有兵七千。賦稅所入。約有印度銀五六萬羅比。

初二日記

泰晤士報天津電云。現欲將火車路推廣。添辦三千噸鐵軌。限百五十日交貨。又百濟公司。接到津信。訂定鋪輪路。倒泥川之車數輛。俄屬庫春地方。因無便當口岸。停泊鐵甲兵艦及商輪各船。無從運貨進口。俄廷之

意欲封閉該口。作為屯紮陸兵積儲軍糧之所。另擇新地在暹口之南。英里四十。買爾口名喊斯開的。作為新開海口。以便大舟得以直達。惟此口水流甚淺。口內泊船不甚方便。亦不能佳於暹春也。

初三日記

德國水軍計有大鐵艦十二。小鐵艦十五。大巡船八。小巡船十。尋常巡船四。礮船三。練船十。兵船九。其噸數共有十八萬九千七百九十六噸。汽機馬力共有十八萬八千三百九十四匹。礮共有五百三十三尊。官與兵共有一萬七千八百六十員名。地球各國之電綫已有一百六十八萬九百英里之長。可環地球赤道三十次而無不足。

初四日記

余前檄派直隸先用知府姚文棟乘遊歷印度之便。查看仰光商務。茲據稟稱。印度各埠均有旅居華人。為數不少。而華人在仰光設立行棧。僅三四年。開埠最後且迭經兵燹。生理艱辛。非印度各埠可比。近來義舉善會次第舉行。宣講

聖諭。開設公塾。實他埠所未聞。又據稟稱。印度一區。地當熱帶。物產之富。甲於五洲。埠之大者有三。在東曰甲

出使日記續刻 卷一

五傳經樓校本

谷他即加爾各答在西曰孟買。在南曰馬搭刺即麻特。皆瀕

海繁盛之區。為亞歐兩洲通商之樞紐。孟買及馬搭刺駐有英國大員。本兩大省會。甲谷他乃孟加拉省之會城。其大員駐此者。有統轄全印度之權。體制之尊。擬於王者。凡印度行銷四遠之貨。俱從此三埠出口。華人之商於印度者。亦以此三埠為多。西洋人稱亞洲大埠。以甲谷他為第一。而上海次之。然孟買一埠。亦足與甲谷他相埒。查華商出洋。開埠最早者。惟甲谷他及孟買兩埠。遠在新嘉坡開埠之先。今新嘉坡設領事已逾十年。而此兩埠尚未議及。蓋因其地為使節所未經。故商情無由上達耳。且印度北通西藏。東逼雲南。由甲谷他至西藏邊外之大吉嶺。火車一晝夜可達。由甲谷他至雲南邊外之新街。輪舟十餘日可達。昔年英人北取錫金。東滅緬甸。調兵調餉。均以甲谷他為總匯。若於此埠設一領事。不但維持商務。亦可裨益邊防。查甲谷他西至孟買。輪船繞道甚迂。而陸路有火車可通。不過九百餘英里。甲谷他南至馬搭刺。火車略須繞道。而沿海有輪船可通。不過七十餘海里。苟使甲谷他有一領事駐紮。即可以一埠遙控兩埠。不必再議添設以節糜費。

初五日記

出使日記續刻 卷一

六傳經樓校本



姚文棟又稟請在仰光設立文報局一處。在八募設立分局一處。俾雲南與外洋往來文書得一捷徑。英國信船自大西洋入孟加拉海灣者。或從檳榔嶼經過。並無徑達仰光之綫路。查仰光華商閱幫最大。閱幫商家勝茂號最大。現舉其經手人監生林作秉經理文報事宜。凡遞文報由仰光西達英京。北通八募。輪舟火車俱有定程。不致遲亦不能速。惟野人山須候商隊帶過。頗費躊躇。然遇有緊要公文。亦可僱用獵夷專送。費亦輕。獵夷之於野人。猶生番之於熟番也。計自英京至仰光。輪舟二十餘日。仰光至阿瓦。火車一晝夜。輪舟須行六七日。

出使日記續刻

卷一

七 傳經樓校本

因水淺之故。阿瓦至八募。輪舟五六日。八募至騰越。商隊行八日。如僱獵夷。不過兩晝夜。騰越至省城雲南府。共約二十八站。遞送文信。不過十晝夜。統計西洋達雲南。大約五十日左右。斷不出兩月也。惟傳電之法。須至新街閣看情形後再定。現聞印督派員名華麗者。查看康東一帶之地。彼總先我一籌耳。

初六日記

近百年來西洋諸國。多得養民新法。其最盛者。美國產業於八十年之內。多至四十三倍。英國於八十五年之內。產業多至六倍。法國於六十年之內。產業多至三倍。

蓋美多曠土。皆係膏腴。可以開墾。故收效最速。英國得新式機器。製造各貨。並通商五大洲。故能坐致富強。美有七家。共得銀四百兆兩。英有五家。共得銀一百兆兩。德有二家。共得銀二千五百兆兩。法有一家。得銀一千兆兩。諸商之致此鉅富。實眾工人胼胝辛勤所致也。因此各工人設會曰同心會。又曰同合會。計德美各有六十餘萬人。英有八十餘萬人。法國人數更多。動輒停工。實非與上為難。不過求工資饒裕。且一日中限定作工四箇時辰。以資養息也。

初七日記

出使日記續刻

卷一

六 傳經樓校本

泰晤士報云。泰西天文士測量地球距太陽之遠。先後不同。耶蘇未生前一百五十年。協巴朝士謂地球距太陽。英路五百九十萬里。耶蘇降生後一千五百四十二年。高巴拿士謂地球距太陽。英路四百七十萬里。一千六百二十八年。基布拉謂地日相距。英路一千三百五十萬里。一千七百九十九年。拉布釐士謂地日。英路九千二百八十萬里。一千八百二十四年。燕基釐謂地日。英路九千五百二十五萬里。近日天文士均算得地日。英路九千二百八十九萬里。前後各說不同。如此可見測算之難。

初八日記

去年英國查核阿爾蘭戶口計共男女四百六十五萬一千二百九十一人較之前屆稽查之時轉少四十九萬三千餘人

初九日記

護院撫阿克達春片稱據統領威靖營記名提督李得勝稟稱該營駐紮亳州北關外距城三里餘有三皇廟同治初年為博多勒噶台親王僧格林沁收儲軍火之處尚有炸礮火箭各件封存在內該營操防火藥亦存後樓光緒十六年八月十五日巳刻三皇廟後樓火藥

出使日記續刻

卷一

充傳經樓校本

陡然轟炸知州陳晉馳往救護所有火藥及炸礮火箭等件同時轟發男婦老幼死者七十六名草房瓦屋轟燬者一百數十間祠廟會館房屋亦多轟震之處查威靖營火藥存該樓共計六百六十餘斤派員經營有勇丁看守局鎖慎固惟樓北隔牆文昌殿亦係樓屋三間弁勇宿北樓下此次火發之由廟中曾作木工木匠及勇丁均在文昌殿內煮飯時天氣早乾亢燥已極或因炊爨遺火所致惟匠作弁勇俱已被火轟斃無可究詰該營槍礮軍械向係另存他所並無遺失

初十日記

各新報錄日本東京來電俄太子遊歷日本將往東京

在阿租之皮佛湖上泛小舟登岸行不數武被下等巡捕以刀斫傷其首創長三寸尚不甚深裏傷敷藥即乘火車往東京或云該巡捕係瘋人或謂係沙摹來教向嫉洋人者也太子略受微傷刺客二次舉劍被希臘太子用棍擊倒日皇率其大僚立即馳往問候

十一日記

法國勒當報天津信云李傅相擬在開平附近設立一廠鑄造槍礮及鐵路等件現正與克鹿卜商議合同凡中國採購料件准以若干歸克鹿卜獨自承辦則現在

出使日記續刻

卷一

充傳經樓校本

設廠之費克鹿卜願為承認數年後仍以此廠交還中國其合同及詳細章程係德使巴蘭德在總理衙門商訂泰晤士報初五日蕪湖鄉民滋鬧焚燒天主教堂英領事署亦被燬領事逃避兵船中國二兵船由滬赴蕪彈壓湖口縣城外武昌港梅家洲有兩處礮臺武昌港礮臺在石鍾山下地勢尚高梅家洲地勢稍低江湖漲時不免淹浸幸四圍礮隄堅固惟藥庫礮房須稍加黏補

十二日記

客秋英國稽核南洋各島民數麻六甲八萬五千餘人

檳榔嶼二十二萬八千五百餘人。白蠟十七萬五千人。惟內有五千人係在鄉間居住。新嘉坡十八萬四千五百餘人。追溯前十年。男婦僅有十三萬九千餘人。前二十年僅有九萬七千餘人。臺灣基隆金礦每年出口過關之金。約值英金一萬五千三百三十餘鎊。英領事向巡撫言出口漸多。應定收稅章程。前議洗金之人不必納稅。上山開金之人必須收稅。今思最好之法。莫若視出金多少。照數抽稅。並照洗金之人數而收之。

十三日記

泰晤士報錄仰光電述新報確信云。中國現擬與英國

出使日記續刻 卷一

三傳經樓校本

商辦劃分中緬界限。中國擬自太平河起。流入厄勒瓦。一譯作伊。江離蠻。北約十五英里。作為兩國交界。若果以太平河為分界。則附近該處之地。南北長約一百五十英里。寬二十五英里。現歸英國管轄者。勢將讓還中國矣。

十四日記

徐筱雲少司農來信云。重慶通商之約。喫虧甚大。當時若聽其試行輪船。川江極險。勢難上駛。即使能行。後准其通商。而淺水輪船裝貨無多。秋冬水落。船即難行。彼亦不甚得利。無如川督力阻行輪。不得已准其用華式。

船隻通商。彼可常年運貨。自漢口至重慶數千里。祇能征收正子兩稅。沿途釐金。所虧不少。且洋商免釐。華商征釐。生意亦必為其所佔。官民兩受其損。事既至此。亦無可如何矣。

十五日誌

許竹質星使來書云。德意志國與地及列邦分合。現今錢念劬與金楷理從事於此。擬拓為圖。就各邦綴之以說。略存其概而已。代使之名。法文之音曰沙涉大斐爾。即四等公使也。近刻星輶指掌序例中言之。以參贊署理公使者亦用此稱。然各國皆派專使。必其使臣有事。

出使日記續刻 卷一

三傳經樓校本

請假。乃用參贊署理。中國使者兼攝數國。往來駐紮。未嘗離任。安有另增一署理公使之理乎。此其沿用洋例。舊稱本屬不合。應釐而正之。此事使臣有應為之權。不必請示總署。但咨請立案。或云令參贊某轉報而已。洋文照會詞內。從前或插入沙涉大斐爾字樣。沙涉者。譯言承當。大斐爾者。譯言公事。其義亦無他。其如為相沿之牌子名色。何總在不用名色為要。

十七日記

袁爽秋戶部來書云。香港設領事。此蘇帥在粵所經營。百方面不可得者。我公不動聲色。動刀甚微。諒然理解。

將來粵中交涉緝捕一切受益宏多無形之功勝於赫赫之功也喀什噶爾設英官既可牽制俄國不使獨擅商利又印度苟完隱然一敵國衛藏亦相庇而安俄英兩大莫敢先發新疆營繕其間反有磐石之勢且與英通商納稅則我之議改光緒七年新疆暫不納稅之條亦有辭此我之利非我之害無可疑也署中列憲有以喀城設領事須俟外部開談尊處勿先發端立論者乃邱憲持重過於矜慎之意相機裁決仍在台端持之耳

十八日記

西人近以最精回光鏡測知月中多山而南半尤多

出使日記續刻

卷一

三傳經樓校本

月面幾盡山也山形皆中窪若碗口俱正圓在月邊者視之若擗圓山之大者內有小峰矗起其狀酷肖地面火山又窺月面不見有雲似已無氣無氣則受日光處其熱最猛更甚於地面赤道之午正而暗處必極冷更甚於地面之二極故月面各地每半月酷暑半月嚴寒惟當光暗之界疑有流水其或一面受日水蒸化汽一面背日汽凝爲水因各得氣之平固未可知惟自地推月徑一杪之圓而約方三里故今之遠鏡雖精尙未能證其有人與否因未能察及房屋田畝也至月面雖無氣然未必全月面如此故亦可生人物或在背地之一

面也

十九日記

蟹之佳品產江浙間者凡數種曰湖蟹出於太湖殼軟而色黃至冬益美爲最上品曰紫鬚蟹出於吳江體巨而肥有一枚重二斤者曰尉遲蟹出於崑山之尉洲曰潭塘蟹出於常熟之潭塘殼軟而爪拳俗呼爲金爪今人所謂蟹爪菊蟹爪水仙者殆指此也曰玉埼蟹出於無錫之玉埼鄉大抵皆以近太湖而佳他若江蟹黃蟹之類味少減矣至若外洋之蟹暹春有蟹一種其巨異常其殼有關至五六尺者居民鬻其肉而售於市以其

出使日記續刻

卷一

三傳經樓校本

殼建作門坊小者用覆醬紙或作雨傘惟質粗味劣耳西印度之巴苗地方有蟹殼巨且重殼端尖起如峰雖負此重殼多力異常每日由海濱登山覓食橫行郭索其捷如飛西人以其多力無異於帶甲之兵因名之曰兵蟹新金山之急屈埃蘭島有蟹陸居並不在水之涯其色白其身扁有如紙狀行則跳躍傾欹反側望之如風之吹紙美國之亞仙申島中有蟹半水半陸而居善於緣木每日登樹杪啖蔬果雖參天直木上下如飛趨捷如猿不易捕之其地又有蟹一種體略巨而嗜食兔肉每登山搜得兔窟卽入穴攫兔以果腹兔無得免者

夫以介族而食毛族可見造物制剋之妙無奇不有

二十日記

歐洲學堂之教士及國家之行政以地理為始基以商務為歸宿故其風氣皆善尋荒地而墾闢之南北美洲皆英吉利西班牙葡萄牙人所闢也今美國人固皆英人之種其餘各國人亦歐人種也其土番則日漸微滅間有與歐人聯為婚姻者浸化為歐人種矣至於澳大利亞一洲則全屬於英阿非利加一洲則英人法人德人比人分往占踞經營墾闢漸有成效數百年後必多富庶之區是歐洲而外凡美洲阿洲澳洲皆歐人地也

出使日記續刻

卷一

五 傳經樓校本

亞細亞一洲地最大自土耳其原有之中東兩土外今五印度則屬於英矣中亞細亞游牧城郭諸國則十之八九屬於俄矣亞洲極北之境西伯利亞以東南瀕黑龍江東傳於海則盡屬於俄矣南洋諸大島則分屬於英於荷蘭於西班牙矣即緬甸越南柬埔寨六分屬於英法矣是亞洲全境入於歐人者殆已逾十之七惟中國日本暹羅波斯阿喇伯四五國尚稱自主而阿喇伯前曾服屬於土耳其勢亦甚微中國地廣民眾其可以自強之勢庸詎不如英俄或且能駕而上之況以區區之日本尙知力圖振興豈中國反不如日本乎然中國

宜為自強之謀迫矣急矣不自強則僥焉不可終日矣而今之執政者若不甚措意焉何也蓋狃於承平時舊習之過也

二十一日記

叻報云防海之法宜築礮臺於平地礮在地面之界綫下與水面之界綫平就地挖坑使礮彈由坑內衝出直擊敵船礮上用太平蓋以避田雞彈其蓋與地面平礮後與牆相距數尺以通風氣取其易散火藥之煙雖今船內康邦機器均在水綫之下平擊不能壞其機器然船可毀壞人必瘡傷敵如擊我高則彈子飛空低則入

出使日記續刻

卷一

五 傳經樓校本

地我擊敵遙則仰礮近則平礮凡從高擊低難以命中從下擊上易得礮綫平原曠野宜用克魯伯八生後膛及五管哈乞開司車輪礮大毛瑟槍可以擊遠若山路崎嶇宜用火箭及呔啫士打快槍單管哈乞開司礮改用單輪以行山徑儻守營壘隘口宜用魚雷及四管拿勝飛礮

二十二日記

駐法參贊慶常來函云修約一事法約有十年之期而無半載之限雖已逾期五月之久如彼此願修仍可聲明法議院會議稅務有請仍舊者有請加重者尙無定

論據外部總辦葛拉物里云。舊章行之已久。商務亦好。似可無須修改。如彼此有小不便處。不妨聲明量為變通。現未查出不便之處等語。蓋彼所得利益。無以復加。所以願仍舊貫也。呂宋地方。日本已設領事。而我獨無。況日都倭無使館。以駐法公使兼之。用力少而成功多。令人可愧。駐華俄使葛希尼。赴京任事。兼修約章。昨過巴黎。晤談甚久。西貢設領事。減身稅。皆有可圖之機。義國拿波里中西書院。既經教會學部商定。由書院賠給一萬二千佛郎。并傢具等物。似可就此收場矣。

二十四日記

出使日記續刻

卷一

天傳經樓校本

是日為西五月三十日。赴君主壽。蓋後誕期六日開筵也。

二十五日記

徐彼雲少司農來書云。香港設領事。往年未經辦到。去歲華爾身來署。述其外部之意。欲在喀城設官。本署未經允許。並告以即如香港。中國欲設領事。英國何以不允。此原是抵制之辭。華使當時即云。如中國許其在喀設官。則香港領事亦可相商。本署恐其遂欲兩相抵換。又復用言支宕。遂作罷論。想華使必將問答之語。達知本國。故於閣下請設香港領事。即行允諾。以示先施。冀

可遂其所請。現在此事勢難再拒。且藉以牽制西鄰。使之有所顧忌。未始無益。若能如來示所云。稍索利益。則更善矣。領事給發准照一節。為西國通例。索之不為無辭。度彼必云。俄領事如給准照。彼亦可以照辦。此事能否辦到。恐無把握。至其願照稅則納稅。則前數年署使歐格訥早經言之。蓋其注意新疆久矣。刻下華使尚未提及。擬俟其開談。再行函致尊處。與之商議。較之在此商辦。自更得手。閣下力任其難。曷勝欽佩。此事或須先行奏明。請旨辦理。尚須與諸公商酌也。

出使日記續刻

卷一

天傳經樓校本

二十六日記

巴黎覃排報云。去冬馬尼布酋為其兩弟所廢。逃至嘎爾格達。其第一攝國政。尊稱曰序白拉。將待印度總督之核准。一掌兵權。名扇那蒲低。序白拉為人懦弱。而扇那蒲低則精明強幹。甚得民心。印督將以廢兄之罪。歸之扇西。仍聽序白拉久於其位。派駐紮阿桑大臣。東印度省居民四。經同前赴馬尼布。欲捨扇酋。僅帶四百人。以往而馬尼布有強兵六千。駐馬尼布之英員格林胡特。密告經同云。扇酋非低首就捨之人。經同不聽。遂欲誘捨扇酋。屆期扇酋稱病不到。經同登門搜捉。格鬪不

勝與其隨帶員弁皆被擒見殺格林胡特亦被殺英駐緬甸大員調兵進發馬尼布人三萬開仗而敗英國分屯葛依瑪街薩八募之兵剋期會集於馬尼布印度前月電信云大兵已抵馬尼布該邦宮殿空無一人邦主兄弟及統兵之將皆已逃遁英官被殺者之尸尙存邦主潛入山內英兵跟追獲之以歸

二十七日記

於地面仰測諸曜見其時時行動異於恆星者不獨日月也又有諸星其近且大者曰水金火木土五緯也其遠而難見非遠鏡不能察者曰天王曰海王其微而難

出使日記續刻

卷一

三傳經樓校本

見者亦必窺以遠鏡近時所已測見者約有百十餘星恐未測見者尙多與小恆星難別也諸行星之道亦自西而東除穀女武女天后諸小星外其道俱近黃道凡行星皆小於日然有大如地及大於地者諸行星上設有動植諸物其性質必較地面諸物不同蓋諸行星異於地球者三受日之光熱多少不同攝力大小不同體質疎密不同也土星實徑約二十二萬五千里體積大於地球約一千倍

二十八日記

安徽攔江磯地方形勢扼要沈仲復中丞奏請建造礮

臺刻下工程告竣中丞馳往驗收 印度報云西歷一千八百八十八年印度茶錫蘭茶運進英國口岸者重英權一百十三兆磅八十九年進口者一百二十七兆磅九十年一百四十六兆磅而中國茶進英口者一千八百八十八年一百五兆磅八十九年八十八兆磅九十年七十四兆磅恐將年少一年矣

二十九日記

法屬越南之南圻度支歲入淨銀七百五六十萬員而地方公 雜派不與焉歲出不及七百萬員而地方公費不與焉計入浮於出者七八十萬員歲入以出入貨

出使日記續刻

卷一

三傳經樓校本

稅為大宗約得四百萬員次地丁兩稅約一百二十三十萬員次工商之稅約七八十萬員次雜稅如洋藥材木之屬約五六十萬員次華民身稅約三十五六萬員又華民進出口及寄居執照稅約六七萬員又華民於常例之外另交身稅照稅等項歲約四十萬員有奇度支出款以俸餉為大宗工程之費次之

三十日記

用折賦稅之制十有六種現開稻田約九十萬頃每法與計中國方歲開新田以萬頃計歲產米九百五十萬石至一千萬石不等除供民食外出口之米歲約八百

六七十萬石。其得米價約一千二百五六十萬員。運往中國者十之六七。往南洋者十之三四。售米經華商手者十之八九。經西商手者十之一二。故南圻米市之利。華商獨擅之。粟米之外。產皮革材木魚鹽木棉骨角毛羽漆絲。龍椒燕窩魚翅之類。除本地需用外。每歲出口價值四百萬員左右。進口貨以洋布魚網為大宗。歲價約五百萬員。次五金之屬。值二百萬員。次煤。次雜貨。每歲進口價值七八百萬員。凡南圻商務之利。華商得十之七。西商得十之三。

五月甲子朔記

出使日記續刻

卷一

三 傳經樓校本

石蘭莪亦曰吉隆。去年核計民數。西人巫來由人華人印度人雜種人。共男女八萬一千四百有奇。內華人五萬一千一百名。白蠟民數二十一萬四千七百有奇。內華人九萬四千四百有奇。又統新嘉坡檳榔嶼麻六甲三府民數。男女共五十萬二千有奇。中俄商務以茶為大宗。近日華茶之在俄銷流者。較昔為盛。蓋華茶雖減銷於英屬。仍倍售於俄邦。然絮長補短。有絀無盈。

初二日記

姚文棟稟稱緬甸海口之埠。凡三處。而仰光扼其要。沿江之埠。二十二處。小者二十九處。而阿瓦與新街扼其

要海口商務。閩商主之。沿江商務。滇商主之。粵商生意之大。不如閩人數之多。不如滇等諸自節以下而已。天津林西鐵路業已竣工。鐵路公司接築鐵路。擬由開平古冶林西而至山海關。經瀋陽以達吉林。已派員在唐山一帶履勘插標。附近澳門有青洲海島。係香山縣屬地。周迴二里許。矗立海中。在澳門租界之東。葡人踞而有之。英人於島中建築樓臺。為避暑之地。現聞英葡議填塞海面。正對澳門蓮峰廟築馬路以達彼岸。

初四日記

出使日記續刻

卷一

三 傳經樓校本

姚文棟函稱雲南邊外有孟拱孟養木邦蠻蕃諸土司。向屬中國。其地為玉石百寶精華所萃。內有紅寶石礦藍寶石礦翡翠礦琥珀礦種種不可勝計。英人占其地為己有。恐中國索之。是以願將揮人各地讓歸中國。編屬揮人相傳有九十九土司。華人經商於其地甚眾。民情頗向中國。山中物產亦夥。有乾隆年間所遺界碑及糧臺遺蹟數處。騰越人毛英德捐分部員外郎言之甚詳。彼有分號兩處在揮人境也。又商人許姓言去年外部接中國星使照會後。知勘界在印。印度總督派員分道查界。一查北路野人山一帶。一查東路揮人一帶。此員名方華麗兩路員弁首塗時。有騰越舉人張成濂遣人潛尾其後。



伺察彼之所為以緬文詳記之北路查勘四閱月已歲事而歸東路去已六月尚未回張成濂生長緬地熟悉緬文留心邊事與毛英德同為有用之才

初六日記

諸行星除水金火及諸小星外皆有月少者一多者至六七月之繞行星猶行星之繞日也木星有四月土星有八月天王已測得四月或云六月海王已測得二月木星經歷代細測其四月甚明了繞行木星亦自西而東天王四月之繞本星則自東而西至彗星借日光而明無可疑者蓋彗乃薄氣積成能透日光故內外通明也蓋彗體甚小而包體之氣甚大體與氣俱受日光而明焉

出使日記續刻 卷十

三 傳經樓校本

初七日記

海參崴電信云西伯里亞第一段烏蘇里鐵路已成四月二十五日俄太子首先開車眾人稱賀極其熱鬧太子在車站立一銀牌以示不忘之意此已成之路不過二俄里半云 古巴初設領事時中日所訂之約凡日國准他國設領事之處均准中國設立況日本在小呂宋已設領事日本在西班牙並無使館祇以駐法公使兼之而中國在日都早有使館然則小呂宋設領事一

事但能認真爭論未必無把握也 許竹簣星使現即赴荷欲議噶羅巴設領事事又恐難允尚在躊躇又接西班牙參贊函小呂宋設領事一層復經外部駁卻勢難再議

初八日記

李伯行星使奏稱中國與日本通商口岸橫濱神戶長崎設正理事官外嗣因箱館新瀉夷港商務漸興添設副理事官一員此外築地一處歸橫濱理事兼轄大坂一處歸神戶理事兼轄近年大坂商務日盛交涉漸多而築地坐落東京華民寄寓益眾現擬請築地大坂二處仍歸橫濱神戶理事官兼轄惟再設副領事各一員於隨員中擇其廉幹有為者分別派充以資助理二月十三日奉 硃批著照所請該衙門知道欽此

出使日記續刻 卷十

三 傳經樓校本

初九日記

俄造西伯里亞鐵路三年前已有人建議自叻母斯克至歐庫資克一譯作耳庫池有一千五百六十七俄里即一千零三十四英里為第一段越拜開湖自拜開湖之東岸沿西倫格江烏大江希爾楷江過大金山而至司屈來真司克一譯作頓屯有一千俄里即六百六十英里為第二

段再由黑龍江順流而下至烏蘇里復由彼處造至珲春有三百八十三俄里卽二百五十三英里爲第三段加以枝路三十一俄里卽二十里半英里其路共長二千九百八十一俄里卽一千九百六十七里半英里其造費與備火車約需俄銀一萬萬二千二百萬盧布卽英銀一千八百三十萬鎊 俄廷會議西伯里亞太平洋鐵路事宜限定六年竣工

### 初十日記

中國所設電綫幾徧二十一行省海軍衙門王大臣又以鐵路當與電綫相輔而行奏明由林西接至山海關

### 出使日記續刻

卷一

美 傳經樓校本

### 十一日記

俄國之教門最雜計從希臘教者八十兆從天主教者八兆從耶穌教猶太教者各三兆從回回教者兩兆六十二萬 余前檄派姚文棟查看印度緬甸商務其所經歷之各埠曰印度曰麻打拉薩曰加刺吉打曰達芝零曰孟買曰緬甸曰仰光曰峇刺波利曰萬底除仰光一埠外皆張蔣帥前遣王余兩委員所未到者華人在加刺吉打通商已一百五十餘年開埠最早生意極大

爲亞歐兩洲貿易之樞紐上年駐藏升大臣勘界到此眾商求派領事允爲設法

### 十二日記

美國朝廷初擬由舊金山設立海底電綫通至日本派水師副提督卑路勒前往查勘勘至一處將鉛放下探其深淺至四千六百四十三尋尙未到底現已停止興工 近來俄境分十一部每部有大臣統轄此外軍機處爲朝廷辦事之所統理事權者係俄皇季父教會之事別有教部掌之國中省會分六十三處外又有十四路每省有巡撫統轄

### 出使日記續刻

卷一

美 傳經樓校本

### 十三日記

天空除日行星彗月之外尙有無數光體大小明暗不等而相與成方位永不變亂故名之曰恆星天文家測恆星之明暗自一等至七等光漸微自八等至十六等非遠鏡不能見矣恐十六等以下尙有無數星今未能見也前人所測定之等不盡同大約一等星二十三或二十四二等約五六十三等約二百總計一等至七等見於各家表者自一萬二千至一萬五千未定天河爲無數小星之光所積而成更不可數計蓋行星俱受日光恆星不藉日而自發光或者各自爲日而別有諸行

星繞之固未可知但遠不能測亦未敢懸斷耳

十四日記

天主教入中國以來教士被殺者前後已有九十人此次蕪湖之變幸未傷一人查天主教在華教會有二十五處以大教士二十九人分治之傳教者計有法人七百五十一名華人四百二十一名列之以教授一千八百五十八名尼姑三千名在三十一經院專教教門書一業一千零八十一學塾中為生聚陶淑之計中國現有電綫長二萬六千五百三十啟羅邁當今又在甘肅之西設立一綫接至俄西北邊界中俄新立合同載

出使日記續刻

卷一

毛傳經樓校本

明華綫俄綫接頭處在黑龍江境內之山谷中

十五日記

越南之北圻以甯平清華兩省為中圻之分畫截長補短東西廣九百里南北長八百里河內乃安南歷代舊都城名昇隆越人謂之東京其近海之河內等八省江河縈繞謂之江套江套諸水多發源中國最著者四一曰富良江又名紅江因江水逐紅沙以行水為之赤故名發源衛藏由保勝入北圻歷興化山西南會沱江北會洮江貫注河內至南定甯平入海二曰太平江發源滇粵羣山之間歷太原北甯海陽廣安以入海海防一埠即太平江入海

之咽喉也富良太平二江之間有運河三道水深六七尺為貫通二江之渠曰灘河在河內之北曰渡河在海陽之南曰竹河在興安之南二江支流環繞四通八達三日洮江又名清河發源雲南由開化之蓮花灘入北圻歷興化之北東會龍江經宣光而南入富良江其匯流處即越德關也在山西與化之間四曰沱江又名黑河發源雲南由土司地入北圻歷興化南境東流至石埔開轉流而北入富良江凡諸水上游為山林礦廠之境下游為水澤稻田之鄉下游多良田沃野財賦食貨之所自出也

出使日記續刻

卷一

毛傳經樓校本

十六日記

華民在諒山高平者由廣西陸路而來娶越婦長子孫視為熟路故二省民數華民居三之二越民不及三一其在各口者則來自閩廣瓊州而粵人最眾大抵海道來者為通商陸路來者為開礦從前華民在諒山廣安高平太原北甯諸礦者十餘萬而在河內北甯海陽南定各口貿易者三四萬開釐以後礦廠大半停工商務為之阻滯目前各口華民二萬有奇以海防為總匯各礦廠及邊界華民約五六萬而傭工無幾蓋北圻生齒極繁已有人滿之患凡力役之事越之男女皆優為

之工價廉於華人也。至黃黑旗之餘黨，法人目爲華寇者，亦有數千，而越民之不服法者亦附焉。

### 十七日記

向來英館每隔一二年或四三年必請茶會一次。自丁亥年劉前大臣任內曾有茶會，至今已越四年矣。余到此一年有半，酬應主客官紳赴招茶會已不下數十次。自不能不答厚誼而聯眾歡。先期一兩月即分帖延訂。是晚十點鐘至一點鐘，各國公使參贊隨員及倫敦著名官紳會者五六百人。此事由馬清臣悉心經營，陳設華煥花草鮮美，肴果豐潔，僉謂此等排場爲各使館所出使日記續刻 卷一 堯 傳經樓校本 僅見云。

### 十八日記

覃排報云：馬尼布叛酋擒獲後，英官連日審訊，以該酋扇那浦低與英君主大兵抵敵，且殺害英國武員，厥罪難辭，遂判以纒首之刑。巴黎報云：駐華各使干請中國政府之事，已有效驗。中國大皇帝明降諭旨，申明保護西人及教士等一切章程。揚子江鬧事各犯，即按律懲辦，懸擱事宜亦將速結。聞此道諭旨，并須刊印張掛。

### 二十日記

姚文棟密函稱：滇兵有兩營，度野人山至蠻弄迎候英兵，欲送至野人山半路之紅蚌河交卸，以爲彼界在此。已力辭之，并招華兵四人至新街迎接，又函屬大營移至蠻弄駐紮四日，而後啟行，以微露中國之意，須以新街爲界，而蠻弄爲吾內地也。緬甸地廣人稀，洋兵勢弱，故汲汲趕造鐵路，不日可由格薩通至嘎爾格達，以便運兵往來。同舟有鐵路工師一人，即係經理格薩鐵路者。此路由格薩通至孟拱，由孟拱通至阿桑。阿桑本有鐵路，接至嘎爾格達，又有兵房工師一人，係至新街營出使日記續刻 卷一 罕 傳經樓校本

### 二十二日記

通商以來，論者慮銀錢流出外洋固矣，然外洋之耗中國乃黃金，非白銀也。西洋制幣皆以金錢計數，零星交易始用銀錢，英美諸國皆然。法國銀幣較重，仍不敵金。德國二十年前尙重銀幣，近始改鑄金幣。美國近來金

礦漸虛銀礦尚盛聞昔內地金僅銀數兩二十年尚在十兩內外今至二十兩以外與西國金價相若非西人運往而何往哉曩者雲南出金經兵亂而止吉林出金驅逐金匪而亦止今惟恰克圖邊外俄人所採金砂經華人竊購流入中國轉藉鄰邦漏出之銀以供挹注設彼禁絕私銷內地金源將竭經營北邊金礦似為時務所宜據俄礦師云自恰克圖至庫倫中途烏羅河鳥喇山一帶皆有金苗金砂至於唐努山北葉尼賽河上游之水富有金砂俄人越界淘金前年驅逐有案

二十三日記

出使日記續刻

卷一

望 傳經樓校本

英屬阿洲之急打羽因地方稽核戶口西人之居是地者共三十七萬七千名土人一百十四萬七千名合計一百五十二萬四千人 開平煤礦歷年共費銀二百三十萬近來生理甚旺所出之煤不敷銷售近又在林西另開一煤礦祇費工本銀三十萬兩煤質甚佳其苗較旺

二十四日記

從前水師制勝端推水雷西語名曰託皮情現在新製雷船如魚游泳能於水底駛行各國式樣不一惟法國價廉且堅利無前其式如魚長一丈八尺寬五尺身圓

而短全以純銅製成中坐兩人旋以螺絲水不得入進退上落不用柁而用輪不用火而用電比及敵船即解本船兩旁所繫之託皮情潛置敵船之下引以銅絲而撥本船至極遠之區僅將銅絲捻合當即過電而託皮情聲響如雷敵船立成齋粉並有鐵練兩端繫以浮樁置於敵船之下瞬即上浮纏繞重輪船難行動此船每點鐘能行二十里入水可深至三十丈又有收取空氣之區每兩點鐘能換養氣人坐其中至八點鐘無妨每船費銀不過八千兩約有十艘便足防護海口西班牙已仿造矣

出使日記續刻

卷一

望 傳經樓校本

二十六日記

葡萄牙幅員三萬四千六百里比西班牙地得六分之一舊分十七省現分境內為六省從前兼轄巴西地大於葡萄牙數十倍道光四年巴西始改為自主葡萄牙講求航海之學始於宋末元初迨明洪武年間國王約翰勵精圖治勤於探地行海經商之要務遂以航海稱歐洲之冠明世所稱大西洋者也宏治年間先至好望角遂出好望角而至印度是為歐洲通印度之始又與日本立通商之約嘉靖以後國勢浸弱至今商務亦大遜於前蓋為英人所奪云

二十七日日記

近核東西洋各國在中國通商者統共八千一百七人。洋行五百二十二家。內英國三千三百十七人。洋行三百七家。美國一千一百五十三人。洋行三十二家。日本八百八十三人。洋行二十九家。德國六百四十八人。洋行八十家。葡萄牙六百十人。洋行五家。法國五百八十九人。洋行十九家。西班牙三百四人。俄一百三十一人。瑞典一百五十五人。其餘各國皆不過數十人而已。

二十八日記

俄西伯利亞鐵路自烏拉嶺南專利阿排起穿西伯利

出使日記續刻

卷一

聖

傳經樓校本

而抵海參崴長七千四百啟羅邁當工部估本四百八十兆盧布。期以三十二年竣工。俄提督項曩谷夫估本三百兆盧布。期以四年竣工。其經費則擬借國債於巴黎。今日自歐運華之貨如煤、麵糖等及種種出產製造各物。每年約值三百五十兆方。俄路若成。冀分其一半生意。又有運往日本之貨。且茶葉自華運歐。亦可攬俄。從此由倫敦至海參崴。祇須早路十七日。再由海參崴至上海。海程三日耳。

二十九日記

昨准總理衙門密電云。月來教案疊出。蕪湖丹陽武穴

無錫金匱陽湖江陰凡七處。武穴斃教士一人。洋關扞手一人。皆英籍。餘皆法教堂。焚燬情形不一。至謠詠所由。因蕪湖教堂華妊醫為街上幼孩治病。孩父執送以爲迷拐。蕪令留押一宿。教士往索即釋。匪眾遂譁。竟將教堂焚燬。上下游各案因之紛起。當擊蕪案首要正法。傳首兩名。餘罪十名。武穴獲十數名。訊實兩名。擬抵償外。丹陽獲九名。無錫獲六名。尙無確供。本處申明條約保護奏請。

諭旨明發。以期彼此相安。業經咨會在案。現英法德三使屢次同來爭論。尙以我辦理未速爲詞。告以匪犯四

出使日記續刻

卷一

聖

傳經樓校本

散各督撫已派兵兜擊。購綫訪緝。辦理毫不鬆勁。蕪令撤任。五縣摘頂。地方官應得處分。亦並不姑寬。但擊犯須嚴密。抵罪須確實。地方官辦理如何。亦須全案奏結。方能定奪。斷斷不能以憤詞急索。以上各節。望詳告外。部。免爲一面之辭所搖。致傷睦誼。並轉電竹使照辦。均電覆。余接此電。除轉電俄館外。又函屬慶參贊告法外。部。余自赴英外部。面見克蕾告之。克蕾以筆一一記之。且云此事除失物賠償外。竊望中國辦理嚴速。以懲匪黨。庶可日久相安。

六月癸巳朔記

總理衙門三月二十九日吉字七號函開昨接夔石制軍序初中丞咨稱據騰越鎮總兵張松林等電稟正月間傳聞有野人殺斃英人之事當即飭人密查旋探稟洋人因不時失馬帶同野子勒令清查自帶帳棚宿野寨外之山嶺野人資夜入帳殺斃洋人三十餘名洋人燒焚汗董戶董羅哄三野寨每寨野人約五六家七八家不等又接普洱鎮總兵屈洪泰等轉據委員刀丕文稟稱正月二十五日抵猛海宣尉司駐紮處所突遇洋官二員帶有洋兵六十名亦由孟連來到猛海會該宣慰司後又來會標下據稱奉鎮守緬甸大官飭來踏勘

出使日記續刻

卷一

吳傳經樓校本

初二日記

騰越廳鎮所稟英兵焚燒野寨情形係據隴川土司轉據鐵壁關撫夷排天貴所稟計被焚汗董戶董羅哄三野寨距排天貴麻湯五六十里洋兵旋進駐麻湯西北山上又移紮壘弄壘弄在鐵壁關外五十里麻湯內四十里又查隴川與緬甸分界係在洗帕河一作錫麻湯

在洗帕河以內壘弄又在麻湯以內實係騰越廳所屬土司地界又普洱鎮迤南道稟孟連車里與孟良連界洋人所以到整控踏看地界者蓋思茅之整控江以上為糯札喇卡等江再上為威遠雙江打環大箐等江為鎮邊之南北等江為緬甯之馬台等江其源則麗江府之瀾滄江也整控下游則為九龍江流徑暹羅南掌過越南入海水勢至整控下之九龍江較大只有渡口並無行船此水路也由孟良至孟連八站由孟連至九龍江十餘站由孟良直走九龍江亦十餘站由九龍江上至整控江五六站此旱路也思茅倚邦易武各茶山俱在九龍江內運茶出外過思茅整控江上之糯札江為多此茶路也以上俱係內地至孟連車里毘連孟良自有兩土司所管舊界為憑此中外交界所在也車里現

出使日記續刻

卷一

吳傳經樓校本

初三日記

傳云或多難以固其國吾於今之日本見之日本自魁柄下移而平氏源氏北條氏足利氏織田氏豐臣氏德川氏迭起稱霸國主虛擁神器逾七百年咸豐同治之間德川氏之勢日衰而諸侯並起力爭英法俄美兵船環伺互逼於是內訌外憂糾結莫解有二三豪傑者流

起而倡議謂不合於一不足以禦外不和於敵不足以靖內因盡廢諸侯而退德川氏以全國之權歸之國主陸續與諸國通商步趨西法名曰維新之政三十年來外交之道日益講求披卻導欵措注得宜工藝益興商務益旺有蒸蒸日上之勢蓋日本之地小於中國不啻十倍而風氣之開先於中國則不止十年斯所以能轉貧弱而漸基富強也藉非多難以磨礪之激勵之安能若是是故國不在大小而在人才之奮興才不限方隅而惟識時務者斯謂之俊傑吾於今之日本見之

初四日記

出使日記續刻

卷一

吳傳經樓校本

德國皇帝於數日前到倫敦各國駐英公使均於午刻往謁會集柏金韓模宮德皇每見一使殷勤數語見余問近日想接中國來信

皇太后

大皇帝好否余答云好德皇又言中國近派許星使駐德已第二次來吾國矣余甚欣喜又言如有信到中國代我為

皇太后

大皇帝請安遂點頭而退午後五點鐘余又赴英太子宮茶會英君主及德皇德后皆在焉

初六日記

泰西諸國都城皆有大書庫如法義等國以印板精緻裝演華美勝德俄丹瑞挪等國以品類繁多目錄謹嚴排列整齊勝大約各有短長惟英京之大書庫尤為盡善盡美庫中善本為數極多且非止存有本國三百年前印出之書甚富即存地球各國之書亦甚多即所存中國書籍非泰西他國所能企及也

初八日記

泰晤士報論法國似蓄狡謀頗有兼併暹羅全土之意力斥暹羅優待法人之非并勸暹廷豫防法國新派華印總督設謀暗害暹羅之事

出使日記續刻

卷一

吳傳經樓校本

初九日記

泰晤士報錄莽達拉一譯作滿得雷新報云密光音譯河東岸之小山音譯邦干昌音譯擬將併入英國所屬境內干昌本介於密光河東西兩岸將來情形究竟何如尚難定斷從前緬王每爭此地為其縣邑現為暹羅不法黨羽佔據

初十日記

總理衙門吉字第八號函開新金山禁阻華民本處以此事於華商華工生計大有關係曾於十四年七月間



與華使再三辯論酌擬章程六條函送華使轉達政府迄今已逾數年尚無消息則此項章程能否照辦殊難懸揣朝鮮遣使泰西上年曾有改全權為三等使之說北洋大臣復信有先謁華使如謂無庸擊往即准予通融之語嗣後亦未能遽定

十一日記

法外部總辦倪薩爾稱上海領事來電南方各省會匪蜂起其擾害西人者皆會匪之黨恐於中國大局有礙是以各國協力自守調兵船二十餘入江巡防現催李梅回華即日啟行俄使與駐法參贊慶霽堂晤談修約

出使日記續刻 卷一

完 傅經樓校本

之事大致尚無扞格且有相抵之處不日就道矣 基隆龍潭渣出產金沙當軸設局抽釐招民淘洗近經礦師察閱金苗甚旺穿山踰嶺其勢蜿蜒自基隆迄臺北縣互六七十里幾於無地蔑有現擬節節推廣委員開辦又飭紳董雇募淘夫六十名在錫口下游擇地試辦俟有端倪再行招徠民人由近及遠逐漸擴充

十二日記

法議院之斐理黨以德國苛待法商攻訐外部議紳亦隨聲附和外部尚書李寶請退各部留之十二日同至議院轉圜 總理衙門來函屬余與法外部商議減免

西貢華人身稅因查許前大臣前與外部辯論數次未有成議係專指中圻北圻而言並未提及南圻此次應包括三圻意方周匝余即函囑慶霽堂辦漢洋文照會稟

十三日記

總理衙門電開教案除七起外又五月杪如舉毀堂三十餘間未傷人南昌但拆華教士房一進現各省嚴防尚安靜希告法外部惟武穴已誅正兇二人而英領事意在株連並欲罪及印官多方作難並未提及卹償尚難了結庚

出使日記續刻 卷一

辛 傅經樓校本

十四日記

法國麥丹報云俄太子抵海參崴時適火車道之鐵軌第一條造成於西五月十二日奉俄皇之命督率安置此路將來應抵烏蘇里之克拉弗斯該為發軔之始基由此展至斯拉多思德經亞歐兩洲二車站接入烏拉嶺一段之車道與俄境之車道相合又烏蘇里迤邐向北沿水流以達克拉排祿街入黑龍江境轉西經黑龍江省城白拉谷維申斯克并順江流以達克拉排祿街由吉林界外環繞而過將近蒙古進德郎斯培格里復入西伯里西境乃經擠搭依爾哥斯克東斯克卑忒祿

把佛祿斯克及哥爾岡以合於烏拉嶺車道之接符處  
路長八千啟羅邁當程期十四日若今日自海參崴赴  
森比德堡則須二月也

十五日記

泰晤士報云印度民數十年以來由二百五十五兆增  
至二百八十五兆德國民數五年以來增多二兆二十  
六萬五千名法國民數增多一百萬名俄國民數增多  
十兆又本年英國查倫敦及威爾司居民計五百四十  
六萬九百七十六名十年前不過四百八十一萬三千  
五百名九十年前僅得一百五十七萬五千九百名

出使日記續刻 卷一

至 傳經樓校本

十七日記

暹羅由曼谷造一鐵路直抵八克那無一譯作暹京十  
一日來電云是日暹王親自興工觀者甚眾 英相沙  
侯在議院宣議云蓋傳法人已佔據暹羅之朗布拉班  
音省卻不甚確余深望暹羅自主之權毋為他人侵奪  
然欲聯歐洲各國以保比利時之例保暹羅尚恐不能  
也

十八日記

德奧意三國連和之密約蓋隱防俄法兩國也舊約初  
訂五年近又展訂六年法人聞之不悅英國初不在約

中而外部與意國亦隱有成議沙侯曾密許意人如一  
日俄法有事意之水陸全軍可盡力戰守英之水師當  
代為守護各海口不必意人分神其初機事甚密厥後  
意王在一兵艦為其武員述之語漸聞於外法廷聞之  
滋不悅有英人自法歸者稱見法人恨英之意更甚於  
恨德國蓋因其有助意之密約云 俄太子在日本遇  
刺客受驚傷痕旋愈日本將遣有棲川親王赴俄廷謝  
罪俄皇發電止之乃輟其行

十九日記

英自嘉慶二十一年以來國勢蒸蒸日上即如國債一  
出使日記續刻 卷一

至 傳經樓校本

事經格蘭斯登諾此谷德蔡爾奪哥申請人辦理抽捐  
還債一法自咸豐六年至光緒十一年已還國債一萬  
萬佛郎英倫三島當道光十七年居民止二十六兆今  
則增至三十八兆咸豐六年之稅僅三百零八兆鎊及  
光緒十一年至六百三十一兆鎊道光十六年出煤二  
十兆噸出鐵一兆二十萬噸光緒十一年出煤一百五  
十兆噸出鐵七兆噸咸豐六年進出口貨價二百六十  
兆鎊光緒十一年七百四十二兆鎊道光十八年商船  
運出之貨二兆三十萬噸光緒十一年七兆四十萬噸  
道光二十年信局分送之信八十二兆四十七萬一千

封迨後按照博郎條議整頓郵政復於同治十三年成  
 培侯恩城瑞士條約郵遞得以徧通天下光緒十一年  
 得信一萬萬四百零三兆封以上係進款加增之一證  
 至於居民在公家行之存款得英金一百零八兆鎊富  
 戶之款置各項公司者尙不在內入塾之孩至四兆四  
 十六萬五千餘名且學塾之規制益精年數亦較昔加  
 四倍印度則自咸豐九年一千八百五十八年起設一總督以治  
 二百四十兆之居民澳大利亞洲田皆開墾有議院有  
 每年用款城之繁庶不減歐洲格那大一譯作自同治八年  
 八年一千八百六十七年改為行省後居民八兆有奇阿非利加  
 出使日記續刻 卷一 著 傳經樓校本

一洲英所得之屬地足與法國頡頏以上種種宏業人  
 皆歸美於英主維多利亞之英明果決任賢使能五十  
 年來執政雖分兩黨而和衷共濟朝無倖位是以能致  
 一朝郵治之隆也  
 二十日記  
 申刻赴沙侯所招哈得飛爾花園茶會乘馬車至金司  
 克羅司車棧坐汽車約行一點鐘到園園乃三百年前  
 英女主以利撒畢所居舊宮也厥後以賜其宰相實沙  
 侯之遠祖故沙侯先世居此已三百年園地極爲闊敞  
 其室皆如宮殿之制猶多三百年前舊式余復觀其男

女圖像服飾亦異於今日大抵昔時之宮室衣服其形  
 式轉多與中國相似者非若今日之迥然不同也沙侯  
 因意大利太子兼拿波利王一譯作南柏爾斯王過來  
 到此特設茶會以款之是日天氣晴朗官紳及各國公  
 使參贊會者頗眾泰晤士報錄俄電云俄已整備查  
 探路徑之人共五百名前往中亞細亞之潘密爾平原  
 地方遊歷以壯聲威

二十一日記

近聞部庫奇窘現議開源節流四事一裁勇營一四品  
 以上廉銀減半給發一加抽鹽斤一准捐舉人 今年  
 出使日記續刻 卷一 著 傳經樓校本

英國官册首相兼外部尙書係侯爵沙力斯伯里大律  
 師霍爾司伯里軍機處尙書子爵克蘭白魯谷管印尙  
 書伯爵卡多庚戶部尙書哥申內部尙書麥丟司藩部  
 尙書納子福兵部尙書斯丹縐布印度部尙書子爵克  
 羅司海部尙書哈密爾登商部尙書喜克司比處農部  
 尙書車潑林郵部尙書雷克司又檢今年各國駐英公  
 使總册法使華亭登俄使狄斯德爾土耳其使洛斯丹  
 巴沙德使伯爵哈子飛爾德奧使伯爵代姆意使伯爵  
 湯義利西班牙使侯爵狄卡色皆頭等也二等公使除  
 中國外荷蘭使伯爵狄拜倫德比利時使男爵瑣爾文

斯美使林庚補使狄瓊佛辣爾日本使子爵高瓦西波  
斯使總兵阿辣愛士巴西使蘇色柯里丹使狄比爾瑞  
典使阿格門阿真丹一譯作阿根庭使多明干士智利  
使敦卡羅士哥倫比亞使安格羅考斯德立加一譯作  
爾黎加使巴辣德希臘使陳納地士海諦一作海地使辣多久  
秘魯使敦卡羅皆二等也暹羅署使侯爵狄忙得里葛  
丁馬臘志略作危地馬拉使敦克利生多檀香使火甫能墨西  
哥署使馬丁乃士尼葛辣格志略作尼葛拉瓜使巴利士羅馬  
尼亞署使南兒楊橋色飛亞即塞爾斐亞使姚維紀記尤辣  
干使阿爾白多大抵皆三等四等也瑞士向僅有總領  
出使日記續刻卷一  
事近聞新派公使尙未知其姓名又衣久多國亦僅有  
總領事

二十五日記

統地球各國約計之共得男女一千五百十兆二十八  
萬人亞洲約八百三十兆五十九萬九千人歐洲約三  
百四十九兆八十七萬三千人阿洲約二百三十兆三  
十二萬一十人美洲約一百二十一兆三十二萬五千  
人澳大利亞洲及旁近各巨島約四百五十萬人歐地  
凡三百七十一萬三千三百四十英方里每方里居九  
十四人亞地凡一千七百十五萬零二百十英方里每

方里居四十人阿地一千一百五十一萬四千七百七  
十英方里每方里居十八人美地一千五百三十一萬  
一千四百九十英方里每方里居十人澳大利亞三百  
五十萬英方里每方里居二人波刺蘭各島一百七十  
二萬八千五百英方里每二十方里居一人

二十六日記

福州創興織布局係巨紳陳伯潛閣學爲之倡在其本  
鄉設局紡織名曰果善堂置機千餘架招男婦學習願  
領機架者聽之惟棉紗非自種自紡須由上海販運洋  
紗購布者嫌其著身不暖故難暢銷然各紳見其辦有

出使日記續刻卷一

美傳經樓校本

成效前年稟請下制軍設立總局逐漸推廣遠近仿效  
今省城織布局已有二十九處矣南台之藤山畔已設  
有分局長樂縣亦另分一局法國由河內築至諒山  
之鐵路其首一站現已落成客冬德國清查戶口計  
通國男女共四十九兆四十二萬二千九百餘名追溯  
五年前戶口共男女四十六兆八十五萬五千七百餘  
名

二十七日記

緬甸稽核戶口英屬下緬甸約有三百七十三萬人較  
諸十年前增多七十萬人土緬甸約共二百五十萬人

美國紐約一埠。十一年前男女共一百二十萬零六千二百餘人。去年稽核戶口。共有一百五十一萬三千五百餘人。白蠟即卑力國也。去年所收稅課。其洋銀二百五十萬員。支費共二百四十四萬七千九百餘員。重慶自通商後。凡挂洋旗之船。駛入川中者。須完落地釐金。而商人尚不甚願挂旗入川者。寥寥近始有兩船前往。尚未知到埠後如何辦法。若照舊章。完正半稅。而不完落地釐金。則挂旗之船。自必異常踴躍。

二十八日記

有議東三省鐵路起訖地段者。其言曰。他省之鐵路。為出使日記續刻 卷一

王傳經樓校本

自強計。兼為富民計。東三省則但可計自強而已。今議東路起自營口。輪船運貨。由此舍船就車。且去瀋陽僅四百里。較諸山海關至瀋陽。近九百里。創造之費較省。惟營口凍河。自立冬至春分。輪船不通者五閱月。天津凍河。由大雪至驚蟄。僅三閱月。且北洋水陸防軍之精銳。皆在津沽。則東三省之鐵路。不如由津沽起手。查天津鐵路。已造至灤州之林西。若東展三百餘里。可至山海關。出關三百六十里。至錦州府。再二百六十里。至牛莊。再二百七十里。至瀋陽。如此則東三省與津沽一氣貫注。由津沽至牛莊。皆為沿海要區。有事時應援更為

便速。況日下官商員董人役。及火車客車貨車。可暫與津沽公司通融取用。隨後從容購造。且牛莊距營口甚近。牛莊建有鐵路。其赴營赴津之兩路。貨物生意必旺。通年常有車脚進款。無須另籌養路之費。此起處之宜審者也。又由瀋陽經長春府而達吉林。由吉林或經敦化縣。或經甯古塔至涼水泉。過大盤嶺而達琿春。如此設防。似為周密。然先後緩急之間。有宜詳慎者。吉林迤東。恆數十里不見人煙。而俄人常欲赴甯古塔購運米糧牲畜。若路接琿春。我無利而俄有益。且無事時遊歷觀觀。爭搭客車。較量運脚。爭端難免。且琿春僅一土圩。

出使日記續刻 卷一

王傳經樓校本

防軍甚形單弱。而距俄卡僅三十五里。雖築鐵路。無可恃以保護。萬一失和。彼族佔奪。為害更大。至商民稀少。養路無資。猶患之小焉者也。由吉至琿。中間之老鴉嶺。張廣才嶺。海慶嶺。大盤嶺。皆壁立千仞。天然屏蔽。且偏地哈塘。人過即陷。若因鐵路而鑿平填實。亦屬非計。因思鐵路經長春府至吉林。陸路距伯都訥僅三百餘里。水路達三姓呼蘭。皆順流東下。足攬奉吉黑三省之全局。總之築路至吉林後。似宜擇地勢之相宜。工費之較省者。再行相機籌畫。目前暫至吉林為止。此訖處之宜審者也。

二十九日記

申刻赴外部晤副尚書克舊與理論蕪湖武穴教案緝兇卹償等事。泰晤士報錄俄電云俄兵部議由中亞細亞之達司哈車站造鐵路接至阿富汗邊界之撒拉司此路於運兵通商頗關緊要。

三十日記

俄報云歐洲商務以倫敦為最盛中國以上海為最盛英滬往來若經蘇彝士河須歷程四十四日若取道紐約大西洋則歷程三十四日而川費較鉅若西伯利亞鐵路告成之後由倫敦至浮司罷勒華僅須三日再十

出使日記續刻

卷一

堯傳經樓校本

四日至彈春又三日至上海合計之僅二十日耳。查美國之鐵路計有四條英屬加拿達亦造一條皆自東海至於西海計長俱有萬里之遙遣民開墾徵兵調餉保國致富通商利民莫便於鐵路故俄人刻意經營不遺餘力也。

出使日記續刻卷之一終

出使日記續刻卷之二

無錫薛福成叔耘

光緒十七年辛卯七月癸亥朔記

近年戶部庫帑支絀治河撥賑用款已極浩繁而太和門祈年殿頤和園各要工所費不貲帑項竭蹶七堂公擬開源節流十數款四月杪奉

硃筆批准五事一八旗兵丁季支甲米折色銀兩歲需銀一百三四十萬兩之譜自本年五月起正白廂白正紅三旗將折色銀全數停領按照例價折給米石除原有老米二成不計外其餘八成照例價每石折放實米

出使日記續刻

卷二

堯傳經樓校本

三斗如此變通雖無折色之銀實領米已逾二石四斗蓋因通倉存米甚多將以散放為盤驗也已由倉場咨覆現計倉儲堪備支放一年俟一年後再斟酌辦理一八旗文武京官王公世職歲支俸米向以五成放實米五成放折色每石例折銀四錢六分此項歲支約四十萬金今亦一律停支改照例價折發老米亦俟一年後體察情形米多則放米銀多則給銀似此變通計八旗兵米俸米兩項歲可挪出銀二百萬金一各省現在水陸馬步防營再行裁汰一成一海軍衙門經費暫行停解二年仍專款解部另備撥用一加捐鹽引每包原定

抽捐東錢四千四百文今再加二千二百文共抽捐六千六百文以上各款專備經營河防修理要工建築鐵路之用。

初三日記

今年英國稽核戶口倫敦方廣十五英里內之人共有五百六十三萬二千六百六十一名追溯十年前僅得四百七十六萬六千六百六十一人然則十年之間已增八十六萬六千人之眾矣。

初四日記

五行之氣相磨則生光電五行之味相鍊則化藥電水

出使日記續刻 卷二

二 傳經樓校本

氣土磨生電木氣金磨生電火氣水磨生電金氣火磨生電土氣木磨生電甘鍊鹹氣則化陰電鹹鍊苦氣則化溼電苦鍊辣氣則化乾電辣鍊酸氣則化縮電酸鍊甘氣則化陽電蓋五行之氣感於火則光發為電五行之味化於火則氣流為電是故電以磨氣為感發以化氣為流行天地人物之通靈運動皆因有此生化之電氣也西製電報用乾電其德律風亦用乾電電燈用溼電陰電其留聲機器用乾溼電石印拍相均用縮電自來火藥水用陽電救火藥水用陰電惟西人精於格致故五行之氣為其所用若不自格致而徒用其呆法安

能深知五行之氣化以神其妙用哉。

初五日記

巴黎初二日代擺報云外部接到中國消息知中國各省現已平靜不復如前日所傳之喫緊福州亦並無鬧教之舉又英外部接福州領事來電亦言並未鬧事且稱華官彈壓得宜甚為安堵 法國官報云紅江至雲南之商務日盛一日北圻運滇之貨以所產活獸魚乾麵食水菓棉花燒酒米粟竹筐鹽末為大宗四年以來商家獲利頗豐雖行船不易而丁亥戊子兩年運華之貨幾增三倍自華運出之貨幾增二倍己丑庚寅兩年

出使日記續刻 卷二

三 傳經樓校本

初六日記

轉運貨物則增十倍今而後雲南為東京出產之銷場東京為雲南商務之總匯洵可收實效而償夙願至商家得法官之助整頓紅江駛行輪船亦覺日起有功 前浙海關稅務司葛顯理來謁余在甯紹台道任內時曾與同籌防務人甚穩練據稱此次請假三月回英養病由上海五日到日本又十三日到舊金山乘汽車五日到紐約又附輪船七日到倫敦共行三十日今回華擬由加那大一路行走僅須二十八日云 乾隆二十六年平定回疆所設阿奇木等伯克照各邊省土司之

例鑄給圖記查明回部設立阿奇木共三十一城計其大小酌爲三等葉爾羌喀什噶爾阿克蘇和闐爲四大城烏什英吉沙爾庫車闐展爲四中城沙雅爾賽哩木拜城庫爾勒玉古爾牌租阿巴特塔什巴里克哈喇哈什克勒底雅玉隴哈什齊爾拉塔克阿斯騰阿喇圖什阿喇古玉斯騰阿喇圖什英額奇盤巴爾楚克沙爾呼勒魯克察古託克三喀喇和卓洋赫克勒品爲二十三小城俱給與阿奇木伯克圖記

初七日記

東埔寨一國東西廣八百里南北長六百里近代以來

出使日記續刻

卷二

四 傳經樓校本

國勢陵夷東敗於越而失占城西敗於暹而亡北鄙同治初年法取南圻卽占城也東旣與法鄰遂爲法暹兩屬之國荷日英葡視爲魚肉尋割西境以與暹羅又割南境江套之地以歸南圻初分五十七郡爲王畿者四十有一爲王弟之食邑者五爲王母之湯沐邑者三爲丞相之食邑者一爲五大臣之食邑者七自歸法保護後改制度廢封建併五十七郡爲八省建都於努邦在瀾滄江之口四岔口之交地當要衝形勢雄勝首省亦名努邦屬縣五日努邦曰陸安曰金鎮曰白荻曰和通努邦之西爲漢埠省漢疆要區西南屏障也屬縣四曰

漢埠曰洪豐曰唐曰港別塞努邦之東爲巴南省南圻鄰境下游重地也屬縣四曰巴南曰塞隴曰佩文曰隆德努邦之北爲洪山省腹地通衢沿江巨鎮也屬縣五日洛皮曰洛維曰三龍洞曰賓旅曰韓三里努邦東北爲洪豐峽省乃哀牢交界之區東境要害也屬縣五日洪豐峽曰舉墨曰託敦圖海曰干美曰喀蘇定洪山省之西北爲普薩省進東接壤西境藩籬也屬縣三日普薩曰康曰世豐洪山省之北爲洪豐洞省亦暹東接壤西北關塞也屬縣四曰洪豐洞曰志良曰洪豐嶺曰巴萊洪豐峽之東北爲割階省越東苗蠻交會之所東北

出使日記續刻

卷二

五 傳經樓校本

初八日記

東埔寨之西北有太湖周七百餘里暹得西境十之三東得東境十之七利甲南海而湖水消長以瀾滄江爲樞紐瀾滄江發源衛藏經雲南南掌暹羅貫東埔寨全境南入於海東境以上三千餘里山峽灘險節節阻隔東境以下七百里至南圻又三百里入海水深丈餘輪舟暢行江流上下以努邦城之四岔口爲關鎖江至此分爲三一折而北注於太湖曰湖河一折而東分四支入海曰前江一折而南入海曰後江二江下游皆在南



圻咽喉已為法所扼。每值夏秋。江水盛漲。汎濫下游。漫溢湖濱。方千餘里。水退後變為稻田。米粟饒富。但各省陸路。恃江流為命脈。江路一塞。勢成坐困耳。東境東西北三面皆山。東山與越南橫山同脈。為橫山之西南幹。蜿蜒迄於海表。是為瀾滄江之東壁。西山與暹羅之橫山同脈。為其南幹。委蛇至海。是為瀾滄江之西壁。江流夾於兩山之間。傾注而下。溜疾水猛。拖泥帶沙。積淤於尾閭。滄海桑田。歲數十頃。下游之地。沃壤日增。而南圻亦得分潤。故水田之利。與南圻相表裏焉。

初九日記

出使日記續刻

卷二

六 傳經樓校本

乾隆六年。中國男女共一垓四京三兆四億一萬一千五百有奇。十六年共一垓八京一兆八億十一萬一千有奇。三十六年二垓一京四兆六億零三百有奇。五十六年三垓四兆三億五萬四千有奇。嘉慶十六年三垓五京八兆六億一萬有奇。道光二十二年四垓一京四兆六億八萬六千有奇。統址每十年內添二京七兆一億人。約得一大省戶口。泰西各國日報。德國有五百六十種。英國一百六十九種。法國一百二十八種。意大利一百五種。比荷二國其四十九種。其餘各國共二百五十種。美國日報九百六十二種。南美洲共一百十五

種。中國各報除京報外。自始至今。共有七十六種。大抵以西人教會報為多。其華人主筆而現存者。則有循環日報。中外新報。維新日報。皆出香港。廣東報出廣東。滬報申報出上海。時報出天津。此外按月出者。有萬國公報。中西教會報。閩省會報。按季出者。有格致彙編。

初十日記

近來英法俄美等國。每因捕魚之故。致起爭端。海上漁家。美國最多。每年得魚約值銀二千八百萬兩。英人獲魚。歲值銀二千萬兩。多則二千五百萬兩。加拿達在美洲之北。獲魚約值銀一千五百萬兩。外有紐芬蘭海島。獲魚約值銀四百萬兩。法國那威國獲魚約各歲值銀一千二百萬兩。蓋魚莫多於美洲東岸。水又不深。故漁人多聚於此。按各國章程。本境十里之內。有魚不准外人網取。十里之外。則任漁焉。美國西境有大魚。漁人烹熟。裝入光鐵盒。每四十八盒裝一箱。每年一百萬箱。分運各國。遠遊者攜作食品。甚便。美國多出蚌蛤。英出青魚。又有鯊魚。肝可作油。日本出魚最夥。土人食大米飯。烹魚無二味。其海參。惟華人食之。印度南有一島。蚌蛤皆有珠。歲獲珠值六七十萬兩。中國捕魚之具。甲於五洲。十年前英國賽魚會中。土人嘖嘖稱之。

出使日記續刻

卷二

七 傳經樓校本

於五洲十年前英國賽魚會中。土人嘖嘖稱之。

十一日記

東埔寨民分四種。一曰東民。本華印之苗裔。華裔來自秦漢時。取道黑水。稱扶南人。印裔來自漢晉時。取道南海。稱荊莫人。蓋隨佛教而至者。歷年既久。化為土著。二曰華民。乃近代航海貿易而來者。三曰越民。乃越南流寓之眾。而風教語言則迥不相同。四曰雜夷。陸有苗蠻。來自北境。水有島夷。來自南洋。約計東民一百四十萬。有奇。華民十四五萬。越民十二三萬。雜夷七八萬。共得一百八十萬眾。此戶口之大略也。今東民分五類。曰舊世家。曰新世家。曰道士。係印度婆羅門教曰僧徒。係佛曰齊民。係佛

出使日記續刻 卷二 八 傳經樓校本

新舊世家及僧道共十餘萬人。皆免賦役。取給於民。故民生日困。民又習於惰逸。好佛信巫。故利權多操於華越商民。華民有商。有農。努邦東都約九萬。有奇。居都城者二三萬餘。沿江村邑。漢埠省約二萬五千。劄階省約二萬人。其餘各省約五六千人。努邦居民約五十萬。有奇。得全境人數三分之一。華民雖多於南圻。皆耕耨傭工之輩。富商不及十之一二。大半來自南圻。隨時貿易。未嘗久居。至西國商民。不滿二百。蓋憚東地水土之劣。視為逆旅而已。東國法令煩苛。官墨民疲。吏治遠遜越南。故事有三王。一為正王。一為前王。一為副王。即

正王之弟。又有護國教主。君民奉若神明。自歸法保護。後改制革弊。廢前王副王之名。削教主僧道之權。柬王諾洛敦。本法暹所立。今專屬法。不受暹封。置丞相一。操進退黜陟之柄。大臣四。曰廷尉。曰司農。曰司工。曰司馬。外省設總督。各縣設縣官。法置總都護使於東都。兼丞相之位。參謀國政。仍受華印總督節制。設四司。曰收發。司文案。司方言。司雜務。司每司置法官二三員。華柬官吏數人。各省置都護正使。稽察吏治。其下置按察使。郵電使。掌權使。柬官雖眾。皆受制於法官。柬王則聽命於法使。徒擁虛名。法亦以其恭順。未肯滅之。非若越王之

出使日記續刻 卷二 九 傳經樓校本

隔膜猜嫌。尙圖恢復者。比而國勢陵夷。則更甚於越矣。南圻官商。早有兼并之議。為今總督拉納桑阻止。拉抵任後。赴東都與王通款。王親至西貢報之。情意相洽。浮言頓息。

十二日記

東埔寨賦稅向準什一。第官吏苛徵。數倍正供。民不聊生。自歸法保護後。改定新章。歲入大宗。款項有十一。出入口貨稅。洋銀三十五萬員。二洋藥燒酒稅。約三十萬員。三丁稅。約十二萬員。四漁稅。約十萬員。五客民身稅。約六萬員。六賭稅。約六萬員。七田賦。約五萬員。八隄

稅約三四萬員九林木膠膝之稅約一萬員十絲棉煙  
錠等雜課五六千員每歲共得一百三十萬員而洋藥  
燒酒出入貨稅均有法官徵收歲得六七十萬員以充  
法國官俸兵餉一切經費洋藥改為官辦設廠銷售如  
南圻辦法燒酒包與華商納稅出入貨稅向皆值百抽  
十今改行法國總例加稅數倍商民深以為累稅課頓  
覺減色且法於各省徧設稅關糜費滋多此賦稅歸法  
徵收之弊也其仍歸東官徵收者歲得四五十萬員以  
充東王官吏一切經費第法人言語不通情形扞格東  
官苛徵莫能稽查以民為魚肉以法為怨府此又東官  
出使日記續刻卷二

十 傳經樓校本

自徵之積弊也東王屢以裁冗員節經費為請恆為西  
貢法官所格今華印總督拉納爽深知其弊東王欲藉  
其聲望以收利權而杜後患拉雖許諾恐難挽回 東  
之食貨以江湖為淵藪湖以魚稱江以粟著二者為出  
產大宗惟民憊農疲田野荒蕪沃壤雖廣墾者不及十  
之五六所產之糧雖足自給無甚盈餘其上產雜物如  
棉絲煙糖膠錠檳榔肉桂樟腦香料顏料材木藥材以  
及皮革骨角之屬華民皆得分其貨利出口貨約值洋  
銀二百六七十萬員其大宗為鹹魚歲銷四十餘萬員  
次鮮魚銷十二三萬員次煙銷十五六萬員次米銷十

萬員次膠銷十萬員次棉銷九萬員次木料銷八九萬  
員次胡椒銷六七萬員次絲麻皮革等銷一二萬員至  
四五萬員不等而陸路由暹羅老撾出入之貨不與焉

十三日記

東埔寨在秦為扶南在漢為九真後為真臘國吞併占  
城為占臘國戰勝攻取威震南洋自佛法流入國中始  
化強悍為懦弱變勤奮為惰逸遂為暹羅越南所困法  
得其地易如拾芥君臣俯首恭順無違然數年前東王  
之弟名倭達者懼社稷將危起兵恢復四方響應盛戰  
不屈者三四年厥後法軍出境重立盟約但歸保護永

出使日記續刻卷二

十 傳經樓校本

不兼併干戈始息今法兵駐東者僅三百人為都護諸  
使之守衛而東王則無兵以守法亦不敢滅之至其水  
道咽喉併於南圻陸路關塞歸於暹羅固足制其死命  
然暹未敢圖東者畏法為之保護也

十四日記

午初借馬清臣張聽帆赴干白雷池省答拜英國前任  
駐京使臣威妥瑪乘汽車行一點零十分鐘此地向多  
大書院係四五百年前所建學生三千數百人專攻格  
致星算輿地之學威君年已七十四而步履甚健導遊  
各處風景清幽書庫藏書甚富另一大間儲中國書籍

皆係威君四十年間購覓於中國者。凡經史子集應藏大部之書。幾無不備。尤難在多精板初印。大半於中國兵燹以前所得。若兵燹以後。則雖出善價。無從盡得之矣。西刻乘汽車還使館。

### 十五日誌

瑞士居歐洲腹地。東界奧。西界法。南界義。北界德。當赤道北四十五度四十八分。至四十七度四十九分。北京西一百十度三十四分。至一百零五度五十九分。東西最長處一百八十英里。南北最廣處一百三十英里。全境江湖不計爲地一萬五千二百三十三英方里。得戶四十四萬五千。得口二兆八十八萬。歲入四十兆四十四萬二千佛郎。歲費四十二兆八十一萬八千佛郎。此皆光緒四年數也。境內多山。爲歐洲冠。山脈自阿耳魄來者。由東而西。環繞南境。巖壑高下。不僅全境之半。盡於來因江岸之沙。疇自及臘山來者。則由西而東。緣互北境。山勢升降。乍險乍夷。二山之間。有平地。袤百里。廣或二三十里。唐宋間聽命於日耳曼。元成宗末年。叛日耳曼。逐日吏而自立。嗣後累歲用兵。屢勝法奧德三國之師。邦基益固。

國朝嘉慶三年。爲法所滅。十二年復立爲國。道光二十

出使日記續刻 卷二

三傳經樓校本

八年內亂既平。國事更新。立聯盟公會。公議國政。若烏黎若翁德爾瓦黎的。若埃奔塞爾。若卡拉里斯。若給里孫。若瓦來斯諸部。則民權尤重。無論貴賤。皆得入院議事。律法本日耳曼。教尙耶穌天主。國內學校極盛。進口貨以鹽粟生絲棉花醃魚果實各種熱地物產及金類。合製鐘表之用者爲大宗。出口貨以綢布木料木炭首飾時辰表畜類牛羊脂製燭之用乳油乳餌爲大宗。

### 十六日誌

天空木有電氣。雷亦電氣也。是氣之爲用極廣。收之可以鍍金銀。燃燄火。通文報。代燈燭。皆可以人力制之。然最忌五金之物。一遇鐵器。便順流而下。觀於電氣行所儲之電。引以鐵物。不必貼近瓶邊。卽相離四五寸。瓶中火光激射而出。故西人言大船桅杆及屋中。皆不可用鐵柱。恐近天空電氣。卽乘之而下。以致轟擊也。中國雷之所擊。亦往往在干尋喬木。或旂杆等物。時遭雷劈。西人言人之遭雷。極者乃天空電氣。偶然相觸。死於火。非死於擊。死於氣。非死於神。

### 十七日誌

大東公司已與荷蘭商准由檳榔嶼設電綫。以達日裏埠。期以一年竣工。從前中國貨物如絲茶皮草帽繒

出使日記續刻 卷二

三傳經樓校本

等類皆由恰克圖陸運到俄再運歐西各國自蘇彝士河開通後華貨輪運出口者較前加多而中俄陸路生意日衰近五年內俄國稅項少進八百八十三萬兩所以不能不著意於西伯利亞鐵路也 中國海關自光緒五年至十六年通共十二年中進口貨值銀一千一百二十二兆十七萬八千餘兩出口貨值銀九百三十兆八十六萬五千餘兩實多出口銀一百九十一兆三十萬兩有奇收稅銀一百二兆六十五萬二千兩有奇

十九日記

越南國王阮福時於光緒九年卒立其弟卒立其弟之

出使日記續刻 卷二

西傳經樓校本

長子又卒立其弟之次子出亡被執幽於法之阿爾治里屬部立其弟之三子又卒宗室阮本林立年甫十歲生於光緒四年即今在位之王也太王太妃有賢德與聞國政撫育幼主 美國將軍色蠻有云水師中不必用極大之礮而礮臺中當造更大更靈之礮陸路礮五可抵兵船中礮一兵船之中保護汽機船身固欲其厚且宜護以鐵甲若礮口船門則不宜於厚而宜於薄薄則礮彈之出也便即防海礮臺之上亦當如是所宜變通盡利不可徒執成見

二十日記

近者美國試驗鋼板用鋼板三種一純鋼板一鍊鋼板一雙層鋼板以八寸口徑之礮用二百十磅之彈試之純鋼板有裂痕而彈碎為三鍊鋼板則洞穿而彈在洞中不碎雙層鋼板則粉碎而彈更深入於鋼板後護土之中此次試驗之後知鍊鋼之足恃海部將令其新造之礮臺船悉用鍊鋼板云蓋金類之中有所謂鍊者一名德國銀其性較韌 前年

皇上大婚英君主特命鐘表匠名手專製全銀大鐘一座高五尺周圍嵌寶石鐫刻極細花紋 美國上下議院請其總統商於英國並商於墨西哥國禁自英之屬

出使日記續刻 卷二

五傳經樓校本

地加那大一作坎與自墨西哥而往之華傭英外部未允

二十一日記

俄報言俄皇偕其后幸墨斯科一譯作模士高以聖彼得堡亂黨太多有遷都墨斯科之意或謂俄欲創新都未免輕棄舊業不知墨斯科實俄舊都也按俄國古都在諾弗哥羅至西八百八十二年遷都基輔一千一百六十八年俄王安得羅遷都烏拉的米爾一千三百二十五年俄王伊高第四始遷都墨斯科當時屢被元兵所擾攻破三次迨蒙古漸衰元裔稍振計俄都墨斯科者三百

七十餘年之久。至西一千七百零三年。即康熙三十三年。彼得羅維起稱帝。併有波羅的海之地。創都城於尼窪河。名曰聖彼得堡。通海道。便轉輸。築礮臺。興製造。卒成一大都會。俄帝仍往來兩都。未嘗廢舊都也。一千八百十三年。法皇拿破侖舉兵襲俄。直逼莫斯科都城。俄皇亞力山德棄其舊都。撤城堡。輸糧食於僻地。全郡皆成焦土。遂得大破法軍。自是俄皇始專駐聖彼得堡。

八月壬辰朔記

余前與英外部商定香港設領事。新嘉坡領事改為總領事官。於正月間具摺陳奏。奉

出使日記續刻

卷二

七 傳經樓校本

旨交總理衙門議奏。會有沮之者。總理衙門遂久擱不覆。而外部亦乘機稍有翻異。謂香港領事先給試辦一年。准照如不侵英官之權。不違華民之意。即可換給常年准照。而沮之者因得益以為辭。欲罷此事。余屢發電爭之。相持未決。至是適因新嘉坡領事左秉隆以親老多病。告假回籍。左即擬調香港領事者也。余乃為調停之法。電致總理衙門云。擬暫緩港事。請先議准新嘉坡總領事。并發憑以便請外部給准照。此事關係南洋全局。亦不牽涉他事。且為英待中國與他國一律之據。似應受之。旋接回電云。新嘉坡總領事已奏准。以黃遵憲

充補香港領事。暫緩可告以一年之議未愜。看其答復如何。再由尊處請

初六日記

喀什噶爾邊外之帕米爾地方。為中英俄三國交界之區。英人聞俄有占踞之意。恐其為中英兩國患。而阿富汗北界外之歐脫地。英人以隔一大山。不易收管。且其地硠瘠無用。欲會同中國勘明地界。以其地讓歸中國。俾免俄之來佔也。茲外部送一秘密節略。屬馬格里轉呈於余。內云中國使館馬參贊昨在外部談及兵官楊

出使日記續刻

卷二

七 傳經樓校本

哈思班近日到帕探路。並到喀什噶爾遊歷各節。欲請將印度政府所以派楊兵官前往之故。明白示知。以便轉稟中國欽差。當時已告知該參贊。一則考查該處地方官暨居民等有認定實在界限。能指明何處屬阿富汗。何處屬中國與否。因阿王與英交際。英廷視為甚關緊要。故也。據楊兵官稟稱。查悉舊有界限。足備攷證之用。此界限自瑪司達克譯作及興都哥士兩山。毘連不遠之處而起。有一大山嶺。可以畫分南北。南為音達司窪地。北為葉爾羌與奧克色司江。自此山嶺起。由克里克山峽而西。共分六段云云。其說已見公牘書函中以上所開

界限圖說並觀便知詳細此次所開界限未審中國政府以該處所轄邊界認為相符與否英國之意認此為無誤儻中國亦以為然希即示知即當知照印度政府辦理可也

初七日記

前接總理衙門電開疆撫文函喀什噶爾道稟英兵現侵坎巨提部落酋目告急請詢外部構釁情形作何了結余遣馬參贊赴外部詢問據山特生云克什彌爾回王去年開闢新路築一礮臺頗近坎境然尙隔一河並非侵坎余既電復總理衙門矣昨又接外部函云寶星

出使日記續刻

卷二

充 傅經樓校本

巴克雷因坎巨提一事復來見我印度政府認坎為克什彌爾之屬部且坎酋歲領印度政府津貼銀兩本處必先問印度總督俟總督回文來後與印度部尚書察核然後方可答覆稍覺耽延時口至本國未曾攻坎惟克什彌爾於坎界之外開闢一路並築一礮臺派兵駐守此係確音再做處接待兵官楊哈思班來信略道已留心西首邊界派兵巡視該處有何舉動

初八日記

法外部接中國來電宜昌教堂及西商房屋均被亂民焚燬有比國教士一名義國道姑一名二名均被

重傷生死莫卜此處教堂為佛耶希斯該教會公產義比二國教士所管之地如義比欲作專案則自行申訴或即歸併英法各案完結皆未可知余謂法人用意欲專收保護天主教之權既非法人之事何必任其包攬自應專與義使比使商之隱披法人之勢

初九日記

是日拜發密陳教案治本治標之計一摺根查教堂擬索賠款實數一片緝治哥老會匪一片邊派隨員繙譯一片

初十日記

出使日記續刻

卷二

充 傅經樓校本

四五月間沿江各省教案疊出總理衙門請旨嚴飭各督撫迅速籌辦以靖地方茲錄其摺彙如左奏為各省教案疊出請

旨嚴飭各督撫迅速籌辦以靖地方而弭後患恭摺仰祈

聖鑒事竊臣衙門於四月初間聞蕪湖教堂被燬當即電致南洋大臣調撥兵輪彈壓保護一面派員馳往查辦又因安慶上海等處同時均有匿名告白布散謠言並令飭屬加意防範嗣據南洋大臣安徽巡撫電稱蕪湖之事因謠傳教中女醫迷拐幼孩羣疑莫釋聚眾滋

聞遂將教堂焚燬旋經拿獲首犯二名正法示眾地方業已安靜乃未幾丹陽復有焚燬教堂之案湖北之武穴地方教堂亦被焚燬並聞殺害洋人二名尙未悉詳細情形此外若江甯九江亦有匪徒滋事幸經官兵保護登時解散似此紛紛滋擾中外人心不無惶惑推原其故蓋由沿江各省游勇會匪所在多有張貼告白無非借此搖惑人心乘機生事決非安分良民之所爲也查泰西之教本是勸人爲善徧行於西國由來已久自各國通商以後條約載明凡在中國或崇奉或傳習天主耶穌教之人皆全獲保佑身家其會同禮拜誦經等

出使日記續刻

卷二

三

傳經樓校本

事概聽其便等語其教中施醫育嬰皆屬善舉近年各省被災地方教士等捐資助賑者頗不乏人其樂善好施亦屬可嘉卽或從教之人良莠不齊然同係中國子民仍歸地方管轄遇有詞訟案件教士亦不能干預是民教本可相安乃好事者往往捏造無根之言轉相傳播致起羣疑不逞之徒又復藉端滋事意圖搶掠若不早爲嚴防誠恐中外商民皆將不得安居於大局殊有關係應請

旨飭下各省將軍督撫出示曉諭居民切勿輕聽謠言妄生事端儻有匿名揚帖造言惑眾卽行嚴密查拿從

重治罪各國商民教士地方官必當隨時設法保其身家勿涉大意儻防範不嚴保護不力致啟弊端卽應據實參處至此次滋事各案除蕪湖案內首犯業經正法外其餘各案應由兩江湖廣江蘇安徽湖北各督撫迅飭查拿首要各犯從嚴懲辦以儆將來至從前各省未結各案各該將軍督撫亦應設法從速辦結不得任聽屬員畏難延宕以清積牘爲此恭摺具陳是否有當伏

皇上聖鑒訓示遵行謹 奏

十一日記

出使日記續刻

卷二

三

傳經樓校本

慶甯堂來信云西國政教判爲兩途故遇事易辦中國則混而爲一動成鉅案徒使各國居間權衡其事藉此要挾此非教會所願亦非中國之利也此次教案須銀二十餘萬兩可以了事難保外部不索虛價以挾我或爲意外之誅求若與教會自行商辦必有減無增省卻許多爭論保全中國體面彼教士在華託我庇蔭必不敢爲無理之求此釜底抽薪之策捷足先登之著也余因屬甯堂赴各教會密詢暗訪旋據報江蘇安徽教堂爲耶穌會教士之公產江西教堂爲辣薩里教士之公產均屬教王管轄另立會首於羅馬以總其綱耶穌會



最富他會次之。此次鬧教。耶穌會受害亦最重。償款居十之七八。而以蕪湖一處為最多。擬索賠十二萬兩。有奇。無錫擬索三萬兩。有奇。他處各數千至一萬兩不等。此蘇皖償款數目也。江西教堂受害最輕。約索二二三萬兩。通計三省賠款二十萬兩。有奇。均按房產物價券契。底帳開單寄駐京法使。教會自稱毫無浮冒。不得核減。而法使有無虛價。則不可知。然以二十五萬為度。則有減無增矣。

十二日記

昨接總理衙門來電云。接鄂督電。英領事借水師總兵出使日記續刻卷二

卷二

三

傳經樓校本

來呈節略。以奉本國札飭會同地方官保護各國民人。遇有匪徒聚眾滋鬧。於洋人生命遭有危險。即用槍礮擊散等語。鄂督告以保護彈壓。責在有司。即或焚燬受傷。亦必辦匪恤償。現中國正力任保護。若外國兵船鹵莽用武。難免傷及無辜。別生枝節等語。即祈轉告外部。電誠兵官。非有華官知會。約其幫助。萬不可輕率登岸。致傷及無辜。辦理更形棘手。除由本署面告英使外。特電候殺。余遣馬格理往告外部。據云係海部之意。再三與商。始允勸海部電告兵官。審慎行事。非到萬難忍之時。暫緩用武。外部又密告云。接華爾身電。稱各使

接總理衙門覆文。心滋不悅。訂期會議。以為無可復商。又以前奉

上諭。未發京報。不嫌於意。又謂總理衙門告以查禁匿名揭帖。非國家之事。為大不協。各使已皆報其國家。德恩啟釁。此間法德義各使。屢往外部。探問消息。法人尤以全力聯英外部。勸英勿速結武穴案。而宜昌新案。吉林毆教士案。復出。鄂督許給卹償費一萬一千鎊。華使謂數非不足。然今非議卹償之時。若而未覆。惟聞蕪湖道成章已撤任。前任蕪湖王令已復任云。

十三日記

出使日記續刻卷二

卷二

三

傳經樓校本

徐仲虎來信云。法人來華。准其傳授天主教。地方官應為保護。原載條約。而在教之人。應由地方官管束。荷蘭約第四款。亦有明文。並有歷辦成案。可援。即洋人教士住居中國者。地方官必有管束之權。方任保護之責。本國是各國通例。其教堂之內。增設育嬰婦女等堂。和約中並無此款。中國定章。凡此等善舉。如係民捐。民辦者。應先稟地方官批准。給示。方能舉行。平時所辦各事。亦須造冊彙報。俾便稽核。而杜弊竇。如有匪人生事。官府方為彈壓。若不先行稟候批准。而私設善舉。雖不生事。如為官府訪問。或被他人告發。例應封閉。尚何保護之有。

今以外人來此設教於約章之外私立善舉又不照華民之例稟請地方官批准本在封禁之列自然易生猜疑則與民不和滋生事端亦是自貽伊戚不能責地方官以保護不力為索賠之地也 昨准總理衙門電開八月初十奉 硃筆薛福成補授大理寺卿欽此

### 十四日記

今年香港稽核戶口歐美兩洲人及水陸軍兵共得八千五百四十五人較十年前多五百五十五人華人及附近村民蛋戶共得二十一萬零九百九十五人較十年前多六萬零三百零五名此外各國旅寓之民共一千九百零一人較前多一百七十九名總而計之十年前共十六萬零四百餘人今歲共約二十二萬一千餘人

### 出使日記續刻

### 卷二

傳經樓校本

### 十五日誌

中國電綫發源於京畿分三大支又從鎮江分二支茲詳其脈絡如左由京師至天津天津以西達肅州為一支中經保定獲鹿太原平遙候馬潼關西安涇州固原蘭州甘肅涼州是也天津以東達運春愛運海蘭泡為一支中經紫竹林北塘大沽蘆臺山海關錦州營口旅

順盛京鳳凰廳吉林甯古塔伯都訥齊齊哈爾至愛理是也天津以南至山東阿城為一支中經白塘德州是也自山東分三支者阿城以南至濟甯自濟甯西至曹縣開封府為一支自濟甯東至威海衛劉公島中經濟南周村濰縣膠州沙河煙臺高村為一支自濟甯至臺兒莊清江浦揚州鎮江為一支從鎮江分兩支者西則至下關金陵蕪湖大通安慶九江漢口荊州沙市襄陽宜昌夔州萬縣重慶瀘州成都畢節貴陽雲南大理騰越也是也東則至無錫江陰蘇州上海南潯嘉興杭州紹興餘姚甯波鎮海竹溪浦城建甯延平福建馬尾川石

### 出使日記續刻

### 卷二

傳經樓校本

山淡水基隆臺北新竹彰化嘉義臺灣打狗安平澎湖是也此外又有兩支一自福建而西則泉州廈門漳州潮州汕頭海豐惠州石龍香港廣州黃埔虎門肇慶梧州昭平桂林潯州橫州南甯龍州憑祥百色剝隘廣南開化蒙自蠻耗河口至雲南府一自安慶至廣州中經九江而至南昌吉安贛州南雄韶州英德連州連山由佛山以接廣州又自廣西之橫州南至崖州中經廉州欽州以城北海高州雷州瓊州海口海頭嶺門陵水以合於崖州而止

### 十六日記

歐洲各國山之高且多者。瑞士第一。奧斯馬加第二。奧國著名之山有三。曰阿耳魄士。曰漢斯納。曰卡丕宣恩。阿耳魄士山自瑞士入境。延至多惱江。東邊有卡丕宣恩。

恩山西邊有阿耳魄士山。匈牙利全境平原之地。圍繞其中。阿山南抵意國之折阿海口。並亞得亞海。北抵德

境。來因河。並康司騰司河。東南至法國之羅尼河。直東多惱江。匈牙利境。截長補短。約計占地七萬七千五

百英方里。而奧斯馬加占其三萬三千五百英方里。或稱奧斯山景。比瑞士尤佳。漢斯納山在奧境。占地三萬

二千英方里。卡丕宣恩山在奧斯馬加最為廣大。兩倍

出使日記續刻

卷二

毛傳經樓校本

於阿耳魄士起於多惱江之中間。迤至西南環繞匈牙利。又至西北正北東北正東及東南。至夏沙浮境止。即

多惱江之下游。該山占江之長。約有八百英里。奧斯馬加國有二十四萬一千英方里。大於英倫四倍。歐洲

大國。奧居第三。極北至極南約七百英里。極東至極西約九百英里。多惱江從拜晏國即巴華入奧境。流至東南。

過匈牙利。為歐洲第二大河。亞於俄之伏耳加江。適為兩山夾道。南有阿耳魄士。並蒲爾耕山。北有漢斯納。並

卡丕宣恩山。匈牙利南界之賽甫江。並特萊甫江。皆匯流於多惱江。由東阿耳魄士山發源。宣斯江橫流南界。

貫通匈牙利全境。發源卡丕宣恩山。尚賈雲集。並多魚。亞於多惱江。下流與多惱江會合。長約八百英里。占五萬六千英方里。並占東半匈牙利之境。

十七日記

南洋羣島中有白蠟者。一名卑力國。又譯作霹靂。近接檳榔嶼。由嶼對岸陸路可通。緣互數百里。層巒疊嶂。向為巫來由一作穆拉油人所居。洪荒初闢。近屬於英。同治間

華傭始來采錫。苗旺產多。英人設關徵稅。歲得數十萬金。通島分大白蠟小白蠟二境。以一河為界。草創之初。

民多茅舍。今始有灰泥版築者。土產檳榔。椰山竹榴連。

出使日記續刻

卷二

毛傳經樓校本

婆羅諸果。此島產錫最多。惟彭亨兼產金。白蠟亦偶產。翡翠玉石。土番無部落。不相統屬。間有強酋。亦自君其

地。不能兼轄他境。其地無官無兵。故其酋與民無所區別。性悍戾好鬪。亦常劫殺過客。英人得白蠟後。雖有輪

船往來。不能駛入內河。近擬造車路。以便行旅。

十八日記

總理衙門電開。武穴正法兩名。軍流徒杖八名。英領事復函無異議。惟郵償六萬五千員。祇收文牘。原款存候。

英使批云。英使聞須商允各國。乃決金匱議六萬六千員。陽湖議償一千四百餘員。丹陽償八千四百兩。此三

案教士均簽字允從。如皋四千兩。豐利五百兩。江陰九千員。無錫七千員。此四案南洋報結。未敘教士簽字。燕湖已梟兩犯。餘仍飭擊。議償十一萬一千員。教士索堂外空地兩段。已准令另案與訂。以杜規求。地方官保護不力。南洋頃奏參五員。各案匪犯。擬定軍流徒杖二十一名。凡此辦法。足顧邦交。各使猶以各電本國。恫喝。因將確切情形。電請轉告英法外部。並電竹使告德外部。電復。

十九日記

余昨電致總理衙門云。寒電已分告英法外部。慶常稟出使日記續刻卷二。稱法外部云。接滬總領事電。各口西人朝不保夕。答使謂中國疲玩成習。煌煌。

上諭。視為具文。口舌難爭。擬即絕交。會商各國。為自全計。又送節略。謂中國如無嚴厲痛切辦法。難再顧睦誼等語。探各國有添兵船。分據商埠之議。俟再出案。即下手。英外部於登岸耀武。持之甚堅。且謂各埠暫安。賴洋輪保護之力。此權一失。後患無窮。可否再電飭各省。悉力保護。有教堂處。暫紮哨勇。多派兵輪分巡。要口查禁。匿名揭帖。前奉。上諭。再飭偏貼。聲明不准刪節。處分最遲延者一員。力。

任保護之權。隱寓自強之計。所酌定電示。以便答復外部。又電致李傅相云。各使與總署絕交。應請鈞座轉圜。此次各國聯幫。非僅一國為難。與煙臺越南等役不同。關係重。幸留意。

二十日記

湖北省之教堂。均係佛朗希斯該教會產業。此會有三。二屬義大利。一屬比利時。荷蘭。宜昌本係第三會傳教之處也。法國所籌安南東京等處費用。年少一年。如四年前有法銀六千二百萬佛郎。逾年而減至五千一百萬佛郎。又逾年減至四千五百萬佛郎。去年僅三千八百萬佛郎。今年減至三千六百萬佛郎矣。

二十二日記

英報云。中國煤礦較歐洲多二十倍。即湖北一省之煤。已足抵歐洲。此外山東之金銀鉛鐵煤各礦。滿洲之南與直隸。有出煤之地。二十五萬方里。山西有十四萬方里。中國之煤。即年用三百萬噸。足供天下二千四百三十三年之用。

二十三日記

德國克魯伯廠為俄造一大礮。礮身係鑄鋼所成。長四十七英尺。礮口大十三英寸半。重二百三十五噸。每分時。

可放二次。經駐德俄官在德國愛森地方試放。以十九寸厚之鐵板為靶。其彈既洞穿而過。復直至一千四百碼之遠。計每放一次。藥彈之費英金三百鎊。阿非利加一洲雖經英法德等國開闢。然曠土山林。從古人跡不到之處尚多。其中樹木陰森。干香蔽日者。約計有二萬萬二千四百萬英畝。夏初吉林將軍長順函致總理衙門云。海參崴華民二萬。為俄所虐。亟宜籌設領事以保護之。

二十四日記

南北亞美利加之間。曰中亞美利加。有一土頸甚狹。曰出使日記續刻卷二

三 傳經樓校本

巴拿馬。西歷一千八百七十九年。法人立公司以開通其地。預估十二年而成。並籌十萬萬佛郎之費。今逾十年。所費亦已不貲。尚未竣工。惟是河成後。每年修河及管理之費。須一千萬佛郎。初開後三四年所得之淨利。以三千八百萬佛郎為率。以後可得五千萬佛郎。十二年後可得六千一百萬佛郎。是河成後。可命比亞政府允給一百二十五萬英畝於公司。其地饒礦產。開采必能獲利。歐洲各國雖人煙日密。然樹林之地尚多。德有三千四百五十九萬六千畝。俄有四萬萬九千四百二十二萬畝。奧斯馬加有四千六百九十五萬畝。瑞典

有四千二百萬畝。法有二千二百二十四萬畝。西班牙有一千九百七十六萬畝。意大利有九百八十八萬畝。英有二百四十七萬一千畝。以上皆西畝。大於中畝約六倍。

二十五日記

印度煙土近來所出日稀。價亦日廉。西歷一千八百六十年及六十一年。每土一箱。約可售至一千八百七十羅比。一譯作勞卑至一千八百七十一年。每箱僅售至一千二百羅比。本年西三月。每箱降至一千零十一羅比。又查一千八百八十六年。出口煙土。尚有四萬一千箱。迨

出使日記續刻卷二

三 傳經樓校本

一千八百九十年。出口煙土。僅二萬八千箱而已。

二十六日記

南北美洲各國。從天主教者四百十七兆二十萬人。從耶穌教者三十兆人。從希臘教者無之。歐洲各國。從天主教者一百四十七兆八十萬人。從耶穌教者七十一兆八十萬人。從希臘教者七十兆二十萬人。亞細亞洲各國。從天主教者四兆七十萬人。從耶穌教者一兆八十萬人。從希臘教者八兆五十萬人。阿非利加洲。從天主教者一兆十萬人。從耶穌教者一兆二十萬人。從希臘教者三兆二十萬人。澳大利亞各島。從天主教者四

十萬人從耶穌教者一百五十萬人從希臘教者無之

二十七日記

馬來斯之地馬來斯一印度佛經稱為蘇佛爾那波米譯言金地蓋佛教來此最先也宋甯宗慶元六年暹羅

人至其北面同時蘇門答臘之馬來斯人亦至其南面

其地以麻刺甲一城為最古故稱全境亦曰麻刺甲而

兵政商務所萃之處則在新嘉坡新嘉坡譯言獅子

城在馬來斯土股極南與柔佛隔一陸賴當博羅海峽

亦稱舊峽屹然為南洋重地地據兩大洋中間又在土

股盡處遂成印度極東總匯之所光緒十一年英政府

出使日記續刻

卷二

三傳經樓校本

聯合新嘉坡附近各地定其名曰海門屬部而設一總

督以統轄之先是明正德六年葡萄牙人始據麻刺甲

其時號稱極盛為泰西人極東最大商埠崇禎十四年

荷蘭人奪之

本朝乾隆五十年英人從吉德購得檳榔嶼道光四年

與荷蘭立約以蘇門答臘之萬古累易麻刺甲而新嘉

坡一島則嘉慶二十三年向柔佛購得之此島當中國

海印度洋之衝為諸海國之中市英人據以通商屯兵

稱天下要口蓋百年之間墾闢經營幾全有馬來斯之

地矣

二十八日記

馬來斯即巫來由之轉音南洋之人多巫來由種也因

以名其地焉實即梁書海南諸夷傳所稱扶南海崎上

之頓遜國元史外夷傳所稱之麻里子兒國按曲岸曰

崎泰西地志稱馬來斯或謂之土股或謂之地嘴以其

三面臨海一面瀕岸也則梁書所謂海崎者是已元史

言麻里子兒與暹人舊相讐殺後漸歸順今馬來斯諸

國雖多屬英然昔固屬暹也則西志所謂馬來斯以音

求之蓋麻里子兒是已至明史外國傳之滿刺加祇據

今麻六甲一城言之非馬來斯全境也其地狹而長斗

出使日記續刻

卷二

三傳經樓校本

入海中海水環其三面惟北面接暹羅東有暹羅海灣

及中國海西有秘古海灣及麻六甲海峽與蘇門答臘

隔海相望自赤道北十三度三十一分暹羅海灣起至

赤道北一度二十二分三十秒阿羅馬尼角及新嘉坡

島止共長一千五百三十啟羅邁當合中國三地形自

北趨南又自南斜伸稍向東其極狹處曰克老在赤道

北七度寬祇七十啟羅邁當其極寬處曰卑刺克在赤

道北五度自北京西十二度零七分至十八度零七分

寬約三百三十啟羅邁當馬來斯諸地有舊屬暹羅或

進貢之國有新屬英吉利或保護之國有馬來斯蘇丹

自主之國暹羅所屬之地自赤道北三十度三十分起至四度止約長一千一百四十五啟羅邁當克老以北各部其民多暹羅人其酋皆由暹羅派之六崑以南各部其民與酋多馬來斯人皆進貢暹羅為其屬國至吉德大呢吉蘭丹諸國則係自主雖亦入貢暹羅然一年一次不過金花銀瓶而已若英國屬部則有威利斯雷省麻六甲丹定斯檳榔嶼新嘉坡諸地歸其保護者則有白蠟石蘭莪芙蓉諸國昔時以印度總督轄之今則別立海門屬部復設一總督治其事焉

二十九日記

出使日記續刻 卷二

著 傳經樓校本

馬來斯自主之國凡三曰柔佛二萬零七百二十啟羅邁當方里居民十萬曰彭亨二萬五千九百啟羅邁當方里居民五萬曰尼格利桑比郎先有合眾九國今祇有五國曰繞阿爾或曰爪哇曰泗里忙打尼或曰美底曰宗波爾曰質賴或曰遮利曰烏魯茅為一國五千一百八十八啟羅邁當方里居民三萬暹羅屬國及進貢之國凡五曰六崑四萬四千零三十啟羅邁當方里居民五萬曰吉德九千三百二十四啟羅邁當方里居民三萬曰大呢一萬二千九百五十啟羅邁當方里居民三萬曰吉蘭丹一萬八千一百三十啟羅邁當方里居民二萬曰

丁葛奴一萬五千五百四十啟羅邁當方里居民五萬英國保護之國凡三曰白蠟二萬零七百二十啟羅邁當方里居民十一萬曰石蘭莪一萬二千九百五十啟羅邁當方里居民五萬曰芙蓉一千二百九十五啟羅邁當方里居民一萬四千英國海門屬部凡五曰新嘉坡五百八十啟羅邁當方里居民十三萬九千二百曰檳榔嶼二百七十七啟羅邁當方里居民九萬九千五百一十一威利斯雷省六百七十八啟羅邁當方里居民九萬七千九百五十麻六甲一千六百五十七啟羅邁當方里居民九萬三千五百七十九丹定斯五百五十啟

出使日記續刻 卷二

著 傳經樓校本

羅邁當方里居民二千以上統共十九萬零四百八十一啟羅邁當方里居民九十五萬七千六百八十九人 三十日記

俄報云西伯利亞鐵路種種利益關係頗大自開工後截至西歷七月計在烏蘇里第一段之一百浮而司德中每浮而司德合一造成路基二萬立方沙然恩每沙然恩合二石塊工程山嶺等造成一百二十五立方沙然恩在佛拉隄復司多克參歲造成車棧基址一塊石砌方基一塊又醫院房屋完工所用之人計陸兵二千五百名苦工犯人九百名充發犯人三百名俄工匠

四百名中國朝鮮工匠一千七百名俄國泥匠一百二十五名中國泥匠三百九十名鐵道界綫已劃至尼谷爾司葛愛所有克拉夫司該至街排羅佛克劃綫之事亦已開辦至黑龍江上之橋擬在街排羅佛克下游相距七浮而司德處起造車棧則離城三浮而司德起造近又有劃綫人員起程辦街排羅佛克至斯忒來當斯克劃綫之事

九月壬戌朔記

日本通國肄習洋學者幾於十居四五往泰西讀書學藝者絡繹不絕拔取醫學礦學律學者皆有其人譯西書爲日本文字者汗牛充棟詢以西事西學泰西掌故無有不知者惟漢學則微矣謂其無所用之也至地球各國日報之數約計之共有四萬四千種歐洲居其大半有二萬四千種歐洲之中德國最多有五五百種法有四千一百種英有四千種奧有三千五百種意大利有一千四百種西班牙有八百五十種瑞士有四百五十種比利時荷蘭各有三百種其餘各小邦有其零數歐洲之外美國有一萬二千五百種加那大澳大利亞各有七百種亞細亞洲共有三百種而日本居其二百

出使日記續刻

卷二

素傳經樓校本

初三日記

補記八月二十日總理衙門密電各國信公使領事電報危詞幾傷睦誼其實刻下各口防範周密何致朝不保夕無論如何搖惑在我斷不弛保護之責連日分電南北洋添派兵輪沿江巡防今年教案紛起本疑會匪作祟昨初十日滬關盤獲私運洋槍三十五箱由香港運至鎮江係英人梅用一作梅生經辦又經鎮關於梅用行李搜出炸藥五磅梅爲鎮關稅司幫辦當卽解滬據供英人愛司美在香港代鎮江會匪購辦軍火內有頭目英人泰山另有不知姓名洋匪六名均住虹口現經本署照會英使迅飭領事捕拏會訊並飭赫德電滬鎮各稅司究查現教案未結洋人又串同會匪謀亂辦理愈形棘手望詳告英廷俾知鬧教實緣會匪而匪黨卻有英人洋槍運自英屬請其電屬英使秉公商辦來電法以辦匪効官償卹三事辦到允電李梅和平商辦是前此絕交耀武各節當不再恫喝至洋人串謀近事婉告有約各國并分電許雀

初八日記

泰晤士報錄上海電云中國不知時勢之喫緊所籌兵備尙嫌不足恐仍不免多事蓋刻下北洋餘賸之兵船



皆仍在彼得阿爾達即俄海灣內停泊。在上海及吳淞者統共兵不滿五千人。俄國擬守局外之例。不與歐洲各國會同用武。以與中國為難。致失其與中國友好之情。然俄國亦防將來有開釁之端。是以於西伯利亞建築鐵路。一旦有事。便可發大股之兵至中國邊界。

初九日記

絲茶兩宗為中國利源。近以日本印度意大利各種茶。奪我厚利。而中國之絲茶日形減色。查光緒十四年。閩漢茶葉運載出口者。共五十三萬七千九百零四擔。次年有二十七萬八千五百六十六擔。又次年有三十出使日記續刻 卷二 美 傳經樓校本

十一日記

廬山在九江南康間。磅礴鬱積。峰巒層疊。其支幹綿延。在鄱湖中日蝦蟇石。在長江側有迴風烏石等磯。或顯或隱。迴風磯去湖口十餘里。頗寬廣。居民環繞成村落。

循南岸而上。距九江二十里許。為烏石磯。磯分三墩。在上為攔江磯。洋關設塔燈於此。以利輪船。中即烏石磯。磯小而坦。上有古廟。名白石磯。最險惡。舟誤觸之立碎。光緒十六年四月。德曉峰中丞署閱兵至此。籌款委前南城知縣任國銓。購立鐵柱為標識。會水漲不能立。署德化知縣張鳴珂。先置水鼓於江面。復就岸旁架琉璃。燈以燭之。入冬水涸。磯石畢露。乃獲豎立鐵柱於上。而磯之左右。巉石齒齒。岩孽怪偉。不可名狀。以篙刺之。堅逾鏐鐵。遂募石工鑿孔。納火藥於中。然之。轟去大小礁石七八十處。而舟行無滯。化險為夷。則德中丞與任張出使日記續刻 卷二 美 傳經樓校本

二令之力也

十二日記

袁爽秋來信云。喀城駐英員一節。孫萊山尙書嘗問之。云此事薛大臣極謂有益無損。而筱雲侍郎力持以為。浩罕邊境。中國小部落尙多。英借駐喀為名。漸漸煽誘。諸回部歸英。俄必生疑。何厚於英而薄於俄。於是亦啟瓜分之心。則疆事去矣。予始亦以薛大臣之論為然。而後老力持之意甚堅。究竟其說孰長。謹答之曰。喀什噶爾以西。與俄以依爾克什唐為界。布魯特部已盡割入俄境。此外別無未歸俄之小部落。葉爾羌和闐別有通

西藏一道俄之費爾千省八城緊逼喀城將來必窺伺西四城漸爲入藏之謀喀城得英駐員牽制使俄人不測中英協謀彼將有所忌而轉求好於我真目前長算也薛大臣議是萊公終以彼老堅持不能不和衷其濟謝之戶部自閻相去後庫款匱乏十四五六年歲計簿並無刊本滙關積年存出使經費一百九十萬兩從前文文忠公煞費經營謂此款關係緊要無論何項急需不得挪動前月海軍衙門以圍工支絀奏提一百萬兩作

萬壽山工程矣

出使日記續刻

卷二

罕

傳經樓校本

十三日記

光緒十六年由香港出洋華工四萬七千名往南洋者爲最多由外埠過香港回華者九萬九千人香港土產雖少而地當津要實爲商貨總匯之區港界連德恒之東南海濱其地面丁方十英里居民約四十萬每年出入口貨物約值銀四千一百萬鎊總督每年養廉三萬二千員北亞墨利加州之冰哥常出大龜龜背上生有異草可療氣痛之症其效如神

十四日記

俄人籌辦鐵路先在中亞細亞竭力經營歐亞兩洲分

隔之山曰烏拉嶺造成之路早經越此庚辰年間距中國之塔爾巴哈台僅四千里雖有土耳其戰事而此工不輟其電綫之設則北至恰克圖西至伊犁東至黑龍江幾徧於中亞細亞矣西伯里亞者俄之東郵也有大江三一曰沃皮江江面廣闊所經由處皆繁富地也與喀什噶爾一帶貿易甚便沿江產皮貨經拔奴城產鉛銅極旺經湯瑪斯克省爲五穀皮貨聚會之所人民繁盛約百萬有奇大半開礦爲業鐵路卽在此交會焉用輪船駁貨至珊迷派由陸路車行至圖爾齊斯坦地產金石層疊可揚如螺甸尤光采陸離西伯里江中歲有

出使日記續刻

卷二

罕

傳經樓校本

壤每座界石相距各互三百里。鐵路之限似當先與申明毋越界石一步。界間有二水直注俄境而發源則在中國。俄人近察得金礦之總脈。故謀使界綫作弓背形以據之云。

十五日記

滬電云北洋兵輪由波得阿爾達即旅順海灣開來。僅有二隻。司丹達報謂俄兵遊歷帕米爾者。占中國之地約二萬英方里。占英屬阿富汗之地約萬二千英方里。英之遊歷兵官楊哈思班被俄兵所逐。遂回印度。德國溝通波羅的海一作保耳與北海者。蓋在溪耳地方。出使日記續刻卷二

開一運河至哀耳孛江口也。河長六十一英里。四年前早已興工。今已告竣。河面闊一百八十六英尺。河底闊八十五英尺。深二十八英尺。自有此河。凡行商於波羅的海者。大受其惠云。

十六日記

雪之為用。俄人既以之成堆。以禦槍彈。今又為牆。以禦礮彈。曾未雪牆二道。離六百碼。遠放之以礮。礮彈僅過牆後十八英尺而止。若礮彈之來較遠。則雪牆尚可較薄。俄步兵亦曾築雪牆試槍。牆長五十英尺。厚十八英尺。高四英尺半。牆後相間。置以四靶。每靶放槍一排。離

百步而放者。彈入九英尺。二百步而放者。彈入五英尺。七寸。八百步而放者。彈入四英尺。是可見隆冬有戰事。雪大可為保護兵丁之用也。

十七日記

奧斯馬加戶口之總數。同治八年共得男女老幼三千五百六十三萬四千有奇。而匈牙利即馬加得一千一百一十一萬七千有奇。光緒十二年。奧斯馬加之民三千九百六十四萬有奇。居民各種分十一類。曰徐克斯。曰日耳曼。曰波爾斯。即波蘭曰羅生納斯。即俄國曰施洛文斯。曰克羅茨。并搜孛斯兩種。曰曼野斯。曰意大利斯。即出使日記續刻卷二

十八日記

巴西在南亞墨利加諸國中為最大。幅員之廣。合歐洲俄德法奧丹義瑞典挪威諸國之地。尚有過之無不及焉。地當赤道北緯四度三十分至南緯三十三度。京師西經一百五十一度二十九分至東經一百七十度三十一分。最袤處二千六百六十英里。最廣處二千七百零五里。海岸自北至南約四千英里。而近南亞墨利加各國。除智利外。皆與接壤。全國疆域約三百二十一萬九千英方里。幾占南洲之半。明宏治十三年。葡萄牙人

始尋得之道光二年巴西民不悅葡政奉葡王子爲巴西王復上尊號爲皇帝稱自主是爲湯伯祿第一光緒十五年逐其皇牌度路改爲民主戶口除土番二十五萬外其貴賤男女老幼共十二兆十六萬五千光緒十三年年終之大江曰亞馬孫曰拉巴拉他曰凡悉曰馬提耳臘曰巴拉圭曰巴拉那曰烏拉乖曰泊臘那亦罷光緒十一年歲入之款一百二十兆五萬一千七百密累葡錢西同每一密累值二仙令歲出之款一百五十兆四十九萬五千八百密累

十九日記

出使日記續刻 卷二

署 傳經樓校本

俄人禦槍彈之新法以積雪堆成六英尺之厚即可禦隔三百步之槍子若雪堆堅結即五英尺厚已足若澆以水使其結冰則雖四英尺厚已可在三步半之外彈不能入 美國人數約有六千二百五十萬惟阿辣司楷土人所居之處並土人之未服教化者均不在其內較十年前已增一千二百三十二萬有奇然所增之中有他國人遷往者計五百二十四萬六千有奇

二十日記

閱光緒十六年通商各關貿易總冊合進出口稅船鈔半稅洋藥釐金計之統共收關平銀二千一百九十九

萬六千二百餘兩較之十五年多收十七萬二千四百餘兩進口洋貨較十五年貨價多至一千六百二十萬九千餘兩內有進口免稅之洋米值銀五百萬兩之多以順直等省薦饑故也棉貨進口價值驟增至四千五百萬兩較之上年溢九百萬兩其故由棉紗運進更多而推印度爲最盛進口值銀一千九百三十餘萬兩較上年增至六百萬兩之多中國若以機器紡紗定獲厚利又洋米進口過九龍關運銷於廣東一省者值銀至一千一百五十萬兩之多足徵該省人民繁盛貿易暢旺出口土貨較十五年價細九百五十萬兩其稅少征

出使日記續刻 卷二

署 傳經樓校本

七十五萬九千餘兩茶葉出口值銀二千六百六十六萬三千餘兩較上年短銀一百六十萬餘兩矣追溯至光緒十二年則出口茶價尙有三千六百五十萬兩也湖絲出口值銀三千二十五萬餘兩較上年短銀六百十五萬餘兩

二十一日記

光緒十六年天津一口洋貨進口價值銀一千七百十三萬餘兩而十五年則係銀一千五百三十七萬餘兩十四年則係銀一千三百五十七萬餘兩所以年多一年者緣是年順直各屬水災極重出產稀少不能不仰

給於進口之貨。且洋貨俱由本口運往河南山西陝甘等省。故能暢旺。若此。土貨出口價值銀四百九十七萬餘兩。較上年多銀二十七萬餘兩。其中徑運外洋之貨。僅有七萬三千餘兩。而運往通商各口者。乃有四百九十萬五千餘兩。蓋天津一口情形。向來大致如此。土貨之不敵洋貨。所以相去懸殊者。一則北方數省。物產究遠遜於大江以南各省。一則水運不便。鐵路未興。土產運銷不多。民情遂安於偷惰。以致地有遺利。人有餘力。當事所亟宜設法也。煙臺一口洋貨進口價值銀八十九萬餘兩。較上年少四十四萬九千餘兩。以洋布棉紗

出使日記續刻

卷二

吳 傳經樓校本

減色也。土貨出口價值銀三十九萬四千餘兩。與上年無甚懸殊。其沿海貿易原出口之貨。其價值銀四百四十二萬餘兩。較上年少一百一萬餘兩。復出口之貨。其價值銀二十三萬六千餘兩。較上年多八萬餘兩。復進口之貨。其價值銀七百三十九萬九千餘兩。較上年多一百七十萬餘兩。綜計洋貨進口。實估值銀五百八十一萬餘兩。土貨進口。實估值銀二百二十三萬餘兩。二共關平銀八百四萬餘兩。除去完納本口稅釐十三萬五千餘兩。再除賺利及各費以每百兩去共五十五萬三千餘兩。實估銀以上岸為定計。七百三十五萬八千

二十二日記

餘兩。綜計出口貨物市價銀四百八十一萬餘兩。加完納本口稅銀十六萬七千餘兩。二共四百九十八萬餘兩。再加賺利及各費以每百兩加共三十八萬五千餘兩。實其估值以下船為定計。五百三十六萬七千餘兩。

上海一口洋貨進口。按時價估算。其約關平銀二千二百二十六萬餘兩。如除去進口稅三百四十二萬餘兩。棧租零費等項。計百分之七。約一百三十一萬八千餘兩。起岸時計淨值銀一千七百五十二萬餘兩。土貨出口。按時價估算。共三千二十萬餘兩。加出口稅八十二

出使日記續刻

卷二

吳 傳經樓校本

萬九千餘兩。又棧租零費等項。計百分之八。約二百四十一萬餘兩。下船時共估值銀三千三百四十四萬五千餘兩。至進口貨。因夏秋間鎊價較賤。商人有利可獲。是以生意甚旺。華商恐日後鎊價昂貴。乘機置貨。因此存棧貨多。來歲銷場恐須滯塞。出口之紅茶。貨色似較往年精進。內以下等之紅茶為最。綠茶相同。平水茶貨尚均勻。惡劣者少。絲項生意。總未見佳。新設織布紡紗兩局。一照英美兩國之原布。組織成布。所紡之紗。聞與印度之貨可以相比。兩局作工。均尚未全。其能否暢銷獲利。尚難預擬。深盼中國實力保護。以至暢旺。從前總

辦局員未能得法。據西人觀之。紡紗局之利較織布局尤厚耳。現聞各國兵輪在滬者十艘。在長江各口者八艘。

二十三日記

甯波出口綠茶十五萬一千餘擔。聞所產較佳。炒製亦似精潔。內地收價廉。商人得少。需利益。福州一口。十六年進口貨價計銀五百三十四萬九千餘兩。照卸船時估計。已將稅銀及經手七釐用金各費並加在內。實僅四百九十一萬餘兩也。出口貨價六百四十六萬九千餘兩。再加稅銀一百六萬九千餘兩。經手八釐用金各

出使日記續刻

卷二

吳傳經樓校本

費五十一萬七千餘兩。則出口貨實價八百五萬餘兩矣。茶葉一項。光緒六年出口七十四萬擔。十二年減至六十六萬餘擔。十四年減至五十五萬餘擔。十六年減至三十九萬餘擔。較之前十年商民少得之銀約有四百萬兩。稅釐少徵之銀約一百五十萬兩。推原其故。一則閩茶年遜一年。久為英人所弗喜。一則印度茶日盛。一日英人以其味濃樂於購用。三十年前。茶為閩省獨有之物。其價頗昂。中外商人皆大獲利。印度人遂仿而植之。初未諳種製之法。出產無多。虧本甚巨。既而漸有起色。咸豐十年。印度出茶八千擔。同治九年。至十萬擔。光

緒六年。至三十萬擔。十六年至一百萬餘擔。因印人講求種茶之法。樹宜易者易之。宜植者植之。摘茶合乎天時。製茶需乎機器。故貨色均歸一律。雖天氣不時。無慮也。不數年後。恐印茶愈盛。而閩茶愈減矣。閩省種茶買茶之人。均不肯留心講究。據洋商云。印茶味色之美。因其種製得宜。閩人則不肯漸易其老樹。以致所出之葉。難以製作好茶。果能幡然改圖。茶務仍有振興之日。否則不堪設想矣。今閩省種茶之地。已有改種地瓜者。其人亦有別謀生計者。宜亟仿印度種製之法。以整頓之也。

出使日記續刻

卷二

吳傳經樓校本

二十四日記

淡水一口。進口貨價銀二百二十二萬餘兩。除去稅釐各項。並該商所得利息溢款。應作實價銀一百八十三萬餘兩。出口貨價銀三百三十萬餘兩。增添完稅並該商所得利息溢款。應作實價銀三百八十九萬七千餘兩。出口以茶煤樟腦三項為大宗。餘貨寥寥。淡茶至美。其超等上茶。儘可獲利。無如該處茶戶。種製未能得法。不及印度之良。基隆煤礦。欲求起色。當厚其資本。多備機器。慎選幹材為要。從前樟腦出口本少。本年起色之故。因外國新法。創製無煙火藥。必須用之也。打狗一口。

進口貨銀一百六十二萬餘兩。除去完稅及各用實一百四十九萬三千餘兩。出口貨價銀一百九十五萬餘兩。再加完稅等項實二百二十萬九千餘兩。進口以洋藥為大宗。火油次之。出口以糖為大宗。樟腦次之。

二十五日記

去年廈門一口進口貨除復出口之外。值銀九百二十一萬九千餘兩。除進口稅及洋藥釐金並雜費實銀七百八十一萬餘兩。出口貨值銀二百二十二萬九千餘兩。加稅餉及雜費實銀二百五十八萬餘兩。出入貨價相去懸殊。蓋閩南山多地瘠之故。然洋貨除洋藥火油

出使日記續刻

卷二

辛 傳經樓校本

兩宗。餘者亦屬寥寥。進口貨中土貨由他口來者。值銀至五百五十餘萬兩。以淡水茶葉北口豆餅上海棉米為大宗。然不盡銷於廈門也。汕頭一口洋貨進口價共關平銀八百九十四萬八千餘兩。土貨進口價銀八百十七萬八千餘兩。共一千七百十二萬餘兩。除去稅項及各費及洋藥釐金。實銀一千四百八十三萬餘兩。土貨出口價銀七百七十八萬八千餘兩。再加稅項及各費實銀八百八十一萬餘兩。復進口之貨以荳餅荳子為大宗。是年運到荳餅二百八十七萬餘擔。潮人用以糞蔗。故甘蔗旺則銷荳餅愈多。土貨出內地。商人不向

洋關請給稅單。故土貨不出輪船出口者。洋關即不能知其數。各關所載土貨出口之數。實尚不止此數也。

二十六日記

總理衙門議復余奏請添設香港領事摺云。此案於光緒八年二月間。經前使臣曾紀澤以互交逃犯一事。照商英外部於香港設立領事。十二年三月前。兩廣督臣張之洞亦經奏請。催設香港領事。謂此舉有通商保民。交犯巡緝防海之益者五。又前出使大臣郭嵩燾暨總稅務司赫德先後籌議。香港情形亦謂若於該處設官。實多裨益。近年以來。均因英外部支展遲延。迄未有成。

出使日記續刻

卷二

辛 傳經樓校本

聞此次於香港領事。僅允試辦一年。日後有無異言。尚未可定。應請

旨飭下薛福成察探情形。究竟英廷之意。是否不至反覆。或明告以試辦一年之議。中國未能滿意。略作停頓。看其如何答復。再行商辦。悉由該大臣妥慎籌議。請旨定奪。奉

硃批依議欽此。

二十七日記

許竹篋來信云。游歷帕米爾之俄兵。據俄外部稱。已於八月回塔什干營。其時確有一王爵由喀什噶爾赴印。

度乃另爲一事與王爵偕行者有英館參贊日愛里鄂脫已先回俄亦稱俄兵已歸自可信也 去年廣州一口進口洋貨價銀一千一百二萬餘兩進口土貨價銀九百九十九萬五千餘兩兩共二千一百一萬餘兩除去稅釐及各費實僅一千八百四萬餘兩土貨出口價銀一千七百四十六萬六千餘兩再加稅項及各費實共銀一千八百十六萬餘兩所產紅茶內工夫茶一項味可中等花香茶一項色美力勝惜其攪末太多計此年稅釐併算大約按值百抽二十一之譜比十五年按值百抽二十九之例則見輕矣原定值百抽五因茶價年減一年而稅不減所

出使日記續刻 卷二

聖傳經樓校本

以見多每年茶價低昂不同所 澳門葡官議招徠商以按值所抽之多寡亦不等 旅之法欲設輪船往來墨西哥國以爲該國招工開造鐵路之用有德國輪船至澳裝載華工四百七十名前往墨國旋又有輪船至澳欲載華工六七百名赴墨或謂數萬之眾傭工於無約之國並無領事官彈壓保護諸多可虞不若先訂和約然後赴工始無窒礙

二十八日記

瓊州一口進口貨價值銀一百二十三萬九千餘兩除去稅項洋藥釐金及經手七釐用金並各費實銀一百六萬餘兩出口貨價銀八十四萬餘兩再加稅項及經

手八釐用金並各費實共九十三萬五千餘兩北海一口進口貨價銀三百七十一萬餘兩除去稅項藥釐及各費實銀三百二十二萬八千餘兩出口貨價銀八十三萬餘兩再加稅項及各費實銀九十三萬七千餘兩龍州一口進口貨價實銀一萬九千餘兩出口貨價實銀一萬二千餘兩查廣西全省銷售洋貨每年約值銀二百萬兩土貨出口每年約值銀五十萬兩洋貨價甚昂貴有逾香港三倍甚至七八倍者以釐金重疊故也 去年四月朔中國龍州電報與法國北圻電報在鎮南關接綫

出使日記續刻 卷二

聖傳經樓校本

二十九日記

蒙自一口每到冬令須封河數月又紅河間有劫盜之虞而所收稅課僅四萬三千餘兩因照丁亥續議商務專條減海關稅則減三成收納出口土貨減四成收納進口貨價實銀五十七萬七千餘兩出口貨價實銀五十二萬八千餘兩九龍一口查核去年粵海關各廠貿易情形最爲暢旺綜計進出口貨物估值銀三千八百五十萬餘兩較上年增至六百三十七萬餘兩較前年亦增三百二十九萬餘兩是年進口貨價內洋米已居其大半足見內地各縣收成非甚豐足居民購食洋米



其資財虧耗已甚似非興旺之象。新報云上海英按察司審判英人梅生私通會匪購運洋槍一案已定監禁做苦工九箇月。

三十日記

朝鮮通商三關曰仁川曰元山曰釜山統計去年進日貨值洋銀四百七十二萬餘員出口貨值洋銀三百五十五萬餘員共八百二十七萬餘員。溯光緒十一年則進出口貨價僅二百五萬餘員也。出口土貨以米豆牛皮為大宗共計三口所收稅五十一萬四千餘員。三口貿易仁川最盛釜山次之元山為下。

出使日記續刻 卷二

詩傳經樓校本

十月壬辰朔記

泰晤士報接電報云日本地震死者約二萬四千名。壞火車路七十餘英里。有一地近海濱全城被水衝去海水變熱如鍋中沸湯激上邊岸盡成澤國。蓋地之初震由東而西徧經全國以致居民不易逃避。巴黎報述倫敦接滬信云英人梅生私運軍火至鎮江接濟會匪一案現定二年苦工之罪并罰洋五千員驅逐出境。其同黨之歐洲人不少業已密查暗訪矣。據梅生自供情節云伊所以干涉此事實因用此軍火者誘之以良法美意也。謂會匪如能成事所擬章程一判劃封疆分裂

土地二裁撤釐卡進口貨稅則值百僅抽一釐半三裁減茶捐惟外國之白糖葡萄酒仍應照征煤稅暫免棉花紗纜稅裁減四築鐵路築坦衢創行馬車並濬河渠五海軍陸軍海關巡捕及征收錢糧等職准用西人並准西人入內地貿易。

初二日記

本年八月朔日申刻日月合璧五星聯珠惟木星稍遠攷日月合在張五度火星在星三度土星在張十五度金星在星四度水星在張十三度木星在危十二度斯時日月南北並行五星東西一串福建邵武府知府董

出使日記續刻 卷二

詩傳經樓校本

毓琦謂會合在八月朔且在張宿文昌之宮為數百年罕觀之事應在今科鄉試可得經天緯地之才因上條議於閩浙總督請變通考試章程第一場先考古學兼及機器算法船礮如已入選即出榜示有名者始準入考第二場再考文章兩美兼收始能中的第三場策論半出天算機器船礮法礦電各題武試於弓刀石之外另試後膛槍礮默武經時亦詢以船礮法沙綫風雲庶異日可為輪船管駕。

初三日記

印度以孟買加爾各搭即噶爾麻特拉薩為三大埠孟

買有居民八十萬零六千加爾各塔有六十七萬四千  
麻特拉薩有四十四萬七千。埃及國度支自英國派  
員襄助以來日形饒裕。今年賦稅所入共有英金一千  
零二十五萬鎊。較去年多五十萬鎊。以後鐵路更將推  
廣。書信電報各局之取資亦已核減。從前法越之費  
粵省之虎門海口。用船石堵塞。以阻法船進口。今年大  
憲飭令員弁工匠速將船石撈起。以利舟行。刻下已起  
盡矣。無論大小舟楫。可以照常行駛。不必再行繞越。  
俄國礦產甚多。大半未開。近五十年來西伯利亞之東  
一處。已出金英權二百十六萬磅。所有銀鉛銅等礦。加  
出使日記續刻 卷二  
毛傳經樓校本

初四日記

緬甸產翡翠玉石碧霞犀紅藍寶石貓眼石琥珀之類。  
從前中國白玉玩器多出和闐。自白彥虎阿古柏之亂。  
新疆肅清後。和闐遂不產玉。內地近日所貨者。皆緬甸  
玉也。產玉之山。去阿瓦尙十餘日程。由薄摩洲流而上  
至蒙江。由蒙江入山。尙須數日程。其地林深箐密。爲生  
番出沒之區。嵐瘴甚盛。水土有毒。羣商所不敢到。買玉  
石者多在口外及蒙江左右候之。俟蠻人攜出。則羣集

爭購採玉之法。先掘地見石。乃伐薪以火攻之。使石裂  
然後採用。可謂拙矣。碧霞犀雖問有之。不及玉石之爲  
大宗。每年地上出產之物。統地球計之。共值洋銀二  
千二百四十一兆十億四萬餘員。

初五日記

日本自設工藝學塾以來。僅十有七年。其工藝大學院  
之設。僅十年。造就人材。已不少。大學院中董勸之人。皆  
貴官爵紳。有二西人贊襄其間。而其工藝之精進。有出  
人意料之外者。俄國森彼德堡京城戶口。共有九十  
五萬六千餘人。俄國現擬造鐵路由裏海東省通至  
波斯西北境之薩臘克斯地方。在茂甫城直南。論者謂  
俄人於亞洲志在南下矣。

初六日記

泰西諸國近十五年間。所得新法以利用者尤多。若電  
學內之代拿模。又名互生電機。若電氣燈。若德律風。卽  
通言器。若記聲器等。又如天文學內之極大折光遠鏡。  
火輪車之新式機器。刊印新報機器。照相印書器。開礦  
製金器。醫家所用之哥哥愛。卽開藥。更有印寫機器。  
照相新法。此類不勝枚舉。代拿模卽互生電機一器。  
二十年前止能用常力。磁鐵力不甚大。而費資反多。同

治七年有德國人名西門斯者英國人名輝子敦者查出新理凡平常採鐵內亦略有餘磁如造互生電機可不必用常力磁鐵矣遂設新法將平常採鐵造成此代拿模可用人力或汽機以運動之則自生電氣轉動愈速則電力愈大費省力巨故其用處愈推愈廣有作電車者電燈者又可傳力於數十里外者

初七日記

草木叢生之區能引雨下降空曠不毛之地易摧雨外散間有樹林陰翳花草蕃蕪之處經火焚過且燒壞泥中滋養植物之料則土枯泥敗草木不生即不能引雨

出使日記續刻 卷二

堯傳經樓校本

下降必須栽種樹木花草使地轉有生機則雨能年多一年嘗見曠野黑雲密布久之散而不雨有若雲霓者蓋雲中水氣落至半空全為地面乾空氣喻收不及墜於地面而散因地面無溼力攝引之也如近地一層空中已含草木所放之溼氣則能引雨霧下降且地面空氣常溼則能生雲雲中之水仍降為雨若無草木之地空中積雨過多必致有大雷電使雨驟降河不能容必至漲溢氾濫故多植草木可免旱災亦免水患

初八日記

叻報述教會中所出報章云西歷今正核計中國各省

傳教堂共有四百十處另有土人傳教而受薪水者一百八十七人不受薪水者五十四人各堂同食聖餐會友三千零三十八人去年內新奉西教者四百二十四人自內地傳教會興辦以來奉教者四千六百餘人按此蓋專指耶穌教言之似非天主教也

初九日記

近來印度通國鐵路其長五萬餘里往往白蟻為災無論何等木料均能嚙壞動輒變為木屑惟鐵路下之木座車常往來受大震動蟻即避去為害尚輕現造之路多以鐵為之較屬妥當電桿亦屢為蟻所蝕今改用鐵

出使日記續刻 卷二

堯傳經樓校本

柱空其心節節相套下端粗如人之大股 印度鐵路向為國家所設近有集股開公司者國家保其每年洋百員得息五員過此數則國家與諸股均分又有許工人抽存工資按時給息者公司資本既得充裕而工人亦得儲財之道且可固結人心俾工人不敢曠怠 西人謂黃河在甘肅境內者清而不濁兩岸多引河水為渠灌田獲利今為害於河南者在甘境則至寶也自蘭州至開封河行四千餘里若於蘭州甯夏歸化城等處設立電局春夏間上游水勢漲發立報開封可於水到之前十餘日或二三十日早設備也

初十日記

恭值

慈禧端佑康頤昭豫莊誠壽恭欽獻皇太后萬壽謹率  
參隨等員望

關叫頭遙賀 海戰要訣有六一與敵船相近須用輕  
而速放之礮勢若連珠使彼水手兵丁無論在艙面桅  
上或礮門處皆不得停身勢必走避又必細看敵船大  
礮顯露之處並煙通與各瞭望孔及露置礮架處多放  
輕小快礮二與敵船近至二千碼始放中號礮即六寸礮宜  
向望臺舵房螺輪或無鐵甲處連放不息三離敵船一  
出使日記續刻 卷二 李傳經校本

千二百碼始放大於六寸之礮若到六百碼以內恐易  
受敵水雷之害四戰時切勿以本船撞敵船空費撞力  
我船行過彼船或左或右反可施放水雷即使撞著亦  
難免本船受傷利不勝害若已擊傷敵船宜再用大礮  
打穿其船殼彼若放大礮宜用機器礮連珠礮連放不  
息使彼不及放大礮五見敵敗遣有小船等物不可往  
取恐遭爆藥水雷等害六我船最宜慎者擺舵之器須  
備雙副且須易拆易換受傷可趕速修補智利秘魯之  
戰凡兵船敗者皆因擊毀制舵之器不能急修也

十一日記

法報云帕米爾稱為地球之脊恐將變成戰場英俄兩  
國互相猜恨蓋英知帕為俄據則印成危境也現此山  
為無人收管之地一任敵爾徐野番自來自往山景遇  
冬時毫無足觀寒暑針可降至一度下之四十四度甚  
至水銀凍固尤可異者同日同時太陽不到處寒暑表  
降至一度下之十度太陽照處升至七十度跋涉之難  
全在冬時夏則險阻全消地勢雖高草木亦濃鬱暢茂  
或云此為天下最美之草料即極瘠之馬到此即可肥  
碩登山原屬費力但非竟不能行山距海面約高四十  
邁當內多羊腸鳥道皆可深入大道千條綺交脈注介  
出使日記續刻 卷二 李傳經校本

平杠戈爾及亦西戈爾之間有一道極易行走如築成  
之隄堪備馬行之道亦所在多有四通八達俄礮隊穿  
過最高之阿來嶺未十分喫力也蓋帕米爾在英屬印  
度俄屬圖爾齊斯坦一譯作土爾給斯丹中間如一天然屏障乃  
行軍之頭等險要也俄據此即與英為貼鄰矣英人所  
深懼者某僑紳曾慮及印度之叛謂譬有人憑牆窺我  
圍也此極險也 宜昌有各國教會三起一為蘇格蘭  
禮拜堂二為天主教之善就易德會三為佛郎希斯該  
貞女會

十二日記

勒當報云。各國公使於中八月十三日聯銜照會總理衙門。請其趕辦教案。如劾官緝犯賠償等事。并有詰問數端。日本公使亦與名焉。總理衙門擱而不復者九日。一面電飭各省。速即清理賠款。各省遵辦電復。遂於八月二十二日照復各使。并謂本署應辦之事。毋庸各使干預。業已顯而有徵。現既諸事辦結。應請各使會同中國辦理善後。妥議章程。由地方官為各教堂保護稽查。免致再生變故。各使處此反覺為難。聚議兩次。由十國公使畫押。日本公使亦在內大致言亂後應謀所以恆人心之處。將來如何保護罪人。如何議罪。應有切實憑據。此數

出使日記續刻 卷二

奎 傳經樓校本

事應由外國政府特派人員議辦。至所請議立章程。保護教堂。並解釋民教怨嫌等事。各使暫未能允。須俟賠款清結。保護有切實憑據。士子尤為種種病根。須俟若輩明白道理而後可議善後。旋聞總署復文。仍未能滿人意。各使於中八月初六七兩日會議三次。議後所定辦法。較前益形利害。

十三日記

製造戰艦最要之事。如船上要害處。必護以鐵甲。放礮之人。必設法遮護。多備小礮與中號礮。俱用速放法。或機器放法。最大之礮。可不必備。因其弊多利少也。凡用

大礮必有壓水器起落之法。又另備手工起落法。裝放者身藏不露。壓水器為敵擊毀時。仍可以人力起落。惟裝放較慢耳。光緒十三年前。百年即乾隆五十二年也。西歷九月。美國初定立國章程。彼時土宇南北二千六百里。東西二千二百五十里。與近時德國相埒。今日美地由赤道北緯二十五度至四十九度。自倫敦西經六十七度至百二十五度。是廣七千八百里。袤四千八百里矣。疆域東臨大西洋。西瀕太平洋。北至五大湖。南濱墨西哥海灣。商務較前已擴充千百倍。向時民數四百萬。今則六千萬矣。

出使日記續刻 卷二

奎 傳經樓校本

十六日記

西洋之造自來火。始於道光十六年。從前俱用布紙等炭質。擊火石引火。此舊式也。以舊式取火。多費時刻。少成貨物。即少得銀。是費時刻無異費銀也。近有人核計英國全境。因易用自來火。一歲節省英金二千六百萬鎊。而造辦舊式火具者。未免銜恨。然得利者廣。失利者寡。祇能聽之久。則失利者改就他業矣。石油一物。向來蜀人。以代蘭膏。焚蒸繡罽。道光二十六年。英人伯來佛。在英國見石油泉。始煉為燭。又設一法。將層石所含之油。蒸出製燭。其價更廉。今美國亦以所產石油製燭矣。

亞洲之裏海石油最多有運往歐洲供燃燈者以致鯨魚油菜油所製之燭多乏銷路人皆改業

### 十七日記

黑龍江漢河礦務局其本銀二十五萬三千餘兩內股分銀二萬九千餘兩官商借款十二萬九千餘兩此外則保險公積及上屆結餘等項光緒十五年第一屆所提結餘銀三萬兩照章作二十成分派股主餘利十成黑龍江省兵餉六成員司花紅四成朝鮮國有七奇一溫泉在劍山都內凡疾病瘡疥洗浴立愈二兩泉相去不遠一苦一甘一水常滿一時滿時涸三冷巖雖盛

### 出使日記續刻

卷二

齊傳經樓校本

暑大風不歇極壯之人不能在巖口久立四杉樹一枝並無枯朽火燒斧斬立即生發五有石立在離宮前兩人牽繩可在石底刮過六有一熱石在山頂極冷之時摩手若炙七有廟一區相傳佛祖在此揮汗廟周纔三十步光平如砥不生寸草並無花卉鳥雀不敢下牛羊不敢踐

### 十八日記

臺北鐵路由基隆海口直達龜嶺迤邐二百里一律告成火車每日駛行三次有火車章程十七款泰西諸國邇來攷得文字記實之古石甚多光緒九年由巴

比倫西伯拉城得一絕古者乃五千六百三十七年前所立之石較中國唐帝堯元年尚早一千三百九十八年所以英法二國屢遣人赴巴比倫尼尼微地尋古甄

瓦石中之古蹟云俄國之創鐵路在英法美德奧諸國之後道光十七年始於北京聖彼得堡城造成短路咸豐元年自聖彼得堡達莫斯科舊都城初建自國家已而歸商家公司經理迨與英法慶戰之後益興鐵路由國家扶助商民公司遂成四萬五千里長之鐵路光緒六年以後歐洲境內成路已多俄乃專在亞洲開路高加索山鐵路六百里同治十一年畢工為俄在亞洲

### 出使日記續刻

卷二

齊傳經樓校本

首創之路葱嶺以西裏海黑海相通連兵部所造之鐵路經始於光緒六年閱三年而工竣此中國西面之路也又於中國以北近恰克圖之處亦造鐵路年復一年俄路皆寬五尺以調兵運餉為主不甚重商務也管理之法多師德奧二國

### 十九日記

美國巴拿馬地方西七月四日午刻古士高處忽有流石從空飛越五采繽紛光芒有尾恍若彗星距地不遠自南而東未幾石又倏然而起爆然而炸聲若巨雷突然四散小者如拳大者如盞紛紛而墜此地三十年前

曾見流石一次今復遭之亦異事也。粵人有遊羚羊峽者。並至祿步地方。一日登山。見有一峰。雖非峻峭。然巉巖突兀。儘有奇觀。詢之樵人。則云此火山也。常有火燄乘風飛出。及登山頂。復見一洞。洞口呀然有聲。隆隆如千軍萬馬。瑟縮抖戰。不敢久立。循徑而下。復詢樵人。則云此風洞也。陰翳之時。常有風出自洞口。土人以物塞其口。亦被吹去。此洞之深。不知其極。投之以石。逾刻猶聞其響。常有鼠出洞中。其毛茸茸然。捕之必不能獲也。

二十日記

出使日記續刻

卷二

突 傳經樓校本

許竹貧星使來函云。帕米爾一案。俄外部謂此處地界不清。若會中英俄三國派員分畫定界。可免以後爭論。現已轉告總理衙門。不審如何察核。竊謂回疆西四城界地表廣。日前力量。但使扼守已定之界。不令強鄰侵佔。已為幸事。若再謀葱嶺以外。實是鞭長莫及。惟帕米爾在三國之間。各國聲勢皆主進取。中國頗難退處局。外專讓俄英之所為。進止殊費斟酌耳。黎純齋來函云。香港領事之議。恐將廢格。徐筱翁持之尤力。欲以抵制喀什噶爾添駐英員之舉。今日時局。以餽遺敷衍為能。決不喜人辦事。使臣在外。尤屬無拳無勇。似宜虛與

委蛇以待轉圜

二十一日記

玻利非亞在南亞墨利加州西境。道光五年始建民主之國。舊稱高秘魯。地當赤道南緯八度至二十三度。京師東經一百六十度三十一分至一百七十六度一分。與秘魯巴西巴拉圭阿根廷志略作拉巴拉他智利接壤。全境舊稱八十四萬二千七百二十九英方里。光緒十四年確計之。實四十三萬八千一百七十五英方里。丁口於咸豐八年得二百三十萬三千。其中土番過半云。光緒五年至九年。聯合秘魯與智利戰。大敗。盡失濱海諸地。

出使日記續刻

卷二

突 傳經樓校本

舊存朴硝用製火藥古阿奴肥田用不少。亦并失之。又償軍費鉅款。以和。光緒十四年歲入款合英金六十一萬餘鎊。歲出款七十三萬餘鎊。都城今在休克爾。國中入種甚雜。西班牙人僑寓者。婚配土番。其種曰敦洛斯。國之得為自主者。皆此類人。之心思才力所成也。天主教為國中大宗。他教亦所不禁。全境雖居熱帶。天氣隨地勢之高下而殊。物產遂與尋常熱帶諸國不同。礦產甚富。數百年所出金銀銅鐵錫。獲利最豐。計先後所產銀約值英金六百兆鎊。今每歲亦得三兆鎊以上。政權歸伯理聖天德。副伯理聖天德輔之。例以任事四年為期。然今

如限退位者甚妙

二十二日記

新嘉坡新報錄有造雨奇聞一則而華盛頓報則云美國人有名知鄰科者亦能釀雨其術尤精近來密蘭地方天時亢旱農民延之往試製一氣球載輕養二氣使之上騰約至一英里之高球忽自炸轟然大震遠近四十里皆聞其聲斯時赤日行空天無片雲風雨針亦不降下復以紙為數具繫以炸燄乘風而起俾轟散空中霰氣又以火藥布於地中計有數里之遙未幾炸燄在空中轟發知君從下焚其火藥煙燄騰起有二百餘尺

出使日記續刻

卷二

突傳經樓校本

二十三日記

香港新嘉坡兩地均為英屬東南洋要埠據核本年稅餉香港可收至二百零三萬九千員新嘉坡可收至三百八十九萬七千員港稅加於去歲二萬七千員波稅減於去歲三十七萬二千員觀其一增一減而兩地之衰旺情形可見矣西人以商務為重以工藝見長無論攻金攻石攻木悉以機器運之其大端不外水運火

運水火運三法水運者順水之性以注之水流而輪動

火運者拂火之性以迫之燄急而輪奔水火運者以火蒸水積氣以激之而其力更鉅其制則大都設平豎二輪縱橫相加各環之以齒承之以機機動則輪齒相齧以轉而用著焉此外又有金運石運人運牛馬運四法金運以鋼撥輪石運以重物引機凡機之小者金石皆可用蓋水運之餘事也機之大者莫若汽機如輪船輪車及耕田開礦引水皆以汽運之有不能設汽機者以人與牛馬代之究之水火汽運皆不外發機轉輪無機則輪不動無輪則機不行也然其質至重其力至宏有

出使日記續刻

卷二

突傳經樓校本

一觸即壞之虞故必時加拂拭使塵銹不生樞紐不窒苟或不慎機振一鬆則其力不能適均其機即不能流動故其壞亦易也蓋嘗考之機器之制肇自三皇庖犧製渾儀軒轅作刻漏書言璿璣玉衡說者謂璣為轉運衡為玉簫運機使動以簫規之漢張衡以漏水轉銅儀唐僧一行嘗為木人每刻擊鼓每時擊鐘張思訓更為搖鈴撞鐘擊鼓之製木偶按時而奏分秒不忒即自鳴鐘之權輿也後泰西有俄汝者始造水自鳴鐘或謂得思訓之遺法而金運石運之鐘表繼出焉又周偃師作傀儡不手而自舞公輪子作木鸞不翼而自飛諸葛亮



作木牛流馬不脛而自走其巧思洵出西人之上至水火既濟火水未濟兩卦爻辭皆曰曳其輪是隱言以水火曳之矣周官挈壺氏有以火爨鼎水而沸之之法是又汽運之嚆矢也昔人言火輪船為木牛流馬遺法豈虛語哉丁君良嘗言周公作指南車蓋用磁石定方向也磁石吸力同於電氣其法似由中國流入西洋人謂丁君是言不忘本云

二十四日記

余率繙譯隨員等四人以十一點鐘由倫敦采林克路斯棧登汽車開輪是日白霧氤氳大街行人對面幾不相見既出倫敦行半點鐘之久天氣晴明豁然開朗一點十五分鐘到度甫海口登舟開輪二點三十五分鐘抵法國之加利海口登車五十二分鐘開輪七點三十五分鐘到巴黎火車棧換馬車八點十五分鐘抵使館是日渡海時稍遇頂風十人中有一二人嘔吐者

二十五日記

代擬報刊倫敦信云英國駐緬大臣請於印度總督在岡波昌河之兩岸開一兵船埠頭此河流入太平洋江距八募約六十五啟羅邁當自八募至邊界之半道擬設兵駐守以護往來緬漢之商人務俾印緬中英之商務

出使日記續刻 卷二

主 傳經樓校本

益加開拓英政府又令廣開鐵路由印度穿緬甸及擇入境以聯接華界現從柏谷爾販貨至雲南省城其費每噸英金四十五鎊儻在模爾緯興造鐵路則至滇運貨之費每噸祇須二鎊英布販滇者其價可減百分之三十三滇省窮民購用英布綽有餘力矣

二十六日記

俄報云帕米爾自光緒二年俄人據得谷岡一地後至今未結其時帕米爾四圍盡係小土司所轄近則阿富汗等國頗多佔據其地東境則有華人華人自逐阿古柏出喀什噶爾後漸向西進而進南之帕米爾又為英

出使日記續刻 卷二

主 傳經樓校本

人所據自廢克什爾爾自主之權後英人權勢向北展拓所有撒忒沙耶三岡鋤等處盡行歸順以近日消息而論帕米爾中儘有佳壤可以生聚民人開挖地利法議院核定東京餉項共四十二兆方內兵餉二十五兆方係以巴黎協餉十七兆五十萬方西貢稅捐提款六兆五十萬方及兵部借款一萬方相抵至地方經費十七兆方由東京就地籌款

二十七日記

絲茶為中國出產之大宗志則外洋各國效中國之長奪中國之利茶則印度錫蘭日本種植日多烘焙亦日

講究色香味俱佳。洋茶銷路日見暢旺。華茶銷路日見耗竭。絲則法義日本等國。養蠶得法。出絲日旺。剔選極精。繅製極良。同治初年。華絲每歲出口者六七萬包。今不過二三萬包。已減去三分之二。夫茶市所以日壞者。由於採摘失市。烘焙未善。而又加以攪雜。遂讓洋茶以日盛。絲市所以日疲者。由於飼蠶未合其宜。揀種未察其病。繅絲未得其法。與洋絲比較。未免相形見絀。今欲籌補救之法。惟有勸華商精益求精。勿以偽物欺人。並減輕稅額而已。

二十八日記

出使日記續刻

卷二

傳經樓校本

法報錄倫敦斯丹達報云。柏林訪事人謂各國兵船在中國海面。擬示聲威一節。因俄國不允共事。作為罷論矣。各國現擬各自保護其商民。英太晤士報刊滬電云。風聞蒙古馬賊已據熱河之朝陽縣城。或云匪勢猖獗。業已向南進發。近畿州縣頗形震動。爪哇島在赤道南五度五十二分至八度四十六分。自京師西一度五十三分至十一度十五分。巴黎東一百二度五十二分。至一百十二度十四分。自東而西。島形狹長。一干啟羅邁當。縱寬一百至二百。啟羅邁當。合附近小島。共得十三萬一千七百二十三。啟羅邁當。較之荷蘭本國大至四倍。南界印度海。北界

爪哇海。過此即婆羅洲。東界巴利海峽。過此即巴利島。西界巽他海峽。過此即蘇門答臘島。其地今分二十三省。合之為三大段。西段五省。以巴達維亞為都會。瀛環志略所稱噶羅巴也。中段九省。以薩麻郎為要埠。即所稱三寶壠也。東段九省。以蘇拉巴亞為要埠。即所稱泗里末也。島以山為脊。岡嶺疊疊。若連若斷。火山四十五。東面已熄。西面今尚出火。其大者曰煞拉克。在巴達維亞之南。志略所稱火燄山也。因之島中時有地震。或巔崖迸裂。火石飛空。泥土洩流。煙燄毒厲。陷地傷人。江河深通。可行輪楫。如索羅江。發源於美勒比山。給的利河。發源於蹇邁魯山。其口岸可灣泊者。如巴達維亞灣。三寶壠灣。皆是。而蘇拉巴亞灣尤足以避風停船。因馬都拉島在其外。為之蔽也。

二十九日記

出使日記續刻

卷二

傳經樓校本

臺北大稻埕。江干近大龍洞。建有鐵橋。以便火車來往。計長十餘丈。西人常到此間遊。頗稱佳景。爪哇故南洋。巫來由番國。宋文帝元嘉中始通中國。當時皆奉佛教。厥後改奉回教。唐昭宗天復間。全島歸一土酋治之。明洪武初。東西二王分治其地。未幾西王攻滅東王。萬曆二十四年。荷蘭人始至萬丹。地在島之極西。後設商

埠以興貿易造礮臺屯兵丁越二十年荷蘭遂設總督駐紮於噶羅巴改稱為巴達維亞為荷蘭屬島要口島中商務兵事總匯於此復分佔全島各部服屬附近各島其故有之士番蘇丹或歸建置或就滅絕鮮有存者國朝嘉慶十四年英吉利以舟師大礮攻巴達維亞奪之荷蘭不敢與敵越四年議和還地復屬於荷凡華人至其地者自明迄今已數百年置田園長子孫其魁傑者為荷之甲必丹故今爪哇二十三省無一處無華人

出使日記續刻

卷二

齒

傳經樓校本

出使日記續刻卷二終

出使日記續刻卷之三

無錫薛福成叔耘

光緒十七年辛卯十一月辛酉朔記

爪哇中東西三段共二十三省方十三萬七百十四啟羅邁當華民十九萬八千二百餘人泰西二萬八千六百餘人土番一千八百五十五萬九千五百餘人此光緒五年清冊也七年增至一千九百十二萬九千餘人內有陸軍泰西人一萬六千八百餘名土軍一萬六千二百餘名水軍西人二千八百餘名土兵一千六百餘名共計水陸軍三萬七千六百餘名居民耕種稻田居十之五其他田地則又倍之產米雖多尚不敷本地之食近來商務日盛光緒七年出口貨值法銀四萬四千萬佛郎以糖煙藍靛加非錫為大宗進口貨值法銀三萬五千八百萬佛郎創設鐵路於巴達維亞三寶壠蘇拉巴亞各埠共長五百六十二啟羅邁當皆由官經辦者也倫敦報館接北京電云中國鬧事有二處一在奉天之錦州一在開平北之大口官軍已出山海關赴錦州天津淮軍由輪車駛往大口該處教民三百餘名皆被戕害比利時教士亦無免者

初二日記

出使日記續刻

卷三

一

傳經樓校本

巴達維亞在爪哇島北岸西邊左為萬丹右為非裏汶。中國稱為噶羅巴為爪哇之會城。明萬曆四十七年荷蘭總督在亞細亞各島尋駐紮之所遂據其地。明年建城改稱今名。現有華民三萬三千人居於城西岸。街道店舖宛有粵東風景。合散處各地者在內。則共有七萬二千五百餘人。三寶壠在島之中段北岸。瀕爪哇海。城建於三寶壠河口。西距巴達維亞四百二十啟羅邁。當華人居於城之上游。三寶壠河左岸。現有一萬四千二百餘名。蘇拉巴亞在島之東段北岸。即志略之士里。莫今作泗里末。華民一萬一千七百餘人。

出使日記續刻 卷三 二 傳經樓校本

初三日記

阿富汗一國在北緯二十九度至三十五度。巴黎東經五十八度至六十九度。其地自北而南約計一百四十利月。每一利月約中國八里自東而西約二百利月。大小與法國相等。東以蘇來芒山為界。此山縣互向北直至新河之拜石費愛山為止。與英之印度分界。南為俾魯芝。西為波斯之勾拉上省。北為沙漠及印度孤司之雪山。一作興都哥士或作興都庫施實即印度身毒之轉音也。大勢分為四部。一為加布利思。當部二在蘇來芒山之東。因人迹罕到知之不詳。三為岡大亥部。四為射思當部。加布利思當志略作喀布爾。阿富汗都城也。岡大亥作堪

達哈爾明思全境地而高山居其五分之四。論其形勢。實山上之平原地也。最高之峰名大克約蘇來芒。合英尺一萬二千八百三十一尺。合三千九百才。適當山頂。亦有平原之地。為數大河發源之所。東北十發與中亞細亞之高地相接。由孤司嶺直接至西麻來亞山。俱圖馬拉雅嶺即西藏最高山。中有無數高峰。有過二萬英尺以上者。

初四日記

阿富汗除加布勒愛力孟兩大河之外。小河頗多。又有無數小河。自山發源。流行平地。為沙土所蝕。不能通至大河。愛力孟河自山而下。勢趨西南。河長約二百利月。他水來會者甚多。併流入一大湖。湖名阿離亞巴累。又名射魚當。又名阿們。而加布勒河身最大。長七十五利月。云地勢既高。天氣寒冷。青草不能蕃盛。物產以毛貨為大宗。以織成之各種毛布為最佳。貿易大路。東與印度相通。西北與中亞細亞俄羅斯相通。另一路與波斯相通。土貨出境者。日顏料。乾果。鮮果。絲。煙。羊毛。鉛。硫磺。馬駝。西刻接總理衙門來電云。十月十七夜。熱河朝陽建昌等縣。突有金丹教及在理教匪。擄竿為亂。蒙古敖罕。旂貝子被戕。建昌平泉居民多被搶殺。天主堂亦被燬。殺華教士一名。華教民多命。呈奉

出使日記續刻 卷三 三 傳經樓校本

被燬殺華教士一名。華教民多命。呈奉

諭旨飛飭北洋大臣東三省將軍迅派馬步隊赴剿歸  
直隸提督調遣二十四日小獲勝仗各路軍兵厚集不  
難撲滅惟口外教堂甚多法使不願地方豫查亦不列  
單知照本署直不識該堂設立何處此時事起倉猝只  
有飛電北洋飭令派出將領保護其告急而未遭害者  
如永平遷安各堂亦派練軍駐守並嚴札地方文武保  
護祈轉達英法外部並分電許准

初六日記

總理衙門九月初四日函云俄兵瞰邊一事前以英使  
來告即電詢竹筴覆電謂事屬子虛八月初英使復面

出使日記續刻 卷三

四 傳經樓校本

稱俄確有副將遊獵帕米爾圖據其地如地木屬華翼  
我自保權勿旁落等語因又電石泉制軍轉行新疆派  
員酌帶弁兵前往巡歷察看情形與其部長聯絡羈縻  
俾為我用並電竹筴詰問外部旋接覆電外部仍以遊  
獵為詞顯係掩飾近接新疆來咨六月間塔什干總督  
帶馬步三百餘聲言赴帕巡閱徑出華屬黑孜吉牙克  
卡蘇滿卡阿克素睦爾瓦卡及塔敦巴什等處並駐隊  
蘇滿等卡且於筆依比達坂豎立木杆阿克他什黏貼  
俄文安撫阿克素睦爾瓦及黑孜吉牙克聲稱今已屬  
俄等語以上皆係華屬卡倫樊籬不固隱患何所底止

昨電竹筴轉告外部速電俄督將越境兵隊撤回復接  
竹筴電云外部言塔什干兵已回並允轉告彼督以後  
勿令弁兵越界所立木杆聽由華官撤毀又石泉制軍  
電云魏護撫電略道接張旂官稟俄越我外卡兵勇已  
全撤回地方安靜塔什干督祇到阿拉依未入華屬惟  
俄兵頭擅給華屬回諭帖派充伯克

初七日記

教堂各案蕪湖一起七月二十一日皖撫電稱法教士  
戴爾第滬白祿兩人於賠款外添索近堂之識丹亭地  
又名八角亭即鶴兒山又領事署旁山嘴一塊已飭道

出使日記續刻 卷三

五 傳經樓校本

將索地事另辦勿牽合正案以期速結李梅抵滬後八  
月二十日聶道與教士現議若以地近教堂防人作踐  
可圍築圍牆派守殊屬兩便已電李梅李覆云已飭總  
領事與聶商旋據聶電圍牆已允仍索兩地為墳種樹  
不建屋是以未能簽字議結賠款十一萬一千員亦未  
付丹陽天主育嬰各堂被焚事江督咨稱現與司鐸施  
方禮議賠八千四百兩三期交清七月初九立議單完  
結通州如皋案七月廿八江督咨稱如皋賠四千兩豐  
利賠五百兩莫令另出三百餘員添補買堂完案並據  
領事函代各教士鳴謝陽湖案八月廿三接江督咨給

洋一千四百九十一員。七月十一完案。金價三里橋一案。彭安多初索甚鉅。後減至六萬六千員。添索教堂西首同源興及望亭基地。並將前置各縣教堂公產一體稅契均經完結。江陰議賠九千員。無錫七千員。均咨報商妥。此南洋賠款大略也。至蘇屬教案。共獲犯二十一名。訊係附和愚民。從重定軍罪二名。徒杖五名。枷杖十四名。並獲會匪曹義祥一犯。訊係同謀。燬堂。即須嚴究重懲。一面嚴緝餘匪。丹陽令已參革。無錫江陰陽湖金匱令均摘頂。如皋令記過。各該管汛弁亦摘頂。此南洋參効屬官大略也。

出使日記續刻 卷三

六 傳經樓校本

初八日記

湖北武穴一案。鄂督電稱所獲各犯。領事派教士觀審。照歐人致死律擬抵。郭戴二犯於絞罪上加重斬梟。從犯分別重辦。領事允服外。與關道議三條。一龍坪司巡檢及礮船哨弁請獎。一馬口司巡檢請摘頂。一廣濟令前請撤任。請勿庸議。均允之。又咨稱郵款商定四萬員。賠修二萬五千員。領事函稱未奉駐使札復。先收照會。暫不收銀。總署於八月十六照會華使主持。迄未接復。各案市有頭緒。忽又有宜昌之事。江督電稱七月二十九日宜昌游姓失落小孩。在聖母堂查出。又搜出男

女六十五人。內有數人閉日堂內。及西人住屋旋即火起。縣鎮護教士上船。法國巴教士被石傷額。已平復。訊據女教士云。孩係吳有明抱送。曾給吳錢二千。現懸賞緝犯等語。英法以此事各派兵輪前往。江督電商派撥兵輪自護。北洋派兩輪往滬。遞換南輪赴鄂。南洋派南瑞駐鄂。測海往來遊巡。

初九日記

滬電云。官兵與叛匪遇於朝陽城外十五米爾之遙。官兵四千五百。叛匪三千。大半馬隊。甚形勇敢。約戰兩時。許官兵以礮火衝之。叛匪陣亂。且戰且退。死者一千一

出使日記續刻 卷三

七 傳經樓校本

初十日記

梅生私運軍火一事。英領事以案無原告。不能會審。須令見證人作證。始可延請律師。總理衙門商之南洋。案由滬鎮兩關盤獲。該稅司及洋關委員均可作為見證。八月十四日。聶道與裴稅司訊錄梅生。即梅用。又口供二十六日。赫德又將梅生與裴稅司所談節略。送到總署。大抵謂洋人入會甚多。鎮江各處購藏軍火不少。並牽涉鎮江委員陳興嗣。焦山礮臺兵官易某。並譯六洋人名姓。曰秦森。曰計因。曰馬革里戈。曰莫里森。曰里得

曰敖斯瓦而滬關譯出勞稅司面交梅生雜記內又有約福建海關細息徐春山鎮江細息徐春庭起事之語並未敘及陳易此事亟應澈究乃英領事既託詞推卸華使復文絕不提及赫德言華使先欲派員往辦繼謂滬關既經拘訊即不與聞而領事接外部電令其國家律師威金生主控梅已拏禁律師謂須押候繕供齊後審訊九月初又據法使及赫德到總署言福州羅星塔有匪徒謀踞船廠天津紫竹林洋人夜半忽然驚徙德稅司復於進口之太古輪船名松江查獲來復槍五百桿不悉私販姓名船主已罰五百金似係私販圖利無

出使日記續刻

卷三

八 傳經樓校本

十一日記

李傅相來函云洋人入內地傳教民教往往構釁地方官拏犯賠堂百姓輒指為偏護洋教愈激愈怒若稍寬宥各國公使領事據約力爭謂地方官不加保護其尤難者民間紛紛傳說謂教堂慣用邪術挖眼剜心迷拐幼孩誘姦婦女種種藐法之事官既無從得其確有此

事之實據以折服彼族亦無從得其確無此事之實據以解釋羣疑惟有忍心害理專用刑罰祇求目前了事不顧日後隱憂官吏豈盡無良蓋勢有不得已也西人傳教雖條約所許而民教不和勢同水火終非久計同治四年法國洪主教移川省會審局員文內謂川省教民事務設局經理各案將盡完結欲弭未形之患宜為先事之防酌擬規條俾期永久曾經成都將軍咨達總署可見民教不睦教士亦懷畏心乘機訂立妥章所謂因勢利導也本年沿江教案疊出前有樊安兩主教託津海關稅司德雅琳呈遞節略言中國傳教約分六路

出使日記續刻

卷三

九 傳經樓校本

十三日記

勒當報云中國皇上現習英國語言總理衙門上摺諫阻皇上置諸不理蓋有

皇太后之鼓勵故也。仰光電云。猛卯中國官場似有煩鬧之事。因英人在南邦江似即太平江一作達冰江又作橫柳江或作紅奔江設立兵房。該處土民驚惶。行文英官。請其撤去。英官告以奉印度總督之意。不能撤退。又稱已商准中朝。許其在此設立兵房。保護商民。即指此猛弄與南邦也。南邦地方已添英兵二百。猛弄亦添兵矣。

### 十五日記

九月二十六日。即東歷十月二十八日。日本神戶大坂。迤東直達名古屋。地大震動。以致火輪車脫軌。電竿亦悉偃仆。數百里內。死者二千七百餘人。傷者二千四百餘人。毀房屋三萬五千餘戶。半壞者約九千戶。英德兩國鐵路。五年以來。德多於英。光緒十五年。德有鐵路二萬四千八百五十二英里。英有鐵路一萬九千七百七十六英里。若以人數土地相較。則德法鐵路較英尚少。而造路之費。德廉於英。獲利遂厚。然英路雖少於德。五分之一。所備客車貨車。皆多於德。德之汽車。歲得英金四千二百七十六鎊。英汽車歲得四千四百四十四鎊。客車之費。前一年英得三千零九十八萬四千餘鎊。德僅得一千五百四十九萬六千餘鎊。蓋德國之人。雖多於英。約有千萬。而富者較少。故乘車者亦少也。

### 出使日記續刻

### 卷三

十一 傳經樓校本

德路每英里經費一萬七千三百餘鎊。英路每英里經費三萬七千四百餘鎊。

### 十六日記

蕪湖教案已由滬道會同法總領事華格臬商辦妥洽。教士前索之鶴兒山一層。作為罷論。而略加償款。九月十八日訂立合同三條。一議賠償教士規平銀十二萬三千六百五十四兩。由上海道交付法國主教。一蕪湖教堂西北毘連之高地一塊。名八角亭。即繫舟亭。應由華官自行圍築堅牆。須高一丈二尺。其牆如何定界。由地方官會同教士相度地勢。妥酌辦理。自圍之後。該地不准起造房屋。出入閒人。並由華官派人看守。自行管理。三准教士在教堂左近。隨時自與百姓妥商購地。地方官按照條約。幫同辦理。

### 十七日記

西教士韋立生偕洋友二人。金陵友二人。至甯波。售賣教中書籍。由象山石浦而抵南田。九月二十四日。遇蝴蝶峽地方。適有土人掘沼。深至八尺。下卧石碑。字式甚古。韋立生見而愛之。因將隨帶印像機器。如法印出大字六箇。小字五箇。均古體。稔書。金陵戴友能識其文。為言碑中。大字乃越英王諸鄂墓。旁小字則嗣王二年表。

### 出使日記續刻

### 卷三

十二 傳經樓校本



云其石碑尋脆如灰有形無質再掘其下亦無棺木骸骨想係周時古墓故鈔朽不堪如此而適遇西人搨印其文精存人世則似有鬼神呵護留待賞音也 奧使於本月初十日在承光殿覲見

皇上先是法俄二使將遞國書請在宮中首殿奉

旨。在承光殿定期初十日。法使稱病。俄使竟言有礙國體。仍照前錄送副本。臨時將親事奏罷。洋使好事挑剔。日甚一日。可慨也。又閱昨日巴黎費格羅報云。法使李梅於中歷十五日見

大皇帝。此次在便殿召見。非進貢使臣之所。蓋用最優

出使日記續刻 卷三

三 傳經樓校本

禮貌以相接云。哥老會匪創立某山某水某堂名目。散給飄布。傳授口號。妄謂入會之人。出外有人保護。有事可保身家。藉以斂錢惑眾。愚民受其誘脅。同罹法網。欽奉

諭旨。著嚴飭地方文武隨時留心。實力查緝。如有訪獲會匪首犯。一面嚴行懲辦。一面准將出力員弁。照異常勞績。隨案奏請優獎。地方良民有誤買匪徒保家偽票。呈繳地方官者。免其治罪。其有向充會匪。自行投首。密報匪徒姓名。因而拿獲者。亦一律宥釋。准予自新。

十八日記

李傅相來書云。執事移總署書。謂帕米爾部落檢文。新譯中俄交界圖。在中國界綫之外。亦非俄屬。暨撫魏午莊電。帕米爾地名甚多。現英使所指俄兵所到之地。則在喀什噶爾西南。為各外部入華孔道。該處布回皆係中屬。不僅騷糜。饒子惟來函。帕米爾長千餘里。在烏斯別里以北者屬俄。以南曰大小帕米爾。為中國與什克南交界。英人什人皆知之。不惟非俄屬。並不交俄界。文卿新譯圖正在舒克南與中國交界處。其攷訂頗足證明也。

十九日記

出使日記續刻 卷三

三 傳經樓校本

英之本國有英倫。蘇格蘭。愛爾蘭三島之地。英倫幅員計五萬七千九百六十英方里。人口一千四百十八萬有奇。大部落五十三。小部落四百八十五。蘇格蘭則西歷一千六百零三年。英始滅之。以伊靈馬社為首部。合計三萬九千六百英方里。人口二百三十六萬三千八百有奇。大部落三十。小部落三百三十八。愛爾蘭一島。在倫敦西少北。先為法蘭西所闢。繼屬丹馬。後乃屬英。以臘墨領為首部。合計三萬英方里。人口七百七十六萬七千四百有奇。大部落三十二。小部落四百四十二。而其所割據之屬地。則地中海島有人口十四萬。阿非

利加海濱新地有人口三十五萬三千五百。印度各藩屬有人口八千餘萬。美洲加那大有人口一百二十萬。其洲東羣島有白黑居民八十二萬。而澳大利亞一洲及北般烏等島尙未計也。今天下有居國。有行國。英國之在五大洲。散收諸屬地。則非居非行。遙遙相制。以師船爲藩衛。以商船爲生聚。則謂之行國亦可也。

二十日記

奧法俄三國使臣先後入都。應以抵京先後爲序。依次覲見。惟各使以紫光閣爲接見蒙古外藩之地。迭啟爭辯。總以改擇合宜之地爲請。經總署上遞封章。請

出使日記續刻

卷三

西傳經樓校本

旨酌裁。嗣由署迭與奧使和衷商榷。擬改於西苑圍城

中

承光殿覲見。此殿不僅外藩所未至。卽中朝臣工亦不克輕到。彼此議定。簽押立案。又上封章奉

旨著於九月二十五日在承光殿覲見。欽此。後不知何

十一月初屆期九點鐘。奧使畢格哩本率繙譯官赴西苑

由三座門入。與總署堂司官相晤。卽同進琉璃門。於值

房少憩。逾二十分。

皇上駕臨承光殿升寶座。堂官偕使臣繙譯人昭景門。至承光殿。由殿東門趨進。初進殿時。畢使繙譯向上行

一鞠躬禮。前行數武。復一鞠躬。至龍柱間應立處。又一鞠躬。畢使捧國書。致洋語。繙譯以華語譯之。畢使捧國書向前。至納陛中階下。慶邸由左階下迎接國書。轉陳御座前黃案上。畢使再一鞠躬。

皇上點頭答之。使臣退回柱間原立處。

皇上溫語宣慰。使臣繙譯將出殿。復向上一鞠躬。然後次第而出。當是時。殿內外王公侍衛官員。凡百執事。擁衛排班。靜穆無聲。及奧使退出昭景門。

皇上啟鑾還畫舫齋。

二十一日記

出使日記續刻

卷三

五傳經樓校本

光緒丙子自滬上之。天后宮起。至吳淞四十里間。有洋商價買基地。造鐵路。行火車。但搭客而不載貨。每日開車往返七次。上等車價來回一員。旋由中國給價銀二十六萬兩。買回拆毀。然其舊址尙在也。今日風氣大開。廷議已准造鐵路。似莫如用新式之高脚鐵路。較爲費省。工速。此路創於英國拉爾提格廠。其在滬總辦者。則總兵銜權授中國副將麥士尼爲能也。路如人字形。以鋼條安置地上。占地無多。車脚等係純鋼製成。尤妙在單條行駛。較之雙條穩而且速。卽有房屋墳墓。河水橋梁。以有高脚之故。易於避讓。路之高低不等。或離地三

五尺至二丈有餘爲止其行駛用煤火力電氣力皆可其價每一英里離地四尺者需英金八百五十鎊其鐵路之斤兩每一里重英權七十五噸脚愈高則價銀斤兩亦大而重總之較雙條者約省費一半若淞滬再造此路祇十餘萬金足矣近聞英俄德法等國以其價廉物美相繼而造者已數千里矣鄂省沿江一帶已拿獲會匪著名大頭目李典葉坤山高德華楊清和漢雲亭陳花魁李紫榮等正法

二十二日記

是日爲長至日謹率參隨等員望

出使日記續刻

卷三

共傳經樓校本

闕叩頭遙賀 查光緒九年英國造册本國男女共二千六百萬人瑞典四兆五十七萬有奇俄國八十二兆四十餘萬法國三十七兆二十餘萬德國四十五兆三十七萬日本三十六兆七十餘萬中國約四百兆

二十三日記

輪舟往來天津因北河日淺難到碼頭或云碼頭恐將移於唐沽則紫竹林必寂寥矣若以開平鐵路接至唐沽其勢甚易則煤之銷運亦必加廣唐沽距大沽口僅八里去紫竹林二百餘里陸路亦有百餘里北河水勢日淺又有沙埂以阻之近來唐沽之地價漸昂蓋有逆

料碼頭將移此者故皆購地以謀獲利也 明季西人之首至京師者葡萄牙則有陽瑪瑙日耳曼則有鄧玉函義大利則有熊三拔而英法無聞焉萬曆二十四年英女主欲修好中國遣使具書弊駕巨艦途遇颶風而沒事遂寢崇禎十年有舟師率貨船五艘由蘇門答臘至澳門葡人阻之又至虎門具道通商意復爲葡人在粵者所沮故明史謂有洋船四艘由虎跳門薄廣州而西而西人馬利遜約史略亦謂英來通商始明萬曆間蓋本諸此

國朝康熙二十二年既平臺灣英人頗通市於浙粵焉

出使日記續刻

卷三

七傳經樓校本

明史南洋有滿刺加者法人欲開通市埠據而有之東行入澳門粵東等處正德十三年遣使來貢請封詔給其方物之值而遣之久留不去十六年又攜土物求市復拒之萬曆初巡撫林富陳許佛郎西互市四利部議從之遂得入香山澳爲市又越境商於閩往來不絕二十六年巡撫朱統嚴海禁其人無所利遂內犯漳州之日港梧嶼副使喬柯等禦之統被劾而海禁復除法人益逞遂於香山澳築城臺以自固

二十四日記

美國各礦所出之銅年多一年去年共有二萬七千八

百六十一萬磅較前年多三千三百零三萬四千磅此皆由公司開採者也至出口之銅去年值洋銀八百五十四萬八千餘員前年值洋銀九百八十六萬七千餘員 美國自改用無煙火藥歐洲各國之向業火藥者相顧失色此藥屢經試驗異於尋常火藥蓋無煙無氣而火力又久并無渣滓且可久存不壞也

二十五日記

華人願往墨西哥國開墾者墾人永免田賦遂有華人挾貲至墨南境招徠彼處華農設法開闢新疆 耶穌一教分門別類所行規矩亦各不同有所謂洗禮會者

出使日記續刻 卷三

六 傳經樓校本

十年前自英來華不過數人經費祇英金二千鎊今則接踵至者二十餘人費用亦數倍於前矣 印度去年出煤之數共有二百四十五萬三千五百餘噸 統計英國商船現有帆船五千六百六十八艘輪船六千四百零三艘

二十六日記

暹羅國王年三十八在暹人中已稱魁梧其才德亦較前王為優通國賦稅歲得英金二百萬鎊又有雜稅等項約百萬鎊惟用款無多除支銷外稍有盈餘通國人約十兆而華人居其半他籍人亦皆有之國內做俗

甚多必須設法革除方能振興國勢

二十七日記

法京巴黎隸於賽納府有獄十所其八在城中其二在城外城之東南蒲爾瓦提特羅大街有獄曰伯列藏麻寨在焉伯列藏譯言獄麻寨其名也余與慶黨張讓三王省三往觀先期函告總辦車行三十分鐘入門總辦導觀各處屋瓦牆壁內外兩重中隔複道外施鐵門有兵守之其中為巷六條每巷樓三層每層有房七十間其房約寬六七尺長一丈二三尺有教士講經之臺適居全獄中間而六巷之首環列臺外每七日教士降

出使日記續刻 卷三

九 傳經樓校本

經則開巷門使獄囚得聽焉先觀監禁之所為犯者初捕尚未定罪之獄捕入時必令浴身更衣不許攜帶鐵器各物迺審其身貌書之冊並照相留之又重犯之獄為一巷拐騙劫盜姦殺皆有之各居一室而不作工有三犯居一室者蓋通同為惡又恐其自盡也有瘋癲者恐其害人也又輕罪之獄為一巷作工皆有常程不令得暇粗工細工粗細兼半之工各視其所長而派之工作之費悉歸本犯不充公款俾自購食物甚有積費者各巷盡處皆有黑獄凡重犯違禁而多事者輕犯怠於工作者入之惟日給膳夜不給燭或數時或數日鮮滿

七日者各犯日凡三餐有麪包每七日與肉食二次每次牛肉約一斤有半房中有窗戶牀衾廁所及一小桌門外有鎖有洞以遞飲食而便監視每日必令出步片時以得天氣地下窟室熾炭以送暖而禦寒雖屆冬令而巷中甚溫此獄每冬炭費三萬佛郎有藥室有病房以待病者有書庫以待各犯之願觀書者凡各學諸藝以及遊歷教門之書無不有之亦使之散悶且警覺改悔也有犯者親友相見之所隔以鐵欄鐵網犯者坐內親友坐外可以對談仍有官以監之廚房在大門之內獄房之外即以罪犯執其役所具飲饌甚精蓋罪犯除

出使日記續刻

卷三

辛 傳經樓校本

二十八日記

土耳其為突厥之轉音蓋本突厥遺種也歐洲好古之人有掘得古碑者讀其文為番漢合璧一邊漢文係唐初某年册封突厥之文文用駢體番文本不可識然依唐文讀之知為突厥文後復搜求舊籍連得古碑有番

漢合璧者有專刻突厥文者輾轉尋繹攷究益博遂解徹突厥字體於是知今之土耳其文實以突厥文為根源而詳考土耳其之先乃突厥之苗裔也又有掘得古碑者一邊亦係漢文觀其年號知為西漢時物文氣古茂確係西漢之文一邊文不可辨似與蒙古文相近可決為匈奴之文惜尚未得佐證將俟蒐訪云夫匈奴突厥皆極強盛斷無無文字之理史册失於紀載乃一二千年後攷古之士能求得之亦奇矣西人攷得回紇亦相近突厥也回紇也土耳其也文字雖有異同而出其源大抵由突厥變為回紇山回紇變為土耳其也

二十九日記

出使日記續刻

卷三

辛 傳經樓校本

俄屬西伯里亞即鮮卑之轉音鮮卑在東漢時已強盛其國勢不過稍亞於匈奴其種族亦甚繁熾流入中國者迄於南北朝時數百年不絕自唐以後日就衰微漸徙而北去塞絕遠中國遂不復知有鮮卑矣後為蒙古所逼益徙而北立國於今之西伯里亞境內以其地荒寒得以久存迨俄羅斯既滅其境內之蒙古遂逾烏拉嶺闕地而東至明中葉始滅鮮卑今尚有鮮卑故城俄音謂之西伯里亞遂建西伯里亞省於此西伯里亞省所採之金自西歷一千八百三十四年至八十七年凡五十四年中計得二千九百八十二萬五千兩其黑

龍江及太平洋沿岸產金。尙不在內。又一千八百八十八年。探得二十萬三千兩。八十九年。探得二十四萬二千兩。合之前五十四年中所得之金。已值英金一萬二千萬鎊。

三十日記

地震山地中之火。鬱久而發。與火山炸烈。同一飛災。殆非人力所能挽回。蓋五行之形質。如水土金木。無不流露於人間。而火係最發揚者。乃獨依物以呈形。草木有火。金石有火。膏脂有火。而不有以引之。則盈天地間。又不見有火。然火若必依物而見。則火當寄於各物之中。不必列於五行矣。今既列於五行。則必如水土金木。各有歸宿之所。天壤間既無處可以藏火。則必藏於地下。無疑。火性炎上。久鬱於地。難免發揚震動。考之易。一陽居於二陰之下。其卦爲震。蓋陽氣必升。以二陰而抑一陽。雷之所以震驚百里也。地震之道亦猶是也。

十二月辛卯朔記

今英屬印度之境。計八十三萬一千九百六十三英方里。居民一百八十四兆。歲入之款五十兆鎊。戌兵十八萬七千人。土王所轄之境。計五十六萬五千一百有六英方里。居民四十八兆。歲入之款十五兆鎊。兵丁三十

出使日記續刻

卷三

三傳經樓校本

一萬五千人。礮五千三百尊。土王軍內所用火藥彈子。士乃得槍後門礮。有開廠自造者。所練之兵。亦饒精銳。印民納稅貢金於土王。較之直隸於英者。更形踴躍。俄屬中亞細亞商務日興。英於中亞細亞亦有屬疆。僅能與之爭利。無如轉運之路。必出俄疆。俄之稅於本國。取百之二五。於英商取百之四十。復禁印度英茶售於俄境。防範嚴矣。

初二日記

日本有人類社會者。不知始於何時。曾著一說。名曰人類社會變遷說。茲摘其大略云。地球非不大也。而陸地面積不過八百六十四萬七千六百七十日本方里。邦國非不多也。然統計亞細亞洲。有中國日本朝鮮暹羅及俄屬之西伯利亞。法屬之越南。英屬之緬甸。印度。俄屬之吐克斯坦。恩。齊斯。坦。又有亞業加坦。內有屬皮路直坦。即路芝。土耳其。阿喇伯。波斯。內有屬俄與。共十四國。所云十四國者。蓋以圖爾。齊。而其自立之國。惟中國日本暹羅波斯而已。此外皆服屬於歐洲諸國者也。阿非利加洲之埃及。土耳其半屬國也。其全洲之海岸。則爲法英德比荷諸國所據。其內地有爲未闢之野番者。有分裂爲小部。亦不能成其爲邦。而聽命於西人者。其餘

出使日記續刻

卷三

三傳經樓校本

膏腴之地則並為西人所墾闢。分屬諸國。四周海岸土地皆歐人行主權之地也。亞細亞洲以南。南洋諸大島。如新金山。婆羅洲。噶羅巴。呂宋。蘇門答臘等。及大小羣島二十有四。則皆為英吉利荷蘭西班牙三國所占。歐羅巴洲有英法俄德奧義瑞士瑞典希臘土耳其比利時荷蘭丹馬西班牙葡萄牙羅馬尼亞塞爾非亞布加利亞共十八國。除羅塞布三國外。皆儼然獨立之國也。亞美利加一洲。本為歐洲人所開闢。分南北中三大部。以美國為最大。大抵非歐人之子孫。即歐人之屬地。得行其主權者也。所有土人僅成小部落。依棲各處而已。

出使日記續刻 卷三

西傳經樓校本

然則今之地球。雖有大小八十餘邦。合德屬之日耳曼二十六國等在內非歐人子孫。即其屬地。其能自立者僅六七國。其面積不過一百萬日本方里耳。吁。此世界其終為高加索人所領歟。如以阿伯亞人。巫來由人。亞美利加之銅色人。自古不能自建邦國。今猶蒙昧蠻野。故為高加索人領。至蒙古一種。其勢向甚強大。成吉思汗幾統一亞洲全部。且侵略歐洲之大半。有一統世界之志。無如墳土未乾。外藩先喪。卒亡其國。若高加索人。則風氣已開。各國皆同。實有根之木。有源之水也。今者朝鮮為西人香餌。勢將歸俄保護。臺灣被逼於法。支那之四周。已在高

加索人重圍中矣。日本則東洋一孤島。而薩格連全島。前被俄人侵奪。小笠原屬島亦將為西人所占。豈可不寒心耶。我三千有餘萬兄弟。其奈此國家何。其奈此世界何。是日為西洋元旦。各國公使例集王宮致賀。余於未初一刻。率慶常吳宗濂潘承烈世增至王宮。俟頭二三等公使齊集。排班立定。法總統率宰相各部大臣出而相見點頭。總統立於中間。各公使致賀年頌詞。由教王公使讀畢。教王公使向為頭等公使之首總統亦宣讀答詞。畢乃走至各使前。每人寒暄數語。握手致殷勤。宰相各部大臣亦以次與各使相握手。然後各使向總統點頭而出。

出使日記續刻 卷三

西傳經樓校本

總統仍握手送之。頌辭云。今值履端伊始。本公使等敬來祝賀。願

大法國興隆日錄

大總統福祉康泰。祈天永命。遐邇臚歡。謹以為頌。答詞云。承各國公使大臣吉語祝頌。具見邦交之篤。欣感交加。今值改歲。願各國共享昇平。俾得盡心於國計民生之事。我國一切權利。雖無所變更。而交際之道。以和為貴。應與各國共勉為之。并請轉達各國國家。以表和好之意。有厚望焉。

初三日記

日本一國火山甚多時有發揚迸裂之虞每當火山轟炸地維卽爲之震動當地震時有某員之妻出門觀望俟而坤輿拆裂陷入隙中其女趨出欲救其母復陷入焉於是塵土飛揚遮蔽天日越數日工人掘挖所傾之屋微聞窟中有聲啟而出之卽前被生埋之母女二人也絕去水粒七日不死亦異矣有一山左右俱聳高峰內有三穴闊約六十尺若由穴口拋擲石子必閱數點鐘其聲始寂則其深可知迨未震前一日此穴鎮日有聲隱隱如雷之響震時右峰崩倒空中沙飛塵捲滾滾如煙霧之迷離更有幾處山尖盡削其髻亦有變更形

出使日記續刻

卷三

三 傳經樓校本

狀低者忽而軒昂高者忽見平坦亦有基址移往別處者樓臺屋宇道路橋梁傾圮遷徙者不可指數有一河平日淤淺今則急流如箭又有一山甚高山頂神廟一所今皆沈沒居民於十日前目擊山頂浮露青雲終日瀑泉飛瀉云

初四日記

海軍衙門本假煤渣胡同神機營後院以資辦公前經醇賢親王擇購西四牌樓粉子胡同奕將軍宅擬建海部京廡迄未開工近甫由慶邸飭移衙門於此將原屋拆去改建署門大堂二堂各股公廡及檔房庫房日

本有一河名基蘇當地未震之前河底俱屬沙屑全無石粒攙混既震之後多有石塊且有一石鉅如小屋浮於河面并有汗濁之水由河底之孔湧出云

初六日記

電學有無窮之妙其大用不外四端一曰治病五百年前羅馬人有用以治癱症者今則所能治之病更多如溺水夢魘酒醉懸梁爲時不久者頭疼牙痛筋痛肉麻者皆有奇效此法實有三益一能運行筋脈感動精神二可在細管催水隨血絡運行以通脈汗三如病在一臂一股用電氣急治不必按方服藥以免全體胥受藥

出使日記續刻

卷三

三 傳經樓校本

力一曰傳報電路以銅絲或鐵綫爲之惟鐵綫一抄內僅行二萬洋里而銅絲一抄能行二十八萬洋里較光行尤速一曰傳聲西人貝拉所造曰傳聲器一名德律風造法用吸鐵桿圍以包絲細銅絲圈裝於木殼內接以遠處之電綫吸鐵桿前端有極薄圓鐵皮人口對此鐵皮言語彼端亦有此同式之器人耳對此鐵皮聽之卽聞言語一曰燃火地雷水雷多可用電氣放之其法將火藥裝於鐵殼內或沈水底或埋地中以銅絲爲電路復以細鋼絲或鉛絲接於二銅絲之中以通火藥可轟敵於數里之外以上四端皆實用之載在電學書者



也此外用以鍍金可飾器皿用以代炬可照昏宵用以運機可助工藝用以航海可得南針信乎格致之學之精妙也

初七日記

西報朝鮮永清海灣有一埠名刺沙利輔者頗為洋人所注意法水師提督率艦往遊而英水師提督亦往駐焉因此灣冬季無冰與俄之瑣春相若也 廣東南海廟有二銅鼓大小各一 大者徑五尺唐時高州太守林霽得之於土酋以獻節度使鄭綱納於廟中其製中空無底腰束而臍隱起旁有兩耳通體作絡索連錢及水

出使日記續刻

卷三

天傳經樓校本

穀紋其色微青如鋪翠銅質欲化金精獨存蓋千數百年物也其邊際舊有蛙六今已無存小者徑四尺出潯洲銅鼓灘先是灘水湍急作銅聲一日水涸銅鼓見太守取之懸於四面樓鼓邊有金蝦蟆五被人竊去後歸廟中其色純綠作鸚鵡斑斜紋纖麗隱然作八卦象每歲二月十三日祝融誕辰粵人擊一鼓以娛神其聲鏗路鏗鏘宛若雷行於天近聞聲小遠聞聲大鼓內均鑄有漢伏波將軍鑄字樣蓋征交趾時所遺也說者謂三代銅器用陰識其字曰秦漢用陽識其字曰陽識易成陰識難鑄此為漢物無疑矣或又謂南方卑溼革鼓多

不能鳴故以銅為之凡為鼓紅銅為上黃銅次之其發聲在於臍上今粵中銅鼓師僅有數人蓋其技術甚秘不傳於人僅傳於子故漸稀矣

初八日記

今地球大勢頗似春秋之後戰國之初俄羅斯以一面制三面諸國畏之忌之如六國之擯秦而俄之日趨強盛頗如秦獻公孝公之時英之國勢與俄相匹而富強過之殆猶楚宣王威王之時初併吳越地廣人眾而衰微尚未見也法蘭西本霸國之餘拿破崙第三其猶齊閔王乎德意志用賢才以勃興地不甚大而國勢可抗

出使日記續刻

卷三

天傳經樓校本

英俄殆猶趙之幾與秦楚相匹乎美國僻處一洲自關疆土亦猶燕之僻在一隅而戰爭之禍較寡焉奧斯馬加意大利四戰之國猶韓魏也中國尚文德而不競武力頗有宗周氣象然猶似在春秋之前非若戰國二周之弱小也土耳其處兩大洲之中為英俄法所窺伺孰先得之皆足以廣地而張國勢恐不免如戰國之宋為齊楚魏所分裂也日本國雖小常有與諸國頡頏之意其猶中山乎其餘諸國殆如泗上十二諸侯焉耳嗚呼天下事有始必有終今之形勢吾不能測其所終極儻有如佛經所謂金輪聖王者出乎當在一千年以內未

可知也。

初九日記

俾路芝東界為印度西之英國新省地。北界阿富汗南界海。西界波斯全境。自東而西。約九百啟羅邁當。自南而北。約五百啟羅邁當。在巴黎東五十五度至六十七度。北緯二十五度至二十度零半分。境內高低不一。低下之地。多在臨海。高敞之地。多係內地。形勢與阿富汗相似。極高之地。距海面有二千邁當。地氣迥殊。窪地與印度熱地相同。高地與歐西涼地相同。近西沙漠地極荒瘠。物產稀少。偏東稍有出產。草木豐茂。民奉回教。民

出使日記續刻

卷三

三傳經樓校本

類約分二種。其一土著。稱為白拉烏衣。多居東境。一為波斯阿喇伯分來之人。多居西境。獸有獅豹虎狼山貓野狗狐狸山羊野驢猴鳥有鷹雕雁。海岸魚極繁。瀕海之民。多以捕魚為生業。

十六日記

西人天文格致之學。不外測算。如勾股和較方圓。以至於弧角八綫。圓橢圓平綫。拋物綫等。各有定法。不失毫釐。近來製造一器。一物。必測準分度。詳列表數。如開花礮彈。平常重九磅者。內藏藥九兩五錢。重十三磅者。內藏藥十兩。重十六磅者。內藏藥十八兩。其新式劫海

奴開恩兩種。開花礮彈。測量遠近。更為精密。即炸藥配準質料。計其能力。炸彈中藏有時引藥一種。每燃一英寸。歷時七秒半。終盡藥發。適當其可。又如光學中折射光行速率。積累而計。百不失一。要非精於測算。不為功。邇來福州織布局。共有六十餘所。惟所用之紗。尚須購自外洋。利源外溢。現購紡紗機器。十月間已到。閩垣不日將擇地建廠。又南台三山會館布行中人會議。謂閩省每年除洋布外。銷售蘇松機布。約三百五十萬捆。自下制軍會同陳紳寶琛興創機器織布局以來。福州本布出產。約有一百萬筒。此為民興利之大者也。

出使日記續刻

卷三

三傳經樓校本

十八日記

加那大共有華民九千數百人。其六千皆係為商。其三千則往來無定者也。滬報云。戶部將常年入款逐細核計。每歲各省海關所徵洋稅銀一千五百餘萬兩。地丁銀一千餘萬兩。鹽課釐等銀一千二百餘萬兩。常關稅銀三百餘萬兩。釐金銀一千三百餘萬兩。茶稅當稅鹽商捐輸等銀三百五十餘萬兩。各省雜稅銀一千五百餘萬兩。裁撤長夫等銀五十三萬餘兩。合計約八千數百萬兩。余謂此帳與余平日所聞。大約尚無甚出入。惟雜稅銀一千五百餘萬兩一款。似有訛舛。而洋藥釐

金八百餘萬兩。則漏未敘入云。

十九日記

土耳其之君士但丁海峽。為歐亞兩洲中道。可以出黑海而入歐洲。西歷一千八百四十一年。英德法奧義五大國暨土耳其定約。凡兵艦均不准過此海。若必不得已而過。須將所因何故。向土廷報聞。求取憑照。始能過境。商船往來。亦須報明地方官。其平時管鑰之司。則土耳其任之。迨一千八百七十一年。復在倫敦酌議。七十八年。俄土戰罷。又在百靈其議。今年俄船不向土廷請照。突將戰船載兵駛過。各報咸謂俄欲故挑土釁也。

出使日記續刻 卷三

傳經樓校本

英皇長孫初定明年正月二十六日成婚。此人當繼君位。各國擬派頭等公使致賀。余電達總理衙門。十二日總署來電云。齊電已進呈。即由貴大臣赴外部恭代致賀。毋庸辦給。

國書旋聞皇孫於十四日病故。蓋邇來倫敦疫氣甚重。余又電達總理衙門。十八日衙門來電云。本日奉旨。薛福成電已悉。即著該大臣赴外部遵旨致唁。欽此。余已於十七日發一洋文電致英外部。申弔唁之意。今日復發洋文電云。本大臣接奉本國

國家電諭

大清國

大皇帝聞

貴國主長孫克蘭斯侯薨逝。悼惜殊深。即令電達貴國大君主并大太子及大太子妃。以申弔唁之情。而示休戚相關之意。本大臣奉此。即請貴大臣奏明貴國大君主為禱。

二十日記

中國刻書。由來已久。五代會要。後唐長興三年。即西歷九百三十三年。命太子賓客馬縉等充詳勘九經官。於諸選人中。召能書者寫。付匠雕刻。每日五紙。漢隱帝乾

出使日記續刻 卷三

傳經樓校本

祐中。周禮儀禮公羊穀梁四經。皆已鏤版。後周廣順三年。尚書左丞田敏進印板九經。據是則中國刻板印書。在西人前五百餘年矣。西人印書。喜用活板。創其製者。德人畢登倍也。其法鑄鉛為短條。約半寸許。薄且窄。一端刻一字。依文彙字序。併合成板。四周圍銅片緊束之。置諸機上。塗以墨。以紙覆之。重壓其上。揭其紙。已印文字。朗若列眉。其始行於靈納城。繼行於斯德辣步城。日耳曼各方爭相倣效。羅馬初用其法。在一千四百六十七年。又三年。巴黎行之。又三年。倫敦行之。俄人仿行在一千五百五十三年。自是愈傳愈廣。至今不過四百餘

年前此恆用寫本則西人實師華法也華書刻板在西人前五百餘年惟西人初創通用活板而中國則始用鐫板後用活板活板起於宋大約在西歷千一百年活板之字宋人用泥明人用木

國初又用銅鉛逼肖西法祇印機爲西人獨倡邇來中國亦多用之大抵木板與活板各有利弊不相掩也

### 二十四日記

馬格里來信云昨遵總署來電赴外部問滇緬界事曾發電戒飭管理緬甸大臣否外部答云英兵未曾實入中國邊界總署亦未指明英兵所在地名是以印度部

出使日記續刻

卷三

三 傳經樓校本

不能發電等語總署來電僅言騰越西北地方騰越西北無論何處皆係穆雷江之北本非緬甸所轄英雖戰勝緬甸此地不歸英屬昔曾侯已明告外部今中國若不欲失管轄之權此地即穆雷江之北厄勒瓦諦江之東現在必須竭力索問此處卽出翡翠之地雖非盡中國人卻皆中國一類之人風俗教化衣服皆與中國同中國可云向歸我轄現仍欲管轄下去必能有效的從前中國四面皆有屬地今則俄在北邊既割黑龍江大股之地又欲覬覦喀什噶爾之西朝鮮已爲自主之國日本滅琉球英人踞緬甸法人取越南暹羅不肯再進貢中國中國所有屬

地僅餘西藏而已非中國之不能管轄各地實由中國於邊界之事太不加意甚可詫也

### 二十五日記

八月十六日字林報云致遠輪船由香港到滬被海關查出軍裝實係鎮江洋關寫字梅生所運由香港裝船出口共有三十五箱詭稱鋼條尙未露出破綻其時德臣西字報已有風聞由香港電達滬關及致遠抵滬起出快槍百桿彈萬顆對面笑五十桿彈五千顆洋槍五十桿彈萬顆另有炸藥約二十五磅在梅生行李中梅生由滬回鎮經官拘獲置之英國來的茂克兵船上又

出使日記續刻

卷三

三 傳經樓校本

### 二十七日日記

西人精研汽學化學電學以得御水御火御風御電之法而一切製造遂能極人巧而奪天工余嘗問西士將來尙能得御雲之法乎西士云雲於天地間最無力不過乘風氣以飛揚恐不能得其用也大抵水火風電其力皆甚大西人窺其奧妙驅而用之無不如志遂致富強若雲氣之出自山川雖能頃刻布濩滿滿天地不過藉風以行耳蓋雲本自無力則其不能致用也亦宜

### 二十九日記

字林西報云北京西友來信恭聞

皇上神聖英武萬幾餘暇典學不倦現欲通英國語言文字侍讀者為同文館中之兩教習云 中國自蔡倫作紙之後繼起者爭奇競勝美其名曰蠶繭曰烏絲或以松花為之或以栲皮擣就然皆以竹素為盛類能欺霜浣玉滑澤晶瑩格物可謂精矣近日歐洲新法更能用破布敗絮及鳥毛魚皮獸皮等製紙質堅價賤即起蔡倫於此時亦覺後來居上今又有美國人以麥心之皮製紙光滑耐久其化學之功更妙矣格致之學苟精殆可使天下無棄物歟

出使日記續刻 卷三

毛 傳經樓校本

三十日記

中國已開之礦開平煤有九層可開現祇開五層煤質之佳甲於各處南北洋兵輪大半用之視洋煤尤勝近又開出佳泥一種可供塗修鍋爐之用基隆之煤火力甚猛可合輪船之用以上二處皆有鐵路以便運出海口 淮縣煤質頗佳開出者日以噸計惟不用機器距海口甚遠又無鐵路僅供周圍百里之用積煤甚多銷路甚緩入夏遂停開挖淄川之鉛所出亦饒可中礮彈之用近運滬局鎔鍊其用不亞洋鉛而價則較廉雲南銅錫諸礦日見起色京銅不但無欠解并可豫解箇舊之

錫運至上海雖不甚多而漢口則銷用甚廣徐州利國之鐵礦產雖美限於資本未能大舉漠河金礦如照舊章所獲必可如前貴州青溪鐵礦僅開小鑪向未能開大鑪聞因布置未善運路篤遠恐亦將以款絀停止殊可惜也惟滬局開鑪鍊鋼極為得法前時試鍊所開者小鑪也而所鍊之鋼與外洋無異價又廉於洋鋼故近日大開鑪火決計自鍊可勿需洋鋼矣

光緒十八年壬辰正月辛酉朔記

余在巴黎適值天氣晴明格外和煦午後駕輕車赴大樹林駛行觀覽而回 婆羅洲為亞細亞羣島之至大

出使日記續刻 卷三

毛 傳經樓校本

者正在赤道之下自赤道北七度六分起至赤道南四度十一分止京師東二度五十二分二秒起至西七度二十九分十八秒止巴黎東一百六度三十八分起至一百十七度止合附近小島共得七十四萬八千七百啟羅邁當方里較之法蘭西之地蓋半倍之西界中國海北界蘇祿海過此即呂宋羣島東界望加錫海峽過此即西里百島南界爪哇海過此即爪哇島其地北境今屬英國東西南沿海各地皆屬荷蘭或歸保護內地尚有土番部落有人所未至者地溼多雨南境尤窪北境稍高居民皆處海岸縛木水上築室以居島中有大山自東北而西南劃分界

限土番稱為一千一百嶺。卽志略息力大山也。明史封淳泥國後山爲長甯鎮國之山。當卽指此。其江河在淳泥者曰淳泥江。在東北岸者曰慶那伯當岡。此北般鳥薩巴之河。在西北岸者曰沙拉窪克。此西般鳥沙拉窪之河。在南岸者曰班熱馬生。此馬神之河。曰達亞哥。此戴燕之河。在西岸者曰馬當。曰邦的亞那。在東岸者曰哥的。曰巴昔爾。皆河之大者也。天氣漸熱。不能養人。瀕海寒暑表二十七度至三十二度。法國表度

初二日記

婆羅洲在唐曰婆羅。唐書南蠻傳在宋曰勃泥。宋史外國傳雖據

出使日記續刻

卷三

宋傳經樓校本

全島而言。其實古婆羅國。卽今埔尼國。外國史略祇有北岸之地。古大今削。固尙存也。在明日婆羅。曰淳泥。不知其爲島之北境一國。曰文郎馬神。卽今班熱馬生。製造局圖則在島之南境。洋文譯音則稱般鳥。或稱慕娘。土人自稱蟠尼阿。蓋皆婆羅勃泥一聲之轉耳。自唐迄明。土番分部而治。或奉佛教。或奉回教。其大者朝貢中國。明正德十六年。葡萄牙人墨瓦蠟始至淳泥。後西班牙人亦至焉。然未據其地也。萬曆三十七年。荷蘭始至西岸。由是而南而東。或踞其土。或奪其權。浸削浸滅。瀕海之地皆爲所有。昔日諸部土酋。今皆歸荷蘭保護。道光二十六

年。遂定爲荷蘭屬部。今所稱東西南般鳥皆是也。嶺之北岸。則東爲薩巴。今屬英。卽所稱北般鳥。西爲沙拉窪。克。今屬英。亦稱西般鳥。其中埔尼國卽古淳泥。已歸英保護。爲屬部焉。內地多戴燕人。沿海多巫來由人。華人則處處有之。凡開礦經商種植諸事。皆賴以辦。亦已漸入漸深。然島中大半榛莽未盡闢也。

初四日記

去年美國編造丁冊。民間產業共值洋銀六萬二千五百兆員。此合十三兆戶之民生計言之也。內十三萬五千戶。每戶每年有利十八萬六千員。又教會中人四百

出使日記續刻

卷三

宋傳經樓校本

戶。每戶每年除動用外。淨存餘利五十萬員。又八千戶。每戶每歲有二萬五千員。又十萬戶。每戶每歲有十萬員。其合每年一千四百兆員。可知美境民產之富。淳泥國或作埔尼。亦稱文萊。通中國最早。全島亦蒙是名。城在赤道北四度四分。京師西一度三十分。倫敦東一五十分唐之婆羅。宋之淳泥。世居於此。號爲大國。至明則東奪於蘇祿。西侵於荷蘭。近日東西兩境皆屬英國。益復不振。城瀕淳泥江。江寬二啟羅。適當兩岸。有小河穿城而過。此城當明嘉靖間。居民約十六萬人。今祇有一萬人矣。

初五日記

薩巴即英之北般鳥譯音即勿里勿在婆羅洲東北自赤道北三度五十二分古拉山起至七度二分三十秒柔邦忙休角止京師西一度八分至東二度四十六分止共得七萬八千九百四十八畝羅邁當方里疆域之廣過於錫蘭居民踰二十萬其地斗出海口踞全島形勢西界淳泥南界荷蘭屬部西北瀕中國海東北瀕蘇祿海及曼陀羅海昔時薩巴之地分屬蘇祿淳泥乾隆二十七年英人始至其地同治年間英商丁地始租地為公司光緒三年復租其北三省之地於淳泥王歲給出使日記續刻卷三

洋銀一萬五千員未幾與領事復將所轄之地售與丁地遂號為北般鳥公司全有薩巴之地時光緒七年也於是稟請英廷保護開埠通商派官監理分為九省即以管理之人名之曰阿爾哥克曰嘎力夫曰丁地曰答烏魯斯曰哀勒非斯多納曰幾貝爾曰麻爾丹曰美居術日設一總督統轄之本地餉項即由地稅人稅煙酒稅抽收進口貨如米穀布匹機器銅鐵器煤油鴉片各種酒及水之屬出口貨如屋料船料諸木沙藤樹膠騰黃胡椒雪茄煙燕窩淡菜之屬開礦淘金獲利已多光緒十四年進口貨值洋銀一百三十萬員出口貨值五

十二萬員稅餉贏餘四十萬員礦產有石煤金沙已由華人設立公司開采又有銅鐵錫礦有金剛鑽水銀有鹽泉有鐵木楠木湖腦冰片山打根城為北般鳥之都會瀕海依山英人所新建也在赤道北五度五十分二十二秒京師東一度三十九分貿易種植權利俱屬之華人士番有戴燕人武喫人種類不一而巫來由人為最多

初六日記

王夔石制軍來信云滇省西南邊防以騰越龍陵為門戶騰越龍陵又以緬甸為藩籬自英人襲緬藩籬撤而

出使日記續刻卷三

望 傳經樓校本

門戶寒矣新街本即蠻暮舊土司之地乾隆間曾頒給宣撫司印至今尚存騰越廳庫自騰赴緬路凡九條皆總匯於新街故新街為騰越之鎖鑰曾惠敏欲索回此地誠為卓見然新街據大金沙江上游猶長江之有武漢且自緬都赴孟供玉石廠必出此道乃咽喉形勝之地英人未必肯還也老八募俗稱蠻弄即野人山之西口山中現有一軍以保護商駝為名時至其地惟野人山縣互南北自大路九條外小徑叢出議者頗病其防不勝防如能收回老八募邊防亦屬有益至揮人乃緬屬通稱其實中國之耿馬車里孟連等土司外不

華不緬之野人亦正不少大約以狉狉葫蘆國為最著  
在順甯思茅普洱以外居潞江瀾滄江之間潞江以東  
歸我一說亦祇能就永昌所屬之孟定土司以南而言  
若孟定以北則龍陵騰越兩廳已在潞西矣目下英雖  
派員查勘而尚未駐兵南掌本入貢之國與普洱為鄰  
何時屬於暹羅尚未考究得實也

初七日記

散維齒羣島亦稱山域治埃蘭山域治蓋散維齒之轉  
音埃蘭譯即羣島製造局圖作散泰西謂檀香為散維  
齒此島產檀香甚多因以得名或稱哈歪伊羣島志略  
出使日記續刻

卷三

望 傳經樓校本

希在北太平洋之中自赤道北十九度起至二十二度  
十九分止京師東八十三度十一分起至八十八度四  
十三分止由東南而西北錯列斜上凡十三島一作十  
而有居民者僅八島以夏威夷即哈為最大以阿亞湖  
一作湖為最要其會城王居及通商口岸曰賀挪魯魯  
老漢拿即在瓦湖島中其介乎夏威夷瓦湖之間者曰  
麻維毛一作伊曰麻拉開一作摩曰賴恩拿一作拉曰開特  
老一作略呼拉威在瓦湖西北者曰高哀一作曰納訶共六千  
五百八十七英方里乾隆間英人可克始行船至此每  
島各有土酋不相統屬土番共有四十萬人後傳教者

踵至嘉慶末建耶穌教堂道光二十四年羣島合為一  
國以賀挪魯魯為都城其酋為其主自歐美人來者日  
多而土酋衰滅日甚咸豐後華人又廣至光緒十四年  
總册羣島居民共八萬六千六百餘人內華人二萬二  
千九百九十七歐美人一萬九千六百餘較之二十五  
年前華民多至二十倍而土民祇有昔日十分之一土  
田肥沃氣候溫和寒暑表自六十度至八十八度英國  
洋海微風間以小雨足以養人高原產麥最佳低地產  
棉花桑蔗煙葉甘薯大芋椰子加非山中旃檀極繁因  
砍伐太甚今漸稀少畜多綿羊亦有牛馬豬雞西距香

出使日記續刻

望 傳經樓校本

港五千二百八十里東距舊金山二千一百二十海  
里師船表遵數理精藉推得一海里為中國三里又一  
去年檀香山稽查戶口土人共三萬一千五百有奇  
野人六千哈歪伊人而為外國父母所產者七千五百  
美人二千德人二千英人二千葡人九千華人一萬  
五千日人一萬三千別國人一千三百

初八日記

近年檀香山國歲入稅餉約英金五十七萬二千五百  
鎊歲出經費八十七萬八千八百鎊國債五十一萬九  
千九百鎊進口貨值英金一百零八萬七千七百餘鎊



出口貨值二百八十萬七千七百餘鎊。夏威仁島蓋火山土石迸聚而成。其山峰之高。火燄之奇。為地球之冠。今向出火者。其山曰麻拿洛哀。曰啟老伊。光緒七年。火山崩裂。煙燄冒出。灰水橫飛。幾滿歐羅城。城瀕東海岸登啟老伊火山觀之。深壑下俯。烈燄上騰。積火成湖。蔽日燭夜。亦大洋海獨絕之景也。

初十日記

恭逢

皇后千秋節。謹率參隨等員望

闕叩頭遙賀。倫敦新報。葡萄牙有售出屬地之議。已

出使日記續刻

卷三

傳經樓校本

派員到倫敦與英廷商辦。其所欲賣之地曰吉尼。即志略之畿內亞。阿非利加西土也。赤道之下。物產蕃衍而甚酷熱。英法皆有屬地。葡僅一隅耳。曰威達。製造局圖作懷塔。即畿內亞之一地。東界英屬。西界德屬。曰卡本達。局圖作喀班塔。在阿洲東土之南。畿內亞公額河北。蓋河南葡人擬兩大部。名載志略。河北最爾士。不相聯屬。故葡人欲割棄之。曰摩山比克。即志略之莫三鼻給。壤地絕大。北界德屬之桑給巴耳。新屬於英者也。南界英屬之好望角。東部隔海大島。即法屬馬達加斯也。而莫三鼻給海道。尤為南北阿洲必經之路。英若不取。德

法必取之。現議以英金千二百萬鎊購之。曰諦模。即志略之胎墨爾。在南洋各島中。澳大利亞洲北。葡得東半。荷蘭得西半。曰澳門。本中國屬地。而葡人租之者也。大約葡賣屬地。阿洲小部二大部一。南洋則兩小部。然澳門雖小。在中國視之。則關繫絕大。且本中國之地。葡人擅欲賣之。尤為無理。亦與近訂條約相背。已飭駐英馬參贊探聽實情。以便與葡人理論。

十一日記

佛家論宇宙為地水風火四大合成。西人論地球之質。則曰土水氣火。土即地也。氣即風也。而洪範所列之五

出使日記續刻

卷三

傳經樓校本

行。則又有金木而無風。夫金木不過土中所生之二物。洵不足與土水火相配。竊謂洪範之五行。祇就民生日用所最切者言之。是論其用而非論其體也。若論其體。則但云土水風火。而金木自包括在內矣。西士嘗論太空中地球。其始或由日中流出餘火。或係彗星所存之火。旋轉空中。終古不熄。互數百千萬年。而火外漸生皮殼。包火在內。愈長愈厚。遂成堅石。久之而石在太空。不能不積受寒溼之氣。而其內又極熱。於是寒熱相搏。燥溼相乘。而石之上有泥。有沙。有砂子。三者生焉。久之而積泥稍厚。不能不生草木。草木腐爛。復為泥土。積土益

厚大地遂成於是石之凸出者爲山土之凹陷者爲川蓋土之含孕既厚未嘗不積收太空中互數百千萬年之溼氣在內而又與空中之溼氣相感故能呼吸流通其由沙土中噴涌而上出者爲泉其由太空中凝潤而下降者爲雨皆水氣也地心之火終古不熄外與太陽之火空中之火相吸引其發而爲聲則爲雷激而爲光則爲電而鑽木擊石無不有火則地球之上無處無火氣也風則流行於空中所以攝此地球而不墜而水火之氣亦未嘗不借風氣以運之蓋自土水風火咸備而植物生又久之而化生溼生之物生蟲魚是也又久之而卵生之羽族生又久之而胎生之毛族生最後人類蕃育而地球於是乎大成

出使日記續刻卷三

吳傳經樓校本

十四日記

中國之在理教盛於直隸及東三省教有首領每年一會大較以不飲酒不吸煙不服豔服爲教規入教者皆秘密異常夫不告之妻父不傳之子至於喇嘛僧分爲紅黃二教聞有妖術能以咒語生死人然亦無目睹者白蓮教盛於昔日明季徐鴻儒之亂嘉慶間川楚教匪之變皆白蓮教也今則死灰不復燃矣此外邪教有所謂織國教者當誦經之日不作粥飯惟製極大糞團羣

捧而噉之有所謂果子教者教中人納錢於教首示期擺齋咸集齋堂喃喃宣梵嘔饑則啖果子若獼猴然竟日水米不得沾唇夜分始散有所謂大被教者其首每年二次巡行各村聚入教者於一室製成大被長短廣狹恰與室符夜集被中默念南無阿彌陀佛然深自掩飾惟自稱喫素人亦能爲人超薦陰魂解禳星宿始而鄉曲顛愚信奉之凡遇喪病延之諷經禮懺且誣僧道爲不虔繼而士大夫亦有崇之者而大被之教遂密布南方各州縣中矣

十五日記

出使日記續刻卷三

吳傳經樓校本

總理衙門函稱熱河朝陽教匪或曰在理教京津營口黨羽實繁而萌蘗在津此輩以勸人戒煙酒爲名入教者吸其茶膏雖老癮而七日可斷每年銷售茶膏不少其煎熬茶膏向在口外蒙古草地既配他藥亦挹草露所以吸者有效而其煎熬既多蒙古人漸以爲厭彼教未必肯如民人租種蒙古地畝之例主客之間遂成嫌隙西教天主堂之在口外者建昌縣之三十家子地方華教士林道源爲最悍在理之徒自樹一幟兩教相輕憎怨日積又值熱河春旱夏潦收成甚歉在理教匪乘馬賊出沒之時託言與蒙古及天主教爲仇揭竿爲亂

始而放罕貝子被戕府第被燬繼而三十家子教堂被燬林道源被殺支解其尸懸首樹上又殺教民百十家分股燔燬平泉州教堂教士先遁獲免關內永平遷安各教堂亦均與在理教挾恨飛電北洋設法保護矣

十六日記

有論中國物產甚富宜設製造學堂以教學生而謀富強收回洋商所奪之利者此固探源之論不如此不足敵其腴削也英國商務最精最廣所屬如印度澳大利亞加那大皆土沃產豐而少工作英乃興其藝術自機器行而成物愈多愈精如洋布呢羽鐘表五金器皿及

出使日記續刻

卷三

吳 傳經樓校本

玻璃油皂針鈕一切日用之物販運出口所製洋布其棉花皆購自美國所織之布皆能仿效華製而花樣牌號時時翻新洋傘以鋼製鋼骨牙柄者為上每柄須洋銀五六員或十餘員中國到處通行或用為送禮之物洋燈以瓷罩保險燈為上價視尋常洋燈數倍今中國務本之道約有數端一廣種植以興農利肥田之料須本西人格致之學不特振興桑茶已也一精製造以興工利如有能製新奇使用之物給予憑單優予賞賜准獨享利息若干年不許他人仿製而又酌其資本代定價值一廣開采以裕民用倘可肥田金可範器疏可製

藥煤可養火均相地開采加以鎔鍊更設鐵路散運各處豈非收回利權之要道邪

十七日記

凡人之心虛靈不昧非若肝脾肺腎之僅各司一職故能用心者可至於聖不能用心者可至於狂誠以人之靈明多在一心其所以能思慮能記憶者皆心也此中國數千年來相傳之訓也近古以來亦有驗得悟性在心記性在腦者乾隆年間齊次風侍郎博學多識十三經二十四史幾於背誦如流後因翻車傾跌腦漿迸流高宗使名醫治之補以牛腦雖完復如舊從此健忘過

出使日記續刻

卷三

吳 傳經樓校本

於常人經史及壹切典故無復記憶於是記性在腦之說乃益審矣泰西醫書及格致諸書咸謂人之記性悟性皆在腦余每晤西士詰以人之記性悟性在腦有何證據西士云人死之後每稱其腦凡其人生平愈睿智者則腦愈重焉愈愚蠢者則腦愈輕焉試之百而無一或爽又徵之於物牛雖大於猴然猴靈而牛蠢者以牛腦質輕於猴也兔雖大於鼠然鼠黠而兔憨者以鼠腦稍重於兔也亦試之百而無一或爽至心之為用不過能由大小血管送血以通於腦以充於周身而身之百體活焉而腦之精氣足焉精氣既足而腦之思慮自益

鏡記憶自益率。或有思過度。以致血管迸裂者。則心血不能送入於腦。大抵血管盡裂。則其人立死。或裂其半。往往有中風不語。偏癱不仁諸症。稍久亦終致不治。其有調養得宜。使血管絕而復續者。不過十之一二耳。西士之說大旨如此。果若所言。是心不過頑然一物。雖與腦有相為維繫之用。而其不獲自擅。思慮記憶之能。可知似與中國千古聖賢之說相背。然人雖終日思慮。記憶其妙用。究竟在腦與否。在心與否。人亦不能自知也。余既不能實指腦之能。思慮記憶以證西說之確。亦不能實指心之能。思慮記憶以辯西說之誣。祇有暫置

出使日記續刻

卷三

辛 傳經樓校本

不論而已。西士又言人之神明在腦。人死則腦腐。腦腐則冥漠而無知。漸滅而無存矣。是中國之所謂鬼神。外洋之所謂靈魂。實皆無有也。余詰以鬼神靈魂。既皆無有。何以耶穌有天堂地獄之說。西士默然不能對。

十八日記

昨接總理衙門十五日電云。疆撫電坎巨提頭目報稱。英兵犯坎。於上年十二月初二日。在卡外戰。據云英欲坎修路。不允起釁。續又電英兵與那格爾部戰。又與坎戰。十一月二十八等日。坎部頭目男婦五百餘人。逃至塔敦巴什卡外。查上年七月。尊處篠電。英外部謂克什

彌爾築礮台。近坎境。非侵坎。今則明是侵坎。請即詢詰外部。因何開釁。邊備交兵。先行電覆。余以英兵之駐緬者。屢逾野人山。窺伺滇邊土司。又通匪濟械之梅生。判罰太輕。兩事須與英外部爭論。今坎事又棘。乃於本日十一點半鐘。望緜譯武弁各一人。由巴黎啟行。赴喀雷海日渡海。至都甫口。以晚八點鐘抵倫敦使館。海中風浪甚大。余亦為之嘔吐。頗覺疲憊。然巴黎倫敦同日得雪。疫氣當漸息矣。七月前疫氣最盛。倫敦每七日死

十九日記

申刻率參贊馬格理赴外部。晤首相兼外部尚書侯爵。出使日記續刻

卷三

辛 傳經樓校本

沙力斯伯里侍郎山特生及印度部侍郎一人。議論兩點鐘之久。坎巨提事。沙侯云。英廷萬無欲礙中國權利之意。亦決不阻坎之進貢於中國。但修路所以防俄。乃欲罷不能之事。坎曾出而攔阻。咎由自取。理所難宥。余與往復理論。乃云。印度總督初議欲立坎西之子。未知究竟如何。允發函電與印督妥商。滇緬邊界事。據云華爾身任滿將。回秋間擬調歐格訥任之。與中國商議分界之事。余答以駐緬之英兵。方出入滇邊。致土司諸屬地騷擾不安。恐即啟釁。不及待到分界。沙侯允電致駐緬大員。屬令小心。勿生事端。梅生判罪事。則山特生言

之似有不肯加重之意。余擬俟其回文到時再行文與之辯駁。因先將坎事致電總理衙門云。咸電詰外部。據云英兵修路通至礮臺。坎酋合那格爾攔阻。英兵攻之。坎酋出奔。揚言借俄兵恢復。印督以坎酋弑父虐民不能還。議立其子。尙未定。鈞署再向華使堅持。或辦到。

二十日記

新疆沿邊一帶界俄之外。又與各回部毗連。其附屬中國歲納貢金者。惟坎巨提一回部。坎巨提一名提羅每領賞大綬。光緒十四年。據該頭目稟稱英屬溫都斯坦所屬之音底部。率眾入坎。欲奪其喀普駱駝地方。經邀同

出使日記續刻 卷三

至 傳經樓校本

納噶爾即那格爾併力拒戰。擒獲多名。而英公使華爾身照會。則稱並非音底部攻坎。實係坎酋糾同納噶爾頭目直入印度所屬之克什彌爾。攻撲喀普駱駝礮臺。逐去戍卒。該礮臺在克什彌爾境內。先於光緒二年被坎人逐去戍卒。仍前進攻。即被擊卻。坎巨提久屬克什彌爾。膽敢肆行滋擾。印度總督必不容其倖免等語。十七年。疆撫文稱英兵移駐奇里陸地方。距坎部僅四十里。並運有大礮。欲在彼修城。英人志在開通新疆西南一帶道路。以分俄人之勢。或欲借端併坎。自在意中。

二十一日記

西人謂一星即一地球。殆經千百年才智之士測量推算。而始有此論。與我中國舊說迥殊。余無以斷其說之或確或否。茲姑述西士所言。而參以余之臆見。更爲推而演之。擴而大之。夫星之布於太空者。無窮也。而日之陽力。足以引之。日之懸於太空者。亦無窮也。而太空之無外。無不容之。吾人目力之所能見。祇此一日。而不知日力之所不及者。尙不可以數計也。一日之力。能統攝羣星。星之質有大於吾地球十倍百倍千倍者。亦有小於吾地球十分百分千分者。惟日之大小亦然。日愈大。則所攝之星愈多。此固必然之理。日之爲體。似係純火。

出使日記續刻 卷三

至 傳經樓校本

互古不熄。人不能測其所以然。而太空中之彗星行星。常有被吸入日者。彗星亦純火也。行星即地球也。議者以爲日之得此。猶火之添薪焉。昔釋迦牟尼與諸弟子說法。因云我與汝一說法之頃。不知多少世界成。多少世界毀。夫佛氏所謂一世界。即一地球也。地球之成。余前已言之。地球之毀。厥有數端。其最甚者。莫如被日吸入。或爲彗星之芒所觸。則立成灰燼。無復留遺。又或行失躔次。兩球相碰。其摩戛之力。足令全地生火。則人物銷滅。而球亦隕墜於無何有之鄉。然雖歷千萬年之流移。隕墜而太空之中。莫不有日。有星。雖不爲此日所吸。

引而他日之力又足引之。浸假而生水土。浸假而生人物。而地球又成。又或因地中之火迸裂。以至飛隕。再閱千萬年而地球又成。又或因地中之火漸寒。不生人物。雖流轉於太空之中。必閱千萬年後。別遇生火之道。始能復生人物。又或行失軌道。爲日所不照。而人物自息。必待千萬年後。再受日照。而人物復生。是故有以一地球而屢毀屢成者。有以一地球裂爲數地球者。有以小地球合於大地球者。有地球屢到將毀未毀之時。積久乃復成者。夫天漢大矣。實係眾星叢積而成。因其離吾地過遠。故其光在明昧之間。可見吾人目力所能見者。

出使日記續刻

卷三

書傳經樓校本

地球殆如恆河沙數。余嘗盛夏露坐納涼。雖不過數刻。而天上常見流星。亦有空中有聲。光態如巨燈。良久乃沒者。斯殆地球相碰。或迸裂所流之火。佛氏說法之言。於茲益信。然並非毀球之易。乃益見地球之多。且吾所見空中之光。未必全球俱毀。亦有地球一處炸裂。飛騰太虛。而全球實未壞者。其火或飛到吾地。則凝而爲石。人乃謂之隕星。然其流轉空中。如彈丸。如車輪。終古不消者。斯亦一最小之地球。但氣力太薄。則人物不生。偶行近吾地。則翕附於吾地。人見以爲隕墜。實則爲吾地之力所吸耳。或曰地球可毀之道。如此其多。然則吾

輩所履之地。豈不危哉。余應之曰。吾地之在太空。殆不  
僅如滄海之一粟。則所謂或碰或裂。或日吸或彗觸者。  
並無數萬萬分之一。蓋行星被吸入日。西士亦不過設  
爲此說。尙非實有所見。且空中諸地球。吾不遑論。但言  
吾地。吾地所行之躔度。推步者能知大略。斷無日吹彗  
觸之虞。大抵地球所慮。以地中火熄。或日光不照爲較  
多。然就吾地而論。亦總在數萬年數十萬年之後矣。況  
此係大數。雖造物者亦無如何也。又奚待乎子之杞杞  
人之憂。

二十二日記

出使日記續刻

卷三

書傳經樓校本

天圓而地方。天動而地靜。此中國聖人之舊說也。今自  
西人入中國。而人始知地球之圓。凡乘輪舟浮海。不滿  
七十日。即可繞地球一周。其形之圓。也不待言矣。若天  
之全體。則星也。日也。布滿於太空之中。太空無外。空之  
又空。至於不可終窮。殆不能以方圓言矣。西人又創地  
動日不動之說。以爲地球繞日而行。每日運轉一周。積  
年而繞日一周。而日則終古不動。其證據確鑿。亦足自  
暢其說。然則與吾聖人所謂天圓地方。天動地靜者。不  
大相刺謬乎。余謂西人所測方圓動靜。言其形也。聖人  
所論方圓動靜。言其道也。夫陰陽始終。寒暑往來。循環

無端豈非天道圓乎。華岱江河各有定位。不能移易。豈非地道方乎。圓之故由於動。夫日雖不動。而二十八宿之燦布於太空者。不能謂之不動也。且地繞日而行。安知非即日之擊地以行人。既在地。不能復測日之所以動。然西人以遠鏡窺太陽。見而有黑點。時時移動。故知日亦能自轉也。自轉則動也。方之故由於靜。鎮之以山而不重。流之以川而不洩。皆靜也。譬如大舟行海。舟中之窗戶几席。雖與舟俱動。而在舟中未嘗不靜。聖人在地言地。則謂之靜而已矣。或曰中庸有言。夫婦之愚。可以與知焉。及其至也。雖聖人亦有所不知焉。夫婦之不自可以能行焉。及其至也。雖聖人亦有所不能焉。地球之圓。豈非今之夫婦所知。而古之聖人所不知乎。環遊地球一周。豈非今之夫婦所能。而古之聖人所不能乎。應之曰。古之聖人不能環遊地球。審矣。若謂不知地球之圓。則未必然。但未到其時。聖人不肯顯言。未涉其境。聖人不必贅言耳。坎巨提即西域水道記及新疆識略之所謂乾竺特。胡文忠公一統輿地圖之所謂喀楚特。洪文卿侍郎中俄交界圖之所謂棍維。其實一地也。不過譯音之互轉耳。坎巨提同部轄眾八千人。那格爾同部轄眾約萬人。

出使日記續刻 卷三

美傳經樓校本

二十三日記

克什米爾。五印度極北大部也。與格拉伯新格接壤。近年歸英保護。在京師西經三十六度四十八分。即英京十九度至四十二度五十八分。即英京東經七十三度三十分。赤道北緯三十二度十七分至三十六度十五分。全境居伊瑪拉雅山平地。東界西藏。西名別倍脫南界俾及拔。即本若印西界俾及拔與阿富汗。北界克拉考崙模山。其發脈今圖魯穆嶺。方二萬五千英里。居民前有七十五萬。厥後地震饑疫。今僅存二十萬。其地南分兩省。一名克什米爾。一名拉達克。跨伊瑪拉雅山兩旁。內分五小部。曰克什米爾。曰薄爾的。曰及模。曰克許塔華。曰拉達克。四面皆山川原中。啟印度河諸水經焉。境內峰巒層疊。皆伊瑪拉雅山脈。高者距海面萬五千尺以上。東境最高之峰一萬七千八百三十九尺。山道十二。經歲冰雪無阻者。四道而已。有俾及爾山石。作灰及鐵黑色。有五金之礦。全境水利。哲拉穆江為大。入印江有三水注之。地既高寒。終歲飛雪。山地饒沃。物產米為大宗。有大小麥珍珠米。瓜果蔬菜。蓮藕。菸葉。棉花。油紙。印度麻布之屬。而蜂蜜尤佳。土人偉軀有力。婦女美容。善製絨巾。販西藏羊毛織之。運至外國最珍貴。數年前出口。歲約三十萬。

出使日記續刻 卷三

美傳經樓校本

鎊今已稍減。因麥赫拉社仿造也。餘如皮料馬鞍料紙。劄玫瑰花油刀件玻璃器寶石皆為出口之物。民多回教。千五百八十六年全部為挨開拔王攻取。乾隆十七年屬阿富汗。嘉慶二十四年屬錫克斯。道光二十五年為仔及拔之麥赫拉社大會管轄。其冬錫克斯攻英邊境大敗。英遂進據拉花挨地。於是割皮斯陰杜斯兩地。及克什米爾全部以抵所償兵費。而印屬格拉伯新格之北境遂擴。然地雖屬英。民事皆歸自主。和約內英許彼此保護。以禦外侮。近數年內。聞克什米爾回王為英所廢。別立一王。則克部自主之權恐亦漸削矣。昨余

出使日記續刻

卷三

英傳經樓校本

論天地方圓之理。尚有應補之義。乃前人所未詳者。夫地球滾滾日夜旋轉於太空之中。故無不圓之體。即日也月也。及諸行星也。其理皆如是也。地球既圓。而地面所發輕清之氣。積之既厚。遂為蒼蒼之正色。人之視之作大圓形。若近若遠。而不知所止極。則指而謂之天。今人乘輕氣球者。逾四十里則不能復上。蓋其氣愈輕則愈淡矣。以理度之。設令再上越數百里。或數千里。漸輕漸淡。以至於無。恐并蒼蒼者亦不可見矣。蓋蒼蒼之氣為地所發。包裹於圓球之外。故仍作大圓形。人一刻離天氣則死。猶魚之不能離水。人日在天中而不自知。且

又不知天之實與吾地球相依附也。若夫日也星也月也。則皆在吾地球數十萬里。數百千萬里之外矣。人因隔氣以望之。疑其在蒼蒼者之中。而不知迥在蒼蒼者之外。昔人謂自地以上皆天也。此言最為名通切實。蓋地上輕清之氣。固謂之天。太空之悠渺。亦謂之天。即燦布太空中之日月星。皆謂之天。斯足括一大之義矣。余嘗見舟人以篙點水。暈而成紋。無不圓者。盆水起沓。無不圓者。又見人繫繩於竿。繫物於繩。而急旋之。無不作圓勢者。此無他。他依天地自然之形也。又嘗觀人之首與夫目之睛。耳鼻之孔。無非圓者。草木之枝幹。無非圓者。

出使日記續刻

卷三

英傳經樓校本

此無他。得天地自然之氣也。是故論其道則天圓而地方。論其形則地圓而天亦圓。惟太空則無可名焉。

二十四日記

緬北野人山地。在厄勒瓦諦江以東者四分之一。與雲南接壤。除八募一處外。其餘野人山地。距赤道北二十四度以上。在厄勒瓦諦江以西者四分之三。距赤道北二十四度二十五分以上。中英如將野人山地對分。似可以適中之地。距北京西五十度三十八分為界。即英界六十五度。如以厄勒瓦諦江為界。中國少得地南北六百聖。東西二百里。又江源尚難確據。細流改道。亦所時有。



可用人力指東說西後必多事不如以經緯度立界為

委美國北界除太湖外皆以緯度為憑舊說謂天有九重最近者日月

輪天曰水星天曰金星天曰日輪天曰火星天曰歲星

天曰填星天曰二十八宿天最遠者曰宗動天宗動天

已為人之目力所不到之界故不能見其星是人力所

能窺測者僅八重耳惟金木水火土五星皆繞日而行

地球亦繞日而行而月又繞地球而行是此七重天者

實一重也再合之地球則八重而為一重又火木二星

相距軌道之閒有十四小行星為一重又填星之上有

天王大星為一重再上海王大星為一重是十一重而

為一重矣其餘繞吾日之諸小星為遠鏡所不能見者

當尚不可勝計也若夫二十八宿諸星離地已甚遠因

其光甚大故吾地之人能見之西人謂之定星實皆日

也日之旁亦有行星有月西人用遠鏡測之雖能窺見

一二然恐其不能測者尚多是知此一重天所占空界

甚遠其或以一重天而分為數重或十數重固理之必

然者也然則舊說所謂九重天者質言之則為八重宗夫

動統言之不過兩重而已矣觀吾日所居之一重天內

如水星直徑長九千里離日有一萬萬里金星直徑二

萬三千一百里離日有二萬萬里其他諸星相距之遠

出使日記續刻 卷三

空 傳經樓校本

大抵類此夫以九千里及二萬三千里之直徑而位置

於一萬萬里虛空之中宜其升降上下無所阻礙即使

有不能窺見之小星繞於其旁必有互相維繫互相吸

引之理斯所以能終古不離不忒不碰不隕也吾又嘗

以理度之凡吾地之上下四旁可見之星有十餘重可

見之日有兩重則推之至宗動天之中並出乎宗動天

之外其虛空之界無終極也虛空之中有日有星亦無

終極也竊謂有日有星之天雖擴之千重萬重萬萬重

而莫能窮其究竟也是以聖人存而不論也 接總理

衙門二十二日來電云疆撫電英令那格爾與坎修道

出使日記續刻 卷三

空 傳經樓校本

通帕米爾坎那合兵拒英不勝英遂據那坎逃眾已至

塞勒庫爾坎酋欲奔俄請援被英防阻查坎入貢中國

已久該酋即有不是英應與我會商豈宜徑自加兵且

謀廢立上年俄兵入帕本署電知竹使告俄外部即允

撤兵並告該督以後勿令弁兵越界今英侵坎勢將及

帕俄人豈肯甘休希向外部辯論英如佔坎俄必佔帕

我無詞拒之應即速電印督阻止其兵勿待俄人有詞

也申刻余率參贊往晤沙侯照總署意致詰約議論一

刻返署即復總署電云外部似疑我置帕度外乃先動

手告以在帕立界牌修壕台派兵巡歷彼欣然稱立電

印督安商回覆又云我受坎貢甚微無管轄權實非屬國合先聲明復與力辯彼始無言

二十五日記

帕米爾居中亞細亞之中為全地球最高處其平原之高計萬三千英尺東接天山南接伊瑪拉雅及興都哥士山過脈之嶺南距平地四千至五千尺最高峰離海面二萬五千五百尺兩山毘連處多深谷故名曰帕米爾西界陡下即圖爾齊斯坦一作土耳及斯登沙地又作薩爾斯丹也全境勢如建瓴天氣寒暑皆酷并多大雪及大風雪扣歇石之地入夏為羊牧場販者麇集地名稱著買克

出使日記續刻

卷三

奎傳經樓校本

二十六日記

余昨擴天有九重之舊說以為天實不止萬萬重其說似奇而創然中庸已先我言之矣中庸言地日及其廣厚言山日及其廣大言水日及其不測獨言天則日斯昭昭之多及其無窮也日月星辰繫焉萬物覆焉夫日無窮則雖擴之萬萬重而莫能窮其究竟也余之前說不過無窮兩字之注脚也余又曾論日月星相繞相吸

之理則一繫字之注脚也至余所論諸星位置於虛空之中升降上下無所阻礙所以能終古不碰不隕則又為道並行而不相悖一句之注脚焉夫然後知聖人雖有所不論而一字一句義蘊宏深實已無所不該余又讀聲名洋溢中國一節舟車所至人力所通天之所覆地之所載日月所照霜露所隊凡有血氣者莫不尊親故曰配天始確然知後之聖人必有統壹五大洲之一日而孔子之道亦必徧行於五大洲為所尊親無疑也抑余又在外洋閱歷二年深有味於論語子張問行一章忠信篤敬蠻貊可行實為顛撲不破之道嗚呼聖人

出使日記續刻

卷三

奎傳經樓校本

之言何其神也 帕米爾在中國之喀什噶爾俄國之圖爾齊斯坦及布哈爾興都哥士喀喇闊魯穆之間一在東面係高阜之地一在西面係多山之地自赤道北三十六度四十五分起至三十九度四十五分止京師西四十度五十三分起至四十七度零八分止東面之地有七萬法方里居民二萬戶西面之地有八萬法方里居民五十萬戶其中北面有喀爾提錦達爾瓦斯南面有羅善什克南巴達克善諸小部落有山地方則為草地帕米爾蓋兩帕米爾地處高山之中北有天山南有喀喇闊魯穆山西有中亞細亞大嶺又通至伊瑪拉

雅山即雪東有崑崙山。又通至喀什噶爾山。雖高地諸小部自古未有著名大國。然唐貞觀中元奘法師求經西域時。帕米爾已有什克南及羅善等國。此自主高地諸小部。周圍有大國環之。如浩罕布哈爾阿富汗喀什噶爾。皆是因之達爾瓦斯。屬於浩罕。哈薩爾屬於布哈爾。瓦罕羅善什克南屬於阿富汗。而喀什噶爾為中國所得。浩罕布哈爾為俄所得。今帕米爾遂成中俄阿富汗平分之地。中國有塔哩穆江岸及塞勒庫爾高阜一帶。俄有阿來嶺及哈爾果什高阜一帶。蓋帕米爾高阜地方。除為俄所據外。皆屬中國也。什克南達爾瓦斯各

出使日記續刻

卷三

奎傳經樓校本

土番稱其頭目曰伯克。樹土為城。駐兵其中。土番納稅受役。維謹例貢於伯克者。有雞羊呢衣木鞋盤鏟油麵之屬。及鐵五斤。

二十七日記

或戲問於余曰。洋人創造火輪舟車及電綫。巧奪天工。遂能將五大洲聯而為一。自明以前。華人豈知歐美諸洲。尚有絕大世界乎。今人於地球已能徧歷矣。然智巧日生。器用日精。即如輕氣球之屬。尚可開拓。其用漸臻。美備。意者數千年後。必有窮極造化之妙。為人思慮所不到者乎。如謂行星即一地球。究竟與吾地相離過遠。

人力所不能達。惟月輪距地最近。意者吾地之人。必有到月輪中通商之一日乎。余曰。西人所恃以奪天工者。多藉水火風電之力。若太空之中。則水火風雷俱無矣。惟日星之光。或尚可借而用之。然吾恐光之為力。不如水火風電之力之大也。且西人嘗乘輕氣球矣。四十里以上。則鼻中出血。漸致暈絕。蓋人不能一刻離氣以生。去地稍遠。則地上所浮清氣。漸輕漸淡。以至於無也。月輪離地雖近。尚有六十九萬四千餘里之遙。人安能飛度此六十九萬餘里無氣之界乎。是故謂地球之上。將來尚可尋得巨島。實在人意料之中。謂月輪中可以通

出使日記續刻

卷三

奎傳經樓校本

商。則吾不敢知。福州茶務向來最旺。十年前茶葉販運英國者。值英金七十一兆鎊。去年僅值十九兆鎊。

二十九日記

余觀西洋人議論及其律例。大抵最重姦盜拐騙之罪。凡犯此者。雖平日密友。皆絕不與往來。恐被流也。而懲治之法。雖不抵死。亦必與以終身監禁。苦工之罰。蓋猶中國所謂私罪也。至於隱圖弑逆篡奪。或謀為君主。或要結眾心。謀為大伯理。墮天德。雖未成發覺。亦祇驅之禁之而已。不甚予以重辟。而輿論非惟不貶絕之。轉有欽佩其為英雄者。蓋猶中國所謂公罪也。夫大逆不道。

不能不重其辟者。所以定一尊而禁邪謀也。故勝則爲王。敗則爲寇。古今通義。今西人則於其敗者。並不指爲寇焉。人孰不思僥倖以希神器哉。卽如法前兵部尙書布朗熱謀爲法國君主事敗出奔。而法人之諷思者至今未衰。並不斥其覬覦之罪。歐美諸國若此類者。不勝枚舉。此不知春秋大義之故也。臺北暖暖地方新得金礦。礦沙四五十里。無不出金。淘沙者日三千餘人。晨往夜返。有人購金沙數十兩。黑沙數兩。化分攷驗。大約純金得十之八。一分半爲純銀。硫質炭質五六釐耳。黑沙則純金可得十之三四。惟化煉稍難。

出使日記續刻 卷三

李傳經樓校本

二月庚寅朔記

韃爾斯丹之地。在伊瑪拉雅與興都哥士兩山相接處。克什米爾巴勒特斯坦志略作巴勒提之西。阿富汗之北。興都哥士山之東之南。地圖或稱爲暖甫利斯坦。皆韃爾斯丹人居之。其地亦名巴勒提。亦名小西藏。自東而西。有四百啟羅邁當。其東西及中間一帶。自幾勒幾山谷起。至身壽江止。已入克什米爾。其餘各地尙稱自主。號爲亞什斯坦。北南而分爲小部落。或爲小民政國。各有酋長。那裏爾。韃爾斯丹村也。在雅辛東南。幾勒幾河左支。棍雜河或名那右岸。塞勒庫爾。一作藤雷爾勒。

中國圖爾齊斯丹之地。爲帕米爾長形高岸處。在赤道北三十六度四十五分。至三十九度三十分。南北長三百六十啟羅邁當。東西寬二十至五十啟羅邁當。會城曰塔什庫爾。譯言石山也。城內居民一萬七千五百人。其餘散居村莊。地爲邊境孔道。居民波斯種較多。雖屬中國管轄。然不過撫摩而已。

初五日記

中國上古之聖人不可攷矣。其可攷者。伏犧神農黃帝少皞顓頊帝嚳堯舜禹湯文武周公孔子。皆聖人也。而舉陶稷契伯益伊尹傳說召公太公顏曾思孟。亦聖人之亞也。宋之周二程張朱五子。亦未必非聖人之亞也。是中國五六千年以來。可稱大聖人者十四。稍亞於聖人者十七。其大較也。而伯夷柳下惠之聖。尙不計焉。歐洲各國自耶穌未生以前。則奉摩西爲聖人。耶穌之後。則但知有耶穌而已。其說以爲後之聖人。較前之聖人尤精尤備。則前之聖人可勿道也。至如耶穌之弟子。曰彼德曰保羅者。西人亦以聖呼之。然不過因稱誦耶穌而兼及之。西人之敬耶穌如天。殆有統於一尊之意。今耶穌之教。盛於歐美兩洲。而亞洲阿洲亦頗行之。生耶穌之前者。則有釋迦牟尼之教。近尙盛於亞洲。生耶穌

出使日記續刻 卷三

李傳經樓校本

之後者。則有謨罕默德之教。今行於歐亞阿三洲。此三人者。皆中國以外之聖人也。若論其所行之地之廣遠。則耶穌之教為最。回教次之。佛教又次之。余於此三教。未暇攷其深淺。然如謨罕默德者。不過以市僧而兼姦雄耳。稱說天神以愚弄其徒。不服其教者。則興兵以擊之。其所以得尊為聖人者。大都恃智力以取之。非真聖也。余姑就彼教之所謂聖者。則聖之而已矣。雖然。釋迦牟尼生於印度。耶穌生於猶太。謨罕默德生於阿喇伯。皆在亞細亞洲境內。而歐美諸洲從古無一聖人焉。意者其人之生性。長於形而下之器。究不長於形而上之道歟。抑天地清淑靈秀之氣。鍾於亞洲。故篤生中國諸聖人之外。復以其餘力。啟彼所謂三聖人者歟。而耶穌之庇蔭。泰西尤宏矣。今俄國及美洲之北冰海所出。獺皮甚多。獺在層冰之下。捕魚為食。然不能吸受天氣。捕獺者鑿冰為洞。獺遊行其下。甚覺舒暢。漸至洞口。吸冰外之空氣。人伏伺於洞邊。見獺則以鐵叉取之。百無一失。然後知所謂南北冰海者。皆不過結冰於上面。而下至水底。則仍有溫氣。故可不凍也。但地愈寒。則凜烈之氣愈盛。斯結冰愈厚耳。

初六日記

出使日記續刻 卷三

宋 傳經樓校本

余於初三日接總署電。謂坎酋即有罪。能從寬不廢。最善。必不得已而立其子。亦須疆撫派員到坎。與英會辦等語。即遣馬格理往告外部。外部既聞此說。大不謂然。謂光緒十四年華使照會總署。早已聲明坎事。當時並未駁回。中國向不替坎事。今忽欲干與。已未免多走一步。旋聞印度總督回電。已到。願存坎而立其子。外部亦不來告。及往詢則云。因有續議。難送回音。大有并翻前議意。今日余往晤沙侯。索印督回音。沙侯仍偽云。未到。於是與之辯論。磋商約五刻之久。始允仍商印督立坎酋之子。由中國派員赴坎。會同英員選立。後不援以為例。前輩論洋務者。每謂美國自守一洲。並無蠶食鄰封之意。其人亦和平公正。願親中國。可以結為強援。有非之者。曰。彼既但知自守。雖於中國初無惡意。又惡能為我援哉。此說是矣。余謂驅逐華民之事。他國之人所顧忌。公法而不敢為者。美人獨悍然為之。澳洲之人始出而繼之。雖曰埃利士人之意。然行其一切新法者。美之政府也。大抵民主之國。政柄在貧賤之愚民。而為之君若相者。轉不能不順適其意。以求媚。夫至可憑者。民情也。所謂天視自我民視。天聽自我民聽也。至無定者。亦民情也。彼其人。雜言靡識。卑量隘。鼓其一往之氣。何

出使日記續刻 卷三

宋 傳經樓校本

所不至是以不能無待於道之齊之也。美國之政惟民是主其法雖公而其弊亦有不勝枚舉者。即如他國公使。很復固多有之。而美之前使西華獨以驢貨著名。每受商民之賂。屢與總理衙門饒舌。甚有駛兵船以肆挾制者。余在浙海關道任內。惟美領事司提文動多挾制。意在助商人以訛索。徐詢其故。則因彼國家給俸過輕。不能不事搜羅也。客歲教案。惟英法兩國教堂多遭焚燬。而美教士之受損者無聞焉。乃彼不惟不自慙其前此迫逐華民之舉動。轉有派兵船責問之說。然則謂美國之可親者。其義果安在哉。夫然後知數十年前。美與中國交涉之情形。或不至如英法之構怨。若至今日而謂美可恃為援者。皆耳食之談也。皮相之識也。

出使日記續刻 卷三

主 傳經樓校本

初七日記

袁爽秋來信云。俄使喀希尼照會。引雍正五年俄使薩瓦在太和殿觀見故事。稱欲在宮內首殿觀見遞國書。李梅亦云然而旨意已定在北海之承光殿。屆期李梅稱病。函請改日。喀使則照稱外部令其照成案。託總理衙門代遞國書。現已函致許竹簣星。

使詢商俄外部矣。

初八日記

十一點鐘。率繙譯武弁等坐汽車。於一點鐘抵都甫海口。登舟渡海。二點二刻抵喀雷海口。登岸。復坐汽車。於七點二刻抵巴黎。換馬車。八點鐘抵使館。是日海中風靜波平。天日晴麗。惟值兩次降雪之後。寒氣侵人。英士有核計地球人數者。亞細亞東方教人共八萬七千四百萬人。回回教一萬七千三百萬人。猶太教八百萬人。天主教一萬九千五百萬人。希臘教八千五百萬人。耶穌教一萬三千五百萬人。全地球統共有十四萬七千萬人。

出使日記續刻 卷三

主 傳經樓校本

初九日記

余因坎巨提事致電總理衙門云。磋商數日。彼慮我會辦。堅前議。現與言派員會立其子。顯兩屬明證。彼允商印督。稱回音難速。或囑華使要求他事。現宜堅拒。爭讓邊及梅生事。如華使探問。請答以交敵處辦理。禁軍火當照商展限。法有事暫回法。近十年來。英國每年所用之費。酒一萬三千六百萬鎊。麪包七千萬鎊。牛奶油牛奶餅三千五百萬鎊。牛乳三千萬鎊。糖二千五百萬鎊。茶葉加非等二千萬鎊。房租七千萬鎊。田地租六

千萬鎊絨貨四千六百萬鎊。棉花貨一千四百萬鎊。學堂費一千一百萬鎊。竹布貨六百萬鎊。行教費一百零五萬鎊。

十一日記

緬甸海口有三埠。曰暮爾。緬即馬爾。曰德瓦。一名曰丹。老本暹羅濱。以漾貢握其總。核計海口華商約二萬四。五千人。巨商則多於粵。至沿江各埠。生涯全屬滇人。計輪船停泊。裝卸貨客之大埠二十三。小埠二十九。而滇商之眾。首數阿瓦。約萬二千人。次則新街。猛琪。不下五千。其餘各數十百人。至行商貨駝。年常二三萬。秋出。

出使日記續刻 卷三

圭 傳經樓校本

春歸。緬之藪澤利源。多在土夷土司境內。該境兩倍腹地。自東北而西南。共分九十九司。其境廣民殷。以省賦為第一。然江東慕乃錫卜。似即魯澤穩祚摩谷勒洽。澤抓南坎九司。亦為富庶衝要之地。省賦即木邦也。緬人改易其名。猶猛密改為摩媒。新街改為八募也。木邦蠻暮猛琪。同為內屬之三司。書志可攷。

十三日記

自普法戰後。法人始知白鴿傳書之妙用。足補電綫所不逮。國中礮壘。無不參鴿。講求教道馴熟之法。今就通國計之。約有馴鴿十萬頭。巴黎約有八千頭。其奇之籠。

中而待訓練者約一萬頭。近又知燕子能認故巢。亦將練為有事之用。法國人特司保尼者。陸盤克地方人也。曾將教練之燕子。由法京縱之而歸。竟能至於其家。雖路隔一百四十英里不誤也。與鴿並飛。又能略速。是燕優於鴿矣。法人欲得暹羅魯萬弗來拔地方。今法兵已將踞之矣。法兵之在越南暹羅交界者。又時越界以與暹人為難。魯萬弗來拔。在瀾滄江之東。地名而亦省名也。亥正率慶壽堂吳挹青王省三應法總統之請。東赴王宮觀跳舞會。子初返館。

十四日記

出使日記續刻 卷三

圭 傳經樓校本

英與荷蘭所議。婆羅洲島分地之事。今已定約。畫押其地。自極西至英京。以東經度一百十七度。又自北緯四度。二十分而至海。復經雪拔的克一島之北。皆屬於英。餘仍屬於荷蘭。此英荷中分婆羅洲地之始也。英國阿爾蘭人。七十年前戶口居英三分之一。乃去年丁冊。僅居英國戶口八分之一。蓋以輕去其鄉。出洋謀生者之多也。

十五日誌

古巴一島。自明宏治四年。義大利人之仕於西班牙。曰可崙波者。即可崙。航海覓而得之。移民設官。遂為藩屬。

其地南近赤道與臺灣相準而幅員三倍於臺灣分爲六省土客居民合計一百四十餘萬人設總督一員巡撫六員提督一員領兵二萬七千義勇六萬六千物產以蔗糖菸葉爲大宗合之五金木料藥材每年出口貨約值銀九千萬員而出入貨稅收至五千餘萬員從前西班牙視爲外府取其羨餘以贈國用近來用人多弊商務漸衰所入僅收所出自道光季年華民聞古巴易於謀生陸續前往截至同治十二年止來古巴者共計十四萬三千有奇光緒六年查辦以後華人始知古巴官吏之苛虐裹足不前今虐政雖革華人僅有四萬餘

出使日記續刻

卷三

書傳經樓校本

名爲商者百之一其餘盡屬傭工古巴西偏夏灣拿省康熙三年法人破之乾隆二十六年英人踞之乃割北省亞羅列打以賂英始罷兵而去同治六年土人以稅重起兵與防軍血戰不勝而罷

十七日記

西人之以姓氏行猶華人之以姓名並行余既誌之矣乃中西之俗又有不同者中俗以直斥其名爲賤簡之意西俗非尊而敬之則不呼其名凡尋常之人祇有姓氏卽或有名而人亦未必知惟曾封五等之爵及賜寶星者始以其名冠於姓上一國之人有尊之之意始兼

呼其名姓尤尊之者乃置其姓而獨稱其名至於用其名以名其子孫名其鳥獸名其器具而敬愛之意乃愈摯矣故西人有以父母之名名其子孫者人卽謂之孝於父母以其不忘父母也卽如英國今之君主名維多利亞雖未必卽係其幼時之名大約介於名與號之間英人或以名其舟車名其狗馬名其廠棧名其山澤而其國家功令非但不以爲禁且轉表其有尊君親上之志焉此殆與周人諱名之訓相反雖有殷人尙質之意然而近於野矣

十八日記

出使日記續刻

卷三

書傳經樓校本

泰西諸大國自俄羅斯而外無不有議院實沿羅馬之遺制也其所出來數千年矣議院者所以通君民之情也凡議政事以協民心爲本大約下議院之權與上議院相維制上下議院之權與君權相維制英國有公保兩黨公黨退則保黨之魁起爲宰相保黨退則公黨之魁起爲宰相兩黨互爲進退而國政張弛之道以成然其人性情稍靜其議論亦較持平所以兩黨攻訐傾軋之風尙不甚熾而任事者亦稍能久於其位法國有左右中三黨而三黨之中所分小黨甚多又有君黨民黨之別其人皆自氣好爭往往鬪然不靖凡宰相所



行之政議院中是之者少非之者多則宰相必自告退宰相退而其所舉之各部大臣莫不告退由伯理璽天德另舉一人為宰相其被舉者必先自審其黨友之中可為各部尚書者若干人若尚闕而不備則必力辭不敢居位而伯理璽天德又別舉焉法自庚午年改易民政二十二年之中已易相二十七次其人雖多喜事而強橫之勢稍遜於前者亦實由此夫宰相不能行其意則告退頗有不得其職則去之意一相退則眾大臣牽連而退一相進則眾大臣彙茹而進亦稍有中國古風然一國中之有才德聲望眾所願推為宰相者不過數人可屈指而計既進不難驟退既退亦常復進即如法之現任兵部大臣弗來西尼已三為宰相五掌兵部矣

出使日記續刻

卷三

美 傳經樓校本

十九日記

中國有惜字會大抵始於學士文人其說以為文字者聖賢之精神造化之機緘而一切立德立功立言之秘要賴之以傳者也敬之惜之罔敢棄也罔敢棄也此風不知始於何時大約一二千年以來相承久矣無論智愚賢否貴賤皆知存此心偶有不知此義而穢襲字紙者則鬼神罰之雷霆殛之雖半山因果家附會之談然亦有威靈顯著為眾人之耳目所共聞見者矣泰西之

俗則不然嘗見有身坐車中閱新聞紙隨閱隨棄任其拋擲於溝渠汗穢之中不問也或指洗器物皆用字紙男女如廁無不攜新聞紙為拭糞之具雖西人皆知敬畏上帝從無以穢褻字紙而受罰於上帝之說豈解行之體不如蟲書鳥篆之根源字母所拼不如會意象形之體製乎然其為道術所寓學問所寄政教號令所繫事物記載所關則一也余謂惜與不惜存乎人心中國風氣人人皆知惜之則天地鬼神亦從而惜之偶有一二不知惜者造物亦得致罰於一二人以儆其餘若外洋則本無此風人人皆不知惜而天地鬼神之威亦有所窮則聽之而已矣然中西風氣必有大同之一日則惜字一會亦必由東而西其在數百年之後乎

出使日記續刻

卷三

美 傳經樓校本

二十日記

泰西風俗無男女之別余意其自古以來相沿久矣而正不然聞三四百年以前法國某王始改婦女之禮其用意專以謀致富強為主而歐洲諸國從而效之者也古者歐洲婦女守禮之嚴大旨亦與中國相似男女不同席而坐不共几而食恪循閨訓不出戶庭法王思致富強之術莫先於人民之繁庶繁庶不可驟幾也則莫如化婦女之無用為有用欲求婦女之可用則莫如略

其禮法去其防閑於是殺然以改俗變禮爲務其初不得不用非常之勸懲驅迫於無形之中厥後風氣寢成而婦女之爲用果不異於男子用之戰守則男子荷戈婦女饋餉矣用之學問則男子精銳婦女沈靜矣於是通國之中向之有十萬人者不啻驟得二十萬人向之有百萬人者不啻驟得二百萬人此由於地不甚廣民不甚眾而欲創霸國之雄圖不得已而出此也迨其計既行其效既著歐美諸洲各國無不效之今各國之人視爲當然漸忘其所以然且有見中國之禮而笑之者矣俄羅斯在西洋之中風氣較晚其改婦女之禮始於

出使日記續刻

卷三

老傅經樓校本

彼得羅皇帝亦已二百年矣西俗謙會則男女雜坐行步則男女攜手俄之婦女初有不願者至殺數人而其風始漸開然至今俄國皇宮茶會男女猶分列左右兩行非若他國之男女雜選則較之諸國猶稍存古意焉

### 二十一日記

阿根廷國卽志略之拉巴拉他巴他我拿在南亞美利加之南境拉巴拉他者阿根廷之大江又爲不宜諾塞利都城之首府阿根廷今爲合眾國幅員多未開之土共得一百十二萬五千八十六英方里明嘉靖間西班牙人開爲屬土全境舊爲秘魯之一隅嘉慶十五年

國人自建政府有自主心道光四年竟爲自主西班牙亦無如之何同治年間合巴西與巴拉圭戰不勝然自是堅忍圖治百廢具舉國勢蒸蒸日上爲南美洲之最荒土日闢國政一仿美國製造工作極力講求境內多沃壤分十四省人口光緒二年爲二百九十四萬二千有奇國債英金四十二兆五十萬鎊進款光緒十三年英金九兆七十萬鎊出款九兆四十七萬五千鎊電綫一萬五千英里有奇鐵路三千三百五十英里有奇口岸沿江者曰洛撒里約特曰三達非曰哥連德曰巴拉那沿海者曰勃黑阿勃蘭略曰愛散那大爲最著都城

出使日記續刻

卷三

老傅經樓校本

不宜諾塞利建於拉巴拉他江口爲絕大海埠氣象闊闊民多天主教而他教亦不禁

### 二十四日記

巴拉圭民主國在南亞美利加腹地國以巴拉圭江得名江流自北而南分全境爲二稱曰東西巴拉圭東巴拉圭爲巴拉圭正界在赤道南二十二度至二十七度二十分京師西一百七十度二十九分至一百七十五度九分幅員得九萬九千英方里與巴西阿根廷二國爲鄰西巴拉圭居不耳考美看里約內締洛二江口之間西與玻利非亞接壤幅員約得十四萬二千英方里

巴拉圭於明嘉靖年間。西班牙闢為屬土。為秘魯之一省。

本朝嘉慶十五年。南美洲各國皆叛。西班牙改為自主。巴拉圭亦成自主國。同治四年至九年。與巴西阿根廷。烏拉乖構兵。不勝。乃議和。戶口耗去十分之八。人數僅有二十二萬一千。國債英金四百七十萬四千餘鎊。鐵路尚不甚多。物產則巴拉圭茶銷售甚繁。又多印度麥米。加非。橘。菸。蔗。靛。青。藥材。蜂蜜。蠟。染。絳。之蟲。近來商務蒸蒸日上。出口貨值英金五十九萬七千餘鎊。進口貨值三十四萬四千餘鎊。國家歲入款八十二萬四千

出使日記續刻 卷三

全傳經樓校本

餘鎊。出款約如之。教務以天主教為大宗。

二十五日記

湖北江夏縣之馬鞍山煤礦。自辛卯夏開採以來。出煤極旺。大冶縣之界山。出煤亦佳。又興仁港地方煤苗頗旺。現正開挖。用泰西機器鑿孔之法。做井字架掘採。而下。工省利倍。各礦煤炭質極佳。可供輪舟生火之用。官設礦局。委員監銷。無論紳商。准自集資本採販。去臘帆橋絡繹。運出之煤。數百萬石。載往湖南。江皖銷售。黃石港下游。道士洲。設有官局。監督銷售。以兼顧運出長江之總口。黃石港內。數十里。某山銅苗極佳。富池口有銀

山者。苗亦甚旺。均議籌款採鍊。去年英國各口岸與東方互市之數。由英運華花紗。比上年約少一百五十萬磅。疋頭約少三千六百萬碼。惟羽毛織造之物。比上年略增。錫及鐵路等料。亦遠遜於前。華茶運英。以銀數計。比前年約少四十萬磅。華糖停止運英。已兩年矣。

二十七日記

泰西各國專設郵政大臣。歲俸至少亦英金一千五百鎊。其下有文案記錄官。有專司收發員。弁。中國總稅務司赫德。曾於海關創為郵局。寄送各處信件。一例洋碼五分。僅寄本處。概取二分。英國郵局章程。有散封。有

出使日記續刻 卷三

全傳經樓校本

密封。密封者。要信文件是也。每重一兩。寄費約洋一分。五釐。散封者。書籍日報是也。每重一兩。約洋五六釐。皆須豫購信牌。華人謂之人頭。西人譯稱憑印紙。粘貼其上。如信費一分者。則粘一分信牌。由此加多。如有重價要件。匯單銀票。當向郵局掛號。多出掛號之費。取回收。到執照。謂之保險。但保險之價。不得逾百鎊之數。

二十八日記

墨西哥為北美洲最南之國。係聯邦民主。合小邦二十七。總部一。屬部二。而成一國。南北袤二千英里。東西廣自一千英里至一百二十英里。國在美州為最古。關於

李唐之世其民勤能任事學藝皆精明正德間西班牙取爲屬地礦產甚富西人驅土人採之而坐收其利道光元年始逐西人爲民主國幅員之廣幾等於英法德奧及馬加五國通國計七十五萬一千二百六十九英方里人民十一兆四十八萬七千二百十

二十九日記

墨西哥境內大半高原最高之嶺皆高於海面一萬數千英尺諸火山皆已熄滅國中礦產甚富開採最早銀礦所獲尤豐自前明嘉靖至今日所鑄金洋員一百十四兆三十八萬有奇銀洋員三千一百五兆九十七萬

出使日記續刻

卷三

全傳經樓校本

有奇。國中有鐵路五千五百英里。大半爲英商公司建造。國債有英金十兆五十萬鎊。每歲進口貨值洋銀四十四兆五十萬員。出口貨值六十兆十五萬餘員。各類礦質出口數。歲計洋銀三十八兆七十八萬餘員。國政大致同米利堅。伯理璽天德。一人四年一舉。歲入之款約英金四兆九十六萬餘鎊。歲出五兆八十七萬餘鎊。通國電綫三萬二千四百英里。德律風綫四千三百英里。民間多奉天主教。而境內絕少教堂。耶穌教亦興盛。又有墨西哥新教。其源蓋出於耶穌教云。

出使日記續刻卷三終